

DEC. I
lib. 1-4



Mag. Lib. Div.

393543 III

Handwritten text at the top of the page, possibly a title or header, including the word "Index" and some numbers.

50f 3

152
4

N

N
PR
DE
IM
JU
M
PL
OM
VIR

OR
ED

Hi

OP
AN
ANT
PRA
SP

MISCELLANEA
HISTORICA
REGNI
BOHEMIÆ
DECADIS I.
LIBER IV.
HAGIOGRAPHICUS,

S E U

BOHEMIA
SANCTA,

Continens

SANCTOS ET BEATOS

BOHEMIÆ, MORAVIÆ, SILESIÆ, LUSATIÆ,

Tam eos,

QUI PUBLICIS FASTIS, AUT IPSO IMMORABILIS TEMPORIS DECURSU
IN CENSUM DIVORUM VENERUNT;

Quàm eos,

QUI LICET HOC TITULO CAREANT,

Aut

MORTE OB CHRISTI FIDEM FORTITER TOLERATÄ,

Aut

INNOCENTIÄ VITAE IN ANTIQUITATE CLARUERUNT,

Aut

Ä SCRIPTORIBUS IDONEIS VIRTUTUM & SANCTIMONIAE MERITO COMMENDANTUR.

AUTHORE

BOHUSLAO BALBINO, E SOCIETATE JESU.

Adjecta est in fine CORONIS,


Complectens eorum Nomina è Societate Nostra, qui in
his regionibus ultro sese obsequio Peste infectorum devoverunt, & in hoc heroicæ

Charitatis obsequio gloriosè occubuerunt.

CUM FACULTATE SUPERIORUM.

PRAGÆ: Typis Georgij Czernoch, An. 1682.







L Audemus Viros Gloriosos, & Parentes nostros in generatione sua &c.
Homines divites in virtute, pulchritudinis studium habentes pacificantes in
domibus suis. Omnes isti in generationibus GENTIS SUÆ gloriam
adepti sunt, & in diebus suis habentur in laudibus. Qui de illis nati sunt
reliquerunt nomen narrandi laudes eorum; & sunt quorum non est me-
moriam, &c. Ex Capite 44. Ecclesiastici.

Ὡς τε καὶ ἐπὶ τινὶ τρόπῳ καὶ λόγῳ, καὶ εἰς τοὺς ζώντων ἱστορίαν κληθήσεται, καὶ σάλπιγγι
περιτρεφὸς τὰ γραφόμενα, τὸς παλαιὰ περὶ νεώτας ἐκ τῶν σημάτων ἐξανίσταται, καὶ ὡς ὅτι πᾶσι τοῖς
βελομένοις, Id est:

Quamobrem secundum quendam tropum, & loquendi modum, Hi-
storia Liber viventium appellabitur, & Descriptiones, circumquaque personan-
Tuba, quæ dudum mortuos è sepulchris excitat, & sub aspectum ponit
volentibus. Nicetas Choniates Præfat. in suam Histor:



BIBLIOTHECA
VNI. MAGELL.
CRACOVENSIS

REVERENDISSIMO

^{A C}
CELSISSIMO

PRINCIPI

DOMINO DOMINO

IOANNI

FRIDERICO

DEI ET APOSTOLICÆ SEDIS GRATIA

ARCHIEPISCOPO

PRAGENSIS,

LEGATO NATO, S.R.I. PRINCIPI, REGNI BOHEMIÆ

PRIMATI,

ACRI MILITARIS ORDINIS CRUCIGERORUM CUM RUBEA STELLA PER
BOHEMIAM, MORAVIAM, SILESIAM, & POLONIAM

GENERALI AC MAGNO

MAGISTRO,

NEC NON

UNIVERSITATIS CAROLO-FERDINANDÆ PRAGENSIS PERPETUO

CANCELLARIO,

DOMINO BENIGNISSIMO

VITAM & FELICITATEM.



librum Hagiographicum, Sanctorum, &
Beatorum totius REGNI BOHEMIÆ gesta,
breviter, & summatim describentem,
sub Tutela, & præsidio, Nominis Tui,
CELSISSIMÆ PRINCEPS, in publi-
cum emitto. Apparebit exinde, ut spe-

ro, nunquam Bohemiæ nostræ, cælum desuper sicut ferrum, & terram aneam (a)

** 2

fuisse,

(a) Levit. 26. 19,



fuisse, sed coelo gratias coelestes ubertim rorante, terrā
avidè occurrente, & recipiente, copiosa Sanctimoniae
femina, ad nos coelo cecidisse, & (b) terrā nostrā dedisse fructum suum.
At enim, quis illas fruges in vitam aeternam surgentes plantavit?
quis floribus illis mite coelum aperuit? quis illos aqua celestis
rivus in Bohemiam deduxit? plantarunt, coluerunt (saepe etiam sudori-
bus suis) irrigarunt Sanctissimi Antistites, Antecessores Tui
CELSISSIME PRINCEPS, ut alios taceam, Ditmari, Adal-
berti, Theadagi, Severi, Andreae, Arnesti, Joannes &c. (c) quorum dignitas, etiam
(ut de se humillimè loquitur S. Leo Papa) in indigno herede non
deficit. Est profectò, est sua in Ecclesijs Catholicorum,
quasi hæreditaria successio, ubi uno (ramo) avulso, non deficit alter
aureus, nascuntur pro Patribus filij, (d) mox Patres futuri; (e) & sicut homi-
num genus homines, sic animarum genus sunt virtutes, ait D. Ambrosius. Per-
sarum antiquorum hac in re consuetudo multum laudatur;
quòd absente, aut etiam mortuo Rege, thronum Regalem trans-
euntes (f) adorare sint soliti; hoc & ego exemplo, non mo-
dò Te **CELSISSIME & REVERENDISSIME PRIN-
CEPS**, sed ipsam Cathedram Metropolitanam Tuam, à tot Sanctissi-
mis Præsulibus inessam, Munere isto à me recens con-
scripto, quod ad Te unicè pertinet, deveneror. Leges
in hoc Quarto Libro Antecessores Tuos, vicienis plures, qui jam coelo
recepti in Te nobis vivunt; Leges in Libro Quinto Altarium
in Parochialibus Ecclesijs Erectiones & Foundationes ab omni Bohemia
Nobilitate profectas & perfectas; Leges in Sexto Libro Literas
publicas Pontificum, Caesarum, Regum, ac Principum, ad Ecclesiam Tuam spe-
ctantes; Leges Titulos Tuos: Legati nati, Primatis Regni, Principis
Imperij, ac Ducis, explicatos; Leges Successiones Antistitum, ut prudenti Ju-
dicio neminem alium, quàm Te **REVERENDISSIME
& CELSISSIME PRINCEPS**, cogitare potuerim, cui
hosce TRES MISCELLANEORUM LIBROS inscriberem; qui


(b) Ps. 66. 7. (c) S. Leo Serm. 2. in Anniver. Assumpt. suae. (d) Ps. 44. (e) S. Ambrosii l. de Noë & Arca C. 4.

(f) Brisson. de Regno Persar.



potius accusari potuerim, si Te neglexissem: Nam, cum
causa omnes ecclesiasticæ Archidiceseos Tuæ, ad Te in prima instantia deferan-
tur, (g) si ego per saltum ignorantia, quod Tui Juris est, ad alium
transferre tentâssem, profectò LIBER hic meus omnium
sententijs repudiatus, in ærarios referri, & ad piper, & cu-
cullos damnari meritò debuisset; Audire itaque mihi vi-
debar solemem illam in sacris veterum Christianorum vo-
cem, Ministris clamantibus: *Sancta Sanctis!* (h) Hactenus
Causa publicæ, quæ me in dedicando præsentì opere CELSITU-
DINEM TUAM respicere coëgerunt; quid si privata conse-
cter, & ILLUSTRISSIMÆ TUÆ DOMÛS, & à Te in me collata
pridem beneficia (quorum aliquod extare, & à me profi-
cisci oportuit documentum) comemorem? ab ipsa in-
fantia Vester sum, cum à fortissimo Heroë & postea Du-
ce, ex gloriosa gente Vestra, in ulnis gestatus, aquâ sanctificante
in Baptismo ablutus, in vitam æternam, & sortem Filiorum DEI regene-
ratus sum. Tu quoq; meminisse potes, PRINCEPS
CELSISSIME, sine Te nullum quibusdam Meis ad lucē
libris aditum patuisse (*Libri enim quasi Liberi nostri sunt*) (i)
venerant filij ad partum, & non erat virtus parienti; Tuâ svavi operâ effe-
ctum esse gavissus sum, ut lucem aspicerent, ac nè durè in
humum caderent, feliciter, & dextre Tuâ PRINCEPS
HUMANITATE (k) sunt levati. Atque in hoc ipso Li-
bro magnum approbatōis Tuæ præjudicium CEL-
SISSIME PRINCEPS, jam nuper dedisti, LIBRUM
hunc nondum à Typographo manumissum, cum dulci
quodam arrisu, & lætis oculis percurrento, sacris Tuis
manibus tractare dignatus. Maçte hâc in bonas literas
humanitate Tuâ, PRINCEPS OPTIME! sic om-
nes humanitate facis Tuos, qui Te unquam novêre! Li-
bet hoc loco exclamare cum Sancto Synesio: ô Principes! ô
Dy-

(g) Goldast. l. 4. de Boh. C. 3. & 4. (h) Durant. de Ritib. Eccl. (i) Isaiæ 37. (k) Mart. Rous S. J. in libr. Singul.



Dynastæ! *Vestra ista humanitas, imò & humilitas Vestra, vos facit Excelsos!* (l) Vos si ire altiùs, & crescere innoxie, & sine invidia cupitis, gloriose decrescite! *Vestræ humanitatis depressio altitudinis Vestræ mensuram extendit! magnitudinis terminos dilatatis; dum etiam infima, & humilia,* (m) *Divinitatis imitatione respicitis, & favore Vestro sublevatis! quis Solem amaret? quis pro magno duceret? quis laudaret? si fursum tantum radios effunderet, terris aspectum negaret? perpetua illius umbra, potius gravis foret Mundo; at quòd humanissimè quotidie ad nos lucē projiciat, quòd omnibus sese commodum, & benignum ostendat, quòd Orbem universum assidue benefaciendo circumcurset, quòd naturam omnem exhilaret, quòd benignis influxibus, etiam inimis telluris recessibus aurum, gemmas, & pretiosa quæq; animare nunquam desinat, hoc uno Sol* (n) *est, hoc Mundi oculus, vas admirabile, opus Excelsi, Naturæ, & Cæli decus, caloris fons, splendor sine occasu, ignis inextinctus, Cæli peregrinus, horarum, & temporum divisor, & Mundi dimensor nominatur.* (o) Genuinus omnino, & gnifius Divinitatis character est benefica humanitas! Verissimè scñior Plinius: (p) *DEUS est: mortali juvare mortalem, & hac ad aeternam gloriam via! hâc Proceres iêre Romani, hâc nunc cælesti passu cum liberis suis vadit maximus omnis ævi Rector Vespasianus Augustus fessis rebus subveniens, &c.* Ad hoc exemplum, **PRINCEPS CELSISSIME**, quidquid in Clypeis Tuis lucet, ad publicam utilitatem Regum, & Regnorū videtur pertinere: **QUATUOR** (q) *Genilitij Inclytæ stirpis Tuæ LEONES, quatuor Virtutes Cardinales designant (virtutes unice publico bono necessarias) Aquila, quæ in medio scuti libratur, Regibus servit (quandoquidem* (r) *Consilijs Iovis intimæ sunt Aquilæ) Lineæ Austriacæ stirpis, tum alteræ illæ Archiepiscopales, nihil aliud denotant,* quàm

(l) S. Synes. l. de Regno ad Imp. Arcadium. (m) Ps. 197. (n) Eccl. 43. (o) Secundus Philosoph. (p) Plin. l. 2. hist. Nat. C. 8. (q) Pier. Hieroglyph. in Leone. (r) Pier. ibid. in Aquila. (s) Dan. 12.



quàm *Lineas cogitationum, & curarum Tuarum*, Ecclesiæ, Patriæ, Au-
triacæ Domui consecratas; *Stella rubea cum Cruce*, Hospitali-
tatem, *Stellam bonam* Favoris gratiosi, & victoriam *in hoc signo*
promittit, quod signum *Filij Hominis in Cælo parebit, & in perpetuas*
æternitates lucebit. (s) Atq; hîc ego cum æternitate finem
facio, & CELSITUDINEM TUAM tribus hisce
MISCELLANEORUM LIBRIS sanctè, & piè veneratus,
gram ipsam sacræ vestis Tuæ cum mille bonis precatio-
nibus, & votis deosculor.

Pragæ in Collegio ad S. Clementem
18. Augusti, A. dō 100 LXXXII.

Tuus

C E L S I S S I M E
E T
R E V E R E N D I S S I M E
P R I N C E P S.

Servus & Infimus Cliens

BOHUSLAUS BALBINUS è SOC: JESU.

PRÆFATIO AD LECTOREM.



Num mihi in principio hujus Operis admonendus es, Lector benevole quod mea & Tua plurimum interest, Te scire: mea, ne quid à me quod noli, expectes sed re cognita, benignè excuses; Tua, ne tibi non esse factum satis queraris, & in eo fastidio legendo perseveres. Sic igitur habeto: nunquam mihi venisse in mentem, omnia gesta eorum Divorum, quos hic nominabo, describere, & quidquid de ijs inveniri potuisset oratione & narratione complecti; excrevisset profecto presens Opus, & duo, aut tria ista volumina implevisset, si consilium hoc mihi placuisset; at quomodo hæc res in hac perisymonia temporis, senili ætati meæ jam ad metam properanti potuisset congruere? ego, quod est in veteri proverbio (a) (bos lassus fortius figit pedem) expressi: nam Divos, & Sanctimoniam inclitos Viros in hoc Regno nominare, deinde Chronologiam statuere, tandem præcipua tantum vitæ exempla, aut gesta adferre contentus, neglexi cetera, ac ijs, qui curis exsoluti tempore abundant, diffusiore stylo pertractanda reliqui, ut videlicet in hoc argumento, Si quis eadem fortè conari velit, haberet aliquid operis residui. Nihil ego dubito, exoriturum aliquem post me, qui singulari Volumine, prima, quæ ego hic duxi lineamenta, suis coloribus decenter adornet & ad perfectum adducat: adferet ille primum & ex intima Scriptorum antiquitate colliget singulorum ex Divis gesta illustrata à diversis Authoribus tradita, tum quidquid de ijs in Annalibus Nostriis legitur, congeret, denique hæc omnia Notis tam historicis, quam Chronologicis, illustrabit; obscura, aut dubia loca interpretabitur; si quæ vox barbara, aut in vulgus ignota occurrat, explanabit; ac fortè (si majora ipsi subsidia suppetant) Sanctorum & Beatorum Imagines, præponet, ut quod Raderus noster in Bavaria sanctæ Maximilianæ Dece sumtus suppeditante laudatissime præstitit, æquè laudabili conatu emuletur, Divosque sub aspectum collocet, ut Divorum sanctæ venustas, & scita Calcographorum, ut ita dicam, fila, legentes illiciant, & nostrorum minimam Pietatem ad imitationem excitulent. Posset etiam Ordo Mensium constitui, ut singulis Mensibus singuli aut plures Divi respondeant. Sed quid ego ista velut Dictator, præcipio? agant Posterì, quod sum cunctis in Sanctos Indigetes Nostros amor & veneratio dictaverit. Tu Benigne Lector boni laborem hunc meum celsule, & pro benevolentia, & facilitate Tua, si quid minus rectè dictum inveneris, excusa! nihil est ex omni parte beatum, neque ipsa de Beatis narratio. iniquus est, qui à mortali manu, & ab hominum (qui privilegium errandi habemus) angustis ingenijs, immortale aliquid, & quandam in verbis & sententijs divinitatem (cui nihil demi, nihil etiam addi possit) efflagitat! Mihi in hoc Opere pro omni gloria est, eritque: in hoc sancto labore (quod in Divis Patrijs apud nos, quod sciam, nemo tam copiosè, & cumulatè præstitit) non omnino indiligenter esse versatum. Horum sacrorum Nominum objectu, velut amuleto, & Ajacis Clypeo, si quis pergat laceffere, me tuebor! Satiùs multo facturi sumus omnes, si illud carpendi cacoëthes ad imitandas Divorum quos hic laudamus Virtutes, quàm ad carpenda Scriptorum vitia, acri studio traducere, & transferre conemur. Memorat Appianus (b) Scipionem Africanum: iudicio postulatam Romæ apud Cives suos, atq; ut putat (c) Plutarchum sine dubio condemnandum, cum ab eo defensionem legitimam expectarent delecti Iudices, pro omni responso huius orationem habuisse: hodie Quirites anniversarium est, quo Carthaginenses vici; itaque hinc in Capitolium (nam tempus est) ascendo sacrificatum; Vos qui Patriam amatis, sequimini! & Dijs gratias agite! Ira Populi universo, cum ipsis Iudicibus pudore victis, sequente, soli accusatores relictis sunt in foro. Si parva licet comminere magnis, idem mihi faciendum esse decrevi, si quis contra nitatur, & multa in hoc opere peccata accuset, Capitolium & Cælum, & in eo Divos ostendam, ad quos, ut Amicos DEI colendos, vertantur. Hæc Prologi Galeati instar sunt. Tu Lector benevole, de quo omnia mihi lata polliceor, Vale, & Fave!

(a) Hieron. in Epist. ad S. August. (b) Appian. in Syriacis. (c) Plutarch. in Moral. l. de laude sui.



LIBER IV.
MISCELLANEORUM
BOHEMIA
S A N C T A ;

P A R S P R I M A .

Adducuntur

S A N C T I E T B E A T I ,

2 v i

IN BOHEMIA, MORAVIA, SILESIA, LUSATIA

aliquando vixerunt,

Aut

Pro CHRISTI Nomine, ejusque sanctissima FIDE ab Ethnicis,
aut Hæreticis sunt perempti.

C A T A L O G U S

Sanctorum, & Beatorum Bohemiæ, Moraviæ, Silesiæ,
& Lusatiae, qui in hac Libri IV. Miscellaneorum Parte I. nominantur.

C L A S S I S - I .

*Sancti & Beati, quos Sedes Apostolica in Divorum numerum retulit, aut S. Sedis
permissione, ut Sancti & Beati coluntur.*

SS. C Yrillus & Methodius, §. I.
S. Iwanus Eremita Patronus Bo-
hemiae, §. II.

S. Ludmilla Martyr, Patrona Reg: Boh: §. VII.

S. Wenceslaus Bohemiarum Dux, Martyr, Patro-
nus Bohemiæ, §. VIII.

S. Vitus Martyr, Patronus Reg: Boh: §. X.


S. Sigismundus Martyr, Patronus Regni Boh:
§. XI.

S. Wolfgangus Ratisbonensis Episc: §. XII.

S. Adalbertus Pragensis Episcopus & Martyr,
Patr: Regni, §. XIV.

A

Quin-



Quinque SS. Martyres S. Adalberti fratres uterini, §. XV.

Quinque SS. Martyres S. Adalberti Fratres Ordinis, §. XVI.

S. Henricus Imperator, Boh: defensor. §. XIX.

S. Procopius Abbas, Bohemia Patr: §. XXI.

S. Norbertus Archiepiscopus Magdeburgensis, Patron: Boh: §. XXVI.

S. Leopoldus Austriae Marchio, §. XXVII.

SS. Angela, & Euphrasia Virgines, hac etiam Martyr, §. XXVIII.

S. Otto Bambergensis Episcopus, §. XXIX.

S. Hedwigis Dux Silesiae, §. XLII.

S. Agnes Ordinis S. Clarae, Regis filia, §. XLIV.

S. Elisabeth Vidua, Thuringiae Princeps, §. XLVII.

S. Hyacinthus Ord: Prædicar: §. XLVIII.

B. Capistranus Ord: Minor: §. CXII.

B. Jacobus de Marchia, Ord: Minor: §. CXIII.

S. Casimirus Wladislai Regis nostri Frater, §. CXV.



CLASSIS II.

Eorum, qui etsi à Sede Apostolica in Sanctorum vel Beatorum censum relati non sint, ad immemorabili tempore, ut Sancti vel Beati coluntur, vel ab idoneis Scriptoribus his titulis ornantur.

B. Borzivojus primus Boh. Dux Christian: §. III.
B. Wratisslaus Dux Bohemiae, B. Borzivojij Filius, §. IV.

B. Przebislawa S. Wenceslai Soror. §. V.

B. Podiwinus Aulae S. Wenceslai Praefect: §. IV.

B. Milada vel Maria Virgo Sanctimonialis prima Antistita ad S. Georgium Ord. S. Benedicti, §. XIII.

S. Gaudentius S. Adalberti Frater Archiepiscopus Gnesnensis, Ord. S. Benedicti, §. XVIII.

S. Guntherus Ord. S. Benedicti, §. XX.

S. Severus Pragensis Episcopus sextus, §. XXII.

B. Culmatius Eremita ad Monasterium Stockense in Boh. Guilielmita, §. XXIV.

B. Gerwicus Eremita ad Waldassium, §. XXV.

B. Henricus Zdik, Olomucensis Episcopus, Ord: Præmonstr: §. XXX.

B. Amabilia Vestalis, Ord: S. Benedicti Clatoviae, §. XXXI.

B. Elisabeth Wladislai I. Regis filia Ord: Præm: §. XXXII.

B. Brzetislaus Henricus Dux Bohemiae, Episcopus Pragensis, Ord: Præmonstr. §. XXXIII.

B. Adalbertus Wladislai II. Regis filius, Archiepiscopus Salisburgensis, Ord. Præm: §. XXXIV.

B. Agnes Ord. S. Benedicti & B. Hedwigis Ord. Præm: filia Regis, §. XXXV.

Agnetes duae Ord. Præmonstratensis in Parthenone Doxanensi, §. XXXVI.

B. Hroznata Ord. Præmonstratensis, Confessor & Martyr. §. XXXVII.

B. Woyslawa, Beatrix, Bohuslawa & Judith Ord. Præmonstrat: §. XXXVIII.

B. Andreas Episc: Pragensis. §. XXXIX.

Adela vel Abda Coniux Regis Ottogari, Ordinis Cisterciensis, §. XL.

B. Abdela vel Adela vel Abda Ottogari I. filia, Ord. Cisterciensis, §. XLI.

Henricus Probus Dux Silesiae, & B. Anna ejus Coniux. §. XLIII.

B. Castulus Praepositus Siloënsis, Ord: Præmonstr: §. XLV.

B. Gerlacus Abbas Milovicensis, Ordinis Præmonstr: §. XLVI.

B. Ceslaus Germanus S. Hiacynti Ord: Præmonstr: §. XLIX.

B. Henricus Moravus, & B. Hermannus Ordinis Præmonstr: §. L.

B. Bertholdus Ord. S. Francisci, §. LI.

B. Margareta Wladislai II. Filia, Ord. Præmonstr: §. LII.

B. Zdislawa Ord: Prædic: §. LIII.

B. Cunegundis Ord. S. Benedicti. §. LIV.

B. Euphemia Ordinis Prædicar: §. LV.

B. Conradus Ord: Prædicar: §. LVI.


B. Joannes Schwenckfeldius Ordinis Prædicar: §. LVII.

B. Arnestus Archiepiscopus Pragen: §. LVIII.

S. Joannes Nepomucenus, Canonicus Eccl. Prag: §. LIX. (§. CX)

S. Hieronymus Prag. Ord: Camaldulensium

B. Joannes à Misna Ord. Minor. §. CXVI.



CLASSIS III.

Eorum nomina, qui licet neque à Sede Apostolica Sancti vel Beati declarati sint, neque ut Sancti colantur, odio tamen Sanctæ fidei vel ab Ethnicis, vel ab hæreticis sunt interfecti.

Cæsi à Drahomira Christiani, potissimum Sacerdotes, §. VI.

Proflivus Apostolicus Sacerdos odio Religio-
nis necatus, §. XVII.

Sacerdotes Christiani à Judæis crudelissimè pe-
remti, §. XXIII.

Zbynko ab Hasenburg Archi: Prag. veneno ab
hæreticis sublati, §. LX.

Petrus Lazurus Abbas, quod thesauros Ecclesiæ
prodere nollet, occisus, §. LXI.

Plurimi Catholici ab hæreticis post An. 1420.
excarnificati, & occisi, §. LXII.

Undecim Viri Consulares Pragæ ob Catholi-
cam fidem necati ab hæreticis, §. LXIII.

Carthusiani Pragenses ab hæreticis injurijs affe-
cti, ad extremum peremti, §. LXIV.

Cænobia Prædicatorum Clatoviæ & Pisece
excisa omnibus interemtis, §. LXV.

Pragæ Cænobia pleraque excisa cum Religiosis
omnibus, §. LXVI.

Austa Sezymæ ob fidem Catholicam funditus
deleta, §. LXVII.

Plurima Cænobia Pragæ, alibique cum incolis
deleta, §. LXVIII.

Servitæ sexaginta quatuor Pragæ ab hæreticis
occisi, §. LXIX.

Tria rursus Cænobia Ord. S. Benedicti & Ci-
stercienſe duplex deletum, §. LXX.

Gredicenfē Cænobium Ord. Cisterc: & Brzew-
noviense Ord. S. Bened: exciditur, §. LXXI.

Jacobus Rector Universitatis Prag. & quatuor
Aulæ regienſes, hi injiciuntur in rogam, ille
in exilium deportatur, §. LXXII.

Plurimorum Monachorum & Sacerdotum cæ-
des à Zifka, §. LXXIII.

Prachaticium Urbs Catholica deletur, §.
LXXIV.

Spineæ Coronæ Cænobium Cister: vastatur oc-
cisi Monachis, Wodniani Sacerdotes ex-
uruntur, §. LXXV.

Cænobia in tractu Reginohradensi cum sa-
cris incolis flammis abolentur, §. LXXVI.

Plurima alia Cænobia delentur, §. LXXVII.

Berauna Civitas exciditur, §. LXXVIII.

Welehradi in Moravia Abbas cum suis crema-
tur. Trem ad Stradow Minores, §. LXXIX.

Commotivum ob religionem deletur, §.
LXXX.

Cænobij Raudnicenfis Canonici à Zifka peri-
muntur, §. LXXXI.

Broda Catholica Civitas cum Civibus deletur.
§. LXXXII.

Caurzimij Cistercienses, Colini & Chrudimij
Prædicat: flammis cremantur, §. LXXXIII.

Czaslavia Minores, Nymburgi Prædicatores,
Cuttenberge Catholici ab hæreticis occiduntur,
& membris mutilantur, §. LXXXIV.

Rursus Sacerdotes, item Sedlicenfes Religiosi
ob Religionem necati, §. LXXXV.

Excidia quàm plurima Cænobiorum, & sacro-
rum hominum cædes, §. LXXXVI.

Jaromiriū cū Civibus & Religio: §. LXXXVII.

Ad Tuſtam cædes Religioſorum plurimæ, §.
LXXXVIII.

Doxanense Ord. Præmonſtr. Teplicenſe Ord.
S. Benedicti, Offecente Cisterciensium Cæ-
nobio delentur, §. LXXXIX.

Bilinæ, & ad Brixiam Catholicorum lanienæ,
§. XC.

Plura iterum Cænobia diverſorum Ordinum
deleta, §. XCI.

Teutobroda deletur; Sobieslaviæ Sacerdotes
Catholici flammis consumti, §. XCII.

Müglicium in Moravia deletur, tum quadam
alia Cænobia ibidem, §. XCIII.

In Moravia cædes Catholicorum ab hæreticis
patrata, §. XCIV.

Czernin odio fidei necatus, Turnovij totus
Conventus Ord: Prædicatorum, §. XCV.

Plurimi in Cænobijs denuo occisi, §. XCVI.

Przibislavia deleta. Lucenſe Cænobium exci-
sum; in Bohemia cædes Catholicorum, §.
XCVII.


Nymburgi duo Sacerdotes occisi, §. XCVIII.

Litomiſlium cum Catholicis deletum, & qua-
dam vicina Cænobia, §. XCIX.

Slanæ Urbis, tum plurimarum Catholicarum
Urbium excidia, §. C.

Henricus Colman, & Trczka odio Religionis
excarnificati, §. CI.

Ozelka Parochus exuritur; aliæ quoque Ca-
tholicorum cædes, §. CII.



Duxovium prorsus excisum, tum alia Catho-
licorum Arces & Oppida. §. CIII.
Austa cū Civibus internecione deletur, §. CIV.
Quædam Silesiorū Catholicorū cades. §. CV.
Ungari, Moravi, Silesij, Lusatij Catholici mul-
ti necati, præcipuè Lubanæ, §. CVI.
Rursus Catholicorum cades plurimæ in Bohe-
mia, Silesia, Lusatia. §. CVII.
Francksteinenses Martyres in Silesia Ord. Præd:
§. CVIII.
Novocellenſe Cœnobium exciditur, §. CIX.
Guba Catholica Civitas deletur, §. CX.
Pragæ Senatus ob religionem Catholicam ne-
catur. §. CXIV. (§. CXVI.
B. Joannes à Miſna Ord. Min. Strict. Observan:
Christiani duo Pueri à Judeis necati. §. CXVII.
Edmundus Campianus S. J. §. CXVIII.
Christophorus Spotecus, S. J. §. CXIX.
Adamus Markowsky Eques Polonus ob Relig:
Glacij occisus. §. CXX.
Quatuordecim Cœnobitæ ad Nives ab hæreti-
cis necati. §. CXXI.

Joannes Ogilbæus S. J. §. CXXII.
Joannes Ernestus Schöfferus, ob Religionem
Catholicam Austa trucidatus, §. CXXIII.
Melchior Grodecus S. J. §. CXXIV.
Joannes Sarcander in Moravia ab hæreticis ex-
carnificatus, §. CXXV.
Carolus Spinola S. J. §. CXXVI.
Vitus Weisman, ejusdem Soc. §. CXXVII.
Camillus de Gram, Ord. S. Benedicti ab hæreti-
cis occisus, §. CXXVIII.
P. Mathias Burnatius S. J. ab hæreticis occisus,
§. CXXIX.
P. Hieremias Fischer S. J. ab hæreticis occisus,
§. CXXX.
Joannes Meagh Sacerdos, S. J. Martinus Igna-
tius, & Wenceslaus Trnozka Laici S. J. a
hæreticis occisi, §. CXXXI.
P. Laurentius Passoke, & P. Mathæus Crame-
rus S. J. ab hæreticis occisi. §. CXXXII.
Matthæus Christianus puerulus à Judæo per-
emptus, §. CXXXIII. (CXXXIV.
P. Georgius Königius S. J. à Turcis occisus. §.

*De hac tertia Classe, scilicet de Bohemis Catholicis, Nobilitate, ac Civibus, quos Hære-
tici Religionis odio An. 1420. & sequentibus crudeliſſimè peremerunt, & quorum cades in hac Prim
Libri IV. Parte suis temporibus, ac locis describentur, Testimonium omni exceptione ma-
jus, & irrefragabile habemus.*

Pius II. Papa in Literis Apostolicis, ad omnes Christi Fideles adversus Georgium
Boh. Regem scribens: *In inclyto illo, inquit, Bohemiarum Regno Hæretici magnos motus
excitarunt &c. Proceres tamen, & Nobiles in ipso Regno, & Marchionatu Moravie
& Civitates pleraque, sanctissimè in fide permanserunt, ita ut quamvis armata hæresis Fi-
delibus vim facere statuisset, atque adversus eos arma movisset, nunquam tamen ab Evan-
gelij veritate Sanctorumque Patrum doctrina, & Romanæ Ecclesiæ obedientia divelli po-
tuerint, potius occumbere, ac omnibus tormentorum generibus affici, quàm illorum insani-
consentire voluissent, ita ut multos Martyres nostra ætas in Bohemia viderit. &c. Da-
tum Romæ in Consistorio publico apud S. Petrum. XVII. Calend. Julij 1463. A&
Publica, & Codex M. S. literar. public. mihi fol. 171.*


*Similia ante Pontificatum de Bohemis scripserat idem Pius (præfat. ad hist. Boh.
Viri fortes! qui vel exilium, vel carcerem, vel cadem pro testamento Christi fortiter per-
tulere, nunc cum Rege suo in cælo regnant, quorum multa millia Bohemia tulit &c. ne
Provincia est, quæ tempore nostro plures Christi Martyres, quàm Bohemia
produxerit, &c.*

FACULTAS

REVERENDI PATRIS

PROVINCIALIS

BOHEMIAE.



um Librum IV. Miscellaneorum Hi-
storiarum Regni Bohemiae, qui Vi-
tas, Sanctorum, & Beatorum, nec non
eorum, qui cum opinione Sanctimo-
niae vixerunt, & in eodem Regno obi-
erunt, à P. BOHUSLAVO BALBINO

SOCIETATIS JESU conscriptum, tres ejusdem Socie-
tatis Theologi, quibus id commissum fuit, recognove-
rint, ac in lucem edi posse censuerint, potestate acce-
ptâ, à Patre Nostro JOANNE PAULO OLIVA
SOCIETATIS JESU PRÆPOSITO GENE-
RALI, Facultatem concedo, ut Liber Typis mande-
tur. In quorum fidem hasce literas manu meâ subscri-
ptas, & Sigillo officij munitas dedi. Pragæ in Collegio
ad S. Clementem, 3. Julij, Anno 1681.

L S.

WENCESLAUS SATTENWOLFF.

PROTESTATIO

AUTHORIS.



um Sanctissimus D.N. URBANUS PAPA
VIII. die XIII. Martij, Anno M. DC. XXV. in sacra Congregatione
R. & Universalis Inquisitionis Decretum ediderit, idemque confir-
maverit die I. Julij, Anno M. DC. XXXIV. quo prohibuit imprimi
Libros, hominum, qui Sanctitate seu Martyrij famâ celebres è vita migraverunt ge-
sta, miracula, vel revelationes, seu quæcunque beneficia tanquam eorum inter-
cessionibus à DEO accepta continentes, sine recognitione, atque approbatione
Ordinarij, & quæ hæcenus sine ea impressa sunt, nullo modo vult censeri approbata.
Idem autem Sanctissimus die V. Junij An. M. DC. LI. ita explicaverit, ut nimirum non
admittantur Elogia Sancti vel Beati absolutè, & quæ cadunt supra personam, bene-
men ea, quæ cadunt supra mores, & opinionem cum Protestatione in Principio, quod
ijs nulla adsit autoritas ab Ecclesia Romana, sed fides tantum sit penes Authorem.
Huic decreto, ejusque confirmationi, & declarationi, observantiâ & reverentiâ quæ
par est insistendo, profiteor me haud alio sensu, quidquid in hoc Libro refero, ac-
pere, aut accipi ab ullo velle, quàm quo ea solent, quæ humanâ duntaxat autoritate
non autem divinâ, Catholicæ Romanæ Ecclesiæ, aut Sanctæ Sedis Apostolicæ nitun-
tur; ijs tantummodo exceptis, quos eadem Sancta Sedes, Sanctorum, Beatorum, atque
Martyrum Catalogo adscripsit. Quod ut magis Lectores intelligant, penitusque
perspiciant, in certas Classes omnium eorum Nomina, quorum hæc gesta commemo-
rantur, distinxim.


BOHUSLAUS BALBINUS
è Societ: JESU.

LIBER IV.
MISCELLANEOBUM
HAGIOGRAPHICUS.

PARS PRIMA.

§. PRIMUS.

S. Cyrillus, & Methodius Slavicarum gentium,
& in ijs Bohemorum Apostoli.



CONSTANTINUS (Romæ po-
stea **CYRILLUS** appellatus) Thessalonicae clarif-
simâ Græciæ Urbe natus est; Fratrem habuit *Me-*
thodium vel *Methudium*, moribus & vitâ prorsus
germanum, iisdémque virtutis, & doctrinæ stu-
dijs conjunctissimum. Emento liberalium arti-
um, ac præcipuè *Philosophiæ* (in qua habitare quo-
dammodo videbantur, ideóque *Philosophi* per ex-

Patria ho-
rum Sancto-
rum.

cellentiam sua ætate sunt vocati) emento, inquam, *Philosophiæ* curriculo, ad
diviniorem *Philosophiam* animum adjecere; itaque relicto post tergum hu-
mano genere, Cœnobio sese *Constantinopoli* Fratres includunt, sub *D. Basi-*
lij disciplina, vitam Angelicam à Divinis laudibus exorsi; *Methodius* in illa
solitudine præterea, pingendi artem, quam adamârat à puero, tantâ sedulita-
te excoluit, ut in Imperatoria urbe, quò Artificum illustrium nomina omnia
confluebant, summos inter Pictores haberetur. Abdiderant sese in nobi-
lissimum otium, sed divinitas eos in Solem, & pulverem jam tum educere sta-
tuerat: habitabant id temporis ad *Constantinopolim* in *Asiæ*, & *Europæ* fini-
bus Barbaræ nationes quàm plurimæ (*Barbaras* appello, quòd unde omnis
vera humanitas petenda est, *DEI* veri notitiâ carerent) itaque vultus qui-
dem hominum, mores habebant ferarum: omnia libidine, crudelitate, &
fangvine confundere, nihil vetitum esse putare, jus omne in dextris & armis,
& violentia ponere, eóq; excrevit potentia, ut sæpius *Constantinopolim* ipsam
justo

Bolland. ad
9. Martij.
& xi. Febr.
in vita S.
Theodora
Imperatr:
Ordo Reli-
giosus.
Methodius
Pictor.

Bolland. l.
c. xi. Febr.
Anastaf.
Bibliothec:
in vita Ni-
col. i. Pont.

Occasio &
caussa Chri-
sti D. fidem
Bulgaris
prædicandi

Bogores pi-
eturæ ulti-
mi judicij
ad Christum
adductus.

Legatio
Moravorum
pro S. Cy-
rillo.

In Epitom.

justo Exercitu terruerint, & obsessam tenuerint. Imperatores Orientis tan-
vicinæ pesti propulsandæ remedia necquicquam quærentes, tandem in eam
viris maximis in consilium vocatis, venere sententiam: si Christi fidem Bar-
bary suscipere, mitiores sine dubio, & ex hostibus amicos Imperij futuros
Imperabant in Oriente eo tempore S. Theodora Mater cum filio Michaelē
ad eam rem perficiendam Fratres Thessalonicenses aptissimi sunt visi; null-
mora: communicato cum ijs consilio, protinus ad Slavorum linguam
discendam, studio Christiani nominis proferendi, apud Gazares, & Cher-
sonesios adjecerunt animum, brevique eo labore devorato, commenda-
tione S. Imperatricis Theodora muniti, An. C. 848. ad Bulgaros primum pro-
ficiscuntur. Bogores Bulgarorum Rex advenas libenter accepit, cumque ar-
tis pictoriæ amantior esset, hoc maxime telo petitus est; rogaverat, pingere
rent Imaginem, quæ terrificum aliquid, & quod maxime horribile videre-
tur, repræsentaret: pinxit Judicium extremum Methodius, tanto, tamque
horrido ex pereuntium elementorum, ac totius generis humani clade, spe-
taculo, ut Bogores percelleretur, maxime postquam per eam causam Chri-
stum Judicem, & unâ Christi Religionem miranti Regi, Cyrillus explicuit
tantumque in Regis animo timor ille invaluit, ut Baptismum postularet, uni-
versâ Nobilitate, ac populo, Regis exemplum sequente. Bulgarici Regis
conversionem ad Christum aliæ Slavorum Provincia imitari voluerunt, quæ
Bollandus enumerat. Cum apud Gazares Cyrillus, & Methodius versaren-
tur, Svatoplucus Moravia Rex, vicini Regni Bulgaria exemplo, splendi-
dam Legationem ad Michaelē Imperatorem adornat, rogâque, ut eximi-
um illum Doctorem Constantinum ad se pro potestate mitteret; impetratur
est, quod tanto ambitu precum quærebatur; venit Cyrillus fratre comite, &
intra quatuor annos cum dimidio, Moraviæ amplissimo Regno percurso
totam propè illam regionem adduxit ad Christum, & Sedi Apostolicæ (cu-
tum Nicolaus I. Pontifex præerat) subjecit. Accidit per id tempus, ut Bo-
rzhovogius Bohemia Princeps in Moraviam in Procerum suorum comitatu ad
Regem Svatoplucum veniret; nihil habuere antiquius SS. Praefules in Aul-
tum Regis versantes, quàm Juvenem Bohemia Principem, à quo salus totius
populi penderet, Christo adjungere; prædicato igitur Evangelio, & Reli-
gionis Christianæ veritate probatâ, promisso insuper DEI nomine Regno
quod Borzhovogij posteritas à Moravis translaturum, per sæcula obtineret, aliis
que Divinis, & humanis felicitatibus, initiatum Christianis sacris Borzhovo-
jum cum tricenis Aulicis in pervigilio S. Joannis Baptistæ sacris aquis ablue-
re. De Anno non æquè constat; plerisque An. 894. cum Hagecio ponentibus,
quod fieri non potuisse alibi probavi; circa An. 855. gesta res est Ni-
colai Papæ Pontificatu, qui Cyrillum Archiepiscopi Welehradensis (quæ tur-
Regni Metropolis erat) titulis, & insignibus exornavit pro merito; accel-

ser

tre deinde *Bohemia* SS. Apostoli, & *Slaviboro* Comite, totaque domo *Corinthum Ahielnicensium*, ante omnes *Ludmillâ Principis* conjugē Christiano ritu salutaribus aquis abluta, Ecclesias consecrârunt, literis Slavici inventis *Nicholas* aperuerunt, totam denique Religionem ordinârunt. Anno 867. *Romam* *Cyrillus* & *Methodius* profecti sunt; causæ profectionis erant obsecrationes *Præsulum Germanorum*, quibus institutio *Metropolitana Ecclesie*, & sex novorum *Præsulum* non placebat, tum accusationes cæteræ adversus homines externos, qui *Slavonicè* sacra peragerent, aliâque hujusmodi, quæ etiam mortuo *Cyrillo* in *Methodium* fuerunt conjecta. Attulerant SS. Apostoli, cum in has oras venirent, S. Clementis Papæ corpus *Chersonæ* acceptum, quodque circumlato *Bohemia* Ecclesias honorârunt; donum hoc dignum victimam est, quod Apostolicæ sedī offerrent: Urbem ingressis 13. Novembris, *Nicolaus* Pontifice è vita excedente, *Adrianum* An. 868. *Roma* Pontificem accepit, qui sacro munere lætus, *Cyrillum* & *Methodium* benignè audivit, defensionem probavit, insuper *Slavica* gentis Apostolatū contulit, nominatim *Cyrillo Metropolitani* dignitatem confirmavit; tum corpus S. Clementis in *Insula*, & Ecclesia nomini ejus pridem *Romæ* dicata, reverenter jussit deponi. An postea *Cyrillus* in *Bohemia* redierit, dicere non habeo; sed brevissimo post tempore, *Archi-Episcopalem* dignitatem exuisse, & *Adriano* annuente, transtulisse in fratrem, *Monachali*que habitu S. *Benedicti* recto ac simpliciter, ad S. Clementis corpus reliquam brevem exegisse vitam *Benedictinorum* monimenta astruunt fidem. Paulò post, quantum conjicere licet A. 869. 9. Martij, finem vivendi fecit *Cyrillus*, *Methodio* apud nos Apostolicis laboribus insudante, qui comperto fratrem obiisse, *Romam* protinus recurrit, & iuxta id, quod inter Matrem, & ipsos convenerat (videlicet, ut mortui fratris corpus superstes frater *Constantinopolim* ad Cænobium deferret) *Cyrilli* corpus asportare in *Graciam Romæ* conatus est, sed retractus, & *Cyrilli* sacrum corpus in Ecclesia S. Clementis relinquere coactus, ad *Bohemos* suos revolvit. Recruduere rursus *Germanorum Præsulum* accusationes, quæ *Methodium* *Romam* iteratò petere coegerunt; ibi habito Concilio, innocentiam viri compertâ absolutus, etiam illud, quod narrat *Baronius*, ab *Joanne VIII.* impetravit, ut *Slavicâ* lingua in Sacris uti liceret. A Pontifice denique mano cum honore dimissus est, ac *Moravia* Regi diligenter commendatus, universis *Præsulibus* ejus Regni, *Methodio* parère jussis; multa deinde passus, cum maximas, quibus premebatur, angustias, eidem Pontifici indicasset, consolatorias ab illo literas meruit accipere, quibus ad fortiter agendum summo opere est animatus. Post annos aliquot ingravescente ætate, ex *Bohemia* nunquam pridem sceleribus, & contumaciâ novi Regis *Svatoboj* offensus innigrârat, omnibus ritè compositis, *Romam* aliquando reversus, ibi sanctissimo fine vitam conclusit, cujus cineres fratris æquè Sancti cineribus commix-

Bohemia
conversa
ad Christū.

S. Clementis
corpus
Romam al-
latum.

Mors S. Cy-
rilli.

S. Methodi
us accusat⁹
à Rō: Pontic:
absolvitur.

Ricciol. in
Chronol. Re
formata T.
IV. tit. 2.

S. Cyrilli li
bellus apo-
logorum
fictorum.
Bolland. ad
xi. Martij.

S. Methodij
lucubratio-
nes.
Christann.
nepos S. We
ceslai in vi
ta S. Ludm:

Anast. præ-
fat. in Conc.
7. Univers.
Constanti-
nopol.

Sapientia &
fortitudo S.
Cyrilli.

Vana excu-
satio Photij

Invidia Pho-
tij adversus
S. Ignatiū.

Bolland. ad
9. Martij.

tos, hodièque Ecclesia illa S. Clementis, postea S. Adalberti, tandem illato S. Bartholomæi Apostoli corpore, S. Bartholomæi in Insula Tiberina nuncupata, religiosissimè servat. Atque utinam exoriatur aliquis, qui Sanctissimas hæc Apostolorum nostræ gentis exuvias, Româ aliòquin Sanctorum corporibus nimium abundante, & divite, impetret, eisque Bohemiam, sine dubio cœlesti dono consecrandam exhilaret! Edidit S. Cyrillus *Apologos* elegantissimos Græcè, quæ Scripturæ vetustissimo genere Slavice in Bibliothecis nostris antiquis leguntur, & in Latinam linguam hoc sæculo sunt translatae. Methodius inventor fuit *Slavicarum literarum*, seu characterum (quo nomine ab ejus ævi *Scriptoribus Germanis* accusatur, ut alibi diximus) uterque Universalitatem quandam studiorum Budecij Pragâ non procul, fundârunt; Latinis literis excultum præterea fuisse Cyrillum, ac vetus, novumque Testamentum, plurâque alia ex Græco, Latinoque sermone in *Slavorum* linguam transtulisse, *Christannus* est author.

Ad maximam, ejusdem S. Cyrilli gloriam spectat quod sequitur, idque Vir omni exceptione major Anastasius Bibliothecarius commemorat; unde S. Apostoli, Religionis Zelus, veritatis amor & defensio, animi fortitudo ac præcipuè altitudo scientiæ, & firmitas elucet. Omnes historiæ Ecclesiasticæ periti sciunt, quantas turbas Photius, dum S. Ignatium Patriarcham Constantinopolitanum sophisticis artibus oppugnat, conciverit; audiamus Anastasium: ante aliquot annos Photius duarum unumquemque hominem animarum consistere prædicabat, qui cum à Constantino Philosopho (is est S. Cyrilli noster) magnæ Sanctitatis Viro, fortissimo ejus amico, increpatus esset, diceret: Cur tantum errorem in populum spargens, tot animas interfecisti? respondit: non studio quenquam ledendi talia dicta proposui, sed probandi, quid Patriarcha Ignatius ageret, si suo tempore qualibet hæresis per syllogismos Philosophorum exorta patefceret, qui scilicet Viros exterioris Sapientiæ repulsi? eorum ignoravi, me sub hujus fomite propositionis tot animas fore lasuram. quod Cyrillus: O sapientia mundi, quæ infatuatur, & destruitur! jactas sagittas in multitudinem copiosa turba, & ignorasti quemlibet ex his omnibus vulnerandum? Certè omnibus liquet, quia sicut oculi, quantumlibet sint maligni, & aperti, si fumus palcarum interjacuerit, videre ultra non possunt; ita oculi Sapientiæ tuæ quantumlibet sint ampli & patuli, avaritiæ tamen, & invidia fumo penitus obcecati, tramitem justitiæ videre non possunt. Ac per id verum est, quod dicis, neminem ictu tuo putasse esse ledendum, cum sic obcecatus sensum prædictis adversum Patriarcham passionibus habens, nec quid miseris, prævidisti. Refert ista ex Anastasio Bollandus, conjecitque id colloquium & reprehensionem Photij à S. Cyrillo Anno Chr. 848. aut sequenti contigisse.

Hæc de Sanctissimis nostræ Gentis Apostolis; in quorum gestis explicans

undis multas chronologicas hallucinationes in diversis Scriptoribus inveni-
mus, nos ex *Baronio*, *Bollando*, antiquis Ecclesiarum monumentis, divini of-
fij vetustis Lectionibus, tandem ex idoneis Scriptoribus hæc excerptimus.

Nota.

Facere non possum hoc loco, quin obiter *Lectores* meos admoneam: ne ita *Vitas* hæce *Divorum* concinnasse, ut ingentem post me *Silvam* & ar-
umentum scribendi relinquam, si qui fuerint, qui *Vitas* SS. & *Beatorum*
Coronæ Bohemæ (videlicet *Bohemorum*, *Moravorum*, *Silesiorum*, *Lusa-*
torum) tractare voluerint; conficiet ingens volumen, aut volumina po-
tius, quisquis id sibi proposuerit; ego, ut *Magistri Pictorum* solent, prima
neamenta duxi, ornatum addant posterius; mihi in hac ætate senecta satis ef-
ficere potest, *Divos vel nominasse*, cum ante me objectum esse sciam *Bohemis*,
Moravis, *Silesis*, *Lusatijs*, carere illos *Sanctis* & *Beatis*; cessabit igitur hæc
seu accusatio, seu obtrectatio, seu querela, satisque patebit, quænam gens
potius, quam nostra, penuriâ & paucitate *Sanctorum* laboret.

Quod SS. *Cyrilli* (seu *Constantini*) & *Methodij* gesta attinet, sciant *Le-*
ctores ita illa esse confusa, ut quod uni tribuitur, ab alijs alteri tribuatur. *Cy-*
rillum Slavicos characteres excogitasse tradunt *Veteres Scriptores*, idem ab
alijs æque vetustis Scriptoribus (ut in *Epirome* dixi) adscribitur *Methodio*;
communia hisce *Sanctis Fratribus* omnia fuisse videntur: *BorZivojum Prin-*
cipem Bohemæ S. *Cyrilli* prædicatione ad Christi fidem amplectendam addu-
ctum in *Annalibus* legimus, pro S. *Cyrillo* (idque probabilius videtur) S. *Me-*
thodium nominant alij, *Hagecius* S. *Cyrillum* Basilicam B. Virginis *Teinen-*
sem consecrassè scribit, quod à S. *Methodio* factum *Chronologia* ipsa videtur
evincere, & in hanc partem *Dubravius*, & *Bollandus* inclinant. *Chrono-*
logia intuenda semper est *historiam* condentibus, eamque velut *Ariadne* fi-
lum, aut perpendiculum semper tenere, & habere ad manum convenit, nè
quid pravè extruatur; hæc certa sunt quæ sequuntur: SS. *Apostolos* ex *Bul-*
garia in Moraviam expeditos & impetratos *Welchradum* advenisse post A. C.
856. *Moravis* quatuor annis & dimidio Christum prædicasse (quo tempore
BorZivojus Princeps cum *Aulæ Proceribus* Christo nomen dedit, & *Wele-*
bradi sacris ablatus est aquis) posthæc in *Bohemiâ* transiisse, & magnam
Populi Partem præsertim in ditione *Comitum Mielnicensium* cum ipso *Slavi-*
boro & conjuge *Lidoslava*, & filio *Haussek* ac cæteris, Christo initiasse; An-
868. S. *Clementis* corpus detulisse *Romam*, quam 13. Novembris ingressi sint.
Anno sequenti 869. 9. Martij *Romæ* S. *Cyrillus* è vivis excessit; accurrit illi-
co *Romam*, qui ad nos nuper redierat S. *Methodius*, & corpus SS. *Fratri* sui
in *Græciam* asportare volens, prohibitus est, atque in *Bohemiâ* & *Mora-*
viam regressus, *Apostolicos* labores continuavit (quod ex *Epistola Joannis*
VIII. Pontificis constat) longè ultra Annum 882. Tandem ordinatâ uni-

Mens Au-
thoris in o-
pere præse-
ti.

Vita S. Lud-
milla M. S.
Bollad. xi.
Martij.
Dubr. l. c.
Pont. in Bo-
Pia.
Hagek in
Ann. Boh.
Cosmas in
hist Boh.
Æn. Sil. C.
13. hist. Boh.
Dubrav. l.
2. hist. Boh.
Bolland. ad
9. Martij.
Chronolo-
gia SS. Cyril-
li & Metho-
dij.

Baron. in
Annot. ad
Martyrolo:
Rom.
Reliquiæ
eorum.
Octav. Pan
cirol. in The
sauris ab-
sconditis Al
me Urbis.
Boll. l. cit.
Epitom. l. 1.
C. 45.

versâ Ecclesiarum nostrarum Oeconomiam, ætate & laboribus fractus Romanæ concessit, ibique moriens ad Fratrem appositus est: de quo *Baronius*: *idem Sancti* (Cyrillus & Methodius) *Romæ morientes, miraculis clari sepulti sunt* quorum sacras Reliquias nuper sub altari in eiusdem Ecclesiæ (S. Clementis) Sacello per vetusto repertas accepi. Subscribit *Baronio Pancirollus*, aitq; in Ecclesiâ S. Clementis horum Sanctorum corpora asservari. De eorum Canonibus imo vide *Bollandum*; primum in orbe toto eorum honori Templum *Boleslaus* via Veteris statuit *Wratislaus Bohemæ Princeps Borzivoj filius*, non multis post S. Methodij obitum interjectis annis ante An. C. 916. ut in *Epitoma* docuimus, Chronologiâ id poscente.

§. I I.

S. Iuanus Eremita.

Austriam
I. hist. S.
Montis.

Consecravit Patriam nostram *Iuanus*, *Gestimuli Dalmatarum Regis* à *Lothario* ejus nominis I. Imperatore A. 845. in prælio occisi, primo genitus, qui contemnis omnibus mundi illecebris paternum Regnum fugere, ac in solitudinem aliquam sese abdere Christo uni famulaturum constituit; cum de fuga constitisset, Fratres fraterno amore fugientem secuti assequuntur; ille ad DEI opem versus, impetravit, nè posset agnosci; coelestis deinde Genius aspectabilis transire *Danubium* jussit, & in *Bohemiâ* deduxit: quadraginta duos annos in *Bohemia* versatus varia antra incoluit; novissimum fuit (quod in *Petra* dicimus) ubi annos 14. permansit: primo biennio molestos in eo antro sensit dæmones, ut locum mutare cogeretur; abeunti (locus hodièque ostenditur) S. *Joannes Baptista* occurrit, & *Cruce* datâ, jubet intrepidè iter relegere; fecit, & *Legionem* illam *Tartaream* cum cruce penetrans fugat, unique Dæmoni imperiosius resistenti crucem in os impingit, & injicit, qui illam continuo evomens grandi foramine & hiatu relicto evolavit. Hinc jam quies, & diurna sine interpellatoribus, nocturnâ oratio; nec defuit Divina Providentia, quæ jam pridem cultori suo nutritiam addidit cervam, cujus lacte quotidie pasceretur *Iuanus*. hanc *Borzivojus Bohemæ Princeps S. Ludmilla conjux*, in venatu deprehensam, & ad *Ivanum* specum fugientem confecit; ejus tumultûs causâ antro egressus senex, blando *Borzivoj* sermone delinitus, vitam suam omnem aperit, & invitatus, asello etiam misso, die sequenti *Tetinum ad Principes* venit, quos in Religione & virtutum, & cœli amore mirificè confirmatos reliquit. Instante verò jam mortis tempore S. *Ludmilla* per visum cœlitus admonita, *Paulum Sacerdotem* suum ad *Ivanum* cum omni sacrorum apparatu ablegat, qui noxis ejus auditis, SS. *Eucharistiâ* refectum comparavit ad mortem; post triduum abiit in cœlum senio, ac magis Sanctimonia vitæ venerabilis; si *Hagecius*, & *Pon*

S. Iuanus
Angelo du
cente in Bo
hemiam ve
nit.

Cerva S. Iva
ni cōficitur

Mors Ivani.

tanus

non fallunt circa Ann. C. 910. Sacellum super Viri Sancti tumulum S. Crucis, DEI Matris, & S. Joannis Baptiste honori condidit Principes, cumq; eorum Sacerdotibus commiserunt; postea *Hazembergica* stirpis illic viciniae dominantis beneficâ liberalitate, Coenobium excitatum est, & D. *Benedicti* sub A. 1020. familiae donatum; de quibus vide *Auctarium nostrum historiae S. Montis*, & R. P. *Fridericum Bridelium* in vita S. *Iuvani*, quæ nomine *Archi-Episcopi Pragensis Matthaei* fuerat evulgata. At quod ibi additur, *Neklano in Bohemia* imperante in *Bohemia Iuvani* advenisse, defendi ægerrimè potest; forsitan *Hostiviti Ducis* nomen supponi oporteret. Tumulum S. *Iuvani Caesar Matthias* ornavit, augustam Ecclesiam *Leopoldus I. Imperator* superstruxit. Vitam S. *Iuvani* scriptore *Pontanus*, *Salius*, *Chanovsky*, *Bridelius*, quorum postremi tres è *Societate JESU* Sacerdotes.

§. III.

Beatus Borzivojus primus Ducum Bohemiae Christianus.

Borzivojus *Hostiviti Pragensis Ducis filius*, inter An. C. 830. & 840. verosimiliter editus in lucem est; suscepto post mortem Patris regno, *Borzivojus juvenis* (ut disertè tradit *Christannus*) ad amicum Regem *Slavorum Svatoplucum* nomine, in triginta Procerum suorum comitatu profectus, bonâ fortunâ apud Regem SS. *Cyrillum & Methodium* invenit, à quibus Christianis sacris institutus, & pridie S. *Joannis Baptiste* initiatus est cum suis, rediensque domum *Paulum Keicham* Sacerdotem Christianum in Bohemiam adduxit. Primus hic *Pragensium Principum* fuit, qui Christo nomen dedit, ut in his *Miscellaneis* nostris postea probabimus. Graves inde perpeffus calamitates, etiam *Principatu* dejectus ob Religionem exulavit: cum præsidia humana deessent, ad Divina, & præcipuè ad DEI Matrem *MARIAM* confugit, Basilicam ejus nomini conditurum voto promittens; cujus coelesti auxilio, superatis à Clientum parva manu ab genero suo *Comite Slaviboro* hostibus, restitutus, Basilicam *Tinensem* Pragæ ante Curiam suam condidit DEI Matris in Cœlos Assumptæ honori, quam alter è SS. Apostolis *Slavorum* consecravit; exilium hoc, tum alia ad *Borzivojum* spectantia diligentissimè descripsit *Christannus* primus Bohemiae Scriptor (quem nuper vulgavimus) *Boleslai Savi Bohemiae Ducis filius*, *Borzivoij* pronepos. Vitam egit Sanctissimam *Borzivojus*; Pontifici propiore, quam Principi, uni Religioni proferendæ intentus; post hæc *Spitihneo* filio in folio Principis locato, circa An. D. 905. ipse una cum conjugē Sanctissima *Ludmilla* (de qua paulò post) humano genere, & Principatus titulo post tergum relicto, in *Tetinsensem* solitudinem secessit, multosque per annos DEO

Vide Epitomen nostram: Christian: in vit. S. Lud.

Paulus Keicha primus in Boh. Sacerdos.

Borzivojus exul voto ad Dei Matrem edito Regnum recepit.

Borzivojus in solitudine secedit.

§. IV. B. Wratisslaus.

Mors & tu-
mulus.
In Ep. hist.
rer. Boh.
l. 4.
Pro sancto
habitus à
Majoribus
nostris.
Papr. in Bo
rziv. Crug:
in syll. SS
Pessina in
Phosph. ra-
dio 3.

uni, totis sensibus deditus, grandi ætate (septuagesimum septimum attigiss *Weleslavinus* affirmat) elatus est. Virtutes tanti Principis, & vita Christia-
nis institutis sanctissime acta, meruere, ut eum *Beati* titulo antiquitas hono-
raret, conditus est in *S. Georgij Ecclesia* in Arce *S. Wenceslai* Pragæ quodq
memorable, & firmitus ad fidem sanctitatis faciendam: Corpus *Borzivoi*
in Ara ipsâ intra *Altare*, quod est in Ecclesiæ medio condidit religiosissim
Majores nostri, qui fuit ritus Veterum, quempiam *Beatorum & Sanctorum*
numero aggregandi, *Canonizationem* hodie vocant, ut ex *Cardinale Baroni*
pridem ostendi. *Dubravius* in historia Bohemiæ, *Borzivoium* in *Basilic*
sua *Teinensi* conditum significat, sed subscriptorem non habet: nam cæteri
rerum Bohemicarum scriptores, *Borzivoium* in nova ab se honori *S. Archangeli Michaelis* constructa Ecclesia *Tetini* sub arce, ibidem *Tetini* mortuum &
humatum esse affirmant; unde successu temporum sacra ejus ossa levata, &
quod decebat maximè, in eandem Ecclesiam, ubi *S. Ludmilla Conjunx* sepul-
chrum invenerat, sunt illata. Ita *Paprocus*, *Crugerius*, *Pessina*, ac cæteri.

§. IV.

B. Wratisslaus Dux Bohemiæ, B. Borzivoij
Filius.

Wratisslaus
conditor Ec-
clesiæ Geor-
gianæ.

Defenditur
ob Conju-
gem Draho-
miram.

Chronolo-
giæ ratio.

Utinam perinde ut vitia, sic virtutes, & sanctimonia contagione vul-
garentur! habent tamen grande ad virtutem momentum exempla
monitus Parentum, & præcipuè educatio, quæ mihi velut quædam
forma, & modulus videtur, in quam vita puerorum infunditur, & confor-
matur. *Wratisslaus* Parentibus Sanctissimis *Borzivoio*, & *S. Ludmillæ* Ma-
tyre genitus, vitæ quoque eximiam coluit Sanctitatem; ob eamque causam
ab antiquitate in ipso tumulo *Beati* nomen invenit, omnibus Principatûs se-
titulis pretiosius; regnavit annis decem, quibus omnibus imperium suum
pietate constabilivit; *S. Georgio Martyri* deditissimus, Ecclesiam insignem
ejus nomine condidit, in eaque velut *Fundator* est humatus. Unum objici-
tur: quod *Drahomiram* (quam postea dehiscente imâ tellure Orcus sibi vi-
vami rapuit) conjugem viperinam acceperit; sed eum pridem excusavit Ne-
pos *Wratisslai Christannus*, qui scripsit, eam dum nuptura duceretur, promi-
sisse *Christi* fidem, quam postea contemserit; Ex hac viperina Matre genitu-
us est Sanctissimus Filius, velut ex senticeto rosa, *D. Wenceslaus*. Obijt Pra-
gæ *Wratisslaus* ætatis suæ 33. Anno Christi 916. alijs decennio post, 926
quod fieri vix, ac nè vix quidem potuit: cum enim, ut dixi, ex *Christanno*
anno ætatis suæ 33. decesserit, ac *Divus Wenceslaus* juxta eoldem ipsos An-
907. sit editus in lucem, necessario consequitur (quod probabile non est) an-
no 13. vel 14. ætatis, filium *Wenceslaum* genuisse. *Weleslav* in *Geneal. Ha-*
gek in *Annal. Paprocus* in *Ducibus Boh*: *Pontani* in *Boh. Pia*. §. V

S. V.

B. Przibislavva Vidua, S. Wenceslai Martyris
Soror.

Przibislava S. Ludmillæ neptis, germaniorem se Wenceslao semper esse maluit, quàm Boleslao, neque Matrem secuta (quas plerumque filia imitantur) aviam Ludmillam expressit virtutibus, eâque de causa ab omni retro antiquitate Beata vel Sancta titulo honoratur; de hac antiquitate in Christanno præconium legimus: Venerabilis Matrona soror beati Martyris Przibislavva, ab ipsis cunabulis Christo Domino fuerat edocta (sinè dubio in sinu Avia Ludmillæ educata) servire DEO secundum documenta Evangelica sinè querela. Postquam enim eam Dominus à Jure maritali solverat (nota conjugium) totam se mancipaverat DEO famulandam, æstuantis sitis animo velamine sacro contegi, die, noctûque instanter orationibus, jejunijs, vigilijsque persistens &c. pergit idem Christannus commemorare visionem, quam habuit Przibislavva apparente ei Fratre S. Wenceslao, ac manifestante, ubi auricula ejus à capite absceda lateret, quæ S. Martyris capiti unita divinitus sic adhæsit, ut nè vestigium quidem vulneris appareret. In eadem Vita idem Christannus de Przibislavva loquens: Soror S. Wenceslai Przibislavva quantum oculus humanus potest præjudicare sub sacro habitu sanctissimè vivens &c. significare videtur hoc loco Christannus B. Przibislavam religiofum habitum, velumque in viduitate gessisse. Cui autem primùm desponsata fuerit, altissimum est apud omnes silentium: Fablonna Dominum habuisse in conjugio constat ex eo, quod Fablonna tumultata sit (ut affirmat Crugerius) postea Przibislavva Pragam translata, in Podivini tumulum est illata, ut ipse sepulchri titulus hodièque testatur, A. 1367. ut narrat Benessius. Manuscriptus Codex pervetustus B. Przibislavam in pago Fablon sub monte Krutina primò sepultam, cum luminibus cœlestibus & Angelorum cantibus frequentissimè illustraretur locus, Christianum quendam potentem, Chotislaum nomine in S. Przibislava (Sanctam disertè vocat, eamque asserit ante & post obitum miraculis claruisse) in ejus, inquam, honorem Ecclesiam super tumulum condidisse, quæ Sancta Przibislava Ecclesia ab omni retro antiquitate fuerit appellata; post multum verò tempus An. 1367. Carolo IV. apud Nos imperante, qui Divorum sacris Corporibus Ecclesiam Pragensem ornare cupiebat maximè, summo honore populi elevatum esse Fablonnâ sacrum Corpus & in S. Viti Ecclesiam non procul Fratrì Sanctissimi tumulo compositum, unà cum B. Martyre Podivino, ut etiam Aulæ suæ Præfectum S. Dux Wenceslaus apud se haberet.

Przibislavæ
sanctitas.

Ejus visio.

Christann:
in Vita S.
Wenceslai.

Beness. l. 4.
Chronicor:

M. S.
De Titulo
Sanctæ aut
Beatæ.

Beness. in
Chron.

Notula, quam Illustrissimus & Reverendissimus DD. Episcopus Suffraganeus Joannes Ignatius Dlanhovesky dum hæc legeret, manu suâ adscripsit:

Utrum-

Utrumque corpus & B. Przibislava, & B. Podivvini inventum, elevatum est, dum fundamenta nova addita Ecclesie ad S. Vitum ponerentur A. 1677 quod mihi peccatori videre, & utrumque tractare licuit, multoque populo Clero osculante non sine lacrymis, & magna teneritudine.

Ita testor Joannes Ignatius Episcopus Milevitanus, Præpositus Pragensis Senior Canonicus, & sexto jam tunc Anno Bohemicus Ecclesiastes S. Metropolit. Pragensis.

§. V I.

Cæsi à Drahomira Christiani Pragenses Martyres potissimum Sacerdotes.

An cæsi in
acie Marty
ribus accen
seri possint.

Cædes Ca
tholicorum
Pragæ.

Dubrav. l.
4. & 5. hist.
Boh.
Hagek ad
A. 909. in
Ann. Boh.
Vita P. Al
berti Cha
novsky S. I.

Du dubitavi, utrumne Civēs Pragenses à Drahomira cæsos Martyribus accenserem, quod pugnautes (quanquam pro Religione) ceciderint. Eusebius Nirembergius è Societate JESU, Vir Sanctimonius & libris omnigenâ eruditione refertis clarus, non dubitavit in *Stromatis* asserere, eos etiam, qui pro religione pugnant, & cadunt, *Martyrij lauream* manere; sed etsi id alicui forsitan novum, & non probatum satis videri possit certum tamen est in re nostra, quàm plurimos à *Drahomira* Satellitibus Christianis cæsos, qui nihil repugnaverint, ut conjuges Christianorum, pueros, & virgines; *Dubravius* l. 5. *histor. Bohemica* docet à *Drahomira*, & ejus ministris *Sacerdotes* præcipuè fuisse necatos, quod eorum operâ potissimum *dæmonum* malorum cultus vilesceret; hos igitur eâ causâ cæsos, nemo è SS. Martyrum numero expunget. Anno 919. 3. Aprilis datum, *Drahomirâ* jubente, cædium initium, *Palhogio* Prætorè Pragensi nequissimo homine, & idolis ad insaniam dedito, & *Dominæ* suæ simillimo, sub noctem ex insidijs Christianos aggrediente; sed quia Christianis maturè datum indicium, occurrere armati, & forum (licet ægre) 400. *Palhogianis* cæsis, non paucioribus amissis ex suis, tenuere. Cautius 10. Aprilis *Palhogius* ordinavit insidias, & nocte mediâ Christianos aggressus, trecentos occidit, cum coire ad defensionem non possent. Incelsit omnibus lætitijs *Drahomira*, & factò dæmonibus Sacro, aliam eamque decretoriam sibi promittens victoriam, eodem Anno deleturam se omne Christianum nomen juravit. 18. Augusti *Palhojum* quantas maximas, & quàm instructissimas posset Ethnicorum copias educere in forum Pragensè jussit, & cædes facere; Christiani etsi numero inferiores, DEI auxilio invocato congregati, post cruentissimum prælium vicere; quingenti Ethnicorum occisi, *Palhojus* ipse domum fugiens trucidatus, & in cloacam abjectus est; desijt tandem desperatione *Drahomira* sævire, sed in Ecclesias Pragenses iram vertit, & flammam iniecit. Ob tantum Christianum sanguinem Venerabilis P. *Albertus Chanovsky* S. J. dicebat:

at: sese tenerrimâ pietate perfundi, quoties forum hoc *Pragenſe* rigatum
ngvine Christianorum transfret; prælia hæc depicta in vetere Curia Pra-
nſi (*Stará Kychta* vocant) hodièque gratiosè ſpectantur. Agunt de
s *Dubravins*, & *Hagecius* pluribus Annalium locis.

Pragenſe
forum An-
tiquæ Urbis
rigatū Mar-
tyrum ſan-
gvine.

§. VII.

S. Ludmilla Vidua, & Martyr, Dux & Patrona
Regni Bohemiæ.

Ludmilla Slavibori Comitis de *Mielnik* tum adhuc pagani, & *Lidosla-
væ* filia *Mielnicij* nata eſt; *Borziivoio Bohemorum Principi* nupta, S. Me-
thodium Magiſtrum Fidei Chriſtianæ accepit, qui eam *Mielnicij* cum
atre, & fratribus ſacris aquis abluit. Ex eo tempore nîl niſi pura, & illimis
nctitas vita *Ludmillæ* fuit: deſlere quotidie priorem ſuam idololatriam; o-
re ad verum DEUM de genibus diu, noctûque, ad multam diem in Eccle-
is perſiſtere; pauperum curam gerere, à quibus *Mater* appellaretur; vir-
utes omnes, præcipuè quæ Matronas decent, exercere, & colere. conſra-
tis dæmonum ſimulacris (quæ varijs metallis conſtabant) quidpiam æri Co-
inthio ſimile cùm profluxiſſet, varia inde Templis (præcipuè *Mielnicenſi* &
Boleslavienſi) donaria miſit, ex quibus eſſe *Imaginem Divæ Virginis Bolesla-
viensis*, non vanè ſuſpicantur peritiſſimi Antiquitatis Viri. Pertæſa deinde
es humanas *Wratislao* filio commendatâ *Bohemie* gente, unâ cum conjuge
& *Paulo* Sacerdote ſene in *Tetinenſem* ſolitudinem ſeſe abdidit, DEO uni ſer-
iens, & inhærens; ſubinde *Wratislao* ex *Drahomira* naſcitur *Wenceslaus*,
quem adhuc à matre rubentem unâ cum nutrice *Chriſtiana Tetinum* ad ſe ſer-
i impetravit, & annis ſerè decem (mortuo nuper *Borziivoio* conjuge) vidua
ecum habuit, quotidie ad omnem pietatem conformans, dum denique ad
ſcholas Budecenſes erudiendus à Patre mitteretur; nova deinde rerum in
Principatu mutatio ex morte *Wratislai Principis*: is moriens *Ludmillæ* Matri
Bohemiam, & rem Chriſtianam commendârat; hoc iniquiſſimè ferens *Dra-
homira* ſæmineâ impotentia, dolens maximè idola ſua contemni, & *Ludmil-
læ* ſtudio fidem Chriſtianam longè, latèque propagari, ſocrum decrevit in-
terficere. Inſtante Exitij die, quem Divinitus prænoverat *Ludmilla*, voca-
tis clientulis mercedem perſolvit, & quod ſupererat, in pauperes ſuâ manu
distribuit. Remotis deinde arbitris, confeſſione apud *Paulum* peractâ, au-
dito Sacro, acceptoque Eucharistiæ viatico, vitæ ſuæ finem impensè DEO
commendat, cùm ecce duo à *Drahomira* miſſi Proceres Ethnici *Tuman*, &
Kuman à *Ludmilla* pridie convivio excepti, nocte intempeſtâ in cubile irrum-
punt, & orantem eliſis faucibus velo capitis ſuffocant, non tamen ſiccâ mor-
te; ſiquidem allifo ab ijs ad ſaxum capite, ſaxum illud ſanguine perfudit *Lud-
milla*

S. Ludmil:
virtutes.

Idola con-
fringit, & ex
metallo do-
na mittit Ec-
cleſijs.

S. Wences-
lauri educat.

Occiditur
inſidijs Dra-
homiræ.

Votum S.
Ludmillæ
mors cru-
enta.

Cosmas in
Annal. Bo:
Hagek ad
A. 1190.

milla (quod hodiéque ostenditur) id nimirum unicè *Ludmilla* habebat in ve-
tis, & à percussoribus moriens petierat, ut sanguinem pro *Christo crucifixo*
membris elicerent percussores. Sepulta est *Tetini* primùm *Ludmilla*, dein
de post aliquot annos incorruptum ejus corpus à *S. Wenceslao* nepote *Praga*
translatum in sepulchris Majorum in *Ecclesia S. Georgij* conditum est; quo
miraculis multis, & varijs Divinitas illustravit; pulcrum illud de velo in *C*
isma, & *Hagecio* legitur, pridem à me in *Originibus Guttensteinij*s narratum
& de fragrantia miri odoris, quæ, ut habet *Christannus*, cunctorum arom-
tum, florumque odora menta vinceret.

Hag: in An:
Boh: A. 922.

Miraculum
Tetinese.

Mirum & illud *Tetini* ad *S. Catharina* Ecclesiam, ubi primitus *S. Lu-*
milla Martyris corpus humatum fuit, quod se indubiâ fide comperisse, & plu-
ribus exemplis confirmari posse tradit *Wenceslaus Hagecius* antiquissimi *C*
pituli *Boleslaviensis* *Præpositus*: ex eo tempore, quod *S. Ludmilla Tetini*
condita, *Tellurem* illam *Cœmeterij*, nullius omnino quantumvis pij & *Chr*
stiani hominis, nè infantis quidem, cadaver tolerare, quin altero mox die e-
ciat, & inopertum relinquat, ideoque ad *S. Michaëlem* non ad *S. Catharina*
Tetineses humari; probatum id sæpius, & à se cognitum cum sexennio *E*
clesijs illis præfuerit. Hæc ille; quod venerationi *S. Ludmilla* coelitus d-
tum, & humum *SS. Martyris* corpore quodammodo præconsecratam, cæ-
ra corpora dedignari putandum est, idque cum *Hagecio* omnis retro senti-
antiquitas. Idem ex per vetusto *Pragensis* Ecclesiæ Breviario confirmat-
(lect. 6. in Translatione *S. Ludmillæ*) *Cœmeterium B. Ludmillæ jam in Eccl-*
siam conversum nullius exinde hominis sepulturam admittit, quin alterâ mox a
cadaver à terra ejectum reperiatur. Scripsere *S. Ludmillæ* vitam permul-
primus, idemque antiquissimus *Christannus* Divæ pronepos; *Legende vet-*
res, ut vocant, plenæ sunt ejus virtutibus, & miraculis: *Nicolaus Salius* de
mo *Pragensis* è Soc: *JESU* vitam Latine edidit, quam retulit *Foannes Bon-*
facius S. I. Hispanus in historia *Virginali*, & *Surius* descripsit; consulantur *H-*
gek, Chanovsky, Pontanus &c. omnium accuratissimè *S. Ludmillæ* vitam
nostrâ memoriâ descripsit *Georgius Ferus S. J.* Quæ nos hic attulimus, pl-
raque ex *Lectiõibus vetustis Breviarij Pragensis* excerpta sunt. Passa est
Ludmilla An. C. 927. (*Weleslavinus*, aliique probabilis ponunt An. 920
Sabbatho 16. Cal. Octobris; unde evanescit illa Patriæ historiæ curiosi ad-
miratio: quæ fieri potuerit, ut *S. Ludmillâ* vivente, & ad clavum sedenti
(post filij *Wratislai* mortem scilicet) *Drahomira* in Christianos Tyrannidem
exercere potuerit? facilis responsio: cum enim 916. *Wratislaum* Principem
objisse & *Ludmillam* An. 820. cæsam esse ponamus, habebit prope quatuor
annos imperij *Ludmilla*; reliqui Anni usque ad *S. Wenceslai* regniem *Dra-*
homira Tyrannidi dabuntur. Adde quod *S. Ludmillam*, etsi à filio *Wra-*
slao oblatum haberet imperium, cessisse folio, & in *Drahomiram* dominatio-

Chronolo-
gia imperij
& mortis S.
Ludmillæ.

em transtulisse *Christannus* (in vita S. Ludmillæ) significet. Tandem di-
ere possumus, etiam vivente S. Ludmillâ *Drahomiram* sævisse, cum & Mu-
er (qui sexus sæpe omnia sibi licere putat) & impotens animi, avidâque re-
nandi *Cacodæmonem* spiraret, ac penè ob idola sua rabiret; hoc quod ul-
mò dixi habet Officium Sacerdotale *Pragensis Ecclesiæ*, *Vvratians*, in-
uit, moriens, *Ludmillæ omnem Regni administrationem commisit*; quod *Dra-
omira indignè ferens*, &c.

*Leet. IV. in
fest. S. Lud.*

§. VIII.

S. Wenceslaus Bohemiæ Dux, Virgo, Martyr,
& Regni Bohemiæ Patronus.

WENCESLAUS Bohemiæ Dux, *Vvratislai* Bohemiæ Ducis
primogenitus, *Drahomirâ* Matre gentili natus An. 908. *Paulo Kei-
cha* Sacerdoti S. *Methodij* discipulo educandus traditur, conlopitum
ille puerulum genibus ante lectulum flexis quotidie Divino Numini offerre
solebat; ergo pij Sacerdotis, & præcipuâ aviæ *Ludmillæ* Sanctissimæ fæmi-
næ curâ, omni virtutum genere efflorescere cœpit, sic ut *Budecium* ad studia
literarum missus etiamnum puer cœlestibus visis (quorum aliqua refert co-
vius Scriptor *Christannus*) dignaretur à DEO. Peculium puerile suum om-
ne *Budecij* erogabat in *Missas*, & (quæ tum merces pretiosissima) in vinum,
& panem SS. *Eucharistiæ* à Sacerdotibus conficiendæ, cui mysterio ipse mini-
strare quotidie gestiebat; affectus hic in *Eucharistiam* in omne reliquæ vitæ
tempus perseveravit in *Vvenceslao*, ut postea Princeps, quidquid ad *Missam*
pertineret, suis manibus appararet: nam & agrum tritici feracem, & vine-
am habebat (quam hodièque ab eo donatam, *Ecclesia Vvetero-Boleslaviensis*
servat, & colit) sacrificijs destinatam, ubi *Vvenceslaus Princeps* *Eucharistiæ*
colonus & ferebat, & metebat, suisque humeris deportabat in horreum, &
conterebat, & molebat, & pinsebat; vinum verò pastinatum à se botris le-
tis exprimebat, quo in labore nullum admittebat focium; visitur adhuc *Ve-
tero-Boleslavia* in Ecclesia SS. *Cosmæ, & Damiani*, S. *Vvenceslai* culinula, in
qua SS. Princeps & hostias oblatas coquebat, & reliqua in apparatus *Missæ*-
rum omnem conficiebat. Sed *Budecium* redeamus: dum Wenceslaus
puer in studijs versatur, Mater *Drahomira* per nefariam S. *Ludmillæ* necem,
ac prius per voluntariam cessionem & Imperij renunciationem, Regni admi-
nistrationem assequitur, Ethnicisque impune ad cædes Christianorum con-
citatis, Religionem Christianam propè extinxit. Pertæsi tyrannici, & im-
pij Regiminis Bohemiæ Proceres, quorum caput *Podivinus* postea *Aulæ Vvenceslai*
Præfectus, *Vvenceslaum* silentio *Budecio Pragæ* evocant, & (quod, si
religionem, & rem publicam salvam esse vellent, necessarium erat) excusso

S. Wences-
laus à pue-
ro cœlestib⁹
visis hono-
ratus.

SS. Eucha-
ristiæ à pue-
ro cultor.

*Strans: in
Rep. Boh.
C. 8. §. 12.
A. 922.*

Matrem ge-
tilem detur-
bat Princi-
patu.

Virtutes S.
Wenceslai

Beatissimæ
Virg: & SS.
Patronorū
studiosissi-
mus.

Cædes S.
Wenceslai

Ricciol. in
Chronolog.
reform. To.
IV. lii. 2.

Sanctis ad-
scriptus bre-
vi post mor-
tem.

Drahomiræ iugo Principem quatuordecim annos natum consalutant; rem-
ūt gesta est, idem *Christannus* commemorat. *Venceslaus* pietate magis
quàm Imperio *Bohemiæ* regens, orphanis, viduis, egenis, tantâ charitate
subveniebat, ut proprijs humeris ligna indigentibus noctu comportaret. Ju-
cundum, an triste magis (certè *Wenceslao* latum) narrat exemplum *Chri-*
stannus, cum in ea comportatione lignorum deprehensus nocte SS. Princeps
neque agnitus ab Oeconomo domûs suæ graviter vapulavit, ac silentio ren-
transmisit. Pauperibus humanis frequenter aderat, captivos præcipu-
Ethnicorum pueros redimebat, carceribus detentos nocte intempestâ visita-
bat, pecunijs, & consilio solabatur. Miti animo Princeps vehementer do-
lebat, quempiam, etsi reum, morti adjudicari. Nocte nudis pedibus supe-
nivem, & glaciem circuibat Ecclesias, ut etiam cruenta, & sequentem *Podi-*
vinum calefacientia vestigia remanerent. Angelos habuit sui corporis custo-
des: cum enim ad singulare certamen adversus *Radislaum Ducem Curimen-*
sem eo fine accederet, ut suorum saluti prospiceret, visi sunt Angeli arma mi-
nistrasse, & adversario dixisse: *Ne feri!* perterritus hostis venerabundu-
procidens veniam exoravit, & victorem *Pragam* secutus Christiano ritu sa-
cris aquis ablutus est. Cum in *Germaniam* profectus esset, Imperator con-
spectis duobus Angelis, aureâ cruce ad se accedentem ornantibus, è folio pro-
filiens, brachijs excepit, Regijs insignibus, ac titulis decoravit (quos tamen
S. Viri modestia recusavit) eique S. Viri brachium fatale Imperij pignus (quo
se ad *Wenceslaum* ultro converterat, velle se à *Venceslao* auferri indicans)
donavit. S. *Michælis, Cosmæ, & Damiani, S. Petri Apostoli*, ac præcipu-
D. *Virginis* studiosissimus fuit: quoties ad *Curiam solennem* (ut Veteres vo-
cabant) aut ad prælium cum exercitu properabat, *MARIÆ* effigiem, ori-
entalium Regum exemplo, præferri sibi jubebat in hastili, crediturque effigi-
em *Vetero-Boleslaviensem*, eâ in S. *Venceslai* pompâ sæpius prælatam fuisse.
His virtutibus florentem, & cœlibem vitam agentem impius frater *Boleslau-*
Drahomiræ matris hortatu convivio *Boleslaviæ* exceptum, & postea noctu a
Ecclesiæ, per prodicionem clausæ, januam orantem, paratæ sibi mortis præsci-
um, adhibitis sceleris comitibus, interfecit, An. Christi 938. 28. Septembris.
Sanguis per parietes aspersus adhuc conspicitur, & DEO vindice *Matrem*
impiam Tellus absorbit, interfectores varijs modis miserè perierunt. In
Ecclesia *Boleslaviensi* statim à morte plurimis, maximisque coruscavit mira-
culis, quæ postea, *Pragam* ad Ecclesiam S. *Viti* quanti fundarat, corpore de-
vecto, secuta sunt, & leguntur in vita, ipsaque Translatio miraculum fuit.
Suâ ætate patrata ad tumulum *Benessius Canonicus Pragensis* recenset; quibu-
ritè cognitis Divorum numero ritè adscriptus est; certè *Joannes Papa* in li-
teris, quibus *Episcopatum Pragensem* recens fundatum confirmat, Sanctum
& Martyrem *Venceslaum* appellat, annis à morte ejus paulò ampliùs trice-
nis

is. Auream S. Wenceslai capiti coronam aliquoties nostri Principes, ac Reges imposuere, Sobieslaus Dux, Joannes & Carolus Reges; ætate Caroli V. Proceres Bohemia, & major Regni Nobilitas pretiosissimo opere clypeos aureis (quæ singulorum stemmata referebant) ejus sepulchrum contexere. Romæ in Vaticano apud S. Petrum stat elegans Altare marmoreum S. Wenceslai (cùm nullus propè alius Regum Sanctorum altare in ea Basilica habeat) ab Joanne Episcopo Olomucensi ædificatum, & donatum; die festo S. Wenceslai in præsentia Cardinalium omnium colebatur, quibus duo scuta ut vocant, singulis, pauperibus verò panis & vinum distribuebatur. Lampades duas, argenteam alteram, alteram viliorem, sed cum fundatione æterni ignis appendi curavit ætate nostrâ Jaroslaus primus ex sua stirpe Comes de Martinitz. Sarcophagum gemmeum extruxit Pragæ Carolus Imperator, quod opus A. 1366. in pervigilio S. Martyris absolvit. Tumbam ex purissimo auro idem augustissimus Cæsar Carolus aureo Principi Wenceslao paravit, in qua cùm 50. & amplius Annis jacuisset, Sigismundus Caroli filius, caussatus belli necessitatem, & extremum religionis periculum, confringi jussit, atque inde Numos aureos procudit ad Militum stipendia, nullo, ut Scriptores observant, operæ pretio, fortunâ abhinc adversâ usus in omnibus bellis. Scripsere S. Wenceslai vitam plurimi, & extat in Surio; Joannes Episcopus Olomucensis diligentius cæteris, Christannus de Scala primus fuit, qui ejus vitam vulgavit; Nos quoque vitam ejus scripsimus brevissimam, quam Clementi LX. Papæ Matthæus Archiepiscopus Pragensis dedicavit. Illud in solatium afflictæ Patriæ dictum esto: eam esse universæ Nationis, ac totius Bohemæ gentis in Divum hunc, dulcem, solidam, & continuam Pietatem, ut ad summam nihil deesse amplius videatur: illius opem universa Bohemia per vetusto illo hymno (quem Ernestum I. Archiepiscopum, non Joannem I. concinnasse Cuthenus affirmat) quotidie implorat! illius nomine quàm plurima Tempia consecrat! ad illius sacrum Tumulum, etiam in summa Regni egestate, quidquid pretiosum habet, affigit! illius SS. & Virgineum corpus, omnium ætatum & Ordinum frequentissimis supplicationibus honorat! neque unquam frequentius ullum in Bohemia nomen quàm Wenceslaus & Joannes auditur. Denique nō adjuvet ille, tantum non perimus. Expresit hunc totius Bohemæ dulcem sensum ante annos trecentos propè, carmine, nobilissimus ex Gente nostra Poëta Bohuslaus Lobkovicz ex Procerum familia, quod in Sanctissimi Martyris gloriam, & Lobkoviciana stirpis honorem adjicio:

BOHUSLAI HASSENSTEINII DE LOBKOWICZ
AD SANCTUM WENCESLAUM.

Quid facis, ô Columnen nostrum, Patriæq; labantis?
Quid facis atherei lumen, honorque laris?

C 3

Corona aurea, & Clypeoli aurei.

Fundatio
Altaris S.
Wenceslai.

Aureum S.
Wenceslai
sepulchrum.
Chanovsky
in vestigio
Boh. Pie C.
3.
Hagek, Du
brav. &c.

Vitæ Scriptores.
Affectus
nostræ gentis.

S. Wáclaw
we / zc.
Cuth. in No
tis ad Æne
am Sylvii
in Ernesto.

A. 1400.

Elegiâ I. in
ter opera
Bohuslai
Lobkovicz.

An

Descriptio
temporum
sub Wladi
slao Rege
in Boh.

Preces ad
D. Wence-
slaum.

An Te forsan habent letheæ obliviaripæ,
Excidimûsque animo nos tua turba, tuo?
Æquoris in medio cur nos Pater optime fessos
Deseris, assuetum præsidiumque negas?
Aspicias? ut tendat piceï frenator Averni
Mille tuo populo retia, mille plagas,
Aspice quàm latè ventosa superbia regnet?
Despicit ut fastu cætera cuncta truci?
Invidiâ livent procures cum paupere vulgo,
Tinctâque vipereo spicula felle gerunt;
Detinet ira ferox plebem, vindictâque votum est
Omnibus, & magni creditur esse viri.
Vivitur ex spolijs, nulla est concordia Fratrum,
Nummus honoratos, egregiosque facit.
In miseros passim juvenes, miserâsque puellas,
Tela pharetratus flammea jactat amor.
Dicere delicias domina, gestare corollas,
Dedecus annosus non putat esse senex.
Segnities multis, atque otia sola probantur,
Et gravior stygijs est labor omnis aquis.
Pluribus est venter curæ, Bacchôque, cibôque
Distendi; vitæ præmia summa putant,
Cretâq, quicquid habet, quicquid Chios aspera vini.
Sufficit illorum, vix satiare gulam.
Religio nulla est, superi cælumque putantur
Fabula, nec pueri jam Phlegethonta timent.
Hos inter fluctus semper jactamur, & undas,
Aurâque, nescio quò, lintea nostra vehit.
Nos inter scopulos agimur moderamine nullo,
Nec Typhis nobis, nec Palinurus adest.
Sed tu lentus abes, nec nostra pericula curas,
Qui spes es nostri, perfugiumque chori,
Saucia sunt nobis Erebeis membra sagittis,
Vulnera nec medicâ nostra foventur ope.
Te quondam in niveo (si vera est fama) Caballo
Externas acies, Dive, fugâsse ferunt.
Terrenas acies, terrenâque castra fugare
Si potes, hos hostes nunc quoque pelle, precor!
Detege Tartarei fraudem serpentis, & astum,
Detege conatus, insidiâsque suas!

*Te pietas moveat, te denique vota tuorum,
 Te flectant humiles, Dux venerande, preces!
 Da veram pacem, tranquillâq; tempora nobis,
 Sit tuba, sint litui, sint fera bella procul!
 Sit procul omne animi vitium, pestisque recedat
 Corporis, & mentem si qua venena tenent!
 Fac curent patriam Proceres, majorque potestas,
 Rex, qui Pannonici nunc colit arva soli.
 Pareat imperio populus, mandata Senatûs
 Observent, nulli noxius esse velit,
 Vanâque religio, peregrinâque sacra facessant,
 Agnoscat Latius Pastor ovile suum.
 Cessent letiferi motus, cessentque tumultus,
 Per quos jam patriæ corrui omne decus;
 Sic tua te soboles cunctis venerabitur annis,
 Et dicet Patrem tempus in omne pium.*

§. I X.

B. Podivinus Vir Nobilis, & vitâ Sanctus, S. Wenceslai Martyris Achates; Christiani complures, eorûmque liberi infantes ob Fidei causam trucidati, & Sacerdotes in exilium acti præcipites.

Podivinum cum S. Martyre Wenceslao inter primos cæsum in Anna-
 libus Bohemicis affirmat Hagecius; at veteres alia omnia tradunt, con-
 venitque inter eos: diu post cædem S. Wenceslai captum, in optima
 causâ interiisse; rem, ut gesta est, ex Christanno, & Joanne Olomucensi Epi-
 scopo commemorabo: SS. Wenceslao Duce peremto, tota ejus familia, om-
 nesque Aulici, partim cæsi, partim in Albim injecti, & merfi sunt; qui peri-
 culum evadere potuerant, in alias terras abiêre; inter hosce Miles (quæ vox
 apud veteres Nobilitatem indicat) Podivinus (alijs Podivven) *comparticeps*
 & *consors* (ut loquitur Christannus) *universorum operum, quæ dudum à S.*
Wenceslao gerebantur, in Germaniam abiit exulatum, diuq; exilium tolera-
vit; tandem pacem Patriæ redditam jam esse ratus, in Patriam redijt, domi-
que suæ sese occultans, hærebat; cûmque aliquando S. Wenceslai indignif-
simam cædem animo volveret (ut erat ingenij ferocioris) exardescens, arrepto
gladio, ad Domum cujusdam, qui Boleslao necis author fuerat, cujus mani-
bus præcipuè S. Martyrem interfectum esse sciebat, properans, eundem ex-

Circa A.D.
932.

Christan. in
Vita S. Wenceslai.

Podivinus
summus a-
pud S. Wenceslaum.

pro-

B. Wenceslai Ducis
sui cædem
ulciscitur.

Capitur Po-
divinus.

Nota: San-
ctum appel-
lat Podivi-
num Chri-
stianus Bo-
leslai ipsius
fratricidæ fi-
lius ante
700. ann.

Virtutes B.
Podivini.

Miracula in
B. Podivini
morte.

Benef. Ca-
non. Prag.
l. 4. Chron.

probratâ prius cæde SS. Regis, occidit; Veteris Boleslavia rem esse gestam ostendit, quod sequitur: Podivinus perpetratâ sicarij cæde, sperans evade-
re se posse, in vicinam silvam contendit; sed Boleslaus continuo facinore co-
gnito cum Apparitoribus silvam circumdedit, illicôque comprehensus Podi-
vinus, laqueo in arbore sublimis necatus est. Quæ sequuntur, ex ipso Chri-
stiano exscribo: Grande aliquid dicturus sum, sed ora plurimorum scientium
luce clariùs hæc predicant: pependit ibi tribus annis, non avis, non bestia, non
ipsa humana carnis assumptio, & putredo in corpus ejus prævaluit, sed more vi-
ventis, unguës, & barba excrevit, & capilli ejus usquë ad summam canicien-
albi effecti sunt. Tandem tadio victus Fratricida (Boleslaus) quia miracu-
lum DEUS ubi vis gentium declarabat, in eodem loco eum humo cooperiri fe-
cit. Sed nec itâ opera DEI abscondi potuerunt, quin ad manifestanda populi
Sancti sui merita, lumen caeleste noctu à transeuntibus frequentissimè super se
pulchrum ejus accensum videretur. Tamdiu hoc actum est, donec undecunquè
advenientes, donaria offerre inciperent, & supra Tumbam sepulti devotionis sua
munera darent, & vite sue commoda DEO, & occiso illi committerent.
Post multum temporis, sublatum est corpus, & translatum cum devotione Cle-
ricorum, Virorum, mulierumque devotarum, & positum in Cæmeterio S. Viti
itâ, ut S. Wenceslaus in Ecclesia quidem, & Miles illi foris positus, solâ mace-
riâ dividantur. Et hanc illi gloriam fides recta acquisivit, in qua dum advi-
xit, Domino suo fideliter deservivit: nam cum esset universorum dispensator
inter tecta S. Wenceslai degentium, cunctos penè vernaculos, extremos usquë
ad cocos itâ instruxerat, quod penè nullus Curtesium (Aulicorum) foret, qui
Psalmographiam, hymnos canere, vel stylo exarare ignoraret, vel aliquid ad Ec-
clesiasticum ritum pertinens addiscret. Universos, ceu gnatos proprios am-
plectens, à cunctis ut Pater, honorabatur. Si quando vero illi Eleemosyna in-
juncta fuisset, in dispendendis decem nummis, ipse pro fidelitate Domini sui ad-
debat quinque; quando videbantur in triginta, vel eò amplius alimenta paupe-
res distribui, quindecim ille addebat ad numerum. Quapropter & à Deo se-
cundum promissa ejus, Evangelicum audire meruit: Euge serve bone, quia in
paucis fuisti fidelis, super multa te constituam; & cum Domino carnali in gau-
dia omnipotentis Christi meruit intrare manentia sine fine, lucernæq; ardentes in
Basilica Sanctorum (uterque ubi quiescit) nocte visæ sunt, vocësque psallentium
Angelorum à pluribus inibi audita sunt frequenter.

Haftenus Christannus, quem describere voluit, quòd alium sciam ne-
minem, qui diligentius & cum autoritate majore (quippe eorum tempo-
rum proximus) facta Podivini, ac mortem notaverit. Ex quibus Viri San-
ctitas, & quantum ei D. Wenceslaus tribuerit, intelligere licet; simul illud,
Podivinum, velut Beatum jam illâ ætate cultum fuisse, ideôq; prope sepul-
chrum S. Wenceslai conditum, cui postea Beatam Przibislavam S. Wenceslai
foro-

rorem Canonici adiecere, ut vel ex socia Sanctissima Matrona noscatur ab ijs, qui de *Podivino* nihil legerunt. Traditum est ab antiquitate & illud: dum infelici arbori alligatus esset *Podivinus*, omnes *Boleslaviensis* silvæ arbores, certatim ei honorem habuisse, & inclinasse vertices; in qua cultus significatione hodièque, ut videmus, perseverant. *Cosmam* quoque vetustissimum criptorem audiamus: An. 1124. *Meinhardus Pragensis Episcopus* reperit ossa *B. Podivini* (itâ disertè scribit, qui tum vivebat *Cosmas*) *Boleslavia* post Ducem suum *S. Wenceslaum* occisi, eaque condit humi in Capella, quæ est sub terra inter Altare *S. Nicolai Episcopi*, & tumulum Episcopi *Faromiri*. At tum Ecclesia *Pragensis* conderetur, eadem sacra ossa alium in locum sunt translata.

Cosmas l. 3. hist. Boh.

Translatio
S. Corporis

Annno 1367. ait *Benessius* Canonicus *Pragensis*, *Beata Præzibislava*, & *B. Podivini* corpora sepulta sunt in Ecclesia *Pragensi*, sed extra Sacellum *B. Martyris Wenceslai*. Vide quæ, cum de *B. Præzibislava* ageremus, dicta sunt.

Neque inhumana feritas *Drahomiræ*, & Satellitum ejus *Podivini* cæle conquievit, sed plurimos alios, cæso *Wenceslao* adjecit Christianos, ut *SS. Martyr* magno comitatu Cælos intraret; *Christannum* eorum temporum proximum audiamus: *Iidem S. Martyris* necatores, ei, quem usquè ad mortem persecuti sunt, nec mortuo parcere cupientes, cursu rapido Civitatem *Pragensem* adeunt, & omnes amicos ejus (scilicet *S. Wenceslai*) quos bonos bono adhæsisse credimus, diversâ, & crudeli morte perimunt, & infantes eorum vivos in profundo fluvij *Wltavia* demerserunt: quos quia participes fuerunt passionis, credimus & effectos esse gloriæ, & eorum numerum, & nomina, licet nos indigni præ multitudinem eorum nesciamus, tamen DEUM scire, & elegisse verè credimus. De Clericis verò hæc habet idem Scriptor: Adunaverat autem *Vir Beatus*, dum adhuc viveret, Clericorum non minimam multitudinem, & servorum Dei, quos persecutores *S. Martyris* adeò persecuti sunt, ut vix in Patria aliquis eorum remaneret, ut verè in hoc impletum cerneremus, quod de Domino specialius prædictum cognoscimus: percutè pastorem, & dispergentur oves Gregis.

Christan. l. cit.

Martyres
plurimi cū
S. Wenceslao

Notandum

§. X.

S. Vitus Martyr Patronus Regni Bohemiæ.

Vitus admodum puer, in scio Patre, baptizatus est: quod cum illerescivisset, nihil prætermisit, quo filium à Christiana pietate removeret, qua in voluntate permanentem *Valeriano* Judici verberibus castigandum tradidit. Sed nihilominus in sententia persistens, Patri redditus est. Dum verò eum pater gravius punire cogitat, *Vitus* Angeli monitu, comitibus *Modesto*, atque *Crescentiâ* ejus educatoribus, migrat in alienas terras. Ibi eam sanctitatis laudem adeptus est, ut ejus famâ ad *Diocletianum* perlatâ, ipsum

Ex lectioni
bus Brevia
rij Romani.

D

ipsum

Mors S. Mar-
tyris Viti.

S. Viti Bra-
chium im-
petrat S.

Wencesla-
us cum mi-
raculo.

Joann. Epi-
sco: Olom.
in vita S.
Wenceslai.

Beness: Can:
Prag. l. 4.
Chron.

S. Viti cor-
pus à Caro-
lo IV. Pragā
allatum.

Silo. in Pa-
rallelis Al-
fonsinis L.
2. N. 4.

De Sancto-
rum corpo-
ribus certa-
mina.

ipsum Imperator accerferet, ut filiam suam à dæmone vexatam liberaret. Quā liberatā, cum ei amplissimis præmijs ingratus Imperator, ut Deos cole-
ret, persuadere non potuisset, unā cum *Modesto & Crescentia* vinculis con-
strictum, mittit in carcerem. Quos ubi constantiores esse comperit, demit-
ti iubet in ingens vas liquato plumbo, ferventi resinā, ac pice plenum, in quo,
cum, trium Hebræorum puerorū more, divinos hymnos canerent, inde ere-
pti leoni objiciuntur, qui prosternens se eorum pedes lambebat. Quare irā
inflammatus *Imperator*, quod multitudinem videbat miraculo commoveri
eos in catasta sterni iubet, & itā cædi eorum membra, atque ossa divelli. Quo
tempore tonitrua, fulgura, magnique terræ motus fuere, quibus templa Deo-
rum corruerunt, & multi oppressi sunt. Eorum reliquias *Florentia* nobili
femina ungentis conditas honorificè sepelivit: *Brachium S. Viti S. Wence-*
slaus Dux, primus intulit *Bohemiæ* ab *Henrico Aucupe* Ottonis Magni Patre
Merseburgi acceptum, cœlesti miraculo admonitus; nam, ut scribit *Joanne*
Episc: cum aperto scrinio reliquiarum sacrarum, quæreretur joco *Henricus*: qui
ex ijs cum *Wenceslao* proficisci vellet? *Brachium S. Viti Wenceslao* sponte
annuit, & se asportari velle indicavit; cuius Sancti honori Ecclesiam postea
Metropolitanam fundavit idem Sanctissimus Martyr *Wenceslaus*. Ossa S.
Viti Carolus Rex noster A: 1356. Ticino, seu Papiā, impetrata, eādem in aedem
Pragenſi locavit. Extat Tractatus *Caroli* augustā manu scriptus, quo proba-
tur S. Viti corpus non *Florentiæ*, alibi, sed *Papiæ* à *Regibus Longobardorum* il-
latum, jacuisse, cui ego (tam curioso istiusmodi rerum Imperatori) plus ni-
mirum fidei tribuendum esse existimo, quā conjecturis sæpe ex jactatione na-
tionum ortum habentibus; quanquam disputare, & dubitare de *S. Viti* no-
stri corpore nemo prudens potest, cum & ex *Corbejano Canobio brachium*, &
ex *Ticinenſi urbe* ipsa corpus habeamus. Cæterum Lectores ignorare non
possunt vetera de Sanctorum corporibus Urbium, & Ecclesiarum certamina
ut de *S. Benedicti* corpore, de *S. Dionysio Areopagita*, quod in *Gallia*, & simu-
Ratisbonæ quiescere jactatur, de *S. Adalberto* *Pragæ & Gnesnæ*, aliisque per
multis. De *S. Viti* corpore sub *Pipino Rege* Francorum furtim à *Fulrado Ab-*
bate Gallo Romā ablato, & ex latebris primū An. 836. prolato, & in Cœ-
nobium novæ *Corbejæ* per *Abbatem Warinum* deportato, ac multis miracu-
lis illustrato, longa est in *Chronico Corbejensi* (quod *Henricus Meibomius* edi-
dit) narratio. Ego nihil ausim definire; consulantur, qui ista ex professi-
tractabunt; interim legatur suprā laudata *Caroli IV.* tractatio, præsertim *Epi-*
stola ejusdem ad Archiepiscopum, Præpositum, Decanum, & Capitulum
Ecclesiæ Pragenſis, cuius exordium est: *Oriens ex alto*, quam *Pessina* in su-
Phosphoro, & ante eum *Pontanus in Bohemia Pia* recitavit; quā *Epistolā Ca-*
rolus IV. docuit, Inclutum *Lombardorum Regem Astulphum* nomine, ab An-
nis 800. circiter (longè scilicet ante *Corbejæ* foundationem) corpus & caput S.

Viri attulisse *Ticinum*, idque testimonijs, & sigillis Episcopi, Abbatum, & Civitatis *Papiensis* confirmat. Passus est Martyr sanctissimus in *Lucania A.* 2. 303. 15. Julij. *S. Viti Martyris* ossa fatalia esse Imperio Romano-germanico, & quò sacrum ejus corpus transfertur, eò transferri Imperia docuit, & probavit exemplis Illustrissimus Cardinalis *Baronius*.

*Ricciol. in
Chron. Ref.
T. IV. tit. 2.*

In An. Eccl.

S. X I.

S. Sigismundus Martyr Patronus Regni Bohemiae.

Sigismundus *Burgundiae* Rex, quam à *B. Avito Viennensi* Episcopo pietatem hauserat, egregiè excoluit. Charitate in pauperes, vitae abstinentià, demissione animi, omni denique virtutum genere, sed praesertim religione in DEUM, veneratione in Sanctos, illustris fuit. Inter ceteros, *Thebaeos Martyres*, eorumque Ducem *Mauritium* mirificè coluit, quorum *Agaunense* templum, ubi eorum sacra Corpora servabantur, & Monasterium injurià temporum penè desertum, non modò restituit, sed magnificentius etiam exstructum, Monachorumque numero auctum amplissimis redditibus locupletavit. Ad horum Martyrum tumulum cum frequenter accederet, illud rogare in primis consueverat, ut in eorum Societatem ipsis exorantibus à DEO reciperetur. Hoc ipso in templo, dum preces funderet, monitus ab *Angelo* divinitus est, ut quod coelestium chori ipso audiente mox erant facturi, monachos ad psalmos alternis versiculis decantandos hortaretur. Denique *Syagrii* filij necem, quam novercae dolo, atque impulsu illi intulerat, hoc eodem in loco ad Sanctorum Martyrum tumulum provolutus, uberrimè deflevit, veniamque à Domino ipsis deprecatoribus impetravit. Interim cum in *Burgundiam Franci* irrupissent, *Sigismundus* unà cum *Gondemaro* fratre illis occurrit. Fusus ab hostibus, cum ad *Agaunense* Monasterium, quasi in portum confugisset, prodentibus suis, in *Clodomiri* potestatem venit. Abductus ejusdem jussu in Gallias, atque in carcerem primò conjectus, mox etiam in puteum unà cum uxore & liberis praecipitatus est. Sacri corporis reliquiae post triennium ad *Agaunense* templum delatae sunt, quas *Carolus IV.* Romanorum Imperator, & *Bohemiae* Rex, qui totà Europà Sanctorum Corporum reliquias quærebat, sagaciter, cum locus sepulchri ignoraretur, manuscripto Codice veteri prolato, invénit *Agauni & Pragae* die S. Augustini An. 1365. summà omnium ordinum frequentià, & pietate intulit, quod continuò innumeris coepit clarere miraculis, de quibus, ut ait, *Benessius de Weitmil, specialis tractatus in Ecclesia Pragensi servatur.* Constat ex Scriptoribus ejus temporis *Filium* Anno Ch. 1368. in quarto *Caroli* connubio à S. Martyre impetratum esse, ideòque *Sigismundi* nomen accepisse, idque Cæ-

*Ex Lectio:
Brev: Bohemici.*

S. Sigismundi coelestes Virtutes.

Cædes S. Sigismundi.

*Vide Epit: nostram.
Translatio Pragae.
Beness. l. 4.
Chron.
Epit. l. 3. c. 21.*

- Id. Benefi:* *far* Pater probavit donarijs, nam confestim Sanctissimi Martyris sepulchrum, delibum
ad A. 1371. auro, & argento contextit, & in filij baptisate mille aureos Ungaricos pro nem rece
M. S. Mar ornando tumulo, Canonici Pragenses decem argenti marcas donavit. D ula suscep
tyrolog. Ec: miraculis S. Sigismundi compendiosa est, & authoritatis plenissima ex Marty nusque S
Prag. rologio Ecclesie Pragensis narratio, s. Calendas Octobris depositio in Eccle radixit.
Miracula S. *sia* Pragensi Sanctissimi Martyris Sigismundi Regis Burgundia, cujus corpus In altoris mu
Sigismun: victissimus Princeps Carolus IV. Romanorum Imperator semper Augustus, & rufitata li
Corona au Bohemie Rex de Agauno, alias de Octodoro Diocesis Occimensis ad Ecclesiam aperum
rea. Pragensem transtulit, & in sepulchro decorato auro, & argento honorifice re thmari C
Notandum osa merita, debilibus, cecis, surdis, mutis, claudis, infirmis, & demonijs obse bohemi I
Benefi. ad rologium. Memorabile illud, quod Beneficius narrat: Imperator (Carolus) od Antij
A. 1371. IV.) An. 1371. factus est ager in Carlstein; Imperatrix (pro salute Mariti temporibu
Ricc. Chro: ixit pedes ad corpus S. Sigismundi (3. milliaria Bohemica) & obtulit pro eo oct im paucul
Reform. T. scutellas puri auri, seu 23. marcas auri, & s. lot continentes in valore; pro sien tis, libens
IV. tit. 2. do capite S. Sigismundi 16. centena, & 50. florenos auri puri. Et restitutus es tificatum
Annus cæ- Imperator pristinae sanitati. hæc Beneficius, qui tum vivebat. De tempor oria: S.
dis. apud Tamayum An. 526. cæsum esse contendunt. Majorum nostrorum an Christi
 sæculis apud S. Sigismundi Tumulum Febribus potissimum medicina fælici edicasse.
 ter quærebatur. caricis, om
 cio, an tur
 super Chu
 cinia Eccle
 gi (quæ pijs
 entem. C
 locum trad
 farum in
 delusi. C
 molesta su
 bus, quod
 jus auxilij
 exemplis
 thoritati
 Herman
 remem
 so, An. 1
 ter, in hac
 sua viatic
 in eventu

§. XII.

S. Wolfgangus Ratisbonensis Episcopus.

Ex Lectio:
Brev. Bohe
mici M. S.

Virtutes SS.
Præfulis

Miracula.

Wolfgangus è Svevia ortus, rerum externarum fuit, & sui contempto
 egregius, solum ex animo DEUM quærens, ut vitæ monasticæ, a
 celestium rerum meditationi sese totum, penitusque traderet, ho
 nores amplissimos, ab Henrico Trevirensium Episcopo sibi oblatos, recusa
 vit. Postea sacris Ordinibus à Beato Udalrico initiatus, propter conjunctan
 in eo eximia cum pietate prudentiam, Othonis secundi studio, ac totius popu
 li acclamatione, Ecclesia Ratisbonensi præficitur. In suscepto Episcopatu
 munere, gregem Domini verbo pavit, & exemplo. Sanctissimis Ecclesi
 ani temperavit institutis. Monasterio S. Emmerami Ramvoldum præfecit
 Boëmis, nè in fide suscepta periclitarentur, Adalbertum Episcopum adjunxit
 Idem collapsam sacrarum Virginum disciplinam ita restituit, ut novo pietati
 illius odore capta Brigida, Bavaria Ducis filia, sponsum Christum secuta, ac
 sacras se Virgines aggregarit. Egregiam viri sanctitatem miracula crebra
 comprobârunt. Nam & herniosos, & energumenos, & varijs langvoribus
 oppressos, precatione sanavit. Quin & ægri omnes, oleo quo ipse uteba
 tur,

ur, delibuti, vel aquâ ab illo benedictâ degustatâ, optatam illico incolumi-
atem receperunt. Idem prophetico Spiritu *S. Henricum* Imperij guberna-
ula suscepturum, fratrem ipsius *Brunonem* ad Episcopatum promotum iri,
etiusque *Sororem* Abbatissam fore, aliâque consequentibus annis eventura
prædixit. Neque rerum suarum nescius, cum sex & viginti annis in seduli
pastoris munere peractis, sibi extremum imminere diem cerneret, quæ sibi
ex usitata liberalitate supererant, omnia in cœli Gazophylacium, per manus
pauperum præmisit, sacræq; Eucharistiæ viatico ritè præmunitus, in ipso *S.*
Othmari Oratorio, beatam animam DEO reddidit. Haftenus *Breviarij*
Bohemici Lectiones; ex quibus merita *S. Wolfgangi* in nos satis apparent:
quod *Antistes* Noster fuerit, *Bohemiâ* ad *Ratisbonensem* *Diœcesim* primis ejus
temporibus spectante; quod, ut Præsulem suum haberet *Bohemia*, villis tan-
tum pauculis, quæ ad *Ratisbonensem* *Episcopatum* spectarent, gratuito acce-
dit, libens concesserit; his adde: perpetuum Divi *Wolfgangi* etiam ante E-
piscopatum in *Bohemos* amorem. Tradunt *Einsidlensium* Abbatum me-
moriam: *S. Virum*, cum Monasticen adhuc ibidem profiteretur, *Evangelii-*
um Christi Bohemis (quorum pars magna id temporis falsos Deos colebat)
prædicasse. Disertè *Raderus* noster ex *Aventino*, *Hundio*, *Annalibus Hel-*
veticis, omnem *Bohemiâ* peragrasse *S. Wolffgangum* affirmat. Ac sanè ne-
cio, an tum, an postea jam *Præsul*, vestigia illa saxi impresserit, quæ in rupe
super *Chudienicum* in *Provincia Plnsensi* hodièque visuntur; *Wolfanek* Vi-
cinia Ecclesiam illam opere insigni exstructam appellat, vestigia *S. Wolfgan-*
gi (quæ pijs osculis adorant peregrini) fornice tegentem, & mœnibus ambi-
entem. Quidquid rusticæ plebis est à pluribus milliaribus eò confluit, &
locum traditâ per manus à Majoribus pietate venerantur, certumque rerum
suarum in *S. Wolfgango* præsidium repositum habent, vix unquam suâ spe
delusi. Observatum illud est in ea *S. Wolfgangi* Ecclesia, omnia, quæ aliàs
molesta sunt homini animalia, innoxia esse, ac pulices ipsos parcere morsi-
bus, quod tota illa vicinia narrat. *Czerniniorum* illustrissimam gentem (cu-
jus auxilijs potissimum hoc Templum surrexit) *S. Wolfgangus* eò loci, ut
exemplis probari potest, servat de cœlo; admirandum est, & fidelissimo au-
thoritatis testimonio munitum, quod in Testamento *Illustrissimi Comitis*
Hermanni Czerninij qui An. 1651. 6. Febr. decessit, ante aliquot annos lege-
re memini: *Humberto Czerninio* loci Domino sanissimo & nihil morbi pas-
so, An. 1600. Angelum apparuisse, qui post triduum moriturum admone-
ret, in hac Ecclesia *S. Wolfgangi* ritu Catholico peccata confiteri, *SS. Eucharis-*
tiae viaticum sumere, & domui suæ disponere; fecit, & prædictioni respon-
dit eventus. Porro *Antistes* sanctissimus vitâ excessit 31. Octobr. A. 799.

Mors.

S. Wolfgā-
gus *Aposto-*
lus Bohem.


M. S. Cle-
ment. Pra-
gensis Colle-
gij.

Rader. in
Bav. sancta
in S. Wolfg.

Epit. Boh.
l. 2. C. 9.

Ejus Eccle-
sia mirabi-
lis apud nos

Czerninio-
rum Chu-
denicij Pa-
tronus.



§. XIII.

B. Milada, vel Mlada (quam Joannes Papa Mariam vocavit) prima Antistes Parthenonis Ordinis S. Benedicti ad S. Georgium Pragæ.

In Epitome
l. 2. C. 6.

B. Miladæ
merita in
Bohemiam

In Cœnobij
Boh.

Cruger. in
Pulverib.
sacris ad 9.
Febr.
Beatæ titu-
lus.

Bolland. T.
3. Martij
ad 28. in
Prætermis.

PRidem notavi summam fuisse *Boleslao Sævo* quantumvis fratricidæ in liberis fælicitatem; ex ijs *Mlada*, vel *Milada* filia, *S. Wenceslai* Martyris neptis, quam pater jam frugi redditus, latinis literis, ac deinde sacrarum Scripturarum notitiâ ad sæculi miraculum in *Ratisbonensi Parthenone* excultam, & innubem (quod ipsa unice cupiebat) reliquit. *Romam* mortuo Patre profecta, ab ipso Pontifice *Joanne XIII.* velo injecto, inter *S. Benedicti* Vestales novo *Maria* nomine impoſito, consecrata est *Romæ* An. D. 971. Ibi dum *Maria* moratur, immortalis beneficio universam gentem suam affecit, & pro fratre suo *Boleslao Pio* Legatione functa, *Bohemis* Episcopum impetravit, & Apostolicas literas, quibus *Ecclesia Pragensis* (quam Pontifex *Ecclesiam SS. Viti, ac Wenceslai Martyrum* disertè vocat) in Episcopalem erigebatur; addidit alias preces *Maria*, ut Cœnobium Virgineum, ubi vellet, fundare liceret; fundavit illud Pragæ, & ex Principali sua hæreditate dotavit, ejusque Cœnobij (quod lectissimis Virginibus *Bohemis* implevit) prima Antistita (*Abbatissam* vocant) evasit; sed de hoc Cœnobio alius scribendi locus. *Maria* postquam omnibus virtutum exemplis Alumnas & Amatas suas magis quàm imperio rexisset, ad DEUM in æternitate temporum laudandum, quò illam sua merita vocabant, evolavit in cœlum, annis, & gratijs cœlestibus plenissima. A. C. 994. 9. Februarij mortuam, anno notat *Crugerius*, at vetus *Breviarium* illius Parthenonis, 8. diem Februarii quo decesserit *Milada*, sinè dubio probabilius, consignat; *Beata* titulum omnis retro antiquitas *Milada* tribuit, ipsùmque etiam altius ab humo elatum in Sacrario B. *Annæ* sepulchrum loquebatur, quod ignorantia præcipiti, & supervacuâ Religionis curâ, nostrâ ætate quidam, humiliari, & deprimi, titulum etiam *Beate* extrito (quasi contra sacros Canones id statutum, & incisum esset) jusserunt; cùm disertè *Urbanum VIII.* Divis ab immemorabili temporis cultis (quod est centum annorum) nihil se præjudicare velle in iisdem Apostolicis literis contestetur. Vide *Epistolam* pro defensione cultus B. *Joannis Nepomuceni*, quam ejus Vitæ præfiximus. Quæ caussa verò sit, cur B. *Maria* vel *Miladam* in basilico illo, & cœlesti opere, quod Sanctorum gesta complectitur, *Bollandus*, ejusque Socij, Fastis suis non adscripserint, facile intelligimus, quòd videlicet diem obitus, & cultus ignorarent; ipsa eorum verba recitabo: *Milada* seu *Mlada* *Boleslai Ducis Bohemiæ* filia refertur à *Wion* L. 4. *Ligni Vitæ* C. 24. inter sanctas *Benedictinas* Regum filias, non indicato die obita.

ortus. Hanc *Arthurus à Munstier in Gynæceo sacro cum Titulo Sanctæ* hoc
 retulit. *Dubravius l. 6. hist. Bohemica* appellat *virginitate & religione con-*
secratam. *Æneas Silvius in hist. Bohem. C. 16. ab eruditione laudat:* *Ponta-*
nis in Boh. Pia l. 4. Beatam appellat. *Ceterum si venerationem aliquam Ec-*
clesiasticam haberet, diem hi indicassent, neque omisissent suis Martyrologijs in-
scribere Benedictini, maximè qui ultimò in Germania scripsit, qui dum in Ger-
mania sacra egit de S. Georgij Monasterio ab ea Praga constructo, Beatam etiam
apellat, & magna cum opinione sanctitatis ad celos evolasse ait. Hæc
 aud Bollandum. Ego hisce oculis in vetustissimo S. Georgij Codice Missa-
 li me legisse memini 8. Februarij *Commemoratio B. Milada.* Postremum
 Germaniæ sacræ Scriptorem diem omisisse nihil miror, cum in Cœnobijs
 Bohemiæ (ut in Cœnobijs DEO dante demonstrabimus) describendis neg-
 ligentissimè sit versatus. Nihilominus (ut animi mei sensum de *Milada*
 periam) ita comperio: *Beata* titulum ab antiquitate illi esse tributum; at
ultum publicum non habuisse.

Cur omissa
 in Basilico
 opere San-
 ctorum.

Buc.

dies mortis

§. XIV.

S. Adalbertus, Pragensis Episcopus, & Martyr, Patronus Bohemiæ.

Vitam SS. Præfulis, & Christi Martyris *Adalberti*, plurimi conscri-
 pserunt; diversas misi in Belgium Vitis Sanctorum à R. P. *Daniele*
Papebrochio inferendas. In hac brevitate proposita, placet Lectio-
 nes *Vetusti Breviarij Pragensis* exscribere, non enim majore autoritate quid-
 quam à me confici potest: Adalbertus nobilissimo genere ortus, cum gra-
 viter adhuc infans ægrotaret, *Beatissimæ Virginis* ope, cui illum Parentes de-
 roverant, ejusdem aræ admotus mirè convaluit. Missus Magdeburgum
 ad liberales hauriendas disciplinas, cum præstaret ingenio, magnos in iisdem
 progressus habuit. Reversus ad suos *Ditmaro* demortuo, summo omnium
 consensu *Episcopus Pragensis* creatur, quo in munere, dum verbo, & exem-
 plo gregem pascit, omnes optimi Antistitis partes implevit. Non respon-
 dit labori fructus. Itaque cum se nihil proficere animadverteret, *Hierosoly-*
mam petiturus *Romam* venit. Digressus inde ad *Cassinense* Monasterium,
 longioris peregrinationis abjecto consilio, *Beati Nili* monitu ad Urbem re-
 diens, ad S. *Bonifacium* monachus efficitur. Quinquennium ibi incredibili
 pietate, ac religione cum egisset, missa ad *Summum Pontificem* legatione in
 Bohemiam revocatur. Jussus reverti, paruit; sed cum populus ab ingenio
 non recederet, ad Monasterium, unde discesserat, remigravit. Nec diu qui-
 escere ibidem potuit. *Ottone III. Romam* adveniente, cum *Moguntinus*
Antistes illum repeteret, iterum discedere cogitur; Sed rejectus à suis, pijs,
 quos

A. C. 997.

Ex Lectio:
 M. S. Brev:
 Prag.

Historia vi-
 tæ.

quos proximè in *Polonia*, priùs verò in *Hungaria* fidei causâ, susceperat laboribus, minimè contentus, quod à *Summo Pontifice* impetraverat, ad gentes quæ *Christum* non noverant, lucrificiendas animum adjecit. Vix in *Pragiam* venerat, cum malè acceptus ab incolis, mox etiam ab iisdem est interemptus. Corpus à *Boleslao Poloniae Duce* æquali auri pondere redemptum fuit, quod demum *Pragam* translatum ibidem religiosissimè colitur. Habet

Beneficia æterna S. Adalberti in Bohemos.

Hagek in Annal. Boh. ad A. 1126.

eternus vetus *Breviarium Ecclesie Pragensis*. Quanto verò amore etiam nunc in cœlis gentem suam prosequatur *Adalbertus*, multa demonstrant. *Adalberto* tota *Bohemiae* antiquitas singulare illud adscribit, quod leprosum etiam à dæmone obsessis *Bohemia* careat; eidem attributa est cœlestis victoria, quam *Dux Sobieslaus de Lothario Cesare* clarissimam reportavit A. 1126. cum Patris sui vexillum in acie *S. Adalbertus* explicari iussisset. Item A. 1260. cum aspectabilis super *Bohemorum* aciem stetit.

Habet *Ecclesia Pragensis Metropolitana* divisa à cætero corpore aliquot Sanctorum capita, auro, argento, & monilibus inclusa ad venerationem, & solatium Fidelium, ut *S. Venceslai*, *S. Stanislai Cracoviensis* &c. inter ea *S. Adalberti* caput est, quod An. 1142. amissum in *Ecclesie S. Viti* conflagratione An. 1146. repertum est; hoc indicat *Ecclesie Pragensis* vetus Martyrologium, quod diem inventionis ejus velut latissimi thesauri posteris congnavit; ita enim legimus: 4. Idus Octobris Inventio Capitis S. Adalberti. Satis jejunè, & aridè, neque tempore, & Anno, neque causâ, & loco, quod id contigit, indicato; sed ante *Hussitica* tempora contigisse, necessum est, cum ipsum Martyrologium descriptum sit à *Wenceslao* dicto *Kyselo* An. 1407. Porro Sanctum *Adalbertum*, exemplo *S. Wolfgangi* tum in recentiori profecisse, atq; ejus imitatione (ut fecerat nuper *S. Wolfgangus*, qui relicto *Episcopatu* in solitudinem sese abdiderat, in eaque quinquennio delituerat) imitum egisse *Adalbertum*, faciliè quisquis *Raderum* nostrum legerit, intelliget. Cæsum esse *S. Adalbertum* An. C. 997. 23. Apr. *Ricciolius* tradit; *Baronius* annum ponit 999. *Bollandus* in divino illo opere de Sanctis, in vieto argumento demonstrat, vera *Ricciolum* tradidisse.

Vide Epit. l. 3. C. 10.

S. Adalbertus S. Wolfgangi imitatur in deferendo Episcopatu.

Rad. in Bavaria S. in S. Wolfgangi Ricci: Chro: refor. tit. 2.

Vita SS. ad 14. Febr. in Vita S. Brunonis.

§. XV.

Quinque Sancti Martyres, S. Adalberti fratres uterini, totaque Civitas *Libicensis* odio Religionis ferro & igne deleta.

Epit. hist. l. 2. C. 13.

An. 995.

Cædes SS. Martyrum.

Anno Christi: 995. *Wrssovicenses Dynastæ*, cæteri que in *Bohemia* idolorum cultores, odium, quo in Sanctum *Adalbertum* Præfules ferebantur, absente eo *Romæ*, in fratres vertunt: *Libicense* igitur in *Bohemia* oppidum, arcemque (quæ ditio erat Fratrum SS. Præfulis natalis inob

isto die, cum omnes incolæ in Ecclesia Beatissima Virginis sacris interessent, observati occupant, & quinque germanos S. Adalberti fratres, odio SS. Regionis, unâ cum eorum parvis prolibus, & omnibus Incolis Libicensibus crudelissimè necant, & insepultos abjiciunt, ipsûmque oppidum exurunt. hæc ex Cosma, Pulkava, Miechovio, Dubravio, Paprocio. Ob religionem Christianam hos omnes necatos esse, tota Antiquitas Bohemiae consentit. n. 1216. B. Andreas Episcopus Pragensis Vir Sanctissimus, de Summi Pontificis, cui charissimus erat, licentia, eorum sacra corpora, summâ veneratione, totiusq; Cleri, ac Populi Pragensis supplicatione, Libicio Pragæ translat, ac in Ecclesia S. Georgij in Arce Pragensi in ipsum altare velut Sanctos Martyres inclusit, quæ erat eorum temporum canonizatio, ut ostendit Cardinalis Baronius. Celebratur eorum memoria 16. Aprilis. Major controversia est de eorum sacris nominibus. Cosmas antiquissimus nominat: Sobieborum, Spitimirum, Bohuslaum, Boreum, & Czaslaum. Pulkava habet: Wseborum, Spitimirum, Bohuslaum, Borzitam, & Czaslaum. Miechovius: Sobieborum, Spitimirum, Sodroslaum, Zymislam, & Czaslaum; Dubravius cum Pulkava convenit, sed pro Bohuslao Przibislaum, pro Boreo Borzitam obtrudit. In Spitimiro itaque, Czaslao, & Sobieboro, seu Wseboro, omnes conveniunt; Bohuslaum (præter unum Dubravium) omnes agnoscunt, qui Miechovio est Sodroslaus; Boreko seu Borzita unicus Miechovius supponit Zymislam.

Porro grande miraculum, quod eorum funus, in duobus locis (Romæ & Libicij), positus S. Adalbertus procurarit, omnes Bohemi, & Poloni Scriptores uno ore testantur. Extremum illud, licet ad humanam, & hujus ævi gloriam adjicio: hosce SS. Martyres, eorumq; germanum fratrem S. Adalbertum, nobilissimo (Imperatorio scilicet & regio) genere ortos esse: nam Slavonik in primis, Pater S. Adalberti, ex Henrici Aucupis Imperatoris (ex Saxonica Domo) sorore, aut filia natus est, ut nostri Scriptores consentiunt; t verò Strzezyslavva, seu Ssriestislavva Mater, S. Venceslai Ducis Bohemiae neptis fuit, adeoque meritò Christannus de Skala Boleslai sævi filius, Adalbertum nepotem suum appellat. Sed hæc suo tempore ac loco diligentius examinabimus, & enucleatè discutiemus.

Cosm. in hi:

Bohem.

Pulk. C. 23.

Miech. l. 2.

hist. Pol. c. 8.

Dubra. l. 6.

Paproc. in

spec. Mor:

Translatio

Baron. in

Annal. Ec:

ad A. 1027.

Canonism

sanctitatis.

Nomina.

Albr. Bz:

in Notis. ad

vit. S. Adal

bert. & in vi

ta S. Ceslai.

Hag: Dubr:

Chanovsky.

Bolesluc: & c

Chanov. in

Vest. Bohe.

Pie.

Christ. in

vita S. Lud

milla.

§. XVI.

Alij Quinque SS. Martyres in Polonia passi, quos S. Adalberti fratres Ordinis, appellant.

Temporibus Henrici Imperatoris, qui post Ottonem III. rexit Romanum Imperium, in Polonia, ob professionem Christianæ paupertatis, passi sunt quinque fratres: Benedictus, Joannes, Mathæus, Isa-

A.C. 1005.

Ex Bre. Po

lon: Bohem.

Morav:

ac,

Virtutes SS
Fratrum.

Barnabas
absens Mar-
tyrij Coro-
nā amittit.

Translatio
eorum in
Bohemiam

Bohemi fu-
ere natione

ut, & *Christinus*. Hi Sanctum *Adalbertum* Romā ex monasterio *S. Alexi*
Pragam, & inde in Poloniā comitati, primū religiosam vitam duxerunt
Prage in Templo *S. Joannis in Insula*. deinde in Polonia majore, in Eremita
quadam à *S. Adalberto* illis assignatā prope *Casimiriam*, ubi casis, quæ singu-
los caperent, ædificatis, mutuū etiam alloquium fugiebant, solis cœlesti-
bus intenti. Abstinentiā singulari eorum alij bis per hebdomadam cibum
fumebant, alij semel duntaxat, oleribus & aquæ potu contenti, ad quæ in so-
lo Paschatis festo aliquid leguminum admittebant. Veste utebantur cil-
cinā ex equinis setis; lectus erat humus, & lapis cervical, neque somno ni-
modico utebantur, pernoctantes in oratione DEI. Moris illis erat, post de-
cantatam *Primam*, denudato dorso humi se prosternere, & acriter unum a-
altero in dies flagellari. Cū autem placuisset DEO, fratrum innocentiam
suā mercede remunerari, admirabili modo disposuit eis martyrij coronam.
Dux enim Polonorum *Boleslaus Chabrus Mestislai* filius, pius Princeps, fr-
tres invisit, ut eorum orationibus, se & Provinciam commendaret, & vi-
eorum inopiā centum eis marcas argenti largitur. Fratres visā pecuniā, p-
Barnabam, qui eis sextus erat socius, & onus procurationis rerum extern-
rum sustinebat, remittunt pecuniam ad *Ducem*, suā paupertate ob Christi
amorem contenti. In hoc igitur rerum omnium terrestrium contemtu, præ-
ter spem invenerunt cœlestes thesauros. Dum enim abesset *Barnabas*, pri-
mā noctis vigiliā sanctos Fratres divinis laudibus vacantes opprimunt latro-
nes, & de casis extractos invadunt, ac strictis gladijs intentant mortem, nisi pec-
cunias à Duce acceptas tradant; quas quia *Duci* relatas affirmabant, cupie-
tate in rabiem versā, alligant singulos palis, & ignibus ad latera admo-
urunt, cultrisque pungunt; deinde rotæ adstrictos diutissimè verberant,
totam noctem consumunt in crudelissimo supplicio innocentium paupe-
rum, ac tandem jugulant. Passi sunt Anno salutis millesimo, & quinto,
pridie Idus Novembris, & ab eodem *Boleslao* sepulti *Casimiria*. Dein
autem post annos triginta, & quatuor, à vigesimo primo *Bohemia* Duce *Br-
tislao*, subactā Poloniā, & Episcopū *Bohemiæ Severo* premissis jejunijs,
Christianæ fidei, ac morum publicis juramentis, unā cum *S. Adalberti*, &
S. Gaudenij ejus Fratris corporibus, qui *Gnesna* in Beatæ Virginis Templo
quiescebant, & Cruce, ac tabulis aureis, aliisque pretiosis donarijs in *Bohemi-
am* translata, & in Ecclesijs *Arcis Pragensis* reposita sunt, summā totius Regi-
laticiæ, & populorum accursu. Nomina Sanctorum quinque Martyrum
hæc sunt: *Benedictus*, *Matthæus*, *Joannes*, *Isaac*, *Christinus*; servavit
eorum sacra lipsana *Veteroboleslavia*, præter *S. Christinum*, qui *Moravis* re-
datus, cujus sacrum corpus vidisse se argenteā thecā inclusum in Ecclesia Ca-
thedrali *Olomucensi*, initio prioris sæculi, testatur *Miechovius*. An ex
disciplina *S. Benedicti*, an *S. Romualdi* prodierint, & cujus gentis, in Epito-
H

Historica disputatum est. Bohemos gente fuisse, *Martinus Bielsky Polonus* affirmat. Colitur eorum festus dies ritu duplici, Divino officio, & sacris, per totam *Poloniam, Bohemiam, Moraviam, Silesiam*, 12. Mensis Novembris.

Bielsky in Chr. Regni Poloniae edito Polonicè A. 1590.

§. XVII.

Prostivojus Apostolicus Sacerdos, odio Christi necatus.

In illis Idololatriæ apud *Bohemos* confinijis, cum nova Evangelij lux jam universam *Bohemiæ* perstringere cœpisset, cultores dæmonum, ut cadentē stultitiam suam, & aniles, & irrisas superstitiones defenderent, omnem operam dederunt, atque ubiubi poterant, *Sacerdotes* maximè, ulciscantur: *A. 992. Prostivojus* qui Apostolorum exemplo (ut Christi regnum proferret) *Bohemiæ* percurfabat, ab *Hrabodoio Wrsowicensi* (hæc enim gens ultima ex nobilitate *Bohemiæ* Christum agnovit) ad Villam *Lubocz* excitus insidijs, odio Christianæ Religionis, crudeliter exquisitis supplicijs necatur; *Virum Sanctissimum* fuisse *Prostivojum*, & in causa Christi, quem prædicabat, perijsse, *Cosmas* eorum temporum vicinus, affirmat; plura de ejus morte habet *Hagecius*. *Pessina* è collegio *Canonicorum S. Viti* Ecclesiæ *Prostivojum* fuisse affirmat, illud certius Ecclesiæ *Parochiali S. Mathiæ Apostoli* in *Hradczano* præfuisse, ob eamq; causam corpus ejus sacrum, non in Ecclesiâ *S. Viti*, sed in *S. Mathiæ* Ecclesiâ *Boleslaus Dux* jussit inferri. Idem optimus Princeps, quanti hanc mortem pro Christo & SS. Religionibus toleratam faceret, satis ostendit, cum in loco cædis (*Ruzinam* castrum inter, & *Pragam*, quæ *Pragâ* *Slanam* iter est, non integro milliari) Ecclesiam *Deiparentis Mariæ, & SS. Fabiani & Sebastiani MM.* nominibus dedicatâ construxit.

A. 992.

Mors Prostivoij.

Cosmas l. 1. hist. Boh. Hag. in Ant. ad A. 992. Pessina in Phosphoro Radio 3.

In cædis loco Ecclesia conditur.

§. XVIII.

S. Gaudentius S. Adalberti frater uterinus, Præsul Gnesnensis.

Sanctus Gaudentius (*Radim Polonis, & Bohemis*) *Slavonici* Comitissinepotis *Henrici Aucupis, & Strzezyslava* (ex Ducum *Bohemie* prosapia natæ) filius, ter ut ita loquar, *S. Adalberti* frater fuit: quod ex eodem utero prodijt, quod in eadem *S. Benedicti* familia, & quidem in ipsdem Cœnobijis, *Romano, Insulano, Brzewnoviensi* religiosus frater vixit, & quod ipsdem omnino moribus sanctissimis vitam transegit, quæ tertia germanitas longè priores duas exsuperat. Hac similitudine virtutum SS. Viro *Adalberto* conciliatus, assiduus comes in tristibus æquè, ac lætis, in *Bohemia, in Italia Ro-*

S. Gaudentius ter quo dammodo S. Adalberti frater.

An fuerit
Archiepisc:

Sancti titu-
lus.

Cosmas in
hyst. Boh.

ma, in Gallia Floriaci apud Tumulum S. Benedicti, in Ungaria apud Reges, in Polonia apud MiecZislaum, nunquam à latere fratris nè latum unguem discessit, donec Adalberto in Prussiam ad Christi fidem prædicandam properante, Gnesnæ ejus jussu remanere jussus, Adalberto pro Christo perempto, Præsumato, ad Gaudentius Polonica Ecclesiæ salutem indefessè procuravit. Gaudentius Gnesnensem Archiepiscopum faciunt Poloni Scriptores; at ex Baronio nondum Gnesnensem Archiepiscopatum eo tempore fundatum fuisse colligitur. Nihilominus Episcopum Gnesnensem fuisse ex ijs, quæ in Epitome de Dambouka scripsimus, dubitari non potest, idque affirmat Ditmarus L. 4. Chronici, qui tum vivebat. Vitâ sanctissimè, ut fratrem & Martyris, & Religiosi & Præfulis decebat, obitâ, Gnesnæ sepultus, Pragæ, ut Scriptores nostri constantur An. 1040. translatus, & in Sacello SS. Cosmæ, & Damiani composi- tus, pluribus cœpit miraculis inclarescere, sic ut post aliquot annos Sancti tumulum omnis retro Gaudentio tribuerit Antiquitas; miraculum hominis carcere Cracoviensi, in quo triennio tenebatur, ope S. Gaudentij apparentis in liberum campum translatis, refert ipse Cosmas oculatus, & auritus testis An. 1060. alias visiones, & lumina, quæ in eadem crypta Custodes Ecclesiæ videre sunt soliti, idem Cosmas insinuat; additque Lampadem ad Sancti Tumulum ab omni antiquitate accendi. Agunt de S. Gaudentio, præter Cosmam, Poloni, Bohemique Scriptores, Miechovius, Cromerus, Hagecius, Dubravius, &c.

§. XIX.

S. Henricus Imperator ejus nominis II. Bohemorum defensor.

A. 1024.

Ex Lett.
Brev. Rom.

Gesta S. Henrici compendio.

Henricus cognomento Pius, è Duce Bavarie Rex Germanie ac postmodum Romanorum Imperator, temporalis Regni non contentus angustijs, pro adipiscenda immortalitatis gloria, sedulam æternæ Regi exhibuit servitutem; adepto enim Imperio, religioni amplificandæ studio incumbens, Ecclesias ab infidelibus destructas, magnificentius reparavit, plurimisque largitionibus, & prædijs locupletavit. Monasteria, aliæ loca pia, vel ipse ædificavit, vel assignatis redditibus auxit. Episcopatum Bambergensem hæreditarijs opibus fundatum, B. Petro, Romanoque Pontifici vestigalem fecit. Benedictum VIII. à quo Imperij Coronam acceperat profugum excepit, suæque sedi restituit. In Cassinensi Monasterio gravi detentus infirmitate, à S. Benedicto insigni miraculo sanatus est. Romanam Ecclesiam amplissimo diplomate muneratus, eidem tuendæ, bellum adversus Græcos suscepit, & Apuliam diu ab illis possessam recuperavit. Nihil finè precibus aggredi solitus, Angelum Domini, Sanctosque Martyres tutela

pro se pugnantes ante aciem interdum vidit. Divinâ autem protectus
 o, barbaras nationes precibus magis, quàm armis expugnavit. Panno-
 nam adhuc infidelem, traditâ Stephano Regi sorore suâ in uxorem, eoque ba-
 izato, ad Christi fidem perduxit. Virginitatem raro exemplo matrimo-
 no junxit, sanctâque Kunegundem conjugem suam propinquis ejus, morti
 proximus illibatam restituit. Denique rebus omnibus, quæ ad Imperij ho-
 prem, & utilitatem pertinebant, summâ prudentiâ dispositis, & illustribus
 Galliam, Italiam, Germaniam, religiosæ munificentiae vestigijs passim re-
 itis, postquam heroicæ virtutis suavissimum odorem longè, latèque diffu-
 erat, sanctitate, quàm sceptro clarior, ad Regni cœlestis præmia, consum-
 atis vitæ laboribus, à Domino vocatus est Anno salutis 1024. ejus corpus
 Ecclesia Beatorum Petri & Pauli Bambergæ conditum fuit, statimque ad
 us tumulum multa miracula Deo ipsū glorificante, patrata sunt, quibus po-
 ca ritè probatis, Eugenius III. Sanctorum numero illum adscripsit.

At quo merito inter Divos Bohemia numeretur Henricus, operæ pre-
 meritum erit cognoscere: Boleslaus Chrabry vel Chobry cognomento Polonia
 Rex, posteaquam Boleslaum III. fratruelem suum Bohemia Ducem, contra
 idem datam excacasset, eâque opportunitate post An. C. 1002. Bohemiam
 ingressus, Pragam proditione Wrsoveciorum captam, duobus annis tenuit.
 et, S. Henricus Imperator in favorem Ducalis Bohemia stirpis, Wlademari-
 m Bohemia præfecit, & Polonum jussit facessere, renuentem, & contumaci-
 er arma spectantem, bello petijt; erant in Exercitu Imperatoris Regij Bohe-
 mia juvenes, Jaromirus, Udalricus, cum meliore Nobilitatis parte, cæteri
 Bohemi à Polonis oppressi, inviti Boleslaum Polonum sequebantur, præsertim
 cum Boleslaus nuper excacatus (qui ob facinora in fratres suos admitta, Cæ-
 saris iram metuebat) Boleslao Polono (et si pessimè de se merito) sese junxisset.
 Narrant hoc bellum, qui interfuere S. Adelboldus Episcopus Trajectensis, &
 Nonnosus Presbyter Henrico Imperatori à sacris. Henricus invocato prius,
 ut solebat, Dei auxilio, munitionem quandam limitaneam Bohemia obsedit,
 captam Jaromirio tradidit; Zatecium Civitas ipsa se in libertatem vindica-
 vit, occiso præsidio Polonorum; ductus posthæc ad Pragam exercitus, pro-
 cessere cum innumerabili multitudine Polonia Principes (verba Nonnosi reci-
 to) Henricus ad orationem confugit, & cum omnes perceptione corporis, &
 sanguinis Domini confortati fuissent, ad locum certaminis venit. Ibi iterum
 oranti Henrico aperti sunt oculi, & vidit gloriosos Martyres Georgium, Lau-
 rentium, Adrianum cum Angelo percutiente, Exercitum suum præcedentes, &
 hostium cuneos ad fugam propellentes, qui projectis armis, sine Christiani san-
 guinis effusione, fugerunt. Hæc gesta sunt An. C. 1004. Pragam deinde
 stratagemate singulari Udalricus juvenis Bohemia Princeps (quod apud Co-
 smam & Hagecium legitur) occupavit. Partâ victoriâ Henricus Bohemia

Meritum
 maximum
 S. Henrici
 in Boh.

S. Henricus
 ope cœlesti
 Bohemiam
 à servitute
 liberat.

Ducem *Faromirum* nominavit. Magnum igitur in gentem nostram meritum *Henrici Sanctissimi Imperatoris* est, quod pro *Bohemia*, cui incubabant *Poloni*, bellum gerere non dubitavit, quod *Bohemos* in libertatem asseruerit, quod legitimos à *Przemyslæa* gente Principes, throno per summum nefas dejectos, reposuerit; in quo quidem facto Cælites ipsos *Henricus* meruit habere in partibus, & sive *Henricus* illos, sive illi *Henricum* ad nos devocârint, utrumque in gratiæ loco *Bohemia* gratanter agnoscit, & quem in terris *Defensorem* habuit, nunc etiam in cœlis veneratur *Patronum*.

§. XX.

S. Guntherus Ordinis S. Benedicti.

1045. 9. oct.

*Adelsreitt.
in hist.**Bejor. p. 1. l.*

15.

*Rader. in**Bavaria S.**H. Canis. in**Antiq. lect.*

Tomo II.

S. Guntheri

ad perfecti-

orem vitam

conversio.

*In literis**Fundatio-**nis Præpos-**tura Rey-**bradensis.*

S. Gunthe-

rus Patrino

Ducis Brze-

tislai.

*Rad. in Ba-**varia S. in**S. Gunthero*

Miraculosè

Brzewno-

vium adve-

hitur.

Beatum, imò & Sanctum Guntherum Veteres omnes, novæque memor-
riæ Ordinis S. Benedicti, tum alij Scriptores omnes uno ore pronunciant. Ejus vitam sanctissimam, resque ab eo gestas in *Canisio*, in *Surio* in *Radero*, in Vestigio *Bohemiæ* Piæ *Joannis Tanneri* invenies; è *Thuringia* Principibus ortus, *S. Stephano* Ungar: Regi agnatus fuit. Splendidam aleb-
familiam magnis opibus, quæ virtuti sunt insidiosæ; in ijs egerat adolescen-
tiam aliquantò solutiorem, cum ei DEUS mentem ad cœlestia injecit; *Dio-*
vus *Gothardus* Altahensis Abbas hærenti author fuit, ut se in *Altahensis* Cæ-
nobij portum reciperet. Ob famam virtutis semel, iterumque ad *S. Stepha-*
num in *Ungariam* vocatus, accessit; deinde bonâ Præsidum veniâ Cœnobi-
um *Rinchenacense* condidit, rexique per annos septem magnâ autoritatē
sanctitatis; Cœnobij hujus facultates auxit *S. Cunegundis Augusta*. Ad ex-
tremum, ut ætas illa ferebat, perfectionis amore in solitudinem secessit, vari-
asque *Bohemiæ* silvas habitatione suâ per septem, & triginta annos consecra-
vit. An. 1040. cum *Brzetislaus* *Bohemiæ* Dux *Henricum* *Casarem* in
aditu *Bohemiæ* magno prælio vicisset, ac fugasset, eidem *S. Gunthero* (qui
Brzetislaus olim in Baptismo susceperat, ut ipsemet *Brzetislaus* testatur
amore DEI petenti, captivos omnes *Germanos* dimisit, & donavit; Vide E-
pitomen nostram. Narrat *Raderus* noster: *Brzetislaus* *Bohemiæ* & *Po-*
loniæ Principem, Venationibus intentum, in solitudinem *S. Guntheri* in
Narvvaldensi *Bohemiæ* saltu sitam incidisse, cui *Guntherus* in alterum diem
suum è vita discessum post diurnam & religiosam sermocinationem aperu-
erit, qui primâ luce cum *Sévero* *Pragensi* Antistite ad ostium *Guntheri* adve-
nerit cœlestem Agnum in viaticum porrigi jubens, ubi ille inter piorum la-
crymas & vota expiravit; Corpus verò per jumenta jugi insveta ad *Brzewno-*
vienſe Cœnobium devectum, prodigijs vitæ prioris sanctimoniam ostendisse,
& ipsum cœlestibus post religionibus consecratum. Hæc omnia veritatem
consonant; at quod innuere videtur *Raderus*, tum primum *S. Guntheri*, et
Brze-

Brzetislai familiaritatem coepisse, sustineri non potest, ex his, quæ paulò antea ex Originibus Ducis literis exscripsimus. Obijt Guntherus An. C. 1045. 9. Octobris, quem se in Ecclesia Breunoviensi ad Pragam sepelisse idem Brzetislus affirmat; ejus sacrum tumulum plusquam trecentis miraculis Divinis honoravit. Hodie sepulchri locus ignoratur, sed diligenter quæritur. occultavere illud Hussitarum temporibus Religiosi; spes est non vana, propediem inventum iri.

§. XXI.

S. Procopius Abbas, Ordinis S. Benedicti.

Procopius post liberalium studia disciplinarum in Monasterio Breunoviensi vitam aliquam diu religiosè traduxit. Solitudinis deinde amore captus, speluncam Sazava flumini incumbentem, larvis, ac spectris obnoxiam, quam adire nullus audebat, magno animo incolendam sibi deligit. Nec viri sanctitatem ferre monstra diutius valuerunt, sed continuo dissipata, liberalem illi, quietamque ejus loci possessionem reliquere. Ejus prodigij famâ vulgatâ, cum magni ad illum concursus fieri coepissent, facile intellexit, Divini consilij non esse, ut lateret. Itaque perfectioris vitæ studio incensos nonnullos collegit, quos ad omnem sanctitatem suo præsertim exemplo informavit. Udalricum Bohemie Ducem à venatione fessum, aquâ in vinum versâ recreavit, daemones non modò è corporibus ejecit, sed etiam sub jugum missos arare compulit. Denique, cum obitum suum, aliâque prædixisset, virtutibus, divinisque muneribus clarus, migravit in cælum, nec defuit post mortem miraculis coruscare. Inter alia illud insigne, quòd cuidam, qui in magno discrimine fugiens, ejus opem imploraverat, fluvio in glaciem verso ad iter prosequendum viam expedivit, ac periculo eripuit. Illud etiam memorabile, quòd cum sui Monasterij Abbas, ut inter Sanctos referretur, in Urbe non impetraret, Innocentium III. per somnum admonuit, ut postulatis annueret. Nec diutius cum Pontifice laborandum fuit. Quare ab eodem, anno salutis millesimo ducentesimo quarto, Sanctorum numero est adscriptus.

Ex Lectio:
Brev. Boh.
4. Julij.

A. C. 1053.

S. Procopij
gesta & mi-
racula.

S. Procopius
è cælo sibi
Canoniza-
tionem pro-
curat.

Abbas fuit
Sazaviensis
Cœnobij.

Lup. & We-
lesl. in Cal-
hist. ad 25.
Martij.

lius

Fuit S. Procopius ex Chotaun pago, inter Bohemobrodam, & Caurzium sito; Slavicis literis (quas S. Cyrillus, vel Methodius, ut alibi diximus, invenit) excultissimus; Wissebradi ad S. Clementis Ecclesiam Sacra primum procuravit, deinde Benedictinæ militiæ Brzeunovia ad Pragam nomen dedidit; post aliquot exactos in solitudinibus annos, Abbas Sazaviensis; obiit An. 1053. 25. Martij, ut ex Cosma, & Lupacio annotat Weleslavinus; sepultus in Ecclesia B. Virginis in Cœnobio suo. Vita ejus, & miracula stupenda prorsus, passim in manuscriptis Codicibus leguntur; P. Nicolaus Sa-

Juvat Bohe-
mos pugna-
res aspecta-
bilis.

lius Societatis nostræ, hanc quoque scripsit, eaque in Bibliotheca Crumlovien-
sis Collegij invenitur; apparuisse eum cum cæteris Bohemia Patronis super
Exercitum Bohemorum, & attulisse victoriam testis est ex manuscriptis Co-
dicibus Hagecius. Dæmones malos sic in officio continebat, ut saxa arare
cogrentur, cujus laboris dæmoniachi hodièque in petris, prope ejus antrum
superfunt vestigia, & arationes, quas ipse vidi. Illud etiam mirum, Pica-
orationi suæ obstrepentes, abire jussisse, neque unquam ampliùs in ea vicin-
comparere; Abbatem in Cœnobio non satis canonicè electum, cum S. Pro-
copius aspectabilis, semel ac iterum honorem deponere jussisset, & ille parè-
cunctaretur, ità Peto, quod Sanctus ferebat, contudit, ut brevè pòst, quan-
tumvis pœnitens, expiravit.

Pontan. in
Boh. Pia.

Jubet sibi
ac suo no-
mini Eccle-
siâ exstrui.

M. S. Bid-
zovini.

S. Corporis
Pragâ trans-
latio.

M. S. Mar-
tyrol. Eccl.
Prag.

Porro multæ per Bohemiam Ecclesiæ S. Procopij nomine appellantur:
celebris est in minore Urbe Pragensi, quam in suo nomine dedicari, S. Proco-
pius per quietem Sulislao & Dobromila conjugibus An. 1213. apparens jussit,
ab ejus domûs limine Pragam esse vocatam, & primam hanc domum Praga
stetisse affirmans; eam igitur domum in Ecclesiam pij conjuges convertère
& Daniel II. Episcopus Pragensis Przemyslao Ottogaro I. Rege cum Proceri-
bus præfente consecravit.

Ejus sacrum corpus in Cœnobio Sazavensi (quod tum raros, aut nul-
los habebat cultores) delitescens, An. 1588. 28. Maij Pragam translatum
est; intulit in tumulum in Ecclesia Collegiata Omnium Sanctorum in Arce
Pragensi Martinus Archiepis: Pragensis solennibus cerimonijs, præfente Ru-
dolfo II. Imperatore cum numerosissima Procerum corona; sed jam ante ali-
quot sæcula S. Procopij solennes reliquias habebat Ecclesia Metropolitana Pra-
gensis; unde in ejus Martyrologio sic legimus: 4. Nonas Julij Canonizatio
S. Procopij Abbatis, & Confessoris, Patroni Regni Bohemiae, mira Sanctitatis
Viri; cujus brachium habetur in Ecclesia Pragensi.

§. XXII.

S. Severus Antistes Pragensis sextus.

A. C. 1068.

Paproc. in
Stemmato:
l. 2. C. 22.


S. Severi vir-
tus in utra-
que fortu-
na.

Severus non tam dignitate, & munere, quàm virtute, & morum inte-
gritate Izzoni antecessori suo geminus Anno 1030. successit. Equestri
loco natus familiâ Berzkovskiana, quæ candidum lilium gerit in campo
sangvineo; ejus acta illustria, & ad summam Reipublicæ spectantia, in An-
nalibus nostris leguntur. Quod vitæ sanctitatem attinet, author est Cosmas,
hunc sanctum Antistitem, Sanctorum fato, gravissima quæque passum, & ali-
quando à Brzetislao Duce falsis accusationibus nimium tribuente, in vincula
(nefas!) conjectum, ac rursus receptum in gratiam, & omnibus excultum ho-
noribus, utramque fortunam fortiter, & moderatè tulisse. In veteri Eccle-
sia

Pragensis Martyrologio, quod inter sacra legebatur, annotatum reperi. 3.
 al. Julij Ordinatio S. Severi Episcopi sexti Pragensis Ecclesiae. Obiit 1068. *Dubr. l. 8.*
 7. Novembris. sedit annos 38. quot haecenus duo. Hagek habet An: *hist. Boh.*
 1065. Hujus Severi laudabili lenitate perfectum est, ut suum Moravorum *Cosm. Cuth:*
 Ecclesia haberet Antistitem, ad quod alij Antistites, imminutionem suae Di- *Welesl. 27.*
 cecelesos caussati (fortasse Zelo non secundum scientiam adducti) nunquam in- *Novemb.*
 uci potuerant. Quod verò Severum hunc Nostrum (in S. Adalberti cor- *Copcedit*
 ore Gnesnâ ad Nos in Bohemiam transferendo, & in spoliatione Ecclesiarum *Episcopum*
 Polonia ab Exercitu Bohemorum facta) velut Sacrorum Canonum violato- *Moravis.*
 rem, aut saltem rudem, & juris Ecclesiastici ignarum incusat Baronius, Scri- *Baron. in*
 toribus Polonis, ac praesertim Dlugossio & Cromero imputandum est, ex qui- *Ann: Eccl:*
 bus Baronius (cùm nostros Scriptores non legisset) totam illam historiam tot- *Dlugos, sen*
 dem verbis descripsit; quasi Cosmae Pragensis Decani Viri integerrimi, & *Longinus.*
 Sancto Severo coevi Chronicon vidisset (sed hoc nondum Typis ediderat *Miech. Cro*
 Freherus) nunquam Dlugossio, & Miechovio ante duo, vel summum tria *mer: in hist:*
 saecula, & Cromero, priore saeculo primùm, de rebus procul à sua aetate gestis *Polon.*
 scribentibus subscripsisset, praesertim in controversia nationali. Vetus ver- *Defensio S.*
 bum est Tragici Poetae: Qui statuit aliquid parte inauditâ alterâ &c. haud *Severi.*
 aequus fuit. Inspiciant, amabò, Lectores mei, defensionem Sanctimoniae Se-
 veri in Epitome mea historica, & in Vita Ernesti I. certè causam meam tam
 probabilem existimo, ut ipsum Baronium Virum omni meâ laude majorem,
 si viveret, rebus prolatis Judicem recusaturus non essem. Multum etiam
 apud me valet Autoritas vetusta Ecclesiae Pragensis Severo Sancti titulum in
 Martyrologio suo tribuentis, quæ cùm omni tempore sanctissimis & doctis-
 simis Viris & Prætulibus floruerit, nunquam sine autoritate universalis Ec-
 clesiae, ac Summorum Pontificum, Severum Sanctum appellasset. Quod
 verò spolia Ecclesiarum Polonicarum attinet, silent nimirum inter arma leges,
 & Severum (quam excusationem Romanus Pontifex, postea, ut est apud
 Cosmam, probavit) ob alienam culpam in iudicium vocari, multòque etiam
 minus alieni peccati poenas dare oportuit; nec de S. Adalberti & Sanctorum
 Fratrum Corporibus raptis merito accusari potest Severus, utpote quem ipse
 met S. Adalbertus excusat; is enim (ut est in antiquissimis Breviarij Pragensis
 Lectionibus, & narrat idem Cosmas) S. Severo apparens per quietem, trans-
 ferri se in Bohemiam velle significavit, certasque leges & conditiones Exerci-
 tui Bohemorum praescripsit, quas si servaturos se promitterent, impune & sine
 damno (quod nuper miraculo ad Sancti Tumulum prostrati, & sine sensu ja-
 centes praestare non poterant) in Bohemiam Corpus suum transferrent. Eas
 leges Severus S. Adalberti nomine Militibus explicuit, & Exuvias sacri Praesu-
 lis, bona ipsius gratiâ, ipsoque ita volente & indicante, suis manibus
 elevavit è tumulo.

F

§. XXIII.



§. XXIII.

Complures Sacerdotes à Judæis in Bohemia
eviscerati.

A.C. 1067.

Cosmas l. 2.

hist. Boh.

Pulkava C.

40: hist.

Lup. ad 14.

Julij.

Judæi Chri-
stianum pu-
erum furan-
tur.

Hagek ad

A. 1077.

Sacerdotes
Christia-
nos occi-
dunt.Deprehen-
dant poe-
nas.

ANno 1067. 14. Julij grave crimen à *Judæis Pragensibus* designatum ve-
teres habent *Annales*: nam cum permittente *Wratislao Bohemix* Re-
ge ex minore Praga (eo de loco, ubi nunc sacellum S. *Archangeli Mi-
chaëlis* honori conditum stat sub vitiferis collibus in horto, Collegio Societatis
Jesu donato) in majorem Urbem Pragensem immigrarent *Judæi*, cujusdam
Civis Pragensis filium triennem, clam crudeliter macandum subdixerunt; et
per navicularij indicium propalatâ, author sceleris, unâ cum alijs quinque eju-
smodi facinoris conscijs, mandato Regis culleo infusus, in profluente *Muldava* de-
mergitur. Has pœnas suorum, cum *Judæi* cæteri concoquere non possent,
alia scelera, quibus unum illud contegerent, perpetrârunt. Hisce igitur an-
nis (præcipuè 1077. & 1078.) *Bohemia* plurium Sacerdotum sanguine ex oc-
culto cæsorum non semel redundavit: strati in vijs inveniebantur Sacerdotes
crudelissimè extractis è corpore visceribus; potissimùm viâ *Boleslaviensi*, au-
thores tamen scelerum latebant, dum denique Sacerdotem quendam *Bole-
slaviam* præmissum, vel alium quempiam, Sacerdotali habitu indutum, la-
tenter *Christiani* milites secuti, *Judæos*, qui in Sacerdotem impetum fece-
rant, exceperunt, & capientes ceperunt; omnibus humanæ vitæ supplicij
excarnificati sunt rei. Neque tamen destitère, sed eadem, ut postea videb-
imus, repetivère facinora, multoque etiam crudeliùs in innocenti Christiano-
rum sanguine sunt bacchati. Nihil dubium est, Sacerdotes illos *Martyres*
appellari posse, & debere; qui ab hostibus, sanctissimarum religionum
odio, sunt trucidati.

§. XXIV.

B. Culmatius seu Chulmannus Bohemus, Eremita
ad Piwonkam in Bohemia, cum Socijs
duobus.Crusenius.
Milenius.

S*Tockense*, seu *Pivwonkanum* Ordinis S. Augustini Eremitarum Cœno-
bium in Bohemia multis rebus memorabilibus inclaruit, ut *Crusenius*
in *Monastico suo Augustiniano* demonstrat; at illa gloriatio, & claritu-
do, quæ à virtutibus proficiscitur, omnem sinè dubio humanam gloriam
vincit: Beato *Culmatio* Bohemia Patriam & Virtutis locum dedit; *Culma-
tius* sibi ipse virtutes, & constantiam, gratiæ Divinæ ope, paravit; DEU
Viri Sancti Virtutem miraculis honoravit, ut, qui se ipsum propter DEU M
vice

licerat, propter homines etiam Naturam vinceret, & quæ dicimus, *miracul-*
patraret. *Culmannum* quædam Manuscripta appellant, qui in medio Sa-
 rarij S. *Joannis Baptista* nomine consecrati in Cœnobio compositus quie-
 rit; honoravi sacrum ejus Tumulum ante complures annos à Reverendis
 Patribus indicatum, & dulcem quandam pietatem, quæ de Sanctorum
 corporibus sæpe profluere dicitur, persensisse me diffiteri non possum. Por-
 to *Culmatio Beati* titulum *Crusenius*, & (si is non satis idoneus author cui pi-
 um videatur) *Milensius*, *Chanovsky*, *Crugerius* ex totius antiquitatis, & plu-
 rum sæculorum consensu tribuerunt. Tumulus Beati viri cratibus altè edu-
 ctis Majorum ætate ad venerationem muniebatur, hodie crates absunt, sine
 dubio manibus hæreticorum, quibus Cœnobium non semel præda fuit,
 confraçtæ. B. *Culmatio* duos, eâ in solitudine socios fuisse, ac fratres (an
 sanguinis, an Ordinis non satis liquet) Veteres Memoriam tradunt, non ad-
 ditis nominibus, sed sanctimoniâ & vitæ innocentiam pares: eorum alter tu-
 mulatus est in *Sacello S. Barbaræ* ad *Tinam*, alterius Tumulus Cœlo prostat
 aperto, uno milliario à Cœnobio *Pivvonkanò* ad *Pagum Trnava*. Adstita illi
 loco est columna murariorum opere, in qua Agrestes varias imagines appen-
 dunt, totusque locus (verba recito ex Vestigio Bohemiarum Piæ) in longum passus
 sex, in latum propè quatuor, sepibus ligneis clauditur; huc feriâ II. Paschatis &
 Pentecostes ruralis Populus Beati illius Viri Tumulum precibus, aliisque modis
 veneraturus confluit, atque in vicem muneris virgam unam singuli afferunt,
 quas in fascis similitudinem colligatas super Tumulum erectas collocant, priori-
 bus vetustis amotis. hæc ibi. Addit postea Scriptor, Tempus, quo Viri duo
 isti religiosi vixerint cum B. *Culmatio*, videlicet An. 1000. sed hoc sustineri
 nullo pacto potest, cum ipsum Cœnobium *Pivvonkanum*, ex quo illi prodie-
 runt, non prius quam post Annum 1040. fundari potuerit, ut ex ætate *Ducis*
Brzetislai Fundatoris clarissimè probatur. Vide *Epitomen* nostram ad A. 1040.

Tumulus
B. Culma-
tij.

Encomiafti
cum Augu-
stina: lit. C.

Beati titulu

De duobus
S. Culmatij
socijs.

C. 3.
Honor Tu-
muli.

§. X X V.

B. Gervicus Eremita in Bohemiarum finibus ad
Waldassium.

Multos Sanctæ solitudinis amatores, qui inter feras cælestem in Divi-
 nis laudibus vitam agitabant, venatio Principum prodidit, ut *Ægi-*
dium in Gallia, *Iovanum*, *Guntherum*, & *Procopium* apud nos in
 Bohemia, pluresque alios; *Gervicum* quoque, de quo nobis est sermo; qui
 ad *Waldassium* Egrâ non procul, in silvis statione fixâ, DEO uni vacabat,
Theobaldus Wohburgensis Dux invenit, & cum feras quæreret, hominem in-
 vênit, qualem inter homines ægerrimè reperisset, cælestem, Divinum, &
 Angelum magis, quam hominem; ut vita DEO tam accepta in plures pro-

circa A. C.
1128.

Occasio Cō-
versionis B.
Gervici.

Brunner.
in Boicis P.
3. lib. 12.

Waldsassii
& B. Gerwi-
cus quā ra-
tione in Bo-
hemiā pos-
sit referri.

Brusch. in
Monaster.
Germa. lit.
IV.

pagaretur, & ex hominibus Angeli fierent, *Theobaldus* Cœnobium eo in lo-
co construxit. At ne putes, tum primum à *Theobaldo* visum esse *Gervicum*,
quia istud ad *B. Viri* gloriam cedit, diligentius & à principio memorabo: *Die-*
poldus seu *Theobaldus II. Vohburgensis*, & *Chambensis Marchio* id sibi à pri-
ma ætate decorum putavit, ut Militiam seriam ludicramque studiosissime fe-
ciaretur: Circensia præsertim, ludosque illos *hastarum*, quibus tum tota
Germania Nobilitas insanè tenebatur, sic adamârat, ut nemo eâ ætate magis.
par in ea concurrenti, & periculosè ludendi cupiditate inventus est *Gervicus*
de Wolfmutterstein domo *Westphalus*, genere nobilissimus, quorum duorum
amor ob communia studia, ut fit, tantum coaluit, ut *Thesei*, & *Pirithoi* re-
novari videretur exemplum. Infelix deinde casus intervertit omnia: nam
cùm in Cataphractorum commissione, ubi cæcè quodammodo & Andaba-
tarum more pugnatur, *Gervicus* insciens in suum *Theobaldum* incurrisset,
altero infælici casu eidem hastâ velitari oculorum alterum expungit. Tan-
tus ex ea re dolor utriusque Amici animum invasit, ut damnatis & omni exe-
cratione devotis tam tristibus ludis, *Gervicus* *Sigebergensi* Cœnobio se clau-
deret, *Theobaldus* domum ad Conjugem rediens, nunquam nec spectare am-
plius ludos sustineret; tria idē Cœnobia cū *Luitgardâ* Matre ex *Sultzbacensi*
familia ortâ fundavit; *Waldsassense* ad *Egram* *Gervico* debet originem: i-
cum Abbate suo *Sigebergensi Cunone* ad Insulas *Ratisbonenses* evecto, in hæc
loca profectus, impetratâ solitudine uni DEO solus vivere cœpit. Post hæc
illa, quæ initio memoraveram acciderunt: deprehensus à venante *Theobal-*
do, redeunte utrique in memoriam Veteri Amicitia, tantum à *Theobald-*
Nemorum & silvarum dono accepit, quantum uno die posset obiri. Hæc
fuere initia celeberrimi postea Cœnobij *Waldsassensis*, quod centesimam ovicu-
lam Cistercienses (quippe centesimum sui Ordinis Cœnobium) appellant
Offecense Cœnobium hujus colonia fuit, ut alio in loco dicitur; *Waldsass-*
en multis titulis *Bohemiae* conjunctum, Reges quoque nostros *Fure clientel-*
respexit; sed hæc aliàs, vide interim *Gasparem Bruschium* in *Waldsassio*, qui
omnes Cœnobij hujus incolas *trilingves* olim fuisse, & præter Latinam &
Germanicam, etiam *Bohemicam* calluisse linguam, ac Cœnobium ipsum in-
ter *Bohemiae* Cœnobia, velut domesticum censeri solitum attestatur; quæ
caussa impulit ut *B. Gervicum* in Divorum nostrorum album referrem, &
Raderi exemplo, qui in *Bavaria Sancta*, *Austriam*, & vicinas *Bavariae* Regio-
nes etiam *Tirolim*, & plures alias, quos illæ provinciæ Divos habent (ut *Ba-*
variam suam illustraret) adduxit. Quanquam cùm *Waldsassium* ab omni
memoria in *Egrensi* Territorio censum sit, nihil alienum fecero, si *Egræ* (quæ
hodie dum *Regem Bohemiae* respicit) *Waldsassium* conjunxero.

§. XXVI.

S. Norbertus Archi-Episcopus Magdeburgensis, Germaniæ Primas, Regni Boh: Patronus.

NEquè majore fide & authoritate, neque brevius (quod in hoc opere maximè spectavi) de S. Norberto quidquam adferri potest, quàm quod Ecclesia festo illius die in Sacerdotalium Precum officio legendum proponit: Norbertus nobilissimis Parentibus natus, adolescens liberalibus disciplinis eruditus, in ipsa postea Imperatoris Aula spretis mundi illecebris, Ecclesiastica militiæ adscribi voluit. Sacris initiatus rejectis mollibus ac splendidis vestibus pellicâ meliore indutus, prædicationi Verbi DEI se totum dedit. Abdicatis Ecclesiasticis proventibus satis amplis, & patrimonio in pauperes erogato, semel in die sub vesperam solo cibo quadragesimali utens, nudisque pedibus, & lacerâ veste sub brumali rigore incedens, miræ austeritatis vitam est aggressus. Potens igitur opere, & sermone innumeros hæreticos ad fidem, peccatores ad penitentiam, dissidentes ad pacem, & concordiam revocavit. Cum Lauduni esset, ab Episcopo rogatus nè à sua Diocesi discederet, desertum in ea locum, qui Præmonstratus dicebatur, sibi delegit, ibique tredecim Socijs aggregatis, Præmonstratensem Ordinem instituit, divinitus acceptâ per visum Regulâ à S. Augustino. Cum verò ejus fama sanctitatis in dies magis augeretur, ac plurimi ad eum quotidie Discipuli convenirent, idem Ordo ab Honorio II. aliisque Summis Pontificibus confirmatus, ac pluribus ab eo Monasterijs edificatis, mirificè propagatus est. Antverpiam accersitus, in ea Urbe Tanchelini nefariam hæresin prosligavit. Prophetico spiritu & miraculis clauit, Archiepiscopus tandem (licet reluctans) Magdeburgensis creatus, Ecclesiasticam disciplinam, præsertim Cælibatum constanter propugnavit. Rhemis in Concilio Innocentium II. egregiè adjuvit, & Romam cum alijs Episcopis profectus, schisma Petri Leonis compressit. Postremò Vir DEI meritis & Spiritu Sancto plenus Magdeburgi obdormivit in Domino, Anno salutis 1134. die sextâ Junij.

Obijt 1134.

Ex Lect.

Brev: Rom:

S. Norberti
nobilitas.

Ardor vir-
tutis.

Ordinis in-
stitutio.

Scriptores
Vitæ.

Translatio
Pragam.

Haftenus Breviarij Romani Lectiones. Edidère SS. Præsulis Vitam plurimi, tam ex illo sacro Ordine Canonici, quàm alij, ac novissimè Vitam S. Norberti diligentissimè abs se conscriptam Augustæ An. 1641. vulgavit è Societate Nostra Sacerdos Joannes Baptista Schellenberg. Extat Echo S. Norberti triumphantis Antverpiæ An. 1629. Typis edita Authore R. P. Joanne Chrysostomo Vander Sterre Præmonstratensi, in qua S. Norberti Pragæ Translatio, omnesque ei ab omnibus Bohemiæ Ordinibus impensi honores describuntur, Liber hic in omnium manibus versatur. Translatus est Pragæ An. 1636. Doxanâ ex Parthenone sacro ejusdem Instituti, in quo corpus sacrum, qui Magdeburgolevaverant (Questenbergius Abbas Strahoviensis,

Elevatio sa-
cri corporis
& veteris se-
pulchri de-
scriptio.

Crispinus Præpositus Doxanensis, & Martinus Stricerius S. Crucis Canonicus Presbyter Hildesienſis) tantisper depoſuêre; quo in munere maximè *Queſtenbergij Abbatis* commendatur industria; qui omnem movit lapidem nè *Cæſar & Proceres* ſuis deſiderijs fruſtrarentur: Aſtentârunt id plurimi pri-
dem Principes & Præſules, irritò ſemper ad extremum conatu: *Bavari Leo-
diennes Epifcopi, Erneſtus, Ferdinandus; Albertus & Iſabella Belgarum Prin-
cipes; Rudolſus II. Imperator; Joannes Lobelius Archiepiſcopus noſter; Eitel-
Fridericus Zolleranus Cardinalis,* aliique; *Ferdinandus II. Imp.* his omni-
bus fortunatior, per *Abbatem Queſtenbergium* quem dixi, ſtrenuam hac in-
re operam præſtante *Alberto Wenceslao Eusebio Duce Fridlandia,* à Senatu
Magdeburgenſi, Adminiſtratore Brandenburgico connivente, elevationem
& translationem Sacri Corporis in Bohemiam, non tam impetravit, quàm
extorſit. Juverit forſitan ad Majeltatem SS. Præſuli apud ignaros conci-
liandam, *Descriptionem ſepulchri Magdeburgenſis* ab ijs qui aperuêre accep-
ptam, adjicere hoc loco, tum quia pauciſſimis nota eſt, tum quòd me legen-
tem ſummo opere oblectârît, velimque voluptatis hujus meæ partem aliquam
communicare cum legentibus, præſertim ſi qui rebus antiquis cognoscendis
magis, quàm hiſce novis teneantur: Odæum *Templi Magdeburgenſis* octo-
nis gradibus altius in medio aſſurgit, *Arámque S. Crucis* ſuſtinet, quæ palis,
machinisque amolienda fuerunt; unde margo duntaxat Sepulchri promine-
bat, cui ingentia duo ſaxa quatuor ulnas longa firmi operis nexu, immiſſis ni-
mirum ferreis inter ſe fibulis peritiſſimè cohærentia, incumbebant; ijs porro
veſtibus relaxatis, ac mole utrâque revulſâ, *Sarcophagus* ad formam huma-
nam exciſus proſtabat. Epitaphium candido ad parietem marmori inci-
ſum hoc erat:

NORBERTUS DEI GRATIA
S. MAGDEBURGENSIS ECCLESIAE EPISCOPUS,
ORDINIS PRÆMONSTRATENSIS INSTITUTOR,
ET HUIUS MONASTERII RESTAURATOR,
SUB HOC MARMORE CONDITUR
ANNO DOMINI M. CXXXIV. IV. JUNII.

forte VI. vel
VII.

Reteſto magna cum veneratione loculo, conſpectoq; latente Theſau-
ro, miri animorum motus exciti adgeniculantibus pias excivêre lacrymas
ſacra Offium compages ſuo quæque loco ac ordine ſibi cohærens, juſtan
porrecti hominis ſtaturam excedebat, quæ ipſo quàm primùm attactu dilabi
ac reſolvi viſa eſt. *Frons ſacra* puriſſimis, ac cryſtallinis manabat guttis
cùm tamen id loci ingenium, aridum cætera ac arenolum, & oſſa multum hu-
mo levata cernerentur. Stabat *dentium Ordo* geminus, & condenſatus ne
unico imminutus. *Manus* in Crucis formam protenſæ, & decuſſatim com-
poſi

positæ. *Anulus* Sapphiro radians aureâ palâ, sed rudi opere inclusus perop-
 portunè *Præfulis Questenbergij* digito, faustoque omine semet insinuabat.
Caput humerique linteo amictu intgebantur, ipsum verò venerandum cor-
 pus synthesi jam tabescente, ac ob vetustatem in araneorum telas diffuente
 velabatur, quam limbi aureo intexti filo eleganti opere obibant. *Cyclas* fe-
 rica purpuram præferens, sparsim situ ac putredine attacta, textu florido tribus
 supernè gemmatis acubus confibulata ad talos fluebat. *Pallium* Archiepi-
 scopi humeris circumfluens, & cycladem inumbrans, depexa lana, & carie co-
 nesa, illæfas duntaxat Cruces præferebat. *Stola ac sinistri fascia brachij* pro-
 xiora solito, auròque texta nitebant. Hunc in modum pretiosa lipsana à
Triumviris illis purâ sindone sigillatim collecta, ac schedis quæque suis in-
 scripta, ingenti cum triumpho *Pragam* asportata fuere. Quacunque incesse-
 rant, festo æris campani pulsu, ac tormentorum displosione, omnium Or-
 dinum ingenti accursu, plausuque ab hominum memoria inaudito, circa III.
 Id. Decembr. Strahoviam, decantato inter pompam regiâ symphoniâ Am-
 brosiano cantu, illata fuere. Jam *Breviarium vitæ*, quod *SS. Præfulis* lauda-
 tionem, & res gestas nervosâ brevitæte continet, apponam:

NORBERTUS Saliciorum domo natus,
 Caesarum Sangvis,
 Abdicatis Caesarum Aulis fidereâs Domos aspirans,
 Amictu candido à Cœli Regina,
 Castis religionis legibus à Magno Augustino receptis,
 Candidæ Familiæ Conditor
 In loco divinitus Præmonstrato
 Cœlibem ac Cœlitæ vitam prævit;
 Apostolico Zelo plerumque Septemtrionem peragravit,
 Ac Cœli ignaros Christo conciliavit.
 Archiepiscopus Magdeburgensium ab Innocentio II. Pont. Max.
 Sacrorum Principum per Germaniam Princeps declaratus,
 Astrum Saxonie inextinctum,
 Civibus presidio, terrori hostibus,
 Antverpiam hæresi infectam expiavit,
 Parthenopolin moribus labantem erexit,
 Sacri Imperij nutantem statum stabilivit,
 Innocentiâ, & vitæ sanctimoniâ,
 Orbem implevit.
 Oraculis juxta ac miraculis clarus,
 Ab Innocentio III. Christi in terris Vicario
 Divorum Cœlitum adscriptus syllabo,
 Quem Patriæ Parentem,

Elogium hi-
 storicum
 SS. Præfulis

Sancta

*Sancta Ulbiorum Colonia à teneris excoluit,
Clara Parthenopolis evexit,
Regia Praga in sinum recepit,
Et quod candi potuit
Strahoviensis Ecclesiae Thesauris intulit,
Anno Christiano M. DC. XXVI.*

*In vita S.
Norberti
fol. 137.*

*Fit Patronus
Regni Boh.
Boh.*

Hæc Echo S. Norberti triumphantis suprâ citati Authoris, & P. Joann. Bapt. Schellenberg. Plura de eo, deque SS. ejus Ordine in libro de *Cænobijis* adferentur. Porro SS. Præsul *Norbertus* eodem, quo *Pragam* corpus ejus translatus est anno, votis omnium Ordinum concordibus, & peculiari Decreto *Eminentissimi Cardinalis Ernesti Archiepiscopi Pragensis* Divis Bohemiae Tutelaribus est accensus.

§. XXVII.

S. Leopoldus Austriæ Marchio.

A. G. 1134.

*Ex Brei. Rô.
ad 15. Nov.*

Pietas S. Leopoldi.

L *Leopoldus* Austriæ Princeps, ab insigni in DEUM pietate *Pius* cognominatus, in primo ætatis flore, ea virtutum semina concepit, quæ annorum progressu in singularem vitæ sanctitatem excreverunt. Relucebant in adolescentia cum DEI timore summa vitæ integritas, continentia, & humilitas; in provectiore ætate, justitia, misericordia, sapientia, religionis cultus præcipuus. Patre defuncto curis licet conjugalibus, & Principatus sollicitudine præpeditus, pietatis, & misericordiae munera diligenter obibat; inopes fovebat, oppressos sublevabat, lassos roborabat, denique inter tot aulae inquinamenta immaculatum se ab hoc sæculo custodiebat. Ecclesiae Romanæ Pontifices tantâ veneratione prosecutus est, ut ab *Innocentio II. S. Petri filius* meruerit appellari. In Clerum, virosque Religiosos beneficis, duo monasteria celeberrima, *Claustro neoburgense, & Sanctæ Crucis in Valle nemorosa* construxit, & amplissimè dotavit. Melicense quoque à se instauratum, magnis sumptibus, & censibus illustravit. Demum, cum annis quadraginta *Austriæ Principatum* laudabiliter gubernasset, Anno supra millesimum centesimum trigesimo sexto, vitâ sanctissimè functus, sacris Ecclesiae Sacramentis munitus, ab hoc mundo ad cœlestem gloriam translatus est. Ejus Corpus ad *Clastrum Neoburgi* conditum innumeris cœpit clarescere miraculis, quibus DEUS tantam Viri sanctitatem voluit manifestam. Namque ad ejus invocationem mortui suscitati, cæci illuminati, surdi auditum, muti loquelam, claudi gressum, captivi libertatem, varijs morbis oppressi sanitatem sunt consecuti. His clarissimis Sanctimoniae documentis rite compertis, *Innocentius VIII.* Sanctorum catalogo adscripsit. Ejus sacra ossa è tumulo ab *Imperatore Maximiliano* elevata, in eadem Ecclesia honorificen-

Ex qua stirpe sit genitus.

ficientius repofita, debitâ coluntur veneratione. Haftenus Officij Divini Lectiones; fuit autem D. Leopoldus ex vetuftis Auftriæ Marchionibus, ex Schinensî familia, ut putat Raderus, aut quod verifimilius eft, ex Babenbergenfî, ut Cuspinianus, & Lazius, & AreMBERGIUS. Quo merito igitur, dicēs S. Leopoldum in Bohemiam trahis? Confanguinitatis arctiffimo titulo; namque niſi ſtemma S. Leopoldi in Bohemiam derivarem, Auguſta Auftriadum Domus, hodie glorioſè regnans, & imperans, ejus Ducis ſanguinem non haberet; primum Filia D. Leopoldi Gertrudis Wladislao II. poſtea Bohemiæ Regi An. 1138. deſponſata eſt, unde omnes abhinc Bohemiæ Reges Przemyslae ſtirpis deſcendunt, uſque ad Eliſabetham Wenceslai II. filiam, à qua per Matres in Sereniſſimam Domum Auftriacam Sanguis Divi Leopoldi maternâ lineâ defluxit, ut in Originibus Guttentſteinianis Genealogicè probatum eſt à nobis. Neque hîc amicitia Bohemiæ Principum cum S. Leopoldi progenie conſtitit: quippe hoc ipſo Anno 1138. Sobieslaus Bohemiæ Princeps filiam ſuam MARIAM, Leopoldo V. Marchioni Auftriæ S. Leopoldi filio conjugio junxit cum dote quingentorum talentorum argenti; nuptiæ Olomutij in Octobri ſunt celebratæ. In quibusdam manuſcriptis invenio: Wladislai II. fratrem Henricum nomine, Originarium ſtirpis Henriciana, ſeu Czerniniana, alteram filiarum S. Leopoldi in matrimonio habuiſſe, atque adeo Czerninij Comites & Barones, tum omnes illi, qui ſe à Czerninijs per Matres deſcendere gloriantur (quorum in Nobilitate noſtra inſignis eſt numerus) S. Leopoldo ſanguine conjunguntur. Sed neq; iſtud myſterio vacat, eſtq; Bohemiæ ſumma gloria, quòd in S. Leopoldi Manſoleo, à Maximiliano I. ſumtuofiſſimè poſt Annos 344. demum excitato, in marmore ipſo quarundam Illuſtriſſimarum Bohemiæ Familiarum inſignia, ac nominatim Sternbergicorum expreſſa videamus. Argumentum hoc eſſe poteſt grandis alicujus in S. Leopoldum meriti: nimirum Zdenko de Sternberg apud Pontifices Romanos eâ tempeſtate gratioſus inprimis, qui titulum Generalis Ducis Armorum Eccleſiæ gereret, cujus unius conſilij Georgio regnante res Catholica in Bohemia nitetur, interventu ſuo, ac precibus, & Legatione (quod in Manuſcriptis invenio) ad impetrandum quod petebatur ab Apoſtolica Sede, plurimum attulerat momenti. Eſt autem Divorum albo inſcriptus, & honori publico propoſitus ſub Friderico III. Romanorum Imperatore An. 1485.

§. XXVIII.

Duæ Sanctæ Virgines ex Bohemia, S. Angela, & S. Euphrasia Martyr, quæ in Patria ſua ignotæ, in Regnis Hiſpaniæ coluntur.

CONSULTO duas haſce Sanctiſſimas Virgines Bohemis noſtris olim ignotas, etſi in Bohemia natas, ac proinde Noſtras, tractatione conjungo;

G

diu

Rad. in S.
Leopoldo P.
3. Bav. S.
Lazius ap.
Rader.
Cuspinian:
in Leop. I.

Vide Epit:
rer. Boh.
lib. 3. C. 10.
Origin. C.
de Guttent-
stein.

Quomodo
S. Leopoldus
ad Bohemiam
pertinere
videatur.

vide Epit:
& Indices
Chronolog:

Crug. in Sa-
cris Pulver.
in Augusto
fol. 75.

Nullum in
Boh. priori
bus seculis
fuit Cœno-
bium VV.
Carmelit:

Cœnobium
hujus Ordi-
nis fundan-
tur in Boh.

Epit. rer.
Boh. l. 3. C. 13
S. Angela
sancta &
docta.

Delrio l. 4.
Disq. mag.
C. 1. q. 3.
sect. 4.

Possess. in
Appar. fac.
in Append.
Tomo I.

Ges. in Bibl.
Didac. Ale-
gro in Pa-
rad. Carm.
decoris in
S. Angela.

diu dubitavi, utrum eas in hoc *Sanctorum Bohemia Censu* collocarem, & sva-
debat altissimum omnium Nostrorum Scriptorum silentium; at tandem in-
victâ maximorum Authorum autoritate superatus succubui, dóque jam
manus, & quamvis *Parentes* certò nominare non possim, *Patriam* tamen il-
lis apud nos libenter concedo. *S. Angelam* *Wladislai Bohemia Regis* filiam
P. *Joannes Tanner* facit; sororem P. *Georgius Crugerius*, quæ Fratrem Re-
gem in terram Sanctam cum copijs *Bohemorum* ad auxilium Christianis fe-
rendum proficiscentem peregrina secuta sit. *Carmeliticum Institutum* in Pa-
læstina amplexam esse, & *Angelicam* prorsus vitam egisse, ejus Sancti Ordinis
Annales affirmant; ferunt hujus *S. Virginis* vitam, & res gestas in Belgio nu-
per editas Typis, quæ in manus meas non venerunt; ex his forsitan certi
aliquid possemus statuere; at quod iisdem Patribus narrantibus didici, *Præ-
genſe Cœnobium Carmelitanarum Virginum* rexisse, & Præge 6. Julij mortuam;
sustineri non potest, cùm (quod certissimò constat) nullum Cœnobium,
aut Parthenonem sacrum ejus Ordinis ante *Caroli IV.* tempora *Bohemia* ha-
buerit. Primus hic felicissimus Imperator Carmelitanos altissimi operis Ba-
silicâ *MARIÆ ad Nives Præge* exstructâ, & cum Cœnobio iisdem donatâ
in *Bohemiâ* adduxit, aliudque novum pro iisdem Cœnobium *Tachovia*
fundavit; cujus exemplum *Guttensteinij Comites* secuti postea, duo Cœno-
bia *Chissenſe*, & *Rabsteinense* construxere: potuit nihilominus *S. Angela* spe-
certâ novi Cœnobij sororibus suis fundandi, designata jam Antistita ad fra-
trem Regem in *Bohemiâ* venisse, & *Præge* dum maximè foundationi immine-
ret, extinguere, præsertim, si in ea tempora conatus incidit, cùm ingratis-
simus Imperator *Fridericus Ahenobarbus* Regem *Wladislaum* fratrem *Virginis* di-
gnitate regiâ deturbavit. Sed tumuli nullum *Præge* superest vestigium. At
quàm facilis jactura sepulchri! an decrant *Præge Cœnobium*, ac maximè quod
soror *B. Agnes* regebat in Arce, ubi conderetur? Satis de multum contro-
versa quæstione. vide, quæ in *Epitome nostra* attulimus, ac peculiari Disserta-
tione ad *Venerab: ac Doctissimum P. Carolum Slavatam*, non modò Excellen-
tissimæ familiæ, sed *Patriæ* etiam nostræ *Bohemiæ Decus*, & ornamentum, ac
(dum hic præsens Liber sub prælo Typographico sudat) sui Ordinis *Carmel:
Discalc: Generalem*. Fuit verò *S. Angela*, & virtute, & scientijs omnibus ad
miraculum exculta; mirantur, & commendant ejus opera, quæ latinè scrip-
sit (*Exhortationes ad moniales suas*, *cælestes Revelationes*, ac *librum de Vene-
rabili Sacramento*, aliâque plura) *Delrio*, *Possevinus*, *Nostrum*, tum *Carmelita-
ni Scriptores*; ac fortè id est, quòd eam in Effigie apud *S. Gallum Præge* vi-
demus inter Sanctos ejus Ordinis depictam, *Librum* tenentem, cui libro *Mon-
strantia*, ut vocamus in templis, superstat. hæc de *S. Angela*.

S. Euphrasiam, alij *Ephrasiam*, aut *Eurosiam* appellant, & *S. Angele* so-
rorem fuisse perhibent, æquè apud nos natam, & Regis filiam. Hæc Regi

Hispa-

Hispaniarum per Legatos desponsa, & promissa, dum in *Hispaniam* mittitur, & *Pyrenaeos* superat, in *Maurorum* potestatem devenit, qui Virginis eximiâ formâ capti (ut est gens salacissima) vim pudicitiae inferre coeperunt, sed Virgo Regia latronum scelus averfata, mori maluit, quàm fœdari, atque in ea pudoris sui defensione *Martyr* occubuit. Civitas *Laca à Dauroultio* nominatur, ubi editis post mortem miraculis, religiosissimè colatur, & in ficitate telluris, ac pestilentiae tempore, praesentissimâ semper è cœlis ope ab incolis invocetur. Tempestates quoque in illa cœli plagâ gravissimas sæpius avertit in auxilium vocata. *Hispania* Scriptores ejus meminisse, ac nominatim *Marianam*, testis est noster *Chanovius*; miraculis in *Hispania* claram esse affirmat *Marchantius* in *Pastorali*. De hac *Sancta Euphrasia* velut à nobis profecta nullam in *Basilico* illo Opere, quod *Bollandus* Noster inchoavit, mentionem invenio; at de *B. Angela* ad 28. Februarij hæc leguntur: *B. Angela de Bohemia Ordinis Carmelitani quibusdam Calendarijs hoc die inscripta traditur, in ejus vita, quam M. S. nacti sumus, non tenui Examine egentem; traditur obiisse 6. Julij.* Ita ibi.

S. Euphrasia Martyr castitatis.

Dauroult. in Catech. historico. Mariana in hist. Hisp.

Chanov. in Vest. Boh. Pie C. 3. in Notis.

§. XXIX.

S. Otto Bambergensis Episcopus, Pomeranorum Slavorum Apostolus.

Sanctissimus hic Præsul bene de *Bohemia* nostra meritis, effecit, ut ejus inclytum nomen inter patrios, & illustres Sanctimoniâ Viros legatur: amantissimus in primis fuit *Bohemici nominis* & *Bohemia* sæpius adiit (nam *Slavicam linguam* in *Polonia* perceptam perfectissimè callebat) quoties scilicet ad barbaros iter habebat, *Wladislaum I.* & *Sobieslaum I.* Duces *Bohemiae* salutabat ex intervallo. Innotuit Ducibus nostris *Bambergæ* in Comitij Imperij An. 1124. 7. Maij ab *Henrico V. Cesare* celebratis, & in intimam Principum familiaritatem admissus est; adde quod *Pomeranis* (qui tum Slavice loquebantur) cognatæ nobiscum genti, Christi Evangelium prædicavit. An. 1125. Martio exeunte, *S. Otto Pragæ* advenit; nihil esse potuit opportunius, *Wladislaus I. Bohemiae Duce*, cum fratribus, & patruelibus suis immortaliter, ut ita dicam, dissidente; tantum oratione nervosâ apud morientem Ducem profecit *Otto*, ut omnia Fratribus condonaret, eoque *Sobieslai* fratris, à quo maximè dissidebat, amore processit, ut proprijs etiam liberis præteritis, *Sobieslaus* Proceribus commendavit, atque ut in Imperio succederet, impetravit. Obijt 2. Aprilis *Wladislaus* à SS. Præsule *Ottone* ad moriendum optimè comparatus A. D. 1125. Reliqua Apostolica *Ottonis* gesta in *Surio* leguntur. Obijt SS. Præsul *Pomeranorum* & *Lusiciorum Apostolus* A. C. 1139. 30. Septembris. ætatis 70. Divorum numero à *Clemente III. Papa*

S. Otto Bohemis & Slavici peramicus.

Weles. in Calend. ad 7. Maij. Cosmas in hist. Boh. Dub. Hag. Rad. in Bavaria. S. in S. Ottone. Manlius in Lusatia.

Reconciliat Duces Bohemiae diffidentes.

Man. l. cit.

Hen: Canis.
T. 2. antiq.
lect.
De Pomerania
Slavica.

pā adscriptus 1189. Apostolicos S. Ottonis labores, Pomerania Slavica descriptionem, universæ illius Gentis ad Christum conversionem, jucundè prorsus & memorabili narratione complexus est Anonymus, sed synchronos, & ejusdem Ætatis Scriptor apud Henricum Canisium tribus libris.

§. XXX.

B. Henricus Zdik, Olomucensis Episcopus è Regio Ducum Bohemiæ sangvine.

Beati titulus
& Natales.

Beati titulum Henrico virtutes primùm, & sanctimonia, uno eodémque vitæ colore, & tenore usquè ad extremum deducta conciliârunt. deinde omnis retro Antiquitas, & Scriptores omnes sinè controversia tribuerunt; controversia major est de Patre: alij Ottonis I. Znoymensis, & Olomucensis Ducis filium, alij Wladislai I. Regis Bohemiæ fratrem, & Wratislai I. Boh. Regis filium, alij Wladislai I. fratruelem faciunt; omnes iterum in eo consentiunt, ex Przemyslea regnatrice apud Bohemos & Moravo.

M. S. hist.
Ord: Prem.

stirpe editum fuisse. Educatio illi Principalis, & Regia, multæ deinde literæ, inde parta prudentia, Principibus charum, & ad res maximas agendas, & de rebus maximis suggerenda consilia idoneum fecêre. Sed auctoritatem omnem consiliorum Henricus ad Divina convertit, ac sanè nescio Antistitem in Patria, cujus consilio plura ad DEI gloriam sint gesta. Episcopus Olomucensis post An. C. 1126. rite creatus, cum angustissimè Prasul & Canonici duodecim in SS. Petri & Pauli Ecclesia versarentur, Olomucensibus Ducibus (Wenceslao & Wladislao) author fuit A. 1128. arcem Olomucensem in Cathedralē S. Wenceslai Martyris Ecclesiam convertendi; auxere eodem authore Collegium Canonorum antè laudati Principes, ut ad S. Wenceslaum Canonicis 24. Collegium constaret. Idem Ecclesiam S. Wenceslai condecoravit auro, aliisque pretiosissimis cimelijs, & satis magnâ parte SS. Crucis quam Hierosolymis secum (ut mox dicam) attulerat. Omnis igitur, quam videmus hodie, Ecclesiæ illius Majestas, quasi fundamento ab Henrico sub-

Pulk. hist.
Boh. C. 74.

Ejus iter in
terram S.

Summus
fuit admira-
tor & ama-
tor Ordinis
Præmonst:

structo, eidem Beato Antistiti debetur. Posthæc incessit cupido terram sanctam, quæ Christi vestigijs, imò etiam sudore, & sangvine consignata esset, visendi; pedes Hierosolymam usquè processit, rediensque tot Divinas mente imagines ex Palestina retulit, ut in Patria Palestinam videre se crederet, amantiù more, qui sibi somnia, & omnia fingunt: hoc Sionis, hoc Montis Oliveti Cœnobita testantur. Porro Henricus in hac peregrinatione Sacri Præmonstratensium Ordinis, cujus tunc prima gloria, amore sic captus est, ut se ijs adungere, & consecrare, depositis Insulis statuerit, sed à Pontificibus impetrari ampliùs non potuit, quàm ut vestem religiosam ferret in loco, & quantum dignitas Episcopalis pateretur, Præmonstratensis esset. Itaque jam penè

facro

sacro illi Ordini domesticus, ejus incrementa promovit: *Wladislao Bohemiae Duci*, postea Regi, sic Ordinem suum commendavit, ut celeberrimum, atque in primis opulentum Cœnobium *Præmonstratense Praga* fundaret, cui *Henricus* ob similitudinem ad montem *Sion Hierosolymis*, *Sionis* nomen imposuit; *Litomyslij* deinde alterum eodem *Henrico* impulso *Præmonstratensium Collegium Brzetislaus Wratislai I. Regis* filius fundavit, ut ostendit *Pessina*; Scriptores alij ipsum *Henricum* nominant Fundatorem (qui rursus ex *Palæstina Montis Oliveti*, vel *Olivetorum* Cœnobium appellavit) conciliari possunt sententiæ, si primus Fundator *Brzetislaus*, secundus (quod frequentissimum in Cœnobijs fuisse lego) *Henricus* habeatur Fundator ob grande aliquod beneficium. Magnum & illud, quod (ut *Crugerius* docuit) primus *Henricus* effecerit, ut ex *Strahoviensi* Cœnobio *Olomucenses Antistites* lege quâdam inviolatâ diu legerentur. *Ottoni* nominari possunt ad eas *Infulas* ex *Præmonstrato Pragensi* evocati. *Paprocij* obiter refellendus est error, qui *Joannem*, cognomento *Ventriosum* Episcopum *Olomucensem* An. 1104. electum, eidem ordini (qui nondum fundatus erat) adscribit. Illud verius, quod idem *Paprocius* scribit: *Henricum* à *Wenceslao Duce* impetrâsse, ut *Parochialis Ecclesia S. Mauritiij* (quæ antea Cœnobium Ordinis *S. Benedicti Hradistiense*, seu *Gradlicense* respiciebat) ad *Cathedralem S. Wenceslai Ecclesiam* pertineret. Eidem *Henrico* libertates, & immunitates suas ex merito adscribit *Virgineum Cœnobium ad S. Georgium Praga*, quod ille sibi protegendum, ornandum, & in virtute promovendum sumsit, fuitque *Parthenoni* à sacris confessionibus; unde ejus postea obitu mœstas *Virgines Eusebius III. Pontifex* Epistolâ singulari An. 1151. *Ferenti* datâ, solatus est, ut in *Epitome historica* probavi. Perinde verò, ut boni bonum, sic mali, & improbi acerrimum vindicem legum sacrarum *Henricum* sentîre: *Clericos concubinos* (quod tum ob frequentiam, vix pro scelere habebatur) cum aggressus ipse, & *Otto Pragensis Episcopus* eradicare non possent, *Henricus* *Romam* ad *Eugenium Pontificem* profectus, Legatum *Gvidonem* impetravit, cujus autoritate victi Regij sanguinis *Principes*, defensionem omittère, effectumque est, ut alijs exilio, alijs carcere punitis, alijs administratione Sacrorum prohibitis, *Clerus Bohemiae, & Moraviae* ad sanitatem, & sanctitatem rediret (quod infeliciter alijs quibusdam *Præsulibus* cessit, ut de *Godevvoldo Misnensi* legimus apud *Fabricium*) quid tamen per causam hujus itineris, & quàm gravia passus sit *Henricus*, *Dubravius*, & *Hagecius* latè commemorant; fuit perpetuus egenorum, & à fortuna, & amicis desertorum Patronus; denique vitâ omnibus sanctimoniam numeris absolutâ, prophetiæ spiritu clarus, migravit in Cœlum An. C. 1151. 25. Junij. Agunt de eo *Dubravius* l. 12. *Hagecius* in Annalibus. *Crugerius* 25. Junij. *Paprocius* & *Augustinus* *Moravus* in Episcopis *Olomuc*: *Aubertus Miræus* in Chronico &c.

Dubrav. l. 12. hist. Boh.

ad 25. Junij

Strahoviense Cœnobium Seminarium Episcoporum.

Paproc. in speculo Moraviae: in Episc.

Cœnobium Hradistiense ad Olom.


Epit. hist. l. 3. C. 13.

Dub. l. 12. Hag. in An.

Clerici concubinarij correcti.

Fab. in An. Mis. l. 1. ad An. 1130.

Obitus ejus.



§. XXXI.

B. Amabilia prima Antistita Parthenonis Clatoviensis, Ordinis S. Benedicti.


B. Amabiliae genus, & Vita.

B. Amabilia Plsnam translata.

Ejus Tumulus.

Weleslav. in Geneal. Chanovs: in Vest: Boh. Pio. Ferus in Vita S. Agner.

A *Mabilia* Henrici, & Theobaldi (quorum ille *CZerninorum*, hic *Ssvihoviorum* illustrissimas stirpes fundarunt) germana soror, *Wladislai I. Bohemiae* Principis, & *Amabilia Wohburgensis Ducissa* filia, ab in-eunte aetate DEI sese magis filiam, quam mortalium Principum probavit, uni aeternitati, non tempori, nulli nisi coelesti voluptati, quam ex divinis laudibus liquidissimam capiebat, imminens, & intenta. Cum *Theobaldus* frater Cœnobium Religiosorum *Clatovia* (ad quod uni Nobilitati aditus pateret) statuisset, *Amabilia* ad idem exemplum Nobilium puellarum Cœnobium ibidem (in suburbio Civitatis situm, ut probabile puto) fundavit, utrumque Cœnobium ex *S. Benedicti* legibus regebatur. Antiquitas (senectuti nostrae simillima) obliviosa, nihil de illa posteritati tradidit, nisi *Beata*, imò & *Sancta* titulum, quem virtutibus, & contemptu rerum omnium terrenarum, spiritu prorsus Principali meruerit; deinde & illud, quod comitari sanctimoniam solet: *Miraculis claruisse*. Vixit circa An. C. 1170. *Clatovia* primum in Ecclesia *S. Laurentij* tumulata; at cum impij *Hussite*, non modò ad necem Catholicos viventes quærent, sed etiam mortuorum, ac præsertim *Beatorum* hominum corpora iterum quodammodo occidere cuperent, eorum sacros tumulos violando, ossa, & cineres dissipando, urendo, *Ssvihovij Barones*, qui eam, velut sui sanguinis Divam, ab omni memoria coluerunt, eandem *Amabiliam* cum *Theobaldi Originarij* sui, ac cæterorum ex sua gente Procerum corporibus *Clatovia* effossis, *Plsnam* (quod ex vetustis *Ssvihoviorum* memorijs exscribo) detulerunt. Errat vir historiae nostrae peritus, qui corpus *S. Amabiliae* sub ruderibus veteris *Plsnae* jacere scripsit; jacet in duobus Cœnobij Novæ, seu hodiernæ Urbis *Plsnensis*, ac nominatim *S. Amabilia* ante summum Altare in Sacello *S. Margarethæ* (quod alij templum, alij Sacellum *S. Spiritus* appellant) ad Cœnobium Ordinis *Prædicatorum*, cuius corpus effossum (dum Sacellum reparatur) ante annos triginta se vidisse mihi narravit Illustrissima, & fide dignissima & pietate insignis Matrona *PrZichovskiana*, nata ipsa *KokorZovvciana*; an redditum tumulo sit, an à Patribus alibi conditum asservetur, hætenus scire non potui. Egit de ea *Weleslavinus*, *Chanovsky*, *Ferus* &c.



§. XXXII.



§. XXXII.

B. Elifabeth Wladislai I. Bohemiæ Regis Filia, S. Amabiliæ Soror, Ordinis Præmonstratensis in Cœnobio Doxanensi.

Jam sæpe dixi, *Wladislai I. Bohemiæ Regis* generationem, totâmq; adeo cognationem benedictam ex Cœlo videri, tot Sanctimoniarum Viros, ac feminas protulit, ut unum illud sæculum, cætera omnia *Bohemiæ* multitudine *Beatorum*, ac *Beatarum* provocare videatur. En iterum *Elifabeth Wladislai I.* filia, inclytæ Sanctitatis in vetusto illius Cœnobij Catalogo legitur, ac disertè *Beata* appellatur. Ob eum nobilitatis, & virtutum splendorem, unanimi Virginum suffragio, post *Mechtildem*, quæ ibidem *prima Priorissa* dicitur, successit *Elifabeth secunda* Cœnobij Priorissa, Regis *Wladislai II.* soror, cujus *Wladislai* Conjux *Gertrudis S. Leopoldi* filia Parthenonem hunc sacrum fundavit; sed & *Elifabeth* cum fratre Rege plurimum Cœnobij foundationem promovit; hæc enim in *Memorijs Doxanensibus* invenio: *B. Elifabeth secunda Prælatæ nostræ*, contulit pro se, & fratre suo 80. *Marcas argenti* ad ædificium *Monasterij*; item duas villas; insuper *Calicem cum patena*, & *ampullas argenteas inauratas*. Dies obitus annotatur ibidem 31. Martij, annus abest. Crediderim ad *An. 1170.* vivendo pervenisse.

1170.

B. Elifabeth
auget fun-
dationem
Doxanen-
sem.

§. XXXIII.

B. Brzetislaus Henricus Dux Bohemiæ, Episcopus Pragensis.

Fuit *B. Henricus Brzetislaus*, filius *Henrici III. Bohemiæ Ducis* ex *Agnete Ducissa Carinthiæ*, filia *Henrici IV. Imperatoris*, ac proinde ex familia Imperatorum, ac Regum; nam *Henricus III. Wladislai II. Bohemiæ* Regis frater fuit; fratres & ipse habuit, *Henricum*, à quo stirps *Henriciana* dicta, hodie *Czerniniana*; & *Theobaldum*, à quo stirps *Theobaldicorum* (quos hodie *Ssvihovskios* appellamus) descendunt. A prima ætate bonas literas, tum etiam Philosophicas, dein Divinas, & interiores *Parisijs Magister* & *Doctor* percepit; sed ille omnia virtuti posthabuit, Religiosam vitam in *Strahoviensi*, seu *Sionæo Cœnobio* professus. Doctrinæ, & virtutis comes Honos apud bonos est: *Præpositi Wissebradenfis* dignitas, tandem mortuo *Valentino* etiam Episcopatus, *Henrico* defertur. Cum verò *Wenceslaus II.* & *Przemyslaus* de Principatu Bohemiæ contenderent (*Spitihnæi* pupilli causam egisse in Comitibus *B. Henricum Solymannus* scribit; ego quis ille *Spitihnæus* fuerit, ignoro; scio alioquin *Wladislai II. Regis* filium,

A. 1196.

Genus.

Doctrina.

Ordo.

Jul. Solym.
in Elogijs
Reg. Bob.

atq;

Dignitas
Regia.Merita &
fundatio-
nes.Henricus à
Pont. cog-
nominatur
Sapiens.Amantissi-
mus subje-
cti populi.Obitus &
tumulus.Pont. in Ep.
Prag.
Pessina in
Phosphoro ra-
dio s.
Crug. ad 14.
Junij.
Mortuar.
Doxanense
M. S.

atque etiam *Wenceslai* filium *Spirithnaum* poni à *Weleslavino*, de quibus alij Genealogistæ tacent) ergo; cum illi duo contenderent, *Henricus* à Bohemis Dux est acclamatus, licet perinvitus, ac deprecans, probante *Henrico IV.* Cæsare; quod factum An. C. 1191. cum jam Annos decem in Episcopali munere *Henricus* exegisset. Primum operum Principalium fuit, Regij sanguinis Principes componere, quod etiam armis feliciter perfecit. Domum Episcopalem exstruxit cum Sacello augustissimo *augustissima DEI Matris* ibidem, atque etiam *Wissebradi Ecclesiasticos Cantores* (Chorali tono, ut vocant) DEI laudes cantaturos fundavit; sed hæc minora: collapsam Cleri in Bohemia disciplinam cum *Petro Cardinale Calesini III.* Papæ Legato restituit, à quo *Henricus Sapiens* titulum apud Pontificem reportavit. In summa, quæ Bohemiam premebat annonæ caritate, *Henricus* de suo ingenti frumenti numero comparato, velut alter *Joseph*, totam aluit Bohemiam, & ob Cives servatos & apud DEUM, & apud homines immortalem lauream obtinuit. Aliquoties Principatus insignibus exuere sese tentavit, sed nunquam ab amantibus subditis impetravit; quod profecto testimonium subiectorum, electione omni majus est. Denique, cum vicinam *Sion* in oculis haberet, ipse in Hierusalem vetus revocavit *Machabæa* gentis exemplum, ut & *Sacerdos* maximus, idemque bello, & pace Dux optimus haberetur ab omnibus, & qui vel uno munere laudabiliter gesto præconium æternum meruisset, utroque sic excelluit, ut paucos Antistites, paucos etiam pares Duces *Henrico* Bohemia viderit. Obijt 14. Junij *Egra*, quod ex consilio Medicorum ad aquas Acidulas valetudinis gratiâ sese contulerat; decessus *Doxanum* ad *Præmonstratenses* suos, ibique apud Matris tumulum humatus An. 1196. Scripsere Sancti Principis encomia, quicumque de Bohemia scripsere; at peculiariter *Pontanus*, *Pessina*, *Crugerius*. Brevissimè vetustissimus Codex *Doxanensis*: 14. Junij. Obijt beata recordationis *Henricus Pragensis Episcopus*, & nostræ Congregationis Protector piissimus, omniumque spiritualium optimus Defensor, qui contulit nostræ Ecclesiæ circuitum *Kolovvecz*, & de tentorio suo ornamenta Altarium auro texta. Beati titulum omnes Nostri Scriptores, & omnis retro antiquitas *Brzetislao Henrico* tribuerunt.

§. XXXIV.

B. Adalbertus Wladislai II. Bohemiæ Regis filius,
Archiepiscopus Salisburgensis.

A. 1200.

Beati titulus

Quicumque *Adalberti* trigésimi secundi à *S. Rudberto* Salisburgensis Archiepiscopi meminerunt, titulum ei Beati apponunt, quem virtutibus, vitâ innocentissimè actâ, & exilio pro defensione Sedis Apostolicæ fortiter tolerato, meruerit. Natus est apud nos, Patre Rege *Wladislao*

dislao II. Matre Gertrude S. Leopoldi Marchionis Austriae filiâ; educatus in Cœnobio Strahoviensi Praga, legitimâ ætate Præmonstratensium Institutum secutus, votis sese Religiosis illigavit; at Pater (ut illo sæculo plerique ex Strahoviensi Cœnobio ad Infulas, & dignitates Ecclesiasticas petebantur) filio prædivitem id temporis Præposituram Mielnicensem contulit. Paulò post, Anno videlicet 1168. moritur Conradus Archiepiscopus Salisburgensis, S. Leopoldi Marchionis Austriae filius, frater Gertrudis; eadem commendatione usi Wladislaus Rex, & agnati cæteri, Gertrudis filium Adalbertum ad Salisburgenses infulas promoverunt. Pallium Archiepiscopale Adalberto Alexander Pontifex misit, Aquilegiensis Patriarcha Præsulem consecravat. Divitum erat Ecclesia Schismate (quod vocabant) Fridericiano, cum scilicet Fridericus Cæsar Ahenobarbus legitimum Pontificem Alexandrum III. agnoscere nollet, aliosque sacrilegè sufficeret; Adalbertus meliores partes, ut decebat, secutus, in Cæsaris offensam incidit, multisque ob eam causam appetitus injuris, tandem An. 1174. cum ei Cæsar accusatores duos ex Sacro, quod minimè decebat, ordine apposuisset, atque ipse furens, judicio præficeret, innocentem, neque respondere ad calumnias permissum, damnavit. Multatus exilio in Bohemiam Mielnicium se recepit, cum antè, sponte an metu, cessionem Archiepiscopatus ab eo Cæsar extorsisset; Adalberti igitur locum Henricus, deinde An. 1178. Conradus Wittelsbachius tenuit, quo in Moguntinam Sedem elato A. 1183. Friderico jam resipiscente, & bonâ fide pacem cum Ecclesia, & legitimis Pontificibus colente, post tot annorum exilium fortissimè toleratum Adalbertus noster Sedi suæ restitutus, ostendit, virtuti æquè adversa, ac prospera servire. Paulò ante mortem servum suum rebus adversis iterum sibi approbare Divinitas voluit, quippe charissimum alioqui populis Præsulem, & suorum amantissimum (ut ostendit Adeltzreiter) suimet clientes (caussa annalibus expressa non est) cepère, & captum dies quatuordecim arctè attinuère; ob rei indignitatem Sacris interdictum totâ Archidiecepsi, neque prius pœna sublata, donec constitit, restitutam Præsuli innocentissimo libertatem. Septem, & decem annis cum summa laude & commendatione Pontificum, Cæsarum, Principum, omniumque ordinum Archiepiscopali dignitate functus Adalbertus A. 1200. 4. Aprilis (Doxanense M. S. 7. Aprilis ponit) velut Pastor bonus ad Pastorum Principem Christum evocatus est, & Salisburgi in Cathedrali Ecclesia tumulatus; quem hodièque Sanctis, & Beatis Ecclesiæ suæ Præsulibus, Archidieceps illa fœlicissima accenset; fundavit B. Adalbertus Præmonstratensibus suis amplissimum ad Straubingam Cœnobium.

Chron. Auber: Mirai. Bibl. Joan: de Huye. Henr. Stero in Chron. Avent: l. 6. Boic. hist. Hundim in Meiro. e. 4. Rensner Basil: Geneal. Munst. Cosmogr. l. 3. c. 371.


Defendit Rom: Pontificis auctoritatem.

Ob eam rē sede Archiepiscopali dejicitur.

Adeltz. P. l. l. 22. n. 34.

Restitutus rursus exercetur adversis.

Chanov: in Vestig. Boh. Pia. C. 3.



§. XXXV.

B. Agnes Virgo DEO consecrata, Antistita Parthenonis Georgiani Pragæ; & B. Hedwigis Religiosa in Cœnobio Doxanensi, hæc Instituti Præmonstratensis, illa Benedictini, Sorores; utraque Wladislai I. Bohemiæ Regis filia.

Circa A.D.
1200.

B. Agnes religiosa Virgo Præmonstratensis, & post Benedictina.

Crug. ad 14
Martij.
Weles. in Ge
neal. Prin.
Boh.

Tanner. ad
C. 3. Vestigij
Boh. P. 10.

Controver
sia de B. Ag
nete &
Hedwige.

Agnes Wladislai I. Regis Bohemiæ filia, ex Gertrude (Sancti Leopoldi Marchionis Austriæ filia) primum *Doxana* inter Virgines Norbertinas Religiosam egit vitam, admota etiam gubernationi Parthenonis Sacri circa A.C. 1200. tertia numero *Doxana Antistita*, multâ cum Cœnobij utilitate præfuit; at postea Rege Przemyslao Ottogaro I. fratre agente, ad S. Georgij Parthenonem Benedictinum regendum translata, ut prius fecerat, omnibus suis mirâ Sanctitate præluxit, quam ob causam Agneti huic Beata titulum tribuit antiquitas. Ex hac Agnete satis imperitè (quod fieri non posse crederent, ut una, eadēque in duobus diversi Ordinis Cœnobijs degeret) duas quidam Scriptores fecerunt, quos Memoria Georgiana, deinde Calendarium *Doxanense* ante 300. annos scriptum, refellunt: Calendarium: 7. Junij. Obijt pia, & beata memoria Agnes Abbatisa, Restauratrix Ecclesiæ S. Georgij Pragæ, Congregationis nostræ Soror Professa, quæ nobis bona multa contulit. Ex his habemus obitûs mensem, & diem; annum tamen nominare non possumus. Scripsit de ea Crugerius; mentionem fecit Weleslavinus. Tumulata à suis in sacrario Sanctæ Annæ prope ipsam B. Miladam Fundatricem, quod à Rege fratre suo Przemislao Ottogaro I. quàm plurima beneficia, & Privilegia Cœnobio procurâisset; Beata titulum ei tribui testatur Tannerus. At quid de Hedwige, quam (ante Professionem in eodem *Doxanensi* Cœnobio factam) Agnetem appellatam, affirmat Crugerius, faciemus? an eadem est cum priori B. Agnete? addit idem: Hedvigem Wladislai I. & Gertrudis filiam, & primum annis XX. privatam, deinde *Doxana* itidem tertiam Priorissam XV. & amplius annis Parthenoni præfuisse, & A. 1205. 14. Martij morientem *Doxana* in elatiore, marmoreoque Tumulo sepultam fuisse, quæ omnino non coherent: fuerit Regum filia, fuerit 20. annis privata, sanctissimè vixerit, sanctissimè obierit, & ob illam Sanctimonix authoritatem ex tante tumulo honorata sit à suis; at neque 14. Martij obijt, neque dignitatem Antistitæ gessit; ut Hedvigem non fuisse Agnetem necesse sit dicere: nam ad 20. Martij in Mortuario legitur: Obijt Beata memoria Hedwigis filia Regis. ad 7. Junij verò: Obijt pia, & beata Memoria Agnes Abbatisa Restauratrix Ecclesiæ S. Georgij Pragæ, ut suprà retuli. Agnes igitur ad S. Georgium

gium

gium, *Hedwvigis Doxanæ* Tumulum invenit, hæc privata, illa Parthenonis Georgiani Antistes; illa 20. Martij, hæc 7. Junij evolavit in cœlum. Unde evidenter probatur (adversus *Crugerium*) diversas fuisse, neque *Hedwvigem Priorissæ* munere fundam; quod sine dubio ad nomen ejus in *Mortuario Virginum* additum legeremus. Tandem ex eodem *Mortuario* *tertia Priorissa* non vocabatur *Hedwvigis*, sed *Margarita filia Fundatorum*, ut est scriptum ibidem 13. Julij. Sed notandum hoc loco, primò. *Margaritam tertiam* appellari *Priorissam*, licet *B. Agnes* (ut initio hujus numeri dixeram) *tertia* etiam appelletur: scilicet electa fuit quidem à fororibus *Agnes Doxanæ*, sed paulò post *Pragam* est evocata, cui viventi *Margarita* successit; quæ prope *Electio & Successio* effecit, ut in *Catalogo Priorissarum Doxanensium* *B. Agnes* numerata non sit, sed *Margarita*, quæ videlicet hoc munus usque ad mortem tenuit, adeoque *tertia Priorissa* constanter nominatur ab omnibus, *B. Agnete* ad aliud Antistitium translata. Ajo secundò: *tres Agnetes Beate memoriae*, in *Mortuario Doxanensi* reperiri, quas diversas esse ipsa mortis dies evidenter ostendit. *Agnes*, quæ postea ad *S. Georgium* transijt, 7. Junij obiit. *Secunda Agnes* *Priorissa* obiit 17. Maij. *Tertia Beate Memoriae Agnes* 31. Julij. *Hedwvigis* autem, quam malè cum *Agnete Crugerius* confundit 20. Martij decessit. Jam ad *Agnetes* duas illas reliquas veniamus.

§. XXXVI.

Agnetes duæ Priorissæ, ut illæ vocant, Virginum Sacrarum Doxanæ, Instituti Norbertini.

IN *Calendario* veterè *Doxanensi*, præter allatam *B. Agnetem Vladislai I. Regis* filiam, duæ leguntur ejusdem nominis, ut paulò antè dicebam, quæ rarâ opinione Sanctitatis relictâ, admotæ *Cœnobij* *Virginei* gubernaculis, decesserint; altera 17. Maij (anni non adduntur) altera 31. Julij, leguntur obiisse; & quanquam natalium nulla sit mentio, dubitari tamen non potest ex illius sæculi more, nobilissimas Virgines fuisse, idque ipsum de posteriore fati indicant divitiæ, quas illa *Sacro Parthenoni* donavit. 31. Julij (ita *M. S.*) Obijt *beate memoriae* (Nota) *Agnes Prælatæ loci hujus*, quæ eidem contulit vineam, & 80. marcas argenti. Superior verò *Agnes* (17. Maij) & ipsa *Beata* titulo insignitur. Hanc postremam ego suspicor *Wenceslai I. Bohemæ* Regis sororem, & *Przemyslai Ottogari I.* filiam fuisse: *Fabricius* ex publicis Tabulis commemorat, *Wenceslaum Bohemæ Regem Ecclesiæ Misnensi* donasse castrum *Lesnam* pro salute animarum *Ottogari* Patris sui, *Vladislai* filij, & *Agnetis* sororis suæ An. 1247. X. Calendas Octobris. Non potuit alia *Agnes* esse, quàm hæc *Doxanensis*; siquidem *S. Agnes* Ordinis *S. Claræ* nondum obierat (An. 1281. mortua) neque altera *Henrici I. Saxonæ* Du-

Circa An.
1210.

Tres Agne
tes filia Re
gis Ottoga
ri I.

Fabric. l. 2.
in Misnensis
ad A. 1247.
Supplemen
tum Chron.
Misnensis.

Obiectio
solvitur.

cis conjux, quæ An. 1268. ut paulò antè dixeram, decessit; atque ità evidenter probatur: *Przemyslaum Ottogarum I.* præter alias filias, *tres Agnetes* filias habuisse, sed ex ijs, an ex *Adela* prima uxore, an & quæ ex *Constantia* susceptæ sint, certò dicere non possum. Objicere hoc loco Sciòlus quispiam posset: etiam *pro vivorum salute* donari multa Ecclesijs, & Anniversaria fundari, adeòq; ex hac fundatione *tres Agnetes* non sat evidenter probari. respondeo: clarissimè ex toto foundationis contextu apud *Fabricium* evinci, hoc cœlesti Sacrorum anniversariorum auxiliù *mortuis, non vivis à Wenceslao Regi* fuisse impensum: nam si pro vivorum salute fundare anniversarium statuisset *Rex*, cur se, cur *Ottogarum* filium, cur cæteras proles suas tum adhuc viventes, cur sorores suas reliquas prætermisit? nimirum quia vivebant, & tres illi, pro quorum salute anniversarium in *Ecclesia Misnensi* Sacrum fundabatur, jam decesserant; idem comprobatur perpetua eorum temporum consuetudo: quis enim Anniversarij alicujus fundator, si vivant ij pro quorum salute Missa fundatur, non addat continuò, id *Sacrum* post eorum mortem inchoandum? hîc autem sine omni exceptione (nimirum pro mortuis, ut constabat inter omnes) *Anniversariù* fundabatur, & cùm duo illi (*Ottogarum pater, & Wladislaus filius*) vitâ exceßerint, quâ ratione *Agnes* vivens & valens cum mortuis *Anniversarium* haberet? cur id soli *Agneti* viventi præstaret *Rex frater*? an aliæ *Agnetes* sorores tam charæ Regi non erant? imò chariores, unde *S. Agnete* Ordinis Seraphici *S. Claræ*, ex ejus Vita satis datur intelligi. Maneat igitur in hac causâ inconcussum: *Przemyslao Ottogaro I. Regi, tres Agnetes filias fuisse.*

§. XXXVII.

Beatus Hroznata Ordinis Præmonstratensis Confessor, & Martyr.

A. 1217.

Beati Viri
genus.

Fundat
duo Cœno
bia Ord.
Præmonst:

Actum agerem, si hoc loco *B. Hroznata* vitam, résq; ejus gestas describendas susciperem; vulgavi eam pridè in *Originibus Guttensteinianis* ex vetere M. S. Codice Cœnobij *Teplensis* excerptam; hîc succinctissimè, & paucis complectar omnia: *B. Hroznata Comes* (itâ eum difertè appellat *Henricus Episcopus, & Dux Bohemorum in literis Originalibus*) ex *Comitibus de Mielnik* (qui postea ab arce *Guttenstein, Guttensteinij, vel Gutta* dicebantur) patre *Sežymâ* Comite, Matre *Dobroslavvâ* est genitus, *Przemyslao Ottogaro I.* (qui ab An. 1191. usque ad 1230. regnavit) carissimus, primòsque inter Procures numeratus, conjuge, & filio unico orbatus, totum se ad studia pietatis & virtutum cæterarum convertit, ac primùm *assumtâ Cruce Hierosolymam* peregrinationem vovit, sed mox urbem *Romam* accedens, *Cælestino Papâ* voti loco injungente, nobile Cœnobium *Teplense* Ordinis Præmonstratensis in Bohemia, in honorem *Beatissimæ DEI Matris*, terram ipse

è solo

è solo eggerens, & efferens, fundavit; legi in pervetustis sacri hujus Ordinis Annalibus, cum Cœnobij fabricam compleset *B. Hroz̃nata*, *Christum D.* eidem apparuisse per quietem, ac dixisse; *Hroz̃nata! audi vi Orationem tuam, & elegi locum istum mihi in domum sacrificij*; quo oraculo percepto lætus Vir beatus pronus in terram corruens, Dominum adoravit, illa repetens identidem: *Confitemini Domino quoniam bonus, quoniam in æternum misericordia ejus!* at verò super Cœnobium dum dedicatur à *Joanne Episcopo Pragensi*, toto die *Stella lucidissima* fixa stetit, nec nisi nocte desijt apparere; brevi post *Virgineum Cœnobium* quoque (cui *Chotiesovium* quasi dicas *Sponsarum Domum*, nomen indidit) adjecit, fundavit, dotavit, instruxit *Hroz̃nata*; in quo *Beati Viri Sorores Virgines, Beatrix, Bohuslava, & Juditha* sanctissime vixerunt. Neque hac pietate liberalissimâ *Beatus Hroz̃nata* sibi fecit satis, sed iteratò Romam contendens, habitum *Præmonstratensis Ordinis* ab ipsomet Pontifice suscepit, & religiosam amplexus est vitam. Procedente tempore *Præpositus* factus est *Chotiesoviensis*, aut potius ditionum quas ipse Cœnobijs donaverat, *Administrator*; quæ viriliter adversus Religionum hostes (non cognatos, ut aliqui nullo nixi fundamento suspicati sunt, quod pridem refelli) sed adversus æmulos de *Egrensi Provincia* (ut vita M. S. loquitur) defendens, cum in *Hroz̃nietin* (*Lichtenstat* hodie vocant) proficiscitur, captus, & tractus in *Teutonium* (non in *Bohemiā*) carceri mancipatur; ibi fame, siti, frigore, aliisque poenis excruciat, cum redimi à Fratribus suis recusaret, morte affectus, cum palma *Martyrij cæli aulam* ingreditur; redemptum post mortem à *Fratribus* corpus, sine omni vulnere, & incorruptum apparuit, quod ante majus altare *Tepla* condiderunt. Eadem, quâ obierat, nocte, immenso lumine circumfusus, famulo, qui in alio carcere vinctus tenebatur, videndum se *Beatus Hroz̃nata* præbuit, & catenis divinitus exemptum, & altissima de turre, innoxie ut caderet adjutum, *Teplam* ad fratres mortem suam nunciaturum ire iussit. Miracula tum ad ejus sacrum Tumulum, tum alibi patrata, in *Originibus* ejus familiæ memoravi. Sed memorabilis præcipue Nativitas ejus est: nam mortuus in lucem à Matre editus, voto ad B. V. *MARIAM* à *Dobroslavva* matre facto, repente revocatur in vitam; *Cracovia* apud Sororem *Woyslavvam* (quæ *Poloniæ Duci* nupserat) puer educabatur; ibi malo casu in *Vistulam flumen* decidens, ab hora dici tertia usque ad occasum in aquis sine omni damno delituit, aspectabili *DEI Matre*, verticem ejus manu tenente, donec diu in undis quaesitus extraheretur; plura ejusmodi mira loco citato *Lectores* invenient.

M. S. de Origine Ordinis Præmonstrat.

Religiosam amplectitur vitam.

Verba sunt pervetusti Codicis M. S. Capitur ab æmulis, & necatur.

Miracula B. Hroz̃natæ.

Beati titulus

Porrò *Hroz̃natam* *Beati* nomine, ut ibidem ostendi, omnis retro antiquitas honorat: vidimus ejusdem effigiem capite radiato ab ejus Instituti Patribus editam; de eo *Natale Sanctorum Ordinis Præmonstratensis* ad 14. Julij hæc habet; *In Bohemia Natalis Beati Hroz̃natæ ex nobilissimo Regni Pri-*

mate, Fundatoris Cœnobiorum Teplensis, & Chotiesoviensis, Canonici Ordinis Præmonstratensis; qui pro tuendis Ecclesiæ suæ Juribus, contra impiorum conatus ad mortem usque agonizans, fame, siti, aliisque teterrimi carceris exhaustus injurijs, inter diuturna vincula, DEO dignam animam suam, Martyrii laureâ illustrem, exhalavit, varijs in vita, & post obitum nobilitatus miraculis hæcibi. Meminere Senes adhuc An. Ch. 1642. in Ecclesia Teplensi in altari quodam Effigiem Hroznatæ cum Beati & Martyris titulo stetisse; unde intelligi datur, ejus cultum ab immemorabili tempore viguisse; quem subtrahâ imagine aliquis nimium anxie religiosus abolevit. Vitam mortalem Beatus Hroznata An. 1217. 14. Julij finivit. Sezyma verò Pater B. Hroznatæ, ut in vetusto Codice Parthenonis Chotiesoviensis lego, 22. Januarij obiit (annus non additur) Dobroslava Mater B. Hroznatæ. Stirpe Czerniniana fuit; sic enim in Manuscripto Chotiesoviensi, sed anno non addito: XL. Calendas Septembris (id est 22. Aug.) ☉ D. Henricus Czernin de Chudenicz Avunculus Fundatoris. Avia Fundatoris Bohuslavva dicebatur, obiitque 3. Octobris; sed incuriosa Antiquitas, & annum, & genus ejus consignare omisit. Adjiciam hoc loco B. Hroznatæ vitæ Elogium, quod rogatu Religiosi Patris F. Josephi Schmid Ordinis Præmonstratensis Teplæ (carissimum quondam in Rhetoricis Discipuli) pridem confeci.

Mater ejus
Czerninia.

Calen. M.
S. Choties-
oviensis.
Mortuari-
um Doxa-
nense M.S.

BEATO CONFESSORI, ET MARTYRI HROZNATÆ.

Vitæ Elogi-
um.

H R O Z N A T A M

Candidissimi Ordinis Præmonstratensis candidissimum
& verè lacteum fidus Bohemia genuit;

Ex ea stirpe prodijt,

Quæ cum Czecho gentis authore in has oras adveniens,
à mille, & pluribus annis Comitum titulum tulit;

Guttenstei-
nij semper
Comites.

Imò Ducibus, ac Regibus Bohemiæ per Matres
Sanguinem, & Lac dedit;

Ex hac gente S. Ludmilla prodijt,

cui suum Wenceslaum debet Bohemia;

At Beatus Hroznata Illustrissimam suam prosapiam

Sic illustravit, ut obtenebraret;

Ultima enim illius laus est, quæ prima fuit;

Ex Illustrissimis ortum esse.

Infans, cum ederetur è Matris alvo,

mortuus apparuit;

Noluit vivere, nisi à MARIA,

Cui commendatus vitam accepit.

Ità illi MARIA non tantum Mater, sed (quia sola vitam dedit)

etiam

Etiam Pater fuit:

Ergo Hroznata MARIÆ creatura.

mira rerum facies!

*Prius Hroznata foris natus est, quàm foris viveret,
(Quia mortuus erat, antequam ex utero nasceretur)*

Prius occidit, quàm mundo oriretur,

Prius in eo edito mors vixit, quàm vita illuxit,

Sed ab ea vita lumen accendit, à qua Christus lux mundi;

verè itaque scriptum est:

Christum esse MARIÆ filium primogenitum,

Ut plures à MARIA filios numeraret Ecclesia.

Creverunt cum Hroznata crescente miracula:

Puer in Vistula flumine submersus

Totâ die in alveo fluminis latuit,

Sed ejusdem Divinæ Matris Patrocinio,

aut mortem evasit, aut mortuus vitam accepit;

Bis vitam accepit, ter mortem sensit,

(si sentiri Mors potest)

Primùm in matris utero,

Iterum in fluminis alveo,

Tandem in Martyrio,

Ità per tres mortes venit in cælum,

Ut vitam abundantius acciperet.

Tot miraculis vitam auspicatus Beatus Hroznata;

Ipse etiam in virtutibus miraculum fuit:

Sedebat Przemyslao Bohemiæ Regi proximus,

Humilitate infra omnes jacebat;

In aula pijsissimus

Inter medias voluptates temperantissimus,

Denique omnes Beatitudines humanas, & divinas in se uno complexus.

Crucem Christi sic amabat,

Ut non modò ferret eam in corde, sed etiam in veste.

Hierosolymitanæ Peregrinationis incensus amore,

Eo properans, ad Romæ sacra limina impexit,

Et in melius mutato consilio,

Candidissimi, & à DEO sibi Præmonstrati Ordinis

Sacram vestem assumpsit,

ab ipso Pontifice Cœlestino Romæ indutus;

Nominis hujus auspicio cœlestem vitam inchoavit:

Opes suas omnes, duobus à se fundatis Cœnobijs,

(Teplensi

(Teplensi, & Chotieffovienfi)
 Cum donasset pro Christo,
 Postea seipsum Christo in Religione donavit.
 Omnia dedit, qui nihil sibi, quod Christo donare posset, retinuit,
 Illud Divinum secutus: si vis perfectus esse.
 Quantis (putamus) deinde virtutibus claruit,
 Cujus primus gradus summa virtutum fuit?
 Totus Charitas, totus Virtus, totus Sanctitas,
 Ut ad Martyrium educari videretur,
 Quod ei per visum DEUS antè revelavit.
 Ità amicos, & dilectos suos erudit, & educat DEUS:
 Revelat consilia, sed cumulat dura,
 Ut Christus formetur in illis.
 Captus tandem ab hostibus B. Hroznata,
 Cum grande lytrum peteretur,
 Ipse, nè quid pro se Fratres darent, petijt:
 Nam mors illi pro Christo pretiosior, quàm vita videbatur.
 Tormentis excruciatu durissimis,
 Vitam prius amisit, quàm constantiam;
 Cujus rei argumento post mortem candidissime apparens,
 Cælesti luce circumfusus,
 Illesum, & sine ullo vulnere corpus ostendit:
 Vivere se tertio in cælo, multis in terra probavit miraculis.

§. XXXVIII.

B. Woyslawva Vidua, Beati Hroznatæ Soror, cum
 tribus præterea Sororibus Sanctimonialibus Vir-
 ginibus Ordinis Præmonstratensis, Beatrice,
 Bohuslawva, & Juditha.

An. 1227.

B. Woysla
 vva inter
 Conversas
 Præmonst:

Beata Woyslawva Soror natu major Beati Hroznatæ, eundem apud
 Cracoviæ, Matris Dobroslavvæ vice, sanctissimè educavit, & ad om-
 nem pietatem adolescentulum informavit; fuit enim Ottoni Duci
 Cracoviensi ante An. C. 1180. in Matrimonium data; Conjuge fati erepto,
 diu superstes, eam longissimam vitam usquè ad An. 1227. omnibus ijs virtu-
 tibus conspicuam perduxit, quæ viduas, ac præcipuè S. Ludmillam Viduam
 (ex cujus stirpe Illustrissima Woyslawva nata fuit) commendabiles reddide-
 runt. Post An. C. 1190. cum Frater ejus Hroznata Teplense Virorum Reli-
 giosorum Cœnobium, deinde Parthenonem sacrum Chotieffoviensem fur-
 dâsse

dâffet, *Woyslavva* sanctioris vitæ studio flagrans, cum Virginibus Christi sponsis *vidua Chotieffovi* sese inclusit. Errat Vir Patriæ historiæ scientissimus, qui *Chotieffoviense Cænobium*, exemplo Fratris, ab ea fundatum esse scripsit: hanc enim sententiam non modò vetera Cænobij monimenta, sed etiam historici omnes, atque ipse *Lapis Sepulchri* refellit, ubi apertè legimus: Anno Domini: 1227. hic sepulta est Domina Domina *Woyslavva*, illustris Comitum DD. *Hroznata*, Templi, & Monasterij hujus Fundatoris Soror. Adiecta sunt Insignia Stemmatum Guttsteiniani. Non dubito tamen, auxisse etiam fratris foundationem auro, cimelijs, & muliebribus divitijs *Woyslavvam* ex Principali suo Conjugio; id enim perpetua Parthenones sacros ingredientium consuetudo perivadet, *Woyslavvæ* Sanctitas, & Memoria *Doxanenses* significant, cum eam *Fundatricem Ecclesiæ Chotieffoviensis* appellant? 26. Novembris (at rectius *Chotieffovienses* Memoria 22. Novembr.) Generosa Domina *Woyslavva* Generosi Comitum DD. *Hroznata*, Teplensis, & hujus Monasterij Fundatoris Soror, quæ in medio Ecclesiæ est sepulta An. 1227. Porro ab aliquibus *Svvoyslava* nominata reperitur; cuius rei causa scilicet est, ipsa *Woyslavva* Sanctimonia; cum enim in *vetustis Memorijs* S. id est, Sancta, vel S. *Woyslavva* legeretur, quidam non animadverso Sanctitatis titulo, conjungere literas, & pro S. *Woyslavva* *Svvoyslavvam* appellârunt. Ea verò tam de se humiliter sentiebat, ut (licet esset *Ducis* Conjunx olim, & Fundatoris Soror, atque ob divitias Cænobio illatas propè *Fundatrix*) non inter Sanctimoniales, & Capitulares Virgines, sed inter *Conversas*, ut vocant, vitam exegerit, *Advocata* gerens, seu Patronæ officium in habitu, quem *viduæ hujusmodi* consueverunt deferre, ut ait Abbas *Joannes*. Primæ Virgines sacre in hoc *Chotieffoviense Cænobium* inducæ sunt cum B. *Woyslavva* Sorores ejus tres: B. *Bozena*, seu *Beatrix*, B. *Bohuslavva* (quidam *Boleslavam* appellant) & B. *Juditha*; & *Beatrix* quidem primùm *Doxana*, deinde etiam *Chotieffovia*, ut in Manuscripto Martyrologio ejus Cænobij nuper legi, *Pralata*, seu *Antistita*, ut illæ vocant, munus gessit. Jam prius tres istæ Gratia Religiosam vitam agere cœperant in Cænobio *Doxanensi* sub *Agnete* III. Priorissa, sed *Chotieffovium* invitata è *Doxanensi* cum alijs Virginibus coloniam duxerunt, & ad Fratrem *Hroznatam*, ac Sororem *Woyslavvam* volentes, lubentes advolârunt. *Woyslavva* plurimis annis supervixit, ad extremum (verba recito Codicis) in pace Christi quievit; cuius corpus ibidem in medio Monasterio est honorificè tumulatum. Post obitum B. *Hroznata*, miracula quædam, uti & visionem, quâ Beato *Hroznata* mortem instantem revelavit DEUS, ipsa narravit. B. *Woyslavvæ* mortis dies, ut dixi, 22. Novembris, *Beatricis* 13. Novembris. *Judithæ* 25. Septemb. celebratur; B. *Bohuslavvæ* natalis dies mortis ignoratur.

Fundationem Parthenonis auget

Mortuar: Doxan: M. S. Ca'en. Chotieffoviense M. S.

L. S.


Humilitas B. Woyslavvæ.

In Vita B. Hroznata.

Tres Sorores B. Hroznata.

Obitus eorum.

Calen. Chotieff. M. S. Epist. histor: l. 3. C. 13.



§. XXXIX.

B. Andreas Episcopus Pragensis, & Martyr.

A. 1224.

Pess. in Phos
poro Rad. 5.
pag. 534.Caput B.
Andreas ve
nerationi
publicè ex
positum.Benef. l. 4.
Chron.
Hagek ad
An. 1369.
Pont. in Epi
scopis Prag:
Lup. 7. Jan:
Epit. nostr:
l. 3. C. 13.Andreas Re
gem excom
municat ob
tributa Sa
cerdotibus
imposita.

Ejus exilii.

M. S. Lib.
Distribut.
Eccl. Prag.B. Andreas
Epif. Prag:
pro Bohem:
à S. Domi
nico impe
trat Ordin:
Prædicato:Fovet Ord.
Prædicato:

Quod Ecclesia Anglicana in S. Thoma Cantuariensi miratur, & laudat hoc habet Ecclesia Pragensis in sanctissimo & fortissimo suo Præsule Andrea. Audiatur Ecclesiæ Pragensis Decanus, & Samandriensis Episcopus Thomas: Beatus Andreas ex Præposito Episcopus Pragensis acerrimus Ecclesiasticæ libertatis adversus Regem Przemyslum Ottogarum vindex; innocentia vitæ præstans, victu frugalissimus, in pauperes beneficentissimus, miraculis in vita, & post mortem clarus. Defuncti caput in Metropolitana Ecclesia in Sacello S. Wenceslai eâ parte, quâ Crux aurea post summum Altare in muro visitur, An. 1369. reconditum, adeoque publicè veneratoni-expositum hodièque manet. hæc Pessina. videatur Beneficius, Hagek, Pontanus, Lupacius. Sed potiora sunt, quæ ex historia temporum exscribo. Przemyslaus Ottogarus l. Rex, cum parum Religioni tribueret, & Sacerdotibus nullo jure per contemptum ex rasura coronæ tributa imponeret, Andreas Episcopus, monita pia alpernantem, & contumacem Regem anathematizavit; annis septem Bohemia gemuit sub Interdicto (etsi illud aliquo tempore ab Archiepiscopo Moguntino laxatum, interruptumque fuerit) ipse Andreas Episcopus Romam sese recepit. Obijt Andreas in Cassanæa Italiæ urbe in exilio An. C. 1224. corpus in Cænobium Welehradense, ad cujus fundationem plurimum contulerat, devectum; caput Pragæ allatum à Nicolao Pragensi Episcopo, in Sacratio, velut Martyris, An. 1369. i. Martij locatum est, claruitque miraculis; anniversaria Andreae obitus dies 30. Julij, Ecclesiæ Pragensi erat in benedictione. Abrahamus Bzovius Ord: Prædicatorum Vir prudentiæ & doctrinæ autoritate etiam apud summos Pontifices magnus, in M. S. Vita B. Ceslai narrat: B. Andream Episcopum Pragensem, cùm in exilio Romæ degeret, S. Dominico Ord: Prædicatorum Fundatore familiarissimè usum, ejusdemque virtutum & miraculorum admiratione captum. Dominico petijisse: dignaretur aliquos sui instituti Sodales Septentrioni concedere, qui & gelu malitiæ (ut loquitur) concretos inflammarent, & veterno dormientes ad veræ lucis aspectum suscitarent; nec habente Dominico, qui idioma gentis calleret, ecce divino spiritu acti viri ad cælestis vitæ perfectionem spirante Hiacyntus & Ceslaus Odrovansij fratres, Henricus Moravus, & Hermanus Tevto familiares Irvonis (Cracoviensis Episcopi) in medium exilierunt jugo Religionis longè suavissimo colla ornari à Dominico flagitantes; annu. Dominicus suscepit, Prædicatoriæque togâ texit in S. Sabina religiosissimo Cænobio &c. posthac (An. 1220.) emenso tirocinij cursu his verbis à S. Dominico Româ dimissus est Ceslaus: perge in DEI nomine annunciare pœnitentiam in remissionem peccatorum. Primum de via Frisacum, dein Pragæ cum Henr.

o Moravo advenire, & impetratâ à B. Andrea Episcopo verbi DEI prædican-
i potestate, cum id munus cœleste ingenti in animis profectu peragerent,
non procul ab Regis aula in Porzicz ad ripam Muldava Ecclesiam S. Clemen-
tis obtinere; ubi Przemyslaus Ottogarus Rex amplissimum Cœnobium
quod postea ad aliam Ecclesiam S. Clementis in Majore Praga translatum
est) extruxit. Sed hæc omnia suo tempore copiosius in Cœnobijs Bohemæ
tractabuntur. Itaque B. Andrea Episcopo primus in Bohemiam sanctissimi
huius Ordinis accessus debetur.

§. XL.

Adela, vel Abda Ottonis Divitis, Marchionis Mis-
nensis filia, Conjux Przemyslai Ottogari I.
Bohemæ Regis.

Przemyslaus Ottogarus Bohemæ Rex, primam Conjugem habuit A-
delam, vel Abdam, Ottonis Marchionis Misnensis filiam (non, ut ha-
bet Crantzius, sororem) sed eam deinde, post quatuor ex ea liberos
concep-
tos, repudiavit; causas divortij in Epitome nostra allegatas, & exami-
natas invenies; plerique odio Diterici, fratris Adela, Marchionis Lusatiae
quod partes Philippi Cæsaris adversus Ottonem (cujus Ottogarus totus erat)
Ditericus foveret divortium imputant. Adela fœdè à Rege deferta, ad
Episcopum Pragensem recurrit, à cuius Satellitibus repulsa, Innocentium
III. Pontificem appellavit, qui huius causæ cognitionem Alberto II. Archi-
episcopo Magdeburgensi, & Prapósito Sebergensi commisit, ut testatur Con-
stitutio Decretalis l. 2. Tit. de Testibus, & attestationibus 20. cap. 46. ventilata
diu lis est, neque unquam ad sententiam perducta, dum denique Adela in exi-
lio diem obiret; magna huius Viduæ in ferendis rebus tam adversis, & fami-
liæ ingenio propè intolerabilibus, fortitudo fuisse narratur; totam se ad res
cœlestes cogitandas, amandas, & sectandas Adela transtulit, cumque Dite-
ricus frater ex Adela dote Virgineum Cœnobium Wasserburgi (quod postea
locum mutavit ex urbe ad ripam Albis translatum) fundasset, introductis sa-
cris Virginibus, Adela humili gradu contenta, inter Conversas, omnium
virtutum exemplis editis, diem clausit extremum An. C. 1211. 1. Februarij.
sepulta in Ecclesia Wasserburgensi, marmore altè elato, ac cæteris cultûs indi-
cijs, ut Divorum corpora humare Veteres sunt soliti.

A. 1211.

Adela for-
titudinis in
rebus ad-
versis feren-
dis.Fabr. in Mi-
snicis l. 1. ad
A. 1211.Fundatio
Cœnobiij
Wasserbur-
gensis.

§. XLI.

B. Abdela, seu Adela, seu Abda, Filia Przemyśla
Ottogari I. Bohemiæ Regis, Antistita Geren-
rhodensis.

post A. 1220.

Fabric. in

Orig. Sax.

Elogiū vitæ

Hujus *Adelæ* filia cognominis Matri, ipsam Matrem vitæ Sanctimon-
niâ, & virtutum honore superavit; *Fabricius* locuples testis (nam
etiam *salus*, & veritas ex inimicis nostris peti potest, & solet) eam in-
ter *Divas* relata, & in suo Cœnobio pro *Sancta* cultam fuisse testatur. In
gresso *Gerenrhodense* Ordinis *Cisterciensis* Cœnobium, innocentiam vitæ cum
virtutibus, & mirâ Prudentiâ conjunxit, ut meritò & titulis omnibus, *Ant-*
istita munus ei Sorores deferrent, quod illa sanctissimè obiens, curis illis in-
mortua, & suis est insepulta virtutibus. Mortis annus, & dies ignoratur.

§. XLII.

S. Hedvigis Dux Silesiæ.

A. 1243.

S. Hedvigis
virtutes.

Miracula.

Hedvigis *Bertholdi* Marchionis *Merania* (non *Moravia*) Sancti
Elisabethæ matertera, ex *Henrico* Barbato Poloniæ Principe filius
tres, totidémque filias suscepit. Ex quibus *Henricus* fortia pi-
religione Christiana aggressus, dum castra DEI, & Religionem Christianam
contra *Tartaros* protegeret, occubuit. Filia *Gertrudis* Virgo perman-
Mater in matrimonio omnem jejuniis, festumq; diem merito continentiae c-
lebrabat. Tandem etiam ipsa, marito consentiente, in manu Episcopi vov-
castitatem. Itaq; fructibus redditus matrimonij, soli DEO ferari inceptit,
in suum, filiaque à turba sæculari recessum, exædificavit in *Silesia* amplissi-
mum *Trebnicense* Monasterium. Eò præmissâ filiâ cum magno grege Vi-
ginum, mox subsecuta *Mater* insistebat orationi diurnæ, ac nocturnæ, ni-
dis semper pedibus incedens, quantumvis aspera foret hyems, ac in jejuniis
multis totos quadraginta annos perseveravit. Die enim Dominicâ, tertiâ
& quintâ feriâ tantum vescabatur piscibus, & lacticinijs; *Sabbato*, & feriâ s-
cundâ, aridis leguminibus, quartâ autem, & sextâ feriâ, ad panem solius aque
potum adhibebat. Tredecim pauperes alebat, lavabat, & curabat ab ulce-
ribus, captivos liberabat, subditos ab oppressione tutabatur, nunquam vi-
irata; si tamen reprehensio necessaria erat, hæc vox: *parcat tibi DEUS*
omnis erat ipsius objurgatio. Hanc tantam vitæ Sanctitatem DEUS signis
admirandis, & dono prophetiæ illustravit: duabus enim Sanctimonialibus
restituit visum, & duos, qui laqueo vitam finierant, ad vitam coram multo
revocavit. *Mariti* mortem, & temporis, ac omnium circumstantiarum
serien-

seriem multò antè prædixit; eadem autem filij eo ipso die, quo fiebat, quamvis remotissimè abesset, cognovit. Sui quoque obitûs diem præsentiens, priusquam morbo graviore corriperetur, sacrâ unctiōe roborari voluit. Multâ deinde hilaritate salutans *Sanctos*, qui magno cum splendore ad morientis lectulum descenderant, spiritum DEO reddidit, die *S. Matthæi* horâ vespertinâ, quâ eadem jejunia sua solo panereficere solebat, Anno. 1243. Dum autem *Clemens IV.* eam in *Sanctorum* numerum referret, cæca visui est restituta. *Raderus* noster in *Bavaria Sancta* refert ex ejus apud *Surium* vita: *S. Hedvigem* aliquando ad *Christi* de cruce pendentis effigiem preces fundentem, imaginis dextrâ clavo solutâ, in bene precantis modû cruce signatam fuisse; eandem ubicunque posset, sacrificanti sacerdoti adfuisse; hanc ille natus versiculus:

In sola Missa, non est contenta Ducissa,

Quot sunt Presbyteri, tot Missas optat haberi.

At, quod idem addit: fuisse eam *S. Benedicti* alumnam, defendi non potest; cum constet, *Trebnicensem Parthenonem* & hodie, & à primis initijs, *Cisterciensis Instituti* legibus parère. De *Joachimi Curæ* ineptijs, qui *S. Hedvigem Lutheranam* facere voluit, diximus alio in loco. Obijt Matrona sanctissima An. 1243. 15. Octobris, inter Sanctas relata An. 1267. Viterbij 26. Martij.

*Rader. in
Bav. S. in
Hedv. f. 147*

*Obitus &
Canoniza-
tio.
In Epit.*

§. XLIII.

**Henricus II. cognomento Probus, Silesiæ Dux,
& B. Anna ejus Conjux Przemyslai Ottogari
III. Bohemiæ Regis filia.**

Henrici Ducis Sanctitatem, ipsum *Pij, & Probi* cognomen ab Antiquitate ei jure merito tributum ostendit; locupletavit multis opibus & plurimis Privilegijs, atque immunitatibus ornavit *Cathedralem S. Joannis Ecclesiam Wratislaviæ*; consulantur rerum *Silesiticarum* Scriptores; Mors ab Henrico pro Christiana Religione obita, majorem commendationem sinè dubio meretur: Tartari An. C. 1241. subjugatâ *Poloniâ, Silesiam* ingressi, aliquot centenis millibus armatorum; *Henricus* animi plenissimus Princeps, collecto quàm maximo potuit Christianorum Exercitu non dubitavit occurrere. In campum processuro exiliens ultro *Lapis* ex muro Ecclesiæ, indicium dedit cladis futuræ, prædixit eandem Christianorum cladem *S. Hedvigis* Mater, jussit tamen ire filium, & in conspectu universæ Christianitatis pulchre mori pignantem; ivit in certam mortem *Henricus* & pene ipsa fata vicit, ut jam dubia staret *Tartarorum victoria*; sed DEO aliter visum. Cecidit igitur cum maxima Provinciarum nostrarum, ac præ-

A. 1241.

*Henrici Si-
lesiæ Ducis
magnani-
ma fortitu-
do.*

Mors.

Fundatio-
nes Annæ
Bohemæ in
Silesia.

Annæ san-
ctitas.

Curans in
Ann. Siles.
Schickfus:
An. Sil.
Henel in
Breslauer
Silesiogr.

cupuè *Silesiæ* Nobilitate, & vitam probitate insignem, non minore fortitudi-
ne conclusit, 9. Aprilis, anno, ut dixeram 1241. *Anna Bohema* ejus conjux,
nil viri morte perterrita, cum *Tartari Lignicium* sibi tradi poscerent, forti re-
sponso Tartarorum belluinam rabiem avertit: genuisse se plures conjugii
proles, quorum singuli Patri similes; mori mallent, quàm indecorè vivere.
Fuit *Anna* Matrôna singularis pietatis, post mariti cædem annos 24. vidua
exegit. Fundavit *Wratislaviæ* Parthenonem *S. Clarae*, fuasque in eo, & in
Virginum dulci pietate reponebat delicias; *S. Jacobi Basilicam*, quàm Ma-
ritus inchoarat, de suo perfecit, ac ponè *Conventum*, ut vocant, *Minorum S.
Francisci*, suis etiam sumtibus erexit, & dote stabilivit. Ejusdem *Annæ* libe-
ralitate fundata est *Hospitalis Domus Divi Mathiæ* pro *Crucigeris cum Rubea
Stella*, agente primo Ordinis hujus Generali Magistro *Alberto de Sternberg*;
quibus etiam *Anna* magnificam Basilicam *S. Elisabethæ*, Eleemofynis cele-
bratissimæ Divæ à se excitatam subjecit. Vitam *Annæ* innocentissimè, &
sanctissimè actam An. D. 1265. 23. Junij. *Wratislaviæ* mors abruptit; tumu-
lata est ibidem apud Virgines suas, ut vocant *Clarissanas*, cujus tumulum mi-
raculis à DEO honoratum testantur *Annales*, qui eandem etiam *Sanctam*
appellant.

§. XLIV.

S. Agnes Ordinis S. Clarae, Virginitate, Sanctita- te, & miraculis illustris.

S. Agnes
Deo se to-
tâ consecrat

Agnes filia *Przemyslai Ottogari I.* Bohemiæ Regis, & *Constantiæ* (Be-
læ III. Ungariæ Regis, filiæ sororis *Andree* itidem Regis *Ungariæ* qui
S. Elisabetham Thuringiæ Dominicam procreavit; unde *Agnes* nostra
& *S. Elisabeth* consobrinæ fuerunt: illa ex sorore hæc ex fratre) edita, nata
est An. C. 1205. post *Wenceslaum Regem* fratrem; hæc *Friderici II.* Cæsaris
conjugium recusavit, & contentâ Augustæ dignitate, fidem suam, honorem,
castimoniam, & quidquid pretiosum inter regales delicias cogitare potuit,
Christo Sponso Virginum consecravit. Cœnobium Ordinis *S. Clarae* (quod
S. Francisci dicitur) in veteri Urbe *Prageni* de suo, fratris tamen auxilijs usa A.
1233. fundans, in còque vitam Religiosam, & pauperem (nam solâ stipe pio-
rum vivebant, nullâ stabili dote, ideòque *pauperes domicellæ* nomen habe-
bant) professâ, detonsâ coram septem Episcopis virginèâ cælarie, cum sep-
tem illustrissimis ex gente *Bohema Virginibus*, ibidem exactis 48. annis sepul-
ta, multis in vita, & post mortem miraculis à DEO honorata. Fuit dilecta
S. Clarae Socia, ejusque tempore inter primas institutum illud amplexa, quæ
etiam & per se, & per fratrem effecerat, ut virgineum hoc consilium ex legi-
bus *S. Francisci* vivendi, à Pontificibus approbaretur; missitabant sibi vicif-
sim

sim literulas, ait vetus Scriptor *Pulkava*, *Clara ad Agnetem*, *Agnes ad Claram*; vitâ excessit Agnes 1282. 6. Martij, ut habet vetustissimum *Mortuarium Do-*
xanense (alij 2. Martij, alij 10. posuerunt) quæ ut inter Divos Cœlites *Roma*
 adlegeretur, & lacris coleretur officijs, *Elisabetham Caroli Caesaris* matrem
 An. 1328. multum legimus laborasse; educata primùm fuerat *Agnes Doxa-*
na inter Instituti Præmonstratensis Virgines, post ad *Benedictinas Vestales*
Trebnicium translata est; illa tamen neutri Ordini se consecravat, sed DEI
 ipsius monitu *S. Clara* exemplum respexit, & in Parthenone suo cum 100.
 Virginibus (quarum quinque à *S. Clara* ex Italia sibi missas acceperat, cæteras
 ex prima *Bohemia* nobilitate lectissimas adsciverat) vixit eâ vitâ sanctimo-
 niâ, ut etiam mortuos excitaret ad vitam. Fundavit quoque cum fratre suo
Wenceslao I. Rege Hospitalum pauperum domum *S. Spiritus ad Pontem Pra-*
gensensem, quam *Crucigeris cum rubea Stella* commisit regendam. Sanctissi-
 mæ Virginis vitam admirabilem ex M. S. Codice antiquissimo primus evul-
 gavit *Georgius Ferus S. J.* quam in Latinum à se conversam *Georgius Cruge-*
rius Joanni Bollandi S. J. transmisit, legiturque in *Martio* Typis edita inter
 Vitas Sanctorum. Agunt de ea plurimi, *Pontanus*, *Chanovsky*, *Weleslavi-*
nus, *Crugerius*; *S. Agnetis* corpus inter illas ab hæresi turbas remotum ab
 oculis, postea mortuis, qui latebrarum conscij erant, planè amissum est, ut ho-
 die, ubi sit, nesciatur; prædixit *Papausssek Litomericensis Præpositus*, Vir à San-
 ctitate, ante annos ducentos, & quod excurrit, celebris, pacem optatissimam
Bohemia restituendam, cum hujus *S. Virginis* corpus amissum invenietur.
 Nostrâ memoriâ sub *Ferdinando III.* cum nescio quid in illa, quam *S. Agnetis*
 vulgus appellat Ecclesia, exstrueretur, repertum est Virgineum corpus cœle-
 sti odore, qui omnes rosas & lilia superaret, fragrans: suspicio multorum
 fuit, *S. Agnetis* corpus esse: missi ab utraque potestate, qui rem arbitraren-
 tur, cum nihil certi constituere possent, rem in medio indecisi relinquerent.
 Porro plurima Divorum corpora bellis, aliisque de causis amitti contigit (nè
 Majores nostri soli negligentes fuisse existimentur) ut *S. Simperti*, quod secun-
 do inventum est; Vir Illustris *M. Velserus Sanctæ Afræ* corpus omni diligen-
 tiâ se quæsisse, scribit, sed nihil invenisse, neque esse spem in posterum. Quid
S. Wolfango celebrius habuit *Ratisbona*, quem apud *Sanctum Emmeramum*
 annos quingentos septuaginta septem latuisse, tandem ætate suâ repertum,
 summa cum religione & publicâ celebritate translatum *Raderus* est author?
 plurima hujusmodi Exempla, & *Inventiones Sacrorum Corporum*, in *Histo-*
rijs Ecclesiasticis leguntur, præsertim apud *Bollandum*, ejusque cœlestis labo-
 ris socios *Henschenium*, & *Papebrochium* Viros eruditissimos, & Ec-
 clesiasticæ antiquitatis peritissimos.

Pulk. in hi-
stor. Boh.

Divino mo-
 nitu *S. Cla-*
ræ Ordine
 ingreditur.

Chron. Aul.
Reg. C. 20.

Fundatio *S.*
Agnetis.

Weles. in Ca-
lend. ad 2.
Martij.

Corpus *S.*
Virginis fa-
tales Bohe-
miae.

Steng. Com-
men. de reb.
August. P.
2. C. 61. 63
P. 1. C. 18.

Amisssa San-
 ctorum cor-
 pora.

Rad. in Ba-
var. S. in S.
Wolfango.

§. XLV.

B. Castulus, Præpositus Siloënsis, seu Zelivenfis
Cœnobij, Ordinis Præmonstratensis.

Circa An.
1200.

B. Castuli
fons.

Crug. ad 26
Martij.

B Eatus Castulus in ipsis initijs Cœnobij Siloënsis vixit, egitque loci Præpositum, miraculis & in vita, & post mortem clarissimus; fontem elicit messoribus arescentibus siti, qui hodièque B. Castuli fons dicitur mirè ad omne genus morbos salutare; ad eam implorato simul B. Castuli auxilio certatim vulgus accurrit, & sanitatem, & vitam reportat. Titulu Beati tribuitur Castulo ab omni retro antiquitate: consule Auberti Mira Chronicon, & quos citat Georgius Crugerius. 26. Martij obiisse B. Castulum inter omnes constat, de Anno controversatur; etsi nihil certi definire possimus, omnibus temporum adjunctis pensatis, satis probabiliter dici potest inter An. 1170. & 1200. ad æterna præmia evolâsse; plura, quæ moveri possent, de Titulo Præpositi, de Siloë, aliâque hujusmodi, dissolvit loco citato Crugerius Vir patriæ historiæ scientissimus.

§. XLVI.

Beatus Gerlacus Abbas Milovicensis, Præmonstratensis Ordinis, vitæ sanctimoniâ, spiritu prophético, & miraculis in vita & post obitum clarus.

Hagek in
Ann. Boh.
ad A. 1239.

7. Febr.

Res B. Gerlaci.

Canonism
ejus, & Reliquiæ.

N Otus est Bohemiæ Scriptoribus B. Gerlacus, primus Abbas Milovicensis; deducta porro Milovicium Colonia est Religiosorum Viro- rum An. C. 1200. ex Strahoviensi Inclyto Cœnobio, Abbate Adam deducente, & Beatum Gerlacum Fratribus præficiente. Rexit Cœnobium Gerlacus non tam imperijs, quàm exemplis, prophetiæ dono ante, & post mortem clarus, ac plurimis supra naturam prodigiosè patratis, sic ut statim morte populi universi voce Beati titulo honoraretur. Cœnobio Milovicensi A. 1420. die S. Georgij ab Hussitis incenso, nè sacra B. Gervici ab impuri- illis violarentur, priùs Ssvambergici Proceres Catholici in Arcem Zvikov. seu Clingenber (olim Templariorum) munitissimam intulerunt, & in Sacel- lo arcis reverenter deposuerunt, additâ etiam Imagine, quæ cultum ostende- ret: vifebantur videlicet picti in pariete Cœlestes Genij, B. Gerlaci ossa cum arcula sustinentes, infrâ Proceres Ssvambergici genibus flexis B. Gerlaci apud DEUM gratiam implorantes, adscriptis hisce verbis Bohemicè: S. Gerlace, Deum, & ejus Matrem deprecare pro nobis. Obijt Gerlacus An. Ch. 1227. vitâ

vitâ sanctissimè exatâ, Regininis sui Anno duodetrigesimo, 7. Februarij. Hodie corpus *Viri Sancti* nusquam apparet: *Ssvvambergicam* hanc ditionem ad *Rosenbergios* devolutam constat, ab his ad *Lobkovicios* sacra lipsana pervenerunt; an deinde aliò, ignoramus. Utinam qui celant, & Thesavros Ecclesiæ hujusmodi plures asservant, aliquando Regni calamitosissimi auxilio, & solatio, proferrent! Agunt de eo cum titulo *Beati, Chrysostomus Sterren* in Natalibus Sanctorum Ord. Præmonstratensis. *Joannes de Paige. l. 2. Bibliothecæ Præmonstratensis.*

Chanovs: in
Vest. Boh.
Pie.

Bollan. T. 2.
May. die 7.
in Prater:

§. XLVII.

Sancta Elisabetha Regina, Princeps Thuringiæ,
Vidua.

Elisabeth Andrea Regis Hungariæ filia, ab infantia DEUM timere cœpit, & crescens ætate, crevit etiam devotione. Hæc postea *Ludovico Landtgravio Thuringiæ* in Conjugem copulata, etsi ea, quæ viri erant, curaret, non minùs tamen, quæ DEI sunt, sedula exequabatur. Nocturno tempore à latere Viri surgens, ferventer orabat, sicque dum esset vir in acubitu suo, nardus ejus dabat suavitatem odoris. Et licet exterius indueretur Regalibus, nè mariti oculos offenderet, interiùs tamen sub cilicij tegmine sponsum gerebat absconditum. Pietatis officijs dedita, viduis, pupillis, ægrotis, carcerum inclusis ergastulis pro uniuscujusque necessitate subveniebat: cujusdam pauperis capitis langvore correpti, quasi filij curam gerens, capillos manu propriâ torondit, caput in ponarij secreto lavit, ut oculos fugeret ancillarum. Cùm *Teuthoniam* gravis urgeret inedia, captatâ viri absentia, domûs suæ frumenta egentibus erogavit. Sumtibus proprijs nobile hospitale construxit, & amplâ possessione dotavit. Pauperum, & ægrotorum receptam ibi multitudinem corporali visitabat obsequio, affluenter eis necessaria subministrans, pedes, & capita incredibili lavabat humanitate, & leproforum ulcera, etiam aspectu horribilia, capitis velo mundabat. Postquam autem à lege Viri soluta est, depositis gloriæ sæcularis exuvijs, Ordinem *Pœnitentium Beati Francisci* ingressa, vilis tunicæ decore vestitur, ac divitiarum contemptâ jactantiâ, & generositate parentum, nobilissimis orta natalibus se mundo fecit ignobilem, ut nobilitaretur in cœlis, pro corona suscipiens cinerem, & cilicium pro fascia pectorali. Pallebant ora jejunijs, abstinentiæ tenuitate confecta, & martyrem adhuc viventem caro præmortua testabatur. Demum propinquiorum destituta præsidio, castris, & possessionibus spoliatur, sed miserationis solitæ non oblita, operata est consilio manuum suarum, de sui laboris impendio nudos pauperum humeros vestitura. Dum autem die quadam defixis in cœlum oculis contemplationi vacaret,

A. 1231.

Ex Brev:
Boh. antiq:
ad 19. Nov:

Virtutes S.
Elisabethæ,
præsertim
amor pauperum.

K

ut

Visio cele-
stis amabi-
lissima.

Bullar. T. 1.
in Greg. IX.
Const. XI.

S. Elisabeth
cum Bohe-
mia, & Regi-
bus conne-
xio.

Reus. in Op:
Basilico in
Geneal. Re-
gum Unge-

ut quasi de humanæ conversationis consortio videretur abstracta, DEI Fili-
um, dulcem JESUM, ad se inclinatum, cœlis patentibus, vidit inter alia fili-
consolationis lenimenta dicentem: *Si tu vis esse mecum, ego ero tecum.* Cu-
respondit: *Ita Domine, ut tu mecum esse digneris, ego à te nullatenus separa-*
bor. Cum verò in his, ac pluribus alijs sanctis operibus usque ad finem vitæ
perseverasset, domesticis suis obitum prædicens, DEO spiritum reddidit A-
C. 1231. 13. Kalendas Decembris. Corpus post sanctissimæ animæ sepa-
rationem statim cœpit pluribus, & maximis coruscare miraculis, quibus at-
ditis & certâ fide compertis, Gregorius IX. eam Sanctarum Collegio adnu-
meravit. Hæc ex pervetusto Officio Divino Ecclesiæ Pragensis. San-
ctissimam Reginæ hujus vitam innumeri Scriptores evulgârunt, summan-
Exemplorum, & virtutum exquisitissimâ diligentia publicavit Raderus no-
ster in *Bavaria Sancta*, quem obvium Authorem describere operæ pretium
non est. Illud agendum magis, ut eam ad *Bohemia* n quā antenus pertine-
re doceamus: est autem facilis ratio, vel ex inspectione prima Genealogica-
rum Tabularum tam apud *Ungaros*, quā apud nostros Scriptores: to-
enim connubijs *Przemyslea Bohemia Regum* stirps *Hungaria* antiquis Regi-
bus sese inseruit, ut longâ serie per *Matres, Bohemia Reges ab Hungaris, Hun-*
gari à Regibus nostris ritè descendant, quod in *Originibus Guttensleinjs* Ta-
bula A. satis, ut reor, à nobis est demonstratum. Quod propius *Divan*
Elisabeth contingit: habuit hæc *Andream Regem Patrem, Belam IV. Regen-*
fratrem; Andreae soror, Bela III. filia Constantia dicta, Przemyslao Ottogari
Regi Bohemia nupsit; ex eo conjugio *Wenceslaus Rex, & Przemyslaus Mo-*
ravia Marchio, tum quatuor filia, omnes Sanctimoniâ, & innocentia vita
illustres prodierunt: *S. Agnes S. Claræ, B. Abdela Cisterciense Institutum*
amplexæ, B. Anna Henrici Probi Silesiæ Ducis, Borzislavva Ulrici Carin-
thiæ Ducis Conjuges, ex quibus tres priores in præsentī opere suum obtinent
locum; unde facilè perspicī potest *B. Elisabetha* cum stirpe Regum nostro-
rum consanguinitas, eaque tam propinqua, ut *sororia* dici possit: quippe
illa ex *Rege fratre*, istæ ex Regis (*Andreae* videlicet) *Sorore* processerunt; ad-
de, quod *Bela IV. S. Elisabetha* frater filiam suam *Annam Wenceslao II. si ve-*
ra sunt, quæ *Elias Reusnerus* affirmat, elocârīt; sed hoc postremum quia mi-
hi suspectum, prætereo; certiora sunt, quæ primū adduxi: vidit, & agno-
vit hanc cognationem *Anna Henrici Probi Silesiæ Ducis* conjux Sanctitate
Matronali insignis, quæ pulcerrimam Ecclesiam *Wratislaviæ* in *S. Elisabetha*
thæ honorem construxit, & *Crucigeris cum rubea stella ad D. Mathiam* subje-
cit. Eam Ecclesiam primam in orbe toto sub titulo *S. Elisabetha* conditam,
probabilis est suspicio: quippe Anno Christi 1231. ad cœlum abiit *Elisabeth*,
Anna verò An. 1265. inter quod tempus necesse est Ecclesiam illam surrexisse.
Sed alias duas Ecclesias *B. Elisabetha* nomine habet *Praga*: alteram sub *Wis-*
sehra-

abrado ab Joanne Ocello Archiepiscopo cum hospitali domo (in qua peregrini recipiebantur ad SS. Reliquias Pragæ honorandas advenientes) exstructam, & dotatam; alteram supra *Hradczanum* in Monte Sion, seu Strahov, quam unâ cum Hospitali domo alendis duodenis pauperibus, *Casspar Quenbergius* Abbas Strahoviensis nostrâ memoriâ excitavit.

§. XLVIII.

S. Hyacinthus Ordinis Prædicatorum.

I Hyacinthus Polonus, nobilibus, & Christianis Parentibus in Camiensi villa *Episcopatus Wratislaviensis* natus est. A pueritia literis instructus, post datam Jurisprudentiæ, & sacris litteris operam, inter *Canonicos Cracovienses* adscitus, insigni morum pietate, & summâ cruditioe ceteros antecelluit. Romæ in Prædicatorum Ordinem ab ipso Institute *Sancto Dominico* adscriptus, perfectam vivendi rationem, quam ab ipso didicerat, usquæ ad finem vitæ sanctissimè retinuit. Virginitatem perpetuò coluit: modestiam, patientiam, humilitatem, abstinentiam, ceterasque virtutes, ut certum religiosæ vitæ patrimonium, adamavit. Charitate in DEUM fervens, integras sæpe noctes fundendis precibus, castigandoque corpori insumens, nullum eidem levamentum, nisi lapidi innixus, sive humi cubans, adhibebat. Remissus in patriam, *Frisaci* primum in itinere amplissimum sui Ordinis monasterium, mox *Cracoviæ* alterum erexit. Inde per alias *Poloniæ Regni* provincias, alijs quatuor exædificatis, incredibile dictu est, quantum verbi DEI prædicatione, & vitæ innocentia apud omnes profecerit. Nullum diem prætermisit, quo non præclara aliqua fidei, pietatis, atque innocentia argumenta præstiterit. Sanctissimi Viri studium erga proximorum salutem maximis DEUS miraculis illustravit; inter quæ illud insigne, quod *Vandalum* fluvium prope *Visogradum* aquis redundantem, nullo navigio usus trajecit, socijs quoque expanso super undas pallio traductis. Admirabili vitæ genere ad quadraginta propè annos post professionem perducto, mortis die suis fratribus prænuntiato, ipso *Assumptæ Virginis festo*, horis Canonicis persolutis, Sacramentis Ecclesiasticis summa cum veneratione perceptis, ijs verbis: *In manus tuas Domine, spiritum DEO reddidit*, Anno salutis 1257. quem miraculis, etiam post obitum illustrem, *Clemens Papa VIII.* in sanctorum numerum retulit. Hæc, quæ attulimus ex *Officio Divino*, summâ Ecclesiæ autoritate nituntur; specialia quædam, & longè majora attulit *Abrahamus Bzovius* in *S. Hyacinthi vita*, quam in Italia titulo *Thaumaturgi Poloni* vulgavit. Admirabile illud, & paucis, ut arbitror, notum, spiritu Divino incitante, munijs omnibus Ordinis sui valedicto, ad barbaras nationes abiisse, & Regem quendam *Tartarorum* cum populo adjun-

An. 1257.

Ex Breviariis
Rom. ad 16.
August.

S. Hyacinthi res gestæ

An. 1606.

S. Hyacin-
thus Vir A-
postolicus.

Quomodo
S. Hyacin-
thus in Bo-
hemiam
pertineat.

xisse Christo, tum *Russis*, *Haliciensibus*, *Livonibus*, *Walachis*, *Muldavis* fa-
licissimè Christi Evangelium prædicasse, imò adeò in *Graciam*, & in *Pelopon-*
nesum penetrasse; quæ, si vera sunt, ut dubitare fas non est, profectò jure me-
ritissimo *Apostoli* nomen *Hyacinthus* meruerit; miracula, quæ describit BZ
vius, infiniti foret operis recensere. Et si autem Regno *Polonia* *Hyacinthus*
eripere non possumus, tamen multis de causis eum inter Regni nostri *Indige-*
tes, ac *Divos* numeramus, speramusque *fraternam* *Polonorum Gentem* no-
indignè, pro suo in *Hyacinthi* gloriam studio, laturam, si eum ab illa aliqua
tenus participemus. Natus est in *Silesia*, in *Diœcesi Wratislaviensi*, in *Op-*
poliensi Ducatu, qui perinde, ut olim *Poloniam*, ita nunc *Bohemia* Regnum
respicit, eodémque jure *Corona Bohemia* subjectus est. Patrem habuit *En-*
stachium Comitem de domo *Odrovanskia*, quæ *Sagittam veterem* gerebat in
Clypeo; eadem *Illustrissima* Stirps, non modò per *Poloniam*, sed etiam pe-
Bohemia, & *Moraviam* diffusa, hodièque in *Silesia* in *Kravvarzijs*, &
Sedlniczkijs, *Lassoris*, aliisque perseverat. Invocandus magis est votis, &
precibus *Hyacinthus*, ut *Silesia* Patria sua hæresi corrupta, & lethaliter agro-
tanti subveniat, impetrètque lumen fidei, ad totius Regni *Bohemia*, & Re-
gum nostrorum securitatem, & Pacem!

T. II. Febr.
ad 12. in S.
Alexio Ki-
joviensi, in
Vitis SS.

NOTA.

S. Hyacinthum *Kiiovvia* in *Russia* Cœnobium sui Ordinis erexisse circa Annū C. 1226
& pluribus Annis *Kiiovvia* habitasse author est *Henschenius*, quæ ad XVI. Au-
gusti probaturum se promittit.

§. XLIX.

B. Ceslaus S. Hyacinthi germanus frater, ejusdem
Prædicatorij Ordinis.

Ceslai ge-
nus.

An. 1243.
Bzovius in
Vita S. Hia-
cynthi. C. 8.
& in Propa-
gine ejusdē.
C. 1. & 4. &
in M. S. tra-
ctatu de Vi-
ta B. Ceslai.
Ordo reli-
giosus.

BEatum Ceslaum eodem quo *Hyacinthus* genere, & natione apud *Silesio-*
Anno 1180. editum, meritò, multisque titulis ad Nos etiam pertinere
constat. Innocentissimè, & procul vitij omnibus adolescentiâ de-
cursâ, *Theologiam*, *Canonicum Jus Lutetia* & *Bononia* didicit, in utraque
scientia lauream consecutus; post in Patriam reversus *Ivone* *Cracoviensi* Præ-
sule connitente, in *Canonicorum* ejusdem Ecclesiæ numerum adlectus est, ad-
jectâ etiam *Prælaturâ* (ut vocant) *Custodiæ Sandomiriensis*. An. Ch. 1219.
Patrum in negotijs Ecclesiæ suæ *Romam* proficiscentem secutus, cum *Hia-*
cyntho fratre, in *S. Dominici Patriarchæ* familiaritatem intravit, & cum ab eo
Neapolionem quendam *Stephani* *Cardinalis nepotem* coram se à mortuis exci-
tari orationibus ad DEUM fusis vidisset, commotus intimè, in ipsum *sa-*
crum *Ordinem* admitti precibus impetravit. Virtutibus omnibus excultus,
à *S. Dominico* in Patriam cum fratre remissus est anno sequenti; compositis
rebus

rebus omnibus in Polonia, & Cœnobio Cracoviensi excitato, in Bohemiam A. 1222. cum Beato Henrico Moravo, aliisque locijs accessit. Sunt tamen, qui Beatum Ceslaum cum Româ in Poloniam rediret, Pragam transiisse, & aliquod Cœnobio Pragensi jam tum datum initium, suspicentur; utut sit, Pragam Ceslaus advenit. Przemyslaus Ottogarus I. regnabat eo tempore, qui Sancti Viri coelestibus moribus, & vitæ innocentia captus, primum ante Pragam majorem in Porzicz vico, Ecclesiam S. Clementis, deinde alteram ad pontem Pragensem in ipsa Urbe Majore Ecclesiam itidem S. Clementis, jam antè non ignobilem, areamque amplissimam pro Cœnobio excitando liberalissimè donavit. Hoc à Bzovio appellatur Seminarium Cœnobiæ ejusdem Ordinis per Bohemiam, Saxoniam, Moraviam, & vicinas latè Regionès. primus Cœnobij hujus Clementini Prior F. Hieronymus nominatur. Redijt deinde Wratislaviam Ceslaus, & Laurentio Episcopo Wratislaviensi Ecclesiam Sancti Adalberti offerente, & Cœnobium erigente, An. 1223. primus eum Conventum rexit Prioris nomine Ceslaus. Vita ejus universa constabat virtutibus, humilitate, & animi demissione, pietate in DEUM, charitate in proximum, vigiliantia, orandi, sèque, suasque omnes cupiditates vincendi studio ardescebat. Miracula plurima ab eo patrata testatur Bzovius, interque ea quatuor mortuos revocatos ad vitam. Trajecit & ipse sinè navigio flumina, sacris vestibus sibi suppositis; arcanis, futurisque noscendis sapientissimè Ceslaum admovit Divinitas. cum Tartari Wratislaviam obsiderent An. 1241. sinè dubio occupaturi, Ceslaus ad preces conversus, & urbi peritura illacrymans, è Cœlo suppetias deduxit: columna ignea stativis hostium imminens, ita barbaros perculit, ut panico metu correpti, obsidionem deferrent; alij globum igneum super orantis Ceslai caput vidisse Tartaros, alij etiam fulminibus è cœlo verberatos affirmant. Obijt vitâ, & morte Sanctorum Ceslaus An. 1242. postquam nuper An. 1235. Provinciam sui Ordinis gubernasset, in Cœnobio suo S. Adalberti tumultus. Wratislaviâ igne deflagrante, ait Bzovius, An. 1570. super aëra conspicuum se ostendit Ceslaus, ab incendio protegens suæ requiei Depositorium, videlicet S. Adalberti Monasterium. Vide plura apud eundem Scriptorem. At in Vita B. Ceslai M. S. (quam servo) plura alia commemorat miracula, ijs sæpe nominatis, in quibus ea ad Sepulchrum Ceslai patravit Divinitas: à malo dæmone obsidente liberatorum; morientium ad valetudinem, quin adeò mortuorum ad vitam redeuntium; sæpe ad sacrum ejus tumulum temere collectum pulverem ad capitis dolores valuisse, & alia extrema vitæ pericula propulsa; Wratislaviensem S. Catharinæ Parthenonem An. 1581. à flammis Urbem longè latèque depascentibus incolumem servasse; cuidamq; Virgini ex eodem Cœnobio, non diu post suam mortē, de ejus cœlesti gloria nonnihil dubitanti Apostolorum choro septum apparuisse cum dicto: Apostolico choro associatus, ac feliciter

Ceslaus Or:
Prædicato-
rum in Boh:
primus in-
ducit.

Miracula
B. Ceslai.

In vita M.
S. B. Ceslai.
Cromer. in
hist. Polon.
Ann. Mo-
nast: Wra-
tislav. M.
S.

Obitus.

Veneratio
B. Viri.

ter glorificatus sum! his adiecit Bzovius non de trivio Scriptor, rituum Ecclesiæ, si quisquam alius, callentissimus: ob innumera miracula Ceslai corpus An. 1330. humo ignobili erutum, de subaltare sub ejus invocatione excitatum illatum, summa in veneratione populorum fuisse.

§. L.

B. Henricus Moravus, & B. Hermannus Teuto, uterq; S. Hyacinthi socij, qui Cœnobîa Silesiæ vivendo, & moriendo consecrârunt.

Bzov. in
Propagine
D. Hyacin:
C. 5.

Gesta B. He-
rici Moravi.

A. 1245.

Bzov. l. c.

Gesta B. Her-
manni Ord:
Præd.

Humbertus
in Chron.

Fernan: Ca-
stell. 1. P. 1. 2.
C. 22.

Familiari-
tas cū Chri-
sto D. & ejus
SS. Matre.

Ceslaum, Henricum, & Hermannum totâ historiâ suâ, tum etiam in vita S. Hyacinthi, nunquam aliter, quàm Beatos, peritissimus Romanarum rerum, ac Rituum Bzovius appellat. Henricus Wratislaviæ diem clausit extremum; eundem apud Moravos ortum, eorum temporum in cognominibus usitata consuetudo demonstrat, licet cum Humbertus in Chronico ob Poloniæ Provinciam, in qua vivebat, Polonum cognominârit. Vir fuit Apostolicus, & prorsus Hyacintho & Ceslao Sanctis Fratribus conformis, simili in DEUM, & proximum charitate. Sacramentis ritè omnibus munitus, & mortem operiens, arrepto crucis signo, S. Andreæ verba iterabat: O bona crux! securus, & gaudens venio ad te, & quæ sequuntur. Tum veniente ad se cum Apostolis Christo, commendare mortem suam cœpit, dulciter ridens, vultu toto, ac manibus plaudens in crucis amplexu; nec defuere dæmonum terribiles visu formæ, in quos dum verba illa: Credo in DEUM Patrem, & Filium, & Spiritum Sanctum elatâ voce contorquet, expiravit Wratislaviæ; quod Cœnobium alijs multis rebus, sed potissimum B. Ceslai, B. Henrici, & B. Joannis Inquisitoris sacris corporibus illustratur.

Beatus Hermannus Teuto, multis in Germania Cœnobijs excitatis, Oppolij An. 1245. decessit è vita; admiranda de eo habent Sacri hujus Prædicatorum Ordinis Annales. Passioni, & morti Christi meditandæ diebus, & noctibus incumbibat, illum versiculum iterabat sapissime: Adoramus te Christe, & benedicimus tibi &c. Admovit eum aliquando vulneribus suis Christus apparens, & pretiosissimas anhelanti sui sanguinis guttas instillavit; nec Virgo Beatissima ab Hermanno orata defuit, sed aspectabilis linguam balbam correxit, & eloquentiâ, lingvarum dono, prudentiâ, & consilijs, scientiâ sacrarum literarum, & Theologiâ infusâ, cœlitus instruxit, ut inter disertissimos, & acutissimos haberetur, cū ante id, rudis, segnis, & præter Orationem, parum ad alia idoneus censeretur. Morienti Crux aureis radijs pellucida super Ecclesiam Oppoliensem Sole lucente apparens, Sanctitati, & prædicationi, & ab eo in corpore suo portatæ cruci testimonium amplissimum dedit.

Hæc

Hæc de B. Henrico, & B. Hermanno, ut in Bzovio legeram, scripsi, cum ecce in quibusdam pereruditi e Societate Nostra Viri chartulis ad 20. Februarij annotatum reperio: B. Henricum Moravum Pragæ ad S. Clementem, deinde Budvicij in Bohemia (primi utrobique) Prioris munus in Cœnobij sui Ordinis gessisse, ac Budvicij in honoratiore Tumulo compositum jacere. Non parum ea res me perculit; an satis credibile est Bzovium hæc ignorasse, qui ejus obitum sanctissimū cum tot adjunctis rerum & verborum narraverit? adde: quod primus Clementini Cœnobij Prior F. Hieronymus à Bzovio, non Henricus appelletur; existimo B. Henricum Wratislavia tumulatum, longè à primo Budvicensis Cœnobij Priore diversum esse, utrumque tamen virtutis excelsæ Virum, & famā sanctitatis conspicuum, idque Chronologia & temporum ratio firmat. Vidi tamen, & osculo semel atque iterum honoravi saxum primi Budvicensis Prioris Tumulum in Ecclesia ejus Ordinis, altè ab humo educitum, & Muro Ecclesiæ insertum: expressus est saxo in Ordinis sui habitu, quem percontando, Priorem fuisse, & primum Cœnobio didici præfuisse, Sanctimonix exemplis clarum, ideoque Tumulo divisum à cæteris. Optabile foret, si ista nobis ignota ab ijs quorum interest, commendarentur memoriæ! nam etiam hujus Budvicensis ipsum nomen ignoratur. Porro Cœnobij hujus origo, Anno 1265. antiquior non est, ut Weleslavinus ostendit; adeoque ad illam ætatem B. Henricum Moravum vivendo pervenisse verisimiliter dici non potest.

De B. Henrico Moravo controversia.

Tumulus saxus Budvicensis.

Welesl. in Calen. hist. fol. 137.

§. L I.

Beatus Bertholdus è S. Francisci disciplina, Apostolicè per Bohemiam, ac potissimum Glacij concionatur.

Natale, & fatale solum habuit Bertholdus Ratisbonam, germanissimus S. Francisci Alumnus, magistro virtutis usus viro pari religione B. Davide, quem ab Urbe vocabant de Augusta, cujus religiosissima scripta nuper Augusta prodierunt, huic Bertoldo summæ tum spei surculo olim dedicata; quæ sanè spes Davidem non fefellit, cum adedò progressus est in cœlesti philosophandi disciplina, ut doctorem suum superasse videatur. Tantum potuit in dicendo Christianâ eloquentiâ, ut veluti philtro quodam traheret auditores, quorum interdum censa sunt sexaginta millia, interdum centum millia. Sic enim Andreas Presbyter in Descript: Monasteriorum Bavariæ: Anno Domini 1251. Frater Bertholdus, natione Ratisponensis, Ordinis Fratrum Minorum prædicare cœpit: ad cujus prædicationem dicuntur aliquando centum millia hominum confluxisse. Hic sepultus est Ratispona ad Fratres minores, hoc habens Epitaphium:

An: 1272.

Ex Radero in Bav. S.

Bertholdi cœlestis Eloquentia.

1272. 19. CAL. JANUAR:

OBIIIT FRATER BERTHOLDUS. MAGNUS PRÆDICATOR.
HIC SEPULTUS. LUCIÆ VIRGINIS.

Miraculum
mulieris re-
fuscitæ à
B. Berthol:

B. Bertoldus
per inter-
pretem in
Boh. prædi-
cat Verbum
DEI.

Laudatur idem in libro *Conform. vite S. Francisci* ad vitam *JESU Christi*, & narratur miracula patrâsse, interque Beatos à *Gonzaga* numeratur. In-
fectabatur pro Cathedra, cum ad populum diceret, vitium acri, & vehemen-
ti oratione, de quo sibi clâm conscia famina quâdam territa, & exanimata
metu, in media populi concione mortua subito concidit: tantus dolor simul
poenitentem oppresserat. Sed cum admonitu *Bertholdi*, omnes in genu-
fusi, pro salute miseræ deprecarentur, revixit, causamque mortis palam ex-
posuit: jussam se in vitam redire, ut peccatum, quod exanimârat infelicem
confessione dilueret. Adjecitque inter alia, quæ coram ad tribunal supre-
mi Dictatoris, mundi citata spectârat, hoc tremendum sanè, & narratu horri-
cum, nè dicam spectatu: Adducta simul eodem puncto temporis sexagint
animarum millia, quæ in omni orbe varijs casibus ex corporibus & vitâ ejectæ
decefferant, trësque ex omnibus illis millibus ad piaculares purgatorij igni
flammas destinatas, reliquas omnes præcípites abiisse ad sempiterna infero-
rum supplicia, & tormenta, unum è cœtu *S. Francisci* transisse per loca pur-
gatoria, secumque duos ex olim familiaribus ad cœlum, intactum ipsum, de-
duxisse. In *M. S. Conventus Monacensis* hæc de eodem *Bertholdo* cogno-
sco: *His temporibus Frater Bertholdus de Ratisspona Ordinis nostri eximius*
prædicator, exequens injunctum sibi prædicationis officium tantum profecit uni-
versitati tam populi, quàm cleri, ut omnium in cordibus, & auribus fuerit ad-
mirandus. In eisdem chartis An. 1271. & 72. hæc de eodem traduntur:
In Festo *S. Lucie Virginis* obiit etiam feliciter ipse Frater *Bertholdus de Ratisso-*
na, Prædicator magnus in diversis Provincijs, videlicet Thuringiâ, in Bohemia
ubi habuit Interpretem Fratrem Petrum cognomento Oderincium, sepultum in
Glaz, & ibidem prædicavit Frater Bertholdus in campo sub tiliâ, quæ usque
hodie dicitur Bertholdi, quam ego oculis meis vidi prope Glaz. Hujus prædi-
catoris verba utilia, & magnifica facta, ut alterius *Helie*, peccatores conver-
tentia ad Dominum fuerunt; nam multos Ungaros convertit, cum infideles *Cu-*
mani multos seduxissent. Verbum ejus, quasi facula ardebat. Posuit enim *Deu-*
os ejus, quasi gladium acutum. Super caput ipsius in *Thuringia* à side dignis re-
ligiosis utriusque sexûs, cum secundum morem faceret, plures corona fulgida vi-
debantur. Hic sepultus jacet in Ecclesia Fratrum Minorum *Ratissponæ*, juxta
murum versùs ambitum, & pluribus miraculis à die transitûs sui claruit, si-
cut latius continetur in *majori Chronicâ*. Hæc chartæ *Monacenses*.



§. LII.

Beata Margareta Wladislai II. Bohemiæ Regis, & Gertrudis Austriacæ filia; tertia in Doxanensi Cœnobio Priorissa.

DE hac Margareta, quæ se DEO in Doxanensi à Matre sua fundato Parthenone consecravit, nihil prorsus habet Genealogia Regum nostrorum à diversis Scriptoribus vulgata; sed jam sæpe monui: *Przemyslae* gentis Tabulas non esse absolutas, & plurima in ijs nomina desiderari. Fidisimæ memoriæ *Doxanenses*, de Margareta hujus nomine (quod rarissimum est) adjecto Beata titulo, meminerunt: Beata memoria Margareta, tertia hujus loci Prælatæ, filia Fundatorum 13. Julij (annus non adjicitur) obiit. Præfuerat Cœnobio piæ, & in suo ingressu donavit Cœnobio 80. marcas argenti. Hucusque manuscriptum.

Titulus Beata.

§. LIII.

Beata Zdislava Berkiana, Ordinis Prædicatorum.

PROcerum Berkæ vetustissima, & Illustrissima stirps multos insignes Sanctimoniâ, cæterisque dotibus viros, ac matronas protulit; inter has non postrema Beata Zdislava, quæ de Mariti consensu sacrum Parthenonem *Jablonna* ingressa, vitam exegit sanctissimam, atque ut animi demissione eminebat, *Conversarum* infimo in gradu stetit usque ad mortem. Egere de hac Beata Matrona *Pontanus*, *Chanovsky*, *Crugerius*. Sacrum Beata Zdislavæ corpus *Jablonna* in Ecclesia Fratrum Prædicatorum (ad quam olim Cœnobium Virgineum steterat) quiescit; innumera in antiquitate patrata miracula circa Zdislavæ Tumulum picta visuntur, quæ antequam oblitterentur tempore, ex usu foret describere, & postea piorum beneficio novis coloribus excitare. Adoravi osculo hujus Beata Tumulum non ante multos annos, & singulari perfusum me pietatis dulcedine persensi. Manuscripti Codices, in quos bonâ fortunâ his jam scriptis, nuper incidi, referunt: B. Zdislavam septennem puellulam, DEO vocante, in solitudinem quandam procul à suis fugisse, vitam egisse asperrimam, & innocentiam suam cilicijs, jejunijs, cubatu durissimo, miserisque alijs modis vexasse, tam pertinaciter saxa & rupes geniculis orantem pressisse, ut sæpissime saxa cruentaret. Nihilominus jam adultiorem Parentum imperijs (à quibus post DEUM ac Cælites unice pendebat) adactam nupsisse; Marito immitti, tamen audientem dicto fuisse semper; Matris pauperum nomen ex merito

Ord. Prædicatorum ingreditur.

Pontan. in Bohem. Pia Chanovus: in Vestig. Boh. Pia.

Septennis fugit in eremum.

Mater pauperum.

Cœnobii
ædificat.

Apparet
post mortē
in purpura
cœlesti.

consecutam, confarcinandis aut de novo parandis, & consuendis indusijs earum ac tunicis continenter occupatam, earum pedes abluisse, ulcera osculando & lambendo (quòd in tam tenella *Matrona* permirum!) sæpius miraculo persanasse; tandem *Marito*, quem delicatissimis precibus flexerat, & sibi devinxerat, lubente, *Ordinem Prædicatorum S. Dominici* instituto viventium Virginum ingressam, omnes alias Virtutibus cæteris, sed obedientiâ præcipuè, & humilitate obsequiorum superâsse, *Cœnobium Virgineum* ex dote ædificasse, lapides ad ædificationem manibus proprijs aut tulisse, aut advolvissè ancillarum munia omnia sustinuisse. Tandem de mortis instantis tempore divinitus admonitam, *Fablonensem Ecclesiam* ad tumulum sibi elegisse, & post mortem plurimis claruisse miraculis. *Maritum* superstitem mœrentem, & fortè de priore sua adversus mitissimam & innocentissimam Conjugem duritia sese angentem, aspectabili specie consolatam esse, & *purpuram cœlestem*, quam pro meritis mortalis vitæ à cœlesti Sponso accepisset, ostendisse, ac iussisse nè mœreret; insuper ad omnium injuriarum oblivionem indicandam, frustulum quoddam cœlestis illius *Vestis ac purpuræ* abruptisse, eisdemque *Marito* jam gaudenti, memoriæ & solatij causâ in manibus reliquisse. Hæc *Manuscripti Codices*.

§. LIV.

B. Cunegundis Antistita S. Georgij Pragæ.

A. 1321.

Genus.

Ordo religiosus.

Cunegunda hujus (Bohemis Kunhutæ) literas complures ad fratrem Regem in *Archivo S. Georgij* vidi. Nata est *Patre Ottogaro II.* bellicolissimo, ad extremum infelici Rege, *Matre Cunegundâ Rosislavæ Bulgarorum Regis filia*, soror fuit *Wenceslai II.* pijsissimi Regis, ab ineunte ætate puella nihil nisi DEUM, & Divina spectabat; occiso Patre, nata libertatem DEO sese devovendi An. 1278. cum alijs 14. lectissimis, & nobilissimis Virginibus *S. Agnetem* avi sui *Wenceslai I. Regis Bohemiæ sororem* imitata, *Parthenonem S. Clarae* ad Salvatorem in antiqua *Urbe Pragensi* ingressa est; sed post annos duodecim ad fratris sui in *Regnum Poloniae* jura firmanda, *Papâ* annuente coacta, *Masovia Duci* in conjugem datur; Duce marito viduata, sub Annum Christi 1302. 22. Julij DEO sese restituit, neque tamen prius illud *S. Clarae* claustrum repetijt, sed *Fratre* optimo apud Pontificem agente *S. Georgij Parthenonem* subivit, ac post editam rursus professionem, cum vitæ Sanctissimis exemplis cæteris præluceret, perpetuòque tenore vitæ omnes virtutum, & sanctimoniarum partes impleret, communi Virginum sententiâ, etsi prius in conjugio vixerat, *Antistita* creatur; omnia apud Fratrem Regem poterat, ideoque amplissimis Privilegijs, gratijs, favoribus, *Cœnobium* suum permuniri, locupletari etiam ditionibus (quæ, cum de Cœnobijs agetur, adferemus).

feremus) procuravit, ut *Mater*, & altera *Cœnobij Fundatrix* appellari possit. Obijt relietâ apud omnes illimis cujusdam Sanctitatis opinione An. C. 1321. 13. Februarij, ut habet *Beneficius*; corpus demortuæ altiore Regium in-mo- dum Mausolæo intra ambitum claustrum in peculiari Sacello B. Virginis condi- tum jacet. Vide plura in *Crugero* ad 13. Februarij. in MM. SS. Cœnobij li- bris, omnibus locis *Beata* titulo insignitur.

*Benef. l. 2.
Chronicor.*

Beatae tituli

§. L V.

B. Euphemia Virgo Ordinis Prædicatorum, Le-
sconis Ratiboriensis Ducis filia.

Habet *Silesia* complures apud se natos, & natalia sua sidera, quibus Cœlum gloriosè adauxit: B. Euphemia Lesconis Ratiboriæ Ducis filia, & *Przemyslai Ratiboria Ducis* soror, cum fratrem An. 1336. ad foundationem Sacri Parthenonis (donato cum septem villis, oppido *Jaworow*) perpulisset, de suo eundem locupletavit, & seipsam, & vitam in- nocentem suam, Christo Sponso donavit, vixit in eo Cœnobio ad An. 1359. tam exquisitâ vitæ Sanctimoniâ, ut *Beata* titulum in sepulchro, & in omnibus *Silesia* Scriptoribus meruerit; hodièque ipse *Virginis Sanctissimæ* Tumulus miraculo est: nam clade Urbi, aut Cœnobio imminente, sepulchri lapis ex imo intus pulsatur, & validè verberantur, admonenturque eo ictu omnes, ut quæ DEUS intentat verbera, patienter ferant, vel ut fugiant à facie arcus, & liberentur electi. Agit de hac Virgine Sancta insignis ex Ordine Sancti Dominici Scriptor *Abrahamus Bzovius*.

*1359. 17. Ja-
nuar.
Crug.
Genus.*

*Prodigiis
Tumulus.*

*Bzovius in
Propagine
D. Hyacin.*

§. LVI.

B. Conradus Ord. Prædicatorum Pragæ in caussa
Religionis occisus.

Beatus Conradus Inquisitor hæreticæ pravitatis, Ordinis Prædicatorum, quâ gente, & patriâ sit editus, nondum invêni; *Polonia* suæ cum ad- scribit *Abrahamus Bzovius*, uti & B. Joannem, de quo statim agemus (quem tamen fuisse *Szovidnicij* natum, constat inter Authores) at cum eo tempore *Polonici*, & *Bohemici Prædicatorum Conventus* una *Provincia* cen- ferentur, nullum inde pro natione confici potest argumentum; ad Sanctam ejus mortem veniamus: *Nancerus Episcopus Wratislaviensis Joannem Bo- hemia Regem* diris devinxerat, B. Conradus Inquisitor pro officij, & muneris sui ratione *Pragam* advênit; ad Regis colloquium, imò & ad mensam ad- missus, omnia se censecta habere, & tam difficili negotio apud irritabilem Principem ex animi sententia finem imposuisse credebatur, cum ecce duo sicarij

A. 1341.

*Ep. rer. Boh
l. 3. C. 18.*

*Occasio &
caussa ex-
dis.*

Cædes.

Bzovius in
Protag. D.
Hyacin. C. 8

A. 1341.

à *Wratislaviensibus* subornati (*Wratislaviensibus* enim præcipuè *Bonorum Ecclesiasticorum* occupatio, & artes fruendi præ cæteris placebant; quamvis *Bzovius* difertè *Joannis Regis* jussu interfectum esse scribat) *Inquisitorem* apud suos ad Pontem antiquæ *Urbis Pragensis* in *S. Clementis Cænobio* degentem, per speciem sacre Confessionis ex cella ad se evocari postulant, nihilque mali suspicantem, atque in Impluvium *Cænobij* descendentem adoriuntur in tenebris, pugionibus, & gladijs nefarij homines confodiunt, & relinqvunt pro mortuo. Id gestum An. 1341. *Conradum* post mortem multis claruisse miraculis affirmat *Bzovius*, iisque adductos homines sæpius apud *Sedem Apostolicam* egisse, ut in numerum *Sanctorum* solenni cerimonia & ritu solito referretur.

§. LVII.

Beatus Joannes Schwenckfeldius Inquisitor, pro Immunitate Ecclesiastica, & Fide Catholica strenuè dimicans à Senatu & Populo *Wratislaviensi*, è *Cænobio* suo extractus, crudelissimè per Urbem raptatur, & confoditur.

1341. 6. Octo:

Educatio
religiosissi-
ma.

Joannes Schwenckfeldius *Svidnicij* in *Silesia* bono loco natus, cum sese juvenis *Sacro Prædicatorum Ordini* adjunxisset, tantos in virtutibus, & scientijs progressus fecit, ut inter suos autoritate plurimum emineret, eoque nomine, hæreticæ pravitatis per *Silesiam Inquisitor* (quod munus eo tempore hominem fortem, doctum, & prudentem requirebat) constitueretur. Interdixerat sacris *Urbi Wratislaviensi* (ut paulò antè dixi) *Nankerus Wratislaviensis Episcopus*, quod bonis Ecclesiasticis imminerent, & à Rege *Joanne* animati Clerum vexarent; Interdictum hoc gravem contumeliam interpretati *Wratislavienses* per populi tumultum, *Monasterij* (in quo *B. Joannes* degabat) ad *S. Adalbertum* portas effringunt, *B. Joanni* manus injiciunt, per civitatis vicos, & plateas prostratum trahunt, tandem multis ictibus confosum, cerebro eliso occidunt immaniter. Diris devoti à *Benedicto XII. Pont. Max.* agente potissimum *Carolo Marchione Moraviae Joannis Regis* filio, resipiscere cœperunt, & ipso *Carolo* comitante, capitibus, & pedibus nudis, sinè pallijs, & cingulis reorum habitu à prætorio usque ad *Cænobium* progressi, humi prostrati per modum *Crucis*, veniam, & misericordiam oraverunt, *Episcopo Przeczlao* (qui *Nankero* mortuo successerat) veniam faciente: Nihilominus 8. *Maij* die, gravissimas de Civibus pœnas sumit *DEUS*, totâ urbe fortuito incendio in cineres redactâ; quo tempore visus est super urbem *Cælestis Angelus* stricto ense terribilis cum socijs, qui ardentes prunas

nas in urbem coelo effunderent. Hæc gesta sunt An. 1342. ut narrat ex *Miechovio Bzovius*. De hoc B. Joanne memini, olim vidisse me in Manuscriptis *Bibliotheca Pragensis Codicibus* exemplum Apostolicarum literarum in membrana scriptum, quibus Joanni velut Martyri inter Divos cultus, dies item Sanctæ ejus memoriæ per totam *Diaecesin Wratislaviensem* consecratus decernitur. Has literas, quibus nunc egerem maximè ad gloriam Viri sancti, nullâ diligentia invenire potui, sed vel juratus legisse me testor. *Abrahamus Bzovius in vita M. S. B. Ceslai* narrat: Pallium B. Joannis sanguine aspersum, & vulneribus non tam deformatum, quàm illustre, *Wratislavia in Cænobio S. Adalberti* hodièque servari, idque ita recens, ac si pauculis abhinc annis cædes peracta fuisset: nostris manibus, inquit, sæpe sanguineas illas guttas attrectavimus, & piè exosculati sumus, An. 1607. nimirum prædixerat moriens Vir sanctus, quod pro fide Catholica, proque veritate & justitia moreretur, pallium hoc nunquam à tineis corrumpendum.

*Miech. l. 4.
hist. Polon:
C. 23.
Bzov. in
Propag. D.
Hyac. C. 8.*

*Pallium ejus
cruentum
hodièque
ostenditur.*

NOTÆ IN B. CONRADI & B. JOANNIS MARTYRIUM.

His jam ad Typum datis, magnâ cum admiratione meâ, *Abrahamum Bzovium* (quem in historia B. Conradi, & B. Joannis secutus sum) à se diffidere animadverto: nam cum in historia sui Ordinis in Polonia, seu in Propagine S. Hyacinthi (quam edidit An. 1606.) & in vita M. S. B. Ceslai, Joannem *Schwenckfeldium* per compita *Wratislaviensia* raptatum asseruisset, postea in *Annalibus Ecclesiasticis* (quos An. 1618. vulgavit) Joannem *Schwenckfeldium* Praga in Cænobio S. Clementis (nullâ Conradi factâ mentione) confossum commemorat. Idem ex eo descripsere *Spondanus*, & *Raynaldus*, ubique Joannem non Conradum nominantes; diversos tamen esse diversæ mortis, & alia adjuncta ostendunt, & quod *Bzovius* citans antiquissima Manuscripta nominet Conradum Praga, & Joannem *Wratislavia* occisos. Hæreo inter sacrum & saxum! utinam qui ista utpote sua norunt, quid tenendum sit edoceant, & vestigium cui firmius insistamus, ostendant. Fortasse *Malpæus Ord. Predicatorum in Palma fidei* (qui liber non est ad manum) hunc nodum dissolvit.

C. 8.

*Bzov. in An:
Eccl. T. 14.
ad A. 1341.*

*Sponda. &
Rayn. in
An. Ecc. ad
A. 1341.
In Prop. S.
Hyac. C. 8.*

§. LVIII.

B. Arnestus, seu, ut nunc loquuntur, Ernestus I.
Archi-Episcopus Pragensis.

AD LECTOREM.

UT nihil ad fælicitatem meam (quam in hoc opere, dum scribo, faventem semper, & affluentem sensi) deesset, dum in *Crumlovienfi Rossensium Bibliotheca* manuscriptos Codices nuper excutio, incidi bonâ fortunâ in librum vetustissimum, sapphirini coloris membranâ textum, umbilicis, & claviculis olim probè munitum, nunc omnibus ornamentis spoliatum, cui initio præfixa est litera D. XVI. In eo multa Antiquitatis monu-

1364.

*Vita B. Ar:
nesti reper:
ta inter Co:
dic. manus:
Coll. Crū:
lovien: S. J.*

Odor. Ray-
nald. in An:
Ecc. ad A.
1359.

Triplex B.
Ernesti vita

menta, multorumque Authorum pervetustorum quædam particula leguntur, quas inter *Vitam* hanc *Arnesti* novam, & antè ineditam, hinc atque inde in diversis folijs exaratam, invenisse me mihi ipsi sum gratulatus. Eam verò nè periret, hîc adjiciam. *Typographia Societatis JESU Praga Vitam Arnesti, ab Joanne Glacensi Præposito scriptam, Mariali præfixit*: hæc alia est, majorémque etiam authorem præfert, *Wilhelmum* videlicet *ab Hazenburg*, *Arnesti* discipulum, eidem sumâ amicitia junctum, nobilitate vetustâ clarissimum, *Wissehradensem Præpositum*, *Caroli Caesaris ad Pontifices Legatum*; quâ de re mentio fit in Epistolis *Innocentij VI.* Anno Pontificatus VII. 12. Cal: Maij. An. 1359. Fuit *Wilhelmus* Vir doctrinâ sumus, cujus Bibliothecam pretiosissimam, *Carolus IV.* post ejus obitum emtam, *Universitati Carolina* donavit. Porro *vitam Arnesti* sumâ quâ licuit diligentia à me conscriptam, & justo volumine comprehensam, ab utraque & *Joannis*, & *Wilhelmi* distinctam, An. 1665. Pragensibus Typis expressam, *Ernesto II. Eminentissimo Cardinali Archiepiscopo* probante, & laudante *Glacensi Comitatu* dedicavi; eam consulat, quisquis SS. *Præsulis* gesta, & singulas actiones avet cognoscere; hæc interim vita sufficiet, ut reor, (etsi generatim ferè scribat) ad ideam aliquam *Arnesti* Sanctimonie animo effingendam, & efformandam.

Incipit Vita Venerabilis Arnesti primi Archi Episcopi Pragensis, Authore Wilhelmo ab Hazenburg, Decano Wissehradensi. Ex Codice pervetusto Bibliothecæ Collegij Crumloviensis Societ: JESU.

Ernesti à vigi-
lantia &
iustitiæ con-
stantia infi-
gne enco-
mium.

Apparuit gratia DEI Salvatoris nostri diebus istis novissimis in Servo suo *Arnesto*, quem *Pater misericordiarum, & luminum*, tam largâ dulcedinis benedictione prævenit, ut esset coætaneis suis in speculum, & posteris evidens in exemplum. Sicut enim hunc sibi amabilem, nobisque imitabilem reddidit, ita & modo per consequens admirabilem dereliquit; perfectis etiam virtutum prærogativis, & meritis celebrem, & præclaro circa eum ostenso miraculo insigniter demonstravit illustrem. Ad hoc videlicet: ut qui *Sanctorum vestigia* sequi, mundi prohibente concupiscentiâ non possumus, hujus saltim, qui noviter nos præcessit, conversationem laudabilem, honestos mores, benignitatem, & patientiam imitari pro viribus studeamus. Hic enim quasi *Stella in medio nebula*, claris vitæ pariter, & doctrinæ fulgoribus micans, & super commissum sibi gregem solerter invigilans, non solum hunc viam veritatis edocuit, sed & ab eo, quibus tum involvebatur, errores, & negligentias, solitudine præcedente repressit. Non hunc Magnatum timor pro justitia suppressenda concutere, non thesauri oblâti corrumpere, sed

sed neque parentum, aut confinium amor suam in hoc potuit constantiam obtruncare. Maluit enim obreſtationum lingvis, culpâ non ſubeunte, re-
dargui, quàm ob defectum juſtitie ante tribunal ſuperni Judicis, durâ pro-
pter hoc ſententiâ condemnari. Pater ipſius *Arneſtus de Pardovitz Miles*,
qui tunc caſtrum, & *Provinciam Glacensem* ex comiſſione Regis *Bohemie* ob-
tinebat, hunc in *Glacensi Oppido*, liberalibus tradidit ſtudijs imbuendum.
Ubi dum ſub ætate tenera ſcholas cum ſuis condiſcipulis frequentaret, *Imago*
Beatiffimæ Virginis MARIÆ ſibi coram ea genua fleſcenti, dorſum advertit,
quod quidem miraculum ipſe, quamdiu vixit, ſubticuit, ſed in agone labo-
rans, propriâ manu conſcriptum, ad ædificationem fidelium publicè revelari
mandavit. Verùm dum hunc jam debita in ætate conſtitutum ad honores
Eccleſiaſticos Clementia vellet Divina provehere, primò ipſum *Decanum*
Pragenſem conſtituit, & demum ſede vacante, ad *Episcopalis dignitatis api-*
cem benigniùs elevavit. Erat autem idem *Arneſtus*, *Vir longæ ſtaturæ*, venu-
ſtâ facie, omnique morum præditus honeſtate. A tempore quoque ſui Re-
giminis, ſicut erat diſcretus ſilentio, ita & utilis manſit in verbo, ut nec tacen-
da proferre, ſed nec quidem vellet proferenda tacere. Sciebat enim, quòd
ſicut incauta locutio in errorem pertrahit, ita & indiſcretum ſilentium hos
qui erudiri poterant, in errorem perducit. Nempe quotidiana ipſius fami-
ilia, nunquam audivit ex ore ejus verbum iniquum, aut doſoſum procede-
re, quo aut inferre cuiſpiam vellet injuriam, aut reprimere conaretur illatam;
& ſi quempiam ex ſua Familia, verbo quantumcunque levi ſe offendiſſe per-
ſenſit, mox poenitentiâ ductus, ab eo veniam verbis humilibus poſtulavit.
Ex adverſo verò, dum ei aliquis injurioſum quid, ſeu diſplicibile loqueretur,
mox digitum ori ſuperpoſuit, & pronum ad inferendas vindictas animum,
tanquã veræ humilitatis diſcipulus effectualiter mitigavit, recurrens ad illud
propheticum: *Pone Domine custodiam ori &c.* Nimirum ad hoc, ut in
anima ſua virtutum poſſet ſtrutura conſurgere, ſtudiuit Vir DEO dilectus in
corde ſuo, veræ humilitatis *Fundamentum* locare. Qui licet in *Bononiensi*,
& *Paduano* ſtudijs per quatuordecim annos continuos moram continuans,
licentiarum promeruit, tamen cor ejus, ut plerumque fit, acquiſita ſcientia non
inflavit; quando omni ſe petenti benevolum, & ejus auxilium invocanti, ſe
redderet innatâ pietate manſvetum; ineratq; ſibi mos, & conſuetudo laudan-
da, ut quoties coram eo Divina peragerentur Officia, ipſe cum *Prelatis*, *Ca-*
pellanis, & *Clericis*, tento coram ipſo Miſſali, officium Miſſæ perlegeret, ac
demum horas de *Beata Virgine*, ordinatis, & moroſis accentibus ruminaret,
nec audebat hunc quiſpiam, pro re quantumcunque gravi, quamdiu *Miſſa*
legeretur, accedere, ſeu cum ipſo de negocijs, etiam arduis, publicè, aut ſe-
cretè conferre. Qui tamen officio expleto, publicam procedens ad ſalam,
tam pauperibus, quàm divitibus audientiam præbuit, facti quoque circum-
ſtan-

Arneſti na-
tales & edu-
catio.

Miraculum
quod cum
Arneſto ad
huc juvene
patravit
DEUS.

Arneſtus
parcus ver-
borum.

Pſal. 140.

Oratio Ar-
neſti plena
dignitatis.

stantijs pensatis ad debitum, ipsos sine intervallo temporis benignius expedivit. Quod autem propter absentiam propriam, vel negotij qualitatem, per seipsum expedire non potuit, id ipsum à Prælati sibi assistentibus, cum omni celeritate terminare mandavit. Quid ultra? ex fructu arbor cognoscitur, & fructus ex arbore commendatur. Præcessit in radice Divina copia muneris, ut in ramusculo sequeretur abundantia honestatis. Tantâ etenim Deus excelsus in servum suum condescensione respexit, ut sicut hunc vidit de virtute in virtutem proficere, sic & commissam sibi Ecclesiam ad laudem propriam, & Bohemici Regni honorem, voluit magnificè sublimare. Procurante namque *Serenissimo Principe Domino Joanne Bohemia Rege*, & ejus primogenito *Carolo Romanorum Imperatore semper Augusto, & Bohemia Rege*, An. Domini 1344. *Pragensis Ecclesia in Metropolitanam* erigitur, & à subjectione *Moguntinensis Ecclesiæ*, quâ eidem tenebatur obnoxia, per Sanctissimum in Christo Patrem Dominum Clementem, sacrosanctæ Romanæ, ac universalis Ecclesiæ Summum Pontificem, absoluta, duas Suffraganeas Ecclesias, *Olmucensem* videlicet, & *Litomisliensem* felici dispositione sortitur. Recepto quoque per eum pallio, sibi ab Apostolica sede transmissio, in quo nomen, & plenitudo Archiepiscopalis dignitatis consistit, juribus etiam, & canonibus præscriptis rationabilibus, & quæ pro lege habentur, consuetudinibus re-collectis, attento nihilominus, quia diversitatem corporum diversitas sequitur animorum, statutis *Moguntinensis Ecclesiæ*, quæ tum propter abusum, tum etiam propter inconvenientiam, modicum, aut nullum fructum afferebant, suppressis, nova & utilia statuta edidit, *Provinciali* propter hoc Concilio celebrato; interserens statutis ipsis de Jure Canonico multa utilia, Presbyteris quoque ipsis, *Ecclesias Parochiales* regentibus, summè necessaria, & his præsertim, quos interdum à studij cura paupertas prohibet, non voluntas. Inerat & huic viro talis Judicij futuri memoria, ut qui de talento sibi credito rationem districto Judici reddere tenebatur super commisso sibi grege, adeo sollicitas observare studeret excubias, ut nunquam somno corpus reficeret, nisi cum aut violentus sopor opprimeret, aut langvor insolitus vigilare per amplius prohiberet; sciens quoque, quod humana natura sicut laboribus diutius instruitur, ita nihilominus per otia torpentia fatiatur, ad hoc ut mentem sollicitam quotidianis virtutum incrementis instauraret, lectione hanc continuâ refovebat. Habens quoque in subteriori veste sacculum ab utroque latere dependentem, certos in eo libellos, & memorialia deferebat, & nunc in curru pergens, nunc etiam à Cæsaris consilio, quoties ibi minùs utilia tractarentur, se abstrahens, tam ad suam, quàm aliorum ædificationem in eisdem aut per se legit, aut legi per alios verbis intelligibilibus procuravit. Nunquam hunc poterant à bono prosequendo otia detestanda retrahere, quin instar potiùs Supernorum in scala Jacob, aut ascendebat in DEUM, aut de-

Vigilia Ar-
nesti.

Nunquam
otiosus.

descendebat in proximum. Die autem ad occasum Solis vergente, dum nunc cubile consuetum susceperet, sibi fecit Vitas Patrum, aut alium codicem edificativum tam diu legere, donec ipsum ingens sopor lectionem non finiret auscultare. Noverat enim de cujuslibet ore legentis elicere, quod animæ profuit; sciens, non minoris esse prudentiæ, de rudi quandoque spina florem decerpere, quàm fructum ex arbore nobili manducare. Capto quoque somno, sed modico, dum hunc crederet Cubicularius in loco sibi præparato recumbere, ipse mollem lectum declinans, interdum in humo, interdum verò super vili repertus est matta cubare. Mediâ autem nocte, dum aliorum oculi concepto gravantur à somno, iste *Pastor sollicitus*, quem non vincere acedia, non frangere potuit torpens ignavia, proprio consurgens è lectulo, secum manentes advocat *Capellanos*, cum quibus tam horas *Canonicas*, quàm & *Beatæ Virginis*, devoto corde, distinctâ quoque voce complevit. Postquam verò iidem *Capellani* fessa membra solitis adibant refovere cubilibus, ipse in oratione pervigil, & invictus manebat, & si erat de manè Missam celebraturus, devotas se dabat in lacrimas, ut tunc venas divini susurrant furтивè susceperet, quando sopor cæteros opprimebat. Ad hoc quoque majora studuit seminare semina fletuum, ut majores tandem fructus perciperet gaudiorum. Solitus etiam erat à promotionis suæ tempore usque ad obitum sui diem in quodam libello singulos suos defectus spirituales propriâ manu conscribere, ut & eisdem deinceps virili mente resisteret, & ea, quæ fragilitate ipsum impellente commiserat, per satisfactionem debitam emendaret; in quo etiam conscripsit injunctas sibi pœnitentias & consilia Confessorum. Aderat & ejus præcordijs divinitus indita quædam ad pauperes misericordia liberalis, quæ secum ab infantia crescens, tantâ cor illius benignitate repleverat, ut meritò dici posset, hanc cum ipso ex eodem naturæ utero processisse. Nimirum Evangelij non surdus auditor, omni se disposuit petenti tribuere, & ei præsertim, quem audivit, amorem divinum ferventiùs allegare. Sciebat enim, quòd dives eleemosyna suis amatoribus hæreditatem præbet immarcescibilem, & cælestis curiæ dignitatem. Sed neque hunc latuit miranda misericordiæ virtus, quæ peccatorum omnium rubiginem purgat, frementium vitiorum incitamenta mortificat, & splendore cælestis gratiæ, tenebrosas hominum mentes illustrat. Hanc igitur per affectum amplecti desiderans, multos in *Bononiensi*, & *Paduano* studijs pauperes tenuit *Clericos*, quibus de libris, singulisque vitæ necessarijs providebat, quos & in adipiscendis beneficijs Ecclesiasticis, proprijs consanguineis præferebat, transiensque per viam, eleemosynam pauperibus, quos obvios habuit, largitus est. Singulis etiam diebus duodecim pauperes pavit, & eorum cuilibet duos parvos denarios, currentis pro tunc monetæ, donavit, & nihilominus singulis annis 70. stamina panni crisei inter pauperes dividebat, ut ad Divinæ legis imperi-

Ernestus Eleemosynarius.

Occultos
pauperes fo-
vebat Arne-
stus.

Inquisito-
res Arnesti
duplices.

um, nudum operire, carnemque suam nequaquam despectui videretur habere. Constat igitur in ipsius arcano pectoris plantatam fuisse arborem miserationis, cujus dum fructus reficit animam, præbent exterius folia medicinam. Certum est etiam, hunc fuisse vestigiorum gloriosi Pontificis, *Beati* scilicet *Nicolai*, fidelem, & sollicitum sectatorem; sicut enim auro ille Virginum incestus, auro patris inopiam, auro utrorumque detestabilem ademi infamiam; sic & iste fidelis servus, & prudens, rem sub silentio tegens, per duos Presbyteros, ad hoc specialiter deputatos, *Virgines pauperes*, dote competentem oblata, matrimoniali disposuit foedere copulari, nè paupertate premente, in dedecus honoris Virginei admittere cogereantur publicos amatores. Similiter & eos, quos natura nobiles, & casus fecit sinister egenos, quique, prout apparet ad oculum, non valent fodere, & erubescunt verisimiliter mendicare, nè ipsos aliena per furtum, aut rapinam insequi bona contingeret, competenti pecuniâ relevabat; quibus etiam, aut alijs ad hoc idoneis expressè commisit, ut hospitalia infirmorum visitare, defectus quoque indigentium, ejus sumtibus debeant utiliter reformare. In anno quoque Decembris 1362. dum in *Regno Bohemie* caristia magna sæviret, in tantum, ut propter defectum victualium, multos fames exhorrescenda captivaret, multos fecit eleemosynas in pane pariter, & frumentis, per quas civitatum, & oppidorum incolæ ab imminentis sunt mortis periculo liberati. Ad ædificationem quoque tam propriam, quàm etiam aliorum, multos libros scribi, & de alienis partibus procuravit afferri, quos etiam *Monasterijs*, & alijs pijs locis juxta necessitatis eorum indigentiam, tradidit, & donavit. Advertant hi defides *Clericorum*, *Sacerdotumque Rectores*: illi, illi nimirum, qui ad corrigendum subditorum excessus deputati, cæteris præ eminent, & inconsiderato silentio peccandi subditi licentiam præbent. Audiant, inquam, & prudenter intelligant, quantam hic *Præsul* sollicitudinem in correctione *Clerici* sibi commissi adhibuit, & circa hoc studiosis laboribus defudavit. Hic etenim inter cogitationum varietates innumeras, quibus animum suum cura officio pastoralis involvit, præcipuè *Correctorum*, & *Inquisitorum officium* censu exerceri, ut videlicet alter eorum nunc salutaribus monitis, nunc persuasivis, atque minis, nunc etiam pœnis inflatis, *Clerici* petulantiam, & ipsorum errores reprimeret; & alter hæreticorum perfidiam, & ipsorum doctrinam detestabilem realiter, & efficaciter confutaret. Fuit etiam bene agentibus per humilitatem consocius, contra delinquentium vitia per Justitiæ zelus erectus. Bonis se in nullo prætulit, & cum pravorum culpa subfuit, potestatem sui prioratûs agnovit. Nimirum *Clerus* illius temporis modicè, prodolor! legi subjacuit, atque ideo seipsum carnis voluptatibus, rigore deficiente, subegit: alius enim tabernam frequentans, quadriformi cum bibentibus colludebat in tessera; alius concubinis adhærens, & nec tonsuram, se

coro

coronam deferens, turpi seipsum polluit sæditate; quorum tamen infamia, ubi ipsius regimine, penitus conquievit. Hic etiam judicia peregrina, videlicet candentis ferri, & aquæ frigida, quibus *Bohemi* usque ad ipsius tempora utebantur, exerceri prohibuit, & eadem totaliter, *Baronum* resistantiâ non obstante, suppressit. • Similiter & vagos homines, quos vulgus *Flagellatores* appellat, quique sub ovina pelle conscientiam nôrunt vulpinam abscondere, non solum à tali præsumptione compescuit, sed & à suæ Diæcesis finibus eliminari curavit. Ut autem pluribus modis negotiator hic Evangelicus lucris insisteret, ac totum præsens tempus conflaret in meritum, non tam præesse voluit, quàm subesse, nec tam præcipere, quàm parère. Propter quod in *Monasterio Canonorum Regularium in Glacæ*, quod ipse de novo extruxit, & tam redditibus, sufficientibus libris, & ornatibus pretiosis, quàm etiam picturis varijs adornavit, *Archiepiscopali* dimisso fastigio, eandem voluit *Regulam* profiteri, ut eò liberius posset præconium transitoria laudis contemnere, tumentis jactantiæ fastum comprimere, & fraudulentæ simulationis mendacium confutare. Nimirum tempus sibi concessum ad meritum dividere sic prudenter didicerat, ut aliud proximorum lucris laboriosis impenderet, aliud contemplationis tranquillis processibus dedicaret; sic factum est, ut arrepto itinere ad ipsum *Monasterium*, in comitiva unius tantum familiaris, perveniens, seque *Romam* aditurum confingens, in cella, quam pro se ipso construxerat, *Omnipotenti DEO*, & ejus *Genitrici MARIE* pensum suæ servitutis exsolveret, & occultè ac latenter maturinali tempore solus *Ecclesias* circumiret. Etenim tantâ prævenire hunc *DEUS* dignatus est gratiâ, ut mentem ipsius intrinsecus incendio dilectionis adureret, & absynthio quoque passionis impleret. Et licet pro tunc, quibus in solitudinem avolare posset, dispositas pennas haberet, adeò tamen erant nexibus præceptorum adstrictæ, ut absque ipsorum permissione liberum non posset habere volatum. Et ideo subscriptos *Romanos Pontifices*, videlicet *Clementem*, *Innocentium VI.* *Urbanum V.* sive *modernum*, nunc per se, nunc etiam per Legatos, & idoneos nuncios de danda sibi cedendi licentia, humiliter requisivit; qui videntes hunc de culmine velle Pontificali descendere, nec causam quoad hoc cognoscentes subesse, ipsum ab ejus vinculo absolvere minimè curaverunt. Videbant etenim, quod in ipso vigor devotionis, & fidei, etiam corpore senescente, non perijt, sed vergente deorsum conditione corporeâ, fervor spiritûs in sublimiora conscendit, & ideo oportebat hunc in regiminis pastoralis persistere labore, Creatoriq; suo deinceps cum *Martha* sollicita ministrare. In signum tamen desiderij sui præfati, coram imaginibus *DEI*, & *Beate Virginis MARIE*, quas in vitris, & alijs coloratis picturis fieri procurabat, seipsum, deflexo in terram poplite, Archiepiscopalia verò insignia ante pedes suos jacentia, tanquam quæpiam abjecta, & ob amorem *DEI* procurabat dimissa de-

Amor refi-
giosa vitæ
in Ernesto.

Ætas hujus
Scriptoris
hinc potest
colligi.

Magnificen-
tia Arnesti
in sacris, &
liberalitas.

Justitiæ pa-
trocinium
ab Arnesto
susceptum.

pingi. Hic etiam *Monasteria in Saczka, in Jaromir, in Rokiczano* dicti Or-
dinis de novo erexit, & sumtuosè fundavit. *Hospitalia in Broda Bohemicali,*
in Przibramo, & in Libano construxit, & munivit necessarijs appendijs com-
petenter. Hic reedificavit omnia *castra sui Archiepiscopatus*, quæ erant ex
nimia vetustate collapsa, & in *Przibramo* de novo unum castrum construxit.
Oppida suæ Ecclesiæ, videlicet *Brodam Bohemicalem, Thyn Horsov, & Rud-*
nitz muris munivit; piscinas multas, præsertim *Kyge villam, Rokicza-*
num, Thynhorsoviense, Przibram, Rzeczicz, Zerczicz & Cheinovv, cum
magnis impensis de novo exstruxit; mediam *Baroniam de Rosenthal*, datis
plurimis redditibus ad vitas Ecclesiasticarum personarum, *Archiepiscopal-*
mentæ acquisivit. Hic omnes *libros Pragensis Sacristiæ*, nimia vetustate
consumptos, ligari, & meliorari, *Chorales* verò libros, videlicet *Gradualia,*
& Antiphonaria, in multis voluminibus, pulchriora, quàm unquam in Eccle-
sia visa fuerant, pro magnis pecunijs scribi fecit, aliosque pro studio sacra
Scripturæ condonavit, & ipsam *Ecclesiam* plurimis ornatibus pretiosissimis
donavit. Dedit etiam *sua Ecclesiæ* in mortis articulo pro structura ipsius de
proprio patrimonio *mille marcas; & unam Capellam*, proximam ei, quæ est
in fronte chori novi, à fundamentis usque ad perfectionem suis sumptibus ex-
truxit, & fenestris vitreis exornari procuravit. Item dedit *centum marcas*
pro panibus, Altaristis Pragensis Ecclesiæ, ut una cum Vicarijs Canonorum
perceptione panum gauderent, pro quibus emti sunt redditus perpetui in tali-
bus villis, &c. Hic in eadem *Pragensi Ecclesia Lectorem in sacra Theologia*
suis pecunijs instituit, pro quo emit certos redditus in villa *Zlatnik* prope *Pra-*
gam, ut *Canonici, & alij Clerici Pragensis Ecclesiæ*, amplius studeant divini ver-
bi pabulo victuram in perpetuum mentem reficere, quàm ventrem morituræ
carnis terreno pane satiare. Et quid plura? comparavit namque pauperi-
bus *Clericis* duodecim sexagenas reddituum in villa, ut bis in anno habeant tu-
nicas, & liberiùs, ac seduliùs in choro nocturnis, & diurnis horis vacent in
Divino officio. Huc accedit, quòd inter cætera charismatum dona, quæ à
largo datore *Arnestus* obtinuit, quâdam speciali prærogativâ excrescere pro-
meruit in *divitiis Justitiæ* observandæ. Hæc quidem *Justitia*, sicut priscis
temporibus ob Judicium ignorantiam, quæ plerumque est Innocentum ca-
lamitas, quasi pedibus calcata subsiluit, sic & sub illius felici regimine, tam in
Consistorio publico, quàm etiam privatis judicijs suas fimbrias dilatavit. Con-
stans enim hic vir contra bifformes fortunæ eventus, uniformi mentis con-
stantiâ præmunitus, in iudicio non contempsit pauperem, non oppressit vi-
duam, personam divitis non recepit, in omnibus operibus justitiam reserva-
vit. Verùm, nè cælestis hujus benedictionis vena, quæ tunc in *Regno Bohe-*
miae scaturijt, intra breves terminos occludatur, sic eam Divina Providentia
derivavit in amnē, ut fluminis impetus (caput orbis *Romani*) letificaret *Civita-*
tem.

em. Spargitur in Curia Summi Pontificis, & Cardinalium fama tanti Viri, omniumque tenet assertio: neminem huic in Germania fore similem in conservando legem Excelsi. Quanto autem favore idem Romanus Pontifex, & ejus Cardinales ipsum profecuti fuerint, experientiam loqui, & convenit me tacere. In Legationibus enim Caesaris Romam transmissus, & ibidem singulari honore susceptus, commissis sibi negotia tam fideliter, quam etiam legaliter expedit. Sæpe hunc Romanus Pontifex in altum erigere, & in majore vocavit dignitate locare. Sed qui commissam sibi Ecclesiam, Divino ipsum amore impellente, dimittere disposuit, ad majores dignitates per eum assequendas minimè anhelavit; Mortuoque Innocentio hujus nominis Papæ sexto, poscentibus ipsius moribus, atque virtutibus, per certos Cardinales fuit in Summum Pontificem nominatus, & fuisset indubitanter electus ab omnibus, si promotionem suam non impedisset natio aliena. Quanquam autem de laude tanti viri multa per me adhuc possent interferi, & præsertim ea, quæ ego Wilhelmus Decanus Wissehradensis, non relatione testium, sed per me ipsum cuncta cognovi; malo tamen à prosecutione ulterioris famæ suæ manum simul, ac stylum retrahere, quàm in ejus, & meum opprobrium linguas detrahentium excitare. Nimirum scio, quòd nulla est tam modesta felicitas, quæ possit malignitatis dentes vitare; alienis enim malis, sicut suis bonis detractores latentur, alienis jacturis sunt divites, calamitatibus locupletes, & funeribus immortales. Nunc igitur mens mea nube mœroris obducitur, finis quoque gaudij luctibus sequentibus occupatur. Qui cum tam laudabilis viri famam simplicibus, sed veridicis verbis, & hilari quidem mente transcurri, nunc ad referendam ipsius mortem fletu singultuoso perveni. Sub Anno igitur Domini 1364. iste Venerabilis Pater, pro expediendis arduis suis, & Ecclesiæ suæ negotijs, ad Imperatorem, pro tunc in Budissin moram trahentem, proficiscitur, & tam ab eo, quàm alijs Curiae suæ Magnatibus, honorificè suscipitur, & benigniùs pertractatur. Die quoque Sancto Pentecostes, facto sermone vulgari ad populum, ipsiusque festi Sacris Missarum celebratis solemnijs, mox febrium supervenientium atrocitate gravatur. Artubus quoque suis, morbo invalescente detentis, nova cumulat debilitas, quæ & proximam vocationem ad Dominum inducit, & dissolutioni irrevocabili viam parat. Propter quod ab Imperatore obtentâ licentiâ, & negotijs proprijs expeditis ad votum, se jubet ad Castrum Rudnicz langvidum deportari, cumque à suis inibi fuisset delatus, coepit paulatim corporis virtute destitui, & langvore ingruente graviùs fatigari. Egit enim circa eum Divina Clementia, ut qui sanus dotatus fuerat meritis operum, infirmus dotaretur meritis Passionum. Facto igitur per eum, prout sibi ex Concessione Apostolica Sedis licebat, provido Testamento, dum adhuc in eo ratio nativa vigeret, multis familiæ suæ inpenfis muneribus, non sinè magna devotione, cordis-

Arnesti in
Curia Ro-
mana au-
thoritas.

NB.

Arnestus à
certis Cardi-
nalibus suf-
fragium ha-
buit ad Sum-
mam Pon-
tificatum.

Arnaſti obi-
tus.

Lamentati
ones ob
mortem B.
Arnesti.

Adhortatio
Authoris
ad Prælatos
Ecclesiæ.

que contritione, animâ in DEI manibus commendatâ, die ultimâ mensis Junij, quæ fuit dies Dominica in festo Commemorationis S. Pauli Apostoli, horâ quasi Completorij, feliciter obdormivit. Transijt autem iste venerandus Antistes ex hujus mundi naufragio, Anno Pontificatûs sui vigesimo secundo, & in Ecclesia Parochiali Sanctæ MARIÆ in GlacZ, in qua dudum sepulturam elegerat, ubi etiam sibi gloriosa Virginis MARIÆ imago, prout superius tactum est, dorsum averterat, ante majus Altare sepultus; ad cuius reverentiam, & honorem, diebus singulis in aurora, Missa solennis cum Antiphona *Salve Regina*, ipso procurante, cantatur. Quantus autem luctus hominum, quanta præcipuè ob ipsius mortem lamenta fuerint Clericorum, mihi non expedit, sed nec consultum apparet, particularibus debere verbis describere, nec sermonem meum in hoc diutius protelare. Hoc solum pro conclusionem inferenda sufficiat, quòd illo irrevocabiliter sublato, mater amaritudinis Mors, nobis non ex alia causa pepercit, nisi ut nos crudeliùs laniaret. Unicum tamen nobis hujus ægræ separationis datum est ab alto remedium, ut qui corporalem nobis exhibere præsentiam prohibitus est vivus, nobis tamen remaneat jam defunctus. Discant igitur Præsules, ad instar hujus Viri mores animi sub debito pacto componere, litium in se flammæ extingvere veramque concordiam cum suis proximis efficaciter observare. Scriptum est enim: *Quisquis corpus affligit, & concordiam deserit, DEUM laudat in tympano, sed non laudat in choro.* In cassum quoque corpus atteritur, si inordinatis motibus dimissa mens vitij dissipatur. Super iracundiam eorum nequaquam Sol occidat, sed ut cum ijs ad inferendam vindictam duritia concepta senescat; fervidam enim vindictam sequi non potest justitia temperata. Discant orationibus sacris sincerâ devotione insistere, divinisque laudibus animam jugiter occupare; Justitiam in suo rigore non habito ad personas respectu, confoveant; subditorum excessus, conditione ipsorum pensatâ, reërrigant, & de facultatibus Ecclesiæ suos consanguineos non extollant. Discant in pauperes Christi largas manus extendere, sibi que per virtutem *Eleemosynæ* thesauros in cœlesti Patria congregare. Hæc est enim illa perennabilis suffragatrix, quæ velut fluentum fontis irrigui, & peccatorum inquinamenta detergit, & æstuantium vitiorum flammæ extingvit. Discant in seipsis vitiorum motus comprimere, ut possint Subditis lucis exempla monstrare. Tunc enim summus locus bene regitur, dum is, qui præest, vitiosus potius, quàm Fratribus dominatur.

*Explicit vita Venerabilis Patris, & Domini Domini Arnesti Archiepiscopi
Primi Ecclesiæ Pragensis, & Legati.*

Haftenus Vita Arnesti SS. Præsulis à Wilhelmo ab Hasenburg oculatiorum gestarum teste conscripta, quam ut Typis ederem, Amici authores fuerunt; eorundem votis quasdam aspirationes ejusdem B. Ernesti manu scriptas ad-

adjicere hoc loco æquum putavi; quas quidem in alia Codicum MM. SS. Bibliotheca (Trebonensi) repertas, manu meâ (quod Amanuenses characterem legere non possent) descripsi; est *Liber de Apibus*, seu *Apiarius*, titulum præferens, quem dum illam Bibliothecam recenserem, literâ A. notavi. In eodem Codice mihi auro contrâ caro, descripta est *Vita S. Wenceslai*, & *S. Ludmillæ*, quam (quia hætenus Typi auxilio lucem non aspexerat) in Epitomen nostram inserui; ago immortalis DEO gratias, quod in hunc Codicem tam præstantem inciderim. Sed jam ad ipsas *Arnesti* aspirationes veniamus, quas vel ideo adfero, ut Sanctitatis studiosi ejus exemplo Methodum addiscant, utiles, & præstabiles libros legendi, utque eorum lectionem (quod hic apparet) comitetur oratio, quæ cum Lectione geminam alam conficit (ut alicubi probat Noster *Nigronius*) quâ volumus in Cælum, & vel in hoc vitæ mortalis carcere clausi, æterna, & quæ mutari non possunt, mente gustemus.

In Opusculis spirit.

In Codice M. S. Cœnobij Trebonensis Canoniorum Regularium S. Augustini, folio primo Codicis hæc leguntur:

Reverendissimus in Christo Pater Dominus *Arnestus Sanctæ Pragensis Ecclesiæ primus Archi-Episcopus* Vir magnæ litteraturæ, miræq; pietatis, tanta erat contemplationis, quod paulisper nocturno tempore somni capiebat. ita quod cum compleret devotarum orationum Sacrificium matutinum, sacris lectionibus inherens in Lege Domini meditabatur. nocturna silentia (ut religiosarum, & notabilium personarum sibi commorantium veridicâ didicimus relatione) taliter indefinenter expendendo. Inter cetera verò opera suæ devotionis idem Pater legendo Libellum de *Apibus* post quamlibet historiam ipsius libelli, seu narrationi manu suâ venerabili oratiunculam, qualem se à DEO disponi secundum narrationem ejusdem historiæ affectabat, per modum cujusdam recapitulationis in marginibus ipsius libelli conscribebat. Quem quidem libellum sic manu suâ propriâ annotatum de Monasterio Saczensi accepimus mutuatum, & eum rescribi procurantes, etiam ipsas Oratiunculas ob memoriam ipsius & devotionem legentium, in præsentis nostri libro in marginibus fecimus consignari. Amen.

Authoritas hujusce libri ad B. Arnestum pertinentis.

Incipit Prologus in Librum de *Apibus*, quem bonum universale vocant. Reverendissimo in Christo Patri Fratri Humberto Ordinis Predicatorum Sacerdos humilis, cujus nomen ad præsens non urget necessitas nominari &c. Hæc Author *Apiarij*.

Arnestus: Oro te D. DEUS meus, si quid boni fecero, nomen meum non nominem, & quæ ad statum omnium, & maxime Prælatorum, & subditorum pertineant, revolvam. orari pro me sollicitans.

B. Arnesti proposita mentis nata ex sacra lectione.

Ad Præfationem. Uni Capiti Ecclesiæ, quod est, Christus, tanquam Regi obediam.

Ad Cap. I. adscribit *Arnestus*: In moribus sim sincerus; famâ redoleam; cogitem, qualis sit vita mea; gaudium habeam animi, hoc est, bonæ conscientia; provocem alios ex vita mea, & in virtutibus complear, & hominibus non me ingeram. Veri Pastoris vitam geram; materno affectu Ecclesiæ defectui condoleam, & pro his ad Orationes devotorum confugiam, ut Ecclesiæ dignus præficiar operam dem, officium meum maximâ humilitate predicationi in baculo, & zelo animarum vacando exequar, nec fallar effectum. De honore, & divitijs non confidam. Per lites Ecclesiæ non destruam. Deliberativus sim, qualis

qualis Pralatus esse debeat, ex Regulis Augustini, & Benedicti colligam. & plus factis, quam dictis doceam; aliquem eligam, quo tanquam presente, mores, & vitam meam corrigam, & eum imiter.

Ad Caput II. adscribit Arnestus: Sapientibus mundi, & secundum carnem nobilibus morigeratos, & spirituales viros praferam. Et si ante adeptam dignitatem levis vita fueram, nunc gravis in moribus, & in cura proximorum sum sollicitus. Subijciam me in omnibus rationi, & in rectum impetum meum dirigam.

Ad Caput III. Arnestus: Cornua ad indigne promoventes elevata, totis viribus reprimam. Scientiam, nobilitatem, potentiam non abutar. Proximos exemplo Joseph traham, ne beatissimam visione DEI faciei caream; flagellis tuis non abutar, ut cum tempus habeo operer bonum. Regibus recta consilia dem.

Ad Caput IV. Aculeo, id est, severitate, seu crudelitate caream. humilis, & mitissim. apud subditos meos in timore, & amore habear, iram non absorbear. Qualem in clementia te DEUM esse volo mihi, sic alijs sim. In virtute sum constans.

Ad Caput V. Quod unus principetur, & dominetur, operam dem. Schisma & divisionem non faciam.

Ad Caput VI. Coronam argenti, & auri, id est, eloquia Domini casta, & puritatem conscientiae deferam in capite.

De hac voce coelitus missa, vide Caput citatum.

Ad Caput VII. Arn: Cultu vestium superfluo, & cibo non utar, Augustini exemplo Christi, Joannis Baptiste, & Benedicti. lasciviam non dissolvam. seorsum ob voluptatum epulas non consideram. non me denudem libenter. immundus, & lubricus non sum. alterius periculo corrigo: quamvis intolerabili labori, ipsam etiam vitam, pompas, & divitias contemniam, vocem illam attendens: quare pannus ante pannosum? potius pauperibus, quae habeo, distribuam, quam seculares distrahant.

Ad Caput VIII. Qui ceterorum pondus portare debeo, pra alijs charitate, & virtutibus excellam.

Ad Caput IX. & X. Arnest. Querulosus propter occupationes varias non sum, qui pluribus intentus. Sed tanto moderamine rerum spiritui serviam, ut suo tempore spiritualibus, temporalibus, & orationi vacem. Predicatoribus, quia laudant, benedicunt, & praedicant, faveam.

Ad Cap. XI. Pralatum sequar, & non ut lupum fugiam. & subito occasionem fugiendi non praebeam. cum inferiore sic vivam, qualem mecum meum velim vivere superiorem, & clementer instruam, & cum eo converser, stetit enim JESUS in medio discipulorum, & dixit: Pax vobis.

Ad Cap. XII. Arn. Christo D. obediam. non serviam ad oculum. Pralatum meum tanquam semper presentem, respiciam, & si gravis sit, solum DEUM precibus invocem ad jutorem.

Ad Cap. XIII. Arn: Exeuntem Pralatum ad negotia subditi orationibus adjuvent & compatiantur.

Ad Caput XIV. Per contemplativa non impeditur Regum familiaritas.

Ad Caput XV. Pralati prius subeant gravia, quam subditis imponant.

Ad Caput XVI. Nunquam Pralatus otietur, sollicitetur circa actus subditorum et jam exempli gratiam manibus laboret.

Ad Caput XVII. Arn. Solum, ubicunque sit, non decet esse Pralatum.

Ad C. XVIII. Assistant Pralatis adjutores, & defensores. Et moderatè debent vitia corrigi.

Ad C. XIX. Nota contra Pralatos impatientes quietis, & vagos.

Ad C. XX. Pralatus ad negotia sine necessitate non exeat. Item exire volens prius se DEO devotè commendat. cura animarum, nisi ex causa valde necessaria, periculum est

Ad C

Axiomata boni Pastoris Ecclesiae

- Ad C. XXI. Arn. *Prelati, errantes cum omni dulcedine revocent exemplo Christi.*
 Ad C. XXII. *Interest cuilibet homini pacifice vivere, etiam exemplo irrationabili-
 um odia, & discordias vitare, maxime Ecclesiasticis.*
 Ad C. XXIII. *De obedientia, & malis, qui non obediunt Superioribus.*
 Ad C. XXIV. *Bellum cum orationibus contra Sathan ineundum.*
 Ad C. XXV. *Impossibile est Praesides non fatigari, & sunt à subditis relevandi.*
 Item *diffimulari potest nequitia, sed non in longum.*
 Ad C. XXVI. Arn. *Lugendus est Pralatus mortuus. Salvatoris Passio est valde plan-
 genda, & mors pro eo expetenda.*
 Ad C. XXVII. *Nullus presumat de se, quia & diabolus Dominum tentavit, etiam
 in Cruce morientem. Item nullus decedit sine horrore demonum.*
 Ad C. XXVIII. *DEUS iratus multis non parcit. Orationibus bonorum totus mun-
 dus juvatur.*
 Ad C. XXIX. *Prius subdi debebant pecora homini, sed modò homo homini. Item
 subduntur homines dura cervicis propter peccata. Item Christus habuit membra ligata,
 sed patens os ad orandum.*
 Ad C. XXX. *Adversus Sacerdotem de facili non admittatur accusatio.*
 Ad C. XXXI. *Clerici vilia servitia sibi fieri non patiantur, maxime ab humilibus.*
 Ad C. XXXII. *Tutius est inurbationibus stare.*
 Ad C. XXXIV. *De diligendis, & honorandis Parentibus, in quo turpior est homo
 omni animali.*
 Ad C. XXX. VI. VII. *Nota, quàm diligenter laborandum, & otium vitandum
 sit. Item excusantur Predicatores, & minores à labore manuum, & nota hîc de eorum
 spiritali labore. Nota hîc de B. Virgine Patrona. Quàm periculosum est tribulare homi-
 nes innocentes!*
 Ad C. XXXVIII. *Simul est habitandum, & maxime religiosi non sint sine socio.*
 Ad C. XXXIX. *Religiosi propter hospites non fraudentur. Extra refectorium in-
 ordinate, & sine debita causa non est vescendum. Nè facias ipse, quod veras.*
 Ad C. XL. *Silentium commendatur, & maxime Religiosis.*
 Ad C. XLI. *Nota pulchra de Pace, & prius cum Deo, cum corde tuo, & proximo.*
 Ad C. XLII. *Sancti diversis, sed non adversis vîs diriguntur ad Patriam.*
 Ad C. XLIII. *Hîc est melius corrigi, quàm in futuro. Natura licet delicata, & com-
 suetudo, virtutis exercitio vincuntur.*
 Ad C. XLIV. *Contra peccata rigiditas est habenda.*
 Ad C. XLV. *Claustales nimis exterioribus se commodantes, fiunt iracundiores.*
 Ad C. XLVIII. *Hospitalitas non sit simulata.*
 Ad C. L. *Felix MARIA propter virtutes singulares Api assimilatur.*
 Ad C. LII. *Si non habes omnimodam virtutem, certes saltèm habere aliquam. Sub-
 veniendum est pauperi, suscipiendus hospes, vestiendus nudus. proximus non despicien-
 dus, sed fovendus.*
 Ad C. LIV. *Prelati deficiente auxilio humano recurrant ad Orationes.*
 Ad C. LV. *A servitio Christi nulla atas excipitur.*
 Ad C. LVI. *Virgo Sancta MARIA da veram Confessionem!*
 Ad C. LVIII. *Libido fel dici debet omnium peccatorum. hoc vitium de omnibus est
 verecundum. Maxima pœna est peccare. Castitatem tueri licet, sicut corporis vitam.*
 Ad C. LX. *Propter peccatum gratuita perduntur, & etiam naturalia debilitantur.*
 Ad C. LXV. *Maximè fructificantibus bona opera, nocere non debemus.*
 Ad C. LXIX. *Grati esse Deo debemus, in Psalmodia, & Cantu. Item de contempla-
 tione anima, quæ est mentiis jubilus.*

Oratio est
bellum cū
Satana.

Liber II. de
Apibus.

Ad C. LXXIII. *Tempore Pacis, justitia, doctrina, & alijs bonis poterit vacari, non sic tempore turbido. Nota: contra te, & negligentias, & procrastinationes tuas, cum tempus habes &c.*

Ad C. LXXVII. *Applausu Diaboli, & tinnitu, servi ejus gaudent, ut in tormentis, quae valde sunt periculosa. Ludus taxillorum plenus est vanitate.*

Ad C. LXXVIII. *Conscientia mala nihil est tristius. In morte cuilibet pavendum est. In morte, & in infirmitatibus, per diabolum vana, & presumptuosa exaltatione audacia suggeritur.*

Ad C. LXXIX. *Virtus vera Penitentia vita est anima. Habitum negare in extremo vita non debemus. In recipiendis Apostatis penitentibus difficiles esse non debemus. Magna prudentia est in presenti penitentiam agere.*

Ad C. LXXXI. *Ad mortuos plurima Sanctorum suffragia referantur. Magna peccati, & periculi est tardare, vel negligere Testamenta. Magna merces est inscientia docere. Quam bonum est dare operam, ut Sacerdotes fiant!*

Ad C. LXXXII. *Quam felicissimum erit videre Christum! Fratres non debent sollicitari, quis eos ad refectionem suscipiat.*

Ad C. LXXXIV. *Efficax locus deceptionis est diabolus, super cibo & potu effusio.*

Nocte demonibus plus permisum, quam die.

Ad C. LXXXVI. *Nocte quadam Damonia virtutem nocendi accipiunt, quae lucescente die habere non possunt.*

Ad C. LXXXVII. *Diligendus Deus, quia formosus, bonus, dulcis, generosus. Semper super se pingenda est manu Domini Crux contra daemones, qui & dormientes vexant. Ibi Nota hic contra Reges pretiosos, & purpuratis vestibus utentes, & unam Missam audiente.*

Explicit Liber bonus de Apibus. Incipiunt quaedam notabilia bona de gaudio & pulchritudine coelestis Patriae.

Arnestus: *Summe Pater patra, ut in caelo esse desiderem, ad videndam tui vultus claritatem!*

De devotione. Arnest: *In specie parvuli JESUM tuum videre desiderem!*

De Pagano. Arn: *Omnia pro te relinquam, ut centuplum accipiam, & vitam aeternam possideam.*

De Cruce. Arn: *Crucem assumam! amor mei me non trahat! horror visus puti nunquam discedat a mea memoria.*

De B. Virgine. Arn: *Ecclesias libenter visitem, & orem. contractos, & infirmos relevem. crucifixo obediam.*

Iterum de B. Virgine. Arn: *Eleemosynas faciam, & B. Virginem frequenter salutem cum lacrymis. ad Confessionem veniam, ut a demone per MARIAM liberer! ad evadendum peccatum, confusionem, & tristitiam, ad MARIAM confugiam! daemones non conjurem! & MARIAM, quae ita mihi fideliter subvenit, semper honorem!*

De B. Virgine. Ave MARIA, cum reverentia ante altare transiens dicam! & vitia, quibus delectatus sum, deseram! tibi Domine, & Matri misericordiae ferventius serviam, & in bonis operibus vitam presentem finiam. Amore carnali in faminam maxime illustrem non accendar! In omni tribulatione, & opere Ave MARIA murmurem! consuecam honorare Virginem, & ex devotione audaciam colligam. Et, si nil aliud discere, & dicere possum, saltim floridum, & aureum Ave MARIA semper ruminem! Ad spem salutis Divinis eloquijs reducar. Silebo ob honorem MARIAE. ab omni latrocinio, & iniquitate cessem! Ego mutus, silebo: ob reverentiam in Calis coronata jejunem, & a peccato carnis omnino abstineam, ut per Virginem a demonibus eripiar! In tribulationibus non turber! demonis voluntatem nequaquam perficiam, & Virginem nunquam abnegem. Lantia non queram, ex visione corrigar, ut Electuario Virginis refociller. Imaginem Virginis ornem.

Ad C. de Sacramento Eucharistiae. Arn. Corpus Christi valde revereat, ut qui peccavi omni modo peccandi in carne mea. Recipe me in gratiam tuam, & merear audire à te: recognosco &c. Appropinquare ad Corpus Christi, nullus me horror impediat, & ipsum revereat, & devotè suscipiam, & saltè unum Pater noster cum Ave MARIA Corpori Christi ad honorem dicam, ut in fine viatico maniar. Devotè communicare cupiam, & utinam cum communico, decantari audiam ab Angelis: speciosus formà prae filiis hominum. Ubi Corpus Domini invenere improvidè lecatum, cum summa diligentia ad Ecclesiam deferam. O salutaris hostia &c.

Ad C. de Pœnitentia. De eo, quod malè feci, summe doleam; & noctes insomnes ducam. Nullum in desperatione ponam; pœnitentem benigne pertractem. hostiâ salutari, & eleemosynis, & suffragiis peccata mea redimam, nè maximo tempore in Purgatorio puniar.

Ad C. de Pœnitentia. Ar. Honores non ambiam, & maxime ad Episcopatum non anhelem, nec pro favore Canonico expendam, vitam durissimam ducam, peccata luceam, & paucitatem salvandorum respectu damnatorum ponderem. Hic purger & corripiar. De omnibus factis meis ore infrunito crucier. Abique peccare timeam, quia Dominus ubique est. occasionem ex me alijs peccandi non dem. ex omnibus peccatis meis quasi sarcinam faciam semper illa deflens, & confitens. Nihil habeam terreni cum quo me occupem, nè per diabolum decipiar, & utinam tantum pœniteam! quasi bestia reputer! manibus, & pedibus semper reptando, quousq; me Dominus respiciat. bonitatem DEI circa me considerem. Deprecans conterar. ad misericordiam peccanti, maxime pœnitenti fleat, tibi DEO me conformem, & te sequar! Paupere petente, non turber, nec insultem. pensem, quia omnes actus mei in statera librabuntur. in tantum summus Eleemosynarius efficiar, ut omnia mea dem Christi pauperibus. & utinam me ipsum in servum venderem! illud pretium pauperibus largirer!

Ad C. de Eleemosyna.

Ad C. de aeterna gloria. Arn. Quamdiu vivo jugem Passionis Dominica memori- am habeam, ut in corde meo gemmam splendidam ponam! semper tristis cogitem de peccatis meis, de Christi Passione, & tormentis inferni, potius quam jocunder.

Ad C. de Passione Christi. Ar. Utinam in vulnera Christi lateris omnia mihi durat intingerem, & sic mihi sapida fierent!

Ad C. de Timore mortis. Arn. Cogitationem de adventu judicis ad instar incarcerationati semper habeam.

Ad C. de Contemplatione. Arn. Aliquod gaudium Paradisi utinam in hac vita videre concederes!

Ad C. de Amore. Arn. Latenter curram ad monasterium, sicut ad epulas per amicum meum Christum invitatus. Propter cælum, terram relinquam.

Ad C. de Peccato. Arn. In mea sepultura Angelus bonus nares non obstruat, & in conspectu tuo propter peccata non fœteam.

Ad C. de Paupertate. Arn. Hic etiam ut à belluis manducer, & non in futuro puniar, & glorificem re super tuis judicijs.

Ad C. de vita solitaria. Arn. Si in mea infirmitate aliquis me non consolabitur, saltè Angelus Domini mihi ministret.

Ad C. de Infidijs Diaboli. Arn. Christum potius in illa vita, quam in ista videre desiderem. De Scripturis Sanctis, & de utilibus conferam. Verba spiritualia, & non detra- ctoria libenter audiam.

Ad C. de Infidijs Diaboli. Arn. Ab astutia dæmonis sub specie bona mihi consulentis caveam, & ab eo per Confessionem liberer, & sic eum valde subtiliter decipiam.

Ad C. de Tentatione Diaboli. Arn. In tentationibus me signo crucis muniam, & ad Ecclesias, & crucifixi virtutem confugiam. Cum tentor carnis vitio, orem illum Da-

vidis verum: Confige timore tuo carnes meas. nec putem me posse vivere sine tentatione. & ideo quandocunque venit, illi viriliter resistam.

Ad C. de Oratione Arn. Cœmeterium non transeam, quin pro defunctis exorem.

Ad C. de humilitate Arn. Partem majorem in cibo pauperibus reservem. leprosum in necessitate non deferam. Episcopum illum sanctum naturam vincentem, & linguam linguam sordes leprosi utinam imiter!

Ad C. de Eleemosyna. Pauperes, & hospites invitem, & utinam inter eos Christum reperiam!

Hæc An. 1664. 24. Decembris exscripsi; potiora, & lectiora scilicet; quæ minùs singularia visa sunt, omisi.

§. LIX.

Vita Sancti Joannis Nepomuceni, Canonici Metropolitane Ecclesiæ Pragensis, Decani Collegiatae Ecclesiæ ad Omnes Sanctos in Arce Pragensi; ob arcanum Sacrae Confessionis servatum, in profluentem Muldavam abjecti, & merfi; qui Tutator & Patronus eorum habetur, qui infamiam timent, & de bono nomine amittendo periclitantur.

Ex libris editis, & Veteribus MM. SS.

An. 1383.

Paulus Zidek in Chro: Boh. M. S.

In adversis magis eminet virtus.

Cochl: in historiæ Hussit. lib. 2.

Nullum unquam tam infelix, tam sterile, ac tam inimicum bonis sacculum Christianæ Reipublicæ illuxit, in quo nasci, & crescere Virtus non posset, imò quæ deteriora fuere tempora, eadem feraciora fuere Sanctitatis; adversa enim virtutem non frangunt, sed faciunt, & factam corroborant, quod vel in Bohemia nostra, Wenceslai Regis ac Caesaris (Caroli IV Caesaris filij degeneris) Imperium satis ostendit, qui cum Princeps esset Ignavissimus, idemque in luto sanguine macerato (quod ei prius in baptismo, & in Coronatione contigit) sederet, id est, libidinosè, & crudeliter regnaret, tamen in tanta universi Regni à capite suo corruptela, Ecclesia Bohemica, & præcipuè Pragensis Metropolitana, tam insigni numero virorum summæ generis claritate, doctrinâ, rebus fortiter pro Ecclesiæ immunitate gestis; vitæ innocentia ac sanctimoniâ, cæterisque magnorum Sacerdotum virtutibus luculentum abundavit, ut non ferrea Neronis, sed gemmea Constantini tempore rediisse viderentur; de his illustribus Pragensis Ecclesiæ Viris alio in Opere agemus, nunc B. Joannis Nepomucensis, vel, ut alij volunt, Nepomuceni, vitam, & mortem brevissimo compendio perstringam, idque in Arcani Confessionis Sacramenti (cui ille vitam suam impendit) honorem. Ac nihil ego quidem dubitem, tanti Martyris vitam pridem conscriptam in Antiquitate fuisse; at Hæresis, quæ B. Joannis mortem excepit, iisdem flammis, quibus

Cæno-

cenobia omnia, & Tempia apud nos arserunt, corruptisse videtur; quæ igitur de B. Martyre adferemus, in multis Manuscriptis, & Typo expressis Codicibus reperta, & in unum summâ fide collecta, non tam diligentia meâ, quàm fâlicitati, quod inventa sint, adscribantur.

CAPUT I.

Nativitas, educatio, & prima Pietatis, ac literarum studia B. Joannis Nepomuceni.

Natus est B. Joannes Nepomucensis in Bohemiâ Oppido *Nepomuk*, vel ut Veteres dicebant, *Pomuk* in Pilsnensi regione, *Pragâ* Bavariam versùs magnis decem milliaribus. Oppidum *Nepomuk* artifodinis quondam nobile, tum religionis antiquæ vestigijs, nec minùs monte, qui oppido incumbit, & *viridis* dicitur, celebratum est, quod nimirum in eo Monte (ut ex *Bohemicis Annalibus* constat) *S. Adalbertus Pragensis Episcopus* Româ ad Bohemos suos rediens, multis annis negatam *Bohemiâ* pluviâ, Sanctissimæ Crucis signo cum bonis precationibus in campos latè subtusjacentes efformato, statim Cœlo deduxerit, & primùm hunc montem, totam deinde reliquam *Bohemiâ* gratissimo herbarum virore recreârit. Quo Anno B. Joannes editus sit in lucem, scire non possumus, ex ætate reliqua suspicamur inter Annum 1320. & 1330. ortum esse. Parentes Oppidani, & mediæ fortunæ fuerunt, pietate magis, quàm genere, aut fortunâ conspicui; pietatis hoc indicium est, quod ætate jam senectâ, cum prole omni carerent, precibus, & votis ad *DEI Matrem*, quæ in statua sua sub *viridi monte in Cænobio Cisterciensium* religiosè colebatur, fusis, impetrârunt filium; cui ut affectûs erga *MARIAM DEI Matrem* ipso nomine admoneretur, *Joannis* imposuere nomen; at non uno beneficio contenta *DEI Mater*, quæ nuper ex utero sterili *Joannem* eduxerat, & propè creaverat, eadem recreavit: nam, cum puellus *Joannes* in gravissimum incidisset morbum, voto ad ejusdem *Divæ Virginis* simulacrum edito, & oblati in ætatem reliquam obsequijs, protinus surrexit incolumis. Sed ante id quoque servi sui sanctimoniam, & cœlestem vitam cœlesti indicio comprobaverat *DEUS*: nascente enim *Nepomuci Joanne*, serenissimæ quædam flammæ cœlo visæ descendere, amabili, & innocenti luce, gratissimo Civitati spectaculo, totam *Domum*, in qua *Joannes* nascebatur, circumfuderunt. Hoc flammarum augurium sanctissimis quibusdam viris concessum, B. Joannes totâ reliquâ vitâ, ardentissimis ad Populum sermonibus, & ignitis ad *DEUM* precibus approbavit, eadêmque flammæ cœlestes etiam mortuum sunt comitatæ, &mersum in fluminis alveo prodiderunt. Sed in historia præverti non decet. Puer *Joannes*, ut primùm fari per ætatem potuit, formulam sacrificio Divino mini-

*Hagekin
Annal. Boh
Pon. in Boh:
Pia.
Chan. in Va
st. Boh. Pia.*

*B. Joannes
ex sterili
Conjugio
natus.*

*B. Joannem
radij lucis
sæpe comi-
tantur.*

Sancta pue-
ritia B. Jo-
annis.

studia ejus.

Acta Deca-
ni Philos.
Facult. Ca-
rolinae Univ.
M. S.
Archiv. Ca-
rolinae Univ.

Regula Sa-
crofante
Wissehrad.
Ecl. M. S.

Quomodo
se ad Sa-
cerdotium
suscipien-
dum com-
paravit.

strandæ exactè perdidicit, eaque in usum deductâ, nullo postea impellente, quotidie cum prima Aurora ex Oppido, ad *Cisterciense Cœnobium* decurrere omnibus ex Ordine, quotquot sacra facerent Sacerdotibus, ad aram servire consuetudinem sibi fecit, tantâ, tamque pertinaci pietate, ut jam velut domesticus, & sacrificiorum stabilis administer inter altaria versaretur, quo parvo quidem in speciem, sed non planè futili ad extremum argumento, magnum aliquid se jam tum in *Puero Joanne* videre multi credebant. Erat enim cum dulci pietate, acre, vividum, & igneum quoddam ingenium, cui ut Parentes copiam crescendi darent, *Zatecium* ad celebres Latinitatis scholas miserunt; hinc elementa *Grammaticæ Latinæ* prima, ac reliquas Humaniores disciplinas egregio profectû, & rarâ ingenij commendatione percepit. præcipuè juveni ad bonas spes genito *Eloquentia* placebat, ad quam eum natura ipsa conformarat, & finxerat. Plerumque enim Genio, & ingenio ducente in studijs nostris sequimur, quod nos assequi posse confidimus; sine spæ captare profectum, irritus labor est. Cum jam *Zatecij* nihil restaret discendum, ad altiores scientias, & non linguam tantum, sed pectus ipsum excolendum, *Pragam* contendit. Paulò antè ea tempora *Universitatem* studiorum *Pragæ* excitarat *Carolus IV. Imperator*, & conquisitis ex omnibus literatis Regionum urbibus (*Paduâ, Bononiâ, Parisijs*) Magistris, omnis doctrinæ humanæ, & Divinæ Scholas aperuerat; ad eos sese applicuit *Joannes* noster, ac primùm *Philosophiæ Magister* inter primos, tum *Theologiæ*, ac *Sacrorum Canonum & Decretorum Doctor* creatus est; Theologiam ad Ecclesiasticam Collegialem *S. Apollinaris* (ubi ea frequentissimè docebatur; nam ex vicina *Wissehradensi Ecclesia Clerici* omnes huc itabant) audivisse constat ful optimis Magistris; cæteras scientias, in quibus Collegijs perceperit, incertum est.

CAPUT II.

B. Joannis Sacerdotium, cura animarum, tum cætera munia, & honores.

JAm pridem ex quo literis dare operam cœperat *Joannes*, ad Sacerdotium & animarum obsequia vocari se senserat, ardentius etiam cum prope metam esset, ad id ferebatur; quamvis verò studijs literarum, Pietatem, & virtutem semper conjunxerit, tamen cum existimaret, quo quis magis ab animi cultu comparatus ad suscipiendos *Sacros Ordines* accedit, eò postea facilius in animarum salute versari, integrum mensem ab omnibus profanis negotijs vacuum, Sacerdotio præmisit, quem mensem totum in afflicto corpore, repurgandâ conscientia, impetrandis cœlestibus ad tantum, tamque Divinum munus auxilijs, piisque commentationibus, & in providentia & consilijs in futurum, traduxit. Ex hac solitudine egressus, & sacris, initia-

tus,

is, cum nullas ad populum phaleras, & *mulsa*, ut ait Comicus, *dicta*, sed spiritu Divino animata verba, & Divina sensa velut hastas amentatas, aut potius ipsos currus falcatos in subjectam Concionem ex alto immitteret, & renaret in animis, ex Auditorum motu, lacrymis, & magis emendatione vitæ, revè præstantis *Ecclesiastæ* nomen apud Pragensem populum est adeptus. Itaque commendatione omnium, *Joanni* in Basilica Beatissimæ Virginis ante *atam Curiam* (vulgò *Tein* vocant) in *Antiqua Urbe Pragensi*, primario Urbis loco, Concionandi munus imponitur. Difficile videbatur, Auditores maximis Concionatoribus audiendis assuetos tenere: succedebatur *Conrado Austria* (quem unum ætatis suæ disertissimum *Praga* crediderat) succedebatur *Joanni Militio* non ità pridem extincto, quo dicente, unà omnes *Matronæ* Pragenses luxum vestium abjecerant, Meretrices magno numero *Cœciliæ* obijt poenitentes sese incluserant, Lupanaria Cives dejecerant; tamen *Joannes* noster omnem illam Populi expectationem implevit, & desideria priscorum extinxit, prudentissimâ modestiâ, contentioso genere dicendi, & in excelsis in *Ordines Mendicantes* invecivis semper abstinens (ut tum erant *studiosa tempora*) quod superioribus illis grave apud multos odium, *Romæ* accusationes, ac propè exitium legimus attulisse. Jam *Joannis* labor, doctrina, virginitas, & parta tot meritis apud omnes autoritas altiore gradum merebantur; *Joannes* quoque *Joannis Archiepiscopi Iragensis* commendatione, de communi *Canonicorum* omnium sententia, in *Collegium Canonicorum S. Metropolitana Pragensis Ecclesiæ* adlegitur, simulque ei in *Ecclesia S. Viti Metropolitana* ante *ex vi* Cæsarem concionandi munus offertur; diu *B. Joannis* modestia expugnari non potuit, cum se eo loco indignum diceret, omnium denique vocibus succederetur, clamantium: *Joannem* eò digniorem esse, qui non ut cæteri, honores quæreret, sed ab honoribus quæreretur. *Canonicus B. Joannes*, in *Ecclesia S. Viti*, compluribus annis *Ecclesiastæ Bohemici* munus obijt, quem non modò Rex, & Aula universa, sed ipsi etiam qui olim in *Tein* audierant, æquebantur. Præcipuum Concionum argumentum poenitentia fuit, tum adversus licentiam Nobilium, & aulæ, adversus ebrietatem, quæ tum invaluerat, adversus luxum, ac cæteros corruptissimi illius sæculi mores contentio; nondum *Wenceslaus Imperator* ad imum malorum devenerat, itaque viri doctrinâ, sapientiâ, & interioribus literis captus, audito *Joanne*, multa faciebat. Tradunt Veteres Memoriae, cum fortè per id tempus *Sedes Episcopalis Litomislj* vacaret, à *Cæsare Joannem* ad id munus fuisse propositum, sed *Joannes* oblatam dignitatem recusavit accipere, multisque allatis in speciem probabilibus causis evicit. *Præpositi Wissehradensis* dignitas eo tempore par erat primis; *Princeps, Regni Cancellarius*, primus post Archiepiscopum Regni Primatem, *Præpositus Ecclesiæ* illius habebatur; adde opum vum: nam annui Proventus ad 80. florenorum Ungaricorum millia ascende-
debant;

Celebris Ecclesiastes evadit.

Honores B. Joanni collati.

Argumentum ejus Concionis ad Aulicos.

Divitiæ Ecclesiæ Wissehradensis

debant; summa ingens, quæ nondum aperte navigatione Indijs, alterum tantum in hodierna Moneta conficeret; hæc quoque dignitas B. Joanni Wenceslao Rege ac Cæsare oblata est, sed & hanc repudiavit, quod abstrahere potuit, scilicet *Eleemosynarij* munus (dignitas est in Aulis Regum usitata, & gratiosa) à Rege & Regina oblatum; quo in munere ita sese probavit ut ejus dexteritatem, & solertiam Aulici, misericordiam Pauperes, prudentiam, & in distribuendo Justitiam commendarent omnes. *Decanum* infu-

*Zidek in M
S. ad Regē
Georgium.*

nem hoc tempore fuisse *Paulus Zidek* affirmat. Crescebat in dies viri Sancti authoritas; itaque Imperatrix (*Johanna nomine Alberti Bavaria Ducis, & Comitum Hollandia filia*) Matrona candore animi, morum innocentia, pietate, ac cæteris virtutibus spectatissima, quæ B. Joannis sacra dictione mirum in modum tenebatur, & validissime ad omnem virtutem se incitari sentiebat, hunc sibi Conscientiæ suæ arbitrum, hunc vitæ Magistrum, hunc Patrem d-

*Confessarij
Reginæ &
Cœnobij
Georgiani;
tum Elee-
mosynarius
Regis.*

legit. Valuit ad plures exemplum: Religiosæ Virgines in *Parthenone* sacro ad D. Georgium in Arce Pragensi, & ipsæ B. Joanne docente, & ducen- ad summum Religiosæ virtutis apicem, non tam passibus, quàm volatibus ferebantur. Veteres quædam Memoriae addunt, B. Joannem *Metropolit- na Ecclesia Decanum* hoc tempore electum esse; at cum Inscriptio sepulchri hoc titulo careat, & meliores Codices non subscribant, credibile est, errorem subesse. Id certius in B. Joanne hoc tempore, *Sanctam Pragensem Ecclesiam* Oraculum quoddam doctrinæ, atque ut sic loquar, *sententiarum* Magistrum habuisse; tanta enim erat de viri virtute, & sapientia existimatio, quidquid B. Joannes consultus statuisset, id partes velut æquitatis plenius probarent, ac sine contradictione sequerentur, atque ejus rei veteres quidam Codices faciunt fidem, ubi in causis difficillimis, quæ per sententias Judicum finiri non poterant, Joannes Nepomucenus Arbiter, atque (ut illi loquuntur) *Laudator* eligitur, idque B. Virum fiduciâ doctrinæ & pacis amore suscepiss, ac pronunciâsse, ex sententijs ipsis, quæ recitantur, cognoscimus.

C A P U T III.

B. Joannes ad prodendam Reginæ Confessionem à Cæsare necquicquam sollicitatur.

*Wenceslaus
Rex deterio-
r evadit.*

*Chron. ma-
gnū Belgij.
Paul. Zidek
in M. S. ad
Reg. Georg.*

Interea *Wenceslaus Cæsar* (ut lubrica omnis nequitia est, & in descensu & casum præceps) quotidie seipso evadebat deterior: Reginam Joannam quam oderat præsentem, & ferre non poterat, eandem absentem depe- bat. Prævum de se, & educatione corruptum *Wenceslai* ingenium (ut m- torum fert opinio) philtis quibusdam magicis efferaverant, & prorsus ex m- lo insanum effecerant scelerum administri. Non est hic locus licentiosa illa

am, cruentam, & maculosam vitam describendi; eorum temporum con-
 alantur *Annales*. Annus agebatur post Christum natum 1383. *Regina*,
Wenceslai quotidianis sceleribus offensa, cum nullum ex rebus humanis so-
 cium amplius caperet, neque per mariti suspiciosos oculos capere posset,
 crudelitatem maximè *Wenceslai* perhorrescens, qui etiam mensam, dapésq;
 Regias cædibus, & sanguine aspergere nihil pensi habebat, quod tutissimum
 videbatur, omnem mundi amorem abjicere, uníque se DEO totam (quan-
 tum vita conjugalís sineret) donare constituit. Nulla res animum, DEI
 amore semel occupatum, magis DEO adstringit, quàm gravis, diuturna, &
 quam tuo capiti continenter impendere videas, calamitas. Itaque *Regina*
 Tribunal sacrum adire frequentius, cum lacrymis minimas quasque labecu-
 las aperire, afflictare sese, egenorum curam suscipere, DEUM assidue pre-
 miri, ut meliorem *Cæsari* mentem dare vellet, orare. Quod *Wenceslao*, si
 aperet, placere debuerat, id vertit in odium; incessit deinde libidinosum,
 & furiosum *Regem* cupido: si quo pacto rescire posset, quid *Regina* ad sa-
 crum Tribunal adferret, quas præcipuè noxas aperiret, quid de ipso marito
 cogitaret, an quem alium amaret, aliáque hujusmodi, quæ sibi stulta Tyran-
 nis amore accensa, & suspicionibus cincta, potest & solet confingere; hæc
 ipsa *Regina* interrogando exprimere non poterat. Vocat *B. Joannem*,
 quem unum omnium secretorum conscium esse sciebat, tum quasi aliud
 agens, mentione *Reginæ* injectâ ad *Confessionem sacram* paulatim delabitur:
 Uxoribus eam esse subjectionem, & conditionem, ut earum omnia marito
 nota esse oporteat, maximè in familijs Regum, ac Cæsarum; opes deinde,
 honores, & quidquid felicitatis à se *Joannes* expectare posset, verbo Regio
 pollicetur, si induceret in animum, vel pauca quædam, quæ *Joanni* in Tri-
 bunal sacro *Imperatrix* confessa esset, uni sibi concedere; id sibi pro omni
 solatio futurum. Exhorruit ad sceleratas Preces *Vir Beatus*, & gravi, libe-
 raque oratione, quantum crimen esset, quod petebatur, ostendit, damnaret
 proinde curiositatem suam *Rex*, & quod fieri non posset, desiderare etiam
 ommitteret. Comovit objurgatio hæc sulphuratum, ut ita dicam, *Princi-
 pem*, repressit tamen sese, cum cogitaret, sæpe qui in primo assultu, & cona-
 tu fortes se probârint, ad secundum, & tertium mollescere, & loco cedere;
 primam hanc admotam esse machinam, quæ, si non processerit, fortiore
 sc admoturum, quæ victoriam extorqueret. Nec diu absuit, quod animum
 ægrum exulceraret magis: fortè *Cocus Regius Caponem* malè assum ad Regis
 mensam miserat; ea res improvisa in tantam egit rabiem *Wenceslaum*, ut
 omnis humanitatis oblitus *Cocum* alligatum veribus continuò admo-
 veri flammis jussit; perculsi barbarâ crudelitate Aulici omnes horrore pallere,
 se mutuò intueri; videbant si quid paululum titubâssent, eadem sibi suppli-
 cia parata, itaque attoniti factum silentio damnabant; unus *B. Joannes*, qui

Regina pie-
 tati totam
 se addicit.

Sollicitat
 à Cæsare B.
 Joannes ad
 arcana Con-
 fessionis
 prodenda;

Chro. Mag.
 Belgicum
 apud Mar-
 qu. Freber.

Cæsar à B.
Joanne re-
prehenfus
exardescit.

Conjicitur
in carcerem
B. Joannes.

tum versabatur in Aula, postulato ad *Cæsarem* aditu intrepidè accessit, ac primum verbis mollibus negotium tractare, cumq; apud iratum, & sui impotentem *Principem* nihil valerent, sententijs gravibus facti atrocitatem explicare coepit. Paucissima verba *Joannes* protulerat, confestim irritabilis, & crudelissimus *Princeps Satellites* inclamat, nullâque Sacerdotalis, & honoratissimi Ordinis reverentiâ, nullo etiam ad Majestatem Regiam respectu, rapi, & in ultimum carcerem detrudi jubet; ibi aliquot dies squalore, & horrore loci, tristissimisque tenebris, tum fame, & siti propè enectus exegit, in DEO solo acquiescens, eoque lætus, quod pro ejus honore, & amore dignus habitus esset & carceres, & contumeliam pati.

C A P U T I V.

B. Joannis fortitudo, & constantia in tormentis extremâque ejus ante mortem gesta.

Non ignorabat *B. Joannes*, quod Regis ira spectaret: nam etiam *Cæsar* *Custos* monuerat, unam esse salutis viam, si *Cæsar*, quæ petierat nuper, impetraret; at *Beatus Martyr* obfirmârat animum, & mille es mori, quàm quidquam ex sacra Confessione efferre decreverat. Paucos dies intercesserant, cum ecce honoratus Vir à Rege missus apparens, nunciat Regem eorum poenitere, quæ in *Joannem* illiberaliter admisisset, proinde oblivisceretur, quæ gesta essent, ac liber abiret; sed ut firmior foret receptum ad gratiam, cras ad Mensam Regiam nè gravaretur accedere; venit *Joannes*. & summâ significatione honoris, mensæ Regiæ adhibetur. Remotis mensis, & arbitris, *Cæsar* causam, cur ad se accersiri jussisset, aperit, quiescere se non posse, dum quæ *Regina* in sacra Exomologesi in aurem dixerit, & peccata ex ordine omnia, pandat; miscet blanditias, pollicetur silentium, modò dignitates, & præmia offert, modò carnificinas omnes minatur, nolit iram prius experiri, quàm gratiam. *B. Joannes* excelso animo honores perinde ac minas contemnere, *Confessarij* munus explicare, silentij Sacrosanctam legem extollere, poenas temporales, & sempiternas ijs, qui secretum non tenuerint, constitutas, exaggerare, denique *Regem* monere, abstinere captandis, quæ uni DEO cognoscenda servantur; sine Sacrilegio talia tentari non posse; in cæteris omnibus Regis imperia adorare se, unum hoc deprecari, quod si mille mortes subeundæ essent, non faceret. *Rex* ardens iracundiâ sine mora *Carnificem* (quem semper habebat ad manum, & *Patrinum* per delicias appellabat) cum socijs adesse jubet; à quibus ad carcerem tractus crudelissimè in catastra extenditur, & facibus admotis torquetur. Adfuisse supplicio *Cæsarem* (etsi id à nemine traditum legerim) cætera ejus vita probabilem facit conjecturam, quod spectaculis ejusmodi oblectari, & oculos pascere consuevit.

Iterum B.
Joannes à
Cæsare soli
citatur.

Torquetur
in carcere;
ejusdem in-
tormentis
constantia.

veviffe accepimus, tum etiam, quòd speraret jam se in tormentis auditurum
 andem, quæ nunquam antè *Joannes* efferre voluiffet. At *Vir Beatus*, &
Christi Martyr, abftractâ, quantum licuit à fupplicijs præfentibus mente, fa-
 cra *JESU*, & *MARIÆ* nomina ingeminans, nullum aliud verbum prolocu-
 tus, dolores omnes fuos, vitam & mortem Domino commendabat. Nihil
 fibi diligentia ad summam diritatem reliquum fecêre cruenti *Carnifices*, præ-
 fertim *Cæfaris* urgente præfentiâ, tamen omnis illa carnificina intra *Joannis*
 patientiam fuit; denique, cùm proficerent nihil, defeffi, *Cæfare* abeunte, de-
 ftunt, ac de catafta depositum deferunt. Veteres codices cœlefti confola-
 tione recreatum *Joannem* fcribunt; at qualis ea confolatio fuerit, an interna
 quædam ad animum Divinitus allapfa, an etiam externa ex *Sanctorum Ange-*
lorum colloquio, & afpectu (ut fæpe alijs *Viris sanctiffimis* eveniffe legimus)
 non explicuerunt. Poft hæc *Imperator*, nè quâ res emanaret veritus, five
Imperatrice agente, quæ fortaffis attineri *Beatum Virum* inaudierat, quem ip-
 fa *Patris* loco habebat, *Joannem* dimittit. *Joannes* quafi nihil paffus, tam
 gravem injuriam fentio concoxit, nulli fuorum aperiens, & curatis, quæ
 tormenta fecerant, vulneribus, vetera fua munia, majori quàm unquam an-
 tè fpiritus ardore, repetere cœpit, eo pacto fefe comparans ad mortem, quam
 ex importuniffima *Wenceslai* natura, & humani cruoris avidiffima iracundia,
 paulò pòft inferendam fibi dubitare non poterat. Ad ftationem itaque fu-
 am reverfus, cùm ad *Concionem in Ecclefia S. Viti* diceret, verba illa *Christi*:
Modicum videbitis, &: jam non multa loquar vobifcum, identidem repetens,
 vultu læto, & facili, mortem fibi pro *Christi* legibus oppetendam difertè præ-
 dixit, tum cœleftibus oraculis factâ femel viâ, *Spiritu Prophetia* plenus, la-
 crymis ubertim fluentibus, futurum *Bohemia* ftatum, & venturas brevè cala-
 mitates defcripfit: hærefin ab inferis fufcitandam, cui facra, & profana per-
 inde forent, nullumque faceret difcrimen; *Ecclefias* omnes, & *Cœnobia*
 per *Bohemia* arfura, quædam etiam dejicienda manibus, facros, & reli-
 giosos viros omnibus tormentis perituros; denique exitium univerfæ Re-
 ligionis inftare (penè incredibilis res vifa, fælicem id temporis *Ecclefia*
Bohemia ftatum cogitantibus) extremâ Oratione vale fecit omnibus, ac
 præcipuè à *Pragensis Ecclefia Prælati*, & *Canonicis* humillimis verbis veni-
 am pofcens, fe, vitamque fuam, ac vitia multis accusans, finivit, ma-
 gnoluctu, & in retam nova, admiratione omnium
 auditorum.

Silentium
 admirabile
 B. Joannis.

Domin. 3.
 poft Pafcha
 Joan. 16.

Spiritu pro-
 phetico
 multa præ-
 dicit B. Jo-
 annes pro
 Concione.



CAPUT V.

Beati Joannis Nepomucensis mors, funeris celebritas; utrumque pluribus miraculis consignatum.

Boleslavia
adit Peregrini
1383.

PAUCIS post diebus B. Joannes Boleslaviam ad antiquissimam totius Bohemiae Divinae Matris Effigiem à Sanctis Slavicæ gentis Apostolis Cyrillo & Methodio (ut multi suspicantur) ex Oriente allatam (quæ eo in loco magnâ Populi veneratione colitur) iter suscepit; ibi quàm liquidæ Pietatis, & amoris sensu Cæli Reginam (cui à prima ætate consecraverat sese & in qua spes omnes suas habebat repositas) orârit, ut sibi paulò post mortuorum adesset, ut filium propitium redderet, etsi manuscripta nihil dicant, quæque ex Joannis in DEI Matrem amore, ex periculi magnitudine, ex vicini mortis horrore, facere conjecturam potest. Pragæ vespertinis horis Boleslavia revertentem Joannem Wenceslaus Rex tum fortè, ut erat otiosus Princeps, è fenestra prospectans, observat. Recurrunt extemplo furioso Principi omnes illæ tristes de Regina Coniuge imagines, dolebant acceptæ toti à Beato Joanne repulsæ, neque jam animum regere poterat; ergo non hominem, sed dæmonem spirans, mittit continuò qui Joannem accersant, neque multis, ut in præcipiti ira, usus est verbis: *audi, inquit, Sacerdos, moriendum tibi est, nisi è vestigio jam hic Coniugis meæ Confessionem, & quidquid unquam illa tibi confitens dixit, ordine exponas. Furo DEUM* (quæ verba tollentia & usitata Wenceslao fuerunt) *Aquam bibes!* merisionem in flumine eâ vocat Caesar volebat intelligi. Beatus Joannes indignum ratus eâ de re toties obtundi, nullis verbis, sed toto capite sacrilegium averfatur. Vix signum dederat, jam Sanctissimum Virum validissimi Satellites circumstant, Rege clamante, atque inter manus in aliud cubile sublimem deportant. Viratum populum significant vetusti Codices; nocte ad pontem, qui Muldava flumini impositus, Pragenses Urbes duas Veterem & Minorem, conjungit, deducitur, DEO quæ mortem suam ardentissimis precibus, & suspirijs commendans, in subiectum flumen ex ponte dejicitur, mergiturque, 16. Maij A 1383. Mortem, quam occultam esse Caesar voluerat, statim caelestia prodidisse miracula: ignes, qui olim B. Joannem terris nascentem ostenderant, ejdem mortuum, & cælos intrantem cinxerunt; totus continuò Muldava relixit: vidisses innumera, & miri candoris lunina, quasi pace cum elementis aquæ factâ, toto fluvio innatare (& commodum id temporis excreverat flumen, & latiùs, atque altiùs attollebantur fluctus) numerosiores, & majores faces corpus B. Martyris, quod secundo flumine paulatim descendebat, commitabantur, inde aliæ, aliæque sequebantur flammæ, uti si pompam funeris deducere

Rursus tentatur & cum nihil ab eò impetrari posset, abjicitur jussu Regis in flumen.

dedu-

educerent. Effusa ad spectaculum tota Civitas utrinque quid factum esset, ut quid fieret, mirabatur; *Reginam* quoque *Johannam* ex Arce Regia de-
spectantem, & omnis rei hactenus ignaram tam novum spectaculum attraxit; rursu illa ad *Cesarem maritum* contendit, miracula luminum ostendit, & innocentia simplicitate, quid istud sibi velit, interrogat; percussit illico animum sceleris conscientia, & viso coelesti miraculo, velut fulgure perstrictus propitius ex conspectu sese, ac seu timore, seu vero, aut ficto dolore triduum abstulit publico, neminem nisi necessarium admittens. Totâ nocte circum Corpus *B. Martyris* luxerant flammæ, dies quid factum esset, ostendit: jacebat in arena corpus exanime, suo in habitu, vultu placido, ac renidenti decensissimè compositum; statim totâ urbe spargitur rumor, neque diu cædis author latere potuit, cum plura ejusmodi crudelitatis exempla *Cæsar* edidisset, & conscij Carnifices, Aulici, Satellites nescirent tacere. Tandem ad *Canonicos Metropolitana Pragensis Ecclesiæ* fama rei gestæ pervenit, qui adornatâ supplicatione *Sanctum Fratris* sui corpus ex flumine honorificè levantes, ad *Ecclesiam* proximam *Sanctæ Crucis Religiosorum de Pœnitentia* tantisper deposuerunt, dum gloriosius sepulchrum in *Ecclesia Metropolitana* pararetur. Hæc *Canonicorum* pietas cum insigni fortitudine animi conjuncta (quis enim cruentissimi, & tam irritabilis Principis iram non pertimesceret? aut suspectam habere non posset?) sine præmio non fuit: cum enim Loculum in *Ecclesia S. Viti* effodiunt, Thesaurum, & multa auri, argentique talenta, ac cæterarum rerum pretia reperiunt defossa, quasi Sanctus Vir pro tumulo suo, & honore sepulchri eam *Ecclesiæ*, & *Canonicis* deputasset mercedem. At inferius in *S. Crucis Ecclesia*, innumera hominum vis ad sacrum corpus videndum affluxit, primusque ille cultus *B. Martyris*, à Populo fuit: constantiam, & fortitudinem deprædicare, pedes, manusque certatim osculari, ejus sese precibus commendare, sacrum corpus reverenter contingere nullum faciebant finem. Non ita se in familiares tenebras abdiderat *Imperator*, ut quæ circa corpus fierent, ignoraret. Itaq; (ut sunt omnium, qui Tyrannicos habent animos, suspiciosa, & violenta consilia) Satellites cum Mandatis ad Religiosos illos Viros mittit; *novâ re abstinerent, Tumultum non concitarent, arce- rent turbam, & Joannis Nepomucensis corpus procul è conspectu in angulum aliquem abijcerent.* Fiebat, quod Rex imperârat, sollicitè, sed majore *B. Joannis* gloriâ, siquidem clausum corpus tantam ex sese coelestis odoris fragrantiam effundebat, ut occultari non posset, magnoque iterum hominum concursu locus celebrabatur. Jam parata erant funeri omnia, *Canonici, Clerusq;* universus, comitante innumera Populi multitudine, campanis totâ urbe personantibus supplicationem adornant, & *Beati Viri* corpus ex *Ecclesia S. Crucis* (tanto intervallo) ad *Arcem S. Wenceslai ad Metropolitanam Ecclesiam* deportant. Obsequendum populo petenti fuit, rursusque apertâ funerali

Prodigia in morte.

Thesaurus dum sepulchrum effoditur, repertas.

Iuxta funebria.

Sepulchri
inscriptio.

Lup. in Cal:
hist. ad 1. Ja-
nuarij.

Arcâ ad venerationem ostensus est; ægros plurimos contactu sacri corporis curatos vetera Manuscripta testantur. Tandem, ut aliquando finis fieret, humatus est cum lacrymis; pauperes præcipuè, quorum erat Pater, planxerant; grandis lapis superjectus postea cum Inscriptione, quam hodièque legimus: *Honorabilis Dominus Magister Joannes Nepomucenus, hujus Ecclesie Canonicus, Regina Confessarius, quia Sacrosancti Confessionis Sigilli Custos usque ad mortem fuit, à Wenceslao IV. Bohemia Rege Caroli IV. filio, tormentis tentatus, ex Ponte in Muldavam precipitatus, miraculis clarus, hic jacet sepultus. An. D. 1383.* Hactenus Inscriptio. At Regina Johanna, posteaquam de morte B. Joannis, quem habebat pro Patre, triste nuncium accepit, eamque mortem suâ causâ à crudeli conjuge illatam perspexit, (sunt enim, qui in cæde Joanni irroganda, Regem de Regina toties monente vindictam quævisse affirmant) cum nullam præterea ex tot & tantis malis evadendi viam videret, in gravem animi ægritudinem lapsa, carpi paulatim cœpit, & quarto abhinc Anno contabuit. Mortua An. 1387. 1. Januarij, ut contra Hagecium Lupacius ostendit.

C A P U T V I.

De veneratione, & cultu, qui velut Beato, & Martyri Joanni Nepomuceno ab omni memoria tribuitur.

S. Joannes
Nepomu-
censis velut
Martyr ab
immemora-
bili tempo-
re colitur.

Exempla
hujus cul-
tûs profe-
runtur.

Illud universim, antè quàm ad miracula veniamus, præmittendum est: etsi hujus Beati Viri memoria, neque sacrificio, neque Divino officio honoretur in Templis (quod sinè Sanctæ Sedis autoritate fieri non potest) reliqua tamen omnia, quibus Divorum nomina consecrantur, ad Tumulum adhiberi: itaque quicumque ad salutandos Sanctos Bohemia Patronos, Vitum, Wenceslaum, Sigismundum, Adalbertum, eorûmque sacra corpora veneranda in Metropolitanam Ecclesiam Pragensem, Proceres, Nobiles, Sacerdotes, Prælati, Canonici, Religiosi, Matronæ, verbo: minimi, maximique conveniunt, B. Joannis Tumulum nunquam omittunt; hinc provoluti in genua supplicant, preces ad eum fundunt, ejus opem implorant; suspena est ad sacrum Tumulum Tabella, Latino, Bohemico, & Germanico idiomate, quæ Orationem exhibet ad S. Joannem Nepomucenum (hic enim est titulus) eam recitare Populus consuevit; pendent hinc atque inde cerea lumina, & varia Anathemata, tum B. Joannis imago radiata, Tumulus cratibus ferreis duplici ordine permunitur, laminis depictis, in quibus Joannis nomen legitur, additurque vox Martyris & Beati; Lampas Tumulo B. Joannis impendit, ardētque. Alias faces cereas propè quotidiana Piorum hominum liberalitas accendit; earum quædam humani corporis magnitudinem æquant; his faci-

acibus consumtis novæ semper liberaliter apponuntur, ab ijs præsertim, qui
 e ad B. Joannis tumulum cœleste aliquod beneficium accepisse lætantur.
 serenissimus Leopoldus Austriae Archidux, candelabrum elegantissimum (de
 quo postea sermo recurret) huic Divo statuit, & in eo B. Joannis Effigiem
 eam cum cæteris Bohemiae Patronis affabre fieri fecit. Reges, & Principes
 nostri B. Joannem coluere semper: Ferdinandus I. Imperator, quoties Pra-
 gensensem Ecclesiam adiret, ante hunc Tumulum genua ponebat. Idem acitaf-
 e pium Principem Ferdinandum II. atque etiam III. multi meminerunt; po-
 tremus hic Cardinale Archiepiscopo Ernesto ab Harrach advocato, de B. Jo-
 annis publico cultu, & canonismo (ut vocant) procurando consilium sæpius
 habuit, sed piam optimi Cæsaris mentem bella primùm, deinde mors ab-
 upit. Imagines B. Viri æri incisæ habentur in manibus, in his & Beati ti-
 ulus Joanni tribuitur, & capitis apex ardet cœlesti lumine circumfusus. Ne-
 que honores isti nuper primùm inventi, novique sunt, sed jam ab ipsa morte,
 & ab omni memoria ab omnibus impensi: In Sacrario Ecclesiae Metropoli-
 tanae Pragensis Ara quædam est, super eam, ut fieri solet, in Pariete depictæ
 Sanctorum Bohemiae Patronorum Imagines; pictura ipsa, (quod indicant ap-
 positi numeri) centum octoginta annos superat antiquitate; inter hæc San-
 ctorum Imagines Joannes Nepomucensis stans palmam tenet manibus, &
 caput habet radijs illustre, néve dubites, quem artifex depinxerit, & Canoni-
 ci depingi jusserint, additus est trabalibus literis titulus antiquissimâ manu;
 S. Joannes Nepomucenus. Paucis passibus à B. Joannis tumulo, in Ecclesia
 Pragensi Sacrarium est, seu Capella, in qua sub marmore altè educto condi-
 tus jacet Joannes Wlaffimius Archiepiscopus Pragensis; in ejus Capellæ Altari
 sacra faciunt Sacerdotes; porrò Titulus Altaris, manu propriâ Caspari Arse-
 nij Sacrae Theologiae Doctoris, & Ecclesiae Metropolitanae Decani scriptus,
 hæc habet: Anno 1621. 16. Julij per Illustrissimum, & Reverendissimum
 D.D. Joannem ejus nominis III. Archiepiscopum Pragensensem consecratum est
 Altare in Capella è regione Sepulchri B. Joannis de Nepomuk Confessoris, in ho-
 norem Visitationis Beatissimæ MARIÆ Virginis, ac SS. Virginum, & Mar-
 tyrum Lucia, & Ottilia; nec non S. Clementis Papæ & Martyris, & B. Jo-
 annis Nepomuceni. In quo inclusa sunt ista reliquiae, &c. Hanc Tabellam Ar-
 senij à se descriptam nuper mihi dedit in manum Reverendissimus DD.
 Thomas Joannes Pessina de Czechorod, Metropolitanae Pragensis Ecclesiae De-
 canus, Archidiaeceseos Officialis &c. Vir officio, aliisq; meritis clarus. Scrip-
 torum quoque nostrorum in asserendo B. Joanni Martyris, & Sanctimoniae
 nomine consentit autoritas; videatur Dubravius Olomucensis Episcopus,
 Hagecius Ecclesiae Boleslaviensis Præpositus, pluresque alij. Simon Fagellus
 Ecclesiae Collegiatae Omnium Sanctorum in castro Pragensi Decanus, qui an-
 te centum, & quod excurrit annos, de SS. Bohemiae Patronis Hymnos quof-
 dam

Scriptores
 Joannem
 Nepomucē
 sem Beatū,
 & Sanctum
 appellant.

dam vulgavit, hymnum quoque cum titulo ad B. *Foannem Nepomucenum* concinnavit, versu pro ætate illa non planè invenuto. *Georgius Bertoldus Pontanus* Metropolitanæ Pragensis Ecclesiæ Præpositus in sua *Bohemia Pia* *Foannem Nepomucenum Beatum Martyrem* appellat; eandem appellationem tribuere cæteri Superiorum ætatum, atque etiam Nostræ Scriptores, ut Venerabilis Pater *Albertus Chanovsky* Societatis JESU, & *Georgius Ferus* ejusdem Societatis, pluresque alij. Pridem narraveram, B. *Ioannem Nepomuci* in *Bohemia* natum esse; ex ea domo, in qua *Ioannes* natus est, Oppidanorum Pietas, *Sacellum* B. *Ioannis* honori statim ab ejus morte excitavit; tradunt veteres memoriæ, in ea Domo neminem nocturnam quietem capere potuisse, omnes infomnijs fatigatos semper abscedere coactos, donec ea domus in *Sacrarium* verteretur. Nostrâ memoriâ *Illustrissimus D. Franciscus de Sternberg Nepomuci Dominus*, R. P. *Georgio Fero* Soc: JESU incitante, *Sacellum* hoc vetustate labascens totum dirui jussit, & novam, eamque perelegantem Ecclesiam B. *Ioannis Nepomucensis* honori magnis sumptibus exstruxit. Benedici Ecclesiam illam permisit *Ernestus Archiepiscopus Pragensis*, & *Cardinalis* per alios, cum ipsemet per morbum venire, & consecrare non posset. In Altari summo hujus Templi B. *Ioannis* Imago radiata conspicitur, atque in veneratione habetur; per eam novi Templi causam An. 1641. R. P. *Georgius Ferus* Soc: JESU librum edidit, quem *Famam Posthumam* B. *Ioannis Nepomuceni* inscripsit; in eo libro, elegantibus Imaginibus, summo Pictore *Carolo Scretæ Pragensi* præbente operam, vitam, & mortem B. *Ioannis*, brevissimis titulis triplici idiomate, Latino, Bohemico, & Germanico comprehendit. Aditur *Nepomucensis* B. *Foannis* Ecclesia hodièque multis supplicationibus, *Parochi* à multis passuum millibus ad certam diem Populum adducunt; idque agitur ab immemorabili tempore; *sacra* de Beato Joanne non leguntur quidem, sed de *Sanctissima Trinitate*, Concio tamen ad Populum de B. *Foannis* eximijs virtutibus habetur. Appensa visuntur circa Aram anathemata plurima, fatenturque diversi ejus se meritis varia beneficia cœlitus impetrâsse. Pro comperto est, si campi illorum siccitate laborent, supplicatione unâ, alterâve ad hanc Ecclesiam publicè ductâ, pluviam celeriter impetrari. Cantio quædam pervetusta de B. *Ioanne* per hanc viciniam circumfertur, quam rustica plebs libenter decantat; B. *Ioanni* pecudes suas, & jumenta cætera commendare solent, opemque sentiunt. In peste, quæ *Bohemiâ* An. 1649. pervagata est, & gravissimè afflixit, omnes qui sese *Nepomuci* B. *Ioanni* commendârant, periculo sunt erepti. *Praga* quoque B. *Ioannis* Tumululus, ut antè dixeram, in summo habetur honore, & quamvis imperiti quidam, & in Religione nimium timidi, cautique, Religionis prætextu cultum B. *Ioannis* impedire aliquando tentârint, Populus tamen de constantia justæ pietatis demoveri non potuit. De ejusmodi vetusta Religione, & cul-

Eminentissi-
mi Card. ab
Harrach Ar-
chiepiscopi
Prag. autho-
ritas.

u Beatorum antiquo optimè dixit Vir in gestis Divorum describendis, & illustrandis diligentissimus, & rerum talium peritissimus Godefridus Henscheius: *Venerationi Divorum*, inquit, à tempore memoriam unius saculi excele-
 ente, Urbanus VIII. Pontifex nihil voluit derogatum, quo minùs perpetua (ve-
 neratio illa) deinceps esset. Jam cultu B. Ioannis ab Antiquitate probato ad
 celestia beneficia, quæ per eum impetrata sunt, & alia mira, quæ ad ejus Sa-
 rum Tumulum evenêre, faciamus gradum; ex his etiam apparebit, quàm
 neritò tantus ei à Populo cultus habeatur.

Cultus Di-
 vorum ab
 immemora-
 bili tempo-
 re non est
 ab Urbano
 VIII. abro-
 gatus, sed
 potius con-
 firmatus.

CAPUT VII.

Mira quædam ad B. Joannis Tumulum patrata, &
 beneficia cœlestia omnis generis.

T Ot ac tanta, B. Ioannis interventu, beneficia cœlitus impetrata fuisse,
 tradunt Veteres Memorix, ut ex ijs annotatis justum librum Majores
 nostri confecerint, qui in Sacratio Pragensis Ecclesiæ servabatur; ci-
 at eum librum *Wolfgangus Chanovsky de Longa Villa Ecclesiæ Metropoli-
 tanae Canonicus* Vir illustris, qui An. 1583. moriens, hujus Beati amore, non
 procul ab ejus Sacro tumulo, ut conderetur, impetravit; scribit is, in eo libro
 B. Ioannem Nepomucenum *Thaumaturgum Bohemiæ* appellari, cæcum ad ejus
 Tumulum recepisse visum, alios præsentissimam ejus opem sensitse, alios in
 vitæ, & Mortis confinio stantes, imò etiam ad supplicia mortis Judicium sen-
 tentijs damnatos B. Viri auxilio mirabiliter evasisse mortem; addit, plura se
 non describere, cum sit Liber in manibus; sed eum librum hæresi apud nos
 regnante, subtractum ex oculis, postea omnino amissum dolemus. Illud
 permirum, sed omnibus Praga notum, quicumque B. Ioannis Tumulum cal-
 carent, præsertim si contemnant, eos ipsâ die infamiam aliquam incurrere, &
 Pœnam vitare non posse, quod certis, & contestatis nostræ, & superioris æ-
 tatis exemplis possumus approbare: An. 1588. cum *Radzivilus Princeps*,
 Regis, & Reipublicæ Polonæ nomine solennem Legationem apud Cæsarem
Rudolfum II. obiret, accesserat Pragâ Magnificus D. *Christophorus Sluska Pa-
 latinus Vendenis*; hic aliquando *Metropolitanam Ecclesiam Pragensem* in-
 gressus, posteaquam omnia curiosis oculis lustravisset, ad Sepulchrum B. Io-
 annis adducitur; narrat Palatino, qui ducebat: mirabilem hunc esse Tumu-
 lum, nam quisquis calcasset, eo die pœnam non effugere; risit Palatinus le-
 veni, ut putabat, Sacerdotum credulitatem, & confestim pede Tumulum pres-
 sit; at ecce è vestigio quasi percuti frontem, & turbari mentem sensit; in ea
 turbatione Templo egreditur; Equum, & currum Domino adduxerant fa-
 muli (numerofo enim satellitio vir admodum potens cingebatur) Equum
 primò petit, sistitur, ipse Dominus quasi intemperijs ageretur, à dextra Equi

Qui B. Joā-
 nis sepul-
 chrum in-
 honorasset,
 eodem die
 puniti.

Theoph. Cri-
 steccus Re-
 ctor Collegij
 Prag. ad S.
 Clement. S.
 J. in M. S.
 Geor. Fernus
 in Fama
 posthuma
 B. Joannis
 Nepomuc:

Exemplis fi-
 des adstrui-
 tur.

In vita V.
P. Alberti
Chanov.
S. J. Cap. 1.

Wenci de
Raupovva
egregiè mul-
tatus.

parte tentabat ascensum, ascendit tamen, & evadit in Equum, sed Equus neque stimulo, neque hortatu ullo, moveri loco potuit; rursus igitur Equum descendere cogitur, currum conscendit, sed iterum nullâ vi, quidquid agerent Aurigæ, impellere Equos poterant; denique pudore confusus Palatinus, spectante, & ridente Caesaris aulâ, ex Arce toto illo itinere pedibus suis confecto, multum admirans, & egregiè pudefactus ad Hospitium suum reversus. In Vita Venerabilis, & Apostolici Viri Alberti Chanovvsky Socii JESU, quam P. Joannes Tanner ejusdem Societatis nuper vulgavit, aliud legitur exemplum, quod Scriptoris verbis referemus: Dum Praga Alberti noster, inquit, Grammatica daret operam, essetque annorum fortè quatuordecim, Pater ejus Joannes Pragam advénit, cum quo Sanctorum, ac præcipue Bohemiae Patronorum corpora venerationis ergo visitavit; accidit verò, ut etiam ad B. Joannis Nepomuceni monumentum venirent, ubi referente Patre didici, quanta locus esset venerationis, quanta DEO cura Martyris illius honor, quanta certa eorum poena, qui terram illam protervè conculcare auderent, adeò, ut Virginii cuidam, teste Wenceslao Hagek, sacrum illud Sepulchrum pede protervè calcare impudenter ausa, dum maximam inter Populi frequentiam per Pontem Pragensem domum rediret, exorto repente vehementi vento, quasi quodam turbine involuta, vestis seu toga in altum sit elevata, cum incredibili Virginis pudore &c. adhuc cogitare cæpi (juvat P. Albertum hæc de se in Manuscripto referentem audire) facile id contingere potuisse Fæminæ, sed viro, aut puero, quatione quid simile contingere posset? quare experiundi gratiâ, cum eo temporè adhuc clathri circa Sepulchrum Sancti essent rari, & demissi, pedem eò datâ operâ imposui, itâ, ut Sepulchrum calcarem. Accidit autem, cum ad antiquam Urbem per Parvam Partem rediremus, ambulando sequebar Parentem, & ecce incidi in latentem quandam foveam usq; ad genua, quæ Praga solent esse in plateis hieme ex congesta glacie, & nivibus, & ferè illic calceum reliqui, irridente me toto populo, pudore insigni fui suffusus. Et veniens ad Pontem prope Imaginem Crucifixi, illic recidi, & in luto circumquaque in pallio meo obvolutus fui, & quasi tum interiùs hanc vocem audiui: In hoc loco ille Sanctus de Ponte in aquam fuit præcipitatus, & submersus. Summo pudore affectus fui, mirantibus, & ridentibus hominibus, quid, cur, & quomodo hoc mihi accidisset. Hæc Venerabilis Pater Albertus Chanovvsky. Alia, eaque longè gravio poena secuta est Calvinianum hominem Wenceslaum Wilhelmum de Raupovva (erat hic rebellionis proximæ, non tam ab hominibus proprijs, quam exteris, Turriano, Hohenloio Comitibus, Felsio item, Novis tum Bohemia Incolis fœdo incepto, ac fœdiore exitu motæ, haud postremus incentor, ideòque à Friderico Palatino, Bohemiae Cancellarius postea constitutus) Raupovva igitur, cum aliquando in Ecclesia Metropolitana, velut in profana domo A. 1619. otiosus cum socijs inambularet, in B. Joannis Tumulum for-

forte incidit; recurrit homini vetus de eo sepulchro traditio; quare mul-
tum Catholicorum stultitiam, ut putabat, demirans, & deridens, qui rebus
am vanis tenerentur, *Tumulum B. Joannis*, quem parte unâ dejectis cratibus
violarent hæretici, calcant, & quasi nihil egisset, cætera Idololatriæ Catholice
ut Calviniani blaterant) monumenta perlustrat, neque multò post Templo
greditur; in ipso limine anhelans famulus ad Dominum accurrit cum tristi
nuncio: filium, quem habebat unicum, modò esse defunctum; ita nimi-
um eodem articulo temporis DEUS contemptum servi sui morte unici filij
vindicavit. Atque utinam hunc finem Divina vindicta habuisset! constat
inter omnes post annos plurimos *Raupovvam* actum in rabiem, dum homi-
nes stricto ferro infectatur, misere *Litomerici* perijisse. De hac *Raupovvæ*
celerata temeritate, nè dicam magis, deque pœna confestim secuta, est inter
manus meas Testificatio legitimè confecta, annulo signata, chirographo fir-
mata, quam *Illustrissimus Comes Zdenko Wratislav de Mitrovitz, Wilemo-
vij, Zierotini, &c. Dominus*, Slanensis Districtus Præfectus An. 1648. con-
fecit, qui & familiariter *Raupovvam* novisse, & hæc sibi omnia constare per
conscientiam animi sui testatur. Venio nunc ad Exemplum, quo tristius ad
B. Joannis Tumulum, nullum accidisse puto: ac nescio sane, quid illud esse
oporteat, quòd tanto semper odio in *B. Joannis* memoriam, & sepulchrum
hæretici ferantur: in illo, quod modò dixeram, hæreticorum Regno, post
Annum 1618. cum Calviniani *Ecclesiæ Metropolitana Pragensis* partem poste-
riorem occupassent, suâque profanâ, & umbratili cœnâ contaminassent, ha-
bebant præ oculis SS. Patronorum, *Viti, Sigismundi*, & aliorum Divorum
Corpora, & ferebant placidè, unius *B. Joannis Nepomuceni Tumulum* humi-
lem videre non poterant, sed ille locum egregiè tutatus est. Neque modò
crates circum *Tumulum* tollere, sed ipsum *S. Martyris* corpus (facinus etiam
in quocunque humano corpore indignum) exhumare, & in communem lo-
cum abjicere constituunt, eâ demum ratione Idololatriam (ut dicebant) sub-
laturi. Mittuntur ad certam diem valentissimi Satellites, quibus id datum
erat negotij: vix sacrilegium tentarant, & crates ferreas convellere cœperant,
cum ecce duo subitò in terram corruunt, alter omnino exanimis nunquam
vitam recepit, alter operi præfectus Anglus homo Epheborum *Friderici Pa-
latini Præceptor*, semivivus, & vix spirans è Templo sociorum manibus ela-
tus, paulò post quoque miserabiliter animam efflavit. Cæteri omnes, peri-
culo, & damno suorum cautiores, opus imperfectum reliquere. Res est
Tragica, sed eorum, qui adfuere, testificationibus firmata, quæ ante *B. Joan-
nis Nepomuceni* sepulchrum paucis post rem gestam annis tessellato opere,
pereleganter in ligno expressâ, cum admiratione Peregrinorum hodièque
spectatur. Recenset præter alios, hoc triste *Miraculum Author Germanici*
Libri Augustæ An. 1630. Typis editi, cui *Veridici* Titulum fecit, & primum

Calviniani
Tumulum
S. Joannis
turbantes
tragicè re-
pelluntur.

Teutscher
Warsaquer
pag 89. &
Angli sequentib:

B. Joannes
aspectabilis
in Ecclesia
S. Viti.

Gemitus ex
sacro tumu-
lo B. Joanni
auditi.

Luce circū-
fusum Se-
pulchrum.

Angli illius Calviniani sepulchro insultantis sacrilegas voces, tum coelestem ultionem, sacrilego repente humi alliso, ac demum eadem nocte inter horrificas vociferationes, & ejulatus, infeliciſſimam mortem multis verbis describit; res fuit eo tempore certa, quippe in omnium oculis, & luce gestā. Adicitur in eodem libro: paulò ante decretoriam in *Albo Monte Pugnam*, quæ hæreticorum res conciderunt, cū An. 1620. nocte quadam hæretici satellites in *Ecclesia Metropolitana S. Viti*, in Christi crucifixi statuis, aliisque Divorum Imaginibus deijciendis strenuè laborarent, à Catholico, piòque homine, qui tum aderat, & dolenter, quæ gererentur, videbat, visos tres Viros humanā formā augustiores, è sepulchris suis prodeuntes: primum *cultu Regio*, alterum *apparatu Pontificali* conspicuum, tertium sacro, sed ignoto in habitu, hos convenisse, unāque stantes, quasi de futuro rerum statu consilia conferrent, postea amissos ex oculis. Nullum dubium relinqui, *S. Regem Wenceslaum*, & *S. Adalbertum Episcopum* fuisse; tertium suspicari se *B. Joannem Nepomucenum*, qui tam indignis modis ab hæreticis sit acceptus. Ita Liber ille in retum recenti, quæ ego non refello; fides sit penes authorem; nos ad *B. Joannis Tumulum* redeamus. Ob eam maximè causam, cū jam antè ferrei clathri ad unius ulnæ altitudinem prætenti essent, alijs novis cratibus sepulchrum cinxerunt *Canonici*, quæ faciliè duas ulnas altitudine æquant, ut nulli nisi ægerrimè, vel si velit, improbo esse liceat; sed ad Calvinianos nostros redeamus; eodem Anno 1620. tam malè apud sepulchrum *B. Joannis* accepti (quamdiu *Pragensi Ecclesiā* sunt usi) *Tumulum* ipsum totum, præstigias nescio quas in eo latere caussati, asseribus, & tabulis quibusdam clausere, nè ullo modo posset adiri; obturbare illos, dum ad cœnam sedent in Templo, *B. Joannes* videbatur, & velut mortualis umbra odiosus, & non vocatus intervenire convivij. Porro *Ecclesiæ Metropolitanae* profanationem, & stantem in loco sancto abominationem ex sacro suo tumulo *B. Joannes* significavit: siquidem imminente illà ab hæreticis calamitate, sæpius nocte gemitus, & lacrymosæ quædam voces ab imo Templi audiebantur; Custodes gemitus illos studiosè secuti, animadverterunt non semel ex *Tumulo B. Joannis* exire: nimirum dolebat (quantū *Beati* dolere possunt) dilectam *Pragensē Ecclesiam* tot sacrilegijs profanandam, quæ ex quo à *S. Wenceslao* erat fundata (nè quidem *Hussi*, aut postea *RokycZana* temporibus) hæreticorum Sacris inquinata fuisset. Sed plures sacri illius Tumuli prærogativæ posunt adferri: nam alijs quoque temporibus *Ecclesiæ Metropolitanae* Excubitores, ad indicandam fortasse *B. Joannis* sanctitatem, amabili luce cingi, & coruscare Tumulum viderunt. Neque id mirum: pro Thesauro est *Ecclesiæ Pragensi B. Ioannes*, vetusque est, ubi Thesauri latent, ignes emergere. Præcipuus *B. Ioannes Patronus*, & Tutor eorum habetur, qui cum infamia conficiantur, & nè scelus aliquod suum in lucem veniat, pertimescunt: occurrit

currit enim mirabiliter periculis, & factum abscondit, aut etiam lingvis hominum læsos, absolvit, & restituit in integrum; hujus auxilij toties perspecti argumento, edita pridem Typis est oratio, quæ sub B. Joannis imagine poni solet, hisce verbis concepta: *Præsta quæsumus Omnipotens DEUS precibus nostris, quas in Beati Joannis Confessoris Tui veneratione deferimus, pium benignus auditum; ut ejus meritis, & intercessione suffulti, ab infamia, & confusione temporali liberati, ante mortem reatus nostros sincerâ confessione expiare, saluari pœnitentiâ delere, & portum æternæ salutis contingere feliciter valeamus. Per D. N. IESUM Christum Filium &c.* ijs quoque opem præstet B. Joannes, qui exitiali verecundiâ crimina sua in Tribunali sacro aperire reformidant: nam ad ejus sepulchrum precantes, audaciam quandam ad proferenda omnia addi sibi senserunt, idque libere ante Sacerdotes postea sunt testati. Anathemata ad Beati Tumulum, quæ plurima olim pependisse meminerunt fenes, hæresis Calviniana laceravit, aut flammis corruptit. Nostrâ memoriâ Matres aliquot, ad partum gravissimè laborantes, tum alij hydrope, alij febribus diuturnis crudeliter divexati, fulis ad B. Joannem precibus, recepère sanitatem. Quibusdam ipsa fides, & in Beatum amor opem attulisse videtur: nam, cum alia deessent, pulverem ex lapide sepulchrali modicè abrafum, ad varios morbos valuisse læti senserunt. Matrona illustris (cujus nomini parcimus) cum aliquando de Sanctis in Metropolitana Ecclesia conditis mentio fieret, & nescio quis ex domesticis B. Joannem nominasset, illa indignans supercilio sublato: *quem, inquit, tu mihi Beatum Joannem nominas? nihil de illo Roma scit. colitur ille perperam à rudibus, neque venerationem hanc meretur: nam si Sanctus esset, pridem eum Pontifices in Sanctorum numerum retulissent.* Post dies aliquot eadem Matrona, cum in Templo, nihil jam de B. Joanne cogitans, orat, reperit in Libello suo Beati Effigiem capite radiato in habitu Canonicorum venustissimam, quam antè nunquam viderat; paulò post, cum in scriniolo suo aliud quærit, alia item ejusdem Beati effigies, quasi sponte venit in manum; ea res ità tenerum Matronæ animum vulneravit, ut confestim in lacrymas soluta B. Joannem Nepomucensem inclamaret, die altero ad Ecclesiam Metropolitanam profecta, confessione peccatorum præmissâ, Divinam Eucharistiam sumsit, & sepulchro B. Martyris advoluta, audaciæ veniam postulavit. Nec omittenda est Religiosi cujusdam Viri temeritas, divinitus ut videtur castigata: hic in disceptatione cum socio, negabat rite fieri: quod B. Joannes à Populo coleretur, addebat cum quodam stomacho: malè agere eos, qui cum facillè impedire possent, cultum hominis, de quo nihil sciatur, tolerarent. Nondum abierat dies, gravem ægritudinem in se venire sentit, tremore artuum insolito concutitur, ac nè causam ignorare posset, simul B. Joannem de se vindictam sumere ultro succurrit. Neque dolor, neque tremor cessavit, donec æger B. Joannem vo-

B. Joannes
imploratus
eos adjuvat
qui de bo-
no nomine
periclitantur.

Quædam
alia Miracula.

to honorasset, ac veniam postulasset; rem ut erat gesta, Vir Religiosus ipsi ad perpetuam memoriam scripto testimonio consignavit.

De Lampa
de ad ejus
sacrum Tu
mulum.

Ardet ad B. Joannis Tumulum suspensa lampas, ut antè dixi; ex ea lampade *Servus Capellæ* (ita Templi custodem appellant) oleum omne effuderat, oleique loco *Aquam puram* infuderat, ut focium (cui commissa lampas erat) vexaret; accedit omnium rerum ignarus socius, alter *Aeditimus* (prior illo procul observante, & benignam sibi socij irridendi materiam oblatam gaudente) accenditur lampas, & quasi oleum adesset, sine omni elemento rum pugna exardescit, nitidissime lucet; territus rei novitate jocularis ille *Servus*, fatetur, quid egerit, uterque agnoscit miraculum, plures *Ecclesie Ministros* advocant, rem ita se habere deprehendunt, DEUM in servo suo B. Joanne glorificantes.

Sacrilegio
infelici ve
xatur sacer
Tumulus.

Stat super B. Joannis Tumulum Candelabrum ex aurichalco ingens, cujus pedem inter cætera spolia, excisâ Urbe Mediolanensi, à Friderico Barbarossa Casare, Wladislaus Bohemæ Rex ante annos facile quingentos, quod c Salomonis Templo fuisse diceretur, Pragam attulerat, & Ecclesie S. Viti donarat; eum pedem Antiquitas aurichalco inductum jam ab annis centum octoginta (quod numeri adscripti docent) in candelabri formam aptavit, & sepulchro B. Joannis imposuit, quod in Manuscriptis codicibus Templi, Candelabrum B. Joannis appellatur. Id candelabrum nostrâ memoriâ sibi summi ornandum Serenissimus Archidux Leopoldus, Ferdinandi III. Cesaris frater, & Statuas Omnium SS. Bohemæ Patronorum suo quemque in habitu (quos inter B. Joannes spectatur) itidem ex aurichalco apponi jussit supernè in orbem quasi in corona stantiû gratioso spectaculo, à bonis artificibus perfectas. Hoc opus cum sacrilegi quidam intuerentur, & aurum esse crederent, defraclat B. Joannis statuam, quæ cæteris formosior videretur, rapuere. Magnar illis sacrilegium attulit curam, quippe diu noctûque laniabatur intemperimens, ut nec somnum, nec quietem ullam capere possent; adacti igitur à torture, & monitore assiduo, quem habebant intus, retulere statuam, & ad Tumulum B. Joannis, & postea ad sacrum Pœnitentiæ Tribunal advoluti, rem omnem Sacerdotibus aperuere.

Haftenus de B. Joannis vita, & miraculis narratio; porrò, nè queruâ laude defraudem, præcipuam mihi materiam suppeditavit Illustrissimus & Reverendissimus D. Joannes Ignatius Dlauhovvesky de Longavilla, Protanotarius Apostolicus, & S. Metropolitana Pragensis Præpositus, nec non Exempta Wissebradensis, & Collegiata Veteroboleslaviensis Ecclesiarum Canonicus hodie verò Milevitanus Episcopus, & Suffraganeus Archiepiscopi Pragensis qui suas ad me literas anno superiore in hunc modum conclusit: mitto, quæ de Beato nostro Joanne Nepomuceno invenire potui, eaque ex varijs fidelissimis

indubijs manuscriptis collecta sub fide Sacerdotali communico. Faxit igitur DEUS, ut quem honoramus in terris, ejus consortio perfruamur in Caelis!

Oratio ad S. Joannem Nepomucenum, Confessarium Conjugis Wenceslai Regis &c. quam tribus lingvis conscriptam, & in Tabulis ante Sacrum ejus Tumulum appensam, Populus recitare consuevit.

Sancte Joannes Martyr, ac Patrone, Nepomuci in Regno Bohemie oriunde, Templi S. Viti in Arce Pragensi Canonice, eò quòd ad instantiam Wenceslai IV. Regis (ulcisci se de Coniuge, sæpe illum de vita corrigenda monente volentis) ante, & post torturam, Confessionem Auguste propalare recusasti, in flumen Muldavam ex Ponte præcipitatus, à Luminibus noctu supra flumen, ubi corpus tuum jacuit, apparentibus, certissimis tuæ innocentie, & Sanctitatis testibus ostensus, solenniter ab universo Clero, ac Populo ad Cathedrale Templum deportatus fuisti, ubi usque hodie, qui tuum sepulchrum dehonorat, vulgi infamiam effugere non solet, tueri admirandam, inauditam, ac sempiternam memoriam secreti Exomologeseos post te reliquisti; per hæc tua merita, & dona Divinitus tibi concessa, precamur suppliciter, ac fiducialiter, apud Omnipotentem DEUM eam impetra nobis gratiam, ut ira ejus conquiescat, peccatorum poenas, uti Pestem, Bellum, Famem, aliasque tam corporis, quàm animæ plagas clementer avertat, & ut Nos ante obitum confiteri, pro peccatis satisfacere, omne periculum, & sæculi dedecus, Hominum scandalum effugere, DEO placere, adherere, vitam laudabiliter concludere, & ad vitam æternam pervenire possimus. Per IESUM Christum Dominum, ac Salvatorem nostrum, Amen.

Oratio ad S. Joannem Nepomuc:

Intricatus sensus.

AD VITAM B. JOANNIS NEPOMUCENI.

Notet Lector eruditus: Dubravium in historia Bohemie asserere, cum B. Joannes Nepomucensis in Muldavam abjectus esset, fluvium quasi indignantem fluere noluisse, ac coepisse minui, sic ut vado transiri posset; sed istud Annis post X. accidit 1393. 19. Aprilis, cum videlicet idem Rex Wenceslaus alium Joannem Suffraganeum Archiepiscopi Pragensis mergi jussit. utrumque miraculosum fuit (ut ex MM. SS. eorum qui tum vivebant, & fieri videbant, constat) fluvium scilicet morte B. Joannis Nepomuceni subito excrecere, & morte alterius Joannis Suffraganei amitti; at bonus Dubravius duos Joannes confudit in unum (vide Epitomen historicam nostram) nisi fortè distinguenda sint tempora, ac primum intumuisse Muldavam, deinde paulò post exaruisse (quod Paulus Zidek vicinus eorum temporum affirmare videtur) dicamus.

lib. 23.

De miraculo excrecentis fluvij in morte B. Joannis. Epi. l. 4. C. 1. Zidek in Instruct. ad R. Georg.

§. LX.

Zbynko ab Hasenburg, VI. Archiepiscopus Pragensis, vitæ Sanctimoniæ, & in Hussum odio celebris, veneno ab hæreticis propinato pro ovis suis mortuus.

Anno Domini 1402. 19. Septembris sublato è vivis Nicolao Puchnik Electo Archi-Episcopo Pragensi sufficitur à Collegio Canoniorum Ecclesie

Man. MS. Eccl. Prag.

clesie Pragensis An. 1403. *Zbynko* vel *Sbynek Hasenburgius*, eodemque ip-
 anno, Novembris initio, consecratur. Præful hic natalibus, & virtute illi-
 stris, etsi altioribus, & interioribus literis non emineret, fortem & heroicum
 animum ad regendum attulit, hæreticorum odio flagrabat in primis; exci-
 tabant eum ad justas hæc iras Summi Pontifices, *Gerson Parisiensis Universi-
 tis Cancellarius*, tum ex Universitate Pragensi complures, præcipue *Andre-
 de Broda Magister artium*, & *Theologie Baccalaureus formatus* vehementer
 sumis literis, quæ in *Raynaldo*, & *Cochleao* leguntur; sed opus non erat in-
 tare sponte currentem. An. 1410. *Hussium* jam apertius adversus Ecclesiam
 insurgentem, & insanientem, ad se vocavit, tamque gravi, & potenti oratio-
 ne castigavit, ut perterritus ille, meliora omnia, seque in officio futurum, &
 quieturum sanctè polliceretur, imò & quæ pro concione dixerat, revocaturum.
Zbynkoni orationem luculentissimam, & *Hussi* responsum recitavit
Hagecius; sed nimirum hæresis ut tenax hedera hæc, & hæc arborem implic-
 errans (ait Poëta) ubi semel Imagines mentis infuscavit, nunquam bonæ
 fide deletur ex animo; reversus ad ingenium est *Hussius*, neque intra min-
Zbynkoni oratio fuisset, nisi *Sophia Wenceslai Caesaris* Conjux (cui *Hussius*
 confitenti aurem dabat) & per eam ipse *Wenceslaus Caesar Hussij* patrocini-
 um suscepissent. Eodem Anno 14. Julij de consilio Ecclesie suæ Prælatorum
 omnes suspectos de hæresi libros, præcipue *Wiclef* Opera in aream *Archiep-
 scopalis Domus* (quæ sita fuit in minore Urbe Pragensi, prope Pontem ad de-
 tram intrantibus) undique conquisitos, & unum in acervum comportatos
 jussit comburi; amplius ducenta Volumina pretijs maximis à librarijs scrip-
 (nondum arte typorum inventa) fuisse traduntur, quorum librorum ven-
 ditatem cum aureis bullis, & umbilicis, *Silvius* mirificè commendat; sed ni-
 mirum in aureo calice propinabatur venenum. Ex ea re tantum sibi hæret-
 icorum odium *Zbinecius* paravit, ut & *Hussius* rabiosis declamationibus, &
 vulgus hæreticum maledicis cantilenis *Archiepiscopum* non cessarent prosci-
 dere; videbant salvo *Zbynkone* se & hæresim perituram; ad extremum *Præ-
 sulem* tollendum omnes decernunt, & commodum *Zbynko*, cum nullum
 auxilium à *Wenceslao* Rege sperare posset, ad *Sigismundum Ungarie Regem*
 consilij, & opis necessaria gratiâ, descendebat; Cocus *Præsulis* pecuniâ co-
 rumpunt (quindecim aureis, non amplius, mors tanti, & tam egregij Præsu-
 lis emta est) id venenum *Pragâ* secum *Cocus* avexit, & *Posonij*, Domino, an-
 quàm ad *Sigismundi* præsentiam admitti posset (ut disertè tradit *Stephanus
 Palecz* Vir Catholicus in Epistola sua apud *Cochlaum*) porrexit; 28. Septem-
 bris, ipso *S. Wenceslai* die *Posonij* extinctus est, cujus pretiosam mortem
 conspectu Domini fuisse nemo è Catholicis dubitabit, quam scilicet hæresis
 intulit, docto eloquenti, sancto, & quod caput est, strenuo Religionis ant-
 quæ Defensori, ac Vindici, quos titulos *Dubravius*, *Silvius*, *Cochlaus*, *Zbyn-*

Zbinko Pre-
ful insignis.

Cochl. l. 1. hi-
stor. Huss.
Raynal. in
Ann. Eccl.
ad A. 1409.

Hussium
oratione a-
cerimâ ca-
stigmat.

Hæc. ad 1410
Epi. l. 4. C. 6.

Libros hæ-
reticorum
comburit.

Silv. in hist.
Boh.

Venenum
ab hæreticis
Zbinkoni
porrigitur.

Obitus in
caussa Reli-
gionis.

Dubrav. in
hist. Boh.
Cochl. l. 1. Huss.
Silv. l. c.
Zalansk. in
Vir. Huss. l. 3.

oni tribuerunt, contra hæreticos Scriptores, qui odio occupati, *Abecedarium* *piscopum*, aliisque indignis nominibus appellant. *Cocus*, ut hoc obiter djiciam, in suspicionem vocatus, tormentis examinatus, confessus est cædem *Brode* quatuor *Pragæ* milliarijs, terrifico supplicio, Equis discerptus est.

§. LXI.

Petrus Lazurus Abbas Opatovicensis Cœnobij Benedictinorum cum aliquot Socijs, quòd sacros Ecclesiæ Thesauros prodere, & tradere nollet, occisus 1415.

Non auderem profectò *Petrum Lazurum* accensere Martyribus, nisi Ecclesiasticas historias, SS. Patrum authoritates, *Menologia* & *Martyrologia* haberem in partibus, qui eos, qui vel sacros libros, vel Ecclesiarum pecunias, vel opes cæteras Tyrannis tradere noluerant, & in ea causa mortem oppetierant, celebrant ut Martyres. nota est *S. Laurentij* passio, nota *S. Leonis Papæ* sententia: *impious persecutor, si Laurentium fecisset* *pro pecunia traditorem, fecisset etiam veræ Religionis exsortem.* *Opatovicense Cœnobium* in *Bohemia* omnium *Bohemiæ* Cœnobiorum ditissimū ait, ut ex *Hagecio* pridem narravi; causa opum clara, & evidens, quòd in *Cœnobium* nemo nisi nobilissimæ, & avitæ stirpis admitteretur, inferrentque hereditates ditissimas. *Miesteczky* clarus genere, sed vitijs clarior miles, ex *Bohemiæ* Procerum gente, quæ scalas cum aduncis ferreis cuspidibus, quales in oppugnationibus Urbium adhiberi solent, gestabat in *Clypeo*, cum audisset, quæ *Carolus IV.* olim de sacris illis opibus Aulicis suis narraverat, concepissetque, ingentes divitias Ecclesiarum occulto quodam loco *Cœnobij* servari, An. 1415. 2. Novembris cum pauculis suorum ad *Abbatem Petrum Lazurum* venit; appetebat prandij tempus, humanissimè ad triclinium invitatur; dum securi rerum omnium *Monachi* prandent, adsunt plures *Miesteczky* *Satellites*, paulò post alij majore numero, tandem alij super alios irruunt, qui novissimi, fores *Cœnobij* occupant, *Monachos* obvios convulnerant, & contrucidant; tum primum *Miestecius*, quid venisset, ostendit, & in medijs pulvis, in hospitali mensa *Abbatem*, & *Seniores tres*, quatuorve Patres *Latro* celeratus adoritur: jubet sibi protinus *Ecclesiæ* thesauros, & quidquid opum in *Cœnobio* abditum haberent, argentum, gemmas, & aurum exponi, negantes id fas esse, vinculis constringit, tormentis excruciat, multos dies iterat tormenta, cumque eo pacto nihil extorquere posset, junioribus fratribus in misericordiæ speciem ejectis, spoliato Templo, & raptis cimelijs omnibus, *Abbatem* (quem *Virum Sanctum* vocant Scriptores) relinquit pro mortuo;

Strans. in.
Rep. Boj.
Lupac. in.
Calend. hist.
ad 19. Junij
Hag. ad A.
1411.
Theob. in.
Hussit. P. 1.
C. 7.

Inter Martyres numerantur, qui Libros, aut bona Ecclesiarum tradere noluerunt.

1415.

Epit. hist. l.
5. C. 5. & l. 3.
Miscellan.

Miesteczky stratagema in occupando Opatovicensi Cœnobio.

Excarnificatio Religiosi.

pau-

paucis post diebus dolore vulnerum *Petrus Abbas* expiravit; expirasse etiam seniores significant quædam *manuscripta memoria*. Vir Patriæ Historiæ primis peritus, affirmat, *Petrum Lazurum* eundem fuisse, qui *Carolo IV.* th. fauros *Opatovicenses* ostendit, sed istud Chronologia, & ratio temporum non permittit sentire.

§. LXII.

Multa millia Martyrum in Bohemia Hussiticis temporibus, Testimonio Pij II. Papæ occisa; Vir Nobilis in Bohemia exuri sibi patitur tibia potius, quam hæreticorum partibus accedere vellet.

Testimoni-
um Pij II.
Papæ de
multitudi-
ne Martyrū
in Boh.

Eques Mar-
tyr.

Hag. ad A.
1419.

Sil. in hist.

Boh.

Epit. lib. 4.

à C. 5.

Cochl. &

Theob. in

Hussit.

Avent. l. 8.

hist. Bojor.

Ziskam 500
Sacerdotes
suâ manu
perimit.

Rem totam, quam Titulo promisi, verbis *Æneæ Silvij*, postea *Pij II.* conficiam: is igitur *Alfonso Magno Regi Arragonum Bohemiam* historiam à se scriptam offerens, hæc inter alia habet in Præfatione Bohemis loquens: *Viri, inquit, constantes, qui vel exilium, vel carcerem, vel cadem pro testamento Christi fortiter pertulere, cum Rege suo in cælo regnant, ex aliena victoria triumphantes, quorum multa millia Bohemia tulit, nam, sicut Hussitarum insania Bohemicum nomen labefactavit, ita & virorum fortium constantia illustravit. nec Provincia est, quæ tempore nostro plures Christi Martyres, quam Bohemia protulerit. Inter quos Equitem fuisse non est ambiguum, nobilibus parentibus ortum, quem captum ab Hussitis, ad motum ignibus, pedes primum, deinde tibia, mox genua, coxasque, postremo reliquas corporis partes exuri passum, quam illorum insanie consentiret. hæc Silvius. Quis ille Eques, aut quâ stirpe illustri genitus fuerit, etsi nulli diligentia pepercim, rescire non potui. Porro de Martyribus, & cædibus Catholicorum, quas sangvinarij Hussite in Bohemia perpetrarunt, legantur Hagek, Dubrovius, idem Silvius, Epitome historica nostra, & qui de bellis Hussiticis egerunt Cochleus, & Theobaldus. Aventinus quamvis hæreticus, & dubiæ fidei Scriptor pro certissimo affirmat: Ziskam cum Taboritis suis facile 550. Sacerdotiorum Foundationes evertisse, longèq; majorem Sacerdotum numerum peremisse. In Epitaphio Attilæ hujus Bohemici legimus, Ziskam suâ manu & ictu clavæ ferreæ, quingentos Sacerdotes occidisse; quâ in re etiam cæci funias & tenerrimas delicias habebat: manu alterâ in Capite Sacerdotum coronam tractare, dextrâ ictum lethalem infligere; quâ imagine expressur Ziskam, in hæreticarum Urbium parietinis, non semel spectavi. De aliis hæreticorum, qui succedere Ducibus prudens Lector faciat conjecturam; certe nihil illi, duo Procopij Taboritarum, & Orphanorum Duces, ut alios tace-*

concefferunt, *Crugerius Pulverum* Bohemiæ diligens Scriptor, existimat, *tricies centena hominum millia* (scio quid scribam, *tres hominum milliones*) ex Catholicis, omnium nationum, Cruce signatorum &c. in Hussiticis bellis cecidisse tum in acie, qui pugnârint, tum qui in Urbibus captis perierint; eos verò qui nihil moverint, & pro Religione in Cœnobijs, claustris, Collegijs Canonorum, & Parochijs cæsi sint, item qui oppressi hæreticorum adventu repentino exturbati sint è vita, unius Religionis odio, extinctos acilè *centum millia* numerari posse; *ducenta* ampliùs Cœnobia ab uno *Ziřka* excisa, eversa, & in cineres cum Religiosis Incolis redacta fuisse.

*Ad 18. Sept.
12. Octob.*

Ingens numerus Catholicorum occisus ab hæreticis.

§. LXIII.

Undecim Consulares Viri Novæ Urbis Pragensis, cum Nicolao Urbis Judice ob Religionem defensam crudelissimè necantur.

Z *řka*, qui mortem *Hussi* contra fidem datam, ut jactabat, factam ulcisci, quacunque demum viâ posset, statuerat; ut aliquod *Pragæ* initium turbarum daret, suosque sanguini assuefaceret, simul ut grandi aliquo facinore perpetrato nullam gratiæ spem haberent, ideòque *Duci* suo fideiiores esse cogerentur, 30. Julij An. 1419. Plebem concitat, & quicquid hæreticorum, & sceleratorum hominum colligere potuit, secum rapit; primus impetus in Cœnobium *Carmelitanum* factus est (quòd *Carmelitani Patres* Constantiæ in *Hussum*, ac præcipuè *Hieronymum* testimonium dixissent) inde *Parochia S. Stephani* expugnata, *Parochum* occidit, & ex longa trabe per fenestram suspendit; causam in *Epitome ex Theobaldo* adduxi. Interea *Senatus Novæ Urbis* in Curiam congregatur, ut si possent, seditionem consilio sedarent: erant Viri Catholici omnes, præsertim *Nicolaus Judex*, qui jussu Senatûs sæpius clandestinas coitiones, quibus malè feriat homines hæresin suam firmabant, & adversùs legitimos Magistratus, *Ziřka* incentore, conjurabant, dissiparat; nihil verò *Ziřka* ferebat ægriùs, quàm quòd nuper *Senatus Decretum* tulerat, nè *SS. Christi Corpus in Monstrantia* sinè autoritate publica per plateas Urbis circumferretur, quo velut instrumento aptissimo ad concitandas turbas plerumque hæretici pietatem prætexentes sceleribus, utebantur. Primus *Ziřka* voce sublatâ *Senatum* ignominiosè appellat, sequuntur comilitones cæteri; denique *Ziřka* in Curiam ducit, & priùs jurgatur cum Senatu, armatus ipse cum armatis suis proximum quemque vulneribus conficit, ac nè sui, qui ante Curiam stabant, otio marcerent, aliquos ex *Senatu* magis exosos è fenestris præcipitat; hos illi cadentes ex alto acutis excipiebant hastilibus, & si quid superesset vitæ, tribulis ferreis excutiebant; tredecim *Hagecius & Theobaldus* eo die sædes factas scribunt; Undecim Senatores, *Nicolaum*

1419.

tumultus à *Ziřka* excitatur.

*Theob. in
Huss. P. 1. C.
29.*

*Dubr. l. 24.
Epito. rer.
Boh. l. 4. C. 5*

Senatus Novæ Urbis trucidatur.

Hag. ad A.
C. 1419.
M.S. Chro:
Boh. tit. Cō
sules ex Cu
ria præcipi
tati.

Nomina Se
natorum
Catholico-
rum, qui
cæsi ab hæ-
reticis.

Nota.

Ziska Dux
sceleris.

laum Judicem, ejusque famulum seu apparitorem, cæteros ex Senatu, matu-
rè sibi consuluisse. Scelera hæc non per tumultum, sed ex destinatò, & ini-
to longè antè consilio perpetrata significat *Hagecius*; Catholicæ Religionis
odio cæsos, nemo unquam dubitavit. Hanc Tragœdiam longè aliter reci-
tat coævus, quanquam & ipse sublestè fidei Scriptor in M.S. Chron. cujus ver-
ba in latinum conversa adducam, præsertim quòd nomina fortissimorum
Virorum, quæ alibi non leguntur, apponat: An. 1419. die Dominico in fe-
sto S. Abdonis instituta est solennis Supplicatio ab Ecclesia B.V. ad Nives ad S.
Stephanum, quòd venientes fores clausas invenère; itaque effregère S. Stephan-
januas, & ingressi Missam dixerunt, Eucharistiam sub utraque specie Populi
porrigentes. Dum à Processione redirent, ad Curiam Novæ Urbis restitè-
runt paululum postulant, ut Consul, Senatus ac Judex dimitterent liberos, quo
propter usum Calicis carceribus attinerent, respondit intrepidè Senatus: id
facere non posse; interim ex Curia nescio quis in Sacerdotem hæreticum, qui
supplicatione Populi Monstrantiam, ut dicimus, gestabat, lapidem jecit; undè
processio turbata in Curiam impetum facit, & Curiam occupat: ante omne
Magistro Civium vis & manus illata, Joannes Podvinsky dicebatur, tum Cle-
mens Sstiašnik, Thomas Pellio Consules, Czenko Patriarcha cognomine, Rze-
hla Drevvnik, Joannes Humpolecz, Wenceslaus Barborzin, Joannes Kaba-
Nicolaus Sasyn Judex arrepti. Judicis famulus Gregorius Walcharz infr-
in Culina Curie mactatus est. Hos Senatores quos nominavi, & quosdam
alios immisericorditer & immaniter peremere: nam omnes ex fenestris Senacu-
dejecti necessariò in hastarum cuspides, in veruta, gladio & ficas incidebam
& si qui innoxie cecidissent, ferratis flagellis trucidabantur. Hæc Scriptor eju-
temporis, qui etsi hæreticus facinus detestatur, simulque satis ostendit un-
cam cædis causam Religionem fuisse! ad extremum totum hujus sceleris ord-
nem Ziska præfenti imputat, quem ait, (quod notari meretur) præ cater
Aulicis Regi Wenceslao fuisse charissimum, & perquam gratiosum.

§. LXIV.

Carthusiani undecim (spoliatâ priùs ab hæreticis
& incensâ Pragensi Carthusiâ) spinis coronati, pe-
Pontem ducuntur, Urbe pelluntur, ac deniq;
necantur immaniter.

1419.

Dubr. hist:
Boh. l. 21.

ERat Praga perillustre tam à Sanctimonia, quàm à doctrina Cœnobiu
Carthusianorum, Hortus MARIÆ appellatum, An. 1341. ab Joann
Bohemiæ Rege conditum, & magnificè fundatum (cujus Cœnob-
originem, dotationem, Viros præclaros, aliâque huc spectantia suo tempe-
re, ac loco commemorabuntur) hoc tempore Marquardus Wartembergi.

Ca

Carthusiæ Pragensis Prior, *Hussi* acerrimus infectator, accusator, & hæreticorum *Pragæ* malleus ab ijs maximè designabatur ad cædem, tótque ac tam multiplices erant insidiæ, ut de cõmuni amicorum, & Catholicorum confilio cedere tempori, & *Pragâ Brunam* velut in exilium discedere cogeretur, uæ profectio *Priorem*, ejusq; itineris comites aliquot morti subtraxit; namque interea *Pragæ* horrida ab hæreticis excitata tempestas An. 1419. 31. Julij in Carthusianos incubuit, quam *Hagecij* Bohemiæ Principis historici narratione in Latinum versâ, fideliter recitabo: *Manè die SS. Abdonis, & Sennen* 319. *Nova Civitatis Pragensis* seditiosi Incole iterum ante Curiam conveniunt, &c. Monasterium *Zderasense* invadunt, spoliant, incenduntque. Forè per id tempus ante cataractas, & molarum aggeres, lignorum plurimæ rates appulerant, ut ad alteram *Muldavæ* ripam tutò liceret transgredi; ergo fax hominum furiosa transeunt, & in Cænobium *B. Virginis in Augezd*, quod *Joannes Rex cæcus* An. 1341. splendidissimè exedificarat, irruunt, spoliant, & subiecto igne concremant. Monachos venerabiles senes vinctos trahunt in *Vetere Urbem*, Capitibus eorum coronas spineas imponunt, habentque ludibrio. Postquam ad Pontem medium ventum est, quidam è Ponte deiciendos, & merendos esse clamant, alij repugnant, rixa ac deinde pugna ipsorum hæreticorum exoritur, vulnerati non pauci, duo etiam occisi sunt. Ejus totius sceleris (in Carthusianos) & sacrilegij admissi causa in *Joannem Bradaty* veteris Urbis Consulem conferebatur. Quidam *Marzik* ex *Nova Civitate* Coriarius, indutus habitum Sacerdotalem, calicem sacrum manu præferens, tripudiânsque, & gesticulans, Carthusianos antebat, quos in carceres *Antiquæ Urbis* in ipsa *Curia* (undecim numero) detrusere arctè foribus conclusis. Senatui *Antiquæ Urbis* Tumultus iste non placuit, ideòque citatum sacrilegum illum *Marzik* conjecerunt in vincula, & sero diei illius (quantumcunque Consul *Bradaty* repugnaret) velut tumultus in quieta urbe auctori, caput amputari jusserunt. Altero die Senatus Carthusianos invisit in carcere, reperti sunt non amplius decem, cum pridie undecim intrassent; ergo vectibus, & seris multiplicatis, arctius custodiri jusserunt, tertio die reperti sunt novem; quærent Consules, quò duo jam fratres devenissent? respondent: dum unà cum ijs nos omnes in faciem procumberemus, DEUM pro nobis, & inimicis nostris orantes, nescimus, quò devenerint; responso dato Carthusiani reducuntur in carceres. Paulò post Senatus universus cum Consule *Joanne Bradaty* in carcerem venit, alloquuntur singulos, & magnâ diligentia sapius numeratos novem restare comperiunt, tum discedunt, atque in præsentia sua oppellulari diligenter omnia jubent, nec istâ diligentia contenti, annulis, & sigillis suis fores ipsas, seras, & quidquid ejusmodi fuit, obsignant; Manè altero reversi, unum iterum desiderari vident, octo tantum relictis; attoniti rei novitate, quærent: ubi nonus, quem heri viderant, esset, quò devenisset? respondent Carthusiani: charissimi Filij, ut jam dixi-

Carthusia
Pragensis
excisa.

Hag: in An.
Boh. ad An.
1419.

Carthusia-
ni ignomi-
niosè in Car-
cerè ducti.

Prodigosè
Carthusia-
ni ex carce-
ribus emit-
tuntur.

Pontan. l. i.
Boh. Pie.

Carthusia-
ni cū Sedle-
censibus in-
terfecti.

Quo die va-
kata Car-
thusia.

Theob. in
Hussitici.
P. i. C. 29.
sed male A.
1418.

In Tract. de
Cœnobijs.
Carthusia:

Quinā Car-
thusiani Sed-
leci depre-
henſi & ne-
cati ſint.

mus, nobis orantibus, quò alteri, & iste devenerint prorsus ignoramus. S-
natus ergo miraculo flexus, liberos omnes esse jubet, & protinus è carcere dimi-
ti, dato etiam comœatu, & ex satellitibus comitatu, qui in Moraviam ituro
deducerent, & securitatem præstarent. Hæc Hagecius, & in Bohemia Pi-
Bertholdus Pontanus, Metropolitanæ Pragensis Ecclesiæ Præpositus, ex qu-
bus & miraculi magnitudo, & Christi Pugilum fortitudo cognoscitur; fæl-
ces profectò, qui ad Christum extra castra, improprium ejus portantes exie-
runt, & imitatione Christi spineam coronam ferentis præluserint morti! nam
(quod ad alia properans omisit Hagecius, sed alij Bohemiæ Scriptores, Pa-
lus Zidek vicinus eorum temporum, & Bilejovius tradiderunt) Carthusiens-
Pragâ relegati, & Sedlecium ad Cisterciense Cœnobium progressi, remis-
Comitatum Satellitum, ibique apud amicos Patres, & Fratres confed-
Non multo interjecto tempore, alia hæreticorum manus (qui postea Camp-
stres appellati sunt) in Sedlecense Cœnobium incurrit: spoliatur rebus omni-
bus Cœnobium, Religiosi Viri aguntur præcipites, alij exquisitis supplici-
necantur, natant religioso sanguine pavimenta, Tempia, & Altaria sacrile-
gijs contaminantur; ibi quoque Carthusienses Nostri cum Cisterciensibus a
hæreticis deprehenſi, Religionis odio, pridem prædammati, vitam profunde
runt cum sanguine. Hactenus ex narratione Hagecij, Pontani, Theobaldi
&c. at M.S. Chronicon coævi Scriptoris hæc acta Pragæ non die ultimâ Juli
sed in Augusto (die Jovis post Assumptionem Dei Mariæ) disertè tradit; cū
subscribunt alij quoque Codices Manuscripti, quorum unus tradit, Carthu-
sianos Patres prius à furentibus in Cœnobio baculis & fudibus, crudelissim-
verberatos, cū ducerentur, cæruleis vibicibus lividos, luto & cruore obli-
tos miserum de se spectaculum præbuisse. Unum illud de cæde Carthusia-
norum Pragensium Sedlecij expedire satis tutè non possum: RR. PP. Carthu-
siani in Memorijs suis antiquis nihil tale reperiunt, sed Pragâ eductos Brunar-
apud Moravos (quò jam Prior Pragensis Marquardus ex nobilissima War-
tembergicorum stirpe prognatus, ut alibi probavimus, pridem præcesserat
plerosque tenuisse significant. Quid igitur Authoritati Veterum faciemus
dicendum necessariò erit: alios ex Pragensibus Brunam pervenisse, alios Se-
dleci hæsisse, aut (quod verisimile prorsus mihi visum est, idémq; affirmat in
chartulis suis Georgius Crugerius Societatis nostræ Sacerdos peritissimus histo-
riæ patriæ) eos Carthusianos, qui Sedlecij apud Cistercienses necati scribun-
tur, ex Podiebradiensi Carthusia profugos, eo tempore Sedlecium advenisse
favet vicinitas locorum, favet utriusque Cœnobijs vetus fraternitas, favet caus-
sa communis, & hæreticorum internecina hostilitas, favent aliæ omnes con-
jecturæ, ac potissimum, quòd eâ ratione in speciem discordantes, bene
conciliantur sententiæ.

§. LXV.

Clatovienses, & Pisecenses hæretici Cœnobia
Prædicatorij Ordinis apud se sita invadunt, ac
Religiosos Viros crudeliter interimunt.

Non potest explicari satis, quàm citò scelera, & scelerum exempla vul-
gentur in populum, ac propagentur: vix pauca illa, quæ antè dixi,
Cœnobia arserant Pragæ, jam & Pisecæ, & Clatoviæ Pragâ procul, Ci-
es confurrectione factâ, suorum Religiosorum Conventus immeritos occi-
lunt: odio capitali in Ordinem Prædicatorum Viris doctrinâ, & pietate cla-
issimis ferebantur hæretici, ideoque cupidius, atque atrocius egere; utrobi-
que magnifica prorsus, & augusta stabant Templâ, Cœnobîa omnia lapidea,
ut laterculis constabant, manibus multa dejecta sunt, quæ flammis non con-
iderant; Religiosi ipsi, ut fors tulit, aut ensibus transacti, & concisi, aut tri-
bulis ad mortem verberati. Hæc gesta: 1419. inter 17. aut 20 Augusti, nam
variant Authores. Non palmare tantum, sed triumphale omnino facinus
lixerim Pisecensis Sancti Dominici Familiae; quibus, cum hæretici optionem
ledissent, vel è vestigio Missam dicere (etsi jam dies in vesperum desineret)
c sub utraque specie Laicis, hæreticorum ritu, Eucharistiam porrigere; aut
inter extremos cruciatus perire, postremum unâ omnes elegerunt, nullo sup-
plicia, quæ parata videbant, recusante. Illud & in his, & in aliorum quoq;
Cœnobiorum excidijs (quæ nunc subjiciam) magnopere dolendum: Nomi-
na gloriosissimorum Virorum nusquam annotata apparere, præter paucissi-
mos: sed nihil mirum; nisi mortui, aut morientes, scribere non poterant,
cum hæretici ipsam etiam terram, taceo memorias, si quas reliquerant, in
qua sacri homines steterant, è rerum natura auferre molirentur. Agunt de
his cædibus Theobaldus, Cochlaus, Hagek, aliique omnes, qui bella Hussiti-
ca prosequuntur. Laurentius de Brzezyny sacrilegium hoc à Pisecensibus A.
1419. Dominicâ post Assumptionem B. V. patratum scribit, omnes Cœno-
bij Religiosos occisos, Priorem unicum abfuisse paucis antè diebus Budvicium
negotiorum causâ profectum. Adjicit: Cives Pisecenses Catholicos, qua-
draginta numero, in exilium actos, quod manus commodare noluerint, ne-
que ejus Cœnobij excidium sibi placere significârint. hæc M. Laurentius.

Epit. rer.
Boh. l. 5. C. 5.

1419.

Fortitudo
Pisecensis
Conventus
Ord Præd:

Hagek ad
A. 1419.

Theob. in
Hussit.
Hagek. l. cit
Cochlaus.
aliique.

Catholici
Pisecæ in E
xilium acti.

§. LXVI.

Novæ cædes DEO sacratorum hominum Pragæ,
& plurimorum Cœnobiorum excidia. A. 1419.

AB hoc dato initio sacra evertendi, & Religiosos Viros trucidandi
(quos ipsi inutile telluris pondus, & Cœnobîa otiosorum hominum, &
sagina

Monasteria
Pragæ cum
alumnis suis
excisa.

Lup. in Ca-
lend. hist.

Zidek in
M. S.
Weleslav.
ad 3. 6. 31.
Julij. 27.
Aug.
Theob. in
Huff. P. 2.
C. 33.
Epit. l. 5. C.
5.
Laurenti-
us in M. S.

sagina deditorum domicilia appellabant) incursum in alia Cœnobia pauci post diebus, nec ulla prope Augusti dies Praga sine scelere, & sanguine transivit: *Brzevnoviense* magnificum ad Pragam Ordinis S. Benedicti, *Strahovien*se Norbertinorum æquè splendidum, & in minore Praga *Plassensis* *Prapossitura* post portam Augezdensem; *Meliten*sium Equitum in pede Pontis ac *Sanctam Reginam*, hodie ad *Catenam* dictum; *S. Thomæ Eremitarum* *S. Augustini*; Vestalium de *Pœnitentia* *S. Mariæ Magdalene* diruta sunt (duo postrema Anno sequenti etsi lacera jam, stabant, incensa tamen sunt, ut habet *Lupacius*) sacri Deo homines utriusque sexus, quicumque non effugerant (& quis, oro, effugere eam celeritatem, & vim hostium, nisi forte pauculi apud cognatos, & amicos clam servati, & occultati potuissent?) ceteri omnes crudeliter excruciat, & interfecti varijs mortibus, paucissimi in carceres coniecti, & postea misericordiâ animos Civium aliquorum subeunte, in exilium acti præcipites. Nec minùs in *Veteri* & *Nova* Urbe sævitum: dejecta sunt *S. Clementis Prædicatorum* ad Pontem; Virginum *S. Claræ*, quod ad *S. Franciscum*, aut *S. Agnetem* appellant; aliudque non procul *S. Barbaræ* ejusdem Ordinis Virorum; ad *S. Benedictum* Crucigerorum Prutenorum; *Carlovien*se Canonorum *S. Augustini*; *S. Ambrosij* sub Wissehrado Ambrosianorum Ordinis S. Benedicti; denique *Carmelitanorum* ad *Nives*, & si quæ fuerunt alia. Quæ adduxi, omnia in Scriptoribus eorum temporum, alijsque tam Manuscriptis, quàm Typo editis *Historijs Bohemiæ* nominata leguntur: ubique plurimum factum sanguinis, direptaque omni suppellectili, Templis, & Cœnobiorum parietes dejecti, omnesque deprehensi *Sacerdotes* & *Monachi*, omnibus humanæ patientiæ exemplis necati.

§. LXVII.

Austa Sezymæa Civitas cum Incolis, & cum toto Prædicatorum Cœnobio, Religionis odio à Taboritis deletur. Ulricus loci Dominus in Castro Sedlecz captus, cum plurimis alijs Viris Religiosis ac Sacerdotibus necatur crudelissimè.

Hag. in An-
nal. ad 1420

Austæ Ca-
tholici occi-
duntur.

Anno 1420. 21. Februarij die Cinerum, *Austa* Civitas (*Austi* Bohemis) sub *Taborio* sita, *Ziscka* Duce excinditur; timebant hanc urbeculam *Taborita*, quod vicina *Taborio* (quod condere moliebantur) progressiones Urbis novæ sistere una posse videbatur; præsertim quod Austæ imperaret *Ulricus Sezyma* de *Austi* ex Rosensibus (qui cæruleam in clypeis Rosam gerebant) ortus, acerrimus Religionis Catholicæ defensor, & hæreticorum hostis. Ergo cum lætiores epulis celebrantur dies, *Bacchanalia* dicti,

ante

te creperam lucem diei cinerum, *Ziřka* summo silentio cum suis *Taboritis* invadit Urbem, nec nisi jam captā Urbe, cū defendendi nullum locum, nullūque tempus haberent, *Cives* hostem sensēre, & continuo ad mortem cōsēti. Stabat in eadem Civitate Austensi *Prædicatorum Cænobium* (de quo aliquid dicere memini, cū de *Illustrissimo* illo ordine alio in loco agerem) huc confluxēre latronum sāvissimi, ut eorum, quos pessimē oderant, supplicijs pascerentur. Quibus cruciatibus exturbati sint ē vita, nemo veterem tradidit; totum Religiosorum gregem, seu *Conventum* crudelissimē percutum, omnes *Memoria veteres* affirmant. Tragœdiā peractā, & aliquot hominum (quod dubitari in tanta id temporis Civitatum frequentia, ac multitudine populi, non potest) millibus, incensa *Civitas*, rogos omnibus domus, & domus, & moenia super *Cives* ruēre. Extant hodiēque *Austæ* vestigia, & seges est urbis vice; plateæ *Ecclesiarum*, & præcipuē *Cænobij* locus post duo, & amplius sæcula agnoscuntur; agnovi & ipse, locūque tot Martyrum cruore signatum cum lacrymis salutavi. *Ulricus de Austi*, quem super nomināram, dum caperetur *Austa* aberat, atque in vicino castro *Sedletz* dicto morabatur; in idem Castrum plurimi sese *Sacerdotes*, & *Religiosi* viri cum *Cænobiorum* & *Ecclesiarum* suarum sacris opibus receperant. Die una post *Dominicam in Albis Taboritæ* quatuor ex sese lectis Ducibus Arcem *Sedletz* ex improvise invadunt, & occupant. *Ulricus Sezyma* loci Dominus protinus ante omnes tribulis ferreis datur in terram, & barbarā crudelitate perimitur. Mortuo *Ulrico* (tanta fuit ulciscendi rabies!) pedes & manus abscidēre *Taboritæ*, eosque unā cum trunco corpore in rogum iniecēre; cæteri æquē sacri ac profani homines, quicunque reperti sunt, nullo discrimine diversis mortibus periēre, arx ipsa subiectis flammis deleta.

Cænobiū Austense eversum, Sacerdotes occisi.

Ulricus Sezyma ex Procerum familia crudeliter cum alijs occisus

A. 1420.

§. LXVIII.

Coenobia: Milovicense Præmonstratensium, & Launovicense Virginum ejusdem Instituti; Pragæ Melitensium Equitum; Prædicatorum ad Sanctum Clementem An. 1420. excisa ab hæreticis. Exules Catholici Pragenses.

Cū *Taboritæ*, ut modò narraveram, *Austam Sezymaam* delevissent cum Civibus, in proximum *Milovicense Virorum, & Launovicense Virginum Cænobium*, utrumque *Præmonstratense* invadunt, spoliant, incendunt, ac diruunt; an in D E O consecratos homines ferro grassati sint, in silentio hæreticorum Scriptorum (qui crudelitatem suorum ubique tegunt, & excusant) certum non habeo, sed perpetua *Taboritarum* consuetudo

1420.

Milovicenses nocte effugiunt.

Epit. rer.
Boh. l. 5. c. 7.
Hagek ad
A. 1420.

Exilia Civi
um Catho-
licorum Pra
ga.

Hag: l. cit.

do, qui jam tum sanguine sacro manus imbuerant, quid sit factum, ostendit
Ex *Milovicensi*, noctis beneficio, evasisse Religiosos scripsit *Hagecius*. *La-*
novicensis Parthenonis ditiones Civitati suæ novè adjunxere *Tabores*, quod *S-*
gismundus *Cæsar* postea ratum habuit, ut Jure fecisse viderentur; id unum
scilicet calamitatibus *Bohemiae* deerat, ut sacrilegia Juribus firmarentur. Pra-
gæ quoque per id tempus quædam Cænobia deleta: *Rhodiorum Equitum*
dictum *na Bogiffi*, *S. Clementis Prædicatorum* in vico Porzicensi in Nova
Urbe; *S. Catharinae* in eadem urbe, *Virginum S. Augustini* Instituto viven-
tium, aliæque. *Exilia* quoque, inter supplicia *SS. Martyribus* irrogata,
computant *Annalium Ecclesiasticorum Scriptores*; id *Pragensibus* Urbibus
hoc Anno accidisse notavit *Hagecius*: septuaginta, & amplius Familiae Ca-
tholicae in *Urbe Antiqua Pragensi*, vacuis domibus relictis, nec pauciores in
Nova, Religionis causâ (cui jam *Praga* locus non erat) solum (partim vi-
partim sponte, & necessitate adacti) verterunt; maluerunt scilicet vitam in-
opem, & vagam persequi cum suis, quàm excidium antiquissimarum Reli-
gionum (quod gravius omnibus supplicijs esse credebat) aspicere, & quoti-
dianis injurijs expositi vivere in *medionationis pravae*, & peccatis urgentibus
jamjam convellenda, ac penitus dilaceranda. Queruntur de ea solitudine &
domorum centum quadraginta, & plurium vastitate, etiam *Scriptores* hære-
tici, dolentque cum *Catholicis* tam crudeliter actum: potuisse enim, si mol-
lius egissent, forsitan ad partes suas adduci.

§. LXIX.

Sexaginta quatuor, Patres, & Fratres Ordinis Ser-
vorum Beatissimæ Virginis à Taboritis in Cæno-
bio Boticensi ad Ecclesiam Beatæ Virginis Anun-
ciatæ Pragæ in Rogum injecti, & flammis
consumti.

1420.

Capitulum
Servitarum
Pragæ, ex ijs
64. igne
pro fide Ca-
tholica cõ-
busti.

Anno Christi 1420. 3. Junij. *Tabores* gens ad excidium Religionis in
Bohemia nata in *Cænobium Servorum Beatissimæ Virginis in pratul-*
dictum, sub *Wissebrado* in Nova Civitate Pragensi ad rivum *Boticz* fi-
tum furioso impetu incurrunt. Mirabili Numinis Providentiâ factum reor
ut per id, licet tam periculosum tempus, *Capitulum* seu *Comitia* Sancti illi Pa-
tres *Pragam* indicerent, celebrarentque; parabat nimirum Religiosissimi
viris *Lauream Martyrij DEUS*, ideoque omnes in illam arenam collectos
quodammodo evocarat: Nomina præcipuorum, qui è nobilissimis *Floren-*
tia, & *Senis* familijs orti fuere: *Augustinus Cennini*, *Bartholomæus Donati*,
Laurentius Nerveci, *Joannes Baptista Patricci*. & hi quatuor Missionarij

Concionatores Apostolici, Virique doctissimi. Tum *Fovaccini*, *Piccomini*, *Franciscus Datrius*, *Bonaventura Chuni*, *Benincasa* (prænobilis in Urbe *Senis* stirps, ex qua, nisi fallor, *S. Catharina Senensis* prodijt) *Rapaccioli* illustre genus) *Periteus Malvecz* &c. Hos congregatos hæretici adoriuntur, quærunt: velintne quatuor illorum articulis subscribere? cùm negarent omnes, sc̃que pro Fide morituros forti, & invic̃o pectore responderent, statim Religiosæ domui, & Ecclesiæ Marianæ ab hæreticis subjiuntur faces, aptisque ex ardente Cœnobio torribus Rogi parantur; at SS. Martyres altissimâ voce hymnum: *Te DEUM Laudamus* inchoant, & cantu lætissimo prosequuntur, velut cygni modulando morientes. Ergo injecti in rogos latronum pascebant oculos, sed & atroci spectaculo cœleste prodigium jungebatur, quippe animæ purissimæ *Servorum Beatissimæ Virginis* columbarum instar ex ipsis rogis evolantes in cœlum à *Taboritis* spectatæ sunt, ut veteres hæreticorum manuscripti Codices testantur, sed nimirum bene in SS. codice Evangeliorum de improbis legimus: *neq; si quis à mortuis resurrexerit, non credent.* Ex Epistola Manuscripta R. P. *Gerardi Ordinis Servorum B. Virginiæ* data An. 1420: 30. Novembris. Freibergâ.

Miraculum
in eorum
cæde.

Vide Epit:
histor: nost.
l. 3. C. 21.

§. LXX.

Cœnobium opulentissimum Apostolorum Porta (vulgò *Postoloprty*) Ordinis Sancti Benedicti ad Launam, atque in eo Religiosi omnes ferro, & igni delentur. Nepomucense Cisterciensium Cœnobium duplex excisum.

Eodem Anno 1430. scelerati *Hussitæ*, & ex ijs ultima fæx latronum conjuratione factâ, silentio comparatis rebus omnibus, *Postoloprtense* Cœnobium summâ celeritate (quod alioqui præviso periculo defendi posse videbatur) occupant, & occisis prius crudelem in modum *Monachis*, nullo inter sacrum, & profanum discrimine, diripiunt omnia, ac tandem *Eclesiam* elegantem cùm toto Cœnobio succendunt; periêre eo incendio omnes reliqui, qui sese quibusdam Cœnobij latebris contexerant, tum magnæ Ecclesiasticorum ornamentorum: occisorum Religiosorum numerus longè supra centum fuit, quorum nomina scripta sunt in cœlis; Nos defectu monumentorum nominare non possumus. Dolebant Majores nostri, æquè *Hæretici*, ac *Catholici*, consumtam flammis in Cœnobio *Bibliothecam Manuscriptorum Codicum* præclarissimam omnis argumenti, quâ numerosior, & præstantior alteram, eâ tempestate *Bohemia* non habuerit. Paulò aliter rem gestam ex *Hagecio* narrat *Papocius*; videlicet: defensum à Sattelli-

1420.

Epit. rer.
Boh. l. 4. C. 7

Frequentis-
simum Cœ-
nobiū Por-
tæ Aposto-
lorum ever-
titur.

Bibliothe-
ca pulcher-
rima perit.

Pap: in Mo-
naster: Boh.

tellitibus conductis summâ vi Cœnobium, sæpiusque rejectos hostes (quos ille Slanenses, Zatecenses, & Launenses fuisse affirmat, Duce Puta, & Zarvissu Barbato, Equite Obrovicio, & Petro Sspiczka Taboritico Sacerdote, quicū assultibus nihil se viderent proficere, sagittis flammis ferentibus, multi in locis Cœnobium, quod arci, & Castello munitissimo simillimum fuit, incenderint, cædēsque reliquas perpetrarint. Narratio à priore non multum differt; lectores in re tam antiquâ, sequantur quod volent.

Cædes fa-
crorum ho-
minum Ne-
pomuci.

Nepomucum Cisterciensis Instituti Cœnobium in lætissima valle sedebat, alterum ejusdem instituti Virginum in vicino monte viridi (Grünberga) procul eminebat, illud Colonia fuit Cœnobij Erbacensis, ut pridem ostendi, dicitur Parthenone, præter traditionem certam, nihil adhuc invēni. huc occultis itineribus ijdem Cœnobio-clastæ perveniunt, unōque impetu invadunt, & capiunt; plures centum, & quinquagenis viros sacros, & Virgines DEO devotas, velut victimas, nihil pugnantē ferro variè interemerunt.

§. LXXI.

Monachorum Castrum Cisterciensis instituti captum, & cum Religiosis viris omnibus ab Orebitis funditus deletum, A. 1420. Pragæ rogo exstructo, duodeni Brzevnovienses Religiosi, tum alii duo Catholici publicè cremantur.

1249.
Epit. rer.
Boh. l. 4. c. 7

Gradicense
Cœnobij
vastatur.

Religiosi in
terfecti.

Hinec Krussina de Lichtemburg Orebitarum Ductor, Vir consilio, & manu promptissimus, sed partium malarum, cū suos ditare vellet, quibus legitima stipendia representare non poterat, Ambrosij sacrilegi Sacerdotis (qui castra, & milites Trzebechovicij collectos sequebatur, ac postea vel hoc merito, Reginohradecio in Junio occupato, Reginohradecensem Archidiaconatum ab hæreticis obtinuit) tum etiam Apostatæ Matthæi Lupacij consilio, Ziseca, & Taboritarum exemplo, pecuniam facere constituit; Nobilissimum disciplinâ, & institutis optimis, numero, & ædificationibus splendidissimis, augustissimâ Basilicâ, aliisque ornamentis Cœnobium erat in Boleslaviensi Provincia, Cisterciensis Ordinis, quod Hradistiense, ipsimet verò Religiosi Monasterium in Gredis appellabant, ut ex Libris Erektionum intelligimus. Dubitari non poterat, si latronum adventus patuisset, vitari excidium potuisse; at Hinec, nè res emanaret sollicitus, die noctūque continuatis itineribus Castrum inobservatus repentè adoritur; non fuit pugna, sed victima, licet præfidiarii in re tam subita acriter locum tutarentur. Incenso Cœnobio sacri incolæ, maximo numero (ut tum erant tempora) aut inter ferrum, aliâque supplicia, aut denique inter flammis, beatas animas posuerunt.

ant. Quid hâc sanctius morte, quid optatius, quàm Christo sanguinem
are pro sanguine, & vel cruore temperâsse hæreticorum sitim, ut initius Ca-
cem sitirent?

Jam Praga fora rogis, ultrinis, & busticetis inflammari vidisses. 6. Ju-
nij (sacro Corporis Christi die) insidijs hæreticorum excepti Brevnovienses
quidam ex D. Benedicti familia, qui incenso 22. Maij Coenobio, & Templo
agustissimo, nuper evaserant, educti in forum, & in rogi injeçti, concre-
nantur. Duodenos numero fuisse Brevnovienses, affirmat idoneus Au-
thor Dubravius; his in pari caussa additos esse duos scribit Theobaldus, vide-
licet Sacerdotem Catholicum, tum Germanum quendam, qui tot sacrilegio-
rum, quæ videbant, odio, vocem aliquam miserant; quâ reprehensione li-
cet verissimâ, irritati hæretici, utrumque in flammâ, & ardentem rogos injeçere.

Wes. in Ca-
lend. ad 6.
Junij.
Dubrav. in
hist. Boh. l.
24.
Theob. in
Hussitico.
Brzevniovi-
enses Reli-
giosi exu-
runtur.

§. LXXII.

Jacobus Scholasticus, olim Rector Universitatis
Pragensis, in exilium relegatur. Quatuor ex Aulæ-
regensi Coenobio sacrati homines, rursusque
alij quatuor in rogi impositi.

Quandam furiosæ suæ mentis imaginem in flammis habebant, & re-
ferebant hæretici; ideoque hoc pœnarum crudelissimo genere ma-
ximè sæviebant: nondum à priore supplicio sex abierant dies, rur-
sus ad terrorem Catholicorum, præsertim sacrorum hominum excitantur
ammæ, educti in publicum Cistercienses in Aularegia Coenobio educati, qui
neque blanditijs, neque minis de sententia dimoveri potuissent; ergo prius
omnibus contumelijs vexati, unâ in DEO spe repositâ, pro Christo, & san-
ctissimis Religionibus gloriosam expectare mortem duodecimâ Julij: nemo
erat, qui publicè condoleret, plurimi dolorem premebant in corde; at viri
fortissimi lætitiâ ex causæ bonitate vultu præferentes, vitam à quo accepe-
rant, reddiderunt. Vicecimâ Junij rursus aliorum quatuor Religiosorum
Virorum incendium (quorum ordo, & institutum ignoratur) Pragensi fo-
rum spectavit; optio data omnibus, si vitam servare vellent, sub utraq; specie
Eucharistiæ sumerent; aut si id nollent laudare, & probare se dicerent; negan-
tibus id sibi per Ecclesiæ leges, morésq; licere, neque DEO placere eos posse,
qui Ecclesiam Matrem non audirent, crudele flammarum supplicium irro-
gatum.

1420. 12. Ju-
nij.

Aularegi-
enses aliq; Re-
lig: incensi.

Epit. hist. l.
4. C. 7.
Theob. in
Hussit. P. 1.

Hag. ad A.

1420.
Rector Ca-
rolinæ Uni-
versitatis
Pragâ pul-
sus.

Mitiùs actum cum M. Jacobo Scholastico Viro doctissimo; cogno-
men Hagek non addit, sed Universitati Carolina quondam præfuisse, atq; eo
tempore in Ecclesia Teinenfi ad populum Concionatoris munere functum af-

firmat; is, cum disertâ oratione Populum doceret, quanta huic *Eucharistia* SS. Sacramento reverentia, & cultus deberetur, quâque in ea re graviter delinquerent, qui nihil comparati ad sumendum accederent, tantam *Taboritarum* offensionem incurrit, ut jam de morte inferenda cogitarent; *Senatus* cui ob Eloquentiam charus erat in primis, sequenti mox die Viro exilium indixit.

§. LXXIII.

Zifka expugnato Oppido Rziczano, septem Catholicos Sacerdotes, tum Hermannum Suffraganeum Pragensis Archi-Episcopi, tandem in Arce

Rabi rursus septem, vel decem alios Monachos occidit.

1420.

Hæreticorum astutia
nt Catholici
Martyrij
lauream eripiant.

Observatum pridem est ab historiæ nostræ peritis (quos inter *Georgium Crugerium* è S. J. Virum plurimæ lectionis nominare possumus) observatum inquam est: *Wenceslaum Hagecium*, cæterâ nobilissimum Annalium nostrorum Conditorum, in quibusdam historiæ partibus paulò negligentius esse versatum: proferam suis locis exempla nonnulla; hinc unum illud annotasse sufficiat, dum cædes Catholicorum ab hæreticis perpetratas describit, inhæsisse pertinaciùs *M. Laurentio BrzeZina*, qui cum ipsi *Hussi* placita, & errores sequeretur, ut suam doctrinam etiam Catholicis probabilem visam ostenderet, eos, qui ob fidem Catholicam à *Taboritis*, vel *Hussitis* occidebantur, precantes inducit, *se paratos esse sentire, docere, ac sequi quæ ipsi* (videlicet hæretici) *sentirent, Eucharistiam sub utraque duros, & suscepturos*, aliâque hujusmodi, ac nihilominus quasi jure belli cæcos esse quâ fraude *Laurentius* Scriptor astutus, plurimos egregios Viros pro Religione occisos, & prius omnibus tormentis excruciatos, Martyrij debitâ laudem fraudavit. Hoc nostrâ, & superiori ætate *Angli Puritani* imitantur, qui cum Catholicorum omne nomen in *Anglia* delere statuerint, Catholicis, si quod deprehendere possint, invidiâ veræ laudis, ac virtutis, crimina, aut perduellionem aliquam affingunt, jactantque, non ob Catholicam fidem (hanc enim veram causam nolunt prodere) sed ob conjurationem aliquam, aliudque simile crimen torqueri, & mortibus puniri. Hac fraude hæreticorum non animo adversâ, bonus, & bonæ mentis *Hagecius*, quæ in *Laurentio* hæretico invenerat, totidem propè verbis describit, & nutasse in Religione narrat eos, quos alij *Manuscripti Codices*, & ipsimet hæretici, ut *Theobaldus in Hussiticis* commemorant: fortissimè, ut decebat, tolerasse pœnas omnes, ac pro Religione sua tuenda, mortes atrocissimas subijisse. Ità *Borzka Wartembergica*

Borzka Antistita S. Georgij defenditur.

Anti-

antistita Parthenonis Georgiani Pragæ, virilis animi Virgo, cum Pragensium articulis subscribere nollet, pulsa è claustro, ac deinde cum Virginibus suis omnibus in exilium est deportata (quam Hagecius Laurentio suo anxie inhærens, subscripsisse illis articulis affirmat, Theobaldo, etsi hæretico, ex alis MM. SS. docente, subscribere noluisse) & sanè si subscripsit, cur ejecta est? profecto nullam hæretici causam adferre potuissent. Idem in narranda cæde Berunensium Catholicorum, Laurentij sui autoritate deceptus peccavit Hagecius, cum nobilissimos Viros pacisci cum hæreticis voluisse, & se hæreticis accessuros promississe describit, quos Theobaldus nullis pollicitationibus ad mundam Religionem induci potuisse affirmat, ideoque in caldaria cella subje- dis facibus arsisse. Quæ enim sæviendi causa? cum insuper hostes acce- sione tam clarorum Virorum hæresin suam firmare potuissent? adde, quod innumeris exemplis constet, omnes fugitivos claustrorum, & Sacerdotes ip- sos, quicunque sceleratis illis exercitiis addere sese voluissent, statim, & promptè receptos, etiam posthæc agminum ductores evasisse! hinc illa Pro- opij Rasi turma, totius Exercitus Taboritici flos, quæ ex rasis, id est, Sacerdo- bus, & Monachis constabat. Hæc necessaria visa est defensio tot Illustri- um Sanctimoniâ, aliisque dotibus Virorum, quibus M. Laurentius, malo af- fatus hæreticorum Genio, coronam Martyrij iminentem è Cælo subtrahere conatus est, cum tamen homo stultissimus eos pro fide, & Religione cæsos fateatur. Sed neque belli jus obtendi potest: quod enim jus belli Religio- sos in claustris pacatè degentes, Divinis laudibus diu nocturneque occupatos, ali- os obvios, alios inermes, aut cum se ad munita loca recepissent, captos, om- nes inmeritos, trucidare, idque factum jure belli defendere? absit odium Re- ligionis internecinum, absit hæresis, nihil erit, quod causam dedisse tot cæ- libus, & morte atrocioribus, & tam exquisitis supplicijs, quæ irrogabantur, possis dicere. Redeamus in viam:

Anno eodem 1420. in pervigilio S. Bartholomæi Apostoli RZiczanum oppidum cum Taboritis aggressus occupat Ziska; inter captivos Septem Sa- cerdotes inventi, quos vinctos in hypocæustum quoddam materiatum injici- iussit, atque ipsum locum incendi, quo igne sunt consumti. Hagek ex Lau- rentio eos Sacerdotes jam antè Populo Eucharistiam sub utraque porrigere so- litos, & cum Ziska ad prædas, & cædes ituros promississe, prorsus improba- biliter narrat; ut quid enim suos, & partium suarum vitâ privabat? nihil de hac prævaricatione Sacerdotum Theobaldus diligentissimus Scriptor, nihil Codices cæteri, ab eorum temporum Scriptoribus relictæ. Porro RZicza- num M. S. Codex ait eo tempore in ditione D. Dionysij fuisse; crediderim Boczkonem Podiebradium intelligi.

RZiczano Ziska in Bechinensem Districtum contendens fortunâ in Her- mannum Episcopum Nicopolitanum Suffraganeum Archiepiscopi, Mindelheimi in Sue-

Item Berau-
nenses Ca-
tholici.

Apstote
plurimi his
temporibus

Hagek in An-
Theob. in
Hussit.
Epit. hist.
rer. Boh.

RZiczani Sa-
cerdotes
combusti.

Defensio
Hermanni
Suffraganei
Prag.

Ad arcem
Rabi cōbu-
sti Monachi

in *Suevia* natum olim in Augustiniano Ordine religionem professum, inci-
dit; hunc cum duobus Sacellanis captum *Taboritæ* ad quandam piscinam
deductum (rursus *Laurentius* eum promississe omnia, & *Taboritarum Sacer-*
dotes, ut antè fecisset, consecraturum, & *Taboritis* accessurum narrat) un-
cum duobus illis sacris comitibus, in piscinam dejectum, aquis præfocârunt
M.S. Codex *Chronici Bohemæ* (cui maxime, licet hæretico credo, utpote di-
ligentissimo, neque omnia suorum facta probanti) apertè affirmat: *Her-*
mannum Suffraganeum humani aliquid passum, consecrâsse primùm *Tabori-*
ticos Sacerdotes, at postea resipuisse, & *Taboritis* maxime adversatum, iussu
Czenkonis Lipnicensis in aquas injectum periisse. Sed ad certiora, & mortes
quas nè ipse quidem *M. Laurentius* Religionis causâ illatas negârit, venia-
mus; Paulò ante id tempus, ait Codex ille meus M.S. *Rabi* castrum occu-
patum est à *Taboritis*; qui ditati plurimis spolijs, incendere Castrum, & Sa-
cerdotes flammis cremavêre; stetit castrum nullo præsidio imposito, quo-
loco satis fidere non possent. Hæc ex M.S. Ex alijs satis idoneis Annalibu-
Manuscriptis habetur: *septem Monachos* (sunt coævi Scriptores, qui disert-
decem, eosque *Sacerdotes* fuisse affirmant) qui Arcis fiduciâ, *Ecclesiarum* sua-
rum opes intulerant, captâ Arce, eductos, & rogis exstructis undequaque sal-
tantibus, & gaudio triumphantibus *Taboritis*, flammis esse consumptos; locu-
à veteribus incolis adhuc memoriâ nostrâ, ubi arserant, monstrabatur.

§. LXXVI.

Prachaticij Civitate Præpositi Wissehraden-
cruentissima laniena Ziskâ Duce patratur: Ur-
be ferè totâ cum Civibus odio Religionis
excisâ.

1420.

Occupato
Prachaticio
Cives peri-
muntur.

Ziskam Polyphemum Bohemæ, quacunq; se cum *Taboritis* suis in-
ferebat, velut sævisissimam aliquam tempestatem, pluvie, imbres
cruentæ procellæ, latrocinia, & sacrilegia comitabantur, & seque-
bantur. Hoc eodem Anno, in quo nunc sumus, 1420. *Prachaticium* Civi-
tas egregia, ditio *Wissehradenfis Præpositi*, sanguineam ejus iram penè cum
omnium Civium suorum excidio sensit, & luxit. Die *Nativitatis B. Vir-*
ginis accessit Urbem, dedique sibi protinus imperavit; *Cives Catholici*, qu-
nihil æqui à crudelissima bellua, & Catholicæ Religionis hoste jurato *Ziskâ*
impetraturos se, & si etiam impetrarent pacem, vix pacta conventa servatu-
rum, sperare poterant, Urbem clausurunt. *Ziska* facto irritatus, coronâ
Urbem cingi, & sinè mora assilire ad mcenia suos omnibus è locis iussit; *Cive-*
tantæ vi, cum undique peterentur, impares, abjectis armis, misericordiam
Ducis

ucis, quam *Ziska* nunquam didicerat, nunquam assuetus parcere, implo-
bant; primo statim in *Urbem* ingressu triceni quini super centenos (potior
vium pars) alij super alios cecidère; *Sacerdotes*, qui arma non gesserant,
in promiscuum vulgus cum mulieribus, & parvis liberis sacri loci fiduciâ in
Ecclesiam confugère; *Pius II.* in *historia Bohemiae* affirmat, hos omnes, in mis-
sione (pueros etiam, ac infantes) combustos; alij miriores ajunt: mulieri-
bus imperatum, ut pueros, & infantes efferrent, aut educerent, atque huic
gmini, ut oppido migrarent, indictum, ac tum primùm cæteram inermem
Catholicorum turbam, octoginta quinque numero, Ecclesiâ inflammâtâ, igni-
bus deletam, cum acerbissima irrisione adjectâ: sic nos Catholicorum cadibus
ortet implere omnem justitiam. Utcunque sit, fælices profectò, qui cum
heretici scelera patrando, isti, mortem pro Christo fortiter tolerando, Justi-
& S. am impleverint! Atrocius aliquid de cæde *Prachaticensium* ejus tem-
poris Scriptor, quem fidissimum hætenus animadverti, significat: *Die S.*
Martini (vide notam temporis ab *Hagecio* multum discrepantem, quam ta-
men ego omnibus Manuscriptis Codicibus reclamantibus admittere non
possum) *Ziska Prachaticum* expugnat; heu quantâ hominum ferro, & ig-
ne pereuntium strage! ac propè omnium Civium morte! nam Cives in hy-
pocausta tria, atque in quoddam *Sacrarium* compulsos, facto inter eos incen-
dio consumserunt; eo pacto tres cisternas cadaveribus solis ad summum im-
levère; denique maximam fecere cædem. Hæc Scriptor coævus: his
uo ad cæforum numerum subscribere videtur *Theobaldus*, qui *Prachaticij*
ongentos Catholicos à *Ziska* peremptos affirmat.

C. 42.

Diversæ
narrationes
de cæde Pra-
chaticensium

M. S. Cod.

Theob. in
Huss. P. I. C.
II.

§. LXXV.

Splendidissimum, ac verè Regium Cisterciensium
Coenobium Aureæ, vel Spineæ Coronæ funditus
deletum; Religiosi, qui deprehendi poterant, in
tilijs suspensi perierunt. Wodniani Sacerdotes
in flamas conjecti.

UT popinis, ganeis, lustrisque assveti Lurcones, qui nocturno fœtere me-
ro, fœtere diurno jucundissimum existimant, nullum indecoræ illius
vitæ finem facere possunt, & eodem semper consuetudinis quâdam
necessitate trahuntur; perinde belluini, & cruenti latrones semper incitan-
tur ad cædes, nec minor in ijs deprehenditur humani sanguinis, quàm vini si-
tis. Adhuc *Prachaticum* calido sanguine Civium suorum natabat, cum re-
pente *Tabores* in *Ulrici Rosensis* ditiones (qui nondum Pacem cum ijs fecerat)
incurrunt. *Theobaldus* in *Hussiticis* innuere videtur; hæc quæ mox narra-

A. 1420. 14.
Maij.

Ep. I. 4. C. 7.

Hist. Rosen-
sis M. S.Theob. in
Hussit. P. I.

C. 38.

S.

bo,

Abbas Rudigerus cum nonnullis suis mortem effugit.

Capparum miraculum

Dubr. l. 26.
hist. Boh.
Ep. l. 4. C. 7.

Wodniani
Sacerdotes
exusti.

bo, ductu *Victorini Boczek de Kunstadt*, patris *Georgij Regis* esse patrata: ali *Ziſſca* scelus imputant. *Crumlovio* non ita procul amplissimum, idemque opulentissimum *Cisterciensis* Instituti Cænobium stabat, *Ecclesia* augustissima, & visendi operis (sed hæc describendi alius erit apud me locus) huc *Tabor* res feruntur. Statuerat *Rudgerus Abbas*, Cænobij sui vitam armatâ manu a hostibus defendere, vidique in *Curia Budovicensi* literas, in quibus ballistarios sibi propere mitti in auxilium postulat; at dum *Budviceses* cunctantur rebusque suis tuendis potius, quam alienis prospiciunt, *Abbas* exclusus tempore, tantum non oppressus ab hæreticis, vicinis nemoribus, ac silvis se texit deprehensi tamen sunt ultimi, qui restiterant, ex Religiosis (fortasse senes, debiles, ægrotique) quos misericordiâ scilicet latronum animos subeunte, non (ut alibi faciebant) flammis cremarunt, sed laqueis circum Cænobium in tilijs suspensos reliquere, Cænobium, & Templum, & quæcunque adita sunt flammis cremavere. Hinc illud in *Bohemia* omnibus notum tiliarum miraculum, quarum cappata, & capitellata sunt folia sic, ut ad vivum cappas Monachorum repræsentent. Vidi hisce oculis ejusmodi capitatas, ut si dicam, tilias ad illud Cænobium, quod ex ruderibus, & cineribus paulatim assurgit; quarum arborum folia, me puero, passim distribuebantur, quæcunque miraculo habebat omnis retro *Bohemica* antiquitas.

Excisâ Coronâ aureâ, quæ posthac *Spinea* dici potuit, spinis in Cænobij, & Ecclesiæ loco crescentibus, *Wodnianum Ziſka* descendit, deditoque oppido, *Sacerdotes* omnes, quicquid sese loci fiduciâ receperant, in calcariam fornacem injecit, flammisque per summam crudelitatem cremavit innoxios, nisi quod *Catholicè* credidissent, ac sacra fecissent; sed hoc *Taboritis* grande, a nullis flammis expiabile sacrilegium videbatur. Sunt quædam manuscripta quæ *Wodniani* excidium anno sequenti posuerint.

NOTANDUM:

Error de
Aula Regia

In Martyrologio Ordinis Cisterciensis in Bohemia (quod in eo SS. Ordine publicè legitur) hæc reperi: In Bohemia Passio SANCTORUM MARTYRUM Ord: Cisterciensis, qui in Aula Regia Domino famulantes, pro eodem vitam hæreticorum furor liberè obtulerunt, eamque suspendio gloriosissimè terminarunt, quæque grata, & pretiosa fuerit in conspectu Domini Mors eorum, continuum postmodum miraculum comprobavit; siquidem in Tilia in qua suspensi fuerunt usque in hodiernum diem folia crescentia instar Caputiorum reperiuntur. De ijs in Menologio Cisterciensi Chrysostomus Henriquez, Abrahamus Bzovius ad An. 1420. Mirabar cum hæc legerem; nihil tamen ex ijs, quæ asserui, muto: video enim Authorem hujus Martyrologij, imò & Henricum in sui Ordinis rebus (quantum Bohemiam attinet) paulò negligentius esse versatos. Certissimum & compertissimum est: pro Cænobio Aula Regia legendum esse Cænobium Aurea Coronæ: nam in Aula Regia de Tilijs cappatis, nihil unquam simile vidi, vel audiui; at in Spinea vel Aurea Coronâ ipse ego, hisce manibus, Cappas ex Tilijs decerpsi.

§. LXXVI.

Orebitæ hæretici nequitiâ Taboritis pares, crudelitate etiam superiores, in tractu Reginohradensi Cœnobia Religiosorum Virorum excidunt; Reginohradenses Cives hæresi corrupti, Swatopole/ seu Sancti Campi Cœnobium, cum tota sacra familia incendunt.

Post Victoriâ de Cæsare Sigismundo ad Wissehradum relatam, Orebitæ, nè scilicet otio marcerent, præsertim, quod pietate, ut jactabant, Monasteria excindendi, Taboritis nihil concedere vellent, Pragâ in Reginohradensem Provinciam, ad oppugnanda Cœnobia furorem convertunt. Non explicant hæretici (quos solos authores rerum istarum habeo) quæ Cœnobia potissimum excisa sint, sed exquisitissimis supplicijs de vita deturbatos Religiosos ipsimet fatentur, plerique vivi, ac spirantes flammis consumebantur; sed cum hiems asperrima hoc anno sæviret, tempore utentium rati Latrones publici, Monachos deferebant ad flumina, tum nudatos penitus, exsectâ virilitate, manibus, pedibusque vinctis, mille ignominijs vexatos, rigidissimo anni tempore deponebant in glacie, ubi miseri (si spectentur humana) obtorpescebant, ac tormenta inter, & frigora necabantur.

Jam & Cives Reginohradenses nuper admissâ in animis hæresi, rati ad se quoque Cœnobiorum spolia pertinere, quasi rem in medio relictam, Sancto-campense Cœnobium in vicinia sua aggrediuntur, quod, posteaquam, quæ rapipi poterant, rapuissent, incendere, & Monachos omnes in eandem flammam conjecere, id quod M. S. Codex (quem Reginohradensem vocare soleo) commemorat; locus, ubi Cœnobium illud Swatypole dictum steterit, non additur; permirum mihi semper est visum, nunquam hujus Sancti campi (nam alterius in Podbricensi Provincia in S. Montis historia meminimus, quæ Præpositura, ut vocant, Nepomucensis Cœnobij fuit) istud, inquam, permirum, nunquam hujus S. Campi, quod sciamus, mentionem in historia nostra fieri, successit scilicet duobus sæculis continuata hæresis, quæ ipsum Cœnobij nomen extinxit; suspicor Præposituram divitis alicujus Cœnobij, aut celebrem ditionem fuisse: quippe hæretici, (ut sæpe in M. S. Codicibus legimus) Monachorum ditiones, & domicilia, etsi non satis propriè, Cœnobia, & Monasteria sinè discrimine, & indifferenter appellant. Hæc postrema (ut obiter admoneam Lectorem) fine anni 1420. & sequentis initio ab

Orebitis sunt patrata.

1420.


Epit. rer.
Boh. l. 4. c. 7
Theob. in
Huss. P. 1. c.
40.
Contin. in
M. S.

Tormenti
atrocissimæ
genus.

M. S. Regi
nohrad.

Sanctus Cæ-
pus Mona-
sterium ex-
cisum.

Appendix
I. ad hist.
Divæ S.
Montis.



§. LXXVII.

Nova Coenobiorum excidia, & mortes fidei causâ irrogatæ Chotieffovij, Cladrubij, Plassij, in Bor, Starosedlj / vel Altensattel / Rokyczanæ, &c.

Chotieffovium.

1421. in Ian.
MM. SS.
Codices.
Hagek ad
A. 1421.

JAnuarium Mensæ Anni 1421. inquit semper, & cruentus Zissæ animus sanguine, & cædibus *Monachorum* initiavit: primus in Parthenonem *Chotieffoviensem Præmonstratensis Ordinis* impetus factus: an Virgines sacre evaserint cædem, an deprehensæ Virginitati Martyrij lauream adjunxerint, nusquam scriptum inveni. Illud constat, Coenobij hujus Satellites (quos Virgines pro defensione Coenobij pretio conduxerant) restitisse aliquamdiu, sed hostium multitudine superatos, & necatos, *Coenobium* deinde spoliatum, & incensum esse.

Hag. l. c.
Epit. l. 4.
C. 7.

Cladrubiū

Itum deinde *Cladrubium* (*Coenobium Benedictinorum* est) sed jam emana rat fama. itaque Religiosi convasatis rebus omnibus, totoque Archivis ac suppellectili sacra, & pretiosa evecta, *Ratisbonam* ad *S. Emmeramum* effugerunt. Narrabant senes: quosdam ex Religiosis animosiores *Cladrubij* remansisse, & Satellitibus Coenobij, aliisque militaribus viris Catholicis in auxilium vocatis, primos hæreticorum irruentium impetus fortiter repressisse ad extremum numero hostium superante, pro aris, & focus strenuè pugnantibus cum alijs omnibus, qui se eò loci concluserant, perijsse; *Zisska* ex alieno liberalis *Petro Zmrzlik de Svoyssina*, olim *Moneta Præfecto* Viro militari *Cladrubium*, totamque *Coenobij* ditionem donavit; qui cum *Coenobium* illud, atque etiam *Chotieffoviense* egregiè permunivisset, relicto *Cladrubij* strenuo Equite *Rzepicziana stirpis*, *Chvval* nomine, locum adversus *Cæsarem Sigismundum* egregiè tutatus est. Eadem fortuna, & calamitas, reliqua per eam viciniam Coenobia afflixit: *Plassense* Cisterciensium, *Præpositi* sedes in *Bor*, seu *Heida* (sita, ubi nunc arx visitur) & alia dives in *Starosedlo* (*Altensattel*) tandem & *Teslinensis Benedictinorum Eremus S. Joannis* arserunt: quæ omnia sine cæde, & sanguine Religiosorum perfecta, quis satis sanus, & rerum peritus credat? *Rokyczanam* Civitatem *Zisska* transiens, nonnullos *Canonicos Regulares S. Augustini* in Coenobio de trabibus suspendit, & senem ex ijs Sacerdotem, Virum sanctimoniam famâ percelebrem in Ecclesiæ medio vasi piceato inclusum incendit. Audi vi Patres à *Societate nostra* narrantes, qui post Annum 1624. *Rokyczanensem Civitatem* ad fidem Catholicam multo Concionum labore adduxerant, atque in parietinis Veteris *Coenobij* habitabant, eo ipso in loco, ubi sacri illi viri pro Christo vitam laqueo finiissent, tam gratos efflari odores sensisse, ut sibi in coelo esse viderentur.

Theob. P. 1.
C. 42.

& alia Coenobia excisa.

Hagek l. cit
Epit. l. o.

Rokyczanæ
se Coenobium eversum.

§. LXXVIII.

caul.
Bor.
Commotoviensis Civitas odio Religionis cum Ci-
vibus suis omnibus excisa.

ANno 1421. Dominicâ in Palmis, quæ tum in 16. Martij diem incide-
rat, *Ziſka* Cœnobiorum expugnator, cum hæreticorum Pragenſi-
um, & ſuo Exercitu, *Commotovium* Urbem, Catholicæ fidei ſtudio id
temporis celebratam, paulò antè obſeſſam, capit; nihil occupatâ Civitate
id geſtum, quàm truncare, occidere, & urere; irritârat hæreticos non fæ-
minarum petulantia (ut obtendunt Scriptores hæretici) ſed ipſa *Commotovi-*
uſium in Religione perpetua constantia, & quòd nuper quorſdam *Taboritas*,
nominatim quendam *Hromadkam de Giſtebnicze* cum duobus hæreticorū
Miniſtellis captos inieciffent in rogu; nec mulieribus, nec infantibus vitæ
gratia facta; duo millia Catholicorum Civium in plateis, ac præcipuè in
templo, ad quod confugerant, periſſe ſcribunt; *Weſlavinus* duo millia
centos, *Dubravius* tria millia, *Lupacius* viginti duo millia trucidata ſcrip-
ſit, quod frequentia Civitatis, advenarum, qui ſe receperant, multitudo, mu-
lerum, & infantium numerus, & promiſcuum vulgus, probabile reddit;
Weſlavinus, & cæteri, Cives tantum, & armatos forſitan numerârunt. In
cæſorum numero præter cives fuere Sacerdotes non pauci, Viri nobiles per-
multi, reliqui opifices, qui non ferro tantum, ſed etiam flammis perire ſunt
coacti, vitâ donati triginta tantum viri (alii quinque tradunt) qui cæſos tu-
mularent; ſeptuaginta Matresfamilias cum puellis, extra Urbem educatas in
officina Pannorum, & telæ premendæ, flammis redêgere in cineres hæretici;
præcipuus ſupplicij, ut dixi, locus, *Eccleſia*, & *Cœmeterium* fuit; ideòque
venerationis gratiâ tot millium pro fide Chriſti peremtorum, quibus hæreti-
ci eo die cæleſtes Palmas in manum dedere, nemo in ijs duobus ſacris locis ad
noſtra uſquè tempora ſepelitur, ſed extra urbem conduntur. Mirum quod
ſequitur mihi ſemper viſum eſt, quòd ab æditiſſimis Eccleſiæ priùs didici, atque
ipſe ſpectavi (cauſſam tamen nec illi, nec ego ullâ diligentiam aſſequi potuimus)
tantam in eo *Cœmeterio Commotoviensi ad Eccleſiam Decanalem Dentium*
humanorum multitudinem reperiri, ut velut in fabulis, meriſſima dentium
ſeges jacta in eam humum videatur; præcipuè, ſi pluvia cœlo decidit, meros
dentes humi legere potes; ſi vel digito humum terebrare volueris, dentium
examina effodies; me ipſum, & conſcientiam meam pro teſtimonio Lecto-
ribus offero, ut fides fiat; etiam in ipſis Cœmeterij humilibus illis muris,
quacunque hiabant, aut patebat fiſſura, dentes reperi, eamque rem admiran-
tibus *Noſtris Patribus*, qui aderant, oſtendi. Forſitan argumentum eſt tot
millium cæſorum, qui cum (ut tradunt *Commotovienses*) humati non ſint,

In Martio
1421.

Zalans: Cœ-
ci: 2. de vit:
Huſſi.

Commotovij
aliquot Ca-
tholicorum
millia ab
hæreticis
perimuntur

Weſl. & Lu-
pac. ad 16.
Martij.
Cont: M.S.
Dub. l. 26.
hiſt. Boh.

Dentium
multitudo
in Cœmete-
rio Commo-
toviensi Ec-
cleſiæ.

sed sine sepulchri honore relictis, alijs ossibus putrefactis, dentes qui nonnisi tardissime in cadaveribus corrumpi solent, remanserunt; Ego Lectori sagacem dijudicandam relinquo.

§. LXXIX.

Beraunæ Civitatis Regiæ ab iisdem hæreticis unacum civibus suis, Nobilitate, Religiosis, & Sacerdotibus excidium.

1421. 1. Apr.

Beraunen-
sis Ecclesiæ
divitiar.Theob. in
Hussit.

alii 1. Apr.

Beraunæ
plurimi ex
Catholicis
occisi.

Berauna Regia Civitas est, tribus à Praga milliaribus, vicinitate ejus, alijsque commodis, & præsidij vitæ in Bohemia non incelebris, sed religionis Catholicæ per id tempus studio, & Sacerdotiorum in Ecclesiæ Parochiali multitudine, deinde opibus sacris longè celebratior; constat ætate nostrâ Saxones ex Ecclesiæ Beraunensis thesauro circa An. C. 1632. triginta septem vel octo calices sacrificijs Divinis destinatos, argenteos omnes, & inauratos, multos eorum gemis distinctos, ut alia ornamenta Ecclesiarum fieleantur, sacrilegè abstulisse; sed ad rem veniamus: Beraunam igitur, cum Catholicis nominis odio Pragenses, & cæteri hæretici, oppugnandam An. 1421. suscepissent, sæpius virtute obsessorum cum ignominia repulsi, tandem multitudine superante, 26. Martij capiunt, decem diebus post Commotivum excisum. Hic tamen mitiores videri voluerint: tanto enim sanguine Commotivij nuper fuso, furiarum restinctæ tædæ, & ardor stygius mitius urere videbatur insanos; non sævitum igitur in obvios; unus Joannes Kobliha Equestri loco natus, qui egregiâ virtute assilientes represserat, ex Turri urbana præceptus, cum adhuc spiraret, ferreis tribulis ad mortem verberatus est, tum parcere sanguini Duces jusserunt. Oblata omnibus vitæ gratia pacato primùm, si articulis hæreticis subscribere vellent, actum per colloquia, suos ac se miseri respicerent; esse omnes in potestate victorum, proinde saperent, & tempori cederent; integro die ad deliberandum dato, cum nihil viri fortissimi minis, neque blanditijs moverentur, ad supplicia denique quasi per otium cum clementiæ fama, crudelissimi latrones descendunt: triginta septem Sacerdotes, ac Religiosi (nam Berauna Conventus erat Ordinis Sancti Francisci Minorum, ac fortè etiam Benedictini ex Skalensi Cænobiolo, vel aliunde Beraunam sese in eo tumultu receperant) numerabantur; erant inter captivos quoque Jaroslav Miczan de Klinstein ex Procerum Bohemorum familia, Beraunæ Decanus, tum tres Universitatis Carolinæ Magistri Catholici: Ernestus de Paczovv, Georgius de Launa, Michaël Daubek, cum triginta septem alijs Sacerdotibus, & Religiosis Viris; ex nobilitate Joannes Kobliha Urbi Præfectus, quem ex turri Urbis præcipitarent, ut paulò antè dixi, tum Bohuslaus de Dampovva cum Patre suo sene, & globo Catholicæ ex vicinia Nobilitatis;

tatis; hos iterum, iterumque monitos, ut *articulos Pragensium* (qui Reli-
gioni Catholicæ adversabantur) admittant, recusantes tandem vinciunt, de-
inde in balnei hypocaustum quoddam ante Urbem inductos, sese mutuò ad
constantiam adhortantes, unà cum domo incendunt, & consumunt. Hic
fuit exitus Virorum fortium, quorum cum flammis animæ evolarunt in cælum.

§. LXXX.

Novi Taboritæ Moravi Stephanum Abbatem
Welehradensem Cisterciensis Instituti unà cum
Fratribus ob Religionem flammis addicunt. Chru-
dimenses in Bohemia Cœnobium Fratrum Mino-
rum Conventualium ad Stradow incendunt.

Dum *Ziřka* apud *Bohemos* cum *Taboritis* suis in *Cœnobia* bacchatur, &
pro *Christi calice*, sanguinem piorum, & sacratorum hominum sa-
crilegè bibit, aut profundit, *Moravi* hæretici, Apostatis Sacerdoti-
bus *Bedřicho de Straznicz* (cujus postea in *Bohemia* multa sacrilegia in An-
nalibus nostris leguntur) & *Thoma de Wistonicz* Ducibus, eadem insaniâ
correpti, in Insula quadam *Morava*, non ita *Straznicio* procul castris positus
quæ *Novum Tabor* dixere) viciniam illam omnem prædationibus infestare
ceperunt. Urebat illos ante omnia *Cœnobium Welehradense Cisterciensi-*
um (de cujus origine consulatur *Epitome*) huc inobservati primis castris per-
veniunt; aperta omnia ut in pace, valla nulla, nihil clausi, nihil murati inve-
niunt; ergo statim ad prædas versi, postquam omnia rerum pretia, cum pul-
visculo, ut ita dicam, ex Templo, & Cœnobio opulentissimo extulissent sibi,
ecque probè escis, & vino ingurgitassent, post epulas quasi ad spectaculum,
& ludos effusi, captum *Abbatem Stephanum* cum *septem Fratribus* educunt;
statim ingens pyra exstruitur, & incenditur; honorem *Abbati* deferre se vo-
ciferantes, primum illum, deinde ex ordine cæteros *septem* in flammis jactant,
mille execrationibus vitam illorum, & mortem devoentes. *Stephanum*
dum viveret, pro *Sancto* habitum, testantur *Hagecius* & *Dubravius*, ad cu-
jus exemplum vitam conformabant suam & reliqui, quo merito ad *lauream*
Martyrij vocati videntur à DEO. Plura sinè dubio *Novi Taboritæ* sacrile-
gia patrassent, nisi principiis malorum *Catholica Moravia Nobilitas*, ac præ-
cipuè *Foannes de Praga Olomucensis Episcopus* occurrissent, sacrilegósque illos
suis copiis dissipassent. tantum de *Moravorum Taboritis*.

In *Bohemia* circa hæc tempora (die *Lunæ* post *Dominicam* primam
Verni Jejunij) *Chrudimenses Cives*, ut fidem suam mox venturis ad se *Pragen-*
sibus approbarent, solliciti, *Cœnobium S. Jacobi* in vicinia Urbis suæ è regione
Castri

1421.

Novi Tabo-
res in Mora-
via.Welehra-
denses Reli-
giosi com-
busti.Epi. l. 4. C. 7
Hagek ad
A. 1421.
Theob. P. 1.
C. 43.Dubr. l. 26.
hist. Boh.Hagek l. 6.
Epit. l. cit.
Theob. l. c.
Occisi FF.
Minores
Chrudimij.

Castri Veteris Stradovv situm Ordinis S. Francisci Minorum Conventualium adoriuntur, occupant, incendunt, quatuor supra viginti partim Religiosis, partim præfidiarijs militibus trucidatis.

§. LXXI.

Broda Bohemica, Civitas Archiepiscopalis, & Catholica, cum plerisq; Civium, Sacerdotibus omnibus, totóque præfidió deletur.

1421.
Hagek ad
1421.
Theob. P. 1.
C. 43.

Hist. Sedle:
Simeonis
Eustachij
impressa C.
3.


Broda Ca-
tholica Ci-
vitas ab hæ-
reticis occu-
patur.

Dubr. l. 26.
hist. Boh.
Theob. l. c.

M. S. Regi-
nohrad.

Decanus &
alij Catho-
lici occidi-
tur.

Cùm Catholici in Bohemia justum exercitum, quo defendi possent, in campo non haberent, hostes *Taborita*, *Orebita*, *Pragenses*, divisè se se, & diversi ad *Cænobia*, & *Catholicorum Urbes* spoliandas, & incendendas profecti sunt; *Pragensis Exercitus* (cujus Ducem fuisse *Foannem Zelivensem Apostatam* historia *Sedlecensis* affirmat) ante Brodam stetit Aprilis medio An. 1421. & deditioe postulata, quia nisi armis nihil se impetraturos videbant, 16. Aprilis affiliere; semel atque iterum magna cum clade dejectis mœnibus, tandem novis ac novis semper succedentibus obtinere Urbem *Præfidiarij* (quos Germanos fuisse *M. S. Codices* testantur) ad Turrem Ecclesiæ confugere, Pacem orantes, sed mox incensâ Turre, educti extra Urbem, adversus omnes militiæ leges, in rogos injecti partim flammis, partim tribulis ferreis verberati perierunt. Exfatiari ira obsidentium hâc cæde potuit, nisi ipsa hæresis obstitisset; itaque in innoxios, inermes, ac *Sacerdotes* atrocius etiam sunt bacchati: ante omnia (quod perpetuum illis fuit) *Ecclesiam S. Gothardi Collegiatam*, in quam sese plerique Civium receperant, incendunt, in quo incendio amplius, quàm ducenti mortales animas exhalârunt; ex Viris sacris præcipui *Foannes de Dubnian Decanus* Artium Magister cum tribus suis *Canonicis*, tum alij *quindecim Sacerdotes* necati. *Nicolai Navaræ* cædes singularis fuit cum æterna Viri gloria peracta; fuit *Navara Capituli Metropolitanæ Pragensis Ecclesiæ Notarius*, Vir moribus gravissimus, vitæ innocentia conspicuus, doctrinâ summus, quodque exitium attulisse *Theobaldus* fatetur, hæreticorum hostis accerrimus, quare hunc unum avidius ad necem poscebant omnes, ut unus inter manus omnium laceraretur, sed Ducibus (ut *Husso* parentarent) flammæ supplicium præplacuit, vinctumque, & extra urbem vectum in vas pice perfusum conjiciunt, totóque Exercitu tripudiante, velut in triumpho cum cantibus exurunt. Opretiosam mortem in conspectu Domini! moriatur anima mea morte justorum, & fiant novissima mea illorum similia!



§. LXXXII.

Caurzimij Cistercienses quinque, Colini Prædicatorum Ordinis sex cum Urbis Decano Hinkone Viro Natalibus, doctrinâ, & virtute illustri; iterum Chrudimij ex eodem Prædicatorio Ordine octodecim flammis cremantur.

Adem *Pragensium* hæreticorum tempestas alias, aliâsque post *Brodam Bohemicam* Urbes involvit: *Kaurzimenses* missis Legatis se in potestate futuros polliciti sunt, ad quos statim aliquot suorum turmas direxerunt *Pragenses*, acceptâque, & redditâ fide, *Præposituram S. Martini Cisterciensium* in Urbe (ubi hodie *Decani* domus est) stantem adorti, direptis rebus omnibus incendere, *Sacerdotes quinque* Religiosi educti, probris omnibus iniectis foris ante portam Urbis, quæ *superior* appellatur, maximis lætitiæ significationibus, & vociferationibus, in vasa picea includuntur, & stramento ad oppilatis vasis, ac incensis, in cineres rediguntur invidiâ constantiâ, pro Deo & sacris Religionibus crudelissimâ morte defuncti 21. Aprilis.

Kolini idem sacrilegium in pervigilio *S. Georgij Martyris* patratum est (*Theobaldus* ipsum *S. Georgij* festum diem ponit) *Cænobium* Patres ex *S. Dominici* disciplina *Kolini* percelebre in antiquitate, & præclari operis habebant quod postea in *castrum* verterunt hæretici) illuc *Pragenses* in Urbem ultro dimissi, rectâ feruntur; sacram Domum rebus omnibus elatis exspoliant, incendunt, *sex Sacerdotes vinctos* accensâ pyrâ in flammam conjiciunt, nullâ nisi Religionis causâ. Erat eò loci *Decanus* Vir Illustrissimæ Nobilitatis *Procenius de Ronovv* (qui ab eadem cum *Bercis* origine descendebant) *Hinek vel Hinko*, doctissimum in profanis æquæ ac sacris fuisse tradunt historiæ; hunc, ut morti majorem celebritatem adderent, vasi picco inclusum, injectis flammis exurunt, subsultante interim circa pyram militari plebe, & cùm decurrerent, quasi re triumphali gestâ, plaudente, & canente.

Posthæc *Chrudimio* Exercitum admovêre *Pragenses*; jam nuper excilio *Stradoviensis Cænobij*, ut narravi, *Chrudimenses* commendaverant, & probaverant sese, hoc tempore illustri edito facinore, omnes sibi hæreticos plurimum devinxere: curritur in *Monasterium Prædicatorum*; alij sacra diripiunt, alij profana, alij *Cænobio* subjiciunt fates, quidam Religiosos extrahunt in forum, alij pyram exstruunt, alij succendunt, alij captos vinciunt, denique post mille verborum contumelias, concussiones, & verbera, universa illa Patrum, & fratrum corona in foro ipso concrematur. Octo fuisse Religiosos *Viros Theobaldus* affirmat; at *M. Laurentius*, qui eâ tempestate vivebat, parvus alioqui in enumerandis Catholicorum cædibus, solitus etiam fu-

1421.

In Kaurzim
Cistercienses
exusti.

Hagek ad
A. 1421.
Epit. l. cit.
Theob. P. 1.
C. 44.
Simeon Eu
stach. in hi
stor. Sedlec.

Hag: Theo:
Epit. l. cit.

Prædicato
res item Co
lini.

Et ex Proce
ribus Hinek
de Ronovv.

Ibid. ijdem.

Chrudimij
Prædicato
rum Convē
tus deletur.

orum scelera contegere, *octodecim*, totumque adeo, ut vocant, *Conventum Beatissimæ Virginis* (ita enim appellabant) excisum esse tradit, cui etiam *Weslavinus* subscribit. Cum olim per *Chrudimium* necessarium iter esset mihi, & Cœnobij, & pyræ, in qua perierant *Martyres*, locum, monstrantibus civibus, honoravi. hæc 25. Aprilis gesta tradit *Theobaldus*, at certum est 28. Aprilis perpetrata; tum omnis sacrorum apparatus ex illa *Beatissimæ Virginis Ecclesia*, Cimelia Templi, Calices, Monstrantia, (ut vocant) Sacerdotum sacrificantium amictus pretiosi, & gemis collucentes, foras ad castra *Pragensium & Taboritarum* sunt transmissi.

§. LXXXIII.


Cædes Abbatis *Woldemari* cum suis, ex Ordine *Canonicorum Regularium Sancti Augustini*, ac denique totius Cœnobij *Raudnicensis* excidium ab hæreticis.

1421. 24.
Apr.

Raudnicen-
ses Canoni-
ci Reg. Ord.
S. Augusti-
perimuntur

De Wolde-
maro Abb:

Z *Isca* Taboritarum Ducis Sangvinolentus animus nihil aliud volvebat, quam cædes & sangvinem: quoties hostis armatus abesset, querebat *Cœnobium*, raptisque secum, qui expeditiores erant latronibus, ubi minimè timebatur apparens, opprimebat incautos. 24. Aprilis repente ad Pontem *Raudnicensem* stetit: nihil erat, quod transitum prohibere posset: *Archiepiscopus Conradus* hæreticis peramicus desidebat in Arce, certatum officijs: *Ziska* etsi viagere posset, per pontem & Urbem transitum à *Conrado* petit; *Conradus* indulget, neque id modò, sed ad *Ziskam* demerendum cibum & potum Exercitui liberalissimè suppeditat. Curatis corporibus pontem superant hæretici, *Raudnicium* transeunt; viso Cœnobio contineri non potuerunt, cursu in *Cœnobium & Ecclesiam* elegantissimam, & prorsus basilicam feruntur: *Abbas Woldemarus* occurrens, protinus ab hæreticis occiditur, tum alij complures Canonici, pauci subterraneis quibusdam cellis contecti vitam servarunt; *Cœnobio, & Ecclesiâ* spoliatis utrumque arsit; Latrones *Pragam* versùs abiêre. Describit hanc cædem Codex M. S. Cœnobij *Raudnicensis*, aitque rem gestam An. 1421. altero post S. Georgij die. De *Woldemaro* in alio M. S. Codice Cœnobij hæc lego: *In hoc nostro Raudnicensi Cœnobio educatus, & Martyrio coronatus fuit Venerabilis Abbas Woldemarus Rhenanus, ob doctrinam eximiam, Vitæq; integritatem, præsertim summum in Beata Virginis cultu studium valde celebris.* hæcibi. Nimirum tales eligit DEUS, quos Martyrij laureâ coronet, ut virtutibus instructi DEUM (ut S. Tereſia quodam loco scripsit) DEUM habeant debitorem.



§. LXXXIV.

Czaslaviæ Minorum Conventualium, Nymbur-
Prædicatorum Conventus flammis, & fuorum
ingvine delentur. Cuttenbergenses Catholici,
cui sedes mutare ob Religionem volebant, contra
datam fidem membris mutilati, pars cæsi ab
hæreticis, repelluntur.

Enè tantum, non amplius, in *Narratione* erit, quantum *Titulus* præ-
fert; rebus enim omnibus cum Religione mutatis, succedente in eas
ipfas Urbes hæresi, & propè trium sæculorum spatio regnante, nimi-
um monumenta omnia exciderunt: deleta esse Cœnobia *Czaslaviæ* &
Nymburgi, id verò constat inter omnes, Manuscripti Codices testantur, ru-
era Ecclesiarum, & Cœnobiorum pendentia hodièque clamant, lapides al-
tarium fracti, & parietes sanguine perfusi loquuntur. Sed de *Nymburgensi* Cœ-
nobio, quo illud tempore excisum sit, non æquè constat: longè tardiùs, &
in *Ziſskâ* extincto, *Nymburgum* esse captum certissimum puto; etsi illud
excidium, alios Scriptores secutus, hoc loco & anno posuerim.

Kuttenbergæ quid gestum sit eo ipso die, quo *Ziſska* ad *Chrudimium*, aut
potiùs, ut paulò antè ex M. S. Codice dixeram, *Raudnicij* versabatur (nisi ista
er ejus Duces gesta esse dicamus) habet M. S. *Cives Kuttnenses* cum ea, quæ
Berauna, *Broda*, *Kaurzimij*, *Kolini* gesta erant, accepissent, conterritos, Lega-
tos ex suis honoratissimos Viros ad *Pragenses* (qui *Taboritis* longè mitiores ha-
ebantur) misisse, qui pacem orarent, revocarent in memoriam utriusq; Urbis
b antiquo tempore fœdera, unam fuisse *Pragæ*, & *Kuttnæ Civitatem*, uni-
versi Regni thesaurum argentifodinis contineri, proinde parcerent Urbi co-
gnatæ, parcerent Regno, parcerent sibi. *Theobaldus* ex *M. Laurentio* ait,
um *Monstrantia Ven: Sacramenti* occurrisse *Pragensibus Kuttnenses*, & geni-
ous positis veniam orâsse, & impetrâsse, etiam illud, ut qui Catholicam Re-
igionem mutare hæresi nollent, usquè ad *Assumptionis B. Virginis* diem, rebus
uis venditis, vel convasatis, innoxie quò vellent, abirent. ità tum inter par-
es convênit; cui conventioni cum fiderent *Catholici*, & plurimi Urbe exce-
derent, *Pragensium* satellites insidijs collocatis quàm plurimos exceperunt,
rebus omnibus exuerunt, manus nonnullis crudeliter amputârunt, alios na-
sis, alios auribus mutilatos ad ignominiam rursus impulerunt in Urbem,
nullâ fidei, quam dederant curâ, nullo pactorum fœderum
respectu.

1421.

FF. Minor:
Czaslaviæ,
Nymburgi
Prædicato-
res perimū-
tur.

Epit hist. l.
4. C. 7.
Theob. P. 1.
C. 45.
Hagek l. 6.

Cuttenber-
genses Ca-
tholici pere-
unt.

Lupac. in
Calend.



§. LXXXV.

Zifka in vicinia Lichtemburgicæ Arcis Sacerdotes quàm plurimos occidit; Sedlecense Cœnobi-um Cisterciensium ditissimum, & frequentissimum, occisis Religiosis omnibus inflam-matur.

1421. **Z**ifka Taboritarum Ductor, cum se à Pragensibus separasset, subito Ta-
 borium sese retraxit, & Piccarditis Taborij, perq; eam viciniam dele-
 tis, celeriter reversus, non procul *Jenikovviâ* sub montibus, iterum
 Pragensium copijs suas conjunxit; ad Caltrum deinde *Lichtemburgum* pro-
 gressus, arcis deditione factâ, *Chrudimium* cum suis pervenit. In hoc itinere
 maximam vim Sacerdotum à *Zifka* trucidatos perijisse, Ecclesias quàm plu-
 rimas inflamari, incendijsq; jussisse, tradit *Hagecius*; at *Sedlecij* Cœnobiij venu-
 stissimi incendium, & cruentam Religiosorum omnium stragem, cujus etiam
 hæretici meminere, ab eo omisam, quoties ejus Cœnobiij in mentem ve-
 nit, admirari satis non possum. Sedlecense Cœnobiium igitur, summâ celeri-
 tate usi, nè quid prædæ elaberetur è manibus, Taboritæ cingunt, vias omne
 occupant, tum ad prædas, & cædem Monachorum vertuntur: *quis claderet
 illius lucis, quis funera fando explicet?* quingentos Religiosos Viros Sedlec-
 DEO continuatis diu, noctûque horis laudes dixisse, & pro sceleribus homi-
 num DEI misericordiam implorasse constat; quantus *Sedlecij* numerus oc-
 cisorum fuerit, nullibi, nè in historia quidem *Sedlecensi* reperio; suspenso-
 ribus, aliisque mortibus sublato *Eustachius* tradit; *Zidek* vicinus eorum
 temporum *Carthusianos* quoque, tam *Pragenses*, quàm etiam *Podiebradien-
 ses Sedlecium*, ut ad locum securum, recepisse sese, eosque omnes immanite-
 unâ cum *Cisterciensibus* trucidatos scribit; an *Jacobus Abbas* evaserit mor-
 tem tectus latebris (quæ in Cœnobio multæ fuisse feruntur, & quas *Henricus
 Abbat* exemplo paratas habebat) nondum comperi. Necatis Religiosis
 omnibus faces Ecclesiæ *B. Virginis*, & Cœnobio sunt subjectæ; constan-
 omnium traditio est: *Zifskâ* invito, Ecclesiam & Cœnobiium arsisse, quod
 magnitudini, venustati, & præstantissimis ædificationibus parcere statuisset
 ideoque ut *Eustachius*, & *Theobaldus* narrant, visis flammis indoluisse, &
 confestim proclamari jussisse, quasi lætum incendio: *quisquis accendisset, ve-
 niret, præmium recepturus, quantum auri, & argenti satis in omnem vitam ef-
 feret*; cum sacrilegus venisset, comprehensum illico, ei que liquatum aurum
 argentumque in os infusum, ut mortuus conciderit; simul cum ejus morte
 severissimè vetitum, nè quis injussu Ducis flammæ cuicunque ædificio sup-
 poneret. Itaque nemo malus est, qui bonus aliquando esse, aut saltè videri

Cædes mul-
torum Sacer-
dotum.

M.S. Bar-
tosek de
Drahonicz

Hagek ad
A. 1421.

A. 1421. 28.
Maij.

Sedlecense
Cœnobiij
cum Religi-
osis excin-
ditur.

Eustach. in
hist. Sedle-
censi.

Paul Zidek
in Instr. ad
Regem Ge-
org. M. S.

Eustach. ad
A. 1309.

on velit. Agit de hoc Cœnobij Sedlecensis excidio Menologium Sacri Ord: Cisterciensis ad 28. Maij his ipsis verbis : *In Monasterio Zedelitzensi Sedlecensi* Passio Beatorum Monachorum Cisterciensium, qui ob fidei Catholica professionem ab Hussitis Martyrio affecti Coronam immortalitatis promeruerunt ; quibus associati sunt Monachi Carthusiani, qui à Nostris hospitio charitativè excepti, eodem die, eodem loco, & eandem ob causam Martyres evolarunt ad cælum. De illis Joannes Cochleus, Aubertus Miraus, & Paulus Langius in Chronico CitiZensi A. D. 1421. hæc Menologium Henriquez.

Carthusiani in Sedlecensi Cœnobio deprehensi occiduntur.

§. LXXXVI.

Excidia Cœnobiorum in Chrudimensi, Boleslaviensi, & Reginohradecensi Provincijs, cum innumeris Catholicorum, Sacerdotum, ac præcipuè Monachorum cædibus.

Fulminis in morem, ut vidimus, in Cœnobia ferebantur hæretici: acuebant prædones ipsa hæresis, quæ sanguine libentissimè pascitur, stimulabat prædorum ex Cœnobijs, ac Templis ditissimis infinita cupiditas, incendebant Victoriæ, & semel degustata sanguinis dulcedo, velut de Urfis tradunt, magis, ac magis efferabat ; hæc vulgus hæreticorum. At Duces non diu impunè se volituros cogitare poterant, adfore brevè in Catholicorum subsidium universam Germaniam, utendum esse tempore, fibras omnes Catholici sanguinis excindendas ferro, præcipuè urbes omnes in partes suas metu, odio, aut quacunque ratione adjungendas, & trahendas staterant ; accedebat, quòd nulla legitima stipendia militi repræsentare poterant, præter quæ prædando collegissent, sciebant assuefaciendos esse sanguini, & sacrilegijs Suos, ut neque receptum ad veniam habere unquam possent, & cum ex sacris, & Ecclesiarum flammis prædas agerent, majoribus sceleribus perpetratis, minora flagitia ducerent pro nihilo. Igitur Nobilitate adhuc intactâ, præterquam si quis opponeret sese, in Cœnobia suos ire iusserunt : explicari non potest, quantæ cædes his pauculis diebus in tanta hæreticorum omnia pervadentium celeritate, perpetrata sint. Ut priora, quæ jam commemoravi, præteream ; Primo furentium impetu in uno Chrudimensi Districtu deletur Conventus Predicatorij Ordinis in minori Pardubicio (in Pardubičád) Dobrovicij, vel Drobovicij Premonstratensium ; Podlaticense Benedictinorum (in quo fugâ dilapsis fratribus cæteris, deprehensum Abbatem cum alijs duobus Religiosis Patribus, in flammis injectum periisse, literæ Picardorum fatentur) in Orlik ad Chocznam dives Cœnobium Crucigerorum S. Cyriaci (de quibus alio in loco agemus) in Arce Gezbórzicensi (quod

1421.

Cædes innumera Sacrorum Virorum

Epist. Picardorum sub Vladis. Rege Typis edita.

Enumeran-
tur Cœno-
bia vastata
& cum In-
colis deleta
hoc tēpore.

M. S. varia
Epi. l. 4. C. 7
Hag. 1421.
Theob. in
Huffit. P. 1.
C. 44. & 45.
Dubr. l. 27.

Templarijs extinctis, pridem Rhodijs Equitibus cesserat) *Altomeitæ geminum* Ordinis Minorum, Virorum atque Virginum (quod S. Ludovici appellabatur) cum his *Altomeitani Crues*, qui portas claudere sunt ausi, non pauci perire; *Skalicense* iterum *Cisterciensium*, ac *Sezemicense* ejusdem instituti Virginum. In hoc postremum *Ziſka cum Taboritis* nullo prohibente ingreſſus, attonitas, tam horrido ſpectaculo DE Iſponſas (nam ex iſſis *Taboritarum* vultibus ſpirabant tormenta) vinciri, & in profluentem, *tredecim* numero (nam forſitan pluribus, ut alibi quodque factum lego, defuit animus) abjici juſſit; bonâ fortunâ accidit, ut quibus id mandatum erat negotij in *Pragenſem* aciem incurrerent, qui, utpote civilioreſ, illas ſibi Virgines dari petierunt, datâſque *Reginohradecium* dimiſerunt incolumes, quæ innocuæ animulæ lacrymantes per viâ, extra mundum ſe ire credebant, quod ejicerentur ex clauſtro. Sed, & *Czaſlaviensis* Provincia ingens tum à *Taboritis* in ſacriſ damnum accepit: *Wilemovienſe* Ordinis S. *Benedicti* Cœnobium cum ſuis cultoribus, & omnibuſ memorijs deletum, & incenſum, aliud item *Michaloviense* ejusdem Ordinis, & *Chotuffienſe*, vel *Chotiecenſe* S. *Procopij* *Cisterciensis* Inſtituti, *Byſſoviense* (quod, cujuſ Ordinis fuerit, ignoratur) aliâque complura. Eandem calamitem ſubiîre Cœnobia quædam in *Boleſlaviensi*, & *Reginohradecenſi* Provincia, ut *Benatek novum* (quanquam id antè à *Pragenſibus*, qui *Boleſlaviam Veterem* tenebant, factum videatur) *Crucigerorum* S. *Cyriaci*, *Fablonenſe* *Virginum* ex S. *Dominici* diſciplina (nam poſtea Virginibus *Viri* ſucceſſere) *Domum Rhodiorum Equitum* in juniore *Boleſlavia*, ibidémque *Fratrum minorum* *Conventualium* Cœnobium; *Liſſa*, & *Proſik*, & ſub Caſtro *Bezdiezy* *Canonicorum Regularium* S. *Augustini* (colonix Cœnobij *Carolini* *Pragenſis*) & aliud eorundem *Canonicorum* Cœnobium in *Saczka*, & aliud *Landſcrona*, in *Zleby* *Noſocomium* opulentiffimum à *Marquardo de Wartemberg* An. 1377. fundatum, cui ſex *Cistercienses* *Monachi* cum *Præpoſito* ex Cœnobio *Gradicenſi* miſſi præerant; *Reginohradeci* ad S. *Joannem* *Baptiſtam* Cœnobium *Fratrum Minorum*, ibidem alia duo Cœnobia in ſuburbio Ordinis *Prædicatorum* *Virorum*, & *fæminarum*: illud ad *Eccleſiam B. Virginis*, hoc ad S. *Georgium* (quanquam *Reginohradecenſia* Cœnobia, non priuſ, quàm *Ziſkâ* adveniente, & ſuburbanas domus inflammante deleta videantur) item *Præpoſitura* Ordinis S. *Benedicti* in *Baſſezin*; *Collegiata Eccleſia* in *Lipnicz* à D. *Wilhelmo de Landſtein* An. 1397. fundata, ubi *Decanus* cum ſex numero *Canonicis* eſſet; & *Domus Rhodiorum* in *Dub*, Cœnobium *Crucigerorum* cum *navicula Sancti Sepulchri* ad *Trutnovium* (quæ civitas armatâ manu capta eſt) *Bidzoviense* Ord. *Minorum* *Conventualium*; *Zuvolenſe* ad *Faromirium* Ordinis *Prædicatorum*, aliæque plurimæ *Religioſæ ſacrorum* hominum *Sedes*, in quibus omnibus, quantum ſit effuſum ſanguinis, expendat, quiſquis hæreticorum in ſacra rabiem, & eorum temporum latro-

ocinia, & sacrilegia in nostris Annalibus legit. Hæc omnia Coenobia
 hoc iter *Brodense*, *Kuttense*, *Chrudimense*, & *Jaromiriense*, aut in redi-
 ragam excisa sunt; Monachi, deprehenſi, ut habet *Dubravius*, exusti. *Dubr. l. cit.*

§. LXXXVII.

Jaromirium Reginae Bohemiae dotalis Civitas in
 Reginohradecensi Provincia, datâ, & non servatâ
 hæreticis fide, Religionis causâ, aquâ & igne
 deletur. Zwolenses quatuor Ordinis Prædica-
 torum in Albim abjecti, merguntur.

Placet *Joannis Dubravij* verbis Tragicum *Jaromirensis* Urbis excidi-
 um explicare, adjectis, si quid amplius inveniatur, brevissimis Notis:
 certiores mox facti (hæretici) *Jaromirium* Oppidum diligentissime
 à Bohemis, tum à Moravis, sub Præfecto Moravo ex familia Procerum
 Zko vicia, muniri, eò Exercitus ducunt, & mœnia ingenti, ac pertinaci-
 u invadunt, quippe ab ortu Solis usque ad meridiem illum continuarunt, tan-
 suorum occidione, ut *Pragensium* plus minus septingenti, *Taboritarum* autem
 angenti desiderati fuerint. Minus posthac feroculi ad circumvallandum op-
 dum se dederunt, mox ad colloquium obsessos invitarunt, *Pragensium* loquen-
 Præfecto, futuram statim obsidij solutionem, si quatuor capita agnoscere vo-
 berint. Nihil nobis, respondent, cum vestris Capitibus errore plenis, nos uni-
 ecclesie Caput, sicut unum Regem nostrum agnoscimus. Cæterum siliceat Vi-
 is, mulieribusque cum ipsis pueris incolumibus exire, & tantum cuilibet recu-
 erum suarum secum auferre, quantum dorso gestare queat, de Civitate se Pra-
 gensibus, non autem *Taboritis* concessuros. Obstringunt fidem, ita se facturos,
 ed perfidi non faciunt. Nam ipsum Præfectum Pragæ captivum deduci ju-
 ent, viros, mulieresque etiam ipsis vestibibus despoliant, ac plures Virgines nuda-
 as in flumine submergunt. Hæc in *Historia Bohemiae Dubravius*; quæ non
 arum aliter in *Theobaldo*, & *Hagecio*, aliisque MM. SS. codicibus narrata
 eguntur: inprimis MM. SS. codices non *Czernohorskium*, sed *Czervenohor-*
 kium Urbis Præfectum nominant, quod fuit agnomen familiae *Berkiana* in
 Bohemia, non *Bozkoviciana* apud Moravos stirpis. *Taboritas* nongentos,
 & sexdecim humum planxisse, ab *Jaromirensibus* occisos tradit *Hagecius*.
 Cum urbe exirent Catholici, nihil moventibus *Pragensibus*, *Taboritas* fœdi-
 fragos aggressos Civium turmas, primò *Senatum* (cùm se in hoc *Senatus* dig-
 nitatem tueri velle cum amaro risu profiterentur) deinde cæteros, ac tandem
 nudatas Virgines ex rupe (locus hodièq; monstratur) in *Albim* jecisse, & mer-
 sisse. Jam quod omisit *Dubravius* ex modò citatis Scriptoribus est supple-
 dum

A. 1420. 14.

Maij.

Dubr. l. 26.

hist. Boh.

Hæretici *Ja-*
romiren-
si-
bus fidem
 non serva-
 runt.

Hagek ad
 1421.

Canonici
Regulares
S. Augusti-
ni Jaromi-
rij cōbusti.

Demerfi IV
ex Ord. Præ-
dic. ex Cœ-
nobia Zvo-
lenfi.

dum; alter dies (15. Maij) supplicijs *Sacerdotum* datus est totus: unum fu-
pra vicanos eduxerunt, plerosque *Canonicos Regulares S. Augustini* ex Jar-
miriensi Cœnobio, tres tormentorum metu victi (ut habet *Theobaldus*) ac-
cesserunt hæreticis, reliqui duodeviginti exercitu hæreticorum utroque spe-
etante, flammis pyrâ ingenti excitatâ, sunt consumti.

Zvole pagus medio *Jaromirio* milliari situs, in quo *S. Dominici* Re-
ligiosa Familia Cœnobium, aut domicilium potius quoddam fixerat, quin-
que enim non amplius alebantur; ex his quatuor dum *Jaromirium* obside-
tur & capitur, captos, & in *Albim* projectos à *Taboritis* narrat *Joannes Laic*
ejusdem Ordinis, qui latebris tectus evasit; .cujus Chirographum Libro II
Miscellaneorum Cap. XI. recitavi. Corrigendus ibidem Annus: non eni
1425. sed 1421. gesta res est, licet eam primum A. 1425. *Joannes* descripseri

§. LXXXVIII.

Tustenses Cives hæretici Castra Herstein, & Ry-
zemberg occupant, ibi septemdecim Catholicos
hîc sexdecim Viros nobiles exurunt; Conventu-
ales domesticos suos trucidant. Virgines Sacra-
Parthenonis Georgiani ignominiosè acceptæ pe-
fora Pragæ ducuntur, & cum alijs Sacris Virgini-
bus, quarum numerus ad trecentas quinquagin-
ta ascenderat, in exilium deportantur.

1421.

Theob. in
Huss. P. d. C.
45.
Epit. l. cit.

Herstein.
Pivvonka.

Ryzmberg:

Cùm Orientalia *Bohemiae* loca Ecclesijs, ac Cœnobijs plurimis, non
nullisque etiam Urbibus inflammatis, desolarentur, *Occidentalen*
quoque *Bohemiae* partem Catholicorum cædibus hæresis funestavit
octo diebus ante Pentecosten *Tustenses Hæretici* arcem munitissimam, in-
quam loci fiduciâ suas opes multi ex Nobilitate, & Sacerdotes ex Templis in-
tulerant, *Herstein* (ad *Ronsperg* in *Plsnensi* Provincia sitam) expugnant, in
câque septemdecim Viros Catholicos, Religiosos plerosque, ut probabili
conjectura evincit, flammis enecant, deinde in descensu montis, nobile Cœ-
nobium Pivvonkanum Eremitarum S. Augustini incendunt.

Propè jam mihi exciderat alterum *Civium Tustensium*, seu *Domažli-*
censium sacrilegum facinus, nisi memoriam admonuisset *Calendarium histo-*
ricum *Procopij Lupacij Civis Tustensis*, cujus hæc verba sunt ad 18. Maij, An.
1421. *Domažlicenses expugnatâ Ryzembergâ* (castro munitissimo) *XVI. Cli-*
entes (id est Nobiles) *veritatum Christi adversarios* (vide hæretici hominis a-
mentiam!) *combusserunt*, *Bohuslao Ryzembergæ Domino Ssvihoviana gentis*
foli

si pepercerunt, eò quòd esset Reipublicæ Pragensis jam antè captivus. En cœ-
 m, en causam! sed & tertium eorundem hæreticorum *Tustæ* facinus An.
 119. patratum in M. S. Codice reperio: excidium videlicet in Urbe sua Cœ-
 nobij *Minorum Conventualium* multo cum sanguine. erat id pro *Augustinia-*
 as A. 1288. fundatum (ut dicam alibi) post ad *S. Francisci Ordinem* perve-
 nit; hodie rursus habitatur à suis.

Cœnobîi
 Tustense
 FF. Minor.
 M. S. f. 191.
 In Cœnobijs


Nec *Pragæ* quies Catholicis data; rudes puellæ, DEO que plenæ Vir-
 gines ex Cœnobijs extractæ tantum non perierunt. In Junio Anni 1431.
Borzka, seu *Ursula Czenkônis de Wartemberg Burgravij supremi soror Anti-*
sta Parthenonis Georgiani ad Senaculum Antiquæ Urbis Pragensis, ad pro-
 na subsellia ab Altaribus, ad opifices sordidissimos Princeps fœmina, &
incipis titulo ornata evocatur; quærit *Joannes Apostata Monachus*: velit-
Pragensium Articulis (quos scilicet hæresis dictaverat) subscribere? ita *Par-*
enoni omnia tuta fore, & pacata; sin recuset, omnia malè illi eventura.

Hagek ad
 A. 1421.

Borzka in maximorum Procerum familia genita, animo præsentî conditio-
 nem paucissimis verbis recusat; ergo illi exilium in pervigilium *S. Joannis*
Baptistæ decernunt; mittunt, qui deducerent satellites hæresi corruptissi-
 mos: *Borzka* triginta sacratæ Vestales sequebantur, per frequentissima par-
 te Urbis loca ducuntur, compita omnia vociferationibus hæreticorum, &
 etulantissimis scurrilibus, & impudicissimis (quod Virginitati tormentum
 maximum) vocibus personabant; in Ponte qui magnam, & parvam *Pragam*
 conjungit in summum venêre discrimen: erat quibusdam animus dare præci-
 pites in *Muldavam*, restitère prudentiores civium, rixa, ac propè jam pugna
 vit, tandem pars sanior, & mitior vicit: ad *S. Annam Virginum S. Domini-*
Cœnobium adducunt: huc enim ex cæteris quoque Cœnobijs Virgines
 compulerant mitiores hæretici, numero amplius trecentas quinquaginta.
 Post varias consultationes hæreticorum, generis claritudo (nam pleræque
 procerum, & Nobilium nurus erant) mortis periculo innocuas animulas
 xemit; *Borzka* cum suis prima, sed pecunijs, rebûsque omnibus spoliata,
 in exilium, deinde & cæteræ paulatim, nè furens plebs sentiret, dimit-
 untur, quas procul Patriâ exulatum in alienas terras ad sui instituti Sorores
 misisse, traditum est. *Hagecius* à *M. Laurentio* iterum deceptus *Borzka*
articulis hæreticorum subscribere voluisse narrat, sed eum tum cæteri Scri-
 ptores, tum ipsum exilium, quod irrogatum est, luculentè
 refellit.

Vide superi-
 us quæ de
 Borzka ejus
 que constā-
 tia memora-
 vis. LXXXIII

Virgines sa-
 cræ Pragæ
 in exilium
 deportan-
 tur.



Canonici
Regulares
S. Auguſti-
ni Jaromi-
rij cōbuſti.

dum; alter dies (15. Maij) ſupplicij *Sacerdotum* datus eſt totus: unum
pra vicenos eduxerunt, pleroſque *Canonicos Regulares S. Auguſtini* ex Ja-
mirienſi Cœnobio, *tres* tormentorum metu victi (ut habet *Theobaldus*)
ceſſerunt hæreticis, reliqui duodeviginti exercitu hæreticorum utroque
ſtante, flammis pyrâ ingenti excitatâ, ſunt conſumpti.

Demerſi IV
ex Ord. Præ-
dic. ex Cœ-
nobia Zvo-
lenſi.

Zvole pagus medio *Jaromirio* nulliari ſitus, in quo *S. Dominici* F-
ligioſa Familia Cœnobium, aut domicilium potiùs quoddam fixerat, quæ
que enim non ampliùs alebantur; ex his *quatuor* dum *Jaromirium* obſi-
tur & capitur, captos, & in *Albim* projectos à *Taboritis* narrat *Joannes Lai-*
ejusdem Ordinis, qui latebris tectus evaſit; .cujus Chirographum Libro
Miſcellaneorum Cap. XI. recitavi. Corrigendus ibidem Annus: non enim
1425. ſed 1421. geſta res eſt, licet eam primùm A. 1425. *Joannes* deſcripſe-

§. LXXXVIII.

Tuſtenſes Cives hæretici Caſtra Herſtein, & Ri-
zemberg occupant, ibi ſeptemdecim Catholicos
hic ſexdecim Viros nobiles exurunt; Convent-
ales domeſticos ſuos trucidant. Virgines Sacre
Parthenonis Georgiani ignominioſè acceptæ p-
fora Pragæ ducuntur, & cum alijs Sacris Virgir-
bus, quarum numerus ad trecentas quinquagin-
ta aſcenderat, in exilium deportantur.

1421.

Cùm Orientalia *Bohemia* loca Eccleſijs, ac Cœnobijs plurimis, ne-
nullis que etiam Urbibus inflammatis, deſolarentur, *Occidentalia*
quoque *Bohemia* partem Catholicorum cædibus hæreſis funeſta,
octo diebus ante Pentecoſten *Tuſtenſes Hæretici* arcem munitiſſimam,
quam loci fiducia ſuas opes multi ex Nobilitate, & Sacerdotes ex Templis i-
tulerant, *Herſtein* (ad *Ronsperg* in *Plſnensi* Provincia ſitam) expugnant,
câque ſeptemdecim Viros Catholicos, Religioſos pleroſque, ut probabis
conjectura evincit, flammis enecant, deinde in deſcentu montis, nobile C-
nobium Pivvonkanum Eremitarum S. Auguſtini incendunt.

Theob. in
Huſſ. P. I. C.
45.
Epit. l. cit.

Herſtein.
Pivvonka.

Ryzmberg:

Propè jam mihi exciderat alterum *Civium Tuſtenſium*, ſeu *Domaž-*
cenſium ſacrilegum facinus, niſi memoriam admonuiſſet *Calendarium hiſt-*
ricum *Procopij Lupacij Civis Tuſtenſis*, cujus hæc verba ſunt ad 18. Maij, A.
1421. *Domažlicenſes expugnatâ Rižembergâ* (caſtro munitiſſimo) *XVI. Ci-*
entes (id eſt Nobiles) *veritatem Chriſti adverſarios* (vide hæretici hominis
mentiam!) *combufferunt, Bohuslao Rižembergæ Domino Ssvvihoviana gen-*
fo.

pepercerunt, eò quòd esset Reipublicæ Pragensis jam antè captivus. En cæ-
n, en causam! sed & tertium eorundem hæreticorum *Tusta* facinus An.
9. patratum in M. S. Codice reperio: excidium videlicet in Urbe sua Cœ-
nobijs Minorum Conventualium multo cum sanguine. erat id pro *Augustinia*-
A. 1288. fundatum (ut dicam alibi) pòst ad *S. Francisci* Ordinem perve-
nit; hodie rursus habitatur à suis.

Cœnobîū
Tuſtente
FF. Minor:
M S. f. 191.
In Cœnobîjs

Nec *Pragæ* quies Catholicis data; rudes puellæ, DEO que plenæ Vir-
gines ex Cœnobîjs extractæ tantum non perierunt. In Junio Anni 1431.
Borzka, seu *Ursula Czenkonis de Wartemberg Burgravij supremi soror Anti-*
Parthenonis Georgiani ad Senaculum Antiquæ Urbis Pragensis, ad pro-
na subsellia ab Altaribus, ad opifices sordidissimos Princeps fœmina, &
incipis titulo ornata evocatur; quærit *Joannes Apostata Monachus*: velit-
Pragensium Articulis (quos scilicet hæresis dictaverat) subscribere? ita *Par-*
moni omnia tuta fore, & pacata; sin recuset, omnia malè illi eventura.

Hagek ad
A. 1421.

Borzka in maximorum Procerum familia genita, animo præſenti conditio-
n paucissimis verbis recusat; ergo illi exilium in pervigilium *S. Joannis*
batista decernunt; mittunt, qui deducerent satellites hæresi corruptissi-
s: *Borzka* triginta sacratæ Vestales sequebantur, per frequentissima par-
Urbis loca ducuntur, compita omnia vociferationibus hæreticorum, &
ulantisimis scurrilibus, & impudicissimis (quod Virginitati tormentum
imum) vocibus personabant; in Ponte qui magnam, & parvam *Pragam*
jungit in sumum venêre discrimen: erat quibusdam animus dare præci-
es in *Muldavam*, restitère prudentiores civium, rixa, ac propè jam pugna-
it, tandem pars sanior, & mitior vicit: ad *S. Annam Virginum S. Domini-*
Cœnobium adducunt: huc enim ex cæteris quoque Cœnobîjs Virgines
mpulerant mitiores hæretici, numero amplius trecentas quinquaginta.
st varias consultationes hæreticorum, generis claritudo (nam pleræque
locorum, & Nobilium nurus erant) mortis periculo innocuas animulas
temit; *Borzka* cum suis prima, sed pecunijs, rebûsque omnibus spoliata,
exilium, deinde & cæteræ paulatim, nè furens plebs sentiret, dimitt-
entur, quas procul Patriâ exulatum in alienas terras ad sui instituti Sorores
iijſſe, traditum est. Hagecius à *M. Laurentio* iterum deceptus *Borzka*
articulis hæreticorum subscribere voluisse narrat, sed eum tum cæteri Scri-
ptores, tum ipsum exilium, quod irrogatum est, luculentè
refellit.

Vide superi-
ùs quæ de
Borzka ejus
que constâ-
tia memora-
vis. LXXXIII

Virgines sa-
cræ Pragâ
in exilium
deportan-
tur.



§. LXXXIX.

Doxanense, & Teplicense Cœnobium, illud Præmonstratensis, hoc Benedictini Ordinis Virginitum deinde Ossecense virorum Cisterciensis instituti, ferro & igni delentur.

1421. in Jul.

Hagek l. c.
Epi. l. cit.
Theob. P. 1.
C. 49.

Doxanen-
sis & Tepli-
censis Par-
thenones
vastati.

Pessina in
Moravogr:
L. 4. C. 49.

Ossecense
Cisterci-
sum Cœ-
nobium in-
ceasum.

f. 33.

Cisterci-
ens in Osse-
censi crude-
liter perem-
ti.

Julij Mensis initio *Joannes Apostata Monachus*, qui tum *Praga* omnia p-
terat, *Pragenses* copias in *Zatecensem*, & *Litomericensem* Districtus en-
tit: *Doxanense Cœnobium* Præmonstratensis Instituti Virginitum opul-
tum in primis, ac multis Regum, & Reginarum foundationibus locupletatum
ante omnia invadunt sacrilegi, spoliunt, & cum Ecclesia incendunt. Ha-
cuius diem Lunæ post *S. Procopium* nominat (id est, nî fallor, 7. Julij) quo
flammis *Doxanum* conciderit; eandem rabiem, quamvis initio humani-
tem præferrent, in alterum Cœnobium *Teplicense* Virginitum *S. Bened-*
Pragenses effuderunt; ac primum Antistita Parthenonis leniri posse ben-
cijs speraverat, itaque velut Amicis Civitatem suam *Teplicensem* pro potest-
patere, & portas aperiri jusserat, deinde opipare, lautèque tractari submi-
ex præfenti copia cibarijs; at apud improbos, & sacrilegos frustra ex ben-
cio gratiam quæficeris; curatis, & satiatis corporibus, crudeles etiam animi
incendijs, & supplicijs pascere jam pridem cupiebant; impetu in Cœnobio
facto, eductis prius *Virginibus*, deprædantur omnia, & ad extremum cla-
strum inflammant, ac diruunt; improbissimus quisque abeuntes *Sacra*
Virgines affecuti despoliant, ipsis vestibus exuunt, & nudatas agunt in fugam
quasdam aquis præfocant.

12. Julij, *Ossecense Cœnobium* Cisterciensis Ordinis elegantissimis ac-
ficijs, & magnifico Templo percelebre *Pragenses* adoriuntur, idque nullo
fessidente occupant. In tempore admoniti Religiosi evasere cladem plen-
& in proximas silvas, ac montes abdiderunt sese; at hæretici rabie in saxa ce-
versâ, elatis rebus omnibus, quæ usui esse poterant, *Ecclesia*, & *Cœnobio*
gustissimo faces subjecere. In his tribus Cœnobijs, quotquot deprehend-
poterant Religiosos, qui aut *Sacra* apud *Virgines* DEO devotas procurabant
aut ægroti, aliâve causâ retardati venere in manus, vel igne, vel ferro per-
mierunt. *Chronicon CitiZense*, Religiosi è familia *S. Benedicti* Scripto-
differtissimè affirmat: An: 1421. cum Hæretici *Bilinam* (quæ tum erat in i-
tione *Alberti de Colditz* Viri Catholici) obsiderent, Cœnobium *Ossecanum*, b-
jisdem exustum, & *Monachos Cistercienses*, qui ibidem DEO militabant, ci-
deliter occisos. Idem affirmat disertis verbis Menologium Cistercie
Chrysostomi Henriquez: Apud *Bohemos*, inquit, *Passio Beatorum Mari-*
rum Sanctæ Mariæ de Ossek Ord. Cisterciensis, qui in confessione fidei consti-

persistentes ab Hussitis immaniter interemti (An. 1429.) cum palma Martiri-
um victores evolarunt in cælum. Eorum Martyrium referunt Paulus Lan-
gus. Cochlaus l. 6. hist. Hussitar. Aubertus Miræus l. 5. Originum Monasti-
ci. c. 15. Observet Lector, discrepare de Offecensi Cœnobio Scriptores :
Leobaldus, aliique evasisse cœdem Religiosos, alij subiisse; alij Cœnobi-
um 12. Julij An. 1421. alij 23. Sept. 1429. excisum affirmant. conciliari utra-
que pars à Nobis potest: dicimus enim primo hæreticorum incursu A. 1421.
12. Julij fugâ in vicinas silvas vitasse mortem: at cùm paulò post redissent,
damna illata, ut poterant, reparassent An. 1429. 23. Sept. inopino hostium
hæreticorum impetu crudelissimè deturbatos è vita, idque postremum ipsius
Ordinis autoritate firmatur, imò hodièque locus in Offecensi Cœnobio
Hæmonstratur, in quo Beatorum illorum Martyrum sacra ossa quiescunt; ut de
quod de illa dubitare ampliùs non liceat.

§. XC.

Bilinæ expugnatâ Arce, cruenta Catholicorum la-
cina. Ad Brixiam septem Sacræ Virgines Ordinis S. Mariæ Magdalenæ de Pœnitentia, crude-
lissimè ante Effigiem DEI Matris in Templo
necantur.

Ingentem Catholicorum & Sacerdotum, qui se Bilinæ clausserant, stragem
non modò Scriptores Nostri, sed hæretici etiam execrantur; obseffa pri-
mùm Civitas à Pragensibus, cùm defendi non posse videretur, præsidia-
li, & quidquid erat armatorum cum Sacerdotibus, qui confluxerant plurimi,
ad Arcem, quæ Urbi imminet, refugerunt; sed quod arma efficere non pote-
runt, confecit proditio. Arce Pragenses potiuntur, trucidantur promiscuè
omnes Catholici, præsidium, Nobilitas plurima, Sacerdotes magno numero
viridis exstructis quasi per otium (quò magis odium Catholici nominis appa-
ret) concremantur. Utinam singulatim à Scriptoribus hæc tractata habe-
amus! at illi velut in titulis Triumphorum captam Bilinam, & ingentem nu-
merum eorum, quos diximus, peremtum, & exustum dicere contenti, reli-
qua omnia silentio transierunt. Vix quidquam ampliùs de crudeli cæde Sa-
crarum Virginum Zaras traditum accepimus: sed magno authore nititur
narratio Georgio Bertholdo Pontano à Breitenberg, Metropolitana Pragensis Ec-
clesiæ Preposito: obsidebant Pragenses hæretici Brixiam Julio Anni hujus,
nam obsidionem à cæde DEO devotarum Virginum inchoarunt; erat Cœ-
nobium Ordinis S. Mariæ Magdalenæ de Pœnitentia in pago Zará sub ipsa Ar-
ce Brixienfi (quam in Regni Constitutionibus vetustis Landsvertam pridem

1421. 7. Jul:
Hag. 1421.
Epi. l. 4. C. 7

Bilinæ Ca-
tholici cre-
mantur.

Pontan. in
Brixia.

Septem Mo-
niales in Za-
raz interfe-
ctæ.

diximus appellatam) dum advenirent *Pragenses*, timore, qui in eum sexum plurimum potest, ex *Cœnobia* in proximas silvas profugerant; at brevi cū nihil quo pellerent famem, invenirent, neque inopes consilij expedire ita possent, amore *Martyrij incensæ*, ut loquitur *Pontanus*, mutuò sese adhortantes, ad *Cœnobium*, velut columbulæ, septem ex omnibus revolarunt. hæretici recognitâ, in *cœnobium* irruunt, illæ ad *Ecclesiam*, & ad *Beatissimam Virginis Aram* confugiunt, ut felicius ad pedes *JESU*, & *MARIÆ* adlutæ morerentur: hæretici hâc ipsâ pietate irritati, quasdam jacentes in precibus, capillis, contactu fœdissimo, ab humo levant, easque adacto in precordia ferro trucidant, alias genibus flexis mortem suam *Reginæ Virginis MARIÆ* commendantes, capite abscisso, frameis, natantes in sanguine relinquunt. Narrat *Pontanus*, geminum in ea Virginum cæde contigi-
 Miracula
 quædam in
 earū cæde.
 Pont. l. cit. miraculum; ac primum quasi sacrilegio gravatam *Tellurem* movisse, & tremuisse; deinde *Signum DEI Matris* avertisse vultum, nè vel in statua demesticarum suarum cædem videret, in eadēque statua *Puerum JESU* quem sinu gestat *Mater*, velut etiam ipsum conterritum, ut hominum meloquar, digitum ori Materno inferuisse;

Hoc monumenta docent, & testes Numinis ara,
 canit *Pontanus*, quod ipsum *Divæ Matris signum in Zaraz* vidisse me jupridem, & in signo mirifico *JESUM*, & *MARIAM*, quamvis cultu longe diverso (hanc ut hominem, illum ut Deum, & Hominem) adorasse lætæ & gloriæ. Porro *Zarazenses Virgines* annis volventibus, ex horrore illorum locorum, in *Urbem Brixiam* transtulere *Cœnobium*, & securiorem in *Urbem* solitudinem natæ, DEO hodiēque serviunt, rerum humanarum prorsus inmemores, cui sacro *Parthenoni* à *Confessionibus* sacris aliquo tempore fuisse, *Commotoviensi Societatis Collegio Brixiam* non semel devectus.

§. XCI.

Borense Cœnobium Virginum ad Horazdiovicum à Zifka, Swietfense ad Bilinam Monialium Sepulchri, & aliud in Biela Eremitarum Sancti Augustini, à Pragensibus excinduntur, & incenduntur.

1421.

M. S.

Manuscriptus *Codex Historiæ Bohemicæ* fidiſſimus narrat, cū *Pragensis Exercitus*, ut modò narraveram, obsidione *Bilinæ*, *Brixie*, & excidijs vicinorum *Cœnobiorum* occuparetur, *Zifkam* in *Becovensi Provincia Piccardorum*, & *Adamitarum* sectam nascentem funditus cōleviſſe (quod unum operum ejus laude digniſſimum nostri *Scriptores* agnoscunt)

ant (mox in *Crucigeros Melitenses*, qui *Strakoniciū* ditione tenebant, ar-
vertisse, inde semel, iterumq; virtute *Henrici de Novadomo Grandis Prio-*
Crucigerorum, cum ignominia rejectum, ut habet *Cochlaus*, minora op-
ia, & arces vicinas infestasse. Urebat illum post *Horazdioviciū* situm
nt. *Virgineum Cœnobiū* in *Bor*, quod irritatus *Straconicensi* repulsâ, capto
eati, pido, & castro delevit, incenditque. *Virgines* in hoc Cœnobio habitasse
E ad stans, & à Majoribus tradita memoria est, at cujus instituti? nusquam in-
es in aire potui, sepulchra in Ecclesia inferiore *crucibus* ubique *Melitenſium* ad
o in p is signata, ostendunt *Crucigeros Virginum* illarum spiritualement curam ha-
Virgineum; perlustravi lapides omnes, monumenta omnia antiqua indagavi soli-
sangui, nihil invenire certi potui; Ecclesia in vicino colliculo (ad quam Cœno-
ontig m *Virgineum* steterat) Altare habet Virginibus congruum; nihil enim
e, & ad, quàm *Sanctarum Virginum* maximo numero circa *DEI Matrem*, &
statua erum *JESUM* stantium signa parvula repræsentat: suspicio obortitur (si
E SU odò mea conjectura potentius scripto aliquo vetere conprobari posset) *Me-*
um m *ensium Ordinis* fuisse; neque obstat *Crux*, & institutum militare: nam &
Crucigeri milites S. Sepulchri apud *S. Jacobum* in *Svvietsy* (*Schwarz* hodie
Germani appellant) Moniales suas in *Bohemia* habuerunt, quod ipsis sepul-
e me ris ad oculum, ut loqui solemus, demonstraturum me promitto.

Hoc quoque Cœnobiū *Svvietsense* (quod antè præterieram) locuples,
Virginibus sacris (ut postea in *Zaraz* fecerunt) aut occisis, aut in fugam actis,
eodem Anno delevère *Pragenses*, & flammis, ut hodièque ruinæ ipsæ sa-
in U loquuntur, corrupère.

Die *S. Luca* sacro iisdem misso Exercitu, *Michalovicij* (quem capitaliter
derant) Civitatem, & Arcem, *Bielam* nomine, oblectam cepère, in eâque
eprehensos (quod loco fiderent) *Religiosos Ordinis Eremitarum S. Augusti-*
ad Ecclesiam *S. Wenceslai*, diversis mortibus omnes crudelissimè pereme-
ant. Hæc omnia *Foannis Apostata Monachi* imperio gesta esse, omnes eo-
um temporum Scriptores fatentur, quem insuper *Piccardorum* sectæ dedi-
am, iisque, cum apertè non posset, ex occulto, & velut post siparium favif-
e, iisdem *Manuscripti Codices* multis argumentis ostendunt; unde etiam
Piccardorum spiritu instinctus, Catholicorum sanguinem maximè sitiebat.
n Octobri hujus anni *Foannes Sadlo de Koſtelecz* innoxie à Monacho damna-
ur ad mortem; rem gestam ex *Theobaldo* narrabimus: *Foannes Præmon-*
tratenſis Pragæ nimium sese tractationi Reipublicæ immergens, quem oderat,
nunc vitâ privabat, vel Civitate pellebat; id apertissimè declaravit mors stre-
nui Equitis *Foannis Sadlo de Koſtelecz*; hunc, ut exosum *Pragensibus* red-
deret, quod Catholicus esset, accusavit ad populum: venenum, & pestem
Patriæ, appellans, qui cum *Pragenses* adversus hostes *Bohemici* nominis *Bri-*
xiam ducerent, nullam opem adferre voluisset, ac nuper in *Comitijs Kuttne-*

*Cochl. lib. 5.
hist. Hussit.*

*Virgineum
Melitenſiū
Cœnobiū
in Bor.*

*Svvietsense
Cœnobiū.*

*Bielense ite
deletur.*

Hag. 1421.

*Theob. in
Hussit. P. 1.
C. 50. ex Ger-
manico ver-
ti.*

*Equitis Ca-
tholici ob
religionem
cædes.*

sibus.

sibus Legatos Pragensium ad prævaricationem præcipuo conatu suo adduxisset. His acceptis Sadlo ad Pragensem Senatum (quem Monachus non pridem pro arbitrio creaverat) literas dedit, quibus latè descripsit, quam fidem operam Pragensibus, vivente Wenceslao Rege præstiterit, petere proinde fide publicâ: liceret Pragam venire, & causam dicere. Senatus respondit dare se fidem, veniret modò, vim omnem abfuturam promittit. Ità Sadlo pertractus in Urbem cum duobus fratribus suis germanis Petro, & Burchard, altero die comparet in Senatu; è vestigio, sed silentio, circumvenitur, & capitur, denique secundâ noctis horâ in ipsa Veteris Urbis Curia capite truncatur. Hæc est Theobaldi narratio, quæ si veritatem continet, profectò Joannis hujus Equitis mors cum causâ fidei conjuncta fuisse dici potest. At Hagecius à suo M. Laurentio in transversum actus (ut jam sæpe questus sum eundem Equitem sub utraque specie Eucharistiam sumentibus benevolum, commodum fuisse semper, ipsûmque etiam aliquando sub utraque summe solitum commemorat; ego rem in medio relinquo, dum certiora adferantur indicia. Constat tamen vex Hagecio, Virum fuisse probum, religiosum, Wenceslao Regi, ac Cæsari ab intimis consilijs, qui ante mortem efflicti Sacerdotem adesse sibi expetierit, nec impetrare potuerit, tumulatum esse in æde S. Nicolai post Curiam Urbis antiqua.

§. XCII.

Teutobrodenſis Civitas Catholica cum Sacerdotibus plurimis, aliisque sacris hominibus à Tabornitis excinditur. Sobeslaviæ Sacerdotes flammis consumti.

1422. 10. Janu-
ar.
Sil. præfat.
in hist. Boh.

Catholici
perimun-
tur Teuto-
brodæ nul-
lo discrimi-
ne.

Cobl. ad A.
1422.

Annus 1422. in Bohemia parcior Martyrum (quos hoc nomine Pius I appellat) fuit: ipso tamen anni initio 10. Januarij Ziſka Cocles & Cyclops, Polyphemus alter, Cæsare Sigismundo in fugam acto, Teutobrodæ, quæ portas clauſerat, & fortissimè pro aris, & focis dimicarat, occupavit; statim sinè discrimine omnes sexûs virilis (ad tria hominum millia) quæ inter sacros homines è Zelivensi, & Wilemoviensi Cænobijs, qui sese huc receperant, atque eos, qui Teutobrodæ ad Collegialem Beatæ Mariæ Virginis Ecclesiam sacra procurabant non parvo numero crudeliter interfecit, tum Civitate incensâ, & super Cives suos cadente, tantâ etiam inclementiâ in imbelles usus, ut omnibus incolis vacuata septem annis (alii quindecim scribunt frequentissima illa tum Urbs, & Iglaviæ æmula, sinè Cive, & habitatore sterit derelicta. De hac Urbis Catholicæ clade agit Crugerius ad 10. Januarij nôsque in Epitome ad eum annum; Cochleus in Hussiticis, sed omnibus dili-

atius libro eodem titulo scripto *senior Theobaldus*. Videtur porrò *Ziſka* spuria quadam, ut ita loquar, pœnitentiâ ductus *Teutobrodam* iterum habilem reddere voluisse. Habeo in M.S. Codice meo *Ziſka* bohemicaniistolam *Wilemovio* hoc An. 1422. die Jovis Sancto datam, in qua omnes morum suorum per Bohemiam Socios *Teutobrodam* ad diem Mercurij post Paschalia invitat, inter alia, ut *ubi peccavimus*, inquit, *eodem in loco pœnitentiam agamus*; at profectò pœnitentia illa sacrilegi Latronis, ut videbitur, postea, nimium brevis fuit, quam nova sacrilegia obruerunt.

Octavo post *Teutobrodam* excisam die, *Tabores* victoriâ utendum rati *Sobieslaviam* petierunt. Facilitate Civium, ac fortasse quòd eadem cum *Taboris* sentirent, admissi, præsertim cum jam tantum sanguinis fudissent, cle-mentia famam aliquam aucupari voluerunt, veniamque dederunt omnibus; cum in *Coronam Monachorum & Sacerdotum* (ut habet *Theobaldus*) inci-derent, nimirum crudelēs & cruenti Latrones animis imperare non poterant amplius, unâque omnes protinus injecerunt in rogam.

Sobieslavię
occisi Sacer-
dotes.

Theob. P. 1.
C. 15.

§. XCIII.

Oslovanense Virginum Cisterciensium Coenobi-um in Moravia vastatur; in eadem Provincia Mü-
glicium Civitas Episcopalis prorsus deletur.

REm ipsam, quam titulus promisit, brevissimè absolvam: *Oslovan* pagus est ad *Evanczicium* (nam arx, quæ hodie eò loci visitur, ex *Parthenonis* rudibus surrexit) in quo Cisterciensis familia Religiosa sa-
cratas sui Instituti Virgines habebat. Exstant hodièque vestigia, *Sacellum*, & *Ædes*, ex quibus facilè ædificium *Parthenonis* agnoscere possis. Spe-
tris infestatur locus, ac sæpe *Processiones ad Ecclesiam Arcis* ducuntur nocte, ità fide dignis comperi, ordinatè, & cum cantu; curiosè in eo loco versatus per dies aliquot, & noctes, nihil præter terrorem vidi, vel audivi. Sed ut re-
pleam: *Oslovanenses Virgines* quotquot deprehendi poterant, *Ziſka* in pro-
luentem abjecit, ac merſit; sinè dubio Religionis causâ, quid enim aliud imbelli, & propè adhuc lactæ ætati, *Virginibus* innocentissimis, DEO sacra-
tis, quæ neque mundum, neque seipsas, præter Religiones, & DEI obsequi-
am noverant, objici pro crimine potuisset?

Jam verò cum in *Bohemiâ Reginohradecium* ad suos ex *Moravia Ziſka* rediret, subito ad dextram converso itinere, *Mohelnicium*, hodie *Mügli-*
cium Episcopi Joannis Ferrei Olomucensis Urbem, etsi frequentissimam po-
pulo, imbellem tamen, invalidam, & malè vallis, ac mœnibus firmatam pri-
mo impetu capit; nihil ibi Sanctum, nihil immeritum, & innocens esse cre-
didit,

1423.

Oslovan
cades Sacra-
rū Virginū.

Pess. in Mo-
ravogr. l. 4.
C. 7.

Epit hist. l.
4. C. 8.

Müglicij
Catholici
interficiun-
tur.

didit, Cives omnes, ac puberes interfecit; sunt qui etiam infantes, ac puellas occisas tradant; dum ante complures annos illac iter haberem, monstrare *Cives Sacrarium* in Ecclesia ingredientibus ad partem dextram, ubi trucidatos, pauci qui remanserant, tumulassent; illud subtus *Sacrarium* plurimum his ossibus, ideoque protuberare à tumulis, & altius Ecclesiæ plano firmum ejus esse narrabant; occisis Civibus vacuum, & jam inutilem urbem crudelissimus *Latro* cum Templis incendit.

§. XCIV.

Ziska Kozogedy Castro occupato Catholicos quadraginta trucidat; Autumno medio in Moraviam vos ducit Exercitum, Quasicij, Evancicij, & per viam Catholicos omnes flammis exurit.

In Kozogedy
Catholico-
rum cædes.

1423.

Ep. l. 4. C. 8.
Theob. in
Hussit. P. 1.
C. 54.

Hagek ad
A. 1423.

Post Victoriam cruentam, quam Ziska de Catholicis quibusdam Provincibus ex Provincia Regiobradecensi supra Horzicium ad S. Gothardensem Ecclesiam An. 1423. paulò ante S. Georgij festum reportarat, septimo post die Kozogedy Castrum, quod ad Czenkonem de Wartemberg pertinuit, probabilis est conjectura, obsedit, & ultimâ Aprilis occupavit. Deditur se, ac sua Catholici præsidarij, at Ziska efferatus dediticios æquè, ac repugnantes, modò Catholici forent, sinè discrimine trucidare jam statuerat, itaque nullâ misericordiâ, omnes Catholici numero quadraginta Religionis diopieri.

Dubr. l. 26.

Et in arce
Quasicz.

Nondum Moravis omnibus Ziskæ nomen innotuerat, quò properavit magis in Autumno præsentis anni, sese sceleribus, & sacrilegijs toti Moravia commendare. Quasicium arx percelebris, prima Ziskæ sævitiam, & truculentiam in Moravia sensit: nam captâ arce, non ut solebat, militum viros ferro sustulit, sed quasi per otium, odio majore flammis (quod supplicium Sacerdotibus, Monachis, iisque tantum, quos Catholica fidei propaganda studuisse, & ardentem eam colere sciebat, irrogabat) pyram exstructâ prædium totum unâ cum Arcis Domino redegit in cineres.

Et Evanczi-
cij.

Æn. Silv.
hist. Boh. C.
44.
Pess. in Mar-
te Morav.
l. 4. C. 7.

Evanczicium Znoymensis Provinciæ Civitas post hæc tempora Civibus suis coelum auxit; adveniente enim Ziskâ, vix armorum terrore ostentato, Cives, quorum potior pars Hussitarum jam infecta erroribus Romana Religioni nuncium remiserat, hostes admiserunt. Quam ibi crudeliter i Sacerdotes & Cives, qui veterem Religionem Catholicam præsentis animo contemptâ etiam morte, tuebantur, sævitum! pars in vicino flumine demersa, pars in flammis coniecti, pulchrâ morte pulciores animas Christo reddiderunt. Notant hoc loco ex Ænea Sylvio Crantzius, Cochlaus, Dubravius

multis vitæ annis *Zifskam* longè cruentiorem, & irritabilem magis esse
 editum, elatùnque victorijs insolentiùs indies egisse, *Ecclesias* passim per
Bohemiam, & *Moraviam* delevisse, si quæ restabant; Civitatibus gravia im-
 pisse tributa, etiam supplices, & petentes pacem *Catholicos* trucidari cru-
 ter jussisse, vicos, & villas sinè discrimine incendisse, omnem sexum, &
 etiam parvulos eorum, quos sibi adversari suspicaretur, occidisse. Id
 eximè *Pulkavva* in *Austria* patuit, ubi capto oppido, immani feritate, quid-
 d ibi viventium reperit, interfecit, idem *Stockeravia* (utrumque *Austriae*
 opidum est) præstitit, Urbe & Ecclesiâ, in quam sese receperant nonnulli
 vium, incensis, omnibus mortalibus ferro, vel igne consumptis.

Zifka usq;
 in *Austriâ*
 pertendit.

Crantzius (quanquam ille in *Hussitarum* bellis, itineribus, & progres-
 sibus vehementer, & frequenter hallucinatur, ut cuique ejus *Vandaliam*
 menti perspicere licet) *Crantzius*, inquam, author est, *Zifskam* in *Austria*
 assantem pervenisse in conspectum usquè *Viennæ*, omnia igne, & ferro cru-
 ent in modum sædasse, incendisse oppida, evertisse urbes, dejecisse Arces,
 mpla, & Monasteria diruisse; postea de *Moravia* subjicit: in sola *Mora-*
via per hanc unam æstatem, decem muratas Urbes subvertisse *Taboritas*. Hæc
Crantzius.

§. XCV.

Zdenko (alijs *Brzenko*) *Czernin* vetustissimæ a-
 ud *Bohemos* stirpis *Eques* à *Taboritis* odio *Reli-*
gionis crudelissimè necatur. *Turnovij* Conven-
 us universus *Prædicatorum* à *Zifka* deletur. *Gi-*
lemnicij *Cœnobium* *Virginum*, & super *Albi-*
polim *Præpositura* vastantur.

Nil atrocius, ut sæpe dixi, *Bohemia* vidit præ bellis *Taboritarum*, qui-
 bus latrones illi sævissimi *Justitiam*, *Pacem*, *Religionem*, si cœlo de-
 scendissent, cupissent occidere. Anno Christi 1424. 5. Martij, *Zif-*
ka *Exercitum Arnovia*, seu *Hofstinna* admovit, virtute Civium aliquoties re-
 ullus, tandem desperatione abscessit; eo itinere castrum *Mlazovice*, cujus
 udera nuper spectavi, aggressus cepit, atque in eo *Zdenkonem Czerninium* ex
 lustri prosapia *Equitem* (quem ipsum etiam *Rhodia Militiæ S. Joannis E-*
quitem Commendatorem, vel *Vicem commendatorem*, ut vocant, fuisse non vanè
 uspicatur *Crugerius*) comprehensum, per otium, odio *Religionis* minuta-
 im, ac in frustra dissecari præcepit; quam ille plusquam barbaram lanienam,
 pro fide Christi fortissimè toleravit, aternâ stirpis suæ gloriâ, & nunc omni-
 um dolorum victor in cœlo triumphat laureatus.

1424.

Zdenkonis
Czernini
Martyrium

Cruger. ad
s. Martij.

Turnovien-
fes Religiosi
crematur.

Vide Epit.
hist. lib. 4.
C. 9.

Gilemnicen-
se Cœnobi-
um, & Præ-
positura
Gradicensi-
um.

Turnovium dein *Ziřka* summa usque celeritate subito occupavit; & cum multum sanguinis Catholici fecisset, ad *Cœnobium* Ordinis *Prædicatorum* quos pessime ob defensionem Catholice Religionis *Tabores* oderant, contendit, captosque universos, data ut semper solebat, optione, si ad partem hæreticorum transire vellent, cum nihil moverentur, omnes in rogos præparatos injecit, & flammis delevit. Quot fuerint, quæ nomina, quæ exempla gesta, abolitis omnibus monumentis, dicere non possumus; mortem forum, & illam *Czerninij*, *Catholicorum* æquè, ac *hæreticorum Annales* continent. *M. S. Cuttnense*, *M. Laurentius*, *Hagecius*, *Theobaldus*, *Crugeri* alique.

In Codice quodam *M. S.* invēni: *Ziřkam* hoc ipso *Arnoviam* seu *stinnam* excursu, *Gilemnicense* *Virginum Religiosarum* *Cœnobium* ad *S. Elizabetham* dictum, tum etiam *Præpositi* sedem super *Albipolim* sanguine & flammis delevisse, istudque immane & sacrilegum facinus hujus Anni Martio Menologio patratum, nihil tamen adjicitur, unde *Religiosus Parthenonis* illius Ordo, etiam *Præpositi sacrum Institutum* possit cognosci; sed in alijs Manuscriptis Codicibus lego, *Gilemnicense* *Cœnobium* à *Cisterciensibus* administratum, & *Præposituram* *Langenaviensem* (ita enim appellabant) ad *Cœnobium* *Gradicense* vel in *Gredis* (quod inter novam *Boleslaviam*, & *Turnovium* medio stetit in loco) pertinuisse, adeoque ex tot *Martyribus* (nam eos *Martyres* disertè nominat in suo *Menologio* *Henriquez*) justissimam verissimam gloriæ causam *Cisterciensis* sacer Ordo reportat.

§. XCVI.

Cœnobia quæcunque reliqua erant in *Provincia* *Plsnensi*, *Zatecensi*, *Slanensi*, *Ecclesiæ* item quàm plurimæ incenduntur à *Ziřka*. *Libochovicij* pro Religione Sacerdotes exuruntur.

1424.

JAm pridem monui, in Religiosorum, & Sacerdotum cædibus recensendis, *Hagecium* negligenter esse versatum; id adeo vel ex historia prædictis Anni 1424. luculentè patescit; contentus enim dicere: *Ziřkam* adiunctis sibi *Clatoviensibus*, *Zatecensibus*, *Launensibus*, & *Slanensibus* vi maximam *Ecclesiarum*, & *Cœnobiorum*, quæcunque supererant, flammis abolevisse, nullum omnino, præter *Clatoviensia* duo *Cœnobia*, *Virorum* & *Virginum S. Dominici*, nominavit (sed hæc jam antè occisis Religiosis destituta stabant) alia omnia omisit. Ardeat igitur, (ut *Parochiales* pulcherrimæ *Ecclesias* omittam: *Insulanam S. Benignæ* *Cœnobium* Ordinis *Eremitarum Augustini*, tum alterum *Roczoviense*, & tertium *Sussicense* ejusdem Instituti)

Cœnobia
quàm pluri-
ma cum Re-
ligiosis de-
leta.

Miz...

Wienſe Minorum Conventualium S. Franciſci, Carmelitanorum Tachovia,
una ad B. Virginem Prædicatorum, vetuſtiſſimum S. Joannis in Inſula, S.
Kocopi SaZavienſe, ut etiam ad S. Iuſuanum Skalenſe, & Tauſkovienſe Bene-
dictina; ad Cadanam in Strzydce Sanctimonialium S. Mariæ Magdalena, &
quod ejuſdem Ordinis ad Launam; Zatecij Ordinis S. Benedicti, S. Gothardi
Slanam Collegiata (ut vocant) Eccleſia, aliæque innumeræ; facile ſuſpi-
ci poſſum, hæc Cœnobia non omnia hoc anno, ſed quædam prius exciſa,
tamen ruinæ Cœnobiorum, & Eccleſiarum rudera Taboritarum malefi-
cium hodièque demonſtrent, cumque hoc anno Ziſka Cœnobia in Occiden-
ti Bohemia ſita, delenda ſibi ſumſerit, ſi quæ nondum conciderant flammis,
credibile eſt hoc anno concidiſſe; certiffimum & illud (quod Scriptores om-
nes teſtantur) Sacerdotes, & Monachos, ubicunque deprehendi potuerunt,
& crudeliſſimè, ac plerumque flammis necatos. Przesticium S. Benedicti fa-
milie ad Cladrubiſenſe Cœnobiũ ſpectans oppidum, & Præpoſitura de nomi-
nis honoris cauſa adducendum eſt; nam quod Religioſos, & Sacerdotes ad-
revocaſſent, indignatus Ziſka Viris, & Civibus plerisque cum Sacerdoti-
bus omnibus trucidatis, oppidum expilavit, magna ex parte diruit, & incendit.

Libochovicium Nicolai Hazmburgici, acerrimi Eccleſiæ propugnato-
ris in Litomericenſi Diſtrictu ſitum oppidum, die S. Georgij, triumphalibus
flammis Martyres illuſtrârunt: Paulus Ribka, & Wenceslaus Paſſer Metro-
politane Pragenſis Eccleſiæ Altariſta; Georgius Tobiaſek (M. S. Codex Ti-
ſtam appellat) Joannes WlcZek, Strzydnik de Wranyho Litomericenſes Sa-
cerdotes, tum Equites nobiliſſimi duo Joannes de Miſſeno, & Hinek de Ra-
ginoves unius Religionis odio flammis conſumti; Sacerdos quidam Henri-
cus nomine in campo extra urbem ferro peremptus; omnes conſtantiffimè
ad extremum uſque ſpiritum Catholicani Eccleſiam profeſſi, ſanguinem, &
vitam Religioni impenderunt; poſt hæc omnia Libochovicium oppidum ex-
ciſum.

Libochovi-
cij Sacerdo-
tes crema-
tur.

§. XCVII.

Przibislavia capta, & incenſa; Hunnobrodæ Ca-
tholicus Populus interfectus cum toto Prædica-
torum Conventu; Cœnobiũ Lucenſe dirutum;
Horziniewſij & Holohlavtæ Catholici plurimi
necati, idemque actum Chlumecij.

Ziſka peſtilentiâ iectus, XI. Octobris An. 1424. in obſidione Przibisla-
via (quod oppidum, & caſtrum ad Proceres inclytæ familie Ronovi-
enſis ſpectabat) extingvitur, neque tamen ab oppugnatione hæretici
deſiſcere, ſed capto prius oppido, deinde & caſtro, complures ſacros Viros

1424.

Przibisla-
via deleti
Catholici.

X 2

cum

cum sexaginta præfidiarijs injecerunt in flammæ, quòd se ritu solenni *Ziſka* iusta funebria velle perſolvere clamaret Exercitus.

*Cænobiũ
Lucenſe de
letur.*

Przibislavia poſt *Ziſka* mortem alij aliò, *Procopius major*, ſeu *Raj* cum *Taboritis Moraviam* ingreſſus eſt; deleviſſe *Cænobium Lucenſe* (quod hætenus firmo præſidio tenebatur) M.S. Codices affirmant; neque ſi ſanguine Religioſorum expugnationem peragi potuiſſe, nimis quàm certum eſt, ſed taceant Annales.

*Crug. in Pul
ver. ſacris
ad 4. Aug.
M. S. Hun
nobrodenſe.*

*Hunnobro
denſes Mar
tyres.*

Georgius Crugerius Hiſtoriæ noſtræ peritiſſimus optimâ fide narrat, veteri M.S. legiſſe ſe: *Przibislaviâ* captâ *Taboritas* quosdam ab alijs factionibus diviſos in *Ungariæ* confinia irruiſſe, & crudelem in modum ferro & igne graſatos eſſe, nominatim *Hunnobrodæ* ingentem *Catholicorum numerum* in gladij, ut ſacræ literæ loqui ſolent, occidiſſe; haud dubiè *laureâ Martyrij*. *Crugerius* loquitur, coronatos; ſed præcipua in *Cænobio Ordinis Prædicatorum* laniena; varijs ac varijs mortibus è vitâ deturbati ſunt, nève ſola turculenta barbaries tam cruenta facinora deſignare videretur, extremum Religionis contemptum addidèrunt *Latrones*, & *Sacerdotali amictu* induti, verberatoſi *Simij*, *Plateas* obequitantes, ut alij alijs ridiculi fierent, *Catholicis* luſère.

*Et Pulkavi
enſe.*

*Theob. in
Huff. P. I. C.
57.*

Paulò antè *Pulkaviènſe* quoque in *Auſtria Cænobium* diruerant *Taborites*, in quo tamen jam ita, ut erat, diruto, poſtea *Bohuslaum de Szwamberge* in *Recij* oppugnatione ſagittâ occiſum (ut habet *Theobaldus*) tumulârunt; ejus tumulus *Pulkaviæ* oſtenditur, & ipſemet non ante multos annos cum execratione, mixto tamen dolore (quòd Vir nobiliſſimus, quòdque certum conſtat, *Catholicus*, contra animi ſui conſcientiam *Taboritis* ſeſe junxerunt ſpectavi; ſunt, qui *Crumlovij* apud *Moravos Bohuslaum* eſſe ſepultum affirmant, errantes.

*Epit. l. 4. C.
ra.*

*In multis
Urbibus Ca
tholici in
terfecti.*

Jam campum clauſerat hiems ſæviſſima, ipſique *Taboritarum Ducibus* diviſi, *Urbibus* etiam, oppidis, & arcibus, quas vivente *Ziſka* ceperant, ſeſe (ut in *Epitome* narravimus) diviſère. Principio Anni 1425. *Taborites* præcipui, quorum Ductor *Joannes Bzdinka*, & *Procopius Major* (quibus *Nymburgum* fortitione obtigerat) *Horzynievoſum*, & *Holohlavum*, utrumque locum ob fundationes (de quibus in *Libris Erektionum* dicemus) *Sacerdotes*, & *Altariſtis Catholicis* refertiſſimum excidère; *Holohlavij* ut ſibi ludibria facerent, alligatum *Sacerdotem*, *Sovva* nomine, ex murali machina, ſingulari crudelitate ejecerunt in auras; eadem *Chlumecij*, quam ditionem tum *Becca* *Catholici* *Proceres* obtinebant, patrata crudelitas, ubi *Panczka* *Sacerdos* &

Hinkone de Kunſtadt, rogo ad id parato combuſtus eſt

§. XCVIII.

Georgius Rohovlad Parochus Nimburchensis, & Sacellanus ejus, Clemens nomine, pro Christi fide combusti.

Anno Christi 1425. Taboritæ gens ad excidium nata, cum Nymburgum tenerent, odio SS. Religionis Georgium Rohovvladum loci Parochum unâ cum Clerico Clemente in vas pice oblitum injecere, quodque de extrema Unctionis Sacramento prædicasse constaret, Oleum vehi clamantes, præurbium curru de vectos incendere. A morte fortium virorum, lux læstis noctibus visa, Angelorum cantus auditi, ægroti quàm plurimi locum euntes, & ex pulvere sacro in rogi loco collecto medicinam sibi facientes, omentò sanati. Nimburchenses hunc Virum pro Sancto ab omni memocoluerunt, atque in Martyrij memoriam, Portam Urbis, ad quam passus, S. Georgij portam hodièque appellant. In pyræ loco nullum gramen, nilque aliud virens crescere ad sua usquè tempora testatur Hagecius; at quod de suo adjicit: Georgium sub utraque Eucharistiam Populo porrigere nitum, non subsistit, refelluntque Catholici Scriptores Pontanus Metropolitane Pragensis Ecclesie Præpositus, & Wilhelmus Slavvata Supremus Regni Bohemie Cancellarius; nimirum Hagecius à M. Laurentio Utraquista decessus hæc descripsit, qui laudem hanc etiam affectavit (ut aliàs monuisse meminimus) ut aliquos suæ Religionis Martyres haberet, ideòque ex Catholicis ubi potuit aut potuit, Hereticos fecit, quod nunquam animadvertit Hagecius. Porro ab hac Rohovvladi cæde, quem ferunt ad concionem Populo sapius exculcare solitum, ut peccata sua (præcipuè in morte) legitimo Sacerdoti cum dolore confiterentur, Eucharistiam absque detestatione scelerum indignè & cum novo scelere sumi; morientes Oleo Sancto ungi oportere, aliàq; Catholicæ dogmata, Taboritarum Ductor præcipuus, ac tum Nymburgi præsens, Bzdina præconis voce prædicari iussit: nemo ampliùs Sacerdoti quale quale crimen patrasset, aperiret, sed coram fratribus (itâ se Taboritæ, jam ad Picardos effluentibus, vocabant) confiteretur peccata; recitat Hagecius hoc loco ridiculum, & insaniam plenissimum Taboriticæ Confessionis exemplum de Beneficio quodam adultero; unde quò progressi sint agnovère tandem, rursusque præconem vociferari jusserunt: nullâ confessione, nec apertâ, nec illâ quam turcularem appellant; opus esse. Hæc eò adduxi, ut optima Religionis causa, quæ Rohovvlado mortem attulerit, penitiùs intelligatur. Pontani verba sunt: in loco Martyrij lux noctu luxit, Angelorum cantus, infirmis red-dita sanitas est, & alia multa ab Incolis, & Taboritis ipsis fuerunt observata.


Hag: in An:
Boh. A. 1425
Pont. l. 1.
Boh. Pia.
Slav: in A-
pol. M. S.

Nimburchi
porta S. Ge-
orgij.

Loca ante
citatis.

Confessio
Taboritica
nulla.

Pont. l. 1.
Boh. Pia.



§. XCIX.

Litomisslium Episcopalis Urbs, occupatur ab Orphanis, arce deinde captâ in Catholicos omnes promiscuè sævitum. Coenobium Prædicatorum Switaviæ, & Carthusia ad Litomisslium delentur.

A. 1425. 9.
Martij.

Borzek de
Miletnik
feu de Ri-
chemburg.

Litomissli-
enses Ca-
tholici inter-
fectione de-
leti.

Litomisslium jam pridem occuparant Pragenses, illudque A. 1421. Dionysio Borzek de Miletnik partium suarum studiosissimo donarant. Eius Boczek Baronum è stirpe, qui primitus de Pardubitz (quod eam Urbem ditione tenebant) appellabantur, & Equum Album dimidiatum gerebant in clypeo; ex ea stirpe olim prodijt sanctissimus ille Præful Arnestus Primus Archiepiscopus Pragensis; ego nondum rebus satis exploratis hunc Dionysium Dohalskæ Stirpis Equitem in Epitome feceram, meque alij quidam secuti idem scripserunt, at dedidici errorem postea manifestis argumentis, quo suo tempore, ac loco adducam; nunc satis est dicere, Joannem Hodiogorinum præclarissimis illis in Hagecium Notis, disertè docere Dionysium Borzekum, qui Pragensium Ductor fuerit, cui Litomisslium donarint, Cunieticis Dominum, ex familia illustrissima Dominorum de Pardubitz ortum esse & de Miletnik appellatum. Hæc necessaria retractatio visa est, jam ad narrationem veniamus: tenebat igitur Urbem Dionysius Borzek; Arx tamen, seu Castrum munitissimum ab Joanne Olomucensi unâ, & Litomisslensi Episcopo tenebatur, qui præsidium ibi è Catholicis habebat, neque ita pridem novarum, & validam ex stipendiarijs cohortem in castrum immiserat, quod avidius Catholici in Litomisslienses ferebantur, partim ut se de Joanne, qui multis eos in Moravia cladibus affecerat, ulciscerentur, partim ut Episcopalis Collegij principes, qui se in castro cum plurimis Sacerdotibus clauserant, denique Catholicos expugnarent. Borzek septimo quàm oppugnari coëptus est die, Urbem dedit, & cum suis omnibus discessit; castrum expugnatio multo Orphanis sanguine constitit, jamque diebus quatuordecim frustra assiliebant; die Cyrilli, & Methodij 9. Martij omni connisu, & omnibus partibus furiosè, & rabiosè, scandente toto Orphanorum Exercitu, licet semel, iterumque fortiter repulso, tandem in potestatem hostium Castrum venit: nihil ibi dediti- nis mentio, nihil abjecta arma, nihil preces, nihil ætas, sexus, dignitas valere, sine discrimine unâ omnes etiam milites, utpote Catholici, & ex Episcopali Militia, quodque atrocius, infantes, pueri, puellæq; Religiosi, & Sacerdotes ferro concisi perierunt. Paucis post diebus Switavia sese dedit, ubi Monasterium Ordinis Prædicatorum expilatum; Carthusianorum posthæc E-

is, *Rubus Beatae Virginis* dicta, sub *Litomyslio* ad pagum *Trzek*, funditus excisa.

§. C.

Slanae Urbis ab *Orphanis* expugnatio cruentissima. Catholicorum Nobilium quaedam Oppida, & Arces captæ, excisæ, incensæ.

Nullibi locorum anno præsentē plus effussum esse Catholici sanguinis, quàm, in duarum Urbium Bohemiæ *Litomislj*, & *Slanae* excidio Scriptores nostri consentiunt; de priore jam diximus. *Slanam* die vis Sancto *Orphani* obsidione cinxerunt, Sabbatho advenēre *Taboritæ*, Martis in *Paschate* *Zatecenses*, & *Launenses* applicuēre, ita quatuor justis exercitiis, & quatuor partibus, velut coronâ, Civitas premi cæpit; tuerentur acriter, qui sese intus clauserant, præter Cives, ex Nobilitate quàm arimi, ac præcipuè virtus Manipuli militaris, quem in ea Urbe nuper reliquerat insignis bello Dux *Hinko de Waldstein*, Cives verbo, & præsentibus templis confirmabant; ac fanè jam per duodecim dies continuata obsidio, ultusque omnes propè quotidiani fortitudine Civium fracti, tam hos ad viam victoriæ, quàm hostes ad desperationem urbis capiendæ adduxerant, si intervenisset proditio hæreticorum quorundam Civium, qui intus latebant; non nocturno scelere *Slana* captâ, nilil crudelitatis omissum; casum præsidii *Hinkonis*, cæsi Cives; Nobiles Viri, qui ad Turrem campanariam confluxerant, subiectis loco facibus cremati; Prætor, Consules, ac præcipui Civium in Macellariam tabernam in fori medio stantem compacti itidem exuruntur; præcipuè duorum Sacerdotum cædem Christiani, & *Wenceslai de Zvi-vecz*, qui sacrâ Eloquentiâ claruēre, lugent Codices Manuscripti. Inter Nobiles eminebant *Joannes Srssa* cocles, *Petrus Kamenec* de *Holans*, *Zden-ec de Blahotic*, *Witko de Kuvicz*, *Haramule*, alique permulti; urbem ipsam postquam expoliassent, super cadavera Civium suorum incendere, diuque nihil præter parietinas *Slana* fuit. Satis scio Catholicis immixtos in hac Urbe *Ultraquistas*, ut vocabant, plurimos fuisse; tum enim contra *Pragenses* eorumque fæderatos à *Taboritis* gerebatur bellum, tamen cum etiam Hæretici Scriptores fateantur cum Catholicis suos quoque non paucos perijsse, inde necessario conficere possumus, majorem Catholicorum partem *Slanae* ab hæreticis trucidatam. Perfecto uno scelere ad alia perpetranda profecti, Catholicorum Arces, & oppida potissimum sibi expugnanda sumserunt: Arcibus *Tocznik*, & *Zbiroh*, & castro *Raudnicensi* necquicquam oppugnatis (quod prima duo firmissimo Catholicorum Procerum de *Kolovrat*, *Raudnicum* verò Archiepiscopali præsidio tenerentur) oppida Catholica subiecta *Zebra-*
brakum

1425.

Slanae exci-
dium.

Slanae Ca-
tholici præ-
cipue cæsi.

MM.SS.

In Arcibus
Catholici
interfecti.

brakum, & *Horzovicium*, & *Civitatem Raudnicium* incendere; *Richmburgum* Castrum duplex, alterum Domini *Flascha de Pardubitz*, alterum quod *Knieczninense* dicebant, tum *Opocznam*, *Hradek in Districtu Reginohradecensi*, *Michalovicium* Castrum propè *Boleslaviam* juniorem; in *Plsnensi Sscrivovium*, Domini *Wilhelmi de Skala Sscrivovij*, post accerrimam quindecim dierum oppugnationem cœpere, ac diruere: plurimis ubique Catholicis, præsertim Sacerdotibus, ferro, flammâque deletis. In ditionibus, villis, pagis Fratrum *Kolovratæorum*, *Hanusij*, & *Friderici*, maxima facta Catholicorum cædes, ut *Bartholomæus Eques de Drahonice* in M. S. sua historia (quæ apud me est) commemorat, scilicet irritati erant, quod à *Krassovu*, *Libstein* Arcibus (illud ad *Hanusium*, hoc ad *Fridericum Libsteiniorum* originarium pertinebat) rejecti turpiter, fugientium instar discedere cogerentur.

§. CI.

Oborzistij Henricus Colman Vir nobilis cum alii decem; *Kwietnicij Procopius Treczka* Eques splendidissimus Catholicæ Religionis odio cum suis omnibus crudelissimè necantur. Bellum, quod patibularium appellabant, inter hæreticos, & Catholicos gestum hoc tempore.

1425.

Catholici
cremati.

Inter tot Catholicorum, quas dixi, cædes, singularem sibi vindicatum cum, *Henrici Colmani* mors pro fide Christi fortissimè tolerata: deiebat, is in castro suo *Oborzistie*, cum ecce sacrilegi *Taboritarum Duces* *Johannes de Sscrivamberg*, *Joannes Bzdina*, *Joannes Zmrzlik junior*, *Petrus Buzko de Smolotel* cum suis repente adveniunt; nulla nisi in armis spes, duo Catholici summâ vi latronibus restitère; ad conditiones deinde ventum est. Viri militares credebant militariter secum actum iri, ideoque gratiæ se Ducum permiserunt; at quid à latronibus, qui unicam in mortibus cædibus voluptatem reponebant, sperari potuit? statim *Henricus Colman de Dorenstein*, natus verò in *Krziklavva* (ut loquitur *Eques Drahonicus*) indignè vinculis constringitur, conjunguntur alij Viri Equestri loco nati, *Ulricus Holeska*, *Sigismundus Stezka de Sokolovicz*, & quidam *Czert*, alique propter numero, ac rogo ingenti excitato, nullâ aliâ nisi Religionis causâ, per vigilio SS. Corporis Christi cremantur; cæteri *Petrus de Tazovecz*, & alij quadraginta quinque milites prædij abducuntur, arx denique ipsa inflammatur, & in rogam convertitur.

Treczka Eques
Catholicus
interficatur.

Paulò antè circa Pentecosten *Arx Kwietnicensis in Kaurzimensi Provincia* ab Orphanis occupatur; *Castri Dominus Procopius Treczka de Lippyc*

Eques nobilitate generis, opibus, & dignitate illustris, quod Catholicam religionem sectaretur, & ardentem promoveret, incensus est, familiam universam cruciatam. Habebant hoc solenne *Taborita*, ac *Orphani* (ut exemplis pluribus probari potest) eos, quos Religionis Zelus, & pietas magis commendabat, pyram, & rogis, alios verò Catholicos ferro, ut hic factum videmus tollere. Vehemens mihi semper suspicio fuit, quam hoc loco communicabo in lectore: hunc *Procopium* ab *Orphanis* concrematum, eum esse Equitem, quem tacito nomine præfatione in historiam *Bohemia* ad *Alfonsum Regem* *ragonum* laudat *Sylvius*, qui captus ab *Hussitis* (verba ipsa annúmero) ad ignibus, pedes primum, deinde tibias, mox genua, coxasque, postremò reliquas corporis partes exuri passus sit potius, quam illorum insaniam consentiret.

ec *Sylvius*.

Bellum patibularium hoc tempore inter Catholicos, & hæreticos exar-
unde initium datum sit, dicere non habeo; suspensis ex alterutra parte
ibusdam militibus, pars altera à se captos, ut ulcisceretur, suspendit; hoc
rum facinus velut non militare, ulti sunt alij, ita universi quasi lege quâdam
dicta quicunque caperentur *Catholici* ab hæreticis, *Hæretici* à Catholicis in-
to in collum laqueo suspendebantur, quod *Bellum patibularium* (*Bohemi-*
Sybeničnau Wognu) appellabant; eam non satis honestæ mortis ra-
, & onem, anno sequenti, an conventionem aliquam partium, an bello (quod con-
Germanos ad *Austam Bohemi* gessere) cessasse, & abolitam esse comperio;
ad hoc anno Manuscripti Codices duo annotant: complures generosissi-
mos, & bello clarissimos *Equites* pluribus in locis, & maximè in *Sedlczan* sus-
pendio necatos, præcipuè eos *Catholicos Equites*, qui ex *Wozicz & Wlassi-*
io contra *Taboritas* pugnabant; postea tamen *Castrum Wozicze* post diu-
rnam quinque hebdomadam obsidionem autumnus hujus anni *Taborita*
er conditiones ceperunt.

De Bello
patibulario

§. CII.

Ozelka Petrovicensis Parochus Religionis causâ
Gratij in *Bohemia* exuritur; quædam aliæ *Catholicorum* in *Bohemia* cædes.

Bellum hoc anno 1425. *Meinhardo de Novadomo* cum *Taboritis* fuit;
narrat *Rosenfis historia Manuscripta*, cum in ditiones quasdam *Rosen-*
sum Taborita prædatum excurrissent *Joanne Bzdina Duce*, *Uowry*
Dwory (*Gracium*, vel *Grazen* hodie appellant) occupasse; captum dein-
de, & exustum esse *Gracium*, & *Sacerdotem Catholicum*, *Ozelkam* nomine
Petrovicensem in vicinia illa *Parochum* in manus hæreticorum devenisse, eum-
que statim in piceum vas injectum, & incensum, vitam Religioni impendisse

1425.

Cædes O-
zelcæ Paro-
chi.

Catholici
cæduntur.

se, *Cives Gracenses* plerosque ferro deletos. Ego historiam in dubium vocare non possum, præsertim cum Civium traditione firmetur; at de tempore controversi potest: constat pacem *Rosenses* inter, & *Taboritas* hoc ipso anno firmatam, adeoque credibile non est pace integrâ tantam stilitatem in ditione *Rosensium à Taboritis* admissam, præsertim, cum tractatores *Ulrico* medium se offerente inter *Meinhardum*, & *Taboritas* eam coaluisse; libenter igitur annis post decem *Gracij* occupationem, & *zelce Martyrium* ponerem, sed obstat iterum: quod hæc ab *Joanne Bona Taboritarum Duce* gesta dicantur, quem omnium Scriptorum fide scimus hoc anno in expugnatione *Woziczij* telo vulneratum paulò post exspirasse prius igitur, cum bellum contra *Rosensem Taboritæ* gererent, perpetratum *Taboritis* est scelus. Porro hoc anno multum *Catholici* sanguinis effusum est obseffo, & occupato *Kamenicio ad Novamdomum*, & ad *Poczatek* oppidum, quod tamen *Taboritæ* frustra oppugnare, tum in prælio ad *Kamenicum* propè piscinam ex eo dictam *Kalich* / seu *Calix*; tum in quotidianis & semper ab utraque parte cruentis velitationibus; sed quia cædes istæ impugnantibus factæ sunt, omittuntur: mihi enim propositum non fuit hoc loco, prælia, sed *Martyria* recensere, & irrogatas *Catholicis* non in acie, quasi per otium, aut per tormenta cædes, quantum ex ipsorum hostium confessione & libris, & chartis Manuscriptis cognosci potuit, annotare; ob eandem causam & atrox prælium ad *Austam*, & aliud ad *Tachoviam*, multis *Catholicorum* millibus cadentibus, prætereo; qui bella legere velit, nostrum *Epitomen* consulat, aliosque *Bohemica Historie* Scriptores.

§. CIII.

Catholicorum Arces, & Oppida in Litomericer Provincia expugnata. Duchczovium, vel Dux ad Teplicium, Civibus trucidatis, tota flammis concidit.

A. 1426:

Lipa, Biela
capta.

Ante decretorium ad *Austam* prælium 16. Julij An. 1426. hæreticos inter, & *Catholicos* commissum, *Pragensium*, *Taboritarum*, *Orpharum Exercitibus* diversis itineribus ad *Austam* Urbem obsidendam (quæ firmissimo Germanorum præsidio tenebatur) properantibus, villas, arces, castella, oppidâque plurima, viæ, montes, ac silvæ *Catholicorum* sanguine rubuerunt. 1. Maij *Lippa Civitas* capta, & incensa, *Catholico* prædio toto, & potissimâ parte civium deletis. *Bielam* *Joannes Rohacius* Dube occupavit, omnesque puberes interfecit; capta quoque (vel potius quod munita non essent, occupata) sunt ab hæreticis *Catholicorum* oppida.

Hofm

oska Archiepiscopalis, Trebnicium Virginum S. Georgij, Arx Strzekovv, cenobium Svietecense iteratò, aliàque plura. Procopius Rasmus, seu Mar-
 , Teplicium, Duxovium, Krupnámque cum castro cepit, quæ Urbeculæ
 ones, oppida item quæ enumeravimus omnia, quòd Catholicis Dominis
 rèrent, quòdque Catholicè crederent, & viverent, funeribus Civium, &
 pidanorum sunt fœdata: Duxovium internecinâ cæde concidit, ut ex
 ant Zio Cochlaus commemorat: Hussitarum manus inquit, obsedit Du-
 m oppidum. Id veritus Fridericus Marchio, urbem ut poterat, communi-
 t, valido imposito præsidio, quantum defensionis satis esse putaret. Armavit
 foris sex millia suorum, quæ ex opportunis locis in obsidentes incurrerent.
 rbs acriter impugnata, aliquandiu fortiter est defensa. Ubi autem Urbis
 affectus cum præsidio est noctu egressus, ut hostes invaderet, quidam ex civibus
 reticis favens, clam muro delapsus, hostes admonet, fortiter oppugnarent, ab-
 e præsidium. Illi ergo acrius instantes, ac sinè intermissione oppugnantes, mi-
 ros cives ita fatigarunt, ut amplius propugnare non possent. Hostes itaque
 uro, & inde urbe potiti, sævierunt sinè exemplo in omnem aetatem, in utrum-
 e sexum, in omnem ordinem. Multi ex civibus Ecclesiam in castelli modum
 mmunire tentabant, ut inde se suosque defenderent; hæretici autem superve-
 entes injecto igne, omnem illam multitudinem incendio consumsere. Atque
 à miserabili strage peractâ, facta est ea Urbs civium suorum commune sepul-
 rum; ita ab alto dissimulante Domino, ut per occultam justitiam aut purget
 oriam peccati, aut excipiat abundantius in catu Sanctorum Martyrum vasa
 loria. hæc ad verbum Krantzius. Narrat deinde Misnense præsidium in
 ostes prædâ onustos ex insidijs erupisse, ac tria circiter Hussitarum millia per-
 misse, multò tamen minùs damni rependisse, quàm acceperant. Ex quo
 manifestè Krantzius ostendit, longè plura, quàm tria hominum millia Du-
 ovij ab hæreticis occisa; neque id mirum videatur, cum in omnes etiam in-
 fantes, & imbellem sexum Taboritæ sævierint, quos fidei causâ profudisse
 innocentem sanguinem, nemo nisi superstitiosè timidus, negaverit. Por-
 ònè quid dissimulem, non satis de cædis hujus tempore inter Scriptores con-
 venit: Krantzius post cladem Pragensium ad Brixiam, quæ A. 1421. accepta
 st, Duxovienses peremptos significat, ac nî fallor (quod legenti patet) malè
 Brixiam à Catholicis oppugnatam, & de hæreticis captam docet, cum con-
 trà Brixiam à Catholicis egregiè defensam, rejectis hostibus hæreticis dicere
 debuisset. Cochlaus Annum 1424. nominavit, quo Duxovium cum civi-
 bus omnibus sit excisum. Pessina in Marte Moravico & ipse in Annum
 1421. inclinât; Ego, qui in Theobaldo legam An. 1426. circa initium Junij ex-
 pugnatum à Procopio Raso Duxovium, constetque ex Manuscriptis tam cru-
 deliter excisum, & incensum, ut diu habitatore caruerit, vix credo tam brevi
 spatio civibus impletum, ut statim quinto post anno inhabitari, oppugnari,

Krantz. in
 Vandalia l.
 II. C. 6.

Cochl. lib. 5.
 hist. Hussit.

Duxovium
 proditiōe
 captum &
 deletum.

Controver-
 sia de tem-
 pore.

Pess. in Mar-
 te Morav.
 l. 4.

defendi, & à *Procopio* iterum expugnari potuerit; sed perinde nunc quid habeo, quando id acciderit, cum de re constet. Excidij sui diem celebratæ supplicatione solenni *Duxovienses Catholici* hodièque, eumque peragunt *sitationis Beatissimæ Virginis festo die*; probabile est hac in re servire illos temporis, & cum de die non constet satis, hunc diem elegisse, quo, nisi fallor, iam *Nundinæ* celebrantur.

§. CIV.

Austa Bohemiæ Civitas ad internecionem ab hæreticis deletur; quædam de Prælio Austensi.

A. 1426.

Non est hic prælij *Austensis* describendi locus, in quo, supputato etiam *Austensium* cæsorum numero quinquaginta Catholicorum millia tunc in prælio 16. Junij, quàm in fuga, & post victoriam in castro *Schreckenstein* / & *Gejersperg* cecidisse narrantur; si id incredibile videatur, amido Lectori, *Hagecium* sequatur, aut *Silvium*, quorum prior duodecim millia, alter novem millia in acie cæsa scripserunt. Ad duo germanica miliaria fugientes infecuti, qui vicerant, grandem edidère stragem, multoties eâ, quæ in acie contigit, majorem. Orabant veniam victi abjectis armis, nun flexo supplices; nihil impetravère ab irato victore concisi; quidam, cum se in *Schreckenstein* arcem, alij in *Gejersperg* recepissent, per proditorem circumventi perierunt. Mirabile visum ex *Cochleao* recitabo; unde facile apparet, quàm sit pretiosa in conspectu Domini mors eorum, qui pro Religione, vel pugnantes, occumbunt; nam cum is complures ex illustribus Germaniæ familijs in *Austensi* prælio desideratos narrâset, subdit: *ferunt una familia Nobilium de Kokeritz cecidisse supra 65. Viros, quorum unus viri sue puerperæ apparens, & lecto assidens, eam rogasse fertur, ut agricolis subditis non esset tot angarijs aut servitutibus (ut ipse fuerat) molesta, modique daret justiore: Ob eas enim res iniquas, ipse fuisset damnatus DEI iudicio, nisi pugnâset contra hæreticos. hæc Cochleus.* Quo exemplo satis intelligitur, damnationi causam sibi, ut ita dicam, manufacere, qui subdito, & suæ glebæ adscriptitios, immisericorditer novis servitutibus inventis opprimunt; deinde & illud: mortem pro fide Christi vel armis quæsitam, nobilitibus Christianis cælum aperire. Sed ad id, quod proposueram, veni: Post Victoriâ hæretici nullo jam resistere auso, *Austam*, quam nuper oderant, apertis portis ingrediuntur; quidquid erat hominum, trucidant, & tremâ barbarie etiam infantibus, & omni fæminarum ætate ferro deletâ, spoliatam Urbem incendunt, nullo ex incolis superstite, quod vel ferro, vel flammâ necessariò periissent. Constat triennio toto *Austam* desertam, & cultibus vacuum stetisse, tum primùm *Jacobus Wrzesovecius Bilinæ Domini,*

*Coch. in hist
Huss. l. 5.*

*Austenses
internecio-
ne deleti.*

vitatis quoscunque habere potuit novis Civibus, moenibus utcunque repa-
tis, speciem quandam Urbis restituit, & Catholicorum loco, qui Religio-
is causâ perierant, *Hæreticos* imposuit. De hoc *Austæ* excidio agunt hi-
storici nostri omnes, *Silvius*, *Cochlaus*, *Hagek*, *Dubravius*, *Theobaldus*, om-
niæque Veterum manuscripta. Nemo hoc loco nominari sibi Martyres po-
ulet, unum omnibus nomen est *Omnes*, omnis sexus, omnis ætas Austen-
s, Religioni vitam impendit; aliquos tamen bonâ fortunâ in Epistolis Jo-
annis Decani Metropolitanae Ecclesiæ Pragensis nominatos invēni: *M. Wen-*
eslaum de Praga, & *Mathiam de Biela* Canonicos Pragensis Ecclesiæ, tum Pe-
grinum Vicarium ejusdem Ecclesiæ qui cum *Paulo Canonico Mielnicensi*, &
Paulo Plebano in Wyfoka, & (ut disertè adjicit *Joannes Decanus*) cum alijs
multis Sacerdotibus, & Clericis, vel ferro concisi, vel flammis consumti sunt.

Coch. l. c.
Hag. in An.
Boh. A 1426
Theob. in.
Hussit.
Dubr. l. 27.
Æn. Silv.
hist. Boh. C.
44.
Nomina
quædam
occiforum.
M. S. Epist
Joannis De
cani adlan
konem de
Duba. ex
Oibin 1426
26 Julij.

§. C V.

Wartæ in Silesia duo Beatissimæ Virginis Templa
b hæreticis incenduntur; Camencense Coeno-
bium Cisterciensium excinditur. Quædam
Martyrum nomina.

DE *Wartensi Diva* hoc loco, etsi maximè cuperem, nihil possum dice-
re, quòd ejus historiâ diligenter elucubratam pridem An. 1655. pu-
blicârim, quæ inter manus versatur: Stabant *Wartæ* celsissimi operis
Templa duo *Parochiale* alterum, alterum quod appellabant *Bohemicum* (Pie-
tati scilicet peregrinorum Bohemorum alendæ conditum) utrumque hære-
tici flammis corruperunt, sed *Camencij Cisterciensium Cœnobio* crudelior ab
isdem tempestas incubuit: *Basilica Camencij* visitur admirandi operis (ut in
historia *Wartensi* descripsi) neque huic rabies *Taboritarum* pepercit, Templo
subjecere ignes; eoque ipso tempore quidam Cœnobij Religiosus, qui sub
testo Ecclesiæ latebat, extractus ab *Hussitis* ex media Templi testudine deje-
ctus in Ecclesiam, cervicibus elisis Religioni vitam impendit. In libro mor-
tuorum, quem *Camencij* asservant, hæc leguntur: An. 1427. intravere per-
fidi *Hussitæ in Silesiam*, devastantes per combustionem ignis Civitates, & Mo-
nasteria, villas annihilantes, captivantes, mortificantes homines maximè Reli-
giosos, de quorum numero sunt occisi ab ipsis Fratres nostri, videlicet Frater N.
Kappiz Plebanus in Byczovu, Frater *Joannes* quondam *Camerarius*, Frater
Wenceslaus Custos cum uno famulo; & Fratrem *Jacobum Rogeler* ceperunt
in castro dicto *Homole*, qui obiit in vinculis ibidem. Item Fratrem *Scheller Ple-*
banum in Henrichsvvaldt, hunc horribiliter percusserunt usque ad mortem. ita
manuscriptum. Neque contenti *Hussitæ* semel expugnâsse *Camencium*,

1427.
Multæ cæ-
des Catho-
licorum in
Silesia.
Diva War
tensis l. c.
s. s. 4.
M. S.

Clodius. atque (ut ille minabatur) incendium ruinâ, & sanguine bonorum extinctis, nequa scintilla avitæ Pietatis lateret in cinere, quæ deinde se efferret, sæpius Bohemia rediëre flammis, & sanguine grassantes, idq; conjici potest ex proximissimo *Henrichovienſi* ejusdem instituti Cœnobio, quod (ut in Templo augustissimi vestibulo hodiëque legimus) *Huffſitæ* septies igne, ferroque vastarunt.

§. CVI.

Taboritæ, & Orphani Moraviam ingressi, & usque in Ungariam Posonium penetrantes plurimum Catholicos sanguinis profundunt. Lusatia, & Silesia vastatur: oppida Catholica quædam internecione delentur, nec venia data pueris in literario ludendo sedentibus. Lubanensium Martyrum cædes.

1427.

*Bartoff. de
Drabonitz
M. S.*

Loca plurima Catholicorum sanguine cruciantur.

Procopius (Magnus cognomento) malarum partium strenuissimus Dux cum Taboritis suis, adjuncto etiam Exercitu Orphanorum, Moravia partem, eam præcipuè, quæ Ungariis confinis est, An. 1427. scilicet, & furore in Catholicos amens intravit; quantum ibi Catholici, & innocentis sanguinis profusum sit, non ex annalibus (qui brevi titulo casus Catholicos promiscuè omnes, in quos apud Moravos Orphani, & Tabores incurriſſent, annotarunt) sed ex hostium perpetua consuetudine, & inexplebilibus Catholicos sanguinis siti fati intelligitur: *Napagedla, Malenovicium, Zlin, Broda* ad Ungariam sita Civitas, tum omnis illa villarum, pagorum, oppidorumque vicinitas, sanguine fuorum decolor, ad extremum flammis condidit; nihil Taboritas Morava fluvius, nihil munita loca, & arces, quas à tergo relinquebant, nihil Ungarici Regni potentia, avidos prædarum, & sanguinem morabantur; non enim obtinere, sed vastare & urere Provincias, præcipuèque Sacerdotes, & Catholicos Viros, ipsasque adeò virtutes occidere si possent, cogitabant. Transito Moravâ, cæterisque, quæ obſtare poterant summâ celeritate superatis, Posonium usque penetrant, & cum Urbem, & aciem non possent, Suburbium incendunt; vastant, & occidunt omnia, tantum celeri, & fulmineo gradu volantes, ut coloni simul mortem vulneribus reciperent, simul hæreticos hostes agnoscerent. Omnis illa feracissima Moravia, & Hungariae plaga ad sinistram Danubij ripam, quæ inter Posonium, Divinam, & inde usque Cremſirium Moravorum latè porrigitur, sanguine, & incendijs scædata est, cladisque tantæ memoriâ diutissimè conservavit. At hæretici velut glorioso patrato facinore, conscientiam malorum læti, præ-

es, & omni genere mortalium bonorum aucti, & grave agmen trahentes, collaterones, & collatrones suos in *Bohemiā* redierunt.

Paulò pòst vere adhuc tepente, prædarum, & sanguinis dulcedo *Ore-*
bras quoque, & *Orphanos* in *Silesiam*, & *Lusatiam* extraxit: *Goldberga*,
Fainovia, *Lubena*, *Lignicensis Ducatus* Oppida excisa sunt funditus; Cives,
viri, fæminæ, Sacerdotes necati, adeò & *Abecedarij* pueri in Scholis Tabellas
has cretæ loco, innocenti sanguine depinxerunt, villæ omnes arserunt, vul-
gis omne ruri interfectum. Hæc ab ijs *Orphanis* gesta, qui domi remanse-
rent; at potior pars, quæ, ut paulò antè narraveram, per *Moravos* in *Unga-*
rum usquè, & *Austriam* cum *Taboritis* penetrarant, captâ modicâ quiete, *Lu-*
satiā sibi petendam delegerunt: *Luba*, vel *Lubana* post *Gerlicium* acriter
pugnatum. Maij à *Procopijs* cœpit oppugnari, quintoque pòst die capta est: *Clerus*

(verba *Krantzij* apud *Cochlæum* recito) cum reliquo populo in *Ecclesiā* con-
gredientes, laudes *DEO* concinunt, & *Beatae Mariæ Dei Genitricis* o-
mnem implorant, *Salve Regina* sonoris vocibus decantant, ut in confessione ortho-
doxa *Fidei* morerentur. Mox igitur adsunt cruentis gladijs hæretici, raptos-
que ex ulnis *Matrum* parvulos dissecant medios, *Sacerdotes* confodiunt, anus ob-
munt, *Virgines* adultas, & *juniores* fæminas ad libidinem reservant, nulli par-
vulo ordini, sexui, vel ætati, *Templa* fuso sanguine profanant, *cadaveribus* re-
sistent, ac supposito igne incendunt, *Monasteria* subvertunt, *Monachos* truci-
unt, *Moniales* constuprant, *Urbem* denique totam ferro, & igne devastant.

Alloc ibi edito crudelitatis exemplo è *Lusatia* pergunt in *Silesiam*, ubi urbem quæ
ureus mons dicitur, consimili strage, ac sævitia deperdunt. Inde in *Moravi-*
am conversi, unâ illâ æstate decem muratas Urbes subverterunt. Non sufficit
lingua, nec calamus, crudelis *Hussitarum* populi sævitiam explicare. Parvu-
is cum matribus unâ perimunt, omnem *Pietatem* abijciunt, omnem humanita-
tem exuunt, *Christum* obliviscuntur, cunctis infidelibus immaniores, imò bestijs
cunctis ferocitate incomparabiles. Hæc *Crantzius*, sed sinè ordine tempo-

rum; constat enim non omnia, quæ attulit, uno anno, sed quædam 1427.
quædam sequenti, à sceleratis latronibus esse patrata, ut mox dicemus. Por-
tò *Luba* in *Lusatia* complures etiam è *Bohemia* perijsse, *Viros* dignitate, vir-
tutibus, & scientijs magnos invenio, qui illuc exulatum abierant; *Pessinam*

studiamus: Multi tum *Sacerdotes*, qui *Lubam* ex vicinis locis, aliqui etiam ex
Bohemia confugerant, miserabili, sed pulcra pro *Christo*, & *Catholica Religio-*
ne morte trucidati sunt. Inter alios erant *Canonicus Metropolitana Pragensis*

Ecclesiæ M. Joannes de Launa, & duo *Altaristæ*: *Andreas de Jablonna*, &
Procopius, atque unus è *Vicarijs* &c. *Marcus Ssobka Lubensis Parochus*, qui
loco superiore ad ferendam pro *Christo* mortem fortiter illo ipso periculi
articulo cohortabatur (quod hæretici ferre non poterant) Templo inter ma-
nus elatus equis quatuor secundum manus, & pedes alligatus, in quatuor par-

Weles: ad 19

Maij.

Curans in

Ann: Siles:

Epit. l. 4. C.

10.

Crantz. in

Vandal. l. II

C. 9.

Coch. lib. 6.

In Silesia &

Lusatia Ca-

tholicorum

cædes.

Goldberg.

In Marto

Morav.

Lubanae cœ-

si Catholicici

tes

tes crudelissimè discerptus est. Illa certè dies memorabilis, tot Martyribus
ut *Divus Maximus* loquitur, sanguine laureatis coronam immortalitatis in-
posuit. *Lusatia* parte *Silesijs* conterminâ vastatâ, in *Silesiam* *Procopij* de
(ille *Taboritarum*, hic *Orphanorum Ductor*) cum suis commigrârunt, in-
gnâ iterum Catholicorum editâ cæde.

§. CVII.

Quædam Arces ex Catholicis captæ, & diruta
per agros passim cæsi Catholici. Tachovia Boh-
miæ Civitas Catholica deleta, præcipuè Cœ-
nobium Carmelitarum.

1427.

Drahonici
us M. S.Civitates
& Arces Ca-
tholicorum
excisæ.Carmelita-
ni Tacho-
viæ necati.
M. S. f. 247

I Ngrata, & otiosa prorsus sinè cædibus, & sanguine vita *Taboritis*, *Ore-*
tis, & *Orphanis* esse videbatur; itaque ex *Silesia* reversi, velut per ludu-
eodem Anno in Catholicos quosdam Proceres confurgunt. Odera-
pessimè jam ab ipso *Jaromirij* excidio *Czerwenohorskium* (is erat *Hinko*
derspach ex ramo itâ dicto *Berkarum*) ejus igitur castrum *Czerwenohor-*
diu oblesam expugnant, & diruunt; *Zleby* quoque castrum *Haskonis*
Dietenitz captum, & incensum est; quæ castra licet sinè sanguine, & per co-
loquia occupârint, in viciniam tamen, & ditiones eorum Catholicas ferru-
& igne sunt grassati; ac plura sinè dubio in eo *Bohemiæ* tractu perpetrâssent,
nisi in auxilium à *Pragensibus* evocati in Occidentalem *Bohemiæ* bellu-
properc transportâssent. Immiserat in *Bohemiæ* *Martinus V.* Pontifex
cum Cardinali *Vintoniensi* Cruce signatorum Exercitus, qui tripartitò, tribu-
que vijs *Bohemiæ* ingressi, *Misam* obsidione cinxerunt; advenientibus hæ-
reticis Catholici panico quodam terrore correpti, fugam arripiunt; victima
potius fuit, quàm pugna; decem millia *Fidelium* humum planxisse Scripto-
res consentiunt; sed hæc ab instituto meo aliena omitto; legantur *Silvius*
Dubravius, *Cochlaus*, *Theobaldus*, *Hagek*, *Drahonicius* meus, aliique. Pu-
sis cruce signatis *Tachovia* Civitas Catholica obsessa ab hæreticis, strenue
Bohemis Catholicis defensa, decimo sexto primùm obsidionis die ii. Augul-
tandem capitur: præcipuè *Bohemis* defensores nominantur *Camrovecz* &
ques nobilissimus, & belli peritissimus (Equestris familiæ de *Camberg*, quæ
adhuc nostrâ memoriâ ad *Kuttenbergam* perstantes novi) *Wilhelmus* de *Ssv*
houv, & *Henricus Czerninius*. hi duo postrenni arcis deditione factâ inte-
captivos numerati sunt; *Camrovecz* cum sua quinquaginta virorum forti-
simâ cohorte, & quidquid hominum arma gessit, (*Hagek* adultos omnes in-
terfectos scribit) hoc uno nomine, quod Catholici forent, trucidati perierun-
Tachoviense Cænobium Carmelitani Ordinis ante omnia cum omnibus Reli-
giosi

his Viris properarunt excindere Taboritæ, & cum nondum furorem exflarent, Ecclesiæ, & Cœnobio injecere flammæ, quod satis hodièque penderudera testantur. Objiciet de Tachovia quispiam: si armati soli & adules interemti sunt, non videri etiam armatos & adultos causâ Religionis didisse. Quasi verò ipsa Tyrannis modum & finem aliquem sibi non iminat! quoties in SS. Martyrum actis legimus, in pari causâ Fidei, hos ad mortem damnatos, alijs vitæ gratiam à Tyrannis & Prætoribus factam esse!

§. CVIII.

Ædes plurimæ Catholicorum in Silesia. Francksteinij post Glacium Nicolaus, Joannes, Andreas, ex Ordine Prædicatorum odio Sanctissimæ Religionis necati.

Annus 1428. iterum Silesiam, ac Lusatiam maximis affecit cladibus, Taboritæ, & Orphani facti à Warta initio in Principatum Münsterbergensem irrumpunt, eoque crudelissimè pervastato in Svidnicensem, tum Fauroviensem, & Lignicensem, tandem in Wratislaviensem vertuntur. Rias emissas Orco crederes, ita in omnes sævierunt, nullum omisum est barbaræ crudelitatis exemplum. Captæ Civitates, & Oppida: **Reichenstein** (Bohemis **Rychba** / vel **Rychleby**) **Francksteina**, **Niems**, (**Němcy**) **Żelazna** (**Střelina**) **Briga** (**Břeh**) **Striga**, **Lissa**, **Parchvicium**, **Paczkovia** (**Dąbów**) aliâque minora; Urbes majores suis sese vallis, ac mœnibus ærrimè contexere. Quidquid Religiosorum Virorum in Cœnobijs, aut vicinis occurrit, inter manus hostium, ferro non tam perfossum, aut sectum, nam certatim laceratum, & laniatum; **Canonici Regulares S. Augustini Arasienses** ad **Sobotkam**, seu **Zottenberg** / an mortem evaserint, non satis constat; **Zottenberg** Castrum occupatum; eadem strages **Griffoviense**, & item **Camencense**, & **Henrichoviense** involvit, monimentorū defectu nomina ledere non possumus: **Franckensteinij** quoque invicti ex Ordine Prædicatorum heroës oblitterati laterent, nisi una in Templo columna loqueretur, hisce paulis lineolis notata: Anno Domini Millesimo quadringentesimo vigesimo octavo, ipso (hic est hiatus, substituique potest, sancto Veneris die) in Passione rematus est Frater Nicolaus Cur (rursus hiatus) Supprior hujus Conventus, homo Sanctissimæ vitæ in introitu Cœmiterij ab Hussiticis, eò quòd apertè præicasset contra sectam ipsorum. Eodem die occiderunt Fratrem Joannem Butlam eadem de causâ concidentes in frustra, & alium Fratrem Andream Cantoris Diaconum occiderunt per sagittam foris valvam Wratislaviensem. tunc nim devastarunt multas Civitates, & pro majori parte totam Silesiam. Ha-

1428.

Civitates
Silesiæ &
Lusatiae va-
statae.

Catholici
& Religiosi
occiduntur

Crug. ponit
Sabbato an-
te Domini-
cam Passio-
nis 20. Mar-
tij.

Crantzy in
Vandalia l.
xi. C. 17.
Cochl. lib. 6.
hist. Hussit.
ad A. 1429.

Francken-
steinenses
Martyres.

Ænus Columna Francksteinensis; monstrantur hodiè que in eadem Prætorum Ecclesia decenter arculis conclusæ (ut SS. Martyrum solent) eorum Reliquiæ, quas pro eo, ac decuit, cum An. 1654. Francksteinium accessisset, sum veneratus. Porro verisimillimum est hunc Nicolaum cum ipsum ejus mortem (et si neque loco suo, neque tempore) Crantzius, & ex eo Cochleus describunt, quorum verba, quia cædis causam, & quod inde sequitur, Martyrium satis ostendunt, operæ pretium erit adducere: Hussitæ qui essent in perniciem hominum nati, rursus eduxerunt Exercitum in Silesiam, in ea quinque non contemnendas Urbes vi ceperunt sine discrimine omnem ætatem, sexum, & ordinem mactantes, Tempia, & Monasteria absque ullo discrimine Religionis respectu subvertentes, nemini parcentes, sanguini, ac prædæ inanes. Qui etiam in sceleratissimis Sacrilegijs Ecclesiarum, & mortibus hominum immanissimo risu, & joco ludebant. Nam in maximam Christi Domum, & DE nostri, omniumque Sanctorum ejus contumeliam, coacervatis undique eorum imaginibus, & in pyram collectis, alligatum quendam Suppriorum Ordinis Prædicatorum superposuerunt, ac igne supposito illum simul cum universarum imaginibus concremaverunt, Tragicum exercentes ludum crudeli cum risu. In Ænus Crantzius apud Cochleum. Felix profectò pyra, & triumphans mors tot inter Christi, & Sanctorum lucentes imagines, ut haberet Martyr quod imitaretur in morte, ultròque seipsum Christo addiceret victimam, holocaustum.

§. CIX.

Novocellense Cisterciensium Cœnobium in Lusatia Regni Bohemiæ Provincia, crudelissimè ab hæreticis cum omnibus Religiosis deletur.


1428.
9. Febr.

Tot Catholicis Urbibus, & oppidis excisis, tot sacris, & Religiosis Viris trucidatis, tanto facto sanguine, penè jam in Bohemia (paucis Urbibus, & Arcibus exceptis) nihil erat, quod vinceretur; itaque Hussitæ humani sanguinis, præcipuè Sacerdotalis, helluones, prædarum insuper desiderio, in vicinas latè Provincias exiêre. Volumen justum confici possit, si ea, quæ Anno 1428. & sequentibus sacrilegè, & cruentè in Ecclesijs, Cœnobijs, denique locis omnibus perpetrarant, commemorare vellem, neque tamen centesimam sacrilegiorum, & cædium partem complecterer; satis est dicere: Misniam, Saxoniam, Lusatiam, Marchiam, Voigtlandiam, Siliciam, Moraviam, aliquam etiam Bavariam, Austriam, Franconiam partem ab illis latrocinando peragratas, eaque omnia in sacros Viros, & Catholicos, in omnem ætatem, ac sexum exempla crudelitatis edita, quæ paulò antè in Bohemia

petrâsse narravi. Vix credi potest, multoque minùs explicari extrema hæreticorum barbaries; legantur, qui *bella Hussitica* tractârunt *Krantzius*, *Cochlaus*, *Theobaldus*, *Hagek*, *Pessina*, & *Codices* manuscripti; hæc, quia *Bohemia* gesta non sunt, velut aliena ab instituto transilio, *Neocellenses* tamen Martyres, quia in *Lusatia*, quæ inter *Regni Bohemie Provincias* eo tempore censebatur, passi sunt, præterire non possum; ratio temporis in controversia est, alijs Annum cædis 1427. alijs sequentem, aut 1429. ponentibus: *Novocellense* igitur *Cisterciensium Cœnobium*, cum velut indagine cinxissent, divinis laudibus canendis occupatos Religiosos nacti, velut in summo scelere deprehensos (ô incredibilem hæresos cæcitatem!) pro se quisque, ut valeant ingenio, milites, sibi ad supplicium dari poscebant; varijs mortibus Martyres periëre; plerosque manibus, certisque membris, quæ pudor velle dicere, cum fannis, & risu amaro recisis, inter vitam, & mortem jacentes reliquere, dum putredini vulnerum mors optata succederet. *Menologium Cisterciense* cædis hujus meminit hisce verbis: *In Silesia* (*Lusatia* legendum est) *Passio Beatorum Monachorum*, qui in *Cœnobio de Novacella Cisterciensi* institutum amplexi, inibi piissimam vitam instituerunt, & tandem laborum præmium obtenturi, pretiosâ in conspectu Domini morte agoni præsentis vite terminum imposuerunt. Nam ab *Hussitis* hæreticis crudeliter interempti sanguine *Catholicæ Fidei* veritatem viriliter comprobârunt. Factum id est An. 1427. (Sequens annus ab alijs nominatur) de his tractat *Paulus Langius* in *Chronico Citizensi*; *Aubertus Miræus* l. 5. Orig. Monast. c. 15. Item *Joañes Cochlaus* l. 6. histor. Hussit. Consimili crudelitate excisum est eo tempore *Rissenſe Cœnobium*, ipsæque *Urbes Misnicæ* non paucæ conciderunt, ceterisque *Catholicis* per extremam barbariem trucidatis: *Cotzbroda*, *Streda*, *Belgra*, *Veterodresda*, *Lomacij*, *Mogella*, *Dobella*, *Dola*, *Oschucij*, in *Polim*, *Grimmitij*, *Werda*, *Reichenbachij*, *Auerbachij*, *Olsnicæ*, denique in *Lusatia*, & *Voitlandia* universa, *Aldeburgum* ad *Pleissam* sita Urbs nobilis illud calamitosum insuper habuit, quod in *Cœnobijs* tribus, & in *Domo Rhodiensium*, omnibus flagitiorum, & turpitudinum generibus toleratis sanguine utriusque sexûs *Religiosorum*, quos diversis cruciatibus, & mortibus *Taboritæ* sustulerant, inundata, eodem sacro sanguine incendium suum ferè extinxerit; sed ego, quæ extra *Bohemie Provincias* gesta sunt, libenter prætereo, cum domesticis exemplis sic abundem, ut propè succumbam.

Crantz. l. 11.
Vand. C. 10.
Petr. Langius in Chr. Citizensi.
Bolland. in Vitis SS.
Febr. ad 9.
Febr. in prætermis.
Novocellæ crudelitas in Religiosos.

Urbes Misnicæ cum Catholicis excisæ.





§. CX.

Gubæ Catholicæ Civitatis apud Lusatios miserabile excidium; Aliud simile Plaunæ. Quatuor Coenobia in Moravia delentur. Taucha Misnia Urbs cum omnibus Civibus Catholicis excinditur internecinè. Slavata Vir illustrissimis Natalibus Taboritarum insidijs exceptus Religionis odio necatur.

1429.

Guba deleta.

Crantz. in Vandalia l. II. C. 20.

Cochl. l. 6. hist. Hussit.

Theob. P. 1. C. 69. hist. Hussit.

Fabr. in Or. Saxon. l. 7.

Et Plavva.

1430.

EX eadem causâ, quâ impulsî paulò antè *Novocellensis Cœnobij* excidium commemoravimus, etiam *Gubenſe* adferemus. Est Guba *Lusatia* Civitas non ignobilis, eam summâ celeritate, & furore adorti *Taboritæ* in pervigilio Sanctorum *Simonis, & Judæ*, in potestatem redigunt. Quis cladem illius noctis, quis funera fando explicet? *Krantzius* paucis expiit: Oppidum *Gobin* crudelissimè diripiunt hæretici, sævientes in omne genus hominum. Perierunt hominum multa millia in populosissimo oppido, factâque est Urbs illa Civium suorum commune sepulchrum. hætenus verba *Krantzi* apud *Cochleum*. In eadem Urbe, non paucos Religiosos ab hæreticis interceptos invenio, ut in *Epitome* dixi, & habet *Theobaldus*. *Plavvino*, vili *Plava* in Bohemicis Annalibus locum habere debet, quod propè magis quàm feudum obnoxium *Bohemia* Regibus fuerit, ut aliquando probabimus, & ipsi *Plavenij Advocati* inter *Bohemia* incolas, & Cives nominentur. Hujus Urbis excidium diligentissimi Scriptoris *Georgij Fabricij* verbis describemus. Oppidum *Plava* inter *Elistrum* & *Siram* fluvios Arcem in excelso colle habent huic Præfectus erat *Georgius Radschaverus*, cum quo paciscebantur hostes (hæretici) ut ipse ex Arce discederet, milites arma deponerent, salvi abirent; nisi fecerent, extrema minitantur. Spatio ad deliberandum concessso, Arcem in potestatem *Bohemi* accipiunt, nec pacti memores, dedititios inermes crudeliter interficiunt, inter quos de Nobilitate plures, quàm centum necati, & spoliati sunt. Metu illo sublato in Cives ferrum stringunt, & supra nongentos trucidant; Senatum, & Flamines (Sacerdotes, & sacros Viros) magis quàm in ceteros consuetudine truces. Octo Fratres *Marianos* (Franciscanos intelligo) & quatuor *Dominicanos*, unâ fossâ vivos obruunt. Editâ per oppidum cede universorum Arcem diruunt, & tecta incendunt VIII. Calend. Februarij, quo d. Memoria Conversionis *Pauli Apostoli* celebratur. hæc *Fabricius*. Quis or maiorem barbariem excogitare possit? nimirum hæresis, ejus spiritu, qui homicida fuit à principio, impletur, & regitur. Eadem crudelitatis exemplum in *Frankonia Culmbachij, Baraitij, & in Coburgi* vicinia, in Sacerdotes, Religiosos, & moniales edidit.

Ann

An: sequenti 1430. Cùm *Procopius Rasus*, seu *Major* in *Moravos* bellum transferret, atque in eam rem omnes *Taboritarum* suorum vires contulisset, in *Epitome* nostra memoratum est, primus impetus *Furiarum* ab ejus *Duce* *Kromessinio*, & *Kerskio* (quos *Exercitui* præmittebat) in *Cænobia* *Moraviae* quæ occurrebant, ac nondum flammis conciderant, factus est: *Trebnice Cænobium*, quod omni *Arce* munitius stabat, & defendebatur, capere se posse desperabant, proinde in *Cænobij* ditiones furorem verterunt, omnesque devastarunt. *Neoreissij* post *Teltzium* sacrum *Præmonstratensium* *Arthenonem*, tum *Dalefficij* *Cisterciensis* *Instituti* *Virginum*, quibus antea *Ska* semel iterumque eo itinere transiens pepercerat, diripiunt, & succendunt; an in sacrarum *Virginum* innoxia corpora ferro aut igne sævierint heretici, in *Scriptorum* silentio, affirmare non ausim, sed perpetua *Taboritarum* crudelitas dubitare non finit, si quæ deprehendi potuerunt, occisas, aut immensas. Idem de *Sternbergensi* *Canonicorum Regularium* *S. Augustini* *Cænobio*, quod situm est ad *Arcem*, dicere non audeo: namque id castrum octo *Optimanis* acriter oppugnatum ipsemet *Procopius* deditione & conditionibus cepit; quo scilicet fieri potuit, ut clementius dedititij tractarentur ab hoste.

Anno 1432. *Orphanorum* rabida gens, *Procopio* minore *Duce*, *Ostendiam* (*Australem* *Misniam*) quæ hucusque à damnis, & cædibus utcunque communis manserat, cæso prius *Saxonum* & *Bavarorum*, qui suppetias *Saxonibus* attulerant, occurrentium *Exercitu*, ingreditur. *Taucha* *Oppidum* petens quod commissum erat prælium, primò omnium direptioni cessit, quòdque tantulo tempore mireris, eversum est, hodièque nihil nisi rudera, ut habet *Fabricius*, ostentat, via nunc etiam monstratur diligenter strata filicibus, aliud nihil; *Catholici* promiscuè omnes occisione occisi.

Post devictos magno prælio *Taboritas* An. 1434. (vide *Epitomen* nostram) cùm *Czapek* suorum proditor ex acie cum *Equitatu* profugisset, *Coliniam* civitatem id temporis munitissimam *Gubernatori* *Bohemiae* *Alexio* de *Wrzesstiovu*, ut se bonâ fide cum *Nobilitate* in gratiam rediisse demonstraret, ultro *Czapek* tradidit. *Alexius* *Generum* suum *Virum*, apprime *Catholicæ* fidei tuendæ & proferendæ cupidum (cujus fidem, & prudentiam priorem perspexerat) *Wankonem*, seu *Wenceslaum Slavatam*, *Lacembok* ab *Arce* sua dictum, *Colino* præfecit. *Slavata* pro ardentissimo studio, quo in *Catholicam* *Religionem* ferebatur, primo accessu *Taboritas* ex *Civitatis* *Templulo*, deinde etiam ex *Urbe* (nè quid infidum sibi, aut dubium, aut discors in tanta *Munitione*, cujus summa defensio concordia *Civium* esset, haberet) eiecit; eo contentu irritati, qui eiectis favebant, omnia consilia ad *Præfectum* trucidandum contulerunt. Tandem *Slavatam* à *Drslao* *Wratislav* *Equite* splendidissimo *Komarovicio* redeuntem ex insidijs aggressi obtruncant, unâque omnes, quos circum se habebat; neque uno facinore contenti, præ-

A. 1430.

Pess. in Marte Morav.

Trebnice Cænob: adv: Taboritas defensum.

Neoreissij & Dalefficij Cænobia delentur.

Sternberga deditione capta.

Taucha Catholica Civit: excisa.

M. S. Draconicij. M. S. Chron: Regina: Fabr: in Orig. Sax. l. 7.

Wen: Slavata ob Relig. Catholicam ad Colinum occisus.

Chr: Regina: M. S. apud me. Ex eo Pess. in Marte Mor. l. 5. c. 5.

fidium omne quod Catholicis constabat, aut occidunt, aut Urbe pellunt. Exulibus omnibus Taboritis in Urbem revocatis. Sensit universa Bohemica Nobilitas pessimum facinus, sed præcipuè Socer Slavatae Gubernator Alexander de Ryzmberg & Wrzesstiov, datoque Ducibus suis negotio obsessa per Mages duos civitate Colinenfi, deinde etiam occupatâ, omnes cædis & perficiendos conscios, aut egit in furcam, aut in Albi præterfluente demersit: atque hinc ultima fuit cædes Catholicorum à Taboritis perfecta, & penè ultimus furor conatus: nam fracti armis Catholicorum atque etiam Utraquistarum (qui Catholicis ope Sigismundi Cæsaris in Concilio Basilcensi sese junxerant) nunquam postea Taboritæ justum ex sese Exercitum formare potuerunt.

LECTORI BENEVOLO S.

Finis cædis
Catholico:

Tandem aliquando cruentissima, & internecina bella ab Hussitis, Taboritis, & Orphanis in Catholicos excitata, tum fidelium, Sacerdotum, & Religiosorum cædes, Cœnobiorum & DEO consecratorum locorum, & Ecclesiarum incendia & excidia finivi, hostes acie victi, & prostrati Ducibus occisis quieverunt; ac postea non semel vitam Catholicorum appetierint, id tamen quasi per insidias, & per populi tumultum, non consilio, vel autoritate publicâ, neque scripto Exercitio factum est, imò, si quid in Catholicos moliti sunt, nunquam hoc illis abivit inipuri Regibus, qui secuti sunt, etiam ipso Georgio Podiebradio Rege, nè bellum Religionis ardesceret, summâ ope caventibus, & vigilante pro Pace publica Magistratu. Illud unum hoc loco timeo, & timorem meum Lectori aperio: nè quis fortasse me negligentia accuset, & quædam Cœnobiorum excidia in superiori narratione querat, & omissa, & præterita silentio. Nolui id quidem, neque scio, neque vidi Scriptorem (absit verbo jaçantia) qui in hoc argumento diligentius sit versatus, neque ullum, qui, ut ego feci, id sibi propositum habuerit; sed quis omnia in numero habere possit? præsertim, quòd excepto Hagek, Dubravio, & Cochleao, scelera, & sacrilegia hæreticorum ex ipsis eorum Libris, & manuscriptis Codicibus (qui tamen crudelitatem suam ubiubi poterant, ut antè monuimus, occultabant, aut excusabant) colligere sim coactus: nam memoria Cœnobiorum omnes vel flammis vel sanguine sunt deletæ, ipsæque Cœnobîa tam pernicali odio, & tam barbarè, atque atrociter excidia, ut ipsam humum, & solum quod Religiosi homines calcaverant, & presserant, eorum natura tollere voluisse videri potuerint, certè quorundam Cœnobiorum vix nè vix quidem vestigium hodie superest, sæpe ac multis in locis, Ecclesiâ, Cœnobio, sacris ædificijs in Arcem, vel Domum aliquam, vel in stabula Equorum, & pecorum, vel in ovilia, & Villici ac famulorum cubilia, & apothecas vini, Cerevisiæ, frumentum, vel in cellas butyri, & caseorum conversis. Ut igitur Lectori piè curioso faciam satis, enumerabò Cœnobîa quædam, præter illa, quæ in contextu & narratione cædium nominavimus; ea excisa & deleta ab hæreticis constat, sed quia annus & dies excidij periri non potuit, in historiam inseri non potuerunt, atque hinc separatim nominantur.

Cœnobîa
Benedicti-
norum.

Ordo S. Benedicti præter Cœnobîa, nuper varijs in locis, nominata, amisit Pragenses, ut vocant, Braumoviensem, Policensem, Zatecensem, S. Joannis in Augezd Pragensi, Cœnobium Bickovicense, S. Michaëlis in Miestecz, Skalense, seu in Petra S. Joannis, idem S. Joannis in Teslin, & in Weliz Eremos duas, & aliam Eremum sub Arce Pragensi seu Fraunberg Cladrubiensi Cœnobio attributam. S. Hieronymi Cœnobium Slavicum in honorem Caroli IV. & nationis Slavicæ permansit illud sum; aliam etiam causam attulit Hagecius.

Cisterciensia excisa sunt incerto tempore: Zdiarense, Rzeporegenſe & Frauntha- Cisterciensium.
ſe utrumque Virgineum, Biſtricensē, & in Leſkovecenſi Camenecio. Skalicenſe An.

21. 18 Aprilis deletum eſt unā cum Eccleſia. *Aularegiens ſis Cænobiij* (quod *mira-*
um Cænobiorum appellat *Pius II.*) excidium, cum ſcriberet *Amanuenſis* meus, tran-
ſt properando: exciſum eſt *Duce Corandā* An. 1420. 10. Auguſti, ut latè comme-
ravi in *Epitome*, ſed latiùs in *Appendice I.* ad *Hiſtoriam S. Montis*, cum *Podbrcenſem*
ſtriſtum deſcriberem. *Ad Cænobiij S. Corona* excidium §. LXXV. adjici poteſt,
quod ex *Codice antiquo M. S. Mortuorum S. Corona*, poſtquam priora ſcripſeram, di-
xi: XI. Maij (non 14.) exciſum illud eſſe Cænobium, & præter ſuſpenſos in tilijs,
narraveram, duos *Cænobiij Sacerdotes* (utrumque *Joannem* appellatum) excitato
incendio hauſtos. *Altovadenſe Cænobium*, cum hæretici *Ulrici Roſenſis* arma ti-
rent, neque auderent accedere, ſervatum eſt; de reliquis exciſis jam egimus.

Præmonſtratenſe Cænobium in *Sion*, *Pragenſes* exſpoliarunt quidem, ſed ut aliqui *Præmon-*
dunt, non diruerunt: *Tepleneſe Sſvihovij*, & *Guttenſteinij*, aliq; *Proceres Catholici* *ſtratenſium*
ea vicinia ſunt tutati. *Milovicenſe S. Georgij die* (ſed quo anno?) *Zelivenſe, Drkol-*
aſe, Limovicenſe, Zbeiffovieneſe, Weſelenſe, Fridlandienſe &c. quando exciſa ſint,
inconſtat.

Canonicorum Regularium S. Auguſtini Landſcronenſe, Rzedhoſtenſe, ſub arce Bez- Canonico-
zy, in Saczka, deleta ſciimus, dies ignoratur. *Glacenſe, & Trebonenſe* deſenſa ſunt, *rum Regu-*
rovanenſi Cænobio ipſemet *Ziſka*, utpote in fundo Cænobiij natus, pepercit. *larium.*
orum excidia leguntur ſuis locis.

Eremitarum S. Auguſtini Submelnicarum S. Laurentij An. 1421. 28. Martij aſſit,
exciſum eſt! *S. Benigne* in *Inſula*, *B. Mariæ Roczovieneſe* & alia quædam, quando de-
ſta ſint, non invenio. aliorum excidia commemorantur in *hiſtoria*.

Ordo S. Dominici Cænobium Litomericenſe S. Michaëlis, S. Anna in Augezd in mi- *Prædicato-*
ore *Praga*, *S. Laurentij* vel *S. Anna* in *Majori Urbe Pragenſi*; *S. Laurentij Jablone*, *S.* *rum.*
ementis Reginohradecij, *B. Mariæ Laurenſe*, & aliud ante *Pardubicium*, amiſit, diem
noramus. *Budvicenſe & Plſnenſe* deſenſa ſunt.

Ordo S. Franciſci Minorum diruta ab *Huſſiticis* Cænobia numerat: *S. Jacobi Li-* Minorum.
mericij, *S. Adalberti Gilovij*, *Reginohradecij*, *Bidzovij*, *Rizemberga*, *Teinecy Virginum*,
quædam alia. *Brixia*, *Novadomi*, *Crumlovij*, *Pardubicij* ob *Minorum* potentiam
ervata eſſe videntur. In *hiſtorix* contextu plura, quæ exciſa ſunt, nominavi.

Ordo S. Franciſci ſtriſtioris Obſervantiæ poſt *Huſſitica* tempora primùm advenien-
e *B. Capiftrano* in *Bohemia* cœpit florere.

Parthenones S. Mariæ Magdalene de Pœnitentia ab *Hæreticis* deſolati ſunt incer- *De Pœni-*
odie: *Prage in Augezd*, ad *Cadanam in Strzidka*, *Launa*; de *Zarazenſi*, ſeu *Brixienſi* *tentia.*
atum eſt ſuperiùs.

Cæleſtinis ſub Wiſſehrado, & in *Zlichov*; *Crucigeris Teutonicis* ad *S. Benediſtum*
Prage, & *Commotovij*; *Rhodijs ſeu Melitcenſibus* ad *Pontem Prage Minoris*, & *Prage No-* *Et aliorum*
ra ad *S. Joannem*, & *Duba*, & *Reginohradecij* in *Suburbio* *Domicilia ſeu Commendas* *Cænobiorum*
inā cum *Eccleſijs* hæretici incenderunt, atque ipſos *Equites*, ſi deprehendi poterant,
peremerunt: anni & dies conſignati non ſunt, ideoque in *narratione* continua rem
omiſi.

Crucigeri S. Sepulchri in *Domicilio ſuo S. Jacobi* ad *Trutnovium* necati ſunt: de
Zderazenſi, & *Suvietenſi*, dictum eſt ſuis locis.

Exciſa quoque ſunt *Crucigerorum cum Rubea Stella Prage*; *Carthufia Podiebra-*
denſis; *S. Cyriaci*, *Prage & in Benatek*, & in *Orlik*; *Ambroſianorum ſub Wiſſehrado*;
(hoc tamen cum nota temporis deletum invēni An. 1419. die *S. Michaëlis*) *Carmeli-*
tanorum ad *Nives*, & *Tachovieneſe* jam nominavi. Omnes *Viri DEO* conſecrati, ut
antè ſapiùs dixi, in his Cænobijs crudeliſſimè ab *Orebitis*, & *Taboritis* ſunt necati,
exci-

Pragenses
hæretici hu-
maniores.

excipio pleraque *Pragensium Cænobia*; *Pragenses* enim mitiores & clementiores semper habitū fuere, & eiecisse Religiosos contenti vitam saepe donabant. Porro, si omnium *Bohemia Cænobiorum* Indicem habere volet, eum in tractatione de Cænobiis in Decade II. *Miscellaneorum* inveniet.

§. CXI.

S. Hieronymus Pragensis, Eremita Ordinis Camaldulensis.

1440.

Hieronymi
prima ætas.

*Æne. Sil. in
Euro. C. 26.*

Religionē
Camaldu-
lensium in-
greditur.

Litvaniā a-
dit ad Chri-
stum prædi-
candum.

*Rayn. T. X.
tr. de Gladio
& Pileo.
Epit. hist. l.
4. C. 4.*

Litvanorū
stultæ per-
suasiones.

Cū *Bohemia Regnum Hussi*, & *Hieronymi* de Praga hæresibus corruptissimū ingenti per universam Europam laboraret infamiā, ecce eodem propè tempore ex *Camaldulensi* solitudine alium *Hieronymum* eisdem *Pragensem* excitavit DEUS, qui damna quæ prior intulerat Ecclesiæ Apostolicis laboribus quodammodo compensaret, suūque *Bohemia*, & *Praga* potissimū decus restitueret. *Hieronymus* igitur *Camaldulensis* (quem *Pius II.* Virum apprimè eruditum, vitæ munditiā & singulari facundia clarum, & iterum: Virum fide dignum, gravitate sermonis, doctrinā, & religionē spectabilem appellat) *Praga* natus, DEO vocante, *Camaldulensi* Ordini sese addixit, & supra viginti annos in *Apennino Etruriæ* vitam egit asperam. Ex ea solitudine egressus ad causam Religionis in Patria sua *Bohemia* tuendam, cū corruptis jam eā peste omnibus Regni partibus, & membris nihil se ad rei summam proficere videret, DEO monente ad prædicandum *Litvanis* idolorum cultoribus *Evangelium* animum adjecit, ac literis à *Vladislao Poloniae Rege* ad *Vitoldum Regis Fratrem Litvaniæ Ducem* acceptis commendatus in *Litvaniā* penetravit. Quantum in ea gente profecerit, quot silvas Deorum prostraverit, quot lucos succiderit, jucundum est in *Silva* legere, cui præsentibus quàm plurimis clarissimis Viris ipsemet *Hieronymus* cū ad Concilium *Basileense* venisset, omnia commemoravit; sed hic *Svij Liber* cum sit obviū, eadēque in *Theophilo Raynaudo* nostro, & in *Epitome historica* mea legantur, describere supervacaneum esse putavi. Colabant pro Dijs *Litviani serpentes, ignem, arbores, lucos & nemora*, sed *malleum ferreum* grandem præcipuè, hac de causa, quod cū *Sol* à Rege quodam potentissimo olim captus esset, & in carcerem munitissimæ turris conjectus, *Signa Zodiaci Malleo* turrim illam perfregerint, & captivum *Solem*, multam mensibus non visum mortalibus, liberarint; dignum itaque venerationis *Malleum* esse, cujus ope *Mundus Solem* receperit. Magnum *Hieronymus* in *Litvania*, Christum prædicando, operæ pretium tulit, ut quodammodo *Apostolus* dici possit, maximè quod doctrinæ miracula sociaret: excindebat fortè silvam Deorum, novis Christianis adjuvantibus ingenti Ethnicorum multitudine circumstante, fortuito casu Christianus quidam tibiam suam arce

boris loco bipenni, gravissimo ut videbatur, vulnere percussit, statimque
 animis corruit; *Hieronymus* Populum commoveri, & percelli videns,
 sit in *Christi nomine* jacentem surgere, ac prosequi laborem; surrexit pro-
 us, ejusque tibiam nullâ in parte læsam Populo *Hieronymus* demonstra-
 . Tantis Evangelij profectibus invidens *Cacodæmon* in populo seditionem
 ac tumultum concitare aggressus est, ipsumque *Vitoldum*, Principem
 leribus omnibus coopertum ac *Nerone* læviorem (*sanguinarium Carnifi-*
um Vitoldum vocat *Silvius*) inani metu seditionis, & Imperij amittendi per-
 ruit, qui *Hieronymum* ex medio Evangelij cursu, & sælicissima prædicatio-
Litvaniâ decedere iussit; quod acutè expressit *Silvius*: *maluit*, inquit,
risto deesse Populum, quàm sibi. Vixit post hæc reversus à *Litvanis* *Hie-*
onymus in Germaniæ & Italiæ luce, in summa virtutis & doctrinæ authorita-
 adeò ut *Sancti Titulum* apud plurimos Scriptores sit consecutus. Vide
llandum nostrum alioquin in tribuendo sanctitatis nomine meritò præpar-
 um, apud quem *Arnoldus de Wion* sic loquitur: *S. Hieronymus Pragensis,*
emita, Episcopus & Apostolus Litvanorum & Cap. 25. apud eundem Bol-
landum: S. Hieronymus Pragensis Juris utriusq; Doctor, & Theologus Ere-
ta, acceptâ facultate concionandi, cum Episcopali Potestate, Litvanos ad fi-
m adduxit. Obijt Venetijs A. 1440. fuit in Concilio Basileensi; scripsit mul-
Opera (enumerat illa *Wion, & Augustinus Florentinus*) inter quæ est *Sermo*
ngissimus de S. Romualdo, qui ibidem apud Bollandum recitatur. Ego
hieronymo Sancti Titulum, etsi timidè, eorum solummodo authoritate,
ios modò laudavi; adscripti.

Hieronymus
 in prædicā-
 do Christo
 impeditus.

loco cit.

T. II. Febr.
ad vitā S.
Romual: in
Comment.
previo.
Wion l. 1. Li
gni Vita. C.
26.

August. Flo
ren. in Hist.
Camald. l. 2

Obitus Hie
ronymi.

S. CXII.

beatus Joannes Capistranus è S. Francisci Ordine,
 familiæ Cismontanæ, secundus post S. Bernardi-
 num juxta Decreta Evgenij Papæ Vicarius
 Generalis.

Illustravit hoc fidus & Germaniam, & Bohemiam, plurimâsque alias Pro-
 vincias à *Nicolao V. Callisto III.* ablegatus *Joannes Capistranus*, à Patrio
 solo *Capistrano Aprutij* oppido nuncupatus. Fuit Vir excellenti doctri-
 â, *Theologiæ, & Juris utriusque Doctor*, nec minùs pietate (quam magi-
 ro *S. Bernardino* intimis sensibus hausit) insignis. In *Concilio Florentino*
 elut Sol inter Patres effulsit, multa opera edidit, maximèque celebratur *Spe-*
culum Clericorum. Obiitâ propè totâ Germaniâ in *Bohemie Regnum* ascen-
 sit An. 1451. Ea omnia acta sunt *Egræ, Plsna, Cadanæ, Brixia, Crumlovij,*
ostea Wratislavia, Olomucij, perque universam Silesiam, & Moraviam,

1470. 23 Oct.

Genus & ge
sta Capistr:
summatim
recitantur.

Aa

quæ

Mag. Chr.
Belgij.
MM. SS.
Rosenf. duo

Maximo
profectu
prædicat ad
Populum.

Dubr. l. 29.
hist. Boh.

Bonf. Dec.
3. lib. 8.
Silv. in hist.
Boh. C. 65 &
in Eur. C. 8.
Gonz. in hi-
stor. Ord. p.
451.

Rader. in.
Bavar. S. f.
138.

quæ per Imperium ab ea maximâ eloquentiâ, & Divini spiritûs vi gesta est, eorum temporum Scriptores commemorant; præsentis anno *Crumlovij* *Bohemia* versatus aliquandiu est, ut in *Epitome* dixi, dein *Olomucium* abivit, atque illuc 17. Augusti pervenit. Certavit Epistolis B. *Joannes* cum *Romanorum* *czana Georgij Regis* (ut ita dicam) *Papa*, eaque Epistolæ in omnibus *Marchiarum* scriptorum Codicum apud nos Bibliothecis leguntur. In areis ante Ecclesiâ, & in foris dicebat ad populum *Latine* cum Interpretibus, quorum alter *Bohemice*, alter *Germanice*, quæ diceret ipse, reddebant; aleæ, chartæ, taxilli, libri Venerem olentes proferebant in medium, & exurebantur. Paucos Viros nobiles argumentorum vi, præsertim Sanctissimis exemplis Ecclesiâ reduxit, quos inter *Wenceslaus à Bozkovicz* magnæ authoritatis Vir apud Moravos, qui vale *Hussitis* dicto, Veritatem Romanæ Sedis cum duobus subditorum millibus est amplexus; cujus filius, nomine *Protasius* postea *Olomucensis Episcopus* fuit. Sed ad *Ungariæ* salutem potissimum *Capistranum* destinavit DEUS, ut *Aeneas Silvius*, *Bonfinius*, *Gonzaga*, & *Leo X. Pont. Max.* derus ostendunt; tandem annis, & magis meritis plenus, septuagenario na- jor vitâ excessit, multis post mortem miraculis clarus; cui *Leo X. Pont. Max.* in *Diœcesi Capistrana* cœlestes honores habendos decrevit; neque unquam sinè *Beati* titulo nomen ejus vel legi, vel audivi, & omnes, quos in hac tractatione citavi, *Beatum* appellant.

§. CXIII.

Beatus Jacobus de Marchia ex Ordine Fratrum Minorum.

1476.

Bzp. in An-
nal. Eccl.
ad A. 1476.

Ulyss. l. 6. P.
3. hist. Mi-
norit.

Bzp. l. c.

Miracula.

Quem *Jacobum Picentem Bzovius*, eundem propè omnes cæteri *Jacobum de Marchia* appellant. Natus est in Italia in territorio *Asulan*o; materno adhuc utero clausus, Matre hostes fugiente, citra voce Matrem admonuit nè timeret, nihil esse periculi; legitimam ætatem cum attigisset felicissime Juris scientiam perdidicit, & professus est, tum ce- litus ad religiosum statum amplectendum vocatus, habitum & vitam *Ordinis FF. Minorum* in loco *S. Mariæ de Angelis* assumpsit; exinde omnem doctri- næ prioris gloriam, dotésque naturæ cæteras, vitæ sanctitate, & luce miraculorum extinxit, ut ex miraculis compositus, & ipsemet miraculum omnium videretur. Scriptûre ejus gesta permulti, præsertim *F. Venantius Fabricius* & *Ulysses* ejus Sodalis, & itinerum comes, *Marcus Ulyssiponensis*, *Bzovius*, cæteri. Est in manibus Effigies B. Viri capite radiato, calicem manu gestantis, ex o- serpens veneno turgens prospectat, quem scilicet calicem in Religionis no- confirmationem Cruce signatum bis exhaust: miraculorum, quæ rite probata sunt, summam quandam conficiam brevissimè: centum mortales li-

vit à peste, à febre lethali ducentos; à demone obsessos, tum cacos, & claudos
 centis plures sanitati restituit; podagricos plures quàm centum, alios sexa-
 ta desperatos à Medicis, periculo mortis alios centum & plures exemit, ac si-
 no Crucis septem mortuos revocavit ad vitam. Eloquentiâ cælesti Jacobus re-
 habat in animis: mulierculas omnes Mediolani & Neapoli concionibus ad
 eliorē vitam traduxit, Domo etiam Pœnitentibus exstructâ. Ob res tantas
 Summis Pontificibus in varias Evrope Provincias missus, Italiam, Illyricū, Ger-
 maniam, Bohemiam, Poloniam, Norvegiam, Prussiâ peragravit, ter in Ungariâ
 Ragno Reip. Christianæ emolumento penetravit; quæ in Bohemia nostra,
 nam adiit, B. Jacobo acciderint operæ pretium est cognoscere: Pragæ
 verba Bzovij annuero) profectus Georgium Podiebradium (Regem) Hus-
 edis culicâ hæresi à RokycZana Pseudo-episcopo infectum reperiens, multis sermonibus
 Protasul unitatem fidei adducere conatus est. Non ferentes Hæretici magnam effica-
 num Gam demonstrationum, venenum illico sorbendum obtulerunt eâ sponsione, ut si is
 & Rera noxam bibisset, illi relictis erroribus Catholica dogmata amplecterentur.
 nario mi Vir Sanctus signo Crucis impresso, vivâ & verâ fide nixus venenum gustavit,
 nt. Ma pro concione quàm plurima altissima de mysterijs Ecclesiæ Catholica disseruit,
 unquam miraculo multa hæreticorum millia convertit. Tam insignem animarum
 ac tractum hostis humani generis non sustinens, Podiebradium Regem per Ministros
 alitatis, & præcipuè per quendam Necromantam, in Jacobum inflammavit,
 entidem Rebellionem Populi ostentans, si fidem Catholicam admitteret. Ea-
 propter Rex eundem fraudis artificem, operam suam in Jacobo convincendo offe-
 ntentem, contra illum disputare jussit, caterùm Necromantes falsus fuit: statim
 um atque Vir divinus hominem in Ecclesiam introiisse per revelationem agno-
 it, brevi oratione pro concione factâ, loquelâ & auditu eum privatum reddi-
 it, adeò, ut qui antea non nisi triumphos de Sancto DEI resonabat, postea surdus
 & mutus evaserit, confusionis que impatiens è cœtu profugerit. Cernens tan-
 em Vir DEI, Regem cum sequacibus obduratum, Bohemiâ relictâ in Epirum,
 & Illyricum penetravit &c. hætenus Bzovius, ex quo satis apparet: B. Ja-
 cobo laborum Campum nostram quoque Bohemiam præbuisse. Reversus
 in Italiam aliquando, pridem Archiepiscopatu Mediolanensi recusato glorio-
 is, An. 1476. 28. Novembris Neapoli sanctissimè decessit. Carolus V. Im-
 perator apud Clementem VIII. pro Jacobo inter Divos reponendo diu institit,
 sed morte præventus non pertendit. Ejus corpus etiamnum incorruptum
 perseverat. In Beatorum numerum ab Urbano VIII. An. 1624. 24. Octo-
 bris ad instantiam Philippi IV. Regis Catholici relatus est.

Eloquentia
cœlestis.


B. Jacobus
in Bohemiâ
venit.


Venenum
bibit.

Multa ho-
minum mil-
lia in Boh.
convertit.

Miraculum

Mors.





§. CXIV.

Senatores Catholici in Triurbe Pragensi ab hæreticis excitato tumultu, barbarè, & crudeliter trucidantur.

1483. 24. Se
premb.

Sub Wladi
slao Rege vi
sa redire Pie
tas & Reli
gia Catholi
ca in Bohe
miam.

Senatus Ca
tholicus Pra
gæ.

Hagek ad
An. 1478.
& 1481.

Coch. in hist
Huff. l. II.

Anno Christi 1434. magno prælio inter Brodam, & Kaurzumum, hæreticis à Nobilitate Bohemica (cui ob hoc facinus plurimum Catholicorum debet Religio) devictis, tandem cædibus Catholicorum, & Religioforum aliquis impositus est finis, aut prudentius, & occultius saltè sub Georgio Rege hæreticis patrocinium præstante sævitum; Wladislai tamen opem mi Principis tempora, cæde Catholici Senatûs, Pragensis vulgus sædavit. Jam Religio Pragæ rursus efflorescere, sacri homines redire cœperant; Senatus Catholicus tam in Nova, quàm in Vetere Urbe (quem Rex ipse pro potestate caverat) vijs omnibus, ut antiqua Pietas, fides, morèsque Catholici tanto per intervallo in Urbem reducerentur, strenuè laborabant. Pulchrum illud Antiquitate An. 1481. repetijt, & statuit Thomas Consul ab aurea stella, toto Senatu consentiente (quod jam Annis facilè sexaginta intermissum erat) quis Consulium Senaculum in Curia Veteris Urbis Pragensis intraret, quàm Missam in Sacrario Curia prius audisset; nî faceret, certam pecuniæ summam numeraret. Sacrarium hoc DEI Matris dotatum erat, ut vocant, antiquo, & duo, trèsvē Sacerdotes alebantur, qui eam cælestem operam natui præstarent; ea fundatio à Senatu Catholico revocata est, datumque An. præcedente 12. Novembris initium. Urebat hoc Senatorum facinus Hussitas, & turbulentum vulgus omnia Catholicis omnibus promiscuè nabatur; accedebat, quòd Rex Wladislaus Augusto anni superioris 1481. feditiosos quosdam Hussitarum Sacerdotes atque etiam Cives, qui novas moliebantur, captos in Hradek, & Carlsteinam arces jusserat deportari, quod utriusque Senatûs (Antiquæ, & Novæ Urbis) studio, & diligentia perfectum dubitari non poterat. Anno sequenti nova, & acerbiora excitata sunt Senatores omnium trium Urbium odia, cum videlicet sanxissent de Dedicationibus Templorum, nè eodem die Encoenia, ut vocant, Praga ubique celebrarentur, sed Parochijs singulis, quo die Ecclesiæ ipsæ fuissent dedicatæ, geretur solennitas. Id Catholicum, & prisce moris, Rokyczanus, qui si Archiepiscopi dignitatem, & auctoritatem nullo jure assumserat, abrogare olim, jusseratque An. 1454. (ut habet Cochleus) Dominicâ proximâ antestum S. Michaëlis in Mense Septembri (quo die festum Dedicationis Ecclesiæ B. MARIAE ante Latam Curiam, cui Rokyczana præsidebat, celebratur) omnibus Ecclesijs Parochialibus eodem die Dedicationis festum per utramque Civitatem Pragensem solenniter in perpetuum celebrari. Pupugit rur-

Senatus decretum vehementer *Hussitas*, & Religionem suam irreligiosam
prostitui, & contemni clamantes, primâ post Pascha Dominicâ, cum Me-
moriam Dedicationis *Ecclesiae S. Aegidij* ageretur, consurgunt, & tumultum
excitant; abstinuere tamen invadendis domibus, at quisquis occurrit, quem
Catholicum esse suspicarentur, rixâ studiosè quæsitâ, vulnerabant, & necare
conabantur; *Monachis* nasos, & auriculas amputabant (aliquos vulneratos
periculosè, & prorsus occisos quidam scribunt) *Senatores*, nè seditionem il-
los irritarent magis, prudenti silentio dissimulârunt. Ab hoc initio paulò
post atrocior, in ipsum *Senatum omnium Urbium* procella detonuit, neque
per tumultum res gesta; sed ex composito, & consulto audacissimi nebu-
lones, & fæx hominum (incendentibus alijs ex occulto) grandis campanæ in
Leinenſi Ecclesia lugubri sono 24. Septembris horâ quartadecimâ dant sig-
num, eidem signo respondent aliæ *Ecclesiarum Urbicarum* campanæ; primi
Novæ Civitatis hæretici sub vestibulis loricati *Curiam* suam invadunt: arce-
dant illos *Senaculi* aditu *Urbis Syndicus*, hunc primum adorti occidunt; fit fu-
rus *Senatorum*, sex deprehensi in frustra diffecantur, duo alij ex *Communitate*
Vivium Catholicorum in Curia aderant, crudeliter necantur; quod ex cor-
poribus laceris supererat, ex Curiae fenestris in subiectum forum dejicitur.
Princeps Senatus Paral nomine, Pellio, maximæ ætatis, qui sese in vicini Ci-
vilitatis lectulo abdiderat, repertus producit in forum, & ante *Curiam* factò à se-
ditiosis spatio, omnibus in eum, velut in metam jaculantibus, conficitur, &
confixus unco ad aliorum cadavera trahitur. Quosdam è *Senatu* in carceres
compingunt, jubentque acerrimè torqueri, faterentur, quæ consilia adversus
indeles, qui sub utraque specie *Eucharistiam* sumerent, habuissent; an non *Ul-
traquistas* omnes occidere statuissent? hæc omnia per tumultum hæreticis
vociferantibus, isti tormentis omnibus excruciat placidè ex ordine respon-
debant (præsertim cæteris eloquentior è *Senatu Kahaun* nomine) nunquam
eam rem sibi venisse in mentem, innocentes se mori, nec eam rem, cujus ar-
guerentur, fieri potuisse; tres igitur eductos carcere, *Consulem*, duosque *Se-
natores* per Carnificem capite minuunt, vociferante Liçtore: *hos nebulones*
coactos mori, quòd omnes Ultraquistas certâ quadam die de medio tollere decre-
vissent. Horum cadaveribus abjectis, nondum exfatiata tanto sanguine ra-
bies, ut aliquod commodum ex scelere haberent, in *Novæ Civitatis* Mona-
steria factò impetu *Monachos*, *Sacerdotes*, sacras Virgines omnibus injurijs
vexatos dispergunt, Monasteria ipsa rebus omnibus exspoliant, *Sancti Am-
broſij Cœnobium S. Francisci strictioris Observantia* (in quo tum duo supra vi-
cenos DEO serviebant *Monachi*, ex B. Capistrani disciplina) diruunt, auri-
bus, naribus detruncant, quendam ex ijs Religiosum Senem ægotantem
prorsus occidunt: majorem prædam collecturi videbantur in *Metropolitana*
Sancti Viti Ecclesia Pragensi: illuc hæreticorum fæx totâ Triurbe cursu con-
tendunt

*Senatores
Catholici
Pragæ per
seditionem
occiduntur*

M. S.

*Lupac. in
Calen. hist.*

1482.

*M. S. Prag.
Hagek ad
A. 1483.*

*S. Viti Eccl:
ab hæreticis
in periculo
fuit.*

Tumultus
hæreticorū

Hagekl. c.
Dubr. l. 31.
hist. Boh.

tendunt, & *Prælatorum, Canonorum, Vicariorum, & omnium Ministrorum Ecclesiæ* (qui periculo præsentē territi, quā data via, effugerant) domos & habitationes expilant; ipsam etiam *S. Viti Ecclesiam* destinaverant prædæ, nisi prudentiores Cives prohibuissent, & custodiam properè apposuerant. Hæc à *Nova Civitatis* seditiosis hæreticis perpetrata; ad *Antiquam* veniamus: gemina hîc omnia, & eadem laniena fuit: *Cives hæretici* in armis *Senaculum* ingressi, quosdam è Senatu reperiunt, vetant ullum exire. Magistro Civium *Joanni Klobauk* nomine, cū exiret, quidam seditiosus nebulo tribulo ferreo crus confringit, cæteri sublimem è fenestra præcipitant, despoliantque; itā in sanguine suo natans, & seminudus *Sacerdoti Georgio Catholico* fortè prætereunti peccata confitetur. *Publikum Consulem* è Curia fugientem vulnerant, & in carcerem rapiunt; alios è Senatu (ut habet *Fragicius*) hastas objicientibus ijs, qui ante Curiam stabant, è fenestris dejiciunt, alios carceri mancipant; actum primò *Cænobia* expilant, Monachos commulnunt, Urbe ejiciunt, Virgines sacras indignis modis vexant, calices, & alia Templorum ornamenta diripiunt, novosque *Urbi Præfectos* constituunt. Tertio post die ad supplicium in foro adfertur semi-necatus *Joannes Klobauk* tum Consul *Publik, Wenceslaus CheinicZky* Vir disertus ex Senatu, & *Stodolus* adducuntur, quos prius miris tormentis excruciatos, decollari jusserunt. Quid in *Urbe minore Pragensi* eo populi hæretici tumultu gestum sit, in Manuscriptis non invenio; at parem fuisse Catholicorum cædem satis indicat duo: primum, quòd seditiosis, & ad spoliandas ædes *Canonorum* ascendentibus, ut antè narravi, necessarium iter per hanc *Urbem* fuerit; alterum, quòd in *MM. SS. Codicibus* lego, ibi quoque Consulem ejus temporis *Pipernas* nomine, cum alio quodam Senatore Carnificis manu decollatum fuisse. Atque hæc est illa cruenta *Tragædia*, quam in Catholicorum jugulum edidit hæreticorum *sub utraque* (ut se appellabant) *Communitas*, neque dubium videri potest, *Catholicæ fidei* odio peremptos, etsi, ut hæreticorum mos est, alii aliâque obtenderint hæretici. Quæ enim vel minima species veritatis, quàm verisimile cuique prudenti apparere potest? *Senatores* pauculos (quæ unica causa cædis obtendebatur) potuisse omnes omnino *Utraquistas* ur nocte cum conjugibus, & liberis, in tanta, tamque multiplici *Urbe Pragensi* quæ tam latè patet, nullo Exercitu in Urbem immisso, occidere? quorum auxilio, quæso, ea cædes perfici potuit, cū hæretici *Catholicos* numero vicerent, & amplius superarent? *Satellites urbis* omnes, *Cives* plerique, *Parachi* omnes *Hussiticam* fidem pertinacissimè sequerentur? quæ tantæ paucorum conjurationis vestigia? qui testes, quis modus? itaque optimè *Hagecius* scripsit: *imputata Senatui crimina, quæ adversarij excogitassent.* Et paulo post: *Senatum trucidatum ab ijs, qui testes simul essent, & judices, hæreticorum, quæ causam qualemcunque proferre debuisset, ut jure egisse viderentur.* Quotidē propè verbis affirmat *Dubravins.*



§. CXV.

sanctus Casimirus Casimiri Poloniae Regis filius,
Wladislai Bohemiae Regis Frater, Litvaniae
Princeps.

Tot titulis noster est *D. Casimirus Litvaniae Princeps* juvenis sanctissimus, ut, si praeteriretur, turpissimo negligentiae & oscitantiae crimine existimarem me posse damnari. *Primum* in fraterna & consanguinea nobiscum gente *Polona* editus, *alienus* dici non potest; sed haec omnis ex illa fortissima gente *Divis* communia mitto, certe *Regum nostrorum* clytus sanguis *S. Casimirum* ad nos, vel de caelo deducit. Mater *S. Casimiro* fuit *Elisabeth Alberti II. Caesaris & Bohemiae Regis* filia (*Caroli IV. Nepotae Ladislai* itidem *Bohemiae Regis* soror; frater senior *Casimiri Wladislaus* rex, qui in *Bohemia* nostra annis omnino 45. ingenti omnium ordinum approbatione, & subditorum amore regnavit. Natus est *Casimirus* An. 1458. optimos Magistros pueritiae suae nactus (singulari in aetate illam *Divino* favore) depulsus à laetitia Nutricum, uberibus *Pietatis* admotus est: orare, meditari, & admirari divina, *SS. Eucharistiam* adorare in Templis, patientis Christi tormenta secum expendere, & in ijs immorari usque ad amoris & doloris lacrymas, beatitudinem ducebat pius adolescens, atque ut ad id praestandum habitior esset, neque somno impediretur, jejunijs, cilicijs, durâ in pavimento cubatione vigilias procurabat; intempestae noctis silentio egressus, ante fores Templorum humi prostratus, Divinam pro se, & peccatoribus implorabat clementiam. Catholicæ Religionis deditissimus cum esset, *Ruthenorum* schismati paulatim abolendo impetravit à *Patre*, ut lege latâ Templum ab ijs vetaret extrui, & vetera, sic ut erant collabentia, relinqui. *Pau-* peribus totum se dabat *Casimirus*, neque illi alio titulo, quàm *Patrem* appellabant. *Virginem DEI Matrem* singulari pietate prosequabatur; hinc ille caelestis hymnus: *Omni die dic MARIAE, mea laudes anima*, in ejus sacro Tumulo tanto post repertus; quem *S. Juvenis* ipse contexuit, & quotidie *Divinae Matri* dependit. In his virtutibus ad annum aetatis 23. pervenit *Casimirus*, coelebs semper, & qui de Conjugij pactis nè audire quidem sustineret; sed extremus vitae actus lauream Virginitatis *SS. Juveni* imposuit: imperare mihi non possum, quin hoc loco describam, quæ *Zacharias Ferrerius Gardensis Episcopus, in Litvania & Polonia Legatus Apostolicus, Vir maxime apud Sixtum IV. Pontificem* autoritatis, qui *S. Casimirum* viventem probe noverat, de ejus morte, cæteris omnibus diligentius commemorat, apud *O-* doricum Raynaldum in *Annalibus Ecclesiasticis Romæ editis: Animo Casimiri*, ait, adeo erat desponsata *Virginitas*, ut carnales nuptiae, sive à parentibus, sive ab

A. 1484.

S. Casimir
justissimis
de causis
ad nos per-
tinet.

Joannes Lō
ginus Prae-
ceptor Eccl.

Educatio S.
Casimiri.

Pietas in
Dei Matre.

Raynald. T.
XIX. Anna:
Eccl. 1484.

Virginitatis
amor.

ami-

amicis ei nunquam persuaderi potuerint, nec caro, nec sanguis, nec blanditia, nec titillationes ulla venerea inspicere, aut ab arrepto pudicitiae instituto dimovere aliquid quando valere: virginem enim ad finem usque vixisse, virginemque postremam diem clausisse, omnes & à cubiculo, & à secretis ejus, Viri maximi & optimi quorum adhuc nonnulli supersunt, quibusve intus & in cute agnita illius conversatio fuerat, asseverant & attestantur: quod cum ex pluribus evidentibus argumentis satis, superque liqueat, ex eo potissimum, quod potius mori elegit, quam foedari, manifestissime compertum habemus: cum enim medio florentissima juvenutis in morbum quendam chronicum incidisset, cui medela alià nullà occurrere posse, quàm puellari concubitu Medici judicabant, illiusque parentes, necessarii que plurimi, ut Virginem speciosissimam, quàm è multis delegerant, unà in lectum cubare, & pro servanda vita in amplexus, & copulam ire permetteret, enixissime suaderent, rogarent, efflagitarent; ille sapientissime (ut semper solbat) respondit, se temporalem hanc, & momentaneam vitam malle amittere, quàm eternam, & immarcescibilem in celo carere, objurgabatque eos omnes, quod re sibi suggerere illicitam non erubescerent, cumque adhuc, ut florida juvenutis vita ac saluti consuleret, magis ac magis adhortarentur, & importunis etiam precibus obtestarentur domestici, respondit ille: salutem, vitamque aliam nescire, quàm Christum Dominum, cum quo ut esset, cupiebat dissolvi, & ad quem jam se ex ea valetudine brevi profecturum esse prospiciebat: quod & ita factum est. Jam ingravescente morbo, cum naturali robore destitui cepisset, Ecclesiasticis Sacramentis, veluti spiritualibus quibusdà contra aëreas potestates, & tenebrarum harum rectores munitus armis, inter assiduas orationes, & sancta colloquia, adstantibus Sacerdotibus, & viris Religiosis, animam illam candidissimam, & Christo amabilem, ut prädixerat perendie, carnis vinculo solutam Onnipotenti DEO reddidit.

Philip. 1.

Obitus S.
Casimiri.

Obijt autem apud Velliam, sive Vilnam Litvania seu Litaliana primariam Civitatem in Grodno Oppido, Anno à Virgineo & salutifero partu MCCCC. LXXXIV. die IV. Martij, illucescente aurorà, annòq. ultimo Sixti IV. Pontificis Maximi. Vixit annos viginti tres, menses sex, sepultusque e collacrymantibus cunctis apud Arcem, ubi Sedes Pontificia Vilnensis sita est in I. Stanislai Martyris ac Pontificis ade sub sacello almæ Genitricis MARIÆ, cum & mentem omnem, & pudicissimum corpus addixerat. Erat autem puer adolescens, & famulus DEI Casimirus, mediocris statura, cesariem mustellinam vel subnigri coloris habens, subnigris oculis, & naso aequali, ac temperati ruboris, facie eleganti, formosâ, & venerabili, ut qualis intrinsecus esset, ex ipsa effigie existimari posset: aspectu profectò pulcher, sed longè pulchrior Religionis Divinæ, utpote moribus ornatus Angelicis, cujus mentem, atque Regium pectus nihil fædi, nihil turpis, nihil obsceni unquam tetigerit, quod post ejus obitum luculenter ostensum est. Nam omnipotens Auctor, ut indicaret, quanta merito

in celsitudine, virtutumque sublimitate apud se Casimirus magnus extiterit, ex ejus sepulchro tot, tantæque signa ac miracula patefacere dignatus est, in-
esque magis ostendit, ut hæsitare nemo debeat, quin æterna cum Christo felici-
te in cælo fruatur: hi enim, qui sine spe humani auxilij morbis incurabilibus,
avissimisque valetudinibus laborant, surdi, muti, claudi, aridi, cæci, &c. ut
imum ejus Mausoleo se devoverint, auditum, loquelam, incessum, visum,
istinamque valetudinem recuperant, quodque longè admirabilius, ac penè
credibilius est, reviviscunt mortui, aliæque quotidie obstupescenda fiunt mira-
cula, &c.

Miraculis
inclarefcit.

Hæc Zacharias Ferrerius in Polonia & Moscovia Legatus Apostolicus,
in miracula S. Casimiri inquirere jussus, Ecclesiasticum Officium, quo illi-
s memoria recoleretur, instituit, ac postea Leo X. eum in Sanctorum nume-
um retulit. Quod verò Miechovius S. Casimiri obitum non ad An. 1484.
ad ad superiorem 1483. retulerit, id contigit, quia annos ab Incarnatione Ver-
numerat, quod in Historijs Poloniae diligenter notandum, cum in Chrono-
gia non parvas parere difficultates possit; Rectius igitur Raynaldi autori-
te Annum 1484. quo S. Casimirus in cælum evolaverit, statuemus. Ad-
monet idem Raynaldus errorem in Notas Martyrologij Romani à Baronio ad-
ditas irrepsisse, cum ad 4. Martij obiisse ponitur An. 1489. quod sustineri non
potest. Illud, quod in Officio Sacerdotali inter S. Casimiri miracula legitur:
Eccle. thvanis exiguo numero ad potentissimi hostis insperatam irruptionem tre-
pidantibus in aëre apparentem, insignem tribuisse victoriam, illustre est, gra-
æ apud DEUM à sanctissimo Juvene collectæ, documentum; aliud persi-
nile S. Casimiri Miraculum Anno 1519. patratum, ex eodem Zacharia Fer-
ario recitat Odoricus.

Miech. l. 4.
C. 74. histor.
Pol.

Miracula.

Raynald. T.
XX. Annal.
Ec. A. 1519.

§. CXVI.

Joannes à Misna Ordinis FF. Minorum S. Francisci
Strictioris Observantiæ.

Hunc Virum præstanti famâ sanctimonix, & miraculis claruisse Me-
morix Seraphici illius Ordinis ex Cœnobio Olomucensi missæ lo-
quuntur: In Misna Urbe Misniæ natus recepto illius sæculi more à
Patria cognomen accepit, ut de Misna diceretur; in sacrum Ordinem coo-
ptatus, brevè omni genere virtutum, & gubernationis prudentissimæ laude
inter suos excelluit; hinc factum, ut cum Ultramontanæ Familiæ Commis-
sarius Generalis Ven. P. Petrus de Neapoli à Provincia Bohemia ob amplitu-
dinem, & Fratrum numerum Poloniam & Austriam separasset, B. Joanni
Bohemiæ sub Commissarij nomine regendam reliquerit; biennio lauda-
tissimè rexit, sed honorum & gubernationis pertæsus in Generali Capitulo

A. 1492. 21.
Novembr.

Genus.

Bohemica
Provincia
FF. Min: o-
lim extensa
per Pol. &
Austriam.

Bb

quod Officia.

quod An. 1469. in *Insula Bisentina* celebratum est, perfecit, ut *Bohemia* tandem *Provincia* titulo & ipsa gauderet, suumque sibi *Provincialem* habere. Absolutus hoc munere B. *Foannes* totum se in posterum divinis rebus agendis & patiendis usque ad summam senectutem addixit; plurima edidit miracula, inter quæ refertur Pueri à morte suscitatio. Tandem An. 1492.

Obitus.

Capitulum Provinciale Olomucium profectus morbo senectutis obdormi in Domino. Operæ pretium est, quæ de B. *Foanne* paucis, sed multum significantibus verbis, celeberrimus & Illustrissimus *Franciscanæ* historiæ conditor scripsit audire: In hoc *Capitulo* (*Olomucensi*) omni sanctitate, omni virtute præditus Pater F. *Foannes de Misna* (cujus aliquando meminimus) de ceteris Patribus ex munere adesset, diem clausit extremum, atque præfati *Conventu Conceptionis B. Virginis* honorificè tumulatus fuit. hæc ille in *Conventu* quarto prædictæ *Provinciae*. Tantâ autem *Vitæ* perfectione ditatus (verba sunt *Olomucensis M. S.*) ut puerum à morte suscitârit, aliâque quæ plurima ediderit miracula, de quo scribit P. *Arturius* à *Monasterio, Recolatus* in *Martyrologio Franciscano* die 21. *Novembris*, quémque velut *Beatum* adducit post alios *Marcus Ulyssiponensis* l. 8. C. 33. sub An. 1508. *Commentarius* scriptus præfati *Conventus* recenset illum Anno 1477. floruisse. Hæc *Olomucio* missa accepi.

Gonzaga.

§. CXVII.

Christiani duo Pueri Pragæ, Puella Strakonicij, Judæis Nostræ Religionis odio crudeliter necantur.

1305. 1503.

Weles. in.
Calen. ad 4.
Januarij.
Crug. ibid.

Martyr Stra-
konicensis.

Strakonicium Civitas est in *Bohemia*, quam ditione tenent *Melitenfes* & *Squites S. Joannis Hierosolymitani*, immunitatibus tamen multis ipsa Civitas munita, & ornata; ad eam Civitatem habitabat rustica mulier quæ omnis pietatis oblita, paupertatis tantum, quâ premebatur, memor, *F. deis* fratribus duobus, eorûmque Matri, filiulam suam uno non amplius a reo vendidit. Illi scelere matris læti, Puellam sublimem, Christum Crucifixum imitari jubent, pendentem, & nec quicquam lacrymis innocentibus perorantem, cultris confossam, horribili cruciatu laniatam, sanguine è venis omnibus expresso conficiunt An. 1503. Patefacto divinitus facinore, uterque Judæorum fratrum rogo, viventes, & spirantes impositi, quibus duæ matres, altera *Christiana*, quæ vendiderat, altera *Judea*, quæ emerat, suradjectæ. Jacet etiamnum *Christi Martyr* in *Arcis Strakonicensis Ecclesia* ante aram principem marmore contexta literis insculptis sepulchro, quibus factæ cædis à Judæis, Annus 1503. exprimitur.

Geminum duobus ante sæculis edidēre facinus Judæi: Anno Christi 1492. sacra Parasceves die, pervicacissima *Judeorum* natio, atrox in Christi-
um hominem (*infantem* appellat Crugerius, vetusti Authores de eo velut
adulto, loqui videntur) *Pragæ* edit exemplum: namque in locum abdi-
m pertractum, in *cruce nudum* suspenderunt, circumstantesque, alius in
m expuere, alius os verberare, alius virgis cedere, alij denique omnia serio
itari, quæ Christo Domino DEOq; nostro quondam irrogassent supplicia.
elere patefacto *Populus Pragensis* consurrectione factâ, contineri non po-
t, *Judæosque* omnes, excogitatis, quæ cuique ira sua suggererat, tormen-
peremit. Monumentum, imò *Ecclesiam novo Martyri* ex spolijs *Judæi-*
positam affirmat *Dubravius*; ego, ubi illa sit, aut olim steterit, nec su-
icari possum. *Christi Martyres* hos esse, & *Innocentia, Martyrij* lauream
jecisse nemo Catholicorum dubitavit. De postremo veluti *Martyre* scri-
bit *Carolus Stengelius Abbas Anhusanus*.

Judæi Pra-
gæ hominē
Christianū
crucifigunt

Crug. 24.
Martyj.
Spond. in.
Ann. Eccl.
ad A. 1305.
Crantz. in
Wand. C. 23.
Dubr. l. 18.
hist. Boh.
Dubr. l. 8.
hist. Boh.
Car. Steng.
in stemma-
togr. Crucis
fixi germa:
P. 1. f. 361.

NOTANDUM:

Strakonicensē illam puellulam, *Weleslavinum*, & *Crugerium* in Calendarijs suis (ad
4. Januarij) Puerulum appellare, sed me *Chanowskio*, qui in rem præsentem
venit, assentiri ratio cogit, qui disertè in lapide *Cruce* signato in *Arcis Strakoni-*
censis Ecclesia scriptum esse affirmat: *Puella annicula Dorothea à Judæis occidi-*
tur die Martij Primâ, 1503. idem, quos paulò antè citavi, cædis annum 1504.
& diem 4. Januarij ponunt. Credibile non est, *Judæos* tam atroci supplicio
An. 1503. damnatos, altero mox anno vertente, eodem in loco, facinus perpe-
trasse; quod si admittitur Puellum & Puellam habemus occisos pro Christo.

§. CXVIII.

Edmundus Campianus Soc. JESU, Londini in An-
glia A. 1581. ob Catholicæ Fidei defensionem
interfectus.

Edmundus Campianus inter *Beatos Angliæ Martyres* pridem à Scripto-
ribus numeratus, tamen *Noster* est, non *nativitate* (nam *Anglia* Virum
genuit) non *loco mortis* (*Londini* enim mortem pro Christo pertulit)
sed *institutione vitæ cœlestis* (*Pragæ* quippe & *Brunæ* Tirocinium vitæ *Reli-*
giosæ posuit, & *Societatem* votis professus est) & aliquot annorum commo-
atione, doctrinâ, & perpetuo in gentem nostram amore. *Noster*, inquam,
Edmundus est; & cū tantum ingenij, & *Sanctimonix* lumen mutuatos esse
nos ab *Anglia* fateamur libentes, aliquam ejus laudis partem, ut in *Bohemiā*
nostram derivare possimus, facile concedetur ab *Anglis*. Vitam maximi hu-
us viri scripsere plurimi, singulariter *Paulus Bombinus* libris aliquot, cum alijs
Martyribus Philippus Alegambe in mortibus illustribus, & ex eo *Mathias*

1581.

Campiani
Patria.

Educatio
Religiola
in Provinci:
Boh.

Hist. Prov:
Boh. M. S.
ad A. 1573.

Genus.

Prime Soda
litati B. V.
Pragæ Ed-
mundus
præficitur.

Tanner (in Societate JESU militante) illustribus ejus exemplis non paucas paginas implevere. Mihi propositum non est, nec unquam fuit, *Vitas Sanctorum* diffusè scribere; facio vulgaris Scriptor (quod vulgum facere didici) *compendia* quæro, pauca, quæ ad nos pertinent, excerpam, aliqua etiam, nî fallor, ab illis præterita, apponam. Campianus igitur *Anglus*, cum *Romæ* Societatem expetisset, admissus An. 1573. precibus *Laurentij Martini Provincialis, pro Austria, & Bohemiæ Provincia* impetratus, in *Tirocium Brunense* apud Moravos nostros recipitur. Sed, quid opus est, denotare *Bibliothecas*, & quæ de *Edmundo* scripserint alij consulere, cum pridem in *ex Provinciæ Bohemiæ* historia, quam confecimus, petere, & describere possumus, quod bonâ Lectoris gratiâ faciemus. Ad An. 1573. Maxima *Tironum Pragensis*, ac postea *Brunensis* (notandum est *Pragâ Novitiatum* eo anno *Brunam* translatum, atque inter eos, qui transferebantur Novitios, inter primos *Edmundum* numerari) maxima, inquam, ex *Edmundo Campiano* gloriatio, qui hoc anno 26. Augusti jam annos quinque supra triginta natus adventit: patria illi *Londinum Angliæ*, Parentes Catholici fuere ex honesta Civium familia. Pater itidem dictus *Edmundus*, mercaturam librorum faciebat, Fratres duo, soror una, dum Societatem ingrederetur, vivebant; sexennium *Philosophiæ, Theologiæ* sexennium operam dedit, in eaque facultate *Baccalaureus* evasit. hæc ipsius *S. Martyris* manu scripta (quam exosculatum) nuper inveni. Ad annum 1574. eadem historia narrat in *Septembri Pragæ Campianum* appulisse, *Rhetoricæ docendæ* adhuc *Tironem* admissum, cui *Oratione peregregiâ* quæ extat, præluferit. Anno sequenti 1575. narratur, datum esse *Congregationi Marianæ in Contubernio Pragensi* initium 16. Januarij, ex decem adolescentibus studiosis conflata, cui *Sodalitati M. Edmundus Campianus* præfuerit. post pauca: florebat id temporis doctrinæ ac potissimum eloquentiæ gloriâ foris apud omnes *Campianus*, easque tuas *Orationes, & Comœdias Pragæ* habebat, quæ justum volumen conficeret, at domi vitæ Sanctimoniâ, ac Religiosarum virtutum exemplis, etiam admirabilior habebatur: quantum is in sui contemtionem, & abiectionem, quantum in meditandis Christi doloribus, quantum in amore vitæ Religiosæ profecerit, geminæ ipsius Epistolæ, quas *Brunam* ad contubernales nuper suos dedit, ostendunt; divisæ sunt (satis scio) temporibus, utramque tamen hîc junxi, ut nihil ab annis, & tempore (quod aliquando in vita hominum, pro dolor! accidere solet) *S. Martyris* virtutem accepisse detrimenti possit intelligi.

Epistola B. M. P. Edmundi Campiani Soc. JESU, data Pragâ ad Novitios Brunenses An. 1575. & 1577.

Quantum vos diligam in visceribus JESU Christi, Fratres charissimi, potestis colligere, quod scilicet per occupationes meas quotidianas, propter quas vix respirare possum, tamen ad vos ut scriberem, tempus mihi sufficit.

affurandum, & à medijs functionibus, curisque meis eripiendum putavi:
 quid enim facerem aliud, quàm primùm audio nuntium aliquem certum
 unam petere? quomodo possem non inflammari memoriâ Domûs illius,
 qua tam ignitæ sunt animæ, ignis in animo, ignis in corpore, ignis in ser-
 mone, ignis, quem venit DEUS mittere in terram, ut semper ardeat? O dul-
 cis parietes, qui me aliquando vobiscum tenuerunt! amabile hypocaustum
 quo tam sancta miscentur colloquia! speciosa culina! in qua de ollis cha-
 rissimi certant *Joannes, & Carolus*, duo *Stephani, Sallitius, & Finnit, &*
Georgius, Tobias, & Casparus in sancta humilitate, & charitate non fictâ! De servitijs
 Culinæ lo-
 quitur.
 quoties mihi repræsentò illum oneratum de prædio, istum de foro, hunc de
 hisquilijs, alium sub alio labore fortiter, & alacriter sudantem! credite mi-
 hi, Fratres charissimi, pulveres, scopas, & palas, ac onera vestra aspiciunt An-
 geli gaudentes, iisque plus vobis impetrant apud Deum, quàm si viderent in
 manibus vestris sceptrâ, gemmas, & aurum in fasciculis. Utinam hoc ne-
 scirem, quod dico, sed tamen quoniam scio, dicam: In opibus, honoribus,
 delicijs, pompa sæculi, omnia plena sunt spinarum, & sordium. Pauper-
 um Christi minus habet extremæ difficultatis, & fastidij, quàm Palatium Cæ-
 saris. Jam verò de interiori pabulo, si loquamur, quis dubitet, quin una ho-
 mofuetudinis tam familiaris DEO, bonisque spiritibus, omnes Regum
 annos, & Principum antecellat? Ego autem circiter annum in Religione fui,
 viginti quinque in sæculo; quàm felix esset commutatio, si possem dicere:
 unum annum in sæculo fui, in Religione 35. ! si nullum unquam Patrem,
 præter Patres Societatis novissem; nullos Fratres, præter vos, & Fratres meos;
 nullum negotium, præter negotium obedientiæ; nullam scientiam, præter
 IESUM crucifixum! Utinam saltèm vestram felicitatem attigissem, qui be-
 ne emanè intrâstis in vineam Christi! & vobis propemodum invideo *Can-*
ensii, & Carolo, qui tam maturè condicti sunt, ut suam pueritiam cum puero
 Christo consumant, cum illo pariter adolescant, & crescant demum in per-
 fectum robur plenitudinis, quæ est in Christo JESU. Quare gaudete Fra-
 tres mei tantis bonis, & magnitudine beneficij, quo vos DEUS honestavit,
 ut illius recordatio semper in promptu sit quâ diabolo, quâ mundo, quâ car-
 ni, quâ difficultatibus, & procellis omnium tentationum resistatur. Dica-
 mus, & sentiamus ex animo, nisi valde stupidi, & insipidi simus: Non est
 magnum, quòd servio DEO, sed revera magnum est, quòd me servum De-
 us habere voluit. Ego omnibus vobis de singulari charitate vestra, quam &
 præsens, & absens per litteras, & salutationes vestras, & discedens à vobis in
 itineris procinctu expertus sum, gratias maximas ago, nominatim *Melchiori*,
 & si quis est alius, quem antea nominavi, charissimo fratri æmulo meo, &
 compari dierum Societatis, sed meritis longè superiori; gratissimæ mihi
 fuerunt ipsius & litteræ, & res, quas binis jam litteris egit. Scribam cum R.

P. Rectore rationem aliquam, ut ordine totius rei constituto, perscribam illum de omnibus diligenter ante Festum Annunciationis B. Virginis, ut spero. *Stephanus Ungarus* recepit se scripturum, & semper tacuit. *Georgius & Carolus* gratulor ex toto pectore, qui nuper vota emisserunt. Fortia sunt vincula, Fratres mei, quibus vos fortissimè Domino concatenastis. quis eripiet vos de manu illius? num funiculum istum triplicem perumpet diabolus tam ignobilis, & infirmus, ut nè porcos quidem sinè facultate præcipitare potuisset? & quis est iste, qui imaginem DEI vivi præcipitare posset? non poterit facere, nisi nos ipsi oblitteremus imaginem, & cum illo in perniciem nostram conspiremus.

Haecenus licuit mihi vobiscum colloqui; nunquid pulsatum est a scholas primâ vice? avocor necessariò, & cras est festum, in quo plenius occupatus ero. Itaque non existimo me tempus habiturum plura scribendum scribam autem proximâ commoditate; & Fratri charissimo *Cantensi*, cujus me litteræ plurimùm delectârunt, & gratias ago DEO meo, qui inspiravit illi ætati tam bonam mentem. Accepi ab illo imagines, agnos DEI, & Reliquias S. P. N. Ignatij, magnum thesaurum, pro quibus habeo illi magnam gratiam. Saluto omnes vos ex animo meo intimè in Christo JESU. Postremum erit, ut R. P. Rectorem & P. *Aquensem* humiliter exoretis, ut condonent mihi hoc tam longum silentium, cujus potius culpæ adscribant, quàm oblivioni suorum in me meritorum. Omnium vestrum precibus me commendando. Valete. Pragæ, 26. Februarij An. 1575.

Edmundus Campianus

Ejusdem ad eosdem II.

Charissimi in Christo Fratres. Etsi hominum mores multò minùs apud vos ponderis, & momenti habere debent, quàm ille spiritus, qui absque verborum strepitu in auribus vestris loquitur; tamen nè hoc quidem charitatis genus inutile, aut supervacaneum est; erit pietatis vestræ, fraternitatis hanc Epistolam testem amoris, & officij mei benignè (quod soletis) accipere non enim quasi vobis incitamenta deessent, qui quocunque pergitis, vehementes aculeos virtutum omnium circumfertis, sed ut mihi potiùs ex hac usufructu temporis, quàm vos alloquor, quædam calcaria subministrarem, utque vestri memoriâ, sicutque perfunder, & meam in vos testificer voluntatem, has litteras exaravi. Atque utinam, quod ego dico, & vos facitis, illud vos mihi diceretis, & ego facerem! Scio enim, quanta sit libertas in obedientia, quanta jucunditas in labore, quanta in oratione deliciæ, quantum in humilitate Regnum, quanta in afflictione pax, quanta nobilitas in patientia, quanta in infirmitate perfectio. Sed has virtutes in usum, & actionem reducere hoc opus est, & hoc vestrum est, qui gloriosis curriculum Paradisi quædam spacia

conficitis in terris; ego, ut ille dixit, quâ potero sequar, non passibus æquis. Minimo igitur (charissimi Fratres) vita nobis non sufficit, quâ Christo gratias agamus, qui tanta nobis mysteria patefecit. Quis nostrum credidisset, si ab illo vocatus in hanc Scholam, & institutus fuisset, tot spinas, tot fæces, tot misérias, tot tragœdias in hoc mundo sub falsis nominibus honorum, ac voluptatis delitescere? quis putasset, culinam vestram Palatio Regali antelelere, pulmenta vestra convivij omnibus, molestias vestras aliorum dulcedini, pugnas vestras illorum triumphis, atque victorijs? Etenim rogo vos si quod isti tantopere cupiunt) omni vitâ spectaculis, & varietate locorum, ac hominum pasceretis oculos, num oculi vestri pingvescerent? si aures rumoribus, essentne pleniores? si mentem cupiditatibus, essentne ditior? si carum dapibus, num fieret immortalis? Hæ tenebræ eorum, qui addicti vanitatibus, nesciunt, quid sit beatè vivere. Putant enim, cum spectant, & exstant grandia, se multum profecisse, neque tamen centesimus quisque, quod somniavit, assequitur. Et si fortè quis assequitur, tamen postquam adduxit rationes, & curarum sarcinam, eventus lubricos, fædissimam ferocitatem, timores, insidias, cruces, fastidia, rixas, nequitias, numeravit, quæ semper habitant, semperque divexant amatores mundi, sinè dubio inveniet semetipsum turpissimum, atque egentissimum esse mancipium. Itaque vestrum suspirium, quo cælum anhelatis, præstat illorum perpetuis amoribus, quibus hæc lutulenta comparant: una vestra colloqvutio, cui interfunt angeli, superat istorum congressiones, & impura symposia, in quibus pocula propinant dæmones: una vestra diecula, quam DEO consecratis, dignior est illorum ætate universâ, quam profundunt in luxu. O Fratres! currite, quod cœpistis, & Divinam erga vos bonitatem, vestræque conditionis dignitatem recognoscite. Estne ulla Principum, aut Imperatorum purpura, ulla majestas, ulla jucunditas, quæ vestrum decus, atque solatium non dicam exæquare, sed adumbrare possit? illi (de bonis loquor) cum suis impedimentis sub Christo Duce militant; vos omnibus liberati cum Discipulis in consortium Domini familiare vocamini; illi in Regiam admittuntur, vos in cubiculum; illi ad opportuna pabula, vos ad cellaria refertissima; illi ad amicitiam, vos ad osculum; illi ad gazam pretiosam, vos ad thesauros intimos. Cogitate, quantis difficultatibus etiam illi, qui laudabiliter vivunt in hoc depravato seculo, premuntur, & tum facilius statuetis, quantum Divinæ misericordiæ debeatis, quæ vos in Societatem suam ex infinitis periculis vindicavit. Quam ægrè sequuntur Christum properantem, hostesque rebellantem, ij, quibus in sinu sedent fæminæ, in humeris liberi, in dorso prædia, in capite solitudines? quorum pedes catenulis illigantur, spiritus propemodum suffocatur? Estne insignis vestra felicitas, quos Rex adjunxit ad latus suum, quos texit paludamento suo, quos vestibus induit, & honestavit

R. P. Paulus
Hoffaus Re-
ctor Pragæ:

vit suis? quid magni est, si meos Amiculos pro illo deserui, cum ille pe-
Judæ proditoris laverit? quid mirum si meis Patribus obtempero, cum
ille Pilato morem gesserit? quid grande, si pro ipsius honore quippiam
portavero, cum ille pro mea salute crucem bajulârit? quid indigni, si per
cator reprehensiones fero, cum ille innocens maledicta, sputa, flagel-
vulnera, mortem sit perpeffus? Itaque quoties in hoc spectaculum intro-
mur (Fratres) toties manifestè deprehendimus, nil esse oportere neque tam
dulce, cujus illecebris, neque tam asperum, cujus horrore ab hujus Domus
complexibus divellamur. Processit mihi, ut videtis, hæc pagella, homi-
satis occupato. quocirca maturum arbitror, ut me reprimam, & vos rem-
tam ad illum Doctorem, qui suâ infusione sacratissimâ hæc multò fortius
animis vestris insonat. Illum audite, quoniam verba vitæ æternæ habet.
Ego, cum meâ sponte libenter, tum ex mandato R. P. Pauli Rectoris nostri
qui Brunensem Domum peculiari quodam amore prosequitur, eripui libe-
rissimè tempus hoc è negotijs meis, ut vobiscum verba facerem. Sed & Col-
legium Pragensè, quod vos unicè diligit, eodem hoc scripto suam in vos bene-
volentiam indicari, & plurimam singulis vobis adscribi salutem voluit.
me, quod attinet, non solum vos, sed etiam vestigia vestra Sanctorum
dum, quæ impressistis, exosculor, quæsoque à vobis, ut eleemosynam
quam mihi misello & inopi ex vestris fragmentis largiamini. R. P. Rec-
tor officiosissimè saluto, reliquosque PP. & FF. qui vobiscum degunt.
orsum præterea R. P. Aquensi, & M. Francisco magnam habeo gratiam,
me totum offero, qui me aliquoties in suis literis humanissimè salutârunt.
Valete. Pragæ, 10. Calen. Martij 1577. Ex mandato R. P. Rectoris,
Collegij Pragensis.

Vester in Christo servulus.

Edmundus Campianus.

Gesta Cam-
piani Pragæ

Hæc erant Edmundi eo tempore vota, hæc desideria, hæc studia, in quibus
eum Divina Providentia educabat, atque ad gloriosissimam mortem
hil minùs id temporis cogitantem præparabat, neque dubium mihi est:
ejusdem Viri consortio reliquos etiam Pragenses Socios inarsisse. Porro præ-
ter Rhetoricam, quam docebat, Latinas Conciones ad eruditissimas aures ha-
bebat, cum interea domi matutinus esset fociorum excitator, & vilissimus
culina, & mediaſtinorum officijs manus paratissimas commodaret; idem er-
Sodalitatis Præses, idem Contubernio Juventutis Præfectus, idem Orator e-
temporaneus in Rostris, idem in theatro Poëta, idem omnia, ut socij pro n-
raculo haberent, unum hominem tot, & tam diversos labores sustinere.
Campianus, cum novus aliquis imponeretur labor, quærere ex Superiorib.
solebat: utrùmne crederent, satis sibi adesse facultatis? quod si annuissent
nihil

nil ampliùs cunctatus exequabatur omnia, plus de se *Rectori suo* credens, am ipsemet sibi: *Rhetoricâ* aliquot annos docendo emenâ, *Logicam*, quæ etiam *Physicam* professus est, denique toto *sexennio*, quo *Pragæ* vixit, *privatim*, ut *Plautinè* dicam, jam ad scientias, jam ad virtutem discipulorum mos conformavit, tantâ felicitate, ut vitâ, & cohortationibus plurimos vitæ Religiosæ amorem incitaret, dicendo, & docendo omnes in admirationem sui traduceret; laudavit *Edmundi* facundiam frequens *Regni Nobis*, atque ipsemet *Rudolphus Cæsar* auditor præconium tribuit; *Archiepius Pragensis Antonius* (qui *Pragæ* *Edmundum* Sacerdotio initiârat, & hâbat intimum) jucundè dictabat: à *Wikleffo Anglo* omnia *Bohemiæ* mala provenisse (*Hussi*, & *Hieronymi Pragensis* ætatem, & hæresin respiciebat) *ELIUM* de *Anglo* homine providisse rursus (*Edmundo* videlicet) qui illa *Bohemiæ* vulnera persanaret. Ecce autem in hac celebritate famæ florentem *Campianum* A. 1580. Summi Pontificis jussu *Roma* evocat, inexplicabili *Præcium* omnium dolore. Narrant eâ nocte, quæ abitum *Pragæ Campiani* accessit, *Jacobum Gallum* Virum pium, & simplicitatis antiquæ, clam dormientis *Campiani* cubiculo inscripsisse: *P. Edmundus Campianus Martyr*: prædictionem, aut quidquid illud divinationis fuit, probavit eventus. Quæ inde gesserit per iter, & in *Anglia* sua *Edmundus*, laudati Authores profertur; captus tandem ab hæreticis, damnatus, raptatus, suspensus, semivivus de furca dejectus, usitata *Martyribus Anglis* supplicia invictâ mente perlit An. 1581. 1. Decembris. Elucubravit *Pragæ Campianus* inter tot occupationes suas quædam *Opuscula*, atque audeo dicere, paucis exceptis (inter quæ sunt *Protestatio ad Reginam*, *Rationes X. oblatis Certaminis*, aliâque paulula) reliqua omnia, quæ vel *Turnerus*, vel *Petra sancta* Noster *Campiani* nomine vulgârunt, sub *Cælo Pragensi* concepta primùm, & scripta fuisse. *Cuculum*, quod aliquot annis inhabitârat *Campianus*, quamdiu *vetus Collegium Pragensè* stetit, ejus effigie in *Ara* positâ (quod ego ipse memini) semper sit in honore; *Serenissimis Archiducibus Austriae*, *Legatis Regum*, & *Principum*, quoties *Collegium nostrum Pragensè* subirent, genua ponentibus, & *Campianum* in *Cælo* venerantibus. Ego privatim, & mecum nonnulli hac *Bohemiæ Provincia* gratulamur, Nos ab institutione *Campiani* lineâ reâ descendere; suus etiam est ingenij partus, suâque doctrinæ successio; quod, ut demonstrem, *Genealogicas Tabellas* imitabor:

Edmundus Campianus S. J. *Rhetorices Pragæ* Professor.

Edmundi Discipulus Pragæ: *Jacobus Pontanus* S. J.

Jacobi Pontani Discipulus in *Bavaria* *Matthæus Raderus* S. J.

Matthæi Raderi ibidem Discipulus *Jacobus Bidermannus* S. J.

Jacobi Bidermanni ibidem *Joannes Lupius* Soc: *JESU*, qui *Rhetoricam Pragæ* An. 1628. in *Collegio S. Clementis* pluribus consequenter Annis, &

Pragæ Campianus sexennio vixit.

Lucubrations Campiani.

Genealogia doctrinæ à Campiano deducta.

Brune An. 1633. docuit, ac plurimos è Societate nostra Discipulos numeravit, à quibus & *Ego*, plurimique alij ejusdem doctrinæ (ut ita loquar) filij, te procedimus.

Campiani
sublimis
character
Eloquentiæ

Pag. 123.
Tom. 1. an-
tiq. Lekt.

Hoc velut additamentum appono: omnia quæ à *Campiano* sunt, quædam prorsus Regium Eloquentiæ characterem habere, & altissimum, patrisque imitabilem Genium spirare. Sume in manus, oro, *X. rationes obli*ti *Certaminis*; quæ si in Bibliotheca Tua desiderantur, obvium *Henrici C*nisi *Tomum I. Antiquarum Lctionum* inspice, & in eo *Campiani ad Richa*dum *Cheneum Episcopum Glocestrensem* Epistolam perlege, quam Epistola *Vir ille Clarissimus* velut pretiosissimam semper in thesauris habuisse testatur profectò ipse ego, si alienus à *Romana Ecclesia* forem, securitatis æternæ gratiâ, ab ea amplectenda continere me, eamque averfari non possem.

§. CXIX.

P. Christophorus Spotecus S. J. Stocholmiæ in Svecia cum alijs tribus è Societate nostra, captus tortus Religionis odio, in vinculis moritur.

An. 1601. 14
Junij.

Spotecus
Pragæ in
studijs edu-
catus.

Spoteci
mors.

Alegambe
ad A. 1601.
in Mortib:
illustribus.

Christophorum Spotecum jure quodam postliminij in *Bohemiâ* trahendus *Pragæ* in contubernio *S. Wenceslai* (quod non ita pridem Catholicorum Procerum, præcipuè *Lubkovicorum* beneficentiâ excitum erat) primus omnium Alumnorum ejus Contubernij legitur, meritaque illa egregia juvenus gloriatur à Martyris nomine *Album* suum inchoare & in capite Libri sui, scriptum esse *Spotecum*. Natus erat *Zagorovia* in *Majore Polonia*; *Pragam* ad studia literarum cum venisset jam adultior, usque à Philosophiam pertendit, & omnium Examinatorum suffragijs *Lauream Philosophiæ Pragæ* consecutus, in Patriam revertit & quod se ad Societatem nostram vocari sentiret, ætatis anno circiter 27. admissus est. Sacris jam initiatus *Depatum* in *Livoniam* mittitur, quo An. 1601. Januarij Mensis initio à *Caro Sudermanniæ Duce*, proditione capto, *Spotecus* cum Socijs in potestatem venit, donatusque est *Christophoro Somero* Svecicarum copiarum Duci, infestissimo Nominis nostri; explicari non potest, quanta ibi ærumnarum segit obtigerit Socijs, quantum colaphorum, verberum & vulnorum, quæ ludibria, quàm amaros sales (cum quotidie adstarent *Somerij* epulantis mensæ fames devorarint, plerumque cogebantur sclopos, aliquando hastas olongas circumferre, equitare stultorum habitu, stultissimè, *Sommerio* (quo recusabant) jam risum, jam fletum, jam cantum, aliâque indigna imperant tortos fuisse, pro libitu, ad pudorem nudatos, affirmat *Alegambe*. Ut rerum in pauca conferam, *Rivaliam* semper in vinculis, inde in *Finlandiam*, post paul

Paulò *Stockholmiam* translati septem socij, miserijs & ærumnis peste contrahentibus, quatuor & ex ijs *Spotecus* omnium primus Junij 14. in summa egestate miseratus decessit: aliorum sociorum mortes commemorare me institutum non est. agit de his quem dixi, *Alegambe*, & noster *Tannerus*.

Aleg. l. cit.
Tann. in
noc. Milit.

§. CXX.

Damus Markowsky Nobilis Polonus, à Glacensibus hæreticis ob Catholicam Religionem necatus crudeliter.

Damus Markovvsky Equestris ordinis Virum in Polonia, Martyrem (legitimâ autoritate destituti) appellare non possumus, id solum affirmare, & contestari fide historicâ licet: eum ex odio Catholicæ Religionis occisum. Res sic contigit, quam hæretici Scriptoris *Ælurij* qui tum erat *Glacij* cum cædes facta est, testimonio comprobabo, ut veritas vel ex amicis patefcat: Anno 1604. duo Poloni Nobiles, qui pietatis causâ, in obitu Peregrinorum, *Compostella S. Jacobi Apostoli Sepulchrum* inviserant, Patriam suam *Poloniam* recto itinere per *Glacium* redibant; nihil illi de hæreticis *Glacensibus* inaudierant, sed Urbem Catholicam rati, *Parochialem B. Virginis Ecclesiam*, sic ut erant, cum baculo, cucurbitâ, conchylijs, aliisque peregrinorum Insignibus ingrediuntur; eo ipso tempore *Prædicans*, (ut vocant) dicebat ad populum; (erat Dominica 20. post festum SS. Trinitatis) vident Peregrini in ipso ingressu Ecclesiæ, *Sacellum S. Jacobi*, à Rhodij Equibus An. 1503. nondum hæresi *Lutheri* exortâ conditum; ad illud feruntur, innotant genua, precatorias *Coronas* in manus sumunt, orantque; *Populus Glacensis hæreticus*, qui observârat ingressos, velut visis manifestæ idololatriæ instrumentis confurgit, fit populi murmur. An *Prædicans*, qui hæc ex superiore loco videbat, vocem aliquam dubiam adversus Peregrinos emisit, non habeo dicere, hoc certum est, faciliè oratione suâ populum officij admodum potuisse; nihil minùs factum: murmur populi vociferationes excipit, nequam *Papistas in concione adesse, ejciendos, & tollendos è medio*. Revertant Peregrini, vident se omnium oculis designari & confici; confurgunt protinus, & cursu egressi salutem quærunt in fuga; plebs furiosa se ejcit in templo, fugientes sequitur, saxis consecantur; prior Peregrinus (cujus nomen ignoratur) gravissimè faucibus, evasit tamen ex Urbe, & inter arbuscula latuit; alter (quem *Markovvsky*, vel *Markufsky* appellatum diximus) à plebe furente deprehensus plurimis vulneribus concisus, & pro mortuo relictus, dum in vicinissimum pagum *Halbendorff* nescio quorum hominum misericordiâ deportatus esset, inter *JESU* & *MARIÆ* nomina paulò post expiavit. Erat grave periculum cæteris quoque in *Urbe Catholicis* concitato se-

A. 1604. 2.
Maij.

Ælur. in
Glaciogr. C.
3. sect. 1.

Seditio populi Glacensis excitatur in Peregrinos Catho-

Markovvsky
occiditur.

mel in rabiem populo, & maximè *Collegium Soc. JESU*, quod ante Glacense Caſtrum eo tempore ſtabat, à ſeditioſis monſtrabatur, ſed Conſulis, & Senatûs authoritate ſeditio conquievit. Crudele facinus ad *Cæſarem Rudolphi Pragæ* delatum; conjeſti in Carceres ſeditioſi, cùm nemo qui necem intuliſſet, nominari, in tanto tumultu, poſſet, uſquè ad An. 1611. carceribus detenti, tandem 2. Maij *Brigenſi Duce* apud Cæſarem agente, dimiſſi ad ſuos dierunt. Corpus *Adami Eccleſia Glaceniſis* hodiè que ſervat, oſſa ſcilicet ſervant, quæ ego memini pridem oſculo honorâſſe.

§. CXXI.

Quatuordecim Religioſi Patres, & Fratres ex familia S. Franciſci ſtrictioris obſervantiæ in Cœnobio Pragenſi ab hæreticis occiſi; tres item in Carlovienſi Cœnobio Canonici Ordinis Sancti Auguſtini.

1611.

ANno Chriſti 1611. 17. Februarij, crudelis laniena *Pragæ* peragitur *Zacæ* infandi Cyclopiſ, & Taboritarum exemplo poſt duo ſæcula renovato. Extrema ſæx hominum *Urbis Pragenſis* tum hæreticæ, du

Simeon Euſtach. in hiſtor. Sedlec:

Cœnobii
B. V. Mariæ
ad Nives va
ſtatur.

Cland.

*Crug. ad 17.
Febr.*

Miracula
poſt cædē.

Paſſavieniſis Exercitus (de quo eorum temporum hiſtoria) *Minore Urbe Pragenſi* captâ, *Antiquam* fruſtra oppugnant, collecti, prætextu quæſito, quod ſeſe in Cœnobijſ Religioſorum *Paſſavieniſes* occultarent, re verâ Religioſorum odio, ut omnibus conſtitit; *Cœnobium Eccleſiæ B. Virginis ad Nives* adſitum invadunt; Cellæ, Porticus, Turris, præfertimque ipſa Eccleſia, innocentiſſimè *Franciſcanorum* ſanguine redundavit. pro telo geritur, quidquid ſuggeſſerit ira, gladijs, haſtis, ſudibus præuſtis, tribulis ferro inteſtis, emiſſis è bombæ diſ globis, quatuordecim crudeliſſimè peremti ſunt, amaro convitio: mererentur Catholici nebulones, quos ipſe eorum DEUS, quem in Eucharisti latère ſibi ſtultè perſvaderent, deſereret; & ferebat tum, ut ſubduceret eum *Ciborio* (ut in Templis vocant) *Eucharisti* unus è Sacerdotibus, cui hæretici *Calviniano Spiritu* ebrij, utramque amputârunt manû, *hoſtias ſacras* effuſas (proh nefas!) pedibus conculcantes. Cruentum facinus neque hodie aboleri poteſt, ſanguine in parietibus quaquaverſum etiamnum lucente. Reſerunt, ſepulchro Martyrum poſt quinque annos aperto in *Sacello Sancti Michaelis*, corpora apparuiſſe vivida, recentia, plena ſucci, & ſanguinis, & coſteſtem quendam odorem ex ſeſe ſpirantia. Paulò poſt cædem, cùm vacuum cultoribus Cœnobium ſtaret, videbantur noctu in Eccleſia accenſa lumina, exaudiebantur voces pſallentium (iſſis etiam hæreticis audientibus) mediâ nocte *Matutinum*, DEO laudes canebantur; auſus curioſior quiſpiam

explorare, quid ageretur, & per rimam, quæ in Ecclesiæ janua hiabat, in-
 icere, vidit eosdem SS. Martyres, quos nuper defacie nôrat, luminaria
 æferentes, & Divinos hymnos canentes, Ecclesiam solenni ritu obire; in-
 cabat forsitan Divinitas, quantum cœlestis illa Religiosorum Virorum
 almodia numini placeat, quam absentibus Fratribus vel mortui perage-
 at; fôrsetiam ipsis, qui caneant, testimonium innocentissimæ mortis
 batur; non enim nisi chari DEO spiritus, DEO laudes decantant. Hæc
 Cænobio ad Nives; exquisitiora & nequiora, licet in pauciores, in Cano-
 nicos Regulares S. Augustini in Cænobio Carloviensi edita sunt crudelitatis
 templa: In Ecclesia ipsa Religiosum Clericum, in ambitu Conversum, ut
 ocant, confecerunt; Abbati, seu Præposito in triclinio deprehenso, ab ea-
 dem inapuratorum hominum sæce (sæminis hæreticorum, consumto scili-
 cit omni pudore, adstantibus, & indignis illi sexui convicijs insultantibus)
 imum excisa virilitas, tum pedes, deinde manus amputatæ, tandem (tor-
 menti sævissimum genus!) cum in coronam Sacerdotali more attonsum ca-
 ut viderunt, è vertice pellis tota detracta, quo in tormento spiritum exha-
 vit; nemo dubitavit unquam hæc omnia supplicia, odio sanctissimæ Reli-
 gionis irrogata; id convicia, & maledicta, id ipsimet, qui agebant, id deni-
 que ipsa tormenti genera satis ostendunt. Parabant in Slovanense Cænobi-
 um, in Wissehradenses Canonicos, in Societatis JESU Collegium ad S. Clemen-
 tem, in Monasterium Conventualium ad S. Jacobum irrumpere, & mortes
 hortibus augere; primos, & secundos latebræ texerunt; Societatis JESU
 Collegium turma Equitum è Nobilitate Bohemia collecta, Duce Georgio Wra-
 slavu de Mitrovitz defendit, & equestri procellâ venientes turbavit, à Con-
 ventualibus verò vim omnem, tribus lanionum Pragensium strictis securibus
 armata prohibuit.

In Cænob:
 Carloviensi
 hæreticorū
 rabies.

§. CXXII.

P. Joannes Ogilbæus Scotus S. J. occisus in Scotia
 Glasgvæ A. 1615. 10. Martij.

Hunc Virum fortissimum, & odio Religionis in Patria cæsum, Bohe-
 mia aut Moravia imputare non possum, nisi quatenus illum Novo-
 domense Collegium in Bohemia (ubi Rhetoricam jam focijs adscriptus
 audivit) aut Olomucense apud Moravos (ubi ad initium Anni 1609. Theolo-
 gie Morali operam dedit, & Contubernio Majorum Convictorum Magister
 & Theologus Scholasticus præfuit) educavit in studijs Literarum. Semper
 virtutes heroicas & quandam animi firmitatem etiam in ea studiorum occu-
 patione præferebat Ogilæus, sed mors pro Religione fortissimè tolerata, Vi-
 rum maximè celebrem reddidit & gloriosum. An. 1610. P. Joannes Elfen-

A. 1615. 10.
 Martij.

M. S. Colle-
 gij Novod.
 Archivum
 Provinciæ
 Boh. S. J.
 Ogilbæus
 in hac soci-
 etatis Pro-
 vincia vixit

Stonus Socio Joanne Ogilbeo mense Augusto Olomucio Parisios discessit, postea Sacerdos in Scotiam ad Catholicos confirmandos remissus est. Ja quatuor propè annos in eo obsequio sanctissimè versatus, prodicione captus & Glasgi suspendio necatus est. Vitam ejus innocentem, virtutes religio homine dignas, tormenta omnia & mortem læto & invicto animo tolerata. Alegambe & ex eo Tannerus latissimè describunt. Ego quiddam adjiciam quod illos ignorasse scio. Anno 1656. & sequentibus in Collegio Novod mensi studiis Magistrorum nostrorum Rhetoricam repetentium præeram, ibam per eos annos frequenter dimidiati diei itinere Trebonam ad Gubernatorem loci Joannem de Eckersdorff Baronem: fortè evenit, ut super me fam, Angliæ, aut Scotiæ (non enim rectè memini, cum anni sint facilè senis pra vicinos) mentio fieret, hinc Gubernator debere se Scotiæ salutem suam clare profiteretur; mirantur dictum convivæ, ego causam sciscitor, respondi propter beatum illum in Scotiâ Martyrem Ogilbeum, quo homine fortius constantius mori quempiam nè quidem in acie vidi. Pergit: Juvenem inquit me, Parentes hæretici ex Piccardorum schola in alienas terras miserant Genève & Galliâ totâ peragrata in Angliam navigo, inde in Scotiam: mirabili Dei providentiâ accidit, ut Glasguam venirem pridie ejus diei, quo P. Ogilbeus afficiendus erat supplicio; hospes me ad spectaculum diei sequentis invitavit; adest tota Civitas, producit Ogilbeus, præsentique animo scalas ascendens, in eo ascensu orans & Catholicos si qui adestent, confirmans, tandem coronam precatoriam me spectante in populum jecit. Res mira! Corona illa precatoria rectissimè in caput meum incidit, & collo inferitur, omnes certatim (sinè dubio Catholici) coronam sibi poscebant; ego dum turbam præmor, velut sacrilegio contactus, propere coronam excutio, meque permolesta concussione, expedio. Ita tum discessimus; at postea per otium cogitanti semper se offerebat illud: cur in me unum corona incidisset quid hoc sibi vellet? Occurabat simul invictus Ogilbei pro Religione Catholica morientis animus, aliâque hujusmodi; hærebat, inquam, ille aculeus totâ illâ peregrinatione & in Patria multis annis, dum tandem à Societate vestra (me appellabat) Patribus probè instructus ad Catholicam Religionem accederem. Adjecit: Utinam nunc illa Corona Beati Patris Ogilbei quam tunc hæreticus abjeci, venalis foret, profectò nulli pretio parcerem, quam mihi comparate licret! hæc æneus Viri Illustrissimi ætate, authoritate, & prudentiâ Magni, & apud Serenissimum Archiducem Leopoldum, Ferdinandum III. Cæsaris fratrem, gratiosi, totiq; ejus Aulæ acceptissimi narratio.

Mira narratio de Corona precatoria Ogilbei.





§. CX XIII.

Johannes Ernestus Schofferus Austæ in Urbe Regia
Primas ob Religionem Catholicam hæretico-
rum conjuratione crudeliter trucidatus.

Schofferum in illo hæreticorum Procerum Regno A. 1618. *Austenses* con-
jurati, non tam confecere vulneribus, quam odio Religionis inter ma-
nus lacerarunt. Juerit ad rem perspicendam penitus, *Vita Schofferi*
nem, quantâ fieri poterit, brevitate complecti, & à capite primisque initijs
rationem auspicari; præsertim quod hæc quæ referemus, paucissimis ho-
viventium nota sint, magno conatu hæreticorum abolita, cum tamen do-
mentis legitimis (quæ mihi sponte venerunt in manum) comprobari om-
possint. Natus est *Schofferus Frankofurti ad Oderam* priore sæculo Pa-
Viro inter suos primario, & quod mirere, Catholico; insuper honora-
m officio in *Electoris Brandenburgici* Aula vixisse tradunt; mors immatura
rupit omnia; mortuus parvos liberos cum Conjuge, quæ Calvinii placita
quebatur, omni auxilio destitutos, reliquit. Non licebat per leges illic lo-
rum hæreditatem paternam, nisi *Lutherum*, aut *Calvinum* profiterentur,
ire: ad id præstandum etiamnum *Pueruli* adigebantur; vide mihi animi
mitatem, & fidei quam à Patre didicerant constantiam! exulare & igno-
s terras sequi maluerunt, quam Religionem mutare! ergo exules mendi-
li *Glogoviam* majorem petunt; ibi *Christianus* natu minor remansit, *Joan-*
Ernestus major, *Pragam* usquè decurrit. Studia literarum apud Nos ex-
sus cantando sub fenestris Civium, obsonabat famem, & vitam inter pre-
s misere trahebat, somnum verò nocturnum in vasis, quæ plurima *Pragæ*,
nte Domos & braxatorias (ut vocant) officinas jacere solent, renovato *Dio-*
nis exemplo, capiebat. Evénit aliquando bonâ fortunâ, ut *Guilielmus*
Slavata Vir Catholicus (quem postea *Summum Regni Cancellarium Bohemia*
abuit) præterveheretur, ad *Missam de B. Virgine in Aurora*, quam *Rorate*
ocamus, in *Templum* properans, hic audito in vase strepitu, jubet, quid il-
o in vase lateat famulos explorare; extrahitur semisomnus ex vase *Puer*,
quem cum ipse *Dominus* ad se adductum rogasset, quis esset, quid ageret? &
x promptissimis & paratissimis responsis *Pueri* ingenium animadvertisset,
omperto præsertim *studiosulum*, rerum omnium egentissimum (cui hominum
generi præcipuè, *Slavata* comòdum se & benignum præstare solitus erat) mi-
ericordiâ suo generi innata animum subiit, jussitque *Puerum* ad se domum
adduci; ex eo jam tempore *Schofferus* apud *Slavatas* domesticus fuit: victus,
vestitus, lectus, libri, aliâque necessaria omnia liberaliter *Puero* præbebantur,
cùmque ingenij & diligentiae merito inter Condiscipulos emineret, amatus à

1618. 20. No-
vembriis.

Schofferi
prima ætas

Puer hære-
ditatem pa-
ternam a-
mittit Reli-
gionis Ca-
tholicæ cau-
sâ.

Summa in
studijs ege-
stas.

Puer apud
Guilielmū
Slavatam
educatur.

Do-

Confectis
studijs ad
Aulam vo-
catur.

Primas Au-
stæ consti-
tuitur.

Ob Catho-
licæ religi-
onis Zelum
conjunctio
in Schoffe-
rum.

Ceremo-
niæ conjura-
tionis.

Domino, excultus, & bene ornatus procedebat in publicum; denique cum id sibi placere Domino significasset in alias Academias procul missus est. Sicut in viam largissimè sumtus suppeditante. Academiarum spatij sunt comendatione ingenij decursis, suo jam cortice natum Schofferus incepit, quæ facile fuit homini, qui in utriusque Juris scientia maximos fecisset progressus, & in causis regnaret; diu hoc fuit, sic ut celebris Jurisconsultus nomen obtineret, quo merito Serenissimus Archidux Leopoldus Rudolphi II. fratrem idemque Passaviensis Episcopus, ad se Schofferum, stipendio liberali constituto, à Consilijs sibi esse voluit, multosque ibi in Principis Aula annos honoratissimè consumpsit; sed jam tum quietem aliquam respiciebat, & in Bohemiam quasi alteram Patriam, aut certè Nutricem reversus conjugio sese illigavit, ac denique commendatione omnium, qui hominis dotes noverant, Austriæ Urbem Regiam, id temporis opulentam & splendidam, Primatum Urbis, Slaviam præsertim connitente, oblatum accepit, & consedit; nec in eo munere eximia Viri probitas, & doctrina desiderari potuit: Rudolfo II. Imperatori primùm, deinde Mathiæ ac Ferdinando II. commendatus, propè in familiaritatem Principum penetravit. Carmina Schofferus non triviali venâ pangebatur, quæ Typis mandata plausu Eruditorum excipiebantur, hodièque perennant: Consilia ejus Juridica, quod semper legibus niterentur, felicissimè ibant sub mænibus. Contigit ut Mathias Imperator, & Ferdinandus II. Rex Bohemiarum signatus, Dresdam ad Saxoniam Electorem Joannem Georgium descenderent, Austriamque transirent, Schofferus noster Oratione disertissimam Principes salutavit; quo facto & Aulæ approbationem, & novum in se Principum amorem obtinuit, jamque tum Aulici quosdam honores Viro destinabant, nunc paulò post exorta hæreticorum Rebello, & cædes pro Religione tolerata, quam nunc narrare aggredior, scenam illam plenam Dignitatis clausissent. Nihil in Schoffero eminebat magis, quam Catholicæ Religionis tuendæ, & proferendæ studium; uno Schofferus apud Austenses, & in ea vicinia sustinebatur Catholica Religio; cavebat ille sollicitè, nequà sublestæ Fidei Præcones Austriam irrepererent, unus ille pervicit, nè Ecclesias occuparent, nè dogmata sua populo venderent, nè Civibus placerent; cumque eo ipso tempore imperatam à Rege odiosissimam hæretico populo Reformationem Civitatis, & ad Catholicam Ecclesiam reditum, paulò fortiùs, & intempestiviùs (ut quorundam fuit opinio) urgeret, nimirum velut in scopum, omnium hæreticorum odia & tela dirigebantur. Viginti quatuor Civium Austensium primores hæretici fide inter se datâ, silentio maximo in Domum quandam conveniunt, ac priùs Diris omnibus & execrationibus devoto Schofferi capite, Scutellum locant in medio vini plenam, tum sanguine è digitis acubus expresso, per omnia sacra in necem Catholici Primatis, verbis conceptis jurant, simulque intinctam in vino & sanguine panis buccellam degustant; hoc cruento Fur-

arum

um sacrificio Schofferum hæretici destinabant ad mortem. Non erat ille
 an hebes, & rerum incuriosus, ut odia suorum Civium ignoraret; videbat,
 quantumcunque tegerent, in ipsis vultibus animos ferarum, excidebant illis
 culenta verba nonnunquam, se signari unum oculis, & configi perspicie-
 bt. Ergo ad minuenda odia, quæ per absentiam, & sæpe ipso tempore ex-
 rant, causam suam probaturus, ad *Cancellariam Regiam Pragæ* discessit,
 osque Cognitores, seu *Commissarios* impetravit, qui *Civium* adversus se
 erelas cognoscerent, facturum se satis omnibus pollicitus: venere *Austam*
Commissarij, & Cives audiere. Schofferus prolatis *Regiæ Cancellariæ*, &
Cæsaris mandatis, omnia quæ molesta & odiosa fuissent, imperio Majorum
 esse clarissimè demonstravit, idque etiam *per sententiam à Commissarijs* la-
 m obtinuit testantibus: Schofferum nunquam quidquam arbitrio suo ges-
 se, præter quod in mandatis habuerit. Neque tamen ea *Pronunciatio*,
Conjuratorum animos flexit, præsertim comperto, quid *Pragæ* actum esset
avata & Martinicio ex *Senaculi fenestris* in mortem certissimam nuper e-
 tis) impunitatem omnem sceleri suo promittebant; decimam septimam
 novembris diem cædi designant, quo die tumultu excitato prodirent in pu-
 cum. Confurgitur; ante omnia *Urbis portæ* clauduntur, effringuntur
Carceres, *Campana Curia*, ut in summo periculo fieri solet, pulsatur; *Con-*
grati suâ vociferatione ad oppugnandam *Primatis* domum contendunt
 amati. Videt venientes Schofferus, & brevi consilio cum *Sacerdote Ordin-*
medicorum (qui tum mirabili fortunâ apud *Primate* aderat) capto, *Cate-*
am auream, quam à *Cæsare* sibi donatam gerebat, in *filiolæ* collum (ex cujus
 niculæ narratione, adhuc superstitis, hæc minutiora accepimus) injectâ,
 eodem *Sacerdote* evadens sub tecto sese occultat. Seditiosi jam aucti
 numero per fenestras domum inscendunt, & latibulis omnibus pervestigatis,
 um reperire hominem non possent, *Vigilias Domui* circumponunt. La-
 it eâ die & consequente nocte Schofferus, & quia se evasurum sperare non
 poterat, *Sacerdoti* illi peccata diligenter confessus ad mortem sese pijs affecti-
 us comparabat; nec cum tristis expectatio fefellit: Anus quædam hæreti-
 latentis Schofferi facit indicium: fit confestim totâ *Urbe* clamor, curritur
 ad *Primatis* domum; primi qui conjuraverant, manus injiciunt, & nihil re-
 ugnantem de tecto dejiciunt, & per omnes gradus raptant, detrahuntque in
 rum cum mille maledictis, ut causam cædis quisque conjicere posset, in
 catholicos; hunc unum esse petendum, qui *Civitatem* ad *Papisticas superstiti-*
nes coëgisset, qui *conscientias* onerasset, qui *bonos Viros*, & *fidei præcones* eje-
 sset, &c. invadunt jacentem omnes; primus *Lanio* quidam à Schoffero ab
 infantia educatus, & benignè semper habitus, inflixit vulnus, tum secuti cæ-
 eri tanto furore, ut se quisque carnificem esse gauderet, plurâque illata sunt
 vulnera, quàm vivens tolerare, & mortuus propè posset excipere. Ducenta

Schofferus
 à Commissa-
 rijs innoxius
 declaratur.

Invaditur
 Domus à
 Conjuratis.

Capitur
 Schofferus.

Occiditur.

septuaginta aliquot (miror suffecisse unicum corpus!) numerarunt Pollin-
res, qui Schofferum mortuum, & suo in sanguine submersum, sic deform-
tum, ut vix posset agnosci, tumularunt.

Causa mor-
tis.

Hunc finem habuit fœdissima Conjuratio, quam etsi varijs colorib;
excusare conati sint Hæretici, ut ex *Apologia II. Ordinum Hæreticorum* pate-
tamen id ipsimet fatentur ultro, unicam & potissimam fuisse causam: quæ
adversus *litteras Majestatis*, (ut vocant) egisset, quod violentè hæreticos or-
primeret, quod *Papismum* in libera Civitate propagaret, & omnibus obtr-
deret, &c. Percussores Schofferi diversis mortibus misere perierunt: Lan-
de quo dicebam antea, exuberante proprio sanguine suffocatus interijt. *Ep-*
taphium quod in Austensi Ecclesia legitur *Perillustris D. Joannes Ernest-*
à Wolfsberg Schofferi ex filia nepos à se descriptum, (quod frater *Christian-*
scripserat, & saxo incidi curaverat) mihi submisit, estq; hujusmodi:

Epitaphiū.

Joanni Ernesto Schoffero Emulianada ab Embleben Francofordiano,
Utriusque Doctori, ac Comiti Palatino celeberrimo, Sacra Casarea Majest-
tis, Divi Mathie, nec non Serenissimi Archiducis Austria Leopoldi Consiliar-
dignissimo, Regalisque hujus Reipublicæ Primati, à Conjuratis interemto in ip-
atatis umbilico ac dignitatum flore, plusquam Neophalaridea crudelitate di-
centis septuaginta aliquot ictibus (ô fata!) Anno 1618. 20. Novembris, æta-
44. Quisquis es Christiane Cosmoxene lacrymas lugens sparge, & an-
ma DEO, divinisque fruitura requiem apprecare aternam; Parcarum cer-
tudine edoctus mortis genus ignorari.

Christianus Schofferus ab Embleben,
J. U. Doctor.

§. CXXIV.

P. Melchior Grodecius S. J. occisus in Ungaria
Cassoviæ An. 1619.

1619. 7. Sept.

Tormenta
ab eo tole-
rata.

Melchior Grodecius seu Grodeczky Tieffinij in Silesia nobili & illust-
loco natus à Calvinianis cum P. Stephano Pongratz, & Marco Cr-
sino, Strigoniensi Canonico, Cassoviæ quatuor dies fame, siti, alijsq;
incommodis, præsertim fidiculis, ac novo suppliciorum genere, silicem in-
ter & rotam bombardarum interceptis, compressis, & dilaceratis, quibu-
dam corporis partibus (quas nominare pudor vetat) excruciat, sanctissim
Religioni vitam impendit An. 1619. 7. Septembris, ætatis suæ anno tricesim
septimo, Religionis sextodecimo. Erat ut significavi, familiâ prænobil-
& per Poloniam, olim & Silesiam, Moraviâque latè diffusa Grodeczkiorum.
qui vexilla Templorum gestant in clypeo. Noster Melchior Patrum habo-
bat Joannem Episcopum Olomucensem; Cognati, seu sacra munia, seu pre-
fan

Prima ætas
Grodecij.

ca spectares, opibus & honoribus affluebant, certamque honorum spem
ocunque se verteret, *Melchiori* præbebant, at ipse rebus & spebus omni-
s contemptis, emenso *Humaniorum Disciplinarum* curriculo circa A. 1604.
cietati nomen dedit, & *Brunæ* Tirocinium quod *Patruelles* sui *Grodecij* fun-
rant (quantvis ea fundatio dolo & vi certorum hominum interversa sit, ut
istoria *Provincia* narravimus) *Brunæ*, inquam ingressus; finito, sumâ ad
tutem coneritione Tirocinio *Pragam* An. 1608. ad Philosophiam missus
inde triennium propè in *Grammatica* tradenda *Glacij* exegit; Invenio
um *Grodecio* ad Sacerdotium evehendo properâsse Majores; maxima vide-
et tum erat paucitas operarû, præsertim qui *Bohemicam* callerent, deinde id
debat ætas ipsa, *Societatem* enim intravit adultior anno jam vicesimo se-
ndo aut tertio expleto; itaque *Grodecio* ipso non invito duobus annis *The-*
giâ de Moribus *Pragæ* auditâ, Sacerdotio initiatus An. 1614. statim adhibe-
gerendis rebus cœpit: mittebatur per frequenter pro concione varijs in
mplis dicturus, præsertim ad villas, & *Copaninæ* ad *S. Mariam Magdale-*
m omnibus propè Dominicis & festis conciones habebat. A. 1616. Con-
pernium *S. Wenceslai* educandum & regendum *P. Melchiori* committitur,
od in extrema rerum penuriâ, mirâ, & patientiâ & charitate sustinuit.

An: 1618. ab Augusto ad Decembrem *Tertium Probationis* annum ab-
vit, sc̃que optimè comparavit ad mortem. Abhinc velut aptissimus ad
ereticos Ecclesiæ conciliandos, *Cassoviam in Ungariam* Majorum imperio,
osectus & *P. Stephano Pongratz* socius datus est, ibi illa gesta sunt, quæ latè
legambe & *Mathias Tanner* Nostri describunt; denique vitam Sanctissi-
ne actam Martyrio clausit; fame, algoribus & siti propè enectus, laceratus
membris ubi acutissimus & doloris & nuditatis est sensus, ab hæreticis confe-
tus, facibus admotis, alijsque tormentis ad *Religionem Catholicam* deferen-
um pertentatus, cum nihil efficeretur, impositis vulneribus plurimis, &
conciso capite interemtus in cloacam abjicitur; unde post aliquod tempus,
us & sociorum sacra corpora extracta, mundatâque, & quindecim ferè post
annis *Tirnaviam* deportata sunt.

Hæc suprema ex citatis modò Authoribus, superiora ex *Manuscriptis* Miraculum
Provincia Libris excerpti; addit in Paralipomenis *Alegambe: Antistitam* post mortē.
Virginei Cænobij Tirnaviæ sanctè testari in earum Virginum Templo (ubi *P.*
Melchior & *Stephanus* conditi sunt) ex eo tempore frequenter Angelicos
cantus auditos, idque juratis testibus confirmari posse. Plura ejusmodi
mira loco citato leguntur.





§. CXXV.

Joannes Sarcander Decanus Holeffoviensis, ut Secretum Confessionis aperiret, à Calvinistis tortus, excruciat, & necatus Anno 1620. Olomucij.

A. 1620. 17.
Martij.

Sarcandri
studia & of-
ficia.

Arcanum
Confessio-
nis revelare
non vult.

Summāria
narratio
mortis A. R.
D. Sarcan-
dri Holeff.
Decani.

Joannes Sarcander Skoczovia in Silesia natus, humaniorum studiorum curriculo emenso, in Contubernio S. Wenceslai Pragæ studijs Philosophicæ operam dedit, & supremam Philosophiæ Lauream indeptus, etiam Theologiam audivit, posthæc Ecclesiasticis oneribus, & honoribus cœptus est admo-
moveri, ab innocentia vitæ, fidei Catholicæ promovendæ zelo, aliisque vi-
tutibus, quæ cum statum concedent, plurimum cōmendatus. Cū ver-
subinde Heretici Moraviæ status exutâ Regis sui fide, Magistratus sibi nove-
statuissent, inductique in Moraviam Cosacci adversus hæreticos pro Regi-
partibus pugnarent; credebant Rebelles eam rem consilio, & instinctu Lad-
slai Popelij à Lobkovicz (qui antè Moraviæ Supremi Capitanei munus gessi-
rat, & quem captivum tenebant) esse perfectam; cūque insuper (falsò, &
stultè, utpote rerum nostrarum rudes) crederent omnia hujusmodi consil-
Sacerdotibus in Confessione patefieri, Joannem Sarcandrum Holeffoviensem Pa-
rochum (quo à Confessionibus sacris Lobkovicius Holeffovij Dominus uteba-
tur) captum minis, tum quæstionibus habitis, tormentis adhibitis usque ad
mortem ipsam excruciarunt, ut fateretur: utrūne Cosaccorum inductio co-
pus Lobkovicij fuerit, quæ consilia adversus ipsos, & eorum Religionem inive-
rit, aliæque hujusmodi, ut eo testimonio Lobkovicium reum peragere possen-
at à viro fortissimo Sarcandra nihil in tormentis aliud, quàm IESUM, MA-
RIAM, ANNAM, ingeminari audierunt. Cruciatus, & tormenta brev-
vissimè oculatus testis describit in hunc modum:

*Epitome, seu succincta, & vera narratio torturarum, atque carnificina-
quam gloriosus Martyr R. D. Joannes Sarcander de Skoczovia, Parochus, &
Decanus Holeffovij innocentissimè à Calvinistis Rebellibus Sacra Casarea Ma-
jestati in Moravia Olomucij pertulit, ac interfectus est Anno 1620. Conscr-
pta Germanicè à teste oculato Magistro Joanne Scintilla, Concive, ac Judic-
id temporis Olomucensi, & Illustrissimo Cardinali Francisco à Dietrichstei
oblata.*

Olomucium abreptus, carceribus publicis, torturæque immanissimæ
instar Patriæ Proditoris traditur R. D. Joannes Sarcander. Primâ torturæ
die 13. Febr. 1620. manus post terga in altum funibus eductas ex vertebra su-
spendunt: pedes gravi mole deorsum premunt, ut tenso corpore, nudòque
dolorosius supplicium inferant. At ex innocente nil exprimentes abierunt.

Di

Die 17. Eebruarij. Iidem *Examinatores* secundam in eo exeruerunt
 turam, quæ quanquam acerrima fuit, tamen longè gravior eo nomine, Tortura ejus

Die 18. Februarij, redeunt deputati *Examinatores*, vino fumantes, ac
 ones bene poti: *Hartmannus à Puchaim* mandat, ut carnifex Martyrem
 in candelis, sed facibus urat. Quibus absumtis stomachabundus carnifex
 reijcit residua frustra. Hinc à *Stiborio Ziernovusky*, & à *Benedicto Praschma*
 octus, ardente picce, resinâ, sulphure, denique plumis oleo tinctis horren-
 tum in modum præcordia, ventrem, latera, lumbos, costas (quæ ab igne
 mollitæ solo flatu solvebantur) ambussit, adeò, ut viscera, quæ clarè vide-
 antur, ægrè intra sinus sese cohiberent. Tacco, quàm execrabiles artes
 ingicas, in *innocente Martyre* debuerit carnifex exercere: siquidem *Calvi-*
stis incredibile, atque impossibile videbatur, solâ patientiæ virtute tanta tor-
 menta perferre, ac non commoveri, ut ad illorum vota responderet: sed om-
 no putarant *Martyrem* eodem mille artium magistro niti, quo illimet erga
 affecti erant: durarat hæc tortura ampliùs quàm ad tres horas. Summa:
 tam citiùs, nedum corpus totum amittere paratus erat *Martyr*, quàm in-
 centiæ suæ notam inurere, aut *Sigillum Confessionis* violare, uti avidè tru-
 lenti *Calvinistæ* flagitarant. Quartam Torturam illaturos summa Injusti-
 tiâ, vel magis Ignominia, & hominum respectus vetuit attentare. Post hæc
 quatuor septimanis in eisdem carceribus in gravissimis doloribus patientissi-
 mè supervixerat. Tum 17. Martij obdormivit in Domino, & 24. ejusdem,
 neq; priùs) mandari terræ poterat, prohibente *Lutherano Senatu*, dicenteq;
Puchaimio: *Meliùs perduellis ad patibulum, quàm in tam spectabili loco sepe-*
retur. Tandem post dies septem ab obitu, annuente Capitaneo Provin-
 ciæ *Lumpenburgio*, sepultus erat in Parochiali Templo Beatissimæ Virginis in
 sacello *S. Laurentij Martyris*, ante Altare *S. Barbaræ Virginis*, & *Martyris*
 anno ut supra 1620. die 24. Martij.

Epitaphium Joannis Sarcandri in Ecclesia Beatissimæ Virginis Olo-
 mucij, in Sacello *S. Laurentij* saxo incisum:

REVERENDO DOMINO

JOANNI SARCANDRO DE SKOCZOVIA, PHILOS:
 MAGISTRO, PAROCHO HOLESSOVIENSI, CHRISTI MAR-
 TYRI GLORIOSO, FRATRI SUO DULCISSIMO:

Ora pro Fratribus, & tota cognatione Tua B. Martyr!

Habes in hac sacra Hostia sub hoc saxo recondita, Catholice Lector, Lau-
rentianum spiritum, quem ab Equuleo pendentem, nulla probra, funes, nervo-
rum, venarumque ruptura, ignes, sulphur, pix, adeps, superare potuerunt:
tum ut Thesaurum sacre Confessionis absconditum revelaret; tum ut fidelem
Sacre Cæsareæ Majestatis Moraviæ Capitaneum Baronem Poppelium, per-
juris

Epitaph. in
Eccl: B. V.
quod ei Ni-
colaus Sar-
cander fra-
ter Canon:
Olomuc:
confecit.

juris Rebellibus Tyrannis, Pseudocapitano, & Directoribus, Innocens Innocentem, Patriæ proditorem, falsò de inductione Cosakorum in Moraviam spectum ediceret; hujus corpus quantumlibet totum ad ipsa usque intestina, cum nonnullis costis continuâ flammâ exustum, octo inhumatum diebus, mi odoris nares piorum recreavit fragrantia: facies vivi exhausta, & pallida, defuncto velut rosacea, rubicunda conspiciebatur. Fatebuntur hæc, & plura Testes oculati, Olomucenses Catholici, extrema quæque à dictis hæreticis Rebellionem pro Te FERDINANDE II. Imperator Gloriosissime passi: confundentur sanguisuga hæretici, si tu pie Lector de ijs dubitaveris.

Vox Martyris Torti, Tostique.

Flammeus est animus, flammisq; calentior ipsis;

Et flammâs flammis addere vultis adhuc?

Perdere me vultis? non flammâs addite, flammâs

Tollite, sat perij, si mihi flammâ perit.

Hucusque Epitaphium.

§. CXXVI.

Carolus Spinola Soc: JESU. Pragæ in Bohemia natus, in Japonia Nangasacki lento igne cum pluribus alijs ex eadem Societate 10. Sept: A. 1622. pro fide Christi combustus.

An. 1622.

P. Carolus
Spinola Pra-
gæ natus.

Testimoni-
um ea de re
Marchionis
Spinolæ.

Non auderem Carolum Spinolam fortissimum Christi Athletam inter Bohemia Martyres computare, nisi præcessisset exemplum. Quod P. Carolum Genuæ editum & Genuensem appellant, quos inter est Algambe, familiam Illustrissimam, inter celeberrimas Urbis illius Spinolarum, sine dubio respexerunt; at si Nativitatis Locus spectetur, Pragæ Bohemia Urbem Patriam habuit Carolus, ut Tanner affirmat, idque ipsum ex Patris ejus Octavij sepulchrali carmine, quod in S. Viti Ecclesia marmori incisum hodieque legimus, fatis datur intelligi. Natus est anno 1564. Patre Octavio Spinola ex progenie Comitum Tassaroliorum, quem Rudolphus II. & Rex, & postea Imperator intimum suis Consilijs semper habuit, & inter Aulæ suæ Proceres Titulo Magni stabuli Magistri adlegit. Legatur Epitaphium Pragense in Ecclesia Metropolitana S. Viti. in Porphyretico marmore, in quo ipsius Octavij Effigies Cataphraeti stantis columnæ index spectatur.

Hanc de Caroli Spinolæ Pragensi nativitate sententiam, cum Illustrissimo Marchioni JULIO Spinolæ (qui Cæsaris Aulam sequitur) legendam nuper obtulissens, ac timidè Carolum Pragæ natum assererem, statim ille Nobis

mus, & humanissimus Vir, quid, inquit, dubitas Pater? Carolus Spinola
 pater & Vester, Praga, & Matre quidem Bohemâ editus in lucem est. id non
 à Familiae nostrae traditio confirmat, sed manibus ipsae literae tenentur (qua-
 rum exemplum Genuâ ad Te Pragam perferri curabo) in quibus literis disertè
 Patavius Pater Caroli, susceptum hunc filium à se Pragâ confitetur.

Carolus pueritiâ egressum Pater Genuam ad Amicos misit, ac præci-
 pi Cardinali Philippo Nolæ Episcopo commendavit, ubi ille lecto P. Ru-
 dophi Aquavivæ apud Salsetanos Martyrio tantâ mortis pro Christo obeundæ
 auditate exarsit, ut quò consequi eandem gloriam posset, Societati nomen
 addiderit. Si vellem, in ejus virtutibus & vita commemoranda diutiùs im-
 morari, paginas implerem, justumque volumen conficerent, quæ de eo La-
 tîcè, Italicè, Hispanicè, Lusitanicè varij Authores consignavere literis, ex qui-
 bus Philippus Alegambe præcipua quædam in suis *Mortibus illustribus* exscri-
 bit. Verbo: invidendâ sæculis animi firmitate vitam in igne lentissimè
 consumens depascente, finivit. In Japonia Nangasachi 1622. 10. Septembris.

Lectione Ru-
 dolfi Aqua-
 vivæ morte
 ad Societa-
 tem accedit

In igne o-
 bijt.

§. CXXVII.

Vitus Weifman Laicus Soc: JESU. à Tartaris A.
 1623. 22. Octobris Czeikovicij in Moravia ob-
 truncatur.

ANnus 1623. ingratos hospites in Moraviam attulit, Tartaros videli-
 cet, qui à Bethleemo Gabore hæretico evocati, Comite Turnio Constan-
 tinopoli procurante, in Ungariam, deinde etiam in vicinam Moravi-
 am ascenderunt; Czeikovicium Collegij Olomucensis ditio, quò se peste
 dum regnante, complures à Collegio receperant, subito à Tartaris occupatur;
 vasere in vicinas vineas plerique Nostrorum hominum, Vitus, qui coquinæ
 præerat, cum duobus tribusve socijs deprehensus, cum in genua cecidisset,
 & que DEO supplex commendasset, obtruncatus est; P. Joannem Urbani
 procuratorem Collegij multis vulneribus prostratū pro mortuo reliquere, qui
 postea miraculo, ut creditum est, convaluit, & ad undecim annos vi-
 tam produxit: quendam Sociorum Collaris, quod fartum, & erectum ha-
 bebant, durities defendit, nè ictum, caput amissurus, reciperet, in hoc rerum
 articulo Nobilis quidam Ungarus supervenit, & reliquos Nostros exemit pe-
 riculo, & suos captivos affirmans, Tartaros removit. Hæc à R. P. Blasio Sla-
 vino postea Provinciale Bohemiæ audivi, ita clades universa intra unius mor-
 tem constitit. Erat Vitus Weifman An. 1591. natus in Palatinatu superiore;
 anno 1621. 31. Martij Passavij in Societatem receptus, arte hortulanus, sed co-
 quinam in Societatem jam admissus didicerat, idem cereus in virtutem flecti,
 dili-

Tartari in
 Moraviam
 irruunt.

Cædes
 Weifmani.

Mortis præ-
 sagium.

diligens in munijis, Superiorum dicto semper audiens, orationi cælesti decantissimus. Olomucio Majores eum miserant, ut culinam *Czeikovicij* curaret; at ecce die 22. Octob: quo *S. Ursula ab Hunnis* cum tot *Virginum* millibus perirent, memoria agitur, postquam majore, quam unquam antè pietatis seu *Sacramento Penitentia* expiatus, *Sanctissimæque Eucharistiæ* refectus esset à barbara, & Hunnis crudelitate nihil cessura, Ethnicorum gente interficitur odio *Christiana Religio* eam illi mortem illatam, qui gentem illam novè facile concedent. Obijt anno ætatis tricesimo quarto, Religionis susceptæ anno tertio.

§. CXXVIII.

Camillus de Gram, Ordinis *Sancti Benedicti* a hæreticis An. 1628. crudeliter in *Kosteletzensi* ditione perimitur.

A. 1628.

NUnquam satis bonâ fide mansvescit hæresis; quamvis enim regionem omnes ad Catholicam fidem in *Bohemia* amplectendam post. 1624. impellerentur, major tamen erat inimicus, qui latebat in peccato, videlicet hæresis, quæ odium suum tegere non valens, in apertum erupit, & arma corripuit, sed hi ultimi fuere conatus; aliquot millia rusticorum *Reginohradecensi* Provincia circa *Opocznam*, *Novam Civitatem*, & *Smurzacium* primis Anni 1628. Mensibus consurgunt; arma eorum hastæ bidentes, tridentes, tribuli ferrei, & quidquid causam morti dare posset; plurimum ab his damnorum Ecclesiasticæ, & Catholicorum ditiones accepere.

Camillus de Gram
frater *Caspari*
Collegij
ad *S. Clementem*
Praegæ summi
Benefactoris.

Ejus cædes,
& sepulchrum.

In ditione *Kosteletzensi* prædium est *Lhotka Žalmanowa* / dictum quod fratri suo *Camillo* ex ordine *Sancti Benedicti* inhabitandum concesser. absens tum in bello Pomeranico *Casparus Gram* Belga Legionis Cæsareæ pedestris Ductor seu Colonellus, *Kosteletz* ad *Aquilam Dominus*, is qui post liberalissimâ beneficentiâ Collegij *S. JESU Pragensis ad S. Clementem* fundationem (nobis nihil scientibus) supremis Tabulis adauxit. In eo prædio deprehensum Patrem *Camillum*, quæm dixi, non unâ morte, sed ut rustica plebs solet, variè, apertis & siccis, ut ita loquar, vulneribus necaverunt. Spectavi ego etiamnum puer, hæc vulnera recentia in mortui *Patris* corpore late in capite, pectore diducta, & hiantia, cum ejus cadaver paucis post mortem diebus, *Reginohradecium* advectum, & in *S. Clementis* antiquissima Ecclesia sub turre Civica ad spectaculum ipso illo An. 1628. depositum fuisse. Nemo qui illam turbam noverit, aliam causam mortis adferet, quam Religionem Catholicam, & odium Catholicorum Sacerdotum, præsertim quod *P. Camillus* Vir mitis, lingvæ etiam nostræ ignarus omnino, religiosam, quic

tan

& procul ab omni ambitione vitam duceret suâ se virtute involvens. At
 istici tumultuantes (si quis istud scire velit) à *Kosteceusibus*, & *Czastolo-*
ensibus Catholicis, primùm in pago *Lible* nocte oppressi & cæsi, postmo-
 à Militibus *Pragâ* propere missis prorsus dissipati sunt.

§. CXXIX.

Mathias Burnatius Soc: JESU occisus ab hære-
 ticis tumultuantibus prope Rowensko in Bo-
 hemia An. 1629. 9. Augusti.

Mathias Burnatius *Rosembergensis Silesius* An. 1607. 23. Septembris
 ætatis anno vicesimo tertio *Brunæ* in Societatem JESU adlectus est;
Philosophiam Græcij An. 1609. auspiciatus triennio audivit, toto illo
 tempore matutinus Sociorum excitator. Scholis habendis admotus quinque
 nos humanioribus literis, Grammaticæ, Poësi, & Rhetoricæ tradendis im-
 ndit; callebat *Latinam*, *Polonicam*, *Bohemicam*, *Germanicam* perfectè,
 oque instar multorum habebatur, & expetebatur à *Rectoribus*. *Clagen-*
ti An. 1622. in *Coadjutorum Spiritualium numerum* relatus in Contuber-
 is aliquot cum laude, Adolescentibus, *Crumlovij* & *Gitzinij* præfuit, ac si-
 al postremo in loco quinque *Parochias* quinquennio ampliùs, strenuè pro-
 ravit. *Apostolicos P. Mathiæ Gitzinij* labores, ac virtutes in *historia* ejus
 collegij pridem descripsi, quæ huc transferre operæ pretium non puto, præfer-
 in cuni in *annuis literis Societatis*, tum in *Alegambe* & *Tannero* nostro latif-
 nè describantur, ego mortem & mortis genus summatim narrabo. Præ-
 at P. Mathias convertendæ ad fidem Christi viciniæ *Gitzinensi*, pagatim
 oncionando, alloquendo, svadendo, quâ ex re & agendi dexteritate per ali-
 ot continuos annos aliquot animarum millia ab hæresi *Hussitica* ad Chri-
 Ecclesiam traduxit. Oppidum *Rowensko* resistebat hæreticâ pertinaciâ,
 imùmque obfirmârunt incolæ omnes pro uno homine futuros, neque nisi
 mul omnes, divisim nullum, accessuros Catholicis. Placuit supremo *Gi-*
zinensis ditionis Præfecto, vulgò *Capitaneum* appellant, militarem terro-
 m obstinatis adhibere, ut perterriti P. Mathiam audirent faciliùs de Regno
 EI & Ecclesia differentem. Emanavit de militibus adfuturis fama, &
 grestes, correptis, quæcunque ad manum erant, telis hostem opperieban-
 ir; ære campano, ut in trepidis rebus fieri solet, personante, & viciniam to-
 um ad ferendas suppetias advocante. Milites appulsi, cùm se tantæ multi-
 adini impares viderent, nè nihil egregium fecisse viderentur, *Turrim* unde
 darma rustici vocabantur, incendunt, ac protinus ad tutiora sese recipiunt.
 ater Mathias in vicino pago *Libun* restiterat, unum illud expectans, ut factâ
 militibus viâ, copia sibi daretur fidem Christi incolis prædicandi. interim

1629.

Gesta P.
MathiæApostolici
ejus laboresCædis caus
sa.

Ee

otium

Occidio.

Humatio.

Inventio
corporis.

otium nactus sacrâ DEO hostiâ in Ecclesia loci perlitavit, cum nescio quo au-
thore, tumultuanti rusticæ plebi, & dolore campanarum, quas incendium
turre corruperat, accensis omnium animis, nunciatur: P. *Burnacium* in pro-
ximo pago versari; statim audaciores ex omni numero contendunt in *La-*
bun; pars templum occupat, pars ædes in quibus diversari *Patrem* compe-
rant, nè effugere posset, obsident, pars occidendi Patris negotium sumunt.
Sensit serò tumultum P. *Mathias*, & per posticum domus in aream evadit
ibi eum hæretici consecuti, primus lethale in sincipite vulnus hastâ infligit
alter, dum dextram objicit, duos *Patris* medios in manu digitos amputat. Co-
ruit Pater humi, moxque erectus in genua, blandâ voce, militum facinorâ
(audierat enim vociferantes, campanas quas pro thesauro habuissent, filii
perijisse) nihil ad se pertinere testatur; cum inter hæc à tergo bidente fure
ictus, rursus humi sternitur; cui strato tertius, glande ex majore Sclopo per
humerum ipsa præcordia transverberat; hic exitus vitæ *Burnatio* fuit. Se-
ra rustica unâ cæde exsatiari non potuit, efferrator potius evasit, factoque
adolefcentem immeritum ex Scholis nostris qui cum *Patre* advenerat, & sa-
crificanti ministrârat impetu, prodeuntem ex stabulo duodecim vulneri-
bus affligunt humi, & mortuum in lacuna, quam finis jumentorum effec-
erat, demergunt, ac quasi lato & triumphali facinore edito discedunt. Il-
lud horruit ad scelus atrocitatem tota vicinitas, & *Libunenses* pro pietate in *Pa-*
trē suâ, utriusque corpus fimo, tabo, sanguine, fædatum abluere; devo-
ti sunt *Giczinium*, & honorificè, *Pater* ante altare majus in Ecclesia S. *Ignatii*
nostra, Adolefcent *Patris* comes in Ecclesia S. *Joannis Baptista* tumulatus
funera quæ in mortui P. *Mathie* vultu inerat hilaritas plurimos tenuit admi-
ratione defixos; præfagisse etiam *mortem suam* inde argumentum aliqui peti-
re, quod cum ei *Minister Collegij* socium addere vellet, recusârit accipere, ne
quid foetio eveniret adversi.

Occisores *Patris* diu post capti, per summos cruciatus rotis confracti, ali-
isque supplicijs excruciatum cum deturbarentur è vita, prius Catholicam fiden-
amplexi, hoc unum in tot doloribus dolere se significabant, quod tam bonum
Patrem, qui nihil aliud, quàm salutem & vitam eorum quæsiisset, vitâ ingra-
privassent. Ego inter fælicitates meas, quæ mihi evenere in vita, hanc et-
am reponere soleo: quod P. *Mathie Burnacij* corpus omnibus jam qui cor-
di viderant nostris emortuis, *Giczinij* post annos tricenos quinos invenerim;
annotatum erat in chartulis *Archivi*, ante altare majus conditum esse, locus ta-
men passim ignorabatur; igitur cum Cryptam funeribus Nostrorum mu-
rarij effoderent, admonui quo loco conditum quibusdam indicijs suspicaba-
lentè & cautè ligonibus & dolabris agendum; pervenere tandem ad tumu-
bam fæliciter, arcam ego aperui, omnia congruebant, locus descriptus, vestis
corona, tegumentum capitis quadratum, vultus ipse (quem senes postea vo-

ati agnovère) sanguis, resecti digiti, sed maxime vulnera ipsa, praesertim illud in sincipite, notabantur, ut nemo dubitare amplius posset; ergo osculis omnium sociorum, & Patrum salutatis vulneribus, in novam arcam decenter corpus impositum, separato in loco, posteritatis solatio servatur.

§. CXXX.

P. Hieremias Fischer Soc: JESU ab hæreticis in odium fidei in Silesia post Glogoviam majorem A. 1634. 23. Maij occisus.

Hieremias Carolus Fischer Crumlovij Urbe Bohemiæ An. 1599. pijs, & Senatoriæ conditionis parentibus editus est in lucem; in *Brunense Tirocinium* admissus Religionis stipendia facere An. 1615. 9. Septembris cœpit; jam ab hoc initio ob sævitatē, & morum innocentiam propositus à Magistris in virtutis exemplar. *Deipara Virgini* amore intimo junctus tam firmam in ea sibi collocaverat spem, ut pestilentia Græcij in studijs A. 1623. ictus, lapillo quem *Foyensem* vocant, pestilenti carbunculo admoto, Divaque suâ in auxilium vocatâ, penè momento consanuisse vulnus ipsemet miraretur. Studijs omnibus Nostris, & quæ consequi solent, probationibus, ritè perfunctus, solâ prudentiæ, & charitatis commendatione in *Collegio Pragensi* ad S. Clementem Minister constituitur, ab his virtutibus laudatus semper, & amatus, tandem *Glogoviam in Silesia* cum potestate Rectoris ablegatur. Inferebat hoc anno 1634. bellum *Ferdinando II. Augustissimo Cesari Saxonie Dux Elector*, & in limine *Silesiæ Glogoviæ* constiterat. Longum esset, quæ ad hanc rem, quam paro, non pertinent, memorare: dimissis in tutiora socijs, Rector uno comitatus P. Daniele Sanderò (quem sæpius hæc narrantem audivi) 23. Maij ex urbe *Eqves* egreditur; assequuntur eos in silva propè pagum *Kursdorff* prædones hæretici, quorum alter genere nobilis, cum P. Danieli scloperum manulem admovisset, & ictum declinante Patre aberrasset, in Rectorem impetum facit, equo deturbat, veste superiore, aliisque omnibus spoliat, postremò nixum humi genibus, diductâ à pectore tunicâ morti se offerentem, & Sancta JESU, & MARIÆ nomina appellantem globo trajicit, conficitque; at P. Daniel interim prædoni alteri aliquam pecuniæ mentionem injecerat, eantque ob spem socio interveniente salvatur. At neque abiisset vivus (nam quod promiserat, præstare non poterat) nisi prædonibus antegressis Equo decidens se in pedes dedisset; P. Hieremiam odio Religionis occisum, clavis documentis *Alegambe* demonstrat; qui occidit Vir Nobilis hæreticus post Menses non amplius sex, eodem Anno in duello triviali ab æmulo sauciatus, infelicem animam profundo vulnere emisit; atque ut DEUM vindicantem quisque posset agnoscere, eodem prorsus

1634.

Nativitas.

Ingressus in Societat:

Additissimus B. Vir:

Historia ex dis.

Aleg. in Vis illustr.

Soc.

Annua ltr. Coll. Glogov

S. J.

in loco secundum pectus, quo *P. Hieremiam* trajecerat, & ipse globo è manu
alii itidem sclopo emisso trajectus.

§. CXXXI.

Joannes Meagh Sacerdos, Martinus Ignatius, &
Wenceslaus Trnozka Laici Coadjutores, S. J. in
Bohemia ad Cuttenbergam A. 1639. 31. Maij ab
hæreticis in silva occisi.

Svecorum
in Boh: ir-
ruptio.

Prædictio
cædis futu-
ræ.

H. U.

Cædes fa-
cta trium
Nostrorum

Joanne Panirio Duce, Anno 1639. *Svecorum Exercitus Bohemiam* ingre-
sus omnia incendijs, prædationibus, & cædibus infestabat. Rude vul-
gus hæreticorum pro se, & pro reducendis Exulibus hæreticis hoc bellum
geri credebat. Inexperti videlicet, & ignari artium politicarum, cum Reli-
gionis prætextu Regiones quæruntur, & occupantur; itaque passim tum al-
hæreticis audiebamus: *Kralowstjgedau*. id est, *Regij, seu Friderician*
nostrum adveniunt; sed magno ea credulitas stetit: spoliati, eversti fortuni-
omnibus abeunte *Sveco* præter miseram animam retinere nihil. Jam *Pra-*
gam Svecorum Exercitus multis locis, ubiq; sæliciter rejeclus tentaverat, con-
surrectio fit agrestium, qui cum se domi neque à *Cæsareis*, neque à *Svecis* tueri
possent, silvas ingressi, viatores spoliabant. Evénit, ut per id tempus *Cut-*
tenbergense Collegium Societatis nostræ vicini hostis metu dissolveretur, & i-
tutiora dimitterentur Socij: alijs *Iglaviam*, alijs aliò dimissis, quidam *No-*
vamdomum, quos inter *Ven. Pater Nicolaus Lancicius*, aliique, & quos in ti-
tulo nominavi, destinati fuere. Fama est, & quid famam authorem facio.
cum ipsum *P. Nicolaum Lancicium* id fatentem audierim? sibi eam trium
Sociorum mortem revelatam à DEO, se tamen, etsi comitem periculi, eva-
surum, manuscriptis tamen suis omnibus, quæ charissima habebat, & San-
ctorum Reliquijs amissis, vel dissipatis. Non cessavit *P. Nicolaus Rectorem*
Collegij adhortari, nè Socios dimitteret, extra periculum fore promittens
maclandos aliquot, qui viâ *Novodomensi* pergerent, & se in periculo quoque
futurum. Denique nihil à turbato retulit aliud: quàm, ut *Pater* tantæ eta-
tis, obedientiæ daret exemplum. ergo qui aliàs rariùs *Equo* vehi solebat, *E-*
quum poposcit, *Equo* etiam vehebatur *P. Joannes Meagh*, duo suprà nomi-
nati curru vehebantur, quidam alij pedes iter carpebant, qui visis prædoni-
bus fugâ evasere. Jam uno milliari *Cuttenbergâ* processerant, & silvas te-
nebant, cum ecce *Venator, & Rustici*, qui eos jam expectabant, ut postea di-
cam, & præcurrebant, sclopos exonerant. Confestim *P. Meagh*, qui titu-
los *Lauretanos* DEI Matris iterabat, in pectore, *Ignatius* itidem, *Wenceslaus*
secundum tempora glande plumbeâ in curru trajiciuntur. Primus, & ulti-

mus

mus statim confecti, *Ignatius* etsi caput securi ictus, traxit tamen anhelantem animam, repertus adhuc altero die arboris trunco innixus orare, & mortem suam DEO commendare. P. *Nicolaus Lancicius*, qui Eques currum sequebatur, videns morientes ante se socios, Equo protinus relicto, descendit, & solâ *Coronâ B. Virginis*, quam manu tenebat, munitus, retro flexit iter pedetentim procedens, nemine tamen (quod admirationem maximam continet) latronum insequente; sed scripta omnia, & sacras Reliquias, quæ in curru deposuerat, amisit. Hæc, ut narravi, idem ipse *Vener. P.* ad me tunc *Glacij* degentem *Iglaviâ*, quo fugâ pervenerat, datis literis perscripsit, ac postea sæpius commemoravit. Corpora occisorum *Perillustris, & Catholicus Vir Bernardus Gersdorff de Malssuvitz* in proxima *SS. Trinitatis Ecclesia Ledecensi* humavit, postea verò *Rector Kuttnerbergensis* elevata, magno honore in *Basilica S. Barbaræ* 3. Junij tumulavit. Porro in odium Religionis tres modò nominatos cæsos esse, multis certis, & claris indicijs, *Alegambe, & Tannerus* noster evincunt; ego quiddam adjiciam hoc loco, quod mihi notissimum, alios ignorare non sinam. Peractâ cæde, dum Interfectores diu latuissent, tandem quibusdam indicijs proditi, captique sunt. Venator erat vicini *Viri Nobilis*, rustici reliqui ex ejusdem Nobilis pago orti, qui confestim *Pragam* vecti, facinus confessi, & torti, *hæreticum Nobilem Dominum* suum *authorem* nominârunt. Damnati latrones in ipsa morte constanter, *Dominus* suo jubente cædem factam affirmârunt, conjectus est in *Turrim Pragensis Arcis Nobilium*, *captivitati* destinata, quam *Albam* appellant, annis aliquot in carcere, cùm factum pernegaret, sedit: tandem R. P. *Joanne Dakazat* agente, ad aliquot hebdomadas, fide, & nobilitate interpositâ emissus domum, rixâ excitatâ à Viro altero æquè Nobili, dum *Equum* ad duellum conscendit, transfossus est. Eum igitur *Nobilem* hæresi corruptissimum, ad quem ex morte *pauperum Religiosorum* nihil erat rediturum, quo alio fine hanc procurâsse, & jussisse cædem, quàm odio Religionis putandum est? hæc velut domestica, & mihi, paucisque nunc viventium perspecta, fide, & conscientia meâ confirmo. Jam ad propria singulorum veniamus: P. *Joannes Meagh*, cujus dulci alloquio *Glacij* ab Octobri An. 1638. usque ad veris sequentis initium sæpe recreatum me sensi, *Hiberniam* habuit Patriam, & in ea *Corcam Urbem* *Provinciae Momoniae*; persecutionis vitandæ causâ cum Patre, *Galliâ, Italiâque* percurâ *Neapoli* confedit, & Patre mortuo in *Hispaniam* navigans, annum à Rege stipendium accepit. Sed jam aulæ eum tædere ceperat, quo in proposito *Vitâ S. Dympnæ* fortuitò lectâ confirmatus, mox ibidem *Neapoli* innocens conjectus in vincula, innocentiaque perspectâ dimissus, tamen velut à Mundo offensus, omnino statuit, res mundanas dimittere; *Romam* venit, & nomen *Societati* An. 1625. dedit; *Neapolim* ad *Tirocinium* missus, eo religiosè expleto, post annos complures, tandem in *Bohemiam*

Quis cædis
Author.

Nativitas
& res gestæ
P. Meagh.

miam ablegatur: invenio in Manuscriptis P. *Joannem Meagh* in Collegijs Glacensi præcipuè, Catechismos, Conciones ad studiosos Gynnasiorum habuisse, Confessiones eorundem audisse, domi verò *Conscientiæ casus* pertractasse, idque post An. 1636. Vir fuit P. *Joannes* commendabili, & paratè semper pietate, sacra omnia devotissimè peragebat, nobiscum de rebus Divinis suavissimè loquebatur, atque ut eam sibi cœlestem voluptatem excitaret, impetrârat à Superioribus, ut cum *Junioribus nobis* ad campos spatiar posset; multa ibi ex eo didicimus cœlestia, sed non profana minùs, & doctrinam plurium *Auctorum* libros, ac præcipuè *Virgilij Æneidem* tenebat memoriter, quod jucundum erat juvenibus nobis, nullum esse carmen in *Virgilio*, quod si inchoaremus, ipse ex memoria non posset prosequi. Sed hæc minima in tanto Viro laus; finitis spiritualibus *Exercitijs* Collegio Glacensi valefaciens, proficisci se ad mortem pro Catholica Religione obeundam dicebat, nos *Hiberniam* cogitabamus, ille brevi post tempore in *Bohemia*, quocumque optârât, inveniit.

Aleg. in Viris Illustr. Tanner in Eccl. Mili:

Martinum Ignatium, & Wenceslaum Trnozkam de facie novi, utriusque commendationem habet *Alegambe, & Tanner*, quos non vacat describere. Prior *Zemeticij* in Silesia An. 1589. natus, *Bruna* 1607. 8. Aprilis, Societatem ingressus est, in domesticum adiutorem votis emissis *Cracovia* 28 Februarij An. 1621. formatus; Promi, Obsonatoris, Coci, Janitoris, Excitatoris, ægrorum curatoris, Refectoriani munia pluribus annis, *Æditi* officium extremâ ætate maximâ cum laude, & sanctitatis opinione sustinuit. Martyrij desiderium nescio unde natum inhæserat seni, cujus promissionem à DEI Matre, quæ in statua sua prodigiosa *Kattenberga* in Ecclesia *S. Barbaræ* colitur, acceperat (ex quo tempore, dum vel *SS. Eucharistiam* sumeret, ve ante *DEI paræ Statuam* orans procumberet, dulcissimis lacrymis perfluebat idque sociorum attestatone constat: nam cum aliquando seriùs ab Ecclesia & illa *DEI Matris statua* vultu renidente, & quodam insolito gaudio elatum domum rediret, occurrente quodam ex socijs, & quid ita lætus incederet, rogante; quid (respondit *Martinus*) annon tibi satis causæ videtur lætari, cum à Domina mea modò didicerim, me pro Christo ejus filio, idque brevè, sanguinem profusurum?

Prædicta illi & promissa à DEI Matre pro Christo mors,

Wenceslaus Trnozka Dinzovicensis in Moravia An. 1601. natus, *Brunam* ad *Trocini* An. 1622. 3. Novembris advēnit: Janitoris partes egit per diu, vitam suam extremam ad Societatis Constitutiones, & Superiorum monita comparans; ei tam invidendam cæteris mortem impetratam à *Ven. P. Nicolao Lancicio*, Majorum nostrorum suspicio probabilis fuit, cujus originem hoc loco prodere, supervacaneum puto.

Dixeram paulò antè: *Martinum Ignatium* nescio unde Martyrij desiderio flagrare cœpisse, jam ex Archivi nostri literis ad originem pervēni-

nam

nam ibi narratur: *Martinum*, annis ante mortem plurimis, in *Monte Calvarie ad Cracoviam* in Polonia sito, *Divam Virginem* voto salutatam in morbo propitiam & Sospitatricem habuisse, atque insuper ex argentea Virginis statua didicisse, beatam Martyrij sortem se manere. Id si ita se habet, dicere oportebit: *Martinum* in *Calvarie* monte Martyrij promissionem, ex *Cuttenbergensi statua* confirmationem, & tempus mortis accepisse.

§. CXXXII.

Pater Laurentius Passoke, & P. Mathæus Cramerus ad Lipsiam post prælium, acerbissimo hæreticorum furore 2. Novem. 1642. interfecti.

Patrem *Laurentium Passoke* *Wratilavia Silesiæ Metropolis* An. 1600. edidit natum in medio nationis pravæ Catholicis parentibus; *Pragâ* jam *Philosophiæ Baccalaureus Brunam* missus, in Societatem An. 1624. 22. Septemb. adlectus est. Vir fuit amabilissimæ humanitatis, religiosissimè facetus, à quo, dum *Tirocinij Collegij Brunensis Ministrum* ageret A. 1636. Religiosam Societatis nostræ vestem accepi; accurrebamus ad eum velut ad Matrem, & ob eam in parvulos Tirones charitatem à *Venerabili sene Nicolao Lancicio* (qui sæpe ad nos *Brunam Olomucio* commineabat) diligebatur mirificè; in *Silesiam* deinde abiit P. *Laurentius*, & *Sagani* jam *Rector* à *Svecis* captus, à *Wittembergio Svecorum Duce* (quem ego ob perpetuam in Societatem benevolentiam, & in omnes Religiosos Catholicos moderationem, obtinuisse à DEO existimo, ut quod è *Polonia* scriptum legi, à Catholico Sacerdote rite ab hæresi absolutus, *Zamoscij* moreretur) à *Wittembergio*, inquam, honorificè dimissus est. Post paulò P. *Laurentius* *Missioni Castrensi* Majorum imperio adhibitus, in legione *Antonij Webel Vigiliarum Praefecti* Sacra procurabat, plurima molesta, & aspera à *Vice-Tribuno hæretico (Webelio* absente) perpeffus, fame etiam, & convitijs onerabatur. Tandem, quam sepe optârat, pro Christo mortem invênit; nihil opus est cladem *Cæsarei Exercitus* ad *Lipsiam* referre: dissipatâ acie, cum gravi vulnere strato *Tribuno* ejus corpori sese applicuisset Pater, absolutione datâ subitò ab hostium Equitatu occupatur. Quærit unus aliquis ex hæreticis adequitans: quis es tu? Pater se & Catholicum, & Sacerdotem esse respondet; visus est non satisfacisse responso: abnega, inquit *MARIAM*, ejura, execrare! Pater *Laurentius*, qui ista vel audire pro sacrilegio ducebat: *DEI Matrem ut abnegem*, inquit? omni post *DEUM* & laude, & cultu dignissima est! tum hæreticus œstro percitus, gladio Patrem transfodit, ac mox sclopo manuali extracto, glande plumbeâ mortuum humi sternit.

Eodem prorsus die, quo victi sumus, & in eadem causa occubuit P.

Ma-

Nativitas & res gestæ.

Laus ab humanitate Wittembergij Svecorum Ducis.

Dissipatâ acie ad Lipsiam occiditur Pater cum ejurare DEI Matrem recusaret.

Mathæi Cro-
meri breve
Elogium.

Mathæus Cramerus; cælo exercitu fugiens in tutum evaserat, cum *Tribunus* quidam Cæsareus humi jacens, peccata sua petit audiri; *Equo* confestim *Pater* delabitur, & audit; vidit eminens plenum charitate facinus è *Saxonia Ducibus*, & viso (ut credebat) sacrilegio adequitans *Patrem* vitæ gratiam petentem admoto capiti sclopo occidit, id triumphans; quasi hostem obvium, & in se euntem stravisset. id factum 2. Novembris 1642. Natus erat *Mathæus Kramerus*, vel *Kramer* à suis dictus, *Crumlovij in Bohemia* An. 1607. Societatem ingressus 1. Maij An. 1624. Probationibus, & studijs consuetis, audiendo, & docendo percursis statim ob generositatem indolis, & virtutes sibi semper constantes Missionibus Castrensibus ceptus est adhiberi. Anno abhinc altero 1638. in *Collegio Gitzinensi Ministrum* egit, sequenti eodem in *Collegio* tertiam probationem explevit, atque ita comparatus optimè ad militares labores & subeundam quotidie (ut sic loquar) mortem, imperio *Majorum* processit.

§. CXXXIII.

Mathias Christianus Puer Cadanæ à Judæo ex odio Religionis nostræ crudeliter peremptus.

Cadanæ puer
Christianus
occisus

Anno 1650. XI. Martij. Judæus *Noë* nomine, diu antè crudelissimam voluntatem circumferens, aliquem ex Christianis puerum occidendi, tandem comoditatem nactus, Puero Christiano *Mathiæ* nomine, cultum inierit, & occidit. Deprehensum atrox facinus, *Judæus* datus in vincula, non modò non negavit factum, sed etiam magnificè gloriatus est: excarnificatus, ut merebatur, & ad mortem damnatus, hætenus pertinax nebulo, paulò antè mortem ignominia, & doloris plenam, in publico theatro signis, & quâ potuit voce, baptismum Christianum expetijt, etsi nulla spes vitæ amplius superesset; adstare sibi parvulum, quem occiderat, & imperare baptismum significabat; obtinuit, multisque iterum subiectus tormentis, quæ magnà patientiâ toleravit, optimè ad mortem comparatus, & *Christum Messiam* invocans, expiravit. 21. Martij eodem Anno. *Judæi* omnes in perpetuum ex *Urbe Cadanensi* proscripti; *Martyr* puerulus pretiosissimis odoribus, & unguentis adversus corruptionem delibutus, *Ecclesiæ Parochiali* illatus est, Epitaphio adscripto, quod ipsemet *Imperator Ferdinandus III.* traditur confecisse. Ornavit eum Puerulum eleganti togulâ, gemmis, & unionibus conspicuâ *Sabina Lucretia Verdugo*, nata *Minquiciana*; monstratur hodièque *Mathias* ponè jacente ferali cultro; nos quoque *Martyrem* ante annos aliquot spectavimus, in dextra *Ecclesiæ* parte, in loco ad id præparato locatum.

Judæus oc-
cisor ad
Christum
convertitur

§. CXXXIV.

P. Georgius Königius Societatis JESU in prælio
ad Sanctum Gothardum in Ungaria à Turcis
occisus.

Georgius Königius Glogoviae, quam Superiorem appellant, in Silesia
editus, Disciplinas humaniores omnes in Academia Olomucensi
pcepit, tum multis precibus suis, & commendatione Venerabilis
Patris Nicolai Lancicij ad Societatem receptus, Brunam Anno 1637. appulit.
Inerat jam juveni quædam maturitas, & constantia virtutis, amor rerum
celestium, orandi jure studium, præsertim Orationis matutinæ explen-
dæ cura, ut ob eam causam nunquam somnum ultra solitum produxisse
meminerim; multis enim Annis in eodem Collegio Brunæ, tum Pragæ
unà viximus. Quæ superiores commendârant, observantissimus, ad un-
guem ipsos eorum nutus exequabatur, quo merito & in Tyrocinio, & post-
ea in Logica Brunæ Manuductoris, & Bidelli nomine, & in reliqua Philo-
sophia, Pragæ Condiscipulis præponebatur. Ad docendas bonas literas
missus, multum & in Poëticis, & in Rhetoricis excelluit, Theologiâque
feliciter decursâ, Professorum in Societate gradum accepit. Dum Oppa-
via Rhetoricam doceret, grave illi certamen cum quodam Ordine Religioso
fuit pro Immaculata Conceptione DEI Matris tuenda, quam tot rationi-
bus, & tam invictis publicè asseruit, ut adversario silentium imponeret.
Gravis, & seria Viri virtus cum idoneum ad regendum faciebat, ideoque
ut antè, Theologiæ Discipulum adhuc, Contubernio Alumnorum Sancti Wen-
ceslai Pragæ Majores præfecerant, ità postea Collegio Olomucensi Ministrum
imposuere. Ministerio cum laude obito, Bello Turcico ardente in Un-
garia, in Castra ad procurandos sacris milites Patrem Georgium Königium
Superiores misere magno operæ pretio, quippe occupaverat Vir ardens mi-
litum animos, & inescaverat solidâ quâdam erga res Divinas pietate. Sed
ecce in medio cursu metam ei posuit DEUS! in decretoria ad Sanctum Go-
thardum cum Turcis pugnâ, cum Exercitu nostro nondum ordinato, Tur-
ca & pugnandi, & propè etiam vincendi fecissent initium, & qui Turcis
occurrere primi sternerentur, Pater Georgius rapto Cruci affixi Christi Si-
mulacro, ad Milites (ut mos est) cohortandos, dum sese prælio infert
(alij referunt, Nassavio Tribuno Cesareo, ac cæteris prostratis confitenti-
bus operam dedisse) à Turcis opprimitur; ex quibus unus ei Caput unâ
cum manibus, quas elevârat, frameâ abscidit; quam narrationem con-
firmat illud, quod & Caput, & manus Patris Georgij abscissas invenerint

Res gestæ
P. Georgij.

Milites in
bello Turci-
co sacris
procurat.

Historia cæ-
dis.

post victoriam milites, & agnoverint. Aliud nihil de morte *Patris Georgij* cæsis omnibus, qui circum Patrem fuerant, audivimus; pro fide velut *Sacrificulum Christi*, cæsum à *Turcis* dubitari non potest. Illud etiam notari convenit: *Patrem Georgium* hanc mortem, & mortis genus præscivisse, idque ei *Venerab. P. Nicolaum Lancicium* tantò antè Divino spiritu prædixisse.

A. M. D.

et
SANCTORUM, BEATORUMQUE
EJUS,
HONOREM ET GLORIAM.



INDEX



I N D E X

HAGIOGRAPHICUS,

SEU

N O M I N A

SANCTORUM ET BEATORUM REGNI BOHEMIÆ,

Tum etiam Eorum, qui pro Christi Fide tuenda, aut ab Ethnicis, aut Hæreticis sunt perempti: quorum vitæ, & mortes in prima hujus Libri parte brevissimè describuntur. Ordine Alphabetico.

A.

- B. *Abda* vel *Abdela* [prima] Conversa Ord: Cisterciensis, paginâ 61.
B. *Abda* vel *Abdela* [secunda] Antistita Ord. Cisterciensis, p. 62.
S. *Adalbertus* Episcopus Pragensis Apostolus & Martyr, Ord. S. Benedicti, p. 25.
B. *Adalbertus* Archiepisc. Salisburgensis, Ord: Præmonstrat. p. 50.
Adamus Markowsky Vir Nobilis, p. 197.
S. *Agnes* Virgo Ord: S. Claræ, p. 64.
B. *Agnes* Virgo Ord. S. Benedicti, p. 52.
B.B. *Agnetae* duæ Virgines Ord: Præmonstrat. p. 53.
Altomeita Cives Catholici necati, p. 144.
B. *Amabilia* Virgo Ord. S. Benedicti, p. 48.
S. *Angela* Virgo Ord. Carmelit. p. 43.
B. *Andreas* Episcopus Prag: M. p. 60.
B. *Anna* Silesiæ Ducissa, p. 63.
Anonymus Eques Boh. Martyr, p. 116.
B. *Arnestus* I. Archiep: Prag: à p. 79.
Aula Regia V. *Cænobium* *Aulæ* Regiæ.
Austa Serymiana Civitas ad Taborium odio Religionis excisa, p. 122.
Austa Civitas Regia ad Albim ob Religionem deleta, p. 166.

B.

- B. *Beatrix*, & B. *Bohuslava* Virgines Ord: Præmonstrat. p. 59.
Berauna Civitas Regia ab hæreticis excisa. p. 136.
B. *Bertholdus* Ord: Minor: p. 73.
Biela excisa p. 164.
Bilina Civitas ab hæreticis deleta, p. 149.
B. *Borziwojus* Dux Boh. primus Christianus, p. 7.
Broda Archiepiscopalis Civitas ob religionem deleta, p. 138.

- S. *Bohuslaus*, & ejus fratres quatuor MM. p. 26.
B. *Bretislaus* Henricus Dux Boh. Episc: Prag: p. 49.

C.

- Camillus* de Gram Ord. S. Benedicti p. 210.
Carolus Spinola Pragensis S. J. in Japonia pro fide Christi combustus, p. 208.
Carthusiani Pragâ pulsi, dein occisi, p. 118.
S. *Casimirus* frater Wladislai Regis Boh. p. 185.
B. *Castulus* Ord. Præmonstrat. p. 66.
B. *Ceslaus* Ord: Prædic: p. 70.
Chlumecij ad Cidlinam Sacerdos Catholicus crucidatur, p. 158.
Christophorus Spotecus S. J. p. 196.

Cænobia ab hæreticis crudelissimè & cruentissimè excisa, enumerantur sine ordine antiquitatis, prout sub acumen styli venerunt.

Canonicorum Regularium S. Augustini.

- Carloviense* excisum, p. 122. sub Castro Bezdiezy, p. 144. Aroasienses in monte Zotenberg, p. 171.
Landsronense, p. 144. in Lissa, ib: in Prossik ad Pragam. ib: Raudnicense, p. 140. Rokyczanense, p. 134. in Saczka, p. 144. Jaromirense, p. 145. generatim quæ excisa, 177. quæ sint servata, p. 177.
Eremitarum S. Augustini Cænobia, p. 177. excisa.
Bielense, p. 137. Pivonkanum, 146. Insulanum S. Benignæ, 156. Pragæ ad S. Thomam, p. 122. Neopragæ ad S. Catharinam, p. 124. Sufficensense, p. 156. Roczovienſe &c. 177.

Cænobia Ordinis S. Benedicti.

- Brzevnovienſe* p. 122. combusti fratres, 127. Porta Apostolorum, 125. Opatovicenſe, 115. Cladrubienſe 134. Præpositura Tauffkoviensis, 157. Præpositura Przestticensis, ib: Ambrosianū Pragæ 122. 177. Podlaziense 143. Wilemovienſe, 144. 152. Michalovicen-

INDEX.

vicense ib: S. Georgij Pragæ, p. 147. & p. 129.
 Teplicensis, p. 148. Insulanum vetus, 157. ejusque
 Præposituræ in Velis, Zaton, Teslin, Spelunca id est
 ut reor, Skalense ad S. Joannem, Vide libr. VI. par. I.
 Kosteletz Præpositura Brevnoviensis in Distr. Wl-
 taviensi. ib. Wrchlab Præposit: Opatovicensis, ib. Sa-
 zavienſe ib: Præpositura in Basczin, 144. Sedes Za-
 tecensis, 157. enumerantur &c. 176. quæ sint ser-
 vata, ib.

Cænobia Ord. Præmonstratensis excisa.

Strahovienſe 122. Chotieffovienſe, 134. Milovicenſe
 123. Launovicenſe, Ib. Dobrovicenſe, 143. Doxa-
 nenſe, 148. Zelivenſe, 152. Lucenſe in Moravia,
 158. Neoreiffenſe 173. Teplenſe & Cænobia reliq:
 177. quæ sint servata, ib.

Cænobia Cisterciensis Ordinis excisa.

Aulæregienſe, p. 127. 177. In Gredis, p. 126. Sedle-
 cenſe 120. Ofſecenſe 148. Gilemnicenſe 156. Plaſ-
 ſenſe Pragæ 122. Plaſſenſe in Plſnenſi 134. Nepo-
 mucenſe duplex 126. S. Coronæ 131. 177. quod à
 vulgo Auræ vel Spinæ Coronæ dicitur. Svatopo-
 lenſe 177. Welehradenſe in Moravia, 137. Chru-
 dimenſis Præpositura, 139. Skalicenſe 144. Seze-
 micenſe Ib. Chotuffienſe ib. In Zleb Præpositura
 Gredicenſis 144. Oslovanenſe 153. Præpositura
 Langenau ad Albipolim 156. Camencenſe in Sileſ:
 167. Præposit: Warthenſis ib. Henrichovienſe 168.
 Griſtovienſe 171. Novocellenſe 173. Daleſſicenſe
 175. &c. enumerantur, 177. quæ sint servata ib.

Cænobia Prædicatorum excisa.

Clatovienſe duplex, p. 121. 156. Piſecenſe 121. Au-
 ſtenſe ad Taborium, 123. Pragæ S. Clementis ad
 Pontem 122. & in Porzicz in Nova Praga 124. Co-
 linenſe 139. Chrudimenſe 139. Nymburgenſe 141
 Jablonenſe 144. In Pardubiczek 143. Reginohra-
 decenſe duplex 144. Zvolenſe 144. 146. Pragæ ad
 S. Annam 147. Turnovienſe 156. Launenſe 156.
 Svitavienſe 160. Franckſteinenſe 171. Plavenſe
 174. plura alia enumerantur 177. quæ sint servata,
 & non excisa, ib.

Cænobia Ord. FF. Minorum excisa.

Altomeitæ duplex p. 144. Pragæ ad S. Agnetem 122.
 Reginohradecenſe 144. S. Barbaræ Pragæ 122. Be-
 raunenſe 135. Stradovienſe ad Chrudimium 137.
 Czaſlavienſe 141. Neoboleslavienſe 144. Byd-
 zovienſe ib: Tuſtenſe 147. Mizenſe 157. Plavenſe
 174. enumerantur excisa 177. quæ fuerint conſer-
 vata, ib: quibus adde S. Jacobi Pragæ.

Cænobium Ord. FF. Minor: Strict: Obser: excisum Pra-
 gæ p. 183. & ad Nives Pragæ p. 198.

Carthusiani excisi.

Pragæ post Auguſt 119. 142. Podiebradij 120. 142.
 ad Litomiſſlium, 160.

Carmelitani Pragæ ad Nives p. 117. 122. Tachovia
 157. 170.

Servi B. V. occisi Pragæ 124.

Equites Melitenses, olim Rhodij.

Pragenſis Comenda ad pedem Pontis excisa, 122. 177
 Pragæ in Nova Civitate 124. Gezborzicij 143. No-
 voboleslaviæ 144. Dubæ 144. 177. Reginohrade-
 cij ib. Aldenburgi in Miſnia 174. Strakonicium ex-
 ciſum non eſt.

Cælestini excisi.

Sub Wiſſehrado 177. Zlichovij ib.

Crucigerorum cum Rubea stella, 177.

Crucigeri Teutonici, Pragæ ad S. Benedictum & Com-
 motovij 122. 177.

Ordinis S. Sepulchri.

Zderafenſe 119. 157. Svietlenſe 151. 177. ad Tru-
 novium 144. 177.

Crucigeri Ordinis S. Cyriaci.

Pragæ 177. in Orlik post Reginohradecium 143. 1
 Benatek 144.

De Pœnitentia S. Mariae Magdalene.

Pragenſe p. 122. Launenſe 157. 177. Brixienſe 14
 Stridcenſe 157.

Cænobia excisa generatim 117. 174. 183. 184.

Moniales numero trecentæ quinquaginta Pragâ pulla
 p. 147.

Incerti Ordinis Monasteria excisa, p. 127. 130. 13
 Byſſovienſe 144. Borenſe 134. & aliud 151. E-
 cidia plurium Cænobiorum vide in Epit: noſtra,
 Indice, verbo *Monasteria*.

Commotoviensis Civitas ab hæreticis funditus deleta,
 135.

B. Conradus Martyr Ord. Prædic. p. 77.

B. Cunegundis Antistita Ord. S. Benedicti p. 76.

B. Culmatius Eremita p. 36.

Cuttenbergenses Catholici occisi p. 141.

SS. Cyrillus & Methodius Archiepiscopi & Apostoli
 Slavorum p. 1. & seq.

Czernin Eques ab hæreticis minutatim concisus p. 15

D.

Daupovecz Eques cum cæteris Nobilibus Catholicis
 exultus 136.

Dux seu Duchozovia Civitas ob Religionem fundit
 excisa, p. 163.

E.

Edmundus Campianus S. J. p. 189.

B. Elisabeth Virgo Ord. Præmonstrat: p. 49.

S. Elisabeth Vid. Thuringiæ Domina p. 67.

Equites Catholici multi occisi p. 163. V. *Slana*, 1
rauna, Tachovia. V. *Nobilitas*.

Evanczicij Catholici necati p. 154.

B. Euphemia Virgo Ord. Prædicat: p. 77.

S. Euphrasia Virgo & Martyr, p. 43.

F.

SS. Fratres S. uterini Martyres p. 26.

SS. Fratres S. Adalberti Ordinis S. Benedicti p. 27.

INDEX.

G.

- S. Gaudentius* Præsul Ord. S. Bened: p. 29.
Georgius Königius S. J. p. 219.
B. Gervicus Eremita Ord. Cisterc. p. 37.
B. Gerlacus Ord. Præmonst. p. 66.
S. Guntherus Ord. S. Benedicti p. 32.
Gratij in Boh: cæsi Catholici p. 163.
Gubæ in Lusatia Catholici necati p. 174.

H.

- S. Hedvigis* Ducissa Silesiæ p. 62.
S. Hedvigis Virgo Ord. Præmonst: p. 52.
S. Henricus Imperator Bohemiæ defensor p. 30.
Henricus Probus Silesiæ Dux p. 63.
B. Henricus Zdik Episcop: Ord: Præmonst: p. 46.
B. Henricus Brzetislaus Epif: Prag: Ord: Præmon: 49.
B. Henricus Moravus Ord. Prædicat: p. 72.
B. Hermannus Ord. Prædic: p. 72.
Hermannus Suffraganeus Prag: cum duobus Sacellanis demergitur à Zislka, p. 129.
In Herstein Castro occisi Catholici, p. 146:
S. Hyacinthus Ord: Prædic: p. 69.
P. Hieremias Fischer S. J. p. 213.
S. Hieronymus Pragensis 178. Apostolus Litvanorum, Ord. Camaldulensis 179.
Hinek de Ronov ex Procerum stirpe exurit p. 139.
Holoklava & Horzinevsij occisi Catholici p. 158.
Horzovicij occisi Catholici p. 162.
Hoska ab hæreticis excisa, p. 163.
B. Hroznata Ord: Præmonst: p. 54.
Hunnobroda Civitas Moraviæ deleta p. 158.

I.

- Iacobus* Rector Universit. Carolinæ cognomento *Scholasticus* exulat ob Religionem p. 127.
B. Iacobus de Marchia Ord. Frat: Minor. p. 180.
Iaromirium Civitas Catholica ab hæreticis excisa, 145
Iaroslau Miczan ex Procerum familia ab hæreticis cō-
 bustus 136.
P. Ioannes Meagh S. J. p. 214.
Ioannes Ernestus Schoflerus odio Religionis trucidatus,
 p. 201.
S. Ioannes Nepomucenus Decanus ad OO. SS. Pragæ,
 & Canonicus Eccl. Metrop. M. à p. 94.
B. Ioannes Schvenckfeldius Ord. Prædicat. p. 78.
B. Ioannes Capistranus Ord: Minor: strict: Obser: 179.
B. Ioannes à Mifna Ord. Minor. strict: Obser: p. 187.
Ioannes Sarcander Decanus Holesloviensis ab hæreticis
 ad mortem ulquè excruciat, p. 206.
Ioannes Ogilbæus S. J. p. 199.
S. Iuanus Eremita, p. 6.
B. Judith Virgo Ord. Præmon. p. 59.

K.

- Kobliha* Eques ex turri præcipitatus ab hæret: p. 136.
In Kozogedy 40. Catholici ab hæret: interemti, p. 153

Kvassicij Catholici milites exusti, 154.
Kvietnicenses Catholici interfecti p. 152.

L.

- Laurentius* Pasloke S. J. p. 217.
S. Leopoldus Austriæ Marchio p. 42.
SS. Libicenses MM. V. Fratres S. Adalberti. p. 26.
Libochovicij Sacerdotes cremati, p. 157.
Lipnicensis Ecclesia Collegiata excisa, p. 144.
Lippæ Catholici necati p. 164.
In Litomericensi Districtu Catholici promiscuè ab hæ-
 reticis mactati, p. 164.
Litomislum Catholica Urbs excisa p. 160.
Lubane in Lusatia Catholici occisi, p. 169.
S. Ludmilla Vidua & Martyr, p. 11.
In Lusatia Catholici plurimi interfecti, p. 168. 173.
 Urbes excisæ 169. Luba ib: plurésque aliæ Civitat:
 p. 173. Guba 174. Plaven ib: Taucha 175.

M.

- B. Margareta* Virgo Ord. Præmonst. p. 75.
B. Maria vel Milada Virgo Ord: S. Bened: p. 24.
Martinus Ignatius S. J. p. 214.
Martyres in Boh: plurimi teste Pio II. Papa à p. 116.
Martyres à Judæis necati à pag. 188.
Mathæus Cramerus S. J. p. 217.
Mathias puerulus à Judæo occisus p. 218.
Mathias Burnatius S. J. p. 211.
Melchior Grodecus S. J. p. 204.
Monasteria V. Cænobia.
In Moravia Cathol. interemti 168. V. *Hunnobroda*.
Müglicium Catholica Civitas in Moravia excisa p. 153.
Napagedla, *Malenovicium*, *Zlina* &c. 168. *Quassicij*
 &c. 154.

N.

- S. Norbertus* Archiep. Patronus Reg. Boh. 39.
Novæ Civitatis Pragæ Senatus occisus p. 117.
Nymburgi duo Catholici Sacerdotes cremati p. 159.
Nobiles Viri ex Bohemis pro Christi fide occisi p. 146.
B. Podivinus p. 17. FF. uterini S. Adalberti, p. 46.
B. Hroznata p. 54. Zbinko ab Hasenburg, p. 113.
Petrus Lazurus 115. Eques Anonymus ex Pio II. p.
 116. *Ulricus* Rosenfis p. 123. *Servitæ* Nobiles 124.
Miczan Baro, *Daupovecz* Eques & alij 136. *Hinek*
Baro de Ronov. p. 139. *Eques* *Sadlo* 157. *Czernin*
 155. *Slavata* propter fidem occisus 175. *de Mfeno*
 & *de Raczin* p. 157. *Slanæ* Catholici Nobiles occisi
 p. 161. *Colman* Eques & *Treczka* itidem exuruntur.
 p. 182. *Equites* Catholici patibulis suspensi, p. 163.
Eques de Camberg occisus p. 170.

O.

- Oborzistij* pro fide occisi p. 162.
S. Otto Slavorum Pomeranorum Apost: p. 43.
Ozelka Parochus pro Christi fide exustus p. 163.

P.

INDEX.

P.

Petrus Lazurus Abbas Ord. S. Benedicti p. 115.
Pisecenses Catholici in exilium missi p. 121.
Plavenæ Religiosi & Sacerdotes necati p. 174.
B. Podivinus S. Wenceslai Præfectus p. 17.
Prachaticium Catholica Civitas excinditur p. 130.
Pragenses Christiani ab Ethnicis cæsi p. 10.
Pragenses Catholici in exilium acti p. 124.
Pragâ in exilium Catholici pelluntur p. 124.
Pragæ Catholici Senatores in omnibus tribus Urbibus interfecti p. 117. & 182.
Pragensia Cœnob. V. Cœnob. Moniales trecentæ quinquaginta Urbe ejectæ 147.
S. Procopius Abbas Ord. S. Benedicti p. 33.
Prostivoius Sacerdos Apostolicus p. 29.
B. Præibislava Vidua Sord. S. Wenceslai p. 9.
Procopius Trecza Eques ob fidem necatus p. 162.
Præibislavia Catholica Civitas ab hæret. deletur 157.
Præsticij Catholici occisi p. 157.

R.

Randnicij occisi Catholici p. 162.
Racyn pro fide occisus p. 157. (p. 146.)
In Ryzberg Arce XVI. Cath. Equites cæsi Relig. odio

S.

Sacerdotes à Judæis necati p. 36.
Sacerdotes 7. Rziczani combusti p. 128. in arce Rabi p. 131. Wodniani p. 137. circa Chrudimium 132. 136. Libochovicij 157. Litomysslij 160. Plavenæ 174. in tota Bohemia p. 116. 117. Prostivojus M. 29. Pragenses p. 10. 117. 127. Beraunæ 37. Sacerdotes cremati 136. Brodæ Bohemicæ plurimi 138. & 142. item Bilinæ 149. Austæ ad Albim 167. Lubanæ 169. Teutobrodæ 152. Sobeslaviæ 153. Evanczicij 154. Sacerdos Cathol. ex tormento murali ejectus 158. Nymburgi duo 157. plurimi Lito-

mislij 160. Slanæ 161. 157. & alibi p. 162. p. 142.
Sadlo Eques occisus p. 151.
Servi B. V. vulgò *Servitiæ* Pragæ combusti, 124. eord.
S. Severus Episc. Prag. p. 34. (nomina ib.)
S. Sigismundus M. Patronus Regni p. 21.
In Silesia Urbes Cathol. excisæ p. 176. 169. 171. 172. & Cœnob. p. 167. 168. 171. 172.
Slana Urbs ab hæreticis deleta p. 157.
Slavata pro Christi fide occisus, 175.
Sobeslavia Sacerdotes occisi p. 153.
Ssvihovij occisi Catholici p. 162.

T.

Tachovia Catholici trucidati, p. 170.
Teplicenses Catholici occisi p. 165.
Tentobroda Catholica Civitas internecione deleta, 152.

V.

Udalricus Sezyma Rosenfis ob Relig. trucidatus, 122.
S. Vitus Martyr Patronus Regni p. 19.
Vitus Weisman S. J. p. 209.
Universitatis Carolinae Rector in exilium mittitur 127. tres Magistri comburuntur p. 136.

W.

Wartense Cœnob. aliæque in Silesia desunt p. 167.
S. Wenceslaus M. Dux & hæres Bohemiæ p. 13.
Wenceslaus Trnozka S. J. occisus, p. 214.
S. Wolfgangus Episc. Ratisbonensis, Apost. Boh. 22.
B. Woyslava Conversa Ord. Præmonstrat. p. 58.
B. Wratislavi Bohemiæ Dux p. 8.


Z.

Zbinko ab Hasenburg Archiep. Prag. veneno ab hæret. sublatus, p. 113.
In Zbrak occisi Catholici, 161.
B. Zdislava Ord. Prædicat. p. 75.

ERRATA.

Irrepsere in hanc *Libri* partem quædam *Errata*, sed paucula & minuscule. Pag. 47. lineâ 24. *Eusebius*. fac: *Eugenius*. pag. 48. lin. 26. *Cœnobij*, lege: *Cœnobijs*. pag. 95. l. 10. *Arrifodinis*, fac: *Aurifodinis*. pag. 118. l. 23. *gladio*, lege: *gladios*. P. 165. lin. 37. A. 1426. fac: 1421. Pag. 202. lin. 28. *uno Schofferus*, fac: *uno Schoffero*.

Hiscæ pauculis erroribus veniam dabit benevolus *Lector*, & cæteros corriget: alterum erit *scientia*, alterum prudentis *benevolentia*.



PARS SECUNDA.
LIBRI IV.
MISCELLANEORUM
BOHEMIAE
SANCTÆ;

Continens brevem Summam Vitæ, eorum,

QUI APUD NOS

(IN BOHEMIA, MORAVIA, SILESIA, LUSATIA)

Cum publica, & contestata Sanctimonie fama vixerunt, pieque
& sanctè decesserunt.

TITULUS PRIMUS.

Paulus Keicha primus in Bohemia Sacerdos, S. Wenceslai educator, D. Ludmillæ Martyri à Sacris.



Um omnis Antiquitas obscura
fit, etiam in Paulo Keicha obscuram se ostendit,
cùm nè hodie quidem, an unus, idemque fuerit
Sacerdos Paulus, & Sacerdos Keicha sciamus: ego
Weleslavini autoritate unum, eundemque po-
fui; nec obstat ætas, si eundem ad nonagesi-
mum, aut centesimum (quod novum illis sæ-

*Circa A.C.
930.*

*An idem sit
Paulus &
Keicha du-
bium est.*

culis non fuit) ætaris Annum, vivendo pervenisse dicamus. Discipulus
fuit Sanctorum Apostolorum gentis nostræ, Cyrilli, & Methodij; à quibus
paulò ante Anno Ch. 856. Borzivojo Welehradi in Moravia Christi fidem
pro-

Primum in
Bohemia
Templum
S. Clementis
Regino-
hradecij.

Christian. in
vita S. Wen-
ceslai.

Paulo Sacer-
doti Bohe-
mia in sa-
cris subje-
cta.

professo comes additus in *Bohemia* venit, primusque (quod sciamus) DEO vero incruentam hostiam in hac nostra tellure immolavit, excitatâ prima Ecclesiâ *S. Clementis* nomine, cuius corpus *Chersonâ* attulerat *Cyrillus*. Id factum *Reginohradecij*, *Hagecius*, & cum eo omnis retro antiquitas, & per manus traditæ memoriæ, tum ipsa *Ecclesia S. Clementis* hodièque perstans (ac quam postea *Cænobium Ordinis Prædicatorum* fundatum fuit) & alia Civitatis ipsius monimenta, tum etiam nomen *Hradecz*, quod *Castrum* significat confirmant, etsi id in dubium revocârit Vir in historia magnus, qui primum in *Bohemia Litomislj Templum* asseruerat conditum; postea verò sententiâ priorē suâ quodammodo damnatâ, *Castrum* aliud *Hradecz* sub *Praga* nominavit, in quo *Keicha* primum DEO in *Bohemia* sacrificium obtulerit, citatâ etiam in eam sententiâ *Codice Christanni*, quem in *Epitome* nostra vulgavimus primi; sed in *Christanno* omnia alia potius leguntur, qui disertè *Hradecz* nominat. Quis autem unquam vel fando, vel legendo audivit, *Litomisljum* *Hradecz* appellari? taceo ignobile illud *Castrum* sub *Praga* ad *Muldavæ* ripam, quod (ut ipsemet nuper inspexi) vix habitationi unius familiæ pauperi, nè dicam *Bohemiæ Duci* & *Templo S. Clementis* spatium dare potuit; & licet hodie *Hradecz* communi arcibus voce appelletur, à *Libussa* tamen quondam conditum, ab ea nomen accepit, ut *Libiehrad* diceretur. Ut uisit, *Paulus* latis in rebus æquè, ac tristibus *Borzivoj*um secutus, cum eo, Regno ejecto, exilium toleravit; *Paulo* huic *Keich*, quem *venerabilis vita Sacerdotem Christannus* appellat, tota Christianæ Religionis oeconomia, & institutio debetur; hic nobis, aut cælo potius, *D. Wenceslaus* ad omnem vitæ sanctimoniam educavit; hic dormiente puerulo *Wenceslao* ad ejus lectulum genibus flexis excubabat, eumque DEO offerens, pro *Puero* vota quonotibus faciebat; hic omnium pro Religione Christiana consiliorum susceptorum caput, & author Principibus fuit. Mortuo *Borzivoio*, adhæsit *S. Ludmilla*, ejusq; vitam cælestem per diu rexit; eâ quoq; barbaricæ socrus suæ extinctâ, à *S. Wenceslai* latere nusquam discessit; hunc ad elevandum Aviam *S. Ludmillæ* corpus *Wenceslaus Tetinum* ablegavit; *Paulus Presbyter*, inquit *Christannus*, *Wenceslao*, dum in terris degeret, in amicitijs junctus, semper in omni servitio obsecundatus est &c. Fuisse huic *Paulo* commissam aliquantulum *Ecclesiæ Bohemicæ* partem, *Christannus* videtur innuere, cum *S. Wenceslaus* penè adhuc puerum, oblatam sibi cœlitus visionem referentem inducit: *Vidi Pauli Presbyteri porticum* (atrium antè vocaverat) *quæ amœnis, & vasti ædium muniebatur ambitibus, totâ ædificiorum sublimitate, ac hominum cultu desolatam.* pergit Sanctus Puer visionem explicare: *Porticus Pauli deserta amplitudo Cleri nostro inclusit utamine, miserabilem à Regno præsingit* (id est, significat) *expulsionem &c.* *Genitrix enim mea diversorum Clericos Ordinum, ope terrenâ privatos, Regno severius ejcere molietur.* hæc *Christannus* ex quibus verbis de *Porticu Pauli* vastata, & exinde significatâ *Clericorum* dis-

sipa-

spatione, satis probabilis, ut reor, conjectura nascitur, ut huic Paulo aliquā
saltē ratione Cleri gubernationem tribuamus. Sed hæc alijs judicanda re-
linquo. Quo anno Paulus decesserit, ubi humatus sit, aliāque ad eum spe-
ctantia, in Antiquitate non legimus.

NOTÆ:

Eundem fuisse Paulum & Keicham autoritate Weleslavini adductus putavi, re melius
perpensā, dubitare me cogit ætas: nam si An: 856. Sacerdos in Bohemiam pri-
mus venit, S. Ludmille à sacris & S. Wenceslaum (qui concessu Scriptorum omni-
um An. 908. natus est) educavit, quot annis eum Sacerdotem fuisse ponemus?
hæret aqua. in illo Scriptorum silentio Lectores sequantur quod volent; perin-
de mihi erit, si Keicham SS. Cyrilli & Methodij Discipulum à Paulo S. Wenceslai
educatore secernant, si eundem & unum esse statuunt, modò sexaginta & pau-
lò plures Sacerdotij annos explevisse fateantur.

Videtur ali-
us fuisse
Paulus, ali-
Keicha.

TIT. II.

Ditmarus Primus Antistes Pragensis, Vir inclytæ
Sanctitatis; Ordinis S. Benedicti.

Observatum à nobis, & alio in loco probatum: primos quosque Ec-
clesiarum Præsules, tum etiam sacrorum Ordinum Fundatores, fan-
timoniā vitæ claruisse, Divinā Providentiā id faventer disponente,
ut successores Viros sanctos haberent, quos imitando respicerent, & propriam
suo instituto sanctimoniam, & vitæ viam tenerent. Ditmarus ex S. Benedicti
disciplina ex Cænobio Magdeburgensi cum circa Annum 971. ad S. Wenceslai
Reliquias venerandas Pragā advenisset, ut S. Nicolao, aliisque SS. Præsuli-
bus contigisse legimus, in eo pietatis officio à Boleslao Pio Principe deprehen-
sus, cognitā præsertim, & exploratā colloquijs viri prudentiā, morum inno-
centiā, doctrinā, ac cæteris Præsulum virtutibus, primus Pragensium Antistes,
concordibus Principis, Cleri, & populi (ut tum erant tempora) votis, electus
est, & à Moguntino Præsule Roberto consecratus Anno C. 972. 31. Januarij.
Nihil sibi ad summam diligentiam reliqui fecit Ditmarus: circumcursare,
Christi fidem prædicare, convincere idola, quā plurimas dedicare, & con-
secrare Ecclesias, sicut intra paucos annos (non enim anno tantum, ut alibi
probavimus, sedit) aliquot millia subiecti sibi populi adjunxerit Christo.
Hoc merito Pius II. Ditmarum opinione Sanctitatis insignem, Cosmas per-
vetustus Scriptor fidelem servum, qui talentum sibi creditum Christo centupli-
catum reportavit, Antiquus, & coævus penè author, auroram virtutum, Lu-
ciferum Sacerdotum, antesignanum sequentium Episcoporum, appellant. O-
bijt Præsul optimus probabiliter An. C. 979. obijt certior dies est, scilicet 2.
Januarij. sepultus est in Cathedrali sua Ecclesia S. Viti. Ejus defensionem à

979. 2. Janu.
In Vita Er-
nesti I. Ar-
chiep. Pra:

Primi Eccle-
siarum Præ-
sules Sancti.

Epit. rer.
Boh. l. 2. C.
9. & seq.

Ditmarum En-
comia & de-
fensio.

4. Tit. III. Theadagus & Helicardus Episc. Pragenses.

Cruger. ad
2. Jan. me adversus Micchovium, & Anonymum authorem vitæ S. Adalberti, habet
Weles. 2. Iā: in vita Arnesti I. Archiepiscopi Pragensis, & in sacris Pulveribus Crugerij S. J.
Phosph. Ra & in Phosphoro Thomæ Pessina. Ditmari laudationem ijdem Scriptores ha-
dio V. bent, & Pontanus in Episcopis.

TIT. III.

Theadagus vel Deodatus tertius Episcopus Pra-
gensis Ord: S. Benedicti.

A 1017. 10. **T**Headagus (Bohdal Bohemis) alijs Deodatus, & Theodatus, cas-
Maij. Jun. apud Prussos S. Adalberto An. 997. Boleslai II. Bohemie Ducis (quen-
arte medicinæ paralyti laborantem recrearat) commendatione, e
Res gestæ, Monacho S. Benedicti Novæ Corbeia, Episcopus evasit. Vir fuit æquè san-
& mors. ctus, ac doctus, olim Ottoni III. Cæsari à Scrinijs sacris, Cancellarium voce-
mus. Credibile est Hemmam quoque Boleslai Conjugem è Saxonia ortari
Civili suo fuisse. Quid secum adferret Episcopalis dignitas probè intelligen-
Pont. an. in Theadagus, & vitæ exemplo, & monitis, & reprehensionibus censorijs, &
Episc. concionibus sacris (Slavicam enim linguam bellè callebat) veri Pastoris mu-
Pessina Ra- nus implevit; & quia hæc finè malorum, ac potentiorum præcipuè (qui mo-
dio V. neri non sustinent, & reprehensiones pro dignitatis suæ læsione accipiunt
Weles. 5. & offensa peragi ægerrimè possunt, semel, atque iterum Ducibus offensis in exi-
13. Junij. lium actus est præceps, sc̃que ad Eckardum Misnie Marchionem recepit; im-
Cosm & Lu lium actus est præceps, sc̃que ad Eckardum Misnie Marchionem recepit; im-
pac. in Cal: adeò parum absuit, quin etiam pro veritate à sceleratis necaretur. Morien-
Hag. 1017. An. 1017. 10. Junij, alijs II. alijs 13. omnium suarum facultatum Ecclesiam Pra-
Fabric. in gensem, & ex æquo pauperes, & mendicos (disertè egenos opifices adjecit) scri-
Orig. Sax. psit hæredes.

TIT. IV.

Helicardus Quartus Episcopus Pragensis, ex Ord:
S. Benedicti.

1023. 8. Au- **H**elicardus ex eadem S. Benedicti familia jam quartus Bohemie Præsu-
gusti. Majores suos imitatus, vitam sancto fine conclusit; ejus breve, seu
Encomium ad sanctimoniam viri comprobendam, nimis quàm sufficiens Elo-
Helicardi. gium Cosmas scriptor vetustissimus concinnavit: Fuit hic Præsul contra po-
Cosmas in- tentes erectus; erga humiles, & mansuetos pius, modestus; facundissimu-
Chron. Boh. prædicator; largus eleemosynarum dator; Dominica Familiæ in mensura tri-
Welesla. 8. tici fidelis dispensator. Obijt Okardus, seu Helikardus, vel Eckardus
Aug. An. 1023. (alijs 1024.) 8. Augusti.
Hag. 1024.

TIT. V



TIT: V.

Hizzo Antistes Pragensis, numero quintus.

Hizzo, vel Izo illustrissimis ortus natalibus Comitum *Strossiorum*, seu *Hazmburgiorum*, sed sanctimoniâ vitæ nobilitatem sui generis superavit; exemplo optimorum, & sanctorum *Ecclesie Antistitum* ipsius misericordiæ præcordia gestare videbatur: quotidie quadraginta pauperes (alij habent quaterdenos, *Dubravius* tantum quatuor, sed & hoc misericordiæ, & constantiæ magnum exemplum) in *Aula Episcopali* pascebat, & cum bonis precationibus, ipsemet voluptatem exinde cælestem captans, manu suâ cibo, & potu porrecto nutrebat; sexto quoque die, id est feriâ sextâ, ut reor, ægrotos, & captivos invisens, ad solatia verborum, solatia ciborum, & stipis adferebat. Ijs virtutibus amabilis omnibus evasit, ut finè præfatione honoris nunquam *Izzonis* nomen audiretur; *Albus*, & *blandus* Episcopus *Izzo*, ut testatur *Cosmas* appellabatur: *albus* ob canitiem ætatis, *blandus* ob paratam, & obviam omnibus humanitatem. Decessit beato fine An.C. 1030. 30. Januarij, septuagenario major in Cathedrali sua Ecclesia, ingenti pauperum ploratu, & suorum è Clero lacrymis tumulum rigantibus, humatus. Pro omni Elogio valere potest, quod *Cosmas* scripsit: *Hic Episcopus prior fecit, quæ facienda præcepit.* Agunt de eo *Cosmas*, *Cuthenus*, *Pontanus*, *Crugerius*, *Pessina*, *Weleslavinus*.

1030.30. Ian:

Beneficentia Hizzon:

Cosm. 1030.

Cuth. notis

ad Silvium

Pont. in E-

pisc.

Welesl. 30.

Jan. & 29.

Decemb.

Cruger. 30.

Januar.

Pessina Ra-

dio V.

TIT: VI.

Slawnik, & Strzezislawa, S. Adalberti Episcopi, & Martyris Parentes.

Slawnikus, seu (ut scribunt alij) *Slavonicus Bohemus Comes*, *Libicij* Dominus, *Henrici* l. ex sorore nepos, & *Strzezislawa* (quam vetus Scriptor *Pulkavva Sstiestislavam* appellat *Boleslai Sævi* Bohemiæ Ducis *S. Wenceslai* fratris filia) ob summam, & numeris omnibus absolutam vitæ Sanctimoniam, in Antiquitate Bohemiæ celebrantur. *Slavunici* præconium apud *Cosmam* invenies; deprædicat comitatem facilem omnibus, paratam, obviam, lætâque humanitatem, Justitiæ in regenda pro Principe Provincia amorem, susceptam publicè miserabilium hominum defensionem, aliâsque virorum Principum dotes, ut audiendus non sit *Vitæ S. Adalberti* Scriptor, maculosum, & in conjugio exerrantem nobis describens; optimè *Adalbertum* educâsse, & jamjam moriturum, super aram *Libicij* positum *DEI Matri* commendâsse, & sanitatem impetrâsse filio tradunt, qui de *Adalberto* scripserunt. *Strzezislavam*, vel *Sstiestislavam*, vitam penè omnem

An. 987.

Genus Conjugum.

Cosmas l. 1.

hist. Boh.

Hag. 983.

Vita.

apud Bollā:
 & in Bibli:
 Capituli
 Prag. M. S.

Testimoni
 um vitæ
 piæ Paren-
 tū S. Adal-
 berti.

Obitus.

Cosmas.
 Hagek.

orationi, & misericordiæ operibus impendisse, ijdem Authores affirmant. Audiamus de utroque coævum, & melioris notæ Scriptorem in Vita S. Adalberti: *Erat Vir Slavonik nomine potens in honore, & divitijs, amore justitiæ, ac operibus Misericordiæ præclarus nimis; Vir magnus inter cunctos ejus terræ habitatores, auro & argento locupletissimus, inter delicias sæculi fidus custos divinæ legis, ambulans sollicitè juxta præcepta Sacerdotum, charus populo toti, sed propriè amicus Pauperum.* (Jam de Strzczislavva) *Hic accepit Uxorem dignam generis sui, & ipsam honestis moribus plenam, quæ audiendo verba vitæ plus sitivit, eadèmq; operando famem non explevit, nec delectabatur Matronarum pompis, nec auro, lapidibusque pretiosis, omnia pro minimo ducens, quæ stulti maxima putant. Sancta erat moribus, sancta sermonibus, fortis, ut dicunt, in jejuniis, familiaris DEO in Oratione, Mater lugenti pupillo, peregrino & Viduæ gratissima soror. Pro his ergo, & his similibus, quas ambo egerant Virtutibus, honoraverunt eos Nobiles, & Divites & coluerunt, maxime pauperum turba. hæc Scriptor S. Adalberto coævus. Obijt Slavonicus An. C. 981. 18. Martij, ut habet Cosmas (Hagek Annum 983. posuit) Strzczislavva tardius An. C. 987. (diem mortis ignoramus) Libicij in æde Divinæ Matris ad Maritum Slavonikum est addita, uterque cum veneratione sanctitatis; traduntque vetusti Scriptores, in S. Adalberti natali die per plurimos annos, odorem omnibus rosas fragrantiores effundi tumulo solitum, seu Adalberti filij meritis, seu Natalibus ipsis Rosarum, seu ipsis Sanctis Conjugibus hunc honorem cælo deferente.*

TIT. VII.

Bohumilus Abbas Insulani Cœnobij Sancti Benedicti cum XXVII. Sacerdotibus ejusdem Ordinis.

995.
 Hag. in An-
 nal. Boh. ad
 A. 978.

Ecclesiæ
 Prag. Cleri
 ci numero
 27. Ord. S.
 Bened. am-
 plectuntur.

COElestem penitus vitam in Insulano Cœnobio Bohumilus Abbas & Socij egere, ut præteriri silentio non possint. Flumine Muldava (qui Urbem Regiam Pragam ingreditur) adverso, post duo milliaria, & medium, sursum euntibus, Insula quædam occurrit, Ostrow seu Insulan. hodièque per antonomasiam vulgus appellat; mira quædam illius Cœnobij alio in loco referemus; prima origo Divino monitu è cœlis est petita. S. Adalbertus Pragensis Episcopus, cum quodam Anno (Hagek Annum 978. ponit) non parvum Cleri sui numerum solenni ritu Sacerdotio initiasset, ex his septem, & viginti Sacerdotes, DEO intus agente, & vitam singulorum regente, statuerunt DEO in arctiore vita servire, & domesticis SS. Præsulis exemplis, aut quacunque alia de causa adducti, in S. Benedicti disciplinam se tradere; ergo unà omnes S. Adalbertum adeunt, & quid statuisent, aperunt.

unt, simul designari sibi postulant locum, in quo DEO uni famulari, eumque diu nocturne deprecari possent. *Adalbertus* qui nihil nisi prius consulto celesti numine aggredi solitus esset, spatium ad deliberandum, & orandum poposcit; tum *Boleslaus Pio* Bohemiæ Duce adito, desiderium Sacerdotum exponit. *Boleslaus Pio*, cui ejusmodi visa cælestia sæpe offerebantur, post multas preces, Angelorum ministerio locus, & *Insula* ostenditur, ubi novum illum fervorem DEI cœtum degere oporteat. Aptato statim eo loco *Pius* Princeps Ecclesiam in *Insula* Divino honori in *S. Joannis Baptista* nomine construxit, deinde Cœnobium, & mansiones, ut tum loquebantur, Fratribus aptavit, ac deinde ne vitæ necessaria deessent, in perpetuum providit. Altero abhinc anno, vere incunte, cepere locum, prius à *S. Adalberto* ad omnem virtutem anno integro eruditi viceni ac septeni Sacerdotes, quibus *SS. Praesul Abbatem* imposuit *Bohumilum* nomine, Virum, ut Scriptores vetusti scribunt, opinione ejus ætatis *Sanctum*. Floruit hoc Cœnobium semper inclytis Sanctimoniâ Fratribus, & ex eo ad aliquot *Benedictini* Instituti Cœnobia in Bohemia coloniæ sunt deductæ. Ajunt hodièque frequentissima eò loci, ubi Cœnobium steterat, lumina cælestia apparere, & ne dubites cum cœlo commercium intercedere, aut Cœlum ascendunt, aut Cœlo descendunt. In hoc itidem Cœnobio vixere, *Sancti* quinque *Fratres* prius, quàm in *Poloniam S. Adalbertum* lequerentur, ut legere est in *SS. Martyrum* gestis, & Officio divino *S. Pragensis Ecclesiæ*: Româ enim egressi A. 981. usque ad A. 995. Cœnobium *Insulanum* incoluerunt.

Origo Insu-
lani Cœno-
bij.

Hagek in
Ann. Boh.

TIT. VIII.

Boleslaus II. cognomento Pius, Bohemiæ Dux,
S. Wenceslai ex fratre Nepos.

Boleslaus II. non *Sævum Patrem*, sed *Patrum S. Wenceslaum* vitâ, & moribus lenissimis, & sanctissimis expressit; fundavit Episcopatum *Pragensem*; viginti amplius Ecclesias construxit, easque insuper dotavit; Cœnobia tria ex *S. Benedicti* instituto, *Virorum Insulanum* solus & de suo; *Brzevnovia* cum *S. Adalberto*, *Virginum* ad *S. Georgium* *Pragæ* cum *sore Maria* condidit, & maximis opibus instruxit; *Christianam Religionem* primus nostrorum Principum armis asseruit, & mirificè propagavit; *Justitiæ* fervantissimus, pauperum, viduarum, & pupillorum Pater; ejus laudationem habes apud *Cosmam* in *Chronico*; illud omnibus votis quærebat *Boleslaus*, ut *DEUM* sibi, ac populo propitium haberet; securum hac de re Principem aspeçtabilis *S. Wenceslaus* reddidit, quo loco *Boleslaus Ecclesiam S. Wenceslai* in *Proshk* extruxit in colle edito ad *Pragam*. Ædificavit Urbem *Novoboleslaviam* in colle *Hrobka* A. 973. neque armis, quàm pietate inferior

997. 7. Febr.
Welesl. in
Geneal. Du-
cum Boh.
Cru. 7. Feb.
Pont. Boh.
Pie. l. i.
Dubrav:
Hagek.
Epit. Boh.
Pius appel-
latur ob Ec-
lesias & Cœ-
nobis ædi-
ficata.
Cosm. l. i.
hist. Boh.
Hagek ad
An. 970.

Vaticinium
ejus de fu-
turo Bohe-
miæ statu.

Hagek 999.

fuit, ut in *Epitome* narravi; *Bohemiæ* annis omnino duobus, ac triginta *Ducis* nomine gubernavit, sanctissimè mortuus, An. 999. 7. Februarij. Monita ejus suprema ad filium, & nepotem, habes apud *Hagecium*, quibus de futuro aliquando *Bohemiæ* statu prædictionem adjecit, dignissimam lectu. Sepultus est in Ecclesia *S. Viti*; ut *Hagecius*, *Lupacius*, *Weleslavinus* & *Crungerius* affirmant. Paucos *Bohemiæ* *Duces* huic pietate comparandos tulit.

TIT. IX.

Dambrovka Boleslai Pij Bohemiæ Ducis Soror,
quæ Poloniam conjugio suo fælicissimo ad
Christum adduxit.

977.

INsignis ex Polona gente Poëta *Janicius* Christum DEI Filium alloquens, sic canit:

Femina te nobis ostendit prima, Bohemo

Sanguine, prima Crucem Nos docuitque Tuam!

Vide Epit.
rer. Boh. l.
2. C. 7.

Ea fuit *Dobravka*, vel *Dambrovka* *Mieczislai* Poloniæ Ducis (qui fuit ipsius *Piasti* pronepos) *Meczislai* inquam *Conjux*, quam *Boleslaus I. Bohemiæ Dux* *Pater*, eâ lege *Meczislao* conjugem dedit, ut Christiana sacra susciperet; promisit, ac sponsa insigni *Procerum Bohemorum* comitatu (à quibus multæ Illustrissimæ in Polonia Familiæ ortum trahunt, ut alibi ostendi) *Gnesnam* deducta *Meczislao* conjuncta est; ex ea genitus est *Boleslaus Chrobry Princeps Polonia*, cum antè *Meczislao* ex septem uxoribus, Ethnicorum more sibi copulatis, nullam prolem suscepisset. Deductionem Sponsæ, Christianæ Religionis in Polonia originem, augmenta, incrementa, gloriam, Ecclesiarum opes, Basilicas, & Episcopatus aliquot, agente *Dobravkâ*, conditos & fundatos, plurimi Authores descripsere; primam *Basilicam Cathedralē, Cracoviam*, honori Patris sui *S. Wenceslai* excitavit *Dobrovka*, quæ postea illato *S. Stanislai* corpore nomen mutavit. Fuit porro *Dobrovka* Matrona pietate clarissima, magnifica in Sacris (quam magnificentiam hodièque Gens Polona scatur) fortitudine animi præstans, (ob quam à Scriptoribus *Amazon* appellatur) denique virtutibus omnibus spectatissima; *Coronam ruteam virentem* continenter capite gestavit, quod Idololatriam superasset, & ex Polonia profligasset; ejus encomium scripsit proximè Scriptor eruditus in Polonia *Kochovsky*; attingit quoque ejus laudes *P. Ines S. J. in Elogio Meczislai*. Obijt *Dobrovka* An. 977. dies ignoratur. Ex ea omnes *Piastai*, tam in Polonia, quam in *Silesia* *Principes* descendere.

Polonia per
Bohemam
Matronam
ad Christi
conversa.

Ecclesia Ca-
thedral: Cra-
coviæ S.
Wenceslai

Crom. in
hist. Polon.
Miechov.
Decius.
Weleslav. 7.
Martij.

Dambrov-
ka usque ad
mortem Co-
ronam viri
te gestavit.



TIT: X.

Elisabeth nata Comes de Querfurt, Antistita Vir-
ginei Cœnobij Pragæ ad S. Georgium Ordinis
S. Benedicti.

Comites de Querfurt, maximi in Imperio nominis, eadem cum Mans-
feldijs origine nati, generi suo illustrissimo Sanctimonie gloriam ad-
jecere; inter Sanctos ejus stirpis S. Bruno Episcopus censetur, qui S.
Adalberti exemplo incitatus, Prussiam intravit, & An. 1008. in Christi Evan-
gelio proferendo occupatus, Martyrium consummavit; agitur Sancti Bru-
nonis festus dies 14. Februarij, & extat vita, quam nuper cum Divis cæteris vul-
gavit Bollandus. Huic Sanctissimo Viro Sancta etiam, & vitæ innocentia
germana soror contigit Elisabeth, quæ Pragæ Parthenonem Sacrum (qui tum,
ut semper postea, Virginum Christi DEO, devotissimis, & innocentibus, &
sanctis animulis florebat) ingressa, post complures annos Virginei cœtus An-
tistita evasit; eam dignitatem tanto antè Elisabethæ (ut Sancto Henrico Impe-
rium, & Brunoni Elisabethæ fratri Episcopatum) prædixit S. Wolfgangus Ra-
tisbonensis Episcopus, ut in ejus vita, & Breviarij Lectionibus habetur. An
Elisabeth secunda, an tertia numero post Miladam, seu Mariam Cœnobium
hoc Pragenserexerit, dicere non habeo, cum monimenta Cœnobij ea de re
nihil suggerant, quæ videlicet incendio anni 1142. perierunt. Vixit Elisa-
beth circa An. C. 990. filia fuit Brunonis II. Nobilis Domini Querfortensis, ut
loquitur Bucellinus.

1008.

Bolland. in
Febr. ad 14.

Vaticinium
S. Wolfgā-
gi de Elisa-
betha.

T. II. Germ.
f. 402.

TIT: XI.

Asticus, seu Anastasius ex Brzevnioviensi Abbate
Ordinis S. Benedicti, Colociensis Episcopus, ejus-
que discipuli ad Ungarorum salutem cœlitus
missi.

Asticus, seu Astricus in S. Benedicti familia Romæ apud S. Alexium unà
cum SS. Præfule Adalberto educatus, ejusque itinerum comes, cum
idem Adalbertus, & Boleslaus Dux Brzevnoviense ad Pragam Cœ-
nobium maximis opibus fundassent (An: 993.) primus impositus est Abbas.
Malè cum tertium Abbatem facit vir historiæ patriæ alioqui peritus: nam in
ipsis Apostolicis literis Joannis Papæ, eodem anno datis Abbas Anastasius no-
minatur. Nullo alio, quàm sanctimonie, & vitæ singularis merito omni-
bus prælatum, cætera Anastasij vita, tum S. Adalberti autoritas, tum eorum
tem-

Post A. 1000

G. C.

Primus Ab-
bas Brzev-
nioviensis
Asticus.

*Pap. in
Diadocho.*

*Boll. ad 14.
Febr.*

*Bonifacius
Sanctis ad-
scriptus.*

*Bonf. Dec.
2. hist. Ung.
lib. 1.*

*Asticus Cœ-
nobium ex-
fruit.*

*Impetrat
Coronā Re-
giā Ungaris*

*Bonf. l. cit:
Revay in Co-
rona San.*

*Ung.
Baron. ad
A. 1000.
Dubr. l. 6.
hist. Boh.*

*Cetera ejus
in Ungariæ
Regi merita*

temporum incorrupta, & aurea procul omni fucō simplicitas fatīs demon-
strant; decennio integro præfuisse *Brzevniovienſi Cœnobio* affirmat *Papro-*
cius; ſed iſtud ſuſtineri non poſſe ex *Legatione Aſtici*, de qua paulò poſt, fa-
cilè ad chronologiam attenti, judicabunt, niſi & *Episcopatum* geſſiſſe, neque
tamen *Abbatis* nomen dimiſiſſe dicamus. Poſt *S. Adalberti* apud Pruſſos
cædem, cū multi in Cœnobijſ ejusdem laureæ cupiditate incenſi flagrarent
(ut de *S. Brunone Episcopo* in ejus vita paulò antè apud *Bollandum* legimus)
Anaſtaſius quoque in Ungariam, quam olim cum *S. Adalberto* magno rei
Chriſtianæ bono peragrârat, aſſumtis aliquot ex Cœnobio ſuo fratribus, *Ab-*
bat dignitate depoſitâ, ad prædicandum Evangelium advolavit. Ex *Socijs*
Anaſtaſij Bonifacius (verba recito Bonfinij) in inferiorem Pannoniam demiffus
ad prædicandum nomen Domini clarâ morte affectus, inter Divos relatus eſt.
pergit Bonfinius: *Aſtricum*, & *Discipulos*, Rex (*S. Stephanus*) honorificè ex-
cepit, & ad radicem montis ferrei collocavit, ubi *Divi Benedicti* Cœnobium
magnifico ſumtu exædificare permiffit. poſt pauca: mox *Colocenſem* *Baſilicam*
ſtatuit, ejusque Pontificem *Aſticum* designavit (Sanctitate, ut ait conſpicuum)
quem moribus, & doctrinâ præſtantiſſimè eſſe noverat, eūque poſt initum Ponti-
ficatum *Anaſtaſium* appellavit. Hoc poſtremum verum eſſe non poteſt,
quòd in literis Apoſtolicis, ut antè dixeram, jam An. 993. *Anaſtaſius* idem *A-*
ſticus appelletur. Narrat deinde idem *Bonfinius* ex Annalibus Ungaro-
rum, Legationem Romanam *Aſtici*, tantâ felicitate peractam, ut non exiſti-
mem ullum ex Ordine ſacro nominari poſſe, cui plus debeat *Ungaria*. *Aſti-*
cus benedictionem à Pontifice, quod erat imperatum, retulit; *Aſticus* *Un-*
gariam Chriſto, & ejus in terris Vicario obedientem, & morigeram primus
repræſentavit; *Strigonienſis Eccleſia*, ut Metropolitica in poſterum eſſet, im-
petravit; item cæteros erectos nuper in *Ungaria* *Episcopatus* confirmari obti-
nuit; ſed duo reliqua in *Ungariam Aſtici* merita longè ſuperant; primum
Regno, alterum Regi, & Regno datum, quod Coronam Sanctam, & decus Re-
gium ad Ungaros attulerit, & Crucem Apoſtolicam, quæ Ungariæ Regibus ve-
lut Apoſtolicâ Legatione fungentibus præfertur, impetrârit. Narrantur
hæ prærogativæ multis verbis apud *Bonfinium*, *Baronium*, & in ijs Scriptori-
bus, qui de Sancta Corona Ungariæ ſcripſerunt, verbo: Corona Poloniae Re-
gibus, deſtinatione Pontificis *Silveſtri II.* parata, Divino juſſu *Aſtico*, ſeu *Ana-*
ſtaſio ceſſit, *S. Stephano* Regi in Ungariam deferenda, Regesque Ungariæ *A-*
poſtolic appellati, quos procedentes Crucis inſigne præcedat; res eſt digna
memoratu, ſed obvia, & à plurimis Authoribus pertractata. Quantâ gra-
tulatione *Aſticus* in Ungariam rediens à SS. Rege *Stephano* exceptus ſit, facilè
eſt conjicere; Regi ac univerſo Regno chariſſimus poſtea vixit, eamque gra-
tiam, & charitatem non ad privata ſua commoda, ſed ad DEI gloriam, & e-
molumenta publiça ſtudiit derivare. Commodum per id tempus, neſcio,
quo

quo casu *Sebastianum Archiepiscopum Strigonensem* excæcari contigit, cui cum casus ille sacri muneris exercitationem inhibuisset, *Astricus* noster ejus officium permissu Apostolico æquè refarlit, ac si ejus loco suffectus videretur; vices eas triennio obiit *Anastasius*, novósque *Christianos Ungaros* ad omnem Sanctimoniam ipse Sanctissimus sacris allocutionibus perpolivit. Obijt plenius meritis *Anastasius*, gloriâ etiam miraculorum insignis, quem ad usquè mortuorum suscitationem progressum in quibusdam manuscriptis invenio. Agunt de eo *Annales Ungarici*, præcipuè *Bonfinius*, & *Revay*, meminitque *Dubravius*.

Miraculum
Astici.

locis antè
cutatis.

TIT: XII.

Hemma Boleslai II. Bohemiæ Ducis, cognomento Pij, Conjux.

Hemma, seu *Hemmildis* in familia Saxoniarum Principum nata, Matronalibus omnibus virtutibus, sed præcipuè misericordiâ in pauperes spectatissima, mirificè ab *Hagecio*, & *Fabricio* commendatur; genuit Conjugi suo complures liberos, atque inter filias *Hemmildim* sibi cognominem uxorem postea *Hermannii Marchionis Misnensis*, quæ ab omnibus Scriptoribus nostris omittitur. Septem annis Vidua *Hemma* post Conjugis mortem nihil aliud abdicatis sæculi curis egit, quàm DEUM pro se, ac suis exorare, ac misericordiæ opera in omne hominum genus exercere, itaque meritò ab *Hagecio*, & *Weleslavino* sancta, & devota DEO mulier appellatur. Obijt An. C. 1006. tumulata in Ecclesia Cathedrali *S. Viti*, his versiculis adscriptis:

1006. 4. Feb:

Fabr. l. 3. O

rig. Sax.

Hagek 1006

Pietas Hem
ma.

Hag. l. cit.

Welesl in.

Gene. Duc:

& Reg. Boh.

Quæ fuit, ut gemma, vilis jacet hic cinis Hemma;

Dic precor: huic animæ da veniam Domine!

Porro *Hemmam* repudiatam esse aliquando à *Boleslao II.* ex *Ditmaro* coævo Scriptore, tradit *Fabricius*; quod, in silentio Scriptorum nostrorum omnium, & quòd *Boleslai II.* pietatem, & Sanctitatem omnes æquè commendant, an fieri potuerit, non parum ambigo; at contra *Ditmari Episcopi Mersburgensis*, qui tum vivebat, authoritati succumbo, & quid potissimum sequar, ignoro; Lectores videant, utrum sit verius. Eandem *Hemmildim*, seu (quod idem est) *Hemmam*, *Ridachi Comitis Mersburgi* filiam facit *Fabricius*; hæc si repudiata est, & repulsam fortiter tulit, novum, idque nobile accedit Sanctitatis argumentum.

Fortitudo
in adversis.

TIT: XIII.

Spitihnæus II. Bohem. Dux, Justus cognomento.

Spitihnæus ejus nominis II. forma, & idea bonorum Principum, cujus nomen in illo annulo legitur, in quo Reges bonos omnes (ob eorum

1061. 28. Jan.

paucitatem) insculpi posse, nescio quis Veterum dictabat; *Brzetislaum Achilles Bohemie*, & *Juditham Ottonis Albi Comitis Rheni filiam* parentes habuit; patri in *Bohemia Imperio* An. 1055. successit; nihil illo truculentius, nihil ferius, barbari mores, & menserat, barbara imperia primitus dividebantur, donec *S. Vitus* adolescens aspectabilis monuit, malè auspiciata esse Regna, quæ non pietate, & justitiâ, sed feritate nituntur. Altè in animum Principis hæc salutaria monita descendere, citòque alius à seipso evasit; *Cosmas* primus *Bohemie* historiae conditor, tanta, & tam illustria pietatis, & Justitiæ exempla de *Spitihneo* adducit, ut nesciam, cui nostrorum Principum in hoc genere *Spitihneus* concedat; neque justa pietas, & pia Justitia, temerè, sinè lege, sinè ordine administrabatur, sed quotidiano usu, idem erat *Spitihneo* piè, & justè agere, quod vivere; accipe ex *Cosma* vitam Principis post-futuris exemplum: Crepusculo surgebat, ac fronti signo crucis impresso, ante ipsam protinus Crucem sternebatur; tum pio osculo Christi pedibus adoratis, agebat gratias, ac nè se in gravius aliquod crimen labi eo die sineret, precabatur; dein ad Missam ibatur, cui summâ gravitate, & pietate ob sacræ Religionis Majestatem intrecrat; reliquo ad prandium tempore toto, habebat consilia, potissimum de cultu Divino promovendo, de abolenda, quæ tum adhuc vigeat, superstitione, de extirpandis publicis sceleribus &c. Super mensam sermones virorum eruditorum, & piorum audiebat Princeps, differentium de regnandi bonis artibus, de salute, de Fidei questionibus, & sacræ ex veteri, & nova lege interrogationes proferebantur in medium, & sapienter, & sinè pertinacia, & vociferationibus solvebantur. Sublatâ mensâ quadrantem horæ Princeps in Sacratio suo domestico Cruci affixo DEO intuenso dabat (qui perpetuus illi mos, & summa teneritudo in eo aspectu defixum pendere) relaxatio aliqua sequebatur, & necessaria corporis exercitatio; tum advocato consilio habebantur Judicia, & usquè ad vesperum dicebantur, & audiebantur, & perrogabantur sententiæ, poenæque, ac præmia decernebantur, consilia ad summam Reipublicæ pertinentia examinabantur. Cæna Principis hospitibus carebat, *Annales Bohemie*, & gesta priorum Principum legebantur cœnanti. A Cæna Sacrarium ingressus Princeps, rursus, ut meridie fecerat, Christum Cruci affixum horæ quadrante spectabat, interpositis Divinis affectibus. Post hæc Completorium, ut ajunt, orabat; quotidie enim Princeps, velut si Sacerdos foret, Sacerdotalis officij pensum percurrerat orando, dein acta totius diei in examen vocabat, ac tandem vitâ suâ, & morte DEO commendatâ, ad quietem componebatur. Hæc erat æterna lex quotidianæ vitæ, quam nullum nisi belli tempus niutabat. Sed memorabilis est ejusdem *Cosmæ* de Quadragesimali *Spitihnei* jejunio narratio; quotidie de media nocte ad Matutinas preces Ecclesiam ingressus prosternebatur humi, atque extensis brachijs Crucifixi instar, multas horas durabat. Primam

S. Vitus M.
apparens
corrigit Spi-
tihneum
Ducem.

In historia.

Quotidia-
na Spitali
vita.

Teneritu-
do & con-
stans Prin-
cipis pietas
erga Christum
Cruci affi-
xum.

Cosm. l. cit.

Vita Qua-
dragesima-
lis Principis
Spitihnei.

mam canentibus *Canonicis*, accedebat pulpitum, eamque officij partem cum ijs perolvebat; in ingressu Ecclesiæ liberalissimâ stipe pauperes recreabat; summâ voluptate suâ Sacerdotalem habitum indutus, præsertim diem *Cinerum*, & ferias hebdomadæ majoris cum *Canonicis* canendo, transigebat, quas deinde vestes Sacellano suo cum alijs Principe dignis donarijs relinquebat. Sed hæc omnia magis ad pietatem, quàm ad justitiam spectare videbuntur: unicum erat præsidium Pupillorum & Viduarum ipse *Princeps*, & pro summo crimine Judicium habebat, si causæ eorum ultra triduum prorogarentur. Accidit aliquando, ut Urbe egredienti mulier occurreret, & judicium postularet; descendit confestim Equo *Princeps*, & in ipsa *Pragensi* porta confidens, integras duas horas causam agitari audivit, & latâ sententiâ absolvit judicium. Obeum justitiæ amorem *Justi* sibi cognomen justissimè comparavit; *Litomericensem* Ecclesiam Collegialem fundavit ditissimè, cumque jam *Cathedralem* Ecclesiam *S. Viti* basilicè exstruere cœpisset, sic ut uno fornice & *S. Viti*, & *S. Wenceslai*, & *S. Adalberti* sepulchra tegerentur, mors opus abruptit. Obijt sanctissimè, & vitæ conformiter Anno C. 1061. 28. Januarij, postquam sexennio *Bohemiâ* gubernâisset, dignus æternis sæculis *Princeps*.

Justitiæ amor in Principe.

TIT. XIV.

Jaromirus, seu Gebhardus Ordine septimus Episcopus Pragensis, Wratislai I. Bohemorum Regis frater germanus.

Si semel aut iterum peccâsse (ut sunt quidam hodièque humanæ vitæ, & Simbecillitatis immemores) illaudatum aliquem in omne tempus efficeret, & si malefacta nullis unquam obtegi possent benefactis, non audem profectò *Jaromirum* nominare, qui petulantiam militari principia sui honoris corruperit; at quia sinè vitijs nemo nascitur, & nemo vivit, & gloriæ partem apud rerum humanarum prudentes verti debet, aliquando peccâsse, & receptum ad virtutem habuisse; ex hoc numero *Jaromirus Episcopus Pragensis*, ubi semel virtutis iter ingressus est, tam sanctè reliquum vitæ peregit, ut eum *SS. Præsulibus Bohemiæ* meritò accenseri oporteat. nihil illo religiosius, liberalius, & (quod mirère) mitius postea fuit. Vitam optimi Præsulis ex uno vestigio (velut olim Herculis) æstimare licebit; Verni jejuniij tempus (quod Christi doloribus commemorandis Ecclesia præfixit, juxta illud: Erit vita tua pendens ante te) transigebat in hunc modum: Tempore quadragesimali mos erat suus. semper cilicium habens subtus, desuper veste Episcopali indutus, diebus pascit humanos obtutus, noctibus verò sacco vestitus latenter, Ecclesiam ingressus, & super pavimentum humi prostratus, tam diu perseverat in precibus, quoadusque largo imbrey lacrymarum madida fuit, cui incubuit humus.

1090. 26. Junij.

Jaromirus Episc. quomodo vitam suam correxit.

Cof. Prag. Decanus in Chron. Boh.

Quadragesimalis Pietas Jaromiri Episcopi

Misericor-
dia in ege-
nos.

Cof. in Chr.
ad A. 1030.

Inde consurgens ad agapen faciendam, & priusquam ruminet Psalmos, quotquo ante Ecclesiam invenit miseros, boni operis per copiam supplet eorum inopiam; finito Psalterio idem facit: post matutinas autem XL. panis quadrantes, & totidem allecia, sive alicujus edulij partes, dividit inter pauperes. Quartâ autem vice, jam appropinquante luce, ad numerum Apostolorum lavans pedes duodecim peregrinorum, dividit his formas bis senas denariorum, quibus ad horam prandij in abdita stuba, vel casa positis, abundè ipse necessaria apponit, & dexterâ suâ cibum, & potum eis benedicit; deinde ad publicam mensam vadit, & secum XL. egenos pavit. Similiter ad sedem suam Pragæ constituit quotidie undecim pauperes pascendos, & bis in anno vestiendos à corrigia calcei usque ad mastigiam pilei. Item nonnullos adventantes hospites, & pauperes Clericos nimis dationibus obligat, ut per totam quadragesimam secum manentes, tam præviviis, quam defunctis Psalteria legant; ad singula quaque Missarum solennia, quotquot in Capella quâque die fuerint celebrata, trina dari fecit numismata denariorum; omnibus autem diebus Dominicis duodecim nummos, festis vero Apostolicis, & in alijs majoribus solennitatibus ducentos offert, super pixidem SS. Reliquiarum argenteos. Quâque fuerit largus, si te delectat ô prudens scire lector, pelliciam Episcopalem nunquam integrum per annum portabat sed unam hyemalem in Pascha, alteram æstivalem in festo S. Wenceslai suis Capellinis donat. Sic & in cæteris donativis largum fuisse scias. hæcenus Cofinas ejus temporis Scriptor, sic enim canit:

Gemma Sacerdotum cunctorum, laus Bohemorum
Dogmate præclarus, pius Antistes Geberhardus,
Vivat ut in Christo mundo migravit ab isto,
Moribus, & vitâ, de cujus dicere multa
Fert animus mihi, sed defunt in pectore sensus,
Pauca tamen fari libet hæc: quæ vidimus ipsi.

tum subijcit, quæ attulimus.

Obitus &
Epitaphiû.

Obijt pius Antistes An. 1090. 26. Junij Strigonij in Hungaria, apud Ladislaum Regem amicissimum, veneno hostium dolo extinctus.

TIT: XV.

Marcus Cathedralis Ecclesiæ Pragensis Præpositus.

1096.
Marci Præ-
positi genº.

Hag. in An.
Boh. 1066.

Inter celeberrimos, nativitate, sapientiâ, & sanctimoniâ Præpositos Pragenses præcipuum habet locum, antiquitatis etiam prærogativâ superat, Marcus ex Comitibus Mielnicensibus in Bohemia ortus, cui An. 1066. ex Præposito ad Episcopatum Pragensem evectus Jaromirus, Ducis Bohemie Frater, dignitatem veterem suam Præpositi sponte concessit; aptiorem certè inve-

invenire non potuit: ex illa gente, Hagecius inquit, Marcus prodierat Comitum Bssaviorum, qui olim cum Czecho ex Croatia in hasce oras advenerant; ac postea Hroznata, seu de Hroznietin (quod hodie Lichtenstat in Cubitensi regione dicitur) tandem Hroznietino Teplensi Cœnobio tradito, ab arce nova abs se ædificata (quæ Gutstein dicta est) Domini Gutta, vel de Guttstein, vel de Guttstein Comites appellari cœperunt. Sed de Marci Comitis doctrinâ, id quoque tradit Hagecius: fuisse literis, & prudentiâ excultissimum, unicum in Bohemia sæculi sui Magistrum, Civilis, & Canonici Juris peritissimum, & quod maximè quærebatur, singulari in divinis literis interpretandis solertiâ, & fælicitate. Ad Sanctimoniam spectant quæ sequuntur: dilexit decorem domûs DEI, & primus Canonicos, & Clericos Pragenses, tum adhuc communiter viventes, ad omnem morum, vitæq; sanctitatem adduxit: antea, quod fatendum est (ait idem Hagecius) Clerici Ecclesiæ Pragensis (quavis Canonici dicerentur) erant ignari rerum omnium, rudes, in profano habitu incedentes, (nolo quæ sequuntur adjicere) pergit: At Marcus Præpositus Instructionem quandam, seu Regulam confecit, eosque verbis, & exemplis disciplina Canonorum assuefecit, certum habitum, eumque Ecclesiasticum præscripsit, Rubricas in usum deduxit, renovavit, correxit. Quatuor supra viginti Canonicos ipse Marcus instituit, eisque de sufficientibus alimentis providit. Denique optimus Præpositus, ut eos pacaret, quibus nihil satis est, ex Decimis suis, & Ecclesiæ proventibus omnibus, quartam solum partem ipse capiebat, tres partes priores Canonicis percipiendas relinquebat &c. Multa alia de Marco commemorat Hagecius. Postquam triginta annis Pragensis Ecclesiæ Præpositus fuisset, magnâ bonorum omnium partâ commendatione, vitâ excessit. Obijt circa Annum Domini 1096. nam, cum constet ex Hagecio Præpositum electum An. 1066. & triginta annis eam dignitatem gesserit, necesse est ad Annum Domini 1096. vivendo pervenisse.

Merita ejus
in Ecclesiâ
Pragensi.

Nota.

Obitus.

TIT. XVI.

Juditha, & Ludmilla Sorores, filiæ Wratislai I.
Regis Bohemiæ.

Wratisslaus Rex ex secunda conjuge Adleta, Andreae Ungariæ Regis filia, mares duos, totidem puellas suscepit, conjugio magis sancto, quàm in successionem fælici: quippe Borzivojus filiorum alter (ut in Epitome narravi) plurimis jactatus ærumnis, in exilio vitam clausit, alter, Wratislaus scilicet, puer extinctus est; at Juditha Wladislao Hermannæ Poloniæ Principi nupta, ad miraculum virtutibus claruit; habet ejus miras laudes, qui nuper Hypomnemata Reginarum Poloniæ vulgavit, egregius, & prudentissimus Scriptor Polonus Kochovsky; eadem Juditha populum gra-

1109.

Juditha
pro populo
relevando
apud Mari-
tum interce-
dit.

vibus exactionibus oppressum relevavit suâ apud maritum commendatione, optabili, & in mores nostros utili exemplo, si Principes stirpem suam perennare velint, ut alicubi probavit *Theophilus Raynaudus*; decennio *Juditha* sterilis fuit; voto deinde ad *S. Ægidium in Galliam* misso, prolem impetravit *Boleslaum Krzivoustum*; describunt hæc miracula, & *Juditha* pietatem Poloni Scriptores. Obijt 1085. alijs 1082. alijs 1289. 25. Maij. Moriens facultates suas omnes pauperibus, mundum verò muliebrem vivens adhuc (quod ego magnæ in fœmina virtutis documentum esse reor) in cultum Ecclesiarum donavit. Sub mortem à marito impetravit, ut *Croppensem*, si-ve *Pabianecensem* Comitatus (Miechovius *Krobie* vocat) Collegio Sacerdotum *Cracoviensis Basilicæ*, *Lagoviense* territorium *Crusniciensi*, seu *Wladislaviensi* Episcopo, *Nansniensem* ditionem *Tinecensi* Cœnobio sempiterno Jure donaret.

Miechov. l.
3. C. 1.
Crom. l. 5.

Impetrat
multa Ec-
clesijs.

Vid. Epit.
hist. l. 3. C.
10. in Notis.

De Ludmil
la.

Cos. in hist.
Boh.

Welesl. 22.
Maij.

Manlius
in Lusatia.

Dresser. in
Millenar.

VI. P. 2. in
Groicensib.

Ejus in fa-
cris rebus
liberalitas.

Lupac. ad
27. Julij.

Ludmilla uterina *Judithæ* soror, quibusdam Scriptoribus etiam *Juditha* appellata, nihilo inferior vitæ Sanctimoniâ fuit; In Conjugem data *Viperto Comiti Groicensi Lusatia Marchioni*. *Ludmilla* laudes *Dresserus*, & *Fabricius* prædicant. Obijt 1109. 17. Decembris juxta alios 1124. Duo Cœnobio fundasse dicitur, utrumque Virgineum, *Viceburgense*, & *Bichlingense*. qui alios Fundatores nominant, *Ludmillam* tamen Cœnobiorum redditus, & opes plurimum auxisse fatentur. *Cosmas* illius temporis Scriptor, *Ludmillam* DEO devotam famulam, *Weleslavinus* feminam sanctam appellant; eadem in honorem *S. Thomæ Apostoli* Capellam in Ecclesia *Pragensi* construxit, & dotavit, sic, ut in ea quotidie *Missa* pro Defunctis legeretur. *Viper- tus* porro Princeps optimus, mortuâ *Ludmillâ* (seu *Judithâ*) ante obitum monasticam vitam *Pegavia* amplexus, paulò post *Ludmillam* secutus est in Cœlum. Ex *Chronico Pegaviensi*, & *Lupacij Calendario* quæ sequuntur exscribo: *Ludmillam* (quam illi *Juditham* appellant) cum *Pegaviensis Cœnobij Templum* in honorem *S. Jacobi* An. 1096. 27. Julij consecraretur, processisse in medium auro textis induvijs regaliter adornatam, & primum *Coronam* auro gemmisque fulgentem, deinde *cycladem* inlar *Dalmaticæ* auro textam pretiosissimi Operis, quam sub mantello ferebat, super *Altare* Deo, Sanctoque *Jacobo* deposuisse & donasse, ut quàm ditissimè Divinitas in sua nova Ecclesia coleretur.

TIT. XVII.

Meinhardus Pragensis Episcopus, Vir invictæ, & heroicæ prorsus patientiæ.

1134.
Cosmas in
hist. Boh.

Mortuo *Hermanno* Episcopo *Pragensi* An. 1122. successus est ex *Præposito Boleslaviensi* (ut quidam affirmant) *Meinhardus* *Præsul* in ordine denu, ut *Cosmas* eorum temporum Scriptor cecinit. Hic Episcopus

scopus Anno 1124. reperit ossa B. Podivini (verba Cosmæ refero) eaque condit
humum in Capella, quæ est sub terra inter altare S. Nicolai Episcopi, & Tumulum
Episcopi Jaromiri. Idem Meinhardus An. 1129. amore in S. Præsulem A-
dalbertum incensus, ejus sibi sacrum Tumulum sumpsit ornandum, auroq;
& gemmis contextit summâ artis gratiâ, atque in id opus tria millia, & septin-
gentas (alijs 70.) sexagenas Pragenses (pretium illâ ætate propèter, quàm ho-
die vulgò sit, majus) expendit; Anno denuum sequenti Peregrinus in Ter-
ram Sanctam concessit. Hujus liberalissimæ pietatis, & virtutis præmium,
alia virtus, aut virtutis facultas oblata est Meinhardo, quem DEUS Cælum
ingredi incruento Martyrio coronatum voluerat: insimulatus est conjurati-
onis initæ adversus Sobieslaum Bohemæ Principem tam probabili accusatione
(quippe à morituris extortâ) ut nihil propius fuerit, quàm ut periret; descri-
bit has calumnias fortissimè à Meinhardo toleratas, omnium diligentissimè
Jaroslaus; at quia hic liber in Bibliothecis latet, Dubravius, & Hagecius
consultantur. Vix emerferat optimus Præsul accusatione & judicio diu mo-
lestissimè protracto, Episcoporum duorum, & septem Abbatum solennibus cæ-
rimonijs à tam atroci crimine absolutus, cùm nova iterum innocentissimo
Præsuli calumnia ab ijs, quibus minimè omnium oportuit, irrogatur; apud
Moguntinum Metropolitanum causâ jaçtatâ, opinione multorum damnatus,
innocentiâ probatâ absolvitur, suæque restituitur Sedi; accusatores, & ma-
ledictos pœnâ talionis deturbâisset alius de gradu; Meinhardus ut primùm
Pragam attigit, omni injuriâ ex animo deletâ, catenarum, & compedum vi-
ce, innocentissima brachia in hostium colla extendit, arctèque vero Christi
amore complexus omnes, osculis calidissimis vultum omnem, & caput sin-
gulorum opplevit, & rigavit senilibus lacrymis, amicè appellans, & quasi
nullam unquam accepisset injuriam, beneficia ultro, & dona ingessit, obli-
vione omni injuriarum secutâ. majorem se Meinhardus in hac animi excellen-
te, & fortitudine præstitit, quàm si miracula patraffet: majus enim est mira-
raculum, injurias tantas concoquere, & Christo donare, quàm oratione ela-
tum sublimem vel in cælum rapi. Heroicæ huic patientiæ reliquæ virtutes
congruebant in Præsule Meinhardo, ut vetusti Scriptores eorum temporum
attestantur.

Fuit Meinhardus Ecclesiarum, ac præsertim suæ Pragensis maximus a-
mator, præter Tumulum S. Adalberti multis millibus ornatum, & Salvatoris
ad Hierosolymam sepulchrum (quod, ut dixi, peregrinus adierat) auro obry-
zo, & gemmis lucente materiâ, ditissimè contectum, fundavit quoque Cano-
nicorum (ut voce usitatâ utar ad claritatem) Præbendas magnis opibus in Ec-
clesia Pragensi, ob eamque causam 2. Julij, æternam quotannis memoriam
in sacris à grata posteritate retulit. Idem Præsul multis, magnisque muneri-
bus Cænobium Bambergense (Montem Monachorum appellant) profecutus
est

Meinhardi
liberalis pie-
tas in S. A-
dalbertum.

Adversis ja-
çtatur.

Jaroslaus
Præmonst.
in M. S.

Amor ini-
micorum
mirus in
Meinhardo

Fundator
aliquot Præ-
bendarum
in Ecclesia
Pragensi.

Obitus.

est, ac ditionem *Künigsfeld* emtam de suo, Cœnobio illi addixit, & donavit quod eum *S. Ottonis*, cui per familiaris erat, amore fecisse suspicor, qui hoc Cœnobium impensè coluit, & post *Meinhardi* mortem An. 1139. in eodem est tumultatus; at *Meinhardus* plenior meritis, quàm ætate, Anno Christi 1134. 3. Julij vitâ decessit, & ad parata invictæ patientiæ suæ, & cæterarum virtutum præmia, evolavit in cœlum.

TIT. XVIII.

Sobieslaus I. Bohemiæ Dux.


1140. 14. Febr.

Sobieslai
celestis vi-
ctoria.Weitmülin
Chron.
M. S. Larof:
Crug. 14.
Febr.Fundatio-
nes Sobesl:Corona Wis-
sehradens:

Obitus.

Sobieslaus ejus nominis primus, filius *Wratislai Bohemiæ Regis* ex *Suava* *Stavva Casimiri Poloniæ Regis* filia genitus, post fratres suos *Borziwoj* *um II.* & *Wladislaum I.* mortuos, An. 1125. *Bohemiæ* imperium auspicatus est, & annis 15. gessit. Nihil in hoc Principe humile quisquam sibi depingat animo, ipsæ virtutes, & sanctitas Regia fuit: aliæ sunt privatorum aliæ Principum virtutes. Quantum cælo placeret Princeps, cœlestes ostenderunt suppetiæ: aspectabilis *S. Wenceslaus* An. 1126. aciem præcessit, quæ victoriâ Regni rivalis *Otho* cecidit, & *Lotharius Imperator* (rarum spectaculum) inter captivos repertus est. Insidijs deinde *Wissovicensium* appetitus Princeps, conjurationem SS. Apostolis *Petro*, & *Paulo* proidentibus, evasit. gratus *Sobieslaus* novo more triumphavit nudis pedibus, nudo capite in sacro, *Ecclesias Pragenses*, auro plurimo in pauperes erogato, orando percurrit. Quot Urbes, quot arces condiderit, in *Hagecio* leges; *Missa* Civitas *Sobieslai* Sancto conditore gloriatur; sed mihi sacra propositum est hoc loco tractare: In *S. monte S. Georgij Ecclesia* *Sobieslai* opus est, deinde *Zielivense*, seu *Siloinse Cœnobium*; *Wissehradensis Ecclesia* regicè exornata, & locupletata; addidit hinc porticus Ecclesiæ, pavementum quadrato lapide constravit, picturâ pereleganti parietes renovavit, lateritijs tegulis Ecclesiâ, Sacella, Domos omnes Sacerdotum contexit; Coronam tumulo Patris impendentem, auri 12. argenti octoginta pondo, suspendit, ad eandem Ecclesiâ Sacerdotia triginta duo adjecit, fundatione liberalissimâ, sicut die noctûque in *Wissehrad* Divina canerentur. Uno ante mortem anno integro, quotidie pro se, quasi jam demortuo, Sacra ad aras funera fieri iussit, & quasi præmortuus, cum lacrymis orans spectavit, quod post mortem optaret. Ità comparatum 14. Februarij An. C. 1140. *Arnovia*, mors rapuit; *Pragam* deventus *Canonicorum Wissehradensium* humeris, velut secundus Fundator illatus in Tumulum, prope Patrem *Wratislaum* humatus est, Princeps bello, sed magis virtutibus Regijs inclytus, & suis omnibus charissimus, Conjugi præcipuè Matronæ piissimæ *Adletæ Bele II. Ungariæ Regis sorori*; quæ mariti mortem non ferens, octavo mense contabuit, ac in eodem tumulo, ut optarat, est sepulta.

TIT. XIX.



TIT. XIX.

Gezo primus Abbas in Strahow, seu in monte Sion
Pragæ, Præmonstratensis Instituti.

ANno 1143. *Wladislaus* inclytus armis Bohemiæ Princeps, incitante *B. Henrico Zdik* Olomucensi Episcopo, qui, ut in ejus vita narratum est, studio virtutis incensus, totum se *Ordini Præmonstratensi* jam Episcopus consecraverat, *Wladislaus*, inquam, Princeps Strahoviense Cœnobium maximis opibus fundavit. Colonia *Pragam* ex celeberrimo *Steinfeldensi Cœnobio* deducta tantum octo capitibus constitit, sed addidère se statim ex *Bohemis* non pauci, atque inter eos *Jaroslaus Ecclesiæ Metropolitanae Canonicus*, ex quo ista describo: hos inter octo priores *Gezo* fuit, Vir autoritatis, & doctrinæ maximæ, quem cum nomino, virtutem ipsam videor nominasse. *Coloniensis Ecclesiæ Canonicus* cum adhuc esset, objecto mirabili somnio, omnes vitæ suæ rationes mutavit: videbatur in stallo ut vocant, & ordine Canonico stare, cum nescio quis horridâ, & ingenti specie Vir *Ecclesiæ* ingreditur, virgam manu prætendens, quâ certos quosdam *Canonicos* leniter feriebat; jam ad *Gezonem* quoque Virgator ille veniebat, sed ferire conantem *Gezo* corporis agilitate elusit, virgâque vitavit, simul anhelans, & sudans somno tristiore solutus est. Paulò post eodem ordine, quo prius in somnis contingi viderat, *Canonici Colonienses* auferuntur è vita; *Gezo* Divinum fuisse somnium intelligens, ut sese ad mortem rite compararet, vale honoribus omnibus dicto, circa An. C. 1134. in Cœnobium *Steinfeldense* sanctimoniam famâ celebratissimum, relicto post tergum genere humano, abdidit sese, vitamque cœlestem profiteri cœpit. Plerumque ejusmodi maturâ, & gravis ætas cum se virtuti adjunxerit, gnaviter, ac cæteris ardentius in propositum incumbit, & quasi studio moram redimere, & compensare vellet, sponte fertur in ardua: itaque nihil *Gezone* studiosius, nihil in cursu ad virtutem incitatus; mitis idem, & tractabilis, totus ad obsequia Religionis, & instituta cœlestia anhelabat, peritissimus erat Religiosæ disciplinæ, quam primum à se, tum ab alijs exigebat. *Jaroslaus*, qui eum sæpe ad fratres dicentem audierat, illud *Elie Prophetæ* à Spiritu sancto datum elogium accommodat *Gezoni*: *Surrexit quasi ignis, & verbum ipsius quasi facula ardebat.* His virtutibus, cum se omnibus honoribus indignum deputeret, velut maximè idoneus, omnium *Pragensium* Fratrum sententijs primus Abbas eligitur. *Gezo* diu sententias fratrum, & *Henrici Episcopi*, & *Wladislai Fundatoris* preces frustratus, tandem, *Ulrici Steinfeldensis Præpositi*, & *Patris* imperium detrectare non potuit. Gessit eum honorem ad Annum usque 1149. quo Calendis Januarij evolavit in Cælum. Ejus & *Godscalci* (qui

1149. 1. Jan.

P. 1. pag. 49
Epit. nostra
l. 3. C. 10.Gezonis mi-
rabile som-
nium.*Jarosl. in
M. S.**Gezo arden-
tissimus Ex
hortator.*

Laudatio
brevis Cœ-
nobij Stra-
hovienfis.

postea primus *Zielivensis Abbas* fuit) institutione, & sanctissimis legibus ad eam sanctimoniam famam *Cœnobium Strahovienfe* pervenerat, ut certatim Episcopi, Principes, ac Reges (ut alio loco docebimus) depositis Coronis, & omnium honorum insignibus, in hoc Cœnobio degerent, filios ad virtutem educarent, aut etiam ipsimet profiterentur; contestata omnibus historiis res est: centum propè annis non aliundè, quàm ex hoc uno Cœnobio (tanta erat, ut sic dicam, *prescriptio Sanctitatis!*) ad *Olomucensis Ecclesiæ* infulas vocatos, petitos, & electos; *Gezoni* hæc attribuuntur omnia: nam ferè initijs cætera respondent. Agit de *Gezone Jaroslaus Pramonstratensis in Chronico M. S.* & ex eo *Crugerius* noster ad 1. Januarij.

TIT. XX.

Hedwigis Theobaldi I. Filia, Conjux Friderici I. Brenæ Comitis, & filia ejus Sophia Antistita Parthenonis Quedlinburgensis in Saxonia Ord. Cisterciensis.

1210.

Luf. Manl.
Fabr. l. 5. O
vig. Saxon.

Virtutes
Hedwigis.

De Sophia
Vestali.

Theobaldus I. cognomento *Magnus*, *Wladislai II.* Bohemiæ Regis frater (à quo *Theobaldo Ssvihoviorum* illustrissima stirps rite descendit) inter alias complures nobilissimas proles ex *Sibylla*, vel *Sidonia* Wittelspachia *Hedwigem* genuit, quæ ob formæ, & morum gratiam singularem à *Friderico I. Brenæ Comite*, & *Lusatia Marchione* expetita, venit in manum. Fuit Matrona omnibus, quæ cum sexum, & conditionem decebant virtutibus prædita; pia, in orando, sedula, pauperum Mater, humilis, neque super ullum sese efferens, in primis verò Divini cultûs promovendi studiosa; eo fine *Brenæ* in *Lusatia* Virginum Cisterciensium Cœnobium lautissimè fundavit, maritoque author fuit, ut aliud ipse pro viris ejusdem Instituti *Buchæ* in *Osterlandia* fundaret; at cùm moriens *Fridericus* An. 1181. 4. Januarij opus imperfectum reliquisset, *Hedwigis* de suo, filijs quoque adjuvantibus, Cœnobij foundationem absolvit, ac nè sua tantùm dare videretur, seipsam DEO in *Brenensi*, quod fundarat Cœnobio consecravit inter *Conversas*, & ut ità dicam, Cœnobij mediastinas, humilem, & abjectissimam vitam professâ; vidua post mariti mortem annis 29. tandem An. 1210. 19. Februarij sanctissimè decessit, tumulo marmoreo altè è terra extante honorata. *Hedwigis* plures reliquit liberos, at *Sophia* ejus filia, virgo sanctimoniam nomine à *Saxonicis*, & *Lusaticis* Scriptoribus mirificè commendatur: ingressa, nè quid mundus esset, scire posset, Cisterciense Virginum Cœnobium adolescentula *Quedlinburgi* in *Saxonia*, tantis repente cœpit clarere virtutibus, ut eam velut de cœlo missam reliquæ virgines intuerentur, & ad ejus

exem-

exemplum, quod modestiâ, & charitate præsertim emereret, conformare se-
se omnes studerent. *Antistita* deinde omnium votis potius, quàm suffra-
gijs lecta, omnes suas fecit, quod se in ejus animo, & corde habitare scirent;
obiit magno sui desiderio relicto, multis defleta lacrymis, opinione Sancti-
monia diu in memoria fororum remanente! Annum & diem mortis legen-
do rescire non potui.

TIT. XXI.

*Wladislaus Marchio Moraviae Wladislai II. Bohe-
mia Regis ex Juditha Thuringica filius.*

W*Ladislaum* (quem nonnulli perperam *Wradislaum* appellant) Prin-
cipem religionibus sacris, & Sacerdotibus addictissimum, *Moravia*
Marchionem habuit; qui in summa regnandi licentia, nihil sibi, ni-
sì quod per virtutem liceret, permisit. Regis filius, & delictum subditorum
amantium cum esset, & à Proceribus Bohemiae *Regnum* oblatum haberet,
jamque etiam quinque mensibus regnasset, raro & admirabili demissionis
exemplo, nullo cogente metu, nullo nisi virtutis amore, *Fratri Premyslao*
Ottogaro I. Sceptum dedit in manum, *Moraviâ* retentâ. Propositum &
votum unicum optimi Principis in regnando fuit, quantum æquitas sineret,
de omnibus Ordinibus subditorum, quàm optimè posset, mereri, idque non
aliis artibus, quàm publicâ pace, justitiâ, æquitate, civilitate, & acri in bo-
num cômune vigilantia se consecuturum sperabat; amatus vicissim à suis li-
beraliter, sic ut pro Principe, si res posceret, nullum periculum, nè mortis
quidem, subditi recusarent. Misericordiâ in Orphanos, egenos, Viduas,
aliòsque opis indigos tantâ, ut nullum abire diem sineret, quem non memo-
rabili aliquâ benignitate, & liberalitate signaret; ad hæc pietatis opera acue-
bat *Principem* quotidianæ, tam in Ecclesijs, quàm in domestico Sacello ora-
tionis assiduitas. In omnibus, quæ ad Dei cultum spectarent omnes mun-
ditias, & divitias, omnemque splendorem adhibebat, & certamen illi erat
magnum cum *Roberto Olomucensi Episcopo* ejusdem Genij & in sacris magni-
ficentiæ Viro, uter pretiosiora ad *S. Wenceslai Cathedralē Ecclesiam* (quæ
tum collapsa restituebatur, & surgebat) aliàsque Ecclesias adferret, victum-
que se non semel à *Roberto Wladislaus* ingenuè fatebatur. Obtulerat *Eccle-
sia Olomucensi Wladislaus Crucem auream* duodecim auri pondo gravem,
genis distinctam clarissimis: at *Robertus* nihil primùm sentiente Principe
Thecam totam auream, auri pondere, genis, artificio longè superiorem sus-
pendit, in eâque *S. Christini Martyris Corpus* inclusit. At *Wladislaus* ma-
jori rursus opere *Cænobium Welehradense*, & amplissimam Basilicam vetere
dirutâ, in honorem *Divæ Matris Cisterciensis* instituti filijs excitavit eo ma-

1222.

Virtutes
Wladislai
MarchionisCertamen
liberalitatis
in Ecclesijs.Fundat Cœ-
nobium We-
lehradense.

Dubr. l. 15.
bist. Boh.

ximè illectus, quòd primam ibi Ecclesiam in Moravia S. Cyrillus Slavorum Apostolus consecrasset. Denique Regijs virtutibus, & apud DEUM, & apud homines spectatissimus Princeps, quem immortalem esse oportuerat (si quid humana vota valerent) mortalis esse desiit An. 1222. Wlebradi in Ecclesia sua tumultus, in quam etiam Robertus Episcopus virtutum ejus & pietatis, ut ita dicam, corivalis est illatus, utriusque Tumulum, Sacerdotes, Proceres, Religiosi, divites æquè ac pauperes lacrymis irrigarunt. Andrea Episcopi Pragensis Viri sanctissimi vox fuit (quæ Fratris Regis Ottogarii iram accendit) cum Wladislao Marchione unicum Sacerdotum præsidium intercidiſſe. Memoria Doxanensis Cœnobij breviter, mortem, & mortis diem (quem alibi non reperias) annotant: 12. Augusti (An. 1222.) obiit beata memoria Wladislaus Marchio, filius Regis Bohemiæ, qui contulit Cœnobio nostro centum Marcas, & pretiosam Imaginem S. MARIÆ pro L. Marcis; fuit omnium Spiritualium, Viduarum, & pupillorum defensor. Vide Epitomen nostram l. 3. C. 13.

TIT: XXII.

Abrahamus Eremita Strzelensis, dein Abbas Gradicensis ad Olomucium Ordinis Præmonstratensis.

1232. 4. Apr

Genus Abrahami nobile.

Ordinem sacrum amplectitur.

Eremitum si exfruit Abrahamus.

L Atuisset finè dubio oblivione temporum sepultus Abrahamus Præmonstratensis, nisi ex vetustissimis, & fidissimis Cœnobij Gradicensis Codicibus ejus memoriam Georgius Crugerius S. J. in lucem protulisset. Apud Moravos nobilissimo genere ortum Abrahamum, tres Fratres, omnes Cathedralis Ecclesiæ Olomucensis Canonici ex more eorum temporum (quo doctæ Nobilitati primus in Ecclesijs honor dabatur) satis ostendunt. Abrahamus honoribus, Christi humilitatem prætulit, sc̃que in Cœnobium Gradicense ad Olomucium, virtute suâ involvens inclusit; id factum primo illius sancti Cœnobij sæculo circa An. C. 1200. (postquam scilicet An. 1151. pro Benedictinis Præmonstratenses inducti sunt) non vanè suspicamur. Donaverat Cœnobio Gradicensi Anno 1203. Wladislaus Marchio Moravia, Princeps DEO plenus, & virtutibus quàm imperio notior (ut paulò antè in ejus encomio diximus) Silvam quandam Strzelnam nomine, quam fluvij duo Odera & Morava cingebant. Hanc Silvam cum aliquando subijſſet Abrahamus, tanto solitudinis amore, DEO intus impellente inarsit, ut nullum faceret postulandi finem, donec ab Hermanno Abbate facultatem impetraret in horridis illis locis, procul à consortio & conspectu hominum, degendi. Aliquot igitur assumtis socijs totus in eam solitudinem inigravit; adjuvère viri pietatem tres fratres Olomucenses Canonici, & in ea silva Ecclesiam B. Virginis

vinis, & S. Georgij Martyris honori statuerunt. Vixere in ea solitudine viginti amplius continuis annis divinis laudibus & obsequijs diu nocturne occupati; quibus exactis Gradicense Cœnobium Abbatem amisit, miro omnium consensu absens Abrahamus Abbas eligitur; missi qui advocarent, & deducerent. Explicari non potest quàm liquidis lacrymis, quantis precibus honorem Abrahamus tentaret excutere, neque nisi obedientiæ autoritate potuit superari; unam illam conditionem adjunxit, ut post triennium ad amaram solitudinem liceret reverti: consensere Legati è solitudine extraxisse hominem contenti. Rexit Cœnobium admirabili prudentiâ & charitate, sed magis exemplis, cum Fratres velut Angeli obsequentes id unum timerent, ne dilectum Patrem amitterent. Triennio expleto inexorabilis Abrahamus, protinus Strzelnae suæ se reddidit, ut inter eos convenerat, lacrymis totius Cœnobij prosequentibus; sed vix anni dimidium effluxerat, cum jam senior ad capienda immortalia Virtutum præmia evolavit in cœlum An. 1232. 4. Aprilis.

Eligitur in Abbatem.

Renunciat honoribus & moritur.

TIT: XXIII.

Agnes Wenceslai I. Bohemiæ Regis Soror, cum filiabus Virginibus Adleta, & Hedwige, quæ mundum non noverunt; Ordinis Cisterciensis.

Anno 1268. Agnes Wenceslai I. Soror, Ottogari I. filia, Matrona pietate insignis, Henrici I. (Illustris, & liberalis cognomine) Saxoniae Palatini Conjux secunda moritur. Quàm pretiosa ejus mors in conspectu Domini fuerit, satis indicat cœlestis visio: Agnes enim supremo morbo conflata, vidit cœlestem Genium ad se venientem, poculum aureum porrigere; cum accepisset, gustassetque: quàm amara, inquit, potio! tum Angelus: amara certè, sed dulcedo gratissima eam consequetur: quia amaritiam mitigabit Dominus. Narravit Agnes somnium Marito, brevi que post (quod indicabat visio) morte decessit in Cœnobio Vetro-Cellensi sepulta. Ex hac Agnete studiosissima virtutum omnium Matrona, non dissimiles duæ filiae sunt genitæ: Adleta, & Hedvigis, utraque (antè quàm quid esset mundus, quid hominum inutilis vita, quid profanæ voluptates, honores, divitiæ, noscere possent) in Cœnobio Weissenfels religiosam vitam amplexæ, sanctissimè vixerunt, sanctissimè obierunt.

1268.

Epit. hist. l. 5. C. 15.

Agnetis memorabilis visio in solatium mortis.

Ejus filiae.

Fabr. in Misnicis l. 2. & in Or. Sax. l. 2. in Henrico.

Siffri. Presbyt. Misn. in Epit. Dresser. in Marchion. Misnia.

Fabricius Agnetem primam Henrici uxorem in Misnicis agnovit, at in Originibus sibi non constat, aitque secundam fuisse, sed sterilem; at ego Lazarium, & Genealogiam Thuringicam, atque in cæteris eisdem, tum Chronicon Isenacense, & Siffridum vetustum Scriptorem, & Dresserum sum secutus.

Sépulchrū.

De *Agnete* nihil scire volunt Scriptores nostri, sed, ut sæpe dixi, Genealogia Ducum, Regūque Bohemiæ ad liquidum adducta non est; neque tamen in hac *Agnete* errare possumus, cum tantā authoritate Scriptorum nitamur, & sepulchrum ipsum *Vetero-Cellis* extet, quod *Agnets* genus, patrem & conjugium hodiēque testatur.

TIT. XXIV.

Wladislaus Passaviensis primū Episcopus, deinde Archiepiscopus Salisburgensis.

1270. 24. Aprilis.

Genus Wladislai.

Doctrina Wladislai.

Passaviensis Episcopus electus, Salisburgensis Archiepisc. creatur.

Admirabile in Juvene castimonie exemplum.

AD Bohemiæ Regnum jure optimo spectat *Wladislaus Archiepiscopus Salisburgensis*, tum quod in *Silesia* Regni nostri Provincia, tum quod ex *Regio Bohemiæ* sanguine prognatus. Pater ei fuit *Henricus Probus S. Hedwigis* filius, Mater *Anna Wenceslai Ottogari* inter Reges ordine quarti *Bohemiæ* Regis soror, *Ottogari* Regis filia, virilis animi fæmina, de qua suo loco agemus. *Wladislaus* noster, cum se totum pietati tradidisset, toto etiam pectore in bonas literas incubuit, *Paduæq;* (quæ inter primas authoritate *Universitas studiorum*) emenso legitimo tempore, ornatus literarijs honoribus, domum postliminio revertit. Non potuit Doctrina cum tantis Natalibus, & tantæ virtuti juncta diu latere. Itaque cum *Otto Passaviensis Episcopus* numero sexagesimus quintus diem suum obiisset, summo Canonorum omnium consensu, *Wladislaus* in demortui locum An. 1265. sublektus est. Pauci abierant menses, *Udalricus Salisburgensis Archiepiscopus* abdicat dignitatem; commendatione *Summi Pontificis*, quâ virtuti jam perspectæ omnibus, vix erat opus, concordibus *Collegarum Salisburgensium* votis, ad *Metropolis* gubernationem eligitur. Missa confestim Legatione ad *Clementem Papam*, *Pallium Romæ* *Wladislao* mittitur, tantumque gratia virtutibus collecta tum apud Pontificem, tum apud *Passavienses* valuit, ut cum *Petrum* (quo studia moderante in *Paduano* Gymnasio usus fuerat) *Wladislaus* pro se commendasset, & Canonici, & Pontifex ratam commendationem habuerint, eique *Passaviensem* mitram concesserint, *Pontifex* confirmavit. Fuit *Wladislaus Princeps* admirabili morum innocentia, & in omni vitâ gratissimâ omnibus præditus suavitate. Castimonie sæculis rarum exemplum edidit juvenis & adhuc in *Paduanis Scholis* diversans: nam cum ei inops Pater filiam formosam clanculum adduxisset, tantum abfuit, ut ex ea malum gaudium quæreret, ut etiam præsentem patre, misertus inopiæ, tantum argenti, quantum ad dotem, & honestum conjugium satis esset, confestim numeraret, uno in facto *Josephum* castimoniâ, *Nicolaum* beneficiâ repræsentans. Annus D. 1270. optimo, & numeris omnibus absolutissimo *Antistiti* postremus fuit: nam rebus omnibus in *Bavaria*, *Scyria*, & *Carinthia* rite compositis in *Silesiam* profi-

proficiscenti eo animo, ut portionem sibi à Parentibus relictam in Ecclesie suae commodum converteret, Amici consilium Præfulis subodorantes venenum porrexerunt, quod cum excutere non posset, citatis itineribus ad Ecclesiam suam Salzburgum reversus, victima Christo cecidit, maximo omnium luctu delatus ad tumulum.

Ut constet omnibus, quanti Wladislaum faceret Pontifex, & quanto in pretio Virtutum & Sanctimonie merito haberetur, adjiciam hoc loco geminam Clementis IV. Epistolam, quam ex Henrici Steronis Annalibus apud Henricum Canisum exscripsi.

Clemens Episcopus Servus Servorum DEI, dilecto filio Wladislao electo Saltzburgenſi salutem, & Apostolicam Benedictionem.

Romana Ecclesia, cui divina inscrutabilis altitudo dispositione incommunicabili præcipuum contulit super ceteras Magistratum, pium ad cunctas alias in hujus orbis latitudine constitutas Ecclesias maternam provisionem habens respectum, laudabili studuit hactenus observantiam custodire, ut de illis potissimam curam gerens, eis opportunitatis tempore occurrente congrua subventionis non differret consilia tam libenter, quam liberaliter exhibere. Nos etiam, qui licet insufficientibus meritis in sublimi culminis Apostolici specula sumus, disponente Domino, constituti, prædecessorum nostrorum Romanorum Pontificum in hoc vestigijs inherendo, prædictas Ecclesias tam proximas, quam longè positas paternæ considerationis oculis intuentes, injunctum erga ipsas sollicitudinis nostræ ministerium, circumstantijs universis ac varijs personarum, rerum, locorum & temporum emergentibus necessitatibus articulis diligenter inspectis, quantum nobis ex alto permissum fuerit, ita vigilanter intendimus exercere, ut nihil prorsus in spiritualibus, vel temporalibus desit ibi, quod per diligentie nostræ studium possit aut debeat procurari. Et quamvis ministerij hujusmodi debitum circa singulas Ecclesias exsolvere cupiamus, erga illas tamen, quæ viduitatis deplorant incommoda, ut videlicet ipsis de Pastoribus juxta cor nostrum idoneis cæli providentiâ utiliter consulatur, curis continuis, eoque anxius attingimur in sultibus, quod successivis eò instantius propulsamur, quò ipsæ dum vacant, periculis subjacentes majoribus, potiori noscuntur Apostolico Suffragio indigere. Sanè venerabilis frater noster Ulricus quondam Saltzburgenſis Archiepiscopus rectæ considerationis meditatione advertens, quòd ipse qui jam vergens in senium, multâ proprii corporis debilitate gravari dicitur, in commissio sibi plebis gubernaculo, varijs de causis se fructuosè gerere, sicut erat expediens, non valebat, ac proprium & subditorum periculum reformidans Zelo charitatis, quo erga Ecclesiam suam vigeat, inductus, nè occasione suæ impotentie gregem suum inimicus insidiator invaderet, vel Ecclesie Saltzburgenſi utilitatibus per-

Clemens IV:

1265.

Henric: Ste
ro in Anna:
apud H. Ca
nisum To-
mo I. antiq.
lect. f. 291.

Ulricus Ar
chiep. Saliz-
burg: fene-
stræ grava-
tus.

dispen-

Ulricus Archiep. sponte decedit officio.

Pontifex Ulrici cessionem habet ratam, sed Electionem sibi reservat

Salisburgensis Ecclesie damna.

Wladislaus à Pontifice summa laudatio.

Nota.

dispensatoris invaliditatem forsitan deperiret, ipsius Ecclesie regimine elegit sponte cedere; per literas & nuncium specialiter supplici à nobis deposcens instantiam, ut cessionem ipsius, quam sic offerebat spontaneus, de benignitate Apostolica recipere dignaremur. Nos autem tam ipsius Archiepiscopi quicti & commoditatibus providere, quam ejusdem Ecclesie occurrere periculis opportunam diligentiam intendentes, cessionem ipsius duximus admittendam. Per hujusmodi verò cessionem in manibus nostris factam, eadem Saltzburgenſi Ecclesia pastore vacante ordinationem illius nobis specialiter reservantes, inhibuimus expresse Capitulo Saltzburgenſi ne ad electionem, seu postulationem, aut nominationem aliquam procederent de Archiepiscopo illà vice, ac decrevimus nihilominus irritum & inane, si quid contra inhibitionem hujusmodi contingeret attentari. Et demum de salubri provisione ipsius Saltzburgenſis Ecclesie sollicitè cogitantes, post exacta deliberationis examen, decens ac necessarium nihilominus & expediens fore vidimus, ut eadem Ecclesia titulo nobilitatis insignis, quæ currentium dierum faciente malitiâ, multis est discriminibus exposita, varijs conquassata molestijs, graviterque in temporalibus diminuta & enormiter in spiritualibus deformata Nobilis decore sponsi, ac utilis ornaretur, cujus potentiâ & providentiâ circumspectâ damna resarciantur, ipsius regantur directâ, & indirectâ in debitam rectitudinis semitam dirigantur, Ecclesiastica defenſetur libertas, Cleri status reddatur tranquillior, & commodis salutis & gaudij plebs lateatur. Unde nos laudabiles actus tuos, quibus de virtute in virtutem proficiens in oculis hominum à tuæ juventutis primitijs te gratum reddere studuisti, delectabiliter in animo revolventes, ac de redolentis tuæ famæ suavitate, quæ publico prædicatur testimonio, quòd claram serenissimorum tuorum nobilitatem natalium, studijs ac operibus nobilitare satagis virtuosus, odorem acceptabilem sentientes in te generosum, ac benedictionis filium direxerimus oculos mentis nostræ. In quo te ipsi Saltzburgenſi præficiendo Ecclesie noster non indignè spiritus requievit, spem grandem ac fiduciam obtinentes, quòd cum sis multorum Principum consanguinitate, & affinitate subnixus, literâ sufficienti dotatus, gratus moribus, conversatione placidus, vitæ honestate conspicuus, alijsque virtutibus multipliciter insignitus, in spiritualibus nihilominus providentiam ac in temporalibus discretionem obtinens, Ecclesia eadem per tuam potentiâ & circumſpectionem fructuosam, ab instantibus periculis efficaciter eruetur, à futuris præservabitur salubriter; & non solum in suis bonis juribus, immunitatibus, & libertatibus magnificè defenſabitur, verum etiam optata felicitatis, & prosperitatis augmentum spiritualiter & temporaliter ad pacem & bonum statum subditorum sibi, Cleri & populi, divinâ favente clementiâ consequetur. His itaque dignâ meditatione pensatis, Ecclesie prælibatæ, cujus in hac parte profectum potissimè attendimus speciali volentes diligentiam providere, de Fratrum nostrorum consilio, & Apostolica potestatis plenitudine, in nomine Domini, non obstante defe-

tu

tu, quem in Ordinibus pateris, & aetate, te tunc Præpositum Wissehradensis Ecclesiæ, Capellanium nostrum, prælibatæ Saltzburgensi Ecclesiæ in Archiepiscopum præfecimus & Pastorem, curam & Administrationem illius tam circa spiritualia, quàm temporalia tibi totaliter committentes. Quapropter discretionem tuam rogamus, monemus attentius, & hortamur per Apostolica scripta, tibi in Virtute obedientiæ districtè præcipiendo mandantes, quatenus tibi onus à Domino impositum reverenter suscipiens, ad commissam tibi Ecclesiam cum plena nostræ gratiæ benedictionis accedas, & illius commissum tibi regimen sic prudenter, & utiliter exequaris, quòd ipsa tuo salubri ministerio gubernetur, feliciter ac prospere dirigatur, tuque velut Pastor sollicitus gregis Dominici tuæ custodiæ deputati, vigilem curam gerere comproberis, ex quibus clara tui fama nominis extendatur latiùs, & erga personam tuam benevolentia nostræ synceritatis dignè de bono in melius augeatur. Datum Perusij IV. Idus Novembris, Pontificatus nostri anno primo.

Wladislaus ante legitimam ætatem Archiepiscopus constituitur.

Ejusdem Wladislai laudes pertexuit idem Pontifex in literis ad Petrum Canonicum Wratislaviensem, quem loco Wladislai postulati, Ecclesiæ Pafaviensi præfecit.

Clemens Episcopus servus servorum DEI, dilecto filio Petro electo Pataviensi salutem & Apostolicam Benedictionem.

H. Canisius T. 1. antiq. lectionum in Annalibus Steron:

I*n suprema speculationis vertice, cui nos licet indignos Apostolica dignitatis gradus prætulit, constituti, de varijs immensisque negocijs jugiter emergentibus sollicitudinis Apostolica studio dirigendis continuâ reddimur attentione, solliciti, nè diligentia nostræ ministerium videatur deesse, ubi pastorale tenemur injunctum nobis officium exercere. Inter quæ de statu prospero ac salubri Ecclesiarum omnium ubilibet positarum cura nostræ specialiter, supernâ disponente clementiâ, commissarum assiduè cogitamus, & profundis vigilijs excitamur, ut aliquid penitus non desit inibi, quod ad ipsarum utilitatem per nos valeat procurari. Specialiter autem ad illas, quas viduitatis incommoda deplorare conspiciamus, nostrum animum convertentes, in hoc præcipuè nostra sedulitas officiosa versatur, ut eadem de personis secundum cor nostrum idoneis celeriter ordinentur, ad quod eò instantius vigilamus, quod ad id ex susceptæ administrationis cura specialiùs obligamur; Et quò Ecclesias ipsas per vacationem illarum diutinam majoribus spiritualiter, & temporaliter exponi discriminibus intuemur. Sane Pataviensis Ecclesia Pastoris solatio destituta, dilecti filij Capellani ejusdem Ecclesiæ profuturi electione Pontificis, ut est moris, die ad eligendum præfixâ convenientes, in unum Spiritus Sancti gratiâ invocatâ, dilectum filium Wladislaum, nunc Saltzburgensem Electum, tunc Capellanium nostrum, & Ecclesiæ Wissehradensis Præpositum, in eorum Episcopum unanimiter, & concorditer*

Sede vacante multa damna emergunt Ecclesijs.

Laudatio Wladislai jam Electi Archiep: Saltzburgens:

Laudatio
Petri ex Ca
non: Wra
slaviensi af
fumpti in Epi
scopum Pat
aviensem.

postulârunt, & postulationem huiusmodi presentantes illam admitti cum instan-
tia postularunt. Nos quidem postulata personæ, de cuius probitate multa lau-
de digna relata nobis fuerant, nec non, & de illius meritis certam volentes notiti-
am obtinere, eundem Electum ad nostram duximus presentiam evocandum, qui
velut obedientia filius se nostro conspectui præsentavit. Licet autem postmodum
inspectâ Electi ejusdem laudabilium copiâ meritorum, de quibus tam per commu-
nis famæ præconium, & multorum fide dignorum laudabile testimonium, quàm
etiam per experientiam facti nobis evidenter constitit, postulationem prædictâ
velut de persona sufficienti & idoneâ canonicè celebratam deliberassetus admit-
tere; interim tamen Venerabili fratre nostro Ulrico quondam Saltzburgenfi E-
piscopo, pro eo quod ipse in commissio sibi plebis gubernaculo varijs de causis se in-
utiliter gerere, sicut erat expediens, non valebat, cessionem suam Archiepiscopa-
lis regiminis nobis per speciales literas & nuncium offerente, illamq; à nobis ad-
mitti cum instantia postulante, Nos tum ipsius Archiepiscopi quieti, & com-
moditatibus providere, quàm Saltzburgenfis Ecclesiæ occurrere periculis, oppor-
tunâ diligentia intendentes, cessionem ipsius duximus admittendam. Receptâ
huiusmodi cessione, nos attendentes, quod nobilis Ecclesia ipsa, quæ curren-
tium dierum faciente malitiâ, multis periculis est exposita, virtuosus, ac potentis indi-
gebat curâ Rectoris, ipsum Electum eidem Saltzburgenfi Ecclesiæ in Archiepi-
scopum præfecimus & pastorem. Demum verò ne præfata Pataviensis Eccle-
sia, quæ præpositi Pastoris carebat solatio, prolixioris vacationis detrimentum
sentiret, studiosè vacavimus ad exquirendum Virum talem, qui ad ipsius Eccle-
siæ regimen idoneus haberetur, unde nos ad personam tuam, quam nostræ benevo-
lentia plenitudinem affecutam odor famæ nobis reddit acceptam, cum sufficien-
literarum scientia suffragetur, & habearis vir vitæ laudabilis & conversationi
honestæ, morum honestate decorus, discretionis maturitate conspicuus, clarus me-
ritis, & alijs in spiritualibus, & temporalibus circumspæctus, nostræ considera-
tionis dirigentes intuitum, ac sperantes, quod virtutibus desursum tibi traditi
insignitus, ipsam Pataviensem Ecclesiam feliciter dante Domino gubernabis
ipsaque utilis gubernationis munita præsidio salubriter præservabitur à noxijs
& optatis prosperitatis affluet incrementis, in nomine Domini Te tunc Ecclesia
Wratislaviensis Canonicum ipsi Pataviensi Ecclesiæ de fratrum nostrorum con-
silio, & Apostolica plenitudine potestatis præfecimus in Episcopum & Pasto-
rem; Ideoque discretionis tuæ per Apostolica scripta in virtute obedientia firmi-
ter præcipiendo mandamus, quatenus impositum tibi onus à Domino suscipien-
reverenter ad commissam tibi Ecclesiam cum gratia nostræ benedictionis accedas
illius amplificandis honoribus, & profectibus procurandis de te sic reddendo soli-
citum, ut laudabilis famæ tuæ titulus apud remotos, & proximos clareat per effe-
ctum, & in delectationem nobis veniat, te semper & condignâ gratiâ prosequi
& tuis desiderijs favorem benevolum impertiri. Datum Perusij VIII. Kalen-
das Decemb. Pontificatus nostri anno primo.

TIT: XXV.

Vitus Ecclesiæ Cathedralis Pragæ Decanus.

Magnus suo sæculo Sanctimoniâ, & Apostolicis prorsus virtutibus 1271. a. Maij
Vir fuit *Vitus*, Collegialis Ecclesiæ ad S. Vitum Decanus; ad eum au-
diendum tota, ut sic dicam, ab imo, suis excita sedibus, Praga mi-
nimi maximi, Clerus, Proceres, ac Populus convolabant; unicus eâ ætate
Cleri Reformatior audiebat, qui OEconomiam sacram Ecclesiæ Pragensis opti-
mè ordinârit. Enumerat Canonici Pragensis incerti nominis (qui *Jaroslai*
itidem Canonici Chronicon continuavit) *Missalia*, *Gradualia*, *Antiphonaria*
Musica, *Psalteria*, *Hymnaria*, *Collectaria*, *Baptisteria*, *Breviaria*, & sermo-
num libros ad Populum, quorum ingentem numerum *Vitus* scribi fecerit
(quod eo tempore, nisi grandi pecuniâ, perfici non poterat) atque eo pacto
in Officio Divino, ut idem loquitur, *Pragensem illustrârit Ecclesiam*. Jam
sacras ædificationes *Viti*, quis enumeret? ampliavit ædificio pereleganti
Metropolitanam (tum tantum Cathedrali) *Ecclesiam*, in eâque *Cathedram*
erexit lapideam cum cælo suo, seu fornice varijs prætensionibus lapideis sum-
mâ arte formato; *Altare S. Mathiæ in Strahoviensi Basilica*, *Sacellum S. Mi-*
chaëlis Archangeli in Pragensi Ecclesia, fundato utrobique divite Sacerdotio
dotavit; *Vicarium perpetuum Decani Pragensis* instituit, eamque in rem cen-
sus annuos in villa *Bikof* comparavit; quotidie tres, aut quatuor mendicos
mensæ suæ convivas habebat; festis & Dominicis diebus etiam quatuor;
complures quotannis pauperes vestiebat; *Bononiæ*, *Parisijs*, aliisque in Uni-
versitatibus alebat *Scholasticos*; plurimas *Ecclesias* à fundamento excitavit,
alias collapsas erexit, plurimas ornavit altaribus, alias turribus, alias campa-
nis, libris, sacris vestibus, & calicibus, & hæc omnia de suo. Author fuit
D. Czenkoni de Rosis Judici Regni, ut *Ecclesiam Omnium Sanctorum in Arce*
Pragensi construeret, in eâque duo Sacerdotia magnificè fundaret An. 1263.
præfuit operi ipse *Vitus*. Iterum, in *Ecclesia Cathedrali Bonifantes* duode-
cim, adolescentulos, qui sacris ministrarent (de quibus alio in loco dicemus)
instituit, auxit etiam *chorum duobus Sacerdotibus*, Divinas laudes ut mos est,
cantantibus; *S. Laurentij Ecclesiam* in monte *Petrino* cadentem, ejusdem *S.*
Martyris cœlesti monitu reparavit; *Sluchæ S. Adalberto*, *Kogeticij S. Vito*
perelegantes duas construxit *Ecclesias*. Hæc omnia extra *Vitum* ipsum, &
vana fuissent, nisi ipse *Vitus* omnium se virtutum exemplar *Canonicis* fratri-
bus præbuisset: ipse (ut alia taceam) *primus media de nocte* ad officium Divi-
num in Ecclesia canendum surgebat, obibat Cellulas, ministros, & Clericos
excitabat. Mira alia de hujus Sancti *Viri* virtutibus, in eo, quem citavi, co-
dice invenies; *Franciscus* quoque *Pragensis in Chronico*, *Viti* laudationem ha-

Vitus Eccl-
siæ libros
conscribi
curat.

M.S. Eccl.
Prag.

Cœlestis
quædam Vi-
ti magnifi-
centia.

Foundation:
Viti quàm
plurimæ.

Mors 1235.

bet plures paginas implentem. Canonorum numero adscriptus est *Vitus* An. 1235. Obijt Vir Sanctus An. 1271. 1. Maij, quem non modò pauperes, sed etiam *Canonici* veris lacrymis luxere, quòd, ut ajebant, *Lucerna Domus DEI esset extincta.*

TIT. XXVI.

Wenceslaus VI. Bohemiæ, & Poloniæ Rex Sanctissimus, Fundator Cœnobij Aulæ Regiæ.

1305.

Vide Epit.
nostram.

Genus.

Voto ad
Dei Matrē
victor hosti-
um.Raynald: in
Annal: Ec-
clesiast.Reverentif-
simus Eccle-
siasticæ di-
gnitatis.Francis. in
M. S.
De seipso
pœnas exi-
git R. Wen-
ceslaus.

Hujus gloriosissimi Regis Sanctimoniam Veteres, novique Scriptores ex æquo commendant; *Bonsinius* disertè asserit, eum à Bohemis veteribus pro Sancto cultum, statuat inter Divos Pragæ publicè mernisse; filius fuit *Ottogari* Regis bellicosi, quem fortuna in acie *Rudolfo I.* fundatori Augustæ Domus Austriacæ substravit, *Rudolfus* victor filio (huic *Wenceslao*) filiam suam *Juditham* (alijs dictam *Guttam*) An. 1286. despondit. Principio Regni gravissimis *Wenceslaus* Rex jactatus est turbis, & multis appetitus insidijs, voto An. 1290. edito, Cœnobium Cisterciensibus in honorem DEI Matris condendi (quod annis abhinc septem explevit) omnium hostium suorum & domi conjuratorum victor, & ultor evasit, ut in *Historia Bohemia* narratur. Ajunt optionem Cisterciensibus dedisse, ubi ubi habitare vellent; optasse illos *Aulam Regiam* locum amœnissimum, & ad Regis, & Aulicorum voluptates, & delicias factum; *Regem* igitur, quamvis Aulici fremerent, & quibusdam subornatis, controversiam de loco Regi moverent, protinus ædificium Regium splendidissimum dirui, & Cœnobio solum aptari jussit. *Bella* hujus Regis, aliæque gesta, nisi quatenus Sanctitatem ostendunt, commemorare nihil attinet; imò adeò nec de Foundationibus ejus, præsertim *Aulæ regienfi* (omnium Cœnobiorum miraculo) verbum dicam, siquidem alius ei locus apud me servatur. Reverentissimus Sacerdotalis Ordinis Rex, non modò Romanos Pontifices (cujus rei documenta maxima *Raynaldus* recitat) in honore habuit, sed etiam Præsules Pragenses, ut Patres coluit infimis officijs, adeò, ut *Joanni Episcopo*, Populo universo Pragensi spectante, *Stratoris* obsequium aliquandò præstiterit. SS. *Eucharistiæ* adorationi, & cultui adeò devotum fuisse scribunt, ut sæpe quatuordecim Sacerdotum *Missas* in die, ante se dici juberet, summâ ipse pietate genibus flexis, & supplex constanter DEO, & Divinis inhærens. Justitiam propriam Regibus virtutem, quanti faceret, sequens exemplum *Franciscus* coævus Scriptor recitat: *Miles* quidam animo conturbato exposuit coram Rege *Wenceslao*, quod injustè patiebatur, allegans sibi factam violentiam, postulans querimonijs dari sibi *Judicem* ad justitiam exequendam; tum Rex proprijs intentus commodis, causam querulantis non advertit, sed à se mæstum jussit abire;

at brevè in se reversus, seipsum multis redarguens, solus cubiculum ingressus, candelam ardentem cruribus applicuit, acriter sese comburens, & ait: At caro ardeas, nè in futuro perpetuum ardorem sustineas; & in quinque locis quasi cauteria fecit, propter huius peccati pœnitentiam, & correctionem. Hactenus Franciscus. Ex hoc vel uno argumento de multis Wenceslai virtutibus prudentes facere poterunt conjecturam. Religiosorum Ordinum amantissimus (præsertim Cisterciensium, Minorum S. Francisci, & Prædicatorum) aliquot ijs Cœnobia magnificè, & Regijs opibus fundavit. Orationi deditissimus erat, quam affectuum omnium, & sensuum temperantia comitabatur. Franciscus narrat, Regem biennio cilicium super nudam carnem gestasse, & gestaturus erat diutius, nisi Sacerdos, qui à Confessionibus erat, vetuisset. Admirationem omnem superant, quæ de viventis Regis Sanctitate Franciscus adducit. Mors maximè vitam ostendit. Ut primum morbo correptus est, ornatum omnem Regium, vestesque ipsas inter miseros, & egenos distribuit; Tunicam vilissimi coloris, & pretij induit, stratumque eodem panno contegi iussit, asserens, si convalesceret: se valedicturum Regno, & inter Cistercienses suos vitam Religiosam acturum. Vocatis fidelissimis ministrorum, debita omnia ante mortem per eos expunxit; Filius Sapientiæ, & sanctitatis plena monita reliquit, atque ut de ijs servandis Filius super Caput S. Wenceslai juraret, coëgit; Regias vestes Ecclesijs donavit, & plurimos Pauperes quotidie pasci iussit; Missam ante se ægrotum quotidie fieri voluit; in summis morbi cruciatibus, nè verbum quidem impatientius protulit; oleo sacro inungi petijt, & cum obtinuisset, ad suos conversus: Fratres, inquit, (verba ipsa recito) congaudete, & mihi congratulamini, quòd tam diu manum Domini, quæ contigit me, correptus sustinere merui. Ecce resolutionis meæ tempus instat! nunc animæ meæ egredienti orationibus vestris subvenite, & vos Sacerdotes ad Missas legendas vos preparate! Tum Passionem secundum Matthæum legi iussit, quam erectis in cælum manibus, multo cum sensu Pietatis audivit; ad extremum valedicens omnibus, & in manus Domini Spiritum suum commendans, serenissimo quodam colore post mortem è vultu emicante, vitæ excessit; Miracula quædam Regis mortem consecuta sunt, ex quibus duo lectiora referemus: Joannes Episcopus Brixinensis, cum mortem Wenceslai Regis amicissimi nimium lugeret, & amarissimis lacrymis sæpius prosequeretur, nocte concubiâ Rex ipse visendum se Episcopo præbuit, & quid ita lugeret, quæ sivit? cui ille: mortem ejus, luctûs sui causam esse respondit. Tum Rex increpare Episcopum aggressus: An, inquit, in sacris Literis nunquam legisti? cum te consumtum putaveris, orieris ut Lucifer, & habebis fiduciam propositâ tibi spe, & defossus securus dormies; requiesces, & non erit, qui te exterreat, & deprecabuntur faciem tuam plurimi. Adjecit: O Te modicæ fidei, qui Sanctorum mortem infelicem, & miseram

exi-

Ad mortē
præparatio
Regis Wen-
ceslai.

Juramentū
super Ca-
put S. Wen-
ceslai.

Optima
mors Regis
Wenceslai
mirâ visio-
ne compro-
batur.

existimas! simul evanuit. Episcopus, etsi Regis verba altissimè memoriæ commendasset, tamen ubi illa in sacris libris reperiri possent, hætenus ignorabat; aperto igitur sacrarum literarum Codice, invenit Jobi Caput undecimum, in quo sententiæ illæ leguntur, & liquidissimo solatio perfusus, desijt in posterum lugere. Aliud quoque est exemplum, quo Regis hujus Sanctitas declaratur: cùm Vir quidam nequissimus (latronem disertè appellat Historia Sedlecensis) Aulæ Regiæ Ecclesiâ ingressus esset, ac Mausoleum Regium videret, quædam indigna Regi mortuo opprobrire cœpit; ecce autem Regis statua super sepulchrum protensa jacens, elatâ manu, grandem homini colaphum infregit, quo verberare etiam oculorum lumen impudentissimi latronis extinxit. Ità videlicet Sanctorum suorum honorem defendit DEUS! Obijt tabe confectus optimus Rex Wenceslaus An. 1305. 21. Julij Praga, in Aulæ Regiæ Cœnobio, quod fundarat, humatus. Cùm id Cœnobium post annos centum, & plures, ab hæreticis subiectis facibus concidisset, nihil ex tot Tabulis sacris, & Imaginibus, quàm Diva Virginis Effigies, quam ipse curarat, & altera Regis ipsius adstante ponè Patrem filio Wenceslao, illæ sæ remanserunt. Alit hodièque ad Beati Regis Tumulum ardentem lampadem sacra, & grata Cœnobij hujus Aularegiensis posteritas.

Honor Re-
gis Divini-
tus defens.

Tumulus,
& effigies.

TIT: XXVII.

Ovvida Griffina Hostislai Russiæ Regis filia, vitam inter S. Claræ discipulas professæ.

1313. vel 1309
XI. Junij.

XI. Junij.

Genus Ovi-
dæ.

Wesl. in Ge-
nea. Duc. &
Reg. Bohæ.
Crug. II. Jun
Miech. in
hist. Polon.
Bonfin. De-
cad. 2. lib. 8.
Per eâ pars
Poloniæ ac
quiritur Re-
gno Boh.

OWida Griffina ità sese ab humano genere segregavit, ut nisi lapis sepulchralis, & paucula veterum Scripta extarent, ipsum Ovvida nomen non haberemus: Lapis sepulchri in Ecclesia Vestalium S. Agnæ ante Altare majus hæc loquitur: 3. Idus Julij Ovvida Griffina Regina Ungariæ, & Russiæ, Ducissa Cracoviæ, Mater Wenceslai, Soror Regulæ Discalceatarum S. Claræ. Paucula verba; ex quibus tamen quæstiones intricatissimæ nascuntur, & propè de singulis verbis disceptatur; alij Ovidam Reginam Ungariæ, eandem Ducissam Cracoviæ, eandem Bulgariæ Regis filiam, eandem Conversam in clauistro, eandem Abbatissam, eandem Wenceslai Regis Matrem, eandem amicam ejusdem Regis faciunt. Ego omnia conciliari posse puto: fuit enim Ovvida soror Cunegunda, quam Ottogarys II. Rex Bohemiæ victoriosus Margarita Austriacâ repudiata, Anno 1261. accepit in Conjugem; filia fuerunt Rosislai, vel Hostislai Russiæ Regis, quem eundem Weleslavinus, & Crugerius Bulgariæ Regem, Bonfinius Regem Moscoviæ appellant; eadem neptes Bela Ungariæ, quod filiam Belæ Rosislai in conjugio habuisset, ex qua Cunegunda, & Ovvida sint genitæ. At cur Mater Wenceslai (secundi scilicet, ejus nominis, qui postea etiam Poloniæ Rex fuit) appel-

pellatu
eslaum a
o morie
natione
Miechov
dente Pr
Rex occu
ut ipsem
centu, &
ignorant
tro, id c
tione fo
Cracovi
num des
etur? s
Agnes S.
possideb
batissam
finè dubi
tunt eni
tam egre
Pie in ser
ginarum
nil ex pri
bio quæ
minitra
ret, ann
pensasse
gloriam
aliquid
quibus
tis num

Sanct
in

O

appellatur? ideo nimirum, quòd ſororis ſuæ *Cunegunda* filium, ipſum *Wenceslaum* adoptârît, eidemque *Wenceslao*, cùm eſſet vidua, reliſtas ſibi à marito moriente provincias *Cracoviensem*, *Sandomiriensem* donârît. Hanc donationem *Griffina* (quam nihil in *Poloniam* juris habuiſſe ſomniat) irridet *Miechovius*, quem res ipſa refellit: nam id *Wenceslai* juſ agnoſcente, & cedente *Premyslo* Majoris *Poloniae* Principe, *Cracoviam* *Wenceslaus* *Bohemiae* Rex occupavit, & accedente etiam conjugio *Rixæ*, *Poloniae* Rex eſt ſalutatus, ut ipſemet narrat. Addit deinde *Miechovius*: *Griphinam* in ſummo contemtu, & ludibrio apud *Bohemos* obijſſe: id quoque extremam *Miechovij* ignorantiam demonſtrat, qui quod ultro *Griphina* privata quæſivit in clauſtro, id quaſi in publica luce geſtum, ac ſi coacta foret, impingit. Hac quæſtione ſolutâ ſolvitur & illa, quâ ratione *Regina* *Ungariae*, *Ruffiaeq;* & *Duciſſa* *Cracoviae* *Ovida* dicatur? primum titulum à *Matre*, alterum à *Patre*, tertium deſumſit à *Conjuge*. Eſt & illud controverſum, cur *Diſcalceata* appelletur? ſed & hoc diſſolvetur, cum de *Cænobio* illo *Virgineo* agemus, quod *S. Agnes* *S. Clarae* familiaris fundavit, & pauperum *Domicellarum* (quæ nihil poſſidebant, & ſolâ piorum liberalitate ſuſtinebantur) voluit appellari. *Abbatiffam* fuiſſe *Griphinam* quidam ſcripſere, ſed *Epitaphio* refelluntur, quod ſine dubio omiſſo ſimplici ſororis nomine, *Abbatiffam* nominâſſet; conſentiunt enim omnes memoriæ inter *Converſas* humillimam *Chriſti* amore vitam egiſſe. Et hoc illud eſt, quod eam *Albo* noſtro, & *Bohemiae Sanctæ*, ac *Piæ* inſcribit: nihil enim ſibi arrogâſſe Principem ſæminam, Regum, ac Reginarum neptem, filiam, ſororem, amitam, potentiſſimi Ducis uxorem, nihil ex priſtina fortunæ ſuperbia retinuiſſe, ultimum ſemper locum in *Cænobio* quæſiſſe, culinam procurâſſe, ſororibus omnibus, ſed ægris præcipuè, miniſtrâſſe, reprehenſiones etiam juniorum (ſenex ipſa, & dum vitam fini- ret, annum octogefimum ſupergreſſa) patienter audiſſe, beneficijs maledicta penſâſſe; hoc proſectò Divinum eſt! hæc cælites ivère, hæc eſt ad æternam gloriam via! Scripſere paucula de *Griffina* *Miechovius*, *Hagecius*; plus aliquid *M. S. Vita S. Agnetis*, *Crugerius*, & *Codices* quidam *Manuſcripti*; ex quibus hæc decerpi. Obijt An. C. 1309. juxta *Hagecium*; in lapide extri- tis numeris, videtur *Annus* obitûs ejus poni 1313.

M. S. Priv.
Reg. à f. 22.
Dreſſ. alitq;

Miech. l. 3.
C. 6j. & ex
eo Cromer.
l. 10.

Tituli ejus
dem.

Humilitas;
cæteræque
virtutes.

Miech. l. c.
Hag. in An.
Crug. II. l. vii
MS. Crûlo;

TIT. XXVIII.

Sanctimonia Vitæ, & quædam miracula Cœleſtia
in Cænobio Aulæ Regiæ uno ſuprà Pragam
milliario, Ordinis Cifterciensis.

OMnia *Bohemiae* Cænobia Viris Sanctitate præſtantibus referta fuiſſe, Circa 1320.
pridem in *Epitome* vetuſtorum *Codicum* fide aſſerui, quod etiam *Epit. hiſt. l.*
mira- 4. C. 1.

Sanctimo-
nia Cœno-
biorum Bo-
hemiar.

miracula, quæ legimus confirmant; at major eorum pars, Cœnobij ipsius hæreticorum rabie deletis, interiit: quò magis DEO agenda sunt grates, quòd aliquod, licet exile vestigium, superesse, & ad nos ex Aularegiensibus Memorijs pervenire voluerit, unde non modò hujus, sed etiam aliorum Cœnobiorum Sanctitatem (nam in eo genere alterum alteri concedebat nihil) velut è pollice, Colossi Rhodij magnitudinem conicere possimus. Agam hoc loco velut ex formula, & judiciorum more non meis, sed alienis, & fide dignissimorum Virorum verbis rem totam conficiam, nè verbulo mutato:

Ex Lib. Se-
cret. Aule-
reg. cujus
fragmentum
recitatur
à Frehero
in Chronici
Aulæ. C. 18

An Virtutes
suas ma-
festare sit
contra per-
fectionem?

Officium
pro dignita-
te sumitur
hoc loco.

In principio Monasterij foundationis Beata Virginis in Aula Regia: Deus ibidem multa ostendere dignatus est miracula, quorum quadam in prima parte Chronica per me superius sunt signata. Plura tamen sunt nobiscum miracula perpetrata, quæ devotio Monachorum obtinet, & supprimit, eò quòd in humilitatis latibulis gradum figit. Ego ipse quibusdam meis familiaribus occultè mihi aliqua sua miracula referentibus, sæpe dixi: ut mihi relata, etiam alijs in publico ad DEI Gloriam revelarent; Qui responderunt: Quòd Gloria DEI, & Gloratio eorum esset testimonium conscientie sue, & timerent, quòd in revelatione talium secretorum illorum, quæ Dei debent. Iste gloria, eis forsitan fieret ignominia, & ruina. Depradari, inquiunt, desiderat, qui thesaurum publicè in via portat. Quantum autem ipsi mei fratres in laude hominum delectentur, patuit mihi ex quorundam relationibus Seniorum. Quadam vice de via, & labore veneram, & in quodam loco quasi solitarius residebam, accesserunt tunc ad me duo ex Senioribus humiliter, & petiti loquendi licentià sic dixerunt: Bone Pater, dicitur in Conventu, quòd vos, Filios nos, vestros, multum habeatis in audientia aliorum hominum de virtutibus commendatos, & ipsis eam, quam abscondimus, gratiam publicetis; timemus nè fortè nostra apud DEUM propter hoc merces meritoria minuat, quando favor populi ex fama crescit, & temporalis promotio plus accedit; cautè igitur in hoc petimus agite, bone Pater! sic agite, ut & nostra devotio homines lateat, & pateat soli Deo. Hoc audito, ego corde congratulando subrisi, ad horam subitici, delectatus fui cognoscendo devotionis evidens argumentum, & desideravi dilucidè: quòd cor humile verbum bonum, & primum eloquium eructaret, nec audebam hujuscemodi devotionis spem extinguere, sed incepti illud dictum Evangelicum allegare: *Luceat, inquam, lux vestra coram hominibus, ut glorificent Patrem vestrum, qui in Cælis est.* Et adjeci: permittite me, charissimi Fratres, de vobis, sicut & de alijs Religiosis personis loqui ad profectum secularium vera, & edificatoria in publico; vestra tamen intentio semper maneat in occulto, nec ex hoc vestra merces apud Deum minuitur, si per vestra exempla, in alijs hominibus devotio augmentatur. Nec idcirco vos laudo tantum, ut detractiois vitium non incurram, sed ut faciam, sicut estis, DEO, & hominibus vos dilectos; Dilectus quippe à Deo, & hominibus est, cujus memoria in benedictione est. Eisdem quoque Fratribus tunc dixi, & adhuc dico cum B. Hieronymo: etiam adjuratus Christi præconia non tacebo. Præstant etiam mihi nostri fratres suæ devotionis, & humilitatis testimonium, quòd in injunctis sibi non libenter stant officijs, & exterioribus invitis negotijs implicantur, ita quòd apud plures ipsorum officium quasi Martyrium reputatur; habent tamen patientiam propter obedientiam, & conscientiam in labore. Et licet quidam graviter portent officium, nihil tamen ducunt in opere negligendo.

Prolixum esset narrare singula, quæ ab initio foundationis Monasterij in Aula Regia DEUS ibidem fecerit miracula, & opera gratiosa; Plura sunt scripta, plurima sunt omiffa, & à memoria hominum sunt elapsa, quadam tamen per me visa, & efficaciter approbata per alios, quæ prætermittere subvâ Conscientiâ non audeo, hîc notabo. Ego enim omnes novi & vidi, hujus Monasterij, à principio foundationis, personas, & cum eis sum ferè à juven.

juventute conversatus, unam duntaxat personam non vidi, Fratrem videlicet Theodoricum Custodem primum, utique (ut creditur ab omnibus) Virum Sanctum, qui subito post fundationem Aula Regia primus inter primos Monachos cursum vite in pace feliciter consummavit, & memoriam sui in benedictione posteris suis usque hodie dereliquit. Ipse namque (ut asseritur) licet senex decrepitus esset, & in ordine LX. annos haberet, tamen in tantum tunicâ æstatis, quàm hyemis tempore usus fuit; Nemo unquam ipsum impatientem vidit in adversitatibus, vel iratum, sed mitissimus ad omnes extitit, compatiens, & benignus.

Theodoricus Custos.

Post hunc quidam Senior Reverendus nomine Rudolphus de Walderbach, assumptus in ordine vir approbatus, felici fine obijt, qui de quodam Novitio ad Primam intrante Chorum astantibus signavit, & colloquij tempore signata in choro coram omnibus replicans ita dixit: scio, scio, & certus sum, quia iste Novitius hodie Novitiorum cellas ingressus, istius Monasterij Abbas erit. Cujus dicti veritatem postmodum rei exitus comprobavit: ille enim Aula Regia Abbas fit, quem prædixit.

Rudolphus de Walderbach.

Accidit ante annos aliquot, cum multi essent Monachi, & Conversi in Infirmatorio Aula Regia decumbentes; quod Frater Michaël, nunc Pater Aula Regia, cum alijs agrotaret, qui velut in sublimibus sub firmamento nubibus, quandam quasi Angelicam vidit speciem, quæ quandam auream virgulam sicut catenulam dispositam deorsum contra languidos aliquos extendebat; Illi autem omnes, super quos extendi illi virgula videbatur, in illo, quo tunc laborabant, mortui sunt, langvore. Istam visionem quasi suis carnalibus pateret oculis, omnibus exponebat, & ipsam jam quilibet langvidus meruebat, eò quod non fiebat aliter, quàm ipsa virgula ostendebat.

Michaël Pater Aulære:

Eodem tempore Frater Laurentius, hodie Grangiaris, infirmatus ad mortem, omnibus est Sacramentis Ecclesiasticis procuratus: omnes enim, qui eum viderunt, de ipsius vita penitus desperarunt. Qui quum nimio laboraret doloris crucamine, Gloriosam Genitricem DEI Mariam incipit suspirijs, & lacrymis invocare: ô Gloriosa, inquit, Domina Virgo Maria tibi mea castitatis, & juventutis florem obtuli, optans tibi diutius in hoc Monachiali habitu militare; sed ecce juvenis morior spe privatus; Adjuva me, Mater gratie! Mater, Misericordia, quod meam valeam vitam ad tuam Gloriam prorogare! Cui tunc per quandam vocem taliter est responsum; Laurenti, non morieris modò, sed valebis; Frater autem Otto isto tempore morietur. Erat autem Frater Otto Diaconus, & Succentor, omnibus Conventualibus juvenis valde gratus. Iste Frater Laurentius, licet debilis, obstupuit, rem auditam Fratri Theodorico Infirmario retulit, & uterque quod auditum fuerat, pro phantasmate reputavit. Nec fit mora, sed ecce horâ diei tertiâ Otto Succentor, qui in Prima sanus in Choro intonuerat, ad Infirmarium infirmus deducitur, die sextâ moritur, & cum luctu Conventus more solito sepelitur; Hujus, sanatus competenter Frater Laurentius interfuit sepultura. Prædictus Frater Otto Diaconus toti cohorti dilectus, humilis, & devotus, ante exitum animæ suæ nobis pluribus presentibus, & audientibus, cepit Nomen, & auxilium Virginis Gloriosæ Mariæ altisonis vocibus, & magnis clamoribus fortissimè, & devotissimè invocare; Nos autem suis clamoribus compatiendo diximus: Bone Frater Otto, parce capiti tuo, nimis clamas, & te lædis! Ipse quasi subridendo nobis respondit: O Fratres, jam video mortem ante me, imminet jam exitus animæ meæ, de illa Gloriosa indigeo Adjutrice; Quid mihi de hoc capite? Caput meum Christus sit, & Maria. Sic igitur inter clamorem, & nominationem continuam Christi, & Mariæ Virginis, nobis astantibus, & orantibus, in Domino feliciter, & leniter obdormivit, qui post mortem suam pluribus nostræ Congregationis Fratribus in forma apparuit gloriosa, & Salvationis suæ præbuit evidentia argumenta.

Laurentius Grangiaris, id est horreus & aionæ Præfectus.

Otto Diaconus.

Circa idem tempus Frater Theodoricus, dictus Ungarus, Sacerdos, & monachus, qui mecum in cella fuerat Novitius, elanguit: & quum jam morti vicinus fuit, viribus corporis totaliter destitutus, loquelâ privatus, manum dexteram emortuam elevavit, & cum

Theodoricus Ungarus.

Hermannus
Infirmarius

indice super Fratrem Hermannum tunc Infirmarium, stantem ibi inter alios directissime demonstravit. Considerans hoc Frater Hermannus miratur, & timet, locum hinc inde mutat, cupiens se abscondere retro dorso Monachorum astantium; Digitus verò moriturus non cessat indicare constantissime super eum. Videns hoc Frater Hermannus, de Camera, in qua infirmus ille jacuit, festinè prosiliit, ad vicinam stabulam, ubi plures affuimus, confugit, nobisque morituri illius demonstrationem tremens retulit, & sic dixit: Forsitana Frater iste Theodoricus vult hoc ostendere, quòd eum sequi debeam in morte, avertat hoc DEUS, & custodiat me DEUS! Sed ecce statim Frater Theodoricus moritur, & sequenti die Frater Hermannus ad doloris lectulum deportatur, qui etiam die sextà moritur, & suum sequitur ostensorem. Quum autem idem Frater Hermannus Sacerdos humilis, utilis & devotus Monachus jam in extremo laboraret agone, accidit, quòd Dominus Conradus tunc Abbas de Praga veniret ad Monasterium, & ego secum. Quum autem suum presentem videret Abbatem, quasi de gravi somno suscitatus, sic Frater Hermannus ait ad ipsum: Bene veniatis Pater mi! ò Pater, inquit, licentiam detis mihi filio vestro! Quid? inquit, Abbas; at ille: ut vadam in viam salutis; Ad quod Abbas: Vade in pace, & Deus pacis tecum sit. Amen, ille infirmus respondit; & exhilaratus in Spiritu, & decorus vultu, de Abbatis licentia confortatus, mox sub vera obedientia nobis presentibus in Domino feliciter obdormivit. Illius (ut spero) consequutus est sortem, qui factus est pro nobis obediens Patri usque ad mortem.

Conradus
Abbas.

Ubi querē
dus hic Li-
ber?

Si plura de ista materia volueris legere; require in volumine secretorum Aula Regia. Hic enim solum illa scribimus, quæ publicè ab hominibus fieri nos videmus.

TIT. XXIX.

Henricus Abbas Sedlecensis in Bohemia Ordinis Cisterciensis, Vir insignis Sanctimoniae, & magnorum in Patriam Bohemiam meritorum.

21. Aug.
Circa 1321.

Negligen-
tia Simeonis
Eustachij.

Hagek post
A. 1306.

Dubrav. in
hist. Boh.

Francis. in
Chron. MS

Consilio
Henrici Ab-

batis Bohe-

miae deple-

ratissimus
status emē-

datur.

Henricus (quem vetustæ memoriæ Heydenricum appellant) miris laudibus à Scriptoribus Ordinis sui tam à vitæ Sanctimoniam, quam à singulari, & prudentissima in regendo Coenobio suavitatem celebratur ut mirari satis non possim oscitantiam Simeonis Eustachij, qui Origines & historiam Sedlecensis Cænobij pollicitus, Henricum Abbatem, omnium fortasse, quos Sedlecium habuit, laudatissimum, sterili ut ita dicam, avenâ, & ignavissime quasi aliud agendo nominavit, contentus dicere Virum doctum, prudentem, & circumspectum fuisse. Henricus igitur ejus nominis Abbas II in calamitosa illa Bohemia tempora incidit cum Carinthia Dux Henricus pro Rege Bohemiae se gereret, & inductis in Bohemiam novis colonis, Veteres quantum posset, expelleret, & omnia versaret pro libitu. Miserrum ejus temporis statum diligenter Hagek, Dubravius, sed diligentissime omnium, qui hæc videbat Franciscus Pragensis Canonicus descripsere; sed in Epitome nostra brevissime licet, Henrici depeculationes, rapinas indignas Principe, Civitatum oppressiones, Nobilitatis excidium, quod designarat animo, aliâque ejus violenta & Tyrannica consilia explicare conati sumus, ut ea hoc loco repetere sit actum agere. His igitur malis omnibus, & rebus Bohemiae propere

perditis, Joannis Pragensis Episcopi, & Henrici Abbatis prudentia & sancti-
monia succurrit; verissimum enim illud, & omni oraculo certius esse sem-
per existimavi, quod Siracides protulit: *Anima Viri Sancti enunciat aliquan-*
do vera, quàm septem circumspectores sedentes in excelsis ad speculandum. Pri-
mum communicato cum Joanne Episcopo, & Conrado Aularegiensi, & Jo-
anne Plassensi Abbatibus consilio, ad colloquium Bohemæ Proceres, ac cate-
ros Ordines evocant, miserrimum Reipublicæ statum ponunt ob oculos, u-
nam esse salutis viam Casarem (erat Henricus VII. Imp.) implorare, ejusque
filio Joanni Regiam Virginem Elisabetham offerre, quæ Regnum ferret pro
dote; assentiebantur Ordines Bohemæ tam salutaribus consilijs. Sed Carin-
thiæ Ducis incubatoris Bohemæ timore, Legationem suscipere nemo aude-
bat; accedebat, quòd ad Casarem adducenda erat Elisabeth, quæ omni Satel-
litio & Aulicis, & omni mundo muliebri carebat à Carintho spoliata, & Cim-
melijs omnibus exuta. Utrumq; hortatu Abbatis Henrici, Episcopus & Ec-
clesiasticus Ordo in se recepit; ornata Virgo Regium in modum, & Legatio-
nis Princeps Henricus Abbas cum Aularegiensi & Plassensi felicissimè nego-
tium confecerunt. Magnum hoc in Bohemiam Sacri Ordinis Cisterciensis
meritum haberi debet, neque unquam ex animis Bohemorum delendum,
quo pereuntem Patriam levarunt ab humo, & ab interitu vindicarunt; præ-
tereo reliqua de Legatione Henrici ab omnibus Scriptoribus nostris commemo-
rata. Porro Abbatem Henricum duobus ante hanc Legationem Annis
An. 1308. Sedlecenses amiserant, nisi ipse suorum Sedlecensium relictorum, & mœ-
rentium filiorum misertus, sponte rediisset, recitabo verba Bruschi: Hey-
denricus Abbas 15. (Waldassij) Vir justus & pius ex Sedlecensi Monasterio Bo-
hemico, in quo jam antè Canonicè in Abbatem electus diu feliciter præfuerat,
Waldassium evocatur An. 1308. præfuit duobus Mensibus, & quia inprimis
charus esset tum populo, tum Cœnobio suo Sedlecensi, cui prudentiâ suâ multum
profuerat, rogatus ut apud eos maneret, nec alibi domicilium eligeret, missis ad
Abbatem Volccenrodensem Visitatorem primarium Waldassensem, duobus Ab-
batibus Offecensibus, Theodorico qui nuper ibi resignarat, & Gervico tum ad
clavum Cœnobij sedente, oblatam Abbatiam Waldassensem cum multa grati-
tudinis significatione reddidit, moxque Sedlecium rediit, ubi XLII. annis sum-
mâ cum laude & gloria præfuisse legitur. hæc Bruschius. Eadem, sed ma-
jori autoritate licet brevius, de justitia, prudentia, dexteritate & svavitate in
regendo, ac præsertim vitæ Henrici Sanctimonia in Hagiologio Sacri Ord. Ci-
sterciensis leguntur his verbis: *xxi. Augusti. In Bohemia Beatus (nota vo-*
cem Beati) Heydenricus Abbas B. Mariæ de Zedelitz (Sedlec.) Ord. Cisterc:
qui ob insignem sanctitatis famam ad Abbatialem dignitatem erectus eam an-
nis 42. laudatissimè tenuit, & egregijs virtutibus decoravit, &c.

Eccli. C. 37.

Abbatum
trium Ord.
Cisterc: me-
ritum in
Boh. æter-
num.

Hag. 1310.
Dubra. in
hist. Boh.

Brusch.
Cent. 1. Mo-
naster. in
Waldassio.

Elogium vi-
tæ Henrici
Abbatis.



TIT. XXX.

Elisabeth Regina Bohemiæ, Joannis Regis Con-
jux, Mater Caroli IV.

1330. 28. Sep:

Fundatio-
nes Regina
Elisabethæ.Elogium
hujus Regi-
næ.Chron. Au-
læregiæ C. 25

Fuit hæc *Regina* non imbellis, ut ita dicam, sed heroicæ prorsus Sancti-
monia, quæ scilicet innocentiam, fortitudinem, magnanimitatem
plusquam virilem, invictam tolerantiam, cæterasque virtutes Regias
cum summa moderatione, magnificentia in sacris, liberalitate, & misericor-
diâ in omnes conjunxit. *Cisterciensem* Ordinem præcipuo semper est amo-
re complexa, maximèque *Aulæregiense*, & *Offecense* Cœnobium; hoc Eccle-
siasticâ suppellectili ex auro, argento, gemmis, & pretiosissimis pannis phry-
gio opere, & fæminarum artibus contextâ; illud ædificatione Ecclesiæ, &
elegantissimis ad latera novem Sacellis conditis (quæ totidem Tempia vide-
bantur) ornavit. *Sufficij* Urbe Regiâ, ut in *Epitome* narravi, *Eremitis S. Au-*
gustini Cœnobium insigne excitavit; Virgines sacras *Prædicatorij Ordinis* sex
Olomucio advocatas *Pragam*, in domum Fratris in *Augezd* adduxit, sed eam
foundationem postea mutato consilio *Cisterciensibus Virginibus* sacris in *mino-*
re Urbæ transcripsit, quod Cœnobium ego suspicor in *Rzeporam* tandem ef-
se translatum, cum nè vestigium ejus *Praga* aliud supersit, constetque *Parthe-*
nonem Rzeporensis sub *Aulæregiæ* Jurisdictione, & institutione pauculis illis
nonaginta circiter, quibus stetit annis, vixisse. Jam quantas, & quàm pal-
mares injurias à quibusdam *Regni Proceribus*, & ab ipso Coniuge: (quem ali-
quando in amoribus exerrasse traditur) & quoties exilium ipsum ad plures
annos fortissimè tolerarit, & Spartanâ generositate concoxerit, in *Chronico*
Aulæregiæ (quod *Petrus* loci Abbas, qui Reginae à sacris erat Confessionibus
conscripsit) narratur. Utinam prima ejus *Chronici* pars, ac deinde secun-
da, & tertia (quæ mutilæ sunt) extarent! absolutiorem *Bohemiæ* historiam,
& *Elisabethæ* hujus conversationis, & vitæ insignia, ut *Petrus* loquitur, habe-
remus, quæ in prima, & secunda parte *Chronicæ* legebantur. Epitaphium,
quod idem *Petrus de Zittavia* Abbas *Aulæregiensi* Reginae scripsit, multa pau-
cis comprehendit; inter alia

Non fuit elata, licet alto germine nata,
Personas humiles, devotas, & quasi viles
Despectas mundo, dilexit corde jocundo &c.
Cuncta suæ vitæ direxit tempora rite:
Aut legit, aut orat, proprijs manibusque laborat,
Ornatum multum parat ad Domini quoque cultum, &c.

Solebat porrò hæc *Regina* velis Calicum sacrorum, Burfis, Frontalibus, Casu-
lis (ut in Templis appellantur) initialem sui nominis literam E. vel ex gem-
mis

mis, vel ex auro, & argento elaboratam affuere, ut Sacerdotes admoniti, eam in memoria haberent. pergamus ad reliqua:

*Officium Martha peragens pietatis in arte
Contemplando pie, tulit otia saepe Maria;
Femineos mores, & quæ spectant ad honores
Legalis vitæ, consuevit habere peritè:
Ut verum tester, fuit hac par Judith, & Esther
Pluribus in factis per eandem fortiter actis &c.*

Constat hanc *Reginam* etiã bella pro *Bohemis* suis secundo semper Marte gessisse; addit eam claustralem, & Religiosam vitam sæpius sequi voluisse, & optasse. Obijt in *Wissehrad* omnibus sacramentis munita, absente in *Carinthia* Rege *Joanne* marito An. 1330. die S. *Wenceslai* in Domo *Joannis Bolek* Prepositi fratris sui, cujus corpus cum biduo *Proceres* (ut in Regum, Reginarumque funeribus *Bohemis* usitatum fuit) per omnes *Prageneses* Ecclesias circumtulissent, & pro ea Sacerdotes ubique Sacra facerent, Populusque oraret, quarto tandem die in Regum *Mausolæa* in *Aulam Regiam* est illatum. De hac Regina mirabile exemplum recitat Author *speculi Gloriæ Austriacæ*, quo suspicionem à se *Henrici Caesaris* refutavit adhuc novemdecim, aut viginti annorum puella, quod me hinc referre non decet; neque confirmo, nec refello, sed propè est, ut perpensâ tantâ *Reginæ* hujus modestiâ, & probitate confectum esse existimem.

Summa Regni Bohem: amatrix.

Mos circumferendi per Pragæ Regum corpora

TIT. XXXI.

Nankerus Wratislaviensis Episcopus, gente Silesius, in cujus morte Angelici cantus sunt auditi.

Nankerum illustri loco in *Oppoliensi Principatu* genitum *Silesia* Civem suum agnoscit; consanguineo verò Majorum, & magno, ut ita dicam, Patruo, omnes illæ generosæ in *Silesia* stirpes gloriari possunt, quæ lignatorum securim gestant in clypeo, quales etiam ab eadem origine censentur in *Polonia* Principes *Ossolinsky*. At *Nankerus* noster natalibus suis non contentus, pretiosissimas gemmas duas apposuit, *Scientiam & Virtutem*; his gradibus ad honores Ecclesiasticos, tandem etiam ad *Episcopatum Cracoviensem* ascendit. Totus erat in imitando sanctissimo antecessore suo *Stanislao*, afflictabat corpus jejunijs, aliisque Sanctorum artibus suam exercebat virtutem; in Ecclesia perdius, & pernox orabat, benignitate incredibili rapiebatur in egenos; Domus DEI decorem diligebat, quàm qui maximè; sed penè eundem cum *Stanislao* sortitus est exitum: nam cum liberâ voce coram Rege *Poloniæ Wladislao* jura Ecclesiæ suæ tueretur, offen-

A. 1341. 10. Apr.

Pap. in speculo Mora: Okolski in Stemmatogr. Orbis Poloni.

Genus Nankeri.

Injurie illa
ta Nankero
à Regibus.

Nankerus
immunita-
tis Ecclesi-
asticæ vin-
dex acerri-
mus.

Nisse reclu-
sa Angeli-
cos cantus
audit in
morte Nan-
keri.

sus irritabilis, & corpore parvus Princeps (ob quam causam à suis *Loktek* quasi cubitalis appellabatur) indignum Sacerdotij fastigio, & Coronæ Episcopali facinus! grandem *Nankero* colaphum infregit, Dirisque ob id devotus est; cumque semel irritato Rege, nulla reconciliatio gratiæ speraretur *Wratislaviensem* Episcopatum petentibus Canonicis pro *Cracoviensi*, approbante Pontifice commutavit; sed hinc quoque alium Principem *Lokteko* violentiâ similem *Nankerus* invenit: causatus enim *Joannes Bohemæ Rex Miliciæ* Episcopali arce ad hostes arcendos sibi opus esse, & inde se bellum gesturum, proditione indignâ unius ex *Prælati Ecclesiæ*, arcem occupavit, nec unquam ullis Episcopi precibus restituit, quam contumaciam Regis *Nankerus* magnâ Ecclesiastici pectoris fortitudine anathemate in Regem contorto vindicavit. Nihil omissum est à Rege odiorum, nihil à *Wratislaviensibus* contumeliarum in Præsulem, ut Regi suo se approbarent; jam *Romam* lite delatâ, cum sinè dubio *Rex* inferior ab judicio discessurus esset, venenum *Nankero* Ecclesiasticæ libertatis vindici porrigitur: *Poloni Scriptores*, Regis id factum jussu tradunt, alij ab ijs, qui Regem id velle interpretabantur, affirmant ut sit, gloria defensæ ad mortem usque Ecclesiæ *Nankero* eripi non poterit. *Nisse* in ditione sua veneno depascente contabuit, postquam *Cracoviæ* annis quinque cum medio, *Wratislaviæ* quindecim Episcopalis muneris annos impleret. In morte *Nankeri* Cantus Angelicos (vavissimos auditos *Nisse* Scriptores primæ notæ commemorant, & Virginem notæ Sanctimonix inter hos cantus animâ *Nankeri* in cœlos deferri à Cœlitibus percepisse. *Wratislavia* ob *Nankeri Antistitis* sui contemptum, paulò post universa conflagravit, viditque mulier devota, & ad *S. Mauritij* inclusa (quod adhuc eâ ætate usitatum erat, ut etiam in *Odorici Raynaldi Annalibus Ecclesiasticis* legimus, Angelum DEI aspectabilem super *Wratislaviam* stantem, irato vultu, ex sinu prunas ardentes in Urbem subjectam profundentem. *Nankerus* ad Ecclesiam suam *S. Joannis Baptiste* devectus est ad tumulum; Successori Episcopo *Preczlao*, *Carolus Joannis Regis Filius* pro Patre satisfacit, ut in *Vita Ven. Arnesti Archiepiscopi* memini narrasse.

TIT: XXXII.

Joannes IV. ultimus Episcopus Pragensis.

1343. 4. Jan:

Joannis gen-
nus.

Joannes ex illustrissimo sanguine Procerum *Draziciorum* Joannis III. item Pragensis Episcopi ex Fratre *Gregorio* (Lupacius *Joanne*) nepos, commendatione doctrinæ, & interiorum literarum, quas avidissimè juvenis combiberat, inter *Canonicos Pragenses* gradum tenuit, & *Scholastici* titulum consecutus est; mortuo demum *Gregorio Episcopo* anno 1301. ad Episcopatum concordî omnium *Canonicorum* sententiâ evectus. Gloriosam

Joan-

Joannis Episcopi Bohemiae Principis consecrationem, cui Rex Wenceslaus Stratoris ministerium præstitit, ut in *Epitome* narravi. Complectabatur animo magna Joannes, & pecuniam, & opes non finem esse putavit, ut mortales multi, sed instrumentum quoddam, & apparatus, quo vera famæ magnitudo apud homines, & in Coelo æterna gloria comparetur. Ejus opus fuit *Pons lapideus* grandis ad *Raudnium* super *Albim*, in cuius trajectu plurimi mergebantur, quem evocatis Romæ artificibus exstruxit eâ mole, & magnificentiâ (septennio tantum, quod mirere, in opere consumto) ut parum *Pragensi* concederet. Ad *Montis* finem pauperibus Christi alendis, *Hospitalem Domum*, & census perpetuos, ac stabiles, unde alerentur, adjecit; ejus opus est insignis *Basilica Collegialis Ecclesiæ Pragæ ad S. Ægidium*, tum altera *Raudnicij* in Episcopali ditione *Canonicis Regularibus S. Augustini* (quos in Bohemiam induxerat, & amabat impendio) magnificè constructæ, cum toto Coenobio pro vicinis Canonicis, quod fundarat; ejus opus fuit *S. Adalberti* sepulchrum, lamellis argenteis scutulato opere contextum, quam nobilem inventionem in contegendo *S. Wenceslai* corpore, *Bohemie Proceres* postea sunt secuti; ejusdem Joannis opus ditiones, & castra *Herstein*, & *Kaiersberg*, seu *Supihora* de suo emta, & patrimonio Episcopali conjuncta; ejus opus, *Domus Episcopalis Pragæ* ex lignea, lapidibus sectis ædificata, & elegantissimè adornata, ut pridem descripsi; ejus opus *tres*, ut vocant, *Præbendæ Canonicales* in Ecclesia *S. Viti* tum *Cathedrali* fundatæ; & cum paulò ante mortem intellexisset à Regibus novam *Cathedralem Ecclesiam* ad instar *Coloniensis* descriptam propediem ædificatum iri, Joannes pro duobus sumtuosissimis sacrarijs, & Altaribus in Ecclesia futura erigendis, certam pecuniæ summam legavit, alterum *S. Marthæ* (cujus solenne festum *Authoritate Apostolicâ* instituit per *Bohemiâ* celebrari) alterum *S. Silvestri Papæ & Martyris*, ante quod postmodum in tumba cypressina *Venetijs* allata *Joannem* ultimæ voluntatis Executores tumulârunt; ad utrumque Sacrarium pius Præsul Sacerdotium ad perpetuitatem fundavit. Exercitum instructissimum viris, armis, Ducibus, semper in promptu Joannes habebat, cujus ope Joannes Rex Bohemie Pragam occupavit, & paulò post An. 1311. & 1312. Arces prædonum dejecit apud *Moravos*, & Nobilitatem compescuit, & A. 1315. secundissimo prælio *Ungaricum Bellum* confecit, plurâque alia gessit, quæ in *Epitome nostra* leguntur. Hæc omnia magnificum Principem, & animum opum contemptorem indicant; quæ sequuntur, magis ad vitæ sanctimoniam indicandam referuntur. Invaluerat pessima consuetudo per *Bohemiâ*, ut Domini locorum *Plebanos*, & *Rectores Ecclesiarum* pretio ad tempus conducerent, qui si Patrono Ecclesiæ, seu Collatori non placerent, sine alia auctoritate dimitterentur, & alius rursus ad Patroni libitum sufficeretur; unde graviter in *Parochiali* munere, & *Parochorum* statis Censibus peccabatur sapissime.

Magnificen-
tia in ædifi-
cando, re-
bûsque cæ-
teris.

Joannes Epi-
scopus Exer-
citû alebat.

Fortitudo
adversus
eos, qui Ec-
clesias ve-
xabant.

Francisc. 2.
parte Chro:
Prag. l. 1. C.
16.

Synodum
celebrat.

eiusdem vir
tutes.

Welesl. in
Calend. hi-
stor. 19. Jun:
Amor suæ
Ecclesiæ.

Epit. hist.
l. 3. C. 18.

Obitus &
Tumulus.

Pont. in Epi-
scopis Prag:
Cruger. 4.
Januarij.

sime. Rem ingenti animo aggressus *Episcopus*, etsi extrema quæque contra *Proceres* minarentur, ejusmodi *mercenarios Sacerdotes* à Divino suspendit of-
ficio, eoque rem perduxit, ut *Collatores*, suos *Plebanos* ad *Ecclesias* præsentarent in posterum, neque autoritate profanâ, sed *Ecclesiasticâ*, *Sacramenta* *Populo* ministrarent, neque à *Parœcia* nisi causâ apud *Episcopum* probatâ, ejus unius, potestate demoveri possent. Interfuit *Joannes* Concilio *Vien-*
nensi, summo à *Clemente V.* exceptus honore; domum reversus celebravit *Synodum*, & optimis *Constitutionibus* *Dicœcesin* suam munivit, & sepsit. *Pauperes* alebat, & cibabat, nudos vestiebat, *sex opera misericordiæ*, ait coævus *Scriptor Franciscus*, *semper exercens*; quæ *DEI* sunt, reddebat, quæ *Regis*, restituebat. At nunquam sinè æmulo, & obtrêatore *Virtutem* inven-
neris: ab *Henrico de Schomburg Thuringo Præposito Litomericensi* gravibus calumnijs innocentissimus *Præsul* appetitus, & accusationibus in *Curia Papæ* diuturnis lacepsitus, undecim annis Patriâ caruit, tandem *An. 1229.* à *Roma-*
no Pontifice innocens declaratus, calumniatorem, non modò *Natalibus*, sed etiam *virtute Spurium*, superavit. In *Bohemiâ* reversus, *Pragam* veniens, rectâ ad *S. Viti* *Ecclesiâ* 19. Junij, 1329. contendit; & antelimen *Ecclesiæ* procumbens, & osculis limen salutans votum emisit (imitatione *Præsulum* dignissimum) *nunquam se omisurum quidquam*, quod ad *Ecclesiæ* suæ dignita-
tem, & commoda augenda quoquomodo pertineret. Hoc *Joannis* *Episcopi* votum *Sanctissimum*, miror omisum ab ijs, qui ejus *Viri* laudationem no-
strâ ætate scripserunt. Obijt *Joannes Episcopus* *A. C. 1343. 4. Januarij.* etsi anniverfaria funeris dies 5. *Januarij* in *Pragensi Ecclesia* ageretur; rexit *Pragensem Ecclesiâ* annis 42. super tumulum *Præsulis* marmoreum ex orichalco statuam ejus magnitudinis, quâ *Præsul* pollebat, hæredes posuere, (*Franciscus* tamen apertè scribit: hanc *Statuam* ab ipsomet *Joanne*, dum adhuc viveret, esse curatam, ut ante se mortis memoriam pius *Præsul* semper haberet) incendium *Anni 1541.* decus hoc cum alijs plurimis *Basilicæ Metropolitaneæ* ornamentis corrupit. Vitam optimi *Præsulis* habet *Franciscus Præ-*
situs ad *S. Vitum Pragæ*, *Pontanus*, *Crugerius*, & nos pridem in *Vita Arnesti.*

TIT. XXXIII.

Margarita de Zleb, Ordinis S. Claræ in Cœnobio Crumloviensi, vidua magnæ Sanctitatis.

A. 1368.

MEmoriæ *Cœnobij Crumloviensis*, tum alia certæ fidei *Manuscripta*, nomen *Margaritæ de Zleb*, suggerunt, eamque admirandæ *Sancti-*
tatis fæminam appellant; vixit in ipsis *Cœnobij* initijs, quod *Rosenbergici Proceres* (ut suo loco scripsi) inter *An. 1361. & 1368.* fundarant. Fuit *Margarita* filia *Hinkonis* (non *Zbinkonis*, ut habent alij) de *Zleb*, proinde

de Illustrissimæ, & vetustissimæ stirpis *Lippæorum*, ut in *Stemmatographia Bohemiæ* probavimus. Nupta adversus animi sui sententiam voluntate Parentum, nobilissimo Viro *Henzlikoni*, seu *Joanni*, vel *Henrico de Trzemesin* (*Hasenburgicæ stirpis*) multis continenter injurijs, & contumelijs onerata, omnia ea adversa æquissimo animo ad usque mariti mortem toleravit; postmodum Ordini *S. Claræ* nomen dedit, totamque se ad studia Sanctitatis convertit, in vita, & morte miraculis clara. Vivebat paulò post An. 1365. agunt de ea *Paprocus*, *Crugerius*, & *Procerum Rosensium Annales* meminerunt. *Crugerius* *Margaritam* hanc è *Wartembergico* stemmate prodijisse affirmat; quem secutus sit, nescio, cum neminem citet: constat *Zleby* ditio- nem non ad *Wartembergicos*, sed ad *Lippæos* ab omni memoria pertinuisse, ut habet in *Hussiticis Theobaldus*, ideoque cum *Robacz*, *Zleby* munitissimo castro confidens *Sigismundo* jam in Regnum paternum recepto subdere sese nollet, Patrualem ejus *Ptaczkonem de Ratay Lippæum* Rex ad eum oppugnandum misit usitato magnis Regibus consilio, ut si vellet, receptum haberet ad gratiam, quam cum contemnit, in pœnas incidit proditorum, & laqueo vitam finivit. Vide eundem *Theobaldum*.

Genus Lippæum.

Sanctitas.

Paproc. in Monaster. Bohem.

TIT: XXXIV.

Joannes Militius Sanctæ Ecclesiæ Pragensis Archidiaconus.

Inter illustres Sanctimoniâ viros præteriri non potest memoria *Joannis Militij*, quem falsò quidam primâ ex *Nobilitate Procerum Talembergicorum* genitum tradidêre; *natalium enim conditione vilis* (ut ejus discipulus loquitur) Sanctitate, & Sapientiâ maximus evasit, vixit *Ernesti I. Archiepiscopi*, & *Caroli IV. Imperatoris* temporibus post An. C. 1360. & ultra; ejus consilio usus *Carolus*, *Venetias* (itâ *Veteres lupanaria*, & *Veneris domos* vocabant) An. 1372. dejecit, ac vetuit frequentari, quo in loco *Militio* agente sacrarium conditum est *S. Magdalene*, *S. Afræ*, & *Mariæ Ægyptiæ* honori. *Militium* hærescos suspectum habuêre quidam, adeò etiam *Spondanus*, & *Odoricus Raynaldus hæresiarcham* appellant, quòd *Bachanalia*, & voluptates svaderet, quo nihil à vita *Militij* alienius fuit, hominis austeri, & in se se durissimi. Ejus defensionem primus ego, quod sciam, suscepi, ac virum optimum (ut alios sanctimoniâ vitæ insignes) calumniam passum ostendi in Epitome rer. Bohemicarum l. 4. C. 1. in Notis. tam irrefragabilibus argumentis, ut vel obiter ijs perpenis, qui adversantur, daturi sint manus. Jam non modò hæresin fovisse pectore, sed DEI Spiritu plenum *Ecclesiis Bohemiæ* a- ta- te suâ, velut lucernam ardentem, & lucentem præluxisse, *Vita*, quam subji- cio, ab ejus Discipulo conscripta, satis demonstrat; eam ego præfixam *Mi-*

1374. 2. Feb.

Brevis de- fensio Joan- nis Militij.

litij Operibus in Manuscripto Volumine Bibliothecæ Trebonensis in Cænobio Canonorum Regularium S. Augustini repertam, manu meâ descripsi; hâc vitâ obturatur os Illyrici hæresiarchæ, in Opere de testibus veritatis, qui Milicium (ut librum suum auctiorem faceret, pluresque haberet stultitiæ suæ testes) Pontificibus oblatrâsse mentitur.

De Vita Vener. Presbyteri Milicij, Prælati Ecclesiæ Pragensis.

Scripturus vitam Servi tui ad honorem nominis Tui, prout Tu dederis D. DEUS, per quem Ecclesiam nostri temporis in antiquum Apostolicæ gratiæ, & virtutis decus voluisti reflorescere, eum invoco adiutorem, quem jam olim habeo incentorem amorem tuum. Quis enim de amore tuo, quantumcunque spiraculum vitæ habens, & videns testimonium gloriæ tuæ tam præclarum, & tam fidelem temporibus nostris mundo insolitum effulxisse, non agat, & satagat, non det operam, quantumcunque poterit, nè lumen à Te incensum tuorum quempiam lateat? sed quantum humano stylo fieri potest, quod melius ipse tamen per virtutem operum facis, manifestum, & exaltatū velit, ut luceat omnibus, qui sunt in domo tua? Cùm ergo Sol Justitiæ erat sub nubilo, & sui luminis claritatem absconderet, & ferè nos opprimeret umbra mortis, tunc oriens ex alto splendor lucis æternæ, qui nescit occasum, sic errorum tenebras effugavit, ut mox umbrâ remotâ, sub qua pugnabant Principes tenebrarum, ab Electis effugerent, & mox dubietatum ambages coeperunt à fidelium cordibus disperire, ut jam Christi milites teneant tam splendidum rutilantis veritatis fulgorem, ut eum nulla falsitatis caligo possit amplius obfuscare; videlicet, ubi abundavit delictum, superabundavit & gratia, & populus, qui ambulavit in tenebris, vidit lucem magnam, habitantibus in regione umbræ mortis, lux orta est eis. Et ecce radius lucidissimus, nullo erroris nubilo præpeditus, Prædicator egregius, scilicet *Milicius Presbyter Olomucensis Diœcesis de Cremſyr*, non sublimium parentum existens, sed innocens manibus, & mundo corde, donisque cœlestis gratiæ refertus, cujus initijs prædicatio quasi lux præcedens crevit usquè ad perfectum diem, & illuxit his, qui in tenebris, & umbra mortis erant. Hic verò erat nostris imperator, & sic crevit in Virum Prælatum magnæ, scilicet *Archidiaconatus*. In qua manens statim cœpit studiosè cogitare de salute sibi commissorum, & diligenti curâ Plebanos visitare; nihil verò ab eis exposcebat, nisi salutem, proprios sumptus expensarum, & aliarum necessitatum faciens, & licèt poterat salvâ conscientia expensis *Plebanorum* bene sustentari, tamen propter majorem perfectionem vitæ frequentius propria impendebat. In tali verò dignitate manens, licèt hoc nostris temporibus incognitum est, statim

Nota.

Militius Archidiaconus
Ecclesiæ
Pragensis,

Zelus.

tim cœpit in cilicio peragere pœnitentiam, & quando iter alicujus partis arripiebat, tunc duo cilicia cautè, & secretè cognato suo clerico, nomine *Stephano*, quasi pro majori suo thesauro studiosè recommendabat custodienda.

Mortificatio.

Attendens verò servus DEI Evangelicum dictum, ubi sic dicitur: *Nisi quis renuntiaverit omnibus, quæ possidet, non potest meus esse discipulus*, nihil amplius sibi volebat reservare, & veniens ad *Capitulum Ecclesiæ Pragensis*, eandem *Prelaturam* spontè, nullo eum cogente, in manus *Prelatorum Pragensis Ecclesiæ* resignavit, & sic pauper manens, *Christum* sequebatur; & licèt post resignationem ipsius per *Prelatos* multùm fuerit rogatus, ut de manibus eorum eandem *Prelaturam* assumeret, quibus grates immensas retulit, sed nullatenus eandem resumere voluit, attendens ad Evangelicum verbum, ubi dicitur: *Nemo tenens manum ad aratrum, & respiciens retro, aptus est Regno DEI*. Quamvis & magnis precibus post resignationem factam per Reverendum Virum Dominum *Arnestum* bonæ memoriæ *Archiepiscopum Pragensis Ecclesiæ* fuerit rogatus his verbis: *Domine Milici, quid melius potestis facere, quàm, ut pauperi Archiepiscopo sibi gregem commissum pascere, juvare velitis?* Cui humiliter omnino non recusavit, nec etiam pro tempore illo consensit, sed volens priùs videre: utrùm esset idoneus, & habilis ad verbum DEI seminandum, iter citò arripuit, in *Pilznensem Provinciam*, & veniens in quandam *Civitatem Domini Archiepiscopi*, nomine *Tyn*, cœpit ibidem verbum DEI prædicare. Cùm verò vidisset pulchrum hortum plantatum in *Curia Plebani*, statim diabolus inimicus humanæ salutis, cœpit suggerere, quasi dicens: *Ecce quantis delicijs in toto æstivo tempore hunc hortum visitando in fructibus perfrueris!* Servus verò DEI, non immemor Evæ deceptionis factæ in horto Paradisi firmavit in corde suo: quousque ibi maneret, nunquam eundem hortum intraret, neque illis fructibus vesceretur, quia non propter delectationes corporis illuc venerat, sed salutem requirens animarum. Cognoscens ergo, quòd ex gratia DEI posset aliquantis in verbo DEI proficere, medio anno elapso, quo continuavit ibidem prædicando, reversus est in *Civitatem Pragensem*, & cœpit in *Ecclesia S. Nicolai* in minori Civitate sub Castro verbum DEI prædicare. Considerans verò servus DEI populum studiosiùs verbo DEI adhærere, & sic requirens fructum majorem animarum, cœpit in *Ecclesia S. Ægidij* in majori Civitate rete Verbi DEI laxare, & quamvis in principio suæ prædicationis paucum populum habere videretur, & licèt etiam ab aliquibus propter incongruentiam vulgaris sermonis derideretur, & propter oblivionem in Festis indicendis, quorum adhuc usum non habebat, tamen in bono proposito, in quo perseverare proposuerat, nullatenus discedebat. Multi verò, etiam amici ejus sibi svadebant, ut à sua prædicatione cessaret, dicentes: *Quid tuo sermone tali proficere poteris? Ecce quanti Viri nostris temporibus fuerunt Religiosi scientifici, & illi non multùm*

Resignat Archidiano.

Mortificatio oculorū & affectuū in horto.

Ecclesiæ Pragensis in quibus prædicabat Militius.

Argumen-
tum Conci-
onii Militij.

Fructus Cō-
cionū ejus.

Quam sa-
pe in die
prædicavit
Militius.

Neglectus
cibi.

profecerunt. Ipse verò considerans Christi derisionem, & ejus prædicationem, quòd non solum multitudini prædicavit tantum, sed & uni mulieri, videlicet Chananaea; sic ipse non prætendebat confusionem pro veritate pati, nec multitudinem populi curabat, sed solummodo prætendens salutem animarum, & quòd non solum in multitudine est salus, coepit in verbo DEI esse continuus, detestans superbiam, luxuriam, avaritiam, quia ex his, quasi ex radice alia mala proveniunt, & sic per ejus assiduam Prædicationem, & austeritatem correctionum primò aperiebantur aures surdorum, qui prius inviti audiebant verbum DEI, postmodum verò suorum Prædicatorum immemores frequenter adhærebant ipsius prædicationi, & post coepit populus affluere, & admirabantur turbæ laudantes nomen Domini, & dicentes: *quia fecit nobiscum misericordiam suam.* Crescente itaque prædicatione ejus, incoeperunt mulieres superbæ pepla alta, & gemmis circumdata caputia, & vestimenta auro, & argento ornata deponere; alij verò peccatores publici, & occulti peccata sua deslebant, usurarij usuras reddebant, artifices verò talia artificia scientes, quæ sinè peccato vix vel unquam fieri possunt, talia dimittentes, alia ex novo discebant. Alij verò quàm plures omnia pro Christo dimittebant, & ad Eremum properabant, ut ibidem solitariam vitam ducentes, & ærumnosam, de peccatis poeniterent. Ex tali verò devotione fidelium, *Servus DEI* accensus, binâ vice in die quasi frequenter prædicabat, terna verò sæpissime, multoties etiam quater per diem suam prædicationem faciebat; & semel contigit, quasi in uno die quinq; sermones perfecit. & hoc in talibus locis: mane ad *S. Ægidium*, finito verò sermone illo statim transivit, & ad *Beatam Virginem in lata Curia* secundum sermonem prædicavit, tertium verò post prandium iterum ad *S. Ægidium*, quartum *mulieribus poenitentibus in Domo*, quam inhabitabant, quintum verò in *Ecclesia S. Georgij Castro Pragensi* Monialibus consummavit jam post horam vespèrarum, & ibidem primò prandium suum fecit. Et nunquam integrum diem super aliquo sermone studebat, sed in duabus horis, vel tribus magnum sermonem, & sæpissime in una hora comprehendit. Hoc verò admirans quidam *Magister Sacrae Theologiae nomine Adalbertus*, Vir nimia literaturæ, quasi sub juramento dicebat: Omne, quidquid ego pro sermone faciendo Viris literatis, & illuminatis vix in uno mense comprehendere possum, *Militius* verò tantum unâ horâ suo studio comprehendit. Rarissimè autem ad unam horam prædicabat, sed quasi semper duabus, & aliquando horis tribus. In *Parasceve* verò, hoc est, magnâ *sextâ feriâ* statim post matutinas incipiens ad *quintam horam* prædicabat; post prandium verò horis tribus in prædicatione populum retinebat, & rarò pransus, antequam omnes sermones, quos intendebat prædicare, perfecisset. Quando verò prandebat, & post hoc facere sermonem debebat, tunc quidquid prædicare intendebat, infra prandi-

um sibi illud legi fecit, & sæpissimemet legebat, vel scribebat, & comedebat, sed multò avidius incendebatur de Scriptura sacra, quàm de cibo corporali. Et licet materias, quas prædicare deberet illas, quia valde bonæ memoriæ erat, bene retinebat, tamen de se nihil præsumebat, sed devotis suis orationibus ad sermonem se præparabat. Quando verò finito sermone multitudo eum sequeretur, & pro consilijs eum petebant, licet nimium jam fatigatus erat, tum benignè cuilibet spiritualiter confedit, & quidquid pro salute animæ erat, hoc consulebat. Non enim erat acceptor personarum, quia nunquam aliquem, sive divitem, sive pauperem spernebat, sed ad se venientem quemlibet benignissimè assurgens, suscepit, & penes se locavit, & affabiliter pertractavit. Recedentem verò quemlibet de Commundo suo conduxit, & sæpissime de domo, in qua manebat. Quodocunque verò *Mulier* aliqua ad eum pro aliquo consilio venit, rarissimè ad Commundum suum, licet multis secum manentibus, tamen invitus, intromisit, & publicè in domo, in qua manebat, & non in occulto loco, neque prope ei confedit, & de salute, in quantum melius valuit, informavit, & si aliqua *mulier* sibi loquens corpori suo appropinquavit, & hoc propter suam simplicitatem, statim rigidè dixit: *Carissima, nescis remotius stare!* & sicut moris est à se hominibus recedentibus, quòd manus sibi invicem porrigunt, nunquam alicui *muliebri* manum porrexit; & quodocunque *mulieri* alicui loquebatur, semper oculos defixos in terram tenuit, & valde seriosè loquebatur, & quodocunque habebat de suo Commundo ad aliquam *mulierem* exire, licet tunicâ simplicitè fartâ, & latâ erat indutus, tamen raro sinè pallio voluit alicui mulieri adstare, vel ei confidere, & invitus cum eis longos sermones pertractabat; & si aliqua diffusi sermonis erat, ipse verò instruebat eam, ut brevibus verbis materiam, de qua locutura erat, explanaret. Et quodocunque per Civitatem propter arduam necessitatem transibat, nunquam manum de pallio extendebat, neque transiens loquebatur alicui, nisi in magna necessitate, neque ridebat, sed miti modo, non vertens oculos hinc inde, gressus suos disponebat; & quodocunque *Clericus* suus, vel aliquis in via loquebatur, ipsum statim corripiebat. Et ità erat sollicitus de salute populi, quòd licet nunquam in juventute *Teutonicum* profecerat, volens ergo majorem populum Domino suo acquirere, cœpit jam in senectute studiosè *idioma Teutonicale* inquirere à suo Scholari, & ab alijs, quibus notum erat, & multoties totum sermonem, quem prædicare debebat, in *Teutonico* conscripsit, & sic incepit in Teutonico prædicare, & per hoc magis per Divinam Gratiam in verbo DEI accensus, etiam studentibus, & alijs viris litteratis latinè, qui miro affectu, & devotione ad ipsius sermones confluebant, in *Ecclesia S. Nicolai in Majori Civitate Pragensi* prædicabat, & eandem prædicationem omnibus diebus festivis faciendo, ultra quàm duobus annis continuavit, & postmodum eosdem sermones omni-

Humanitas
& humilitas
Militij.

Cautelæ in
colloquio
cuius fæminis.

Modestia
Militij.

Discit lin-
guam Ger-
manicam.

Scribuntur
ejus Conci-
ones.

Testimoni-
um de Mili-
tij Concio-
nibus.

Fuga otij.

Gravitas
Milicij.

Paupertas
ejus.

bus studentibus, & alijs scribere volentibus dedit ad ingrossandum, qui sunt de Tempore, & de Sanctis in uno volumine comprehensi, & sic in hodiernū diem Militij sermones nuncupantur. Et cum D. Archiepiscopus eosdem sermones cuidam Magistro sacre Theologiae Viro illuminato, nomine Adalberto præsentari fecisset, & D. Wilhelmo Decano Wißehradensi Viro illuminato, idem verò Magister eosdem sermones conspiciens, ita respondit: *Non est verò meū illa corrigere, quæ per gratiam Spiritûs Sancti sunt compilata.* Et ex hac ipsius studiosa, & assidua prædicatione, multi ex Studentibus, & alijs simplicibus Presbyteris videntes in simplici homine tale donum Spiritûs Sancti enitescere, in magnos etiam prædicatores creverunt. Gratulanter ergo cum Salvatore, & Domino nostro JESU Christo est dicendum: *Confiteor tibi Pater Cæli, & terra, quia abscondisti hæc à Sapientibus, & prudentibus, & revelasti ea parvulis! & quare hoc? quoniam Pater sic placitum fuit ante te.* Quando verò finito ipsius Latino sermone ipsum Presbyteri ad Commodum suum de Ecclesia sequebantur, eos ad lineam ejusdem viæ, quâ transibat, nè eum sequerentur, trahebat, nolens sibi obsequium ab eis parari, quia à vana gloria multum se custodiebat. Mos autem ejus conversationis talis erat, quoniam aut legebat, aut aliquid dictando scribebat, aut simplices instruebat. Exercebatur igitur in justificationibus DEI semper. Detractorum verò, & susurronum, & eorum, quorum DEUS venter est, consortia penitus declinabat. post mensam verò prandij, sive cœnæ suo corpori requiem nullam dabat: nec mirum, quia & infra mensam à lectura, sive scriptura, rarò, vel nunquam vacabat. Nunquam verò propter aliquam corporalem recreationem visus est spatari, neque etiam aliquod solatium carnale à principio suæ prædicationis sibi exhibuit; neque verbum aliquod sæculare, quod ad risum eum, vel alium provocaret, aliquando protulit, & si aliquis clericorum, sive Presbyterorum sibi commanentium verbum aliquod tale dixit, statim de talibus quemlibet corripiebat, nè talibus levitatibus, quæ ad risum spectant, uteretur, sciens Vir DEO devotus, quòd levitates corporales levem animum esse ostendunt. De salute verò omnium, sicut de sua propria nimium sollicitabatur, maxime tamen illorum, quibus ipse conversabatur. Sicut semel contigit in suo quodam Scriptore, qui pro pretio sibi Thomam de Aquino super Lucam scribebat; talis verò rostra in calceis, & torquem in pallio, qui vulgariter dicitur *Oboogel* deferebat, quem nimium rogabat, & pretium XLII. grossorum, vel paulò plus sibi dedit, ut talia deponere deberet. Ità etiam erat dispositus, & in omnibus circumspectus, ut ex moribus hominis exterioris, qui videbatur, honesta, & sancta æstimaretur compositio animi, qui non videbatur. Singulis erat compassione proximus, & præ cunctis contemplatione suspensus. Cumque DEO dilectus, & hominibus Milicius, prædicationi, & alijs pijs operibus sic insudaret, nihil possidebat, nihil habebat, sciens, quòd *difficile est divi-*

divitem in Regnum Cælorum intrare, sed solummodo ubi à devotis hominibus commodum sibi aliquod dabatur, ibidem manebat, & quidquid causâ Dei pro ipsius corporis refectioe sibi dabatur, hoc *Clericus* suus sibi ad comedendum parabat, & etiam aliquæ devotæ Virgines, & viduæ, & aliæ bonæ matronæ in eorum hospitij ipsius fercula decoquebant, & parata sibi dabant, & licet pauca solum pro sua necessitate habebat, illa tamen misericorditer, piè, & hilariter cum pauperibus dividebat. Papyrus verò emebat, & pauperibus Scholaribus ad libros scribendos dabat, & si aliquando pauperibus dandum nihil haberet, tunc piè rogabat, ut alio tempore redirent, & quid quid Dominus administraret, eis tribuendum promittebat. Et cum semel in *Pragensi Civitate* transiret cum cognato suo *Clerico* nomine *Stephano*, & videns quandam Mulierem satis denudatam, reversus ad cognatum suum piè rogabat, ut pellicem, quo erat indutus, mulieri tribueret, quod & fecit, quia ipsemet non habebat aliud, nisi solam tunicam, quâ indutus erat. Et nisi motu proprio pietatis aliqui devoti sibi vestem tribuissent, nunquam solus aliquem pro indumento aliquo rogasset, & quasi citò novum indumentum haberet, statim illud, quo indutus erat, alteri indigenti tribuit, adimplens Evangelicum dictum, ubi dicitur: *qui habet duas tunicas, det unam non habenti.* Et sic rarò duabus tunicis utebatur, sed solum unâ in æstate, hieme tunicâ cum pelliceo fruebatur. Hi sunt mores, hoc studium, hæc erat vita vivendi; bene vixit, bene docuit, ab eo, quod ore dixit, opere non recessit. Cùmque jam quinque, vel sex annis in *Civitate Pragensi*, & in alijs Civitatibus, & etiam in *Diœcesi Olomucensi* prædicasset, & adhuc usum communem in comestione carnis, & bibitione vini tenebat, quibus sub magno moderamine utebatur, sciens per verba Evangelica esse licitum talibus cum moderamine uti, ubi dicitur: *edentes, & bibentes, quæ apud illos sunt*; tamen ad majorem vitæ perfectionem anhelans, ab esu carnum, & piscium, & à potu vini, quæ licita sunt, cœpit abstinere, ut ubi aliquando illicita aliqui perpetrabant, jam pœnitendo à licitis abstractus, & sic faciendo tempus dierum malorum redimeret. Inter hæc verò indignum se judicans, Verbum DEI populo DEI seminare, cogitare cœpit, quod perfectius esset, mundum totaliter relinquendo *Religionem* aliquam debere intrare, & Crucem suam tollere, & carnem crucifigere, & relinquere, & abnegare se ipsum, & ibi temporibus vitæ suæ DEO serviendo pœnitere, sed prohibitus fuit omnibus sibi consulentibus, nè *Religionem* intraret, ut nec fugere deberet prædicationem, à qua tamen prædicatione omnibus consiliarijs reclamantibus, abstinuit per multum tempus, juxta doctrinam *B. Gregorij super Ezechielem*, qui docet, ut tacendo prædicator proficiat ad altiora prædicanda. Interea incidit in mentem ejus, ut ad *Urbem* transiret *Romanam*, & ibidem Verbum DEI prædicaret, & cùm pervenisset in *Civitatem Romanam*, plusquam per unum Mensem à prædicatione

Eleemosi-
næ studiū.

Vino, carni-
bus, pisci-
bus abstinet.

Delibera-
tio de Ord:
Religioso.

Romam
proficisci-
tur Militius

Romæ ab
Inquisitore
captus in-
carceratur.

Visio Ange-
lica Militij.

tionem abstinuit, volens per orationem devotam, & abstinentiam magnam melius in animo progredi. Et tunc cœpit jejunare jejunium *Danielis panem desiderabilem non comedendo*, in oratione instanter Sacrificium Christo frequenter offerre, & poenitentiam agere in cinere, & cilicio. Et cùm jam desperasset de adventu *D. Urbani V.* Papæ in *Urbem Romanam*, tunc præparavit se, volens iter arripere versùs *Avenion*. Et in tantum venit sibi talis cogitatio in mentem: *Vade, intima publicè per chartam, quam affiges ostijs Ecclesiæ S. Petri, sicut solitus fuisti intimare in Praga, quando eras prædicaturus, quòd videlicet prædicares. Exhortaberis Clerum, & Populum, ut orent pro D. nostro Papa, & pro D. Nostro Imperatore, ut ita ordinent Ecclesiam Sanctam in Spiritualibus, & in temporibus, ut securi fideles deserviant Creatori.* Et quàm citò annexa fuerat litera ostij *S. Petri* statim quærebant, ubi esset? ipse verò non aufugit, qui paratus erat pro veritate & mori, sed devotè in eadem Ecclesia orabat, & quàm citò fuit inventus, statim fuit per *Inquisitorem de Ordine Prædicatorum* arrestatus. Valde enim *Ordines mendicantium* sibi inimicabantur ex prædicatione, quam contra *Simoniacam* susceptionem *Ordinis*, & proprietatem *Spiritualium Virorum*, & *feminarum* faciebat, & unà cum Domino *Theoderico* Eremita Presbytero bonæ memoriæ, cum quo illuc pervenerat, vinculis gravibus mancipatus. Et cum jam ad captivitatem ducebantur, *D. Theodericus* ex fragilitate humana, considerans injuriam, aliquantulum secum murmurabat, quòd considerans *D. Milicius*, benignissime ipsum hortabatur, dicens: *Frater dilecte, memor sis Passionis JESU Christi, qui quasi ovis ad occisionem ducebatur, non aperiens os suum. Cùm eum crudelissime tractaverunt, non nisi benignè, & dulciter, quæ necessaria erat, responderebat, sic quod omnes Spirituales Viri, & Gallici mirarentur ejus patientiam.* Ipse verò fuit carceribus mancipatus per *Fratres minores* in eorum Monasterio in *Latran* ubi dicitur ad *Aram Celi*, Dominus verò *Theodericus* per *Fratres Prædicatores in Roma*. Ipse verò *D. Milicius* magnas abstinentias sibi faciebat in cibo, & potu, à quibus in toto etiam abstinuit à quinta feria, quæ erat ante festum *Sancti Spiritus*, usquè diem *Spiritus Sancti*, & primò finitis vespers cibum recepit. Post talem verò Corporis macerationem in carcere, & in genibus orando, eo neque totaliter dormiente, neque vigilante, immensâ claritate *S. Angelus* apparuit, & ipsam consolatus est, & statim à vinculis, quibus durè, & acriter tenebatur, scilicet cippo, compedibus fuit solutus, & calamare cum incausto, & papyrus, quæ longè ab eo in carcere erant posita, sibi sunt allata. Quædam verò Vidua devota, nomine *Anka Behemit* sibi fercula & *D. Theoderico* ejus socio parabat: quam studiosè per suum Scholarem rogabat, ut *D. Theoderico* non viliora, sed similia fercula daret; quæ tum suæ debilitati compatiens quodam die jejuno *D. Milicio* uva passa, sive uva vini decocta misit, & *D. Milicio* inscio, neque per interpositam

tam personam D. Theoderico pultes conditas eodem die, & non uva vini ad carcerem misit. Cum verò suus Clericus cum cibarijs prædictis ad eum venisset, nec sibi aliquid de ferculis D. Theoderici dixisset, statim cœpit dolere, quòd D. Theodricus vilioribus ferculis uteretur, & suo Clerico dicebat, ut rogaret eandem mulierem, nè talia ulterius faceret. Fratres verò, qui sub testimonio eum in custodia habebant, portabant sibi ad carcerem panem, vinum, & alia cibaria, & accersito ejus Scholari ponebant coram eo, dicentes: *Vides tu, Frater, si iste homo morietur propter nimias abstinentias, quas corpori suo infert, immunes volumus coram DEO, & hominibus apparere; & cum fuisset interrogatus, quid prædicare voluisset, respondit eis dicens: Eja si scire vultis, tunc papyrus detis mihi cum alijs attinentijs, quæ ad scribendum spectant una cum Biblia mea, quam recepistis me carceribus tradendo.* Cum verò hæc sibi oblata fuissent, tunc cœpit sermonem colligere vinculis existens mancipatus. Cum verò tempore deputato Prælati Ecclesiæ S. Petri fuissent insimul congregati, & alij multi Viri scientifici, tunc idem Militius, & D. Theodricus de carceribus in medium eorum ducti fuerunt, & ibidem Militius sermonem Latinum coram eis prædicavit, omnibus admirantibus super tali sermone; finito verò illo sermone è converso ducti fuerunt, sed non tam rigidè, & strictè ampliùs tenebantur. Superveniente verò Romam bonæ memoriæ Beato Urbano Papa, statim per Venerabilem Patrem Dominum Cardinalem Albanensem ambo de manibus inimicorum fuerunt erepti, & per eundem Venerabilem Patrem in Domo sua gratiosè retenti, & in omni necessitate eorum competenter procurati; adversarij verò eorum statim fuerunt beneficijs privati, & venientes ad eos, & veniam petentes, culpam suam cognoscebant, dicentes: *Meritò hoc patimur, quia peccavimus in Dominum, & contra vos.* Cum verò Pragam pervenissent, quasi nova lux omnibus Christi fidelibus orta fuisset, ita gaudebant, quia per Viros Religiosos mendicantes sæpe in eorum prædicationibus audiebant, ubi dicebatur: *Charissimi, ecce jam Militius cremabitur.* Sed quia Dominus misericors semper eruit sustinentes se. Et tunc verò cœpit fortiter Verbum DEI prædicare, nunc ad S. Ægidium in vulgari sermone, nunc ad B. Virginem in Lata Curia in Teutonico, nunc verò ad S. Nicolaum Viris literatis & ubicunque in tota Civitate Pragensi ad sermonem faciendum petebatur, nulli recusabat, sed celeriter, & hilariter facto uno sermone, ad alium properabat faciendum, & ita non parvum populum Domino acquirebat. Omnia verò facta sua cum nimia alacritate, & vultûs hilaritate, remoto à se omni tepore acediæ explebat. O quam magno gaudio anima ejus replebatur, quando alios Presbyteros in verbo DEI affici considerabat! hæc ejus erat dulcedo super mel, & favum. O quam studiosè pro omnibus fidelibus prædicatoribus quotidie orabat! non enim alicui in prædicatione invidēbat, quia sæpissimè istud dicebat: *utinam*

Militius Romanæ prædicat.

Urbanus Papa Militium carcere educi jubet; Adversarij puniuntur.

Militius Pragam redit.

Charitas Militij & facilitas erga alios Prædicatores.

Afflictio
sua.

Orandi stu-
dium.

omnis populus prophetizet! O quantum in verbo DEI in corpore, & anima sudabat, quia omnibus volentibus prædicare ipsemet sermones scribebat, proprios libros mutuabat, & etiam quomodo prædicare debebant, instruebat, populo omni recommendabat, ut eò studiosius circa eorum prædicationem Populus afficeretur, & pro libris comparandis pecunias ad annos accommodando eos juvabat. Et quodcumque aliquem in modico utilem in verbo DEI considerabat, ultra se populo eum præferebat. Sic talem de ipso recommendationem Populo faciebat, dicens: *Charissimi, primum talis, & talis ex novo vobis predicabit, qui est multum valens in verbo DEI, & quem adjutorio DEI multo carius, quam me audietis.* Et ad amicos suos spirituales veniens, de eo multa bona referebat, dicens: *Ecce gratulamini mihi, quia DEUS talem valentem Prædicatorem populo suo ordinavit; & alios devotos homines rogabat, ut studiosè Dominum pro eo orarent, & in sermonibus suis eadem faciebat, ut oratione populi gratia Verbi DEI magis in eo, ac magis accenderetur.* Et quidquid verò utile in Scriptura sacra inveniebat, statim in margine libri scribebat *Nota*, valde & cum magno gaudio alios ad illa convocat. Sic ipse non pro sua prædicatione id reservabat, sed charius videbat, ut alter eo utiliora prædicaret. Ipsi autem virtus talis erat abstinentiæ: à tempore illo, quo *Romam* cum *D. Theoderico* transiverat, carnes neque piscines comedit, nec etiam vinum bibit, sed solum quidquid leguminum erat, illis utebatur, & de illis verò quatuor fercula in prandio, & tria in cœna, & hoc cum magna modestia non plus sumebat, & in tali abstinentia cibi, & potus ultra quàm sex Annis perseveravit. In lectulo verò solummodo pulvinar, & cussinum habebat, & illud in plana tabula, sive assere sinè straminibus ponebat, & illud occultè satis servabat, nè ab aliquo ex illo laudaretur. *Tunicam* verò volens dormire nunquam deducebat, sed in eadem & ambulabat, & dormiebat. Quanta verò incommoda ex immunditia sui habitus patiebatur, quod vix aliquando ejus ab eo tunica extorquebatur, ut mundanda in balneum penderetur. Antequam verò se posuit, tam diu ante lectum suum flexis genibus DEUM orabat, quamdiu à somno totaliter non vincebatur. Multoties verò nimium fatigatus, & laboribus multis fessus, in orationibus suis dormitabat, & à Scholare, qui cum eo horas dicebat, excitabatur, ut orationes inceptas perficeret. Lotione verò balnearum nunquam utebatur. Et licet talibus multis, ut carnem suam domaret, utebatur, tamen adhuc ista sibi non sufficiebant, sed & corpus suum etiam saepe virgis affligebat, sed illa valde occultè faciebat. In ipso namque tenui victu tenuis somnus comitatur; in neutro autem ullam indulgit corpori satietatem. Porro ad comedendum vix aliquando voluptate trahitur, sed solo timore defectus. Mos verò orandi ejus iste erat: de nocte ad orationem frequenter surgebat, perfectis verò orationibus Scholarem suum ad horas sequum dicendas excitabat, & easdem devo-

devotè, & cum genuflexione à principio usque in finem perficiebat. Cum verò ad illam Orationem *Sanctissima, Gloriosissima*, quam in *Prima* solemus dicere perveniret, illam cum repetitione verborum illorum sapissima, & magno suspirio, totus in DEO suspensus explebat, ita quòd ex nimio devotionis affectu viscera in eo rugiebant; perfectis verò horis nocturnis, ac diurnis, ad prædicandum se præparabat. Expleto verò sermone quotidianâ confessione, & iterum orationibus devotis ad offerendum DEO jure Sacerdotium se disponebat, & id Sanctissimum Officium cum magna devotione, & sinè festinatione perficiebat. Expleto verò Sacrificio, indumento deposito, statim super genua sua cadebat, nec se parieti, sive sedi alicui appodiabat, sed erectus corpore, & mente in cælum sapissime usque horam meridiei orabat, multoties verò usque horam vespèrarum in iisdem perseveravit. Quocunque verò die propter aliquod impedimentum Divina non peragebat, eo die nimium turbabatur, & nimium anxius dicebat: *Quandocunque isto pane Sanctissimo non reficior; illo die anima mea nullo consolationis refrigerio potitur; sed quandocunque hoc cibo Sanctissimo anima mea pascitur, illo verò die omnes majores adversitates, quasi in favillam mihi rediguntur.* Quæcunque verò pro communi bono, & salute fidelium disponere debebat, tunc primò completis illis omnibus, recepto secum *Scholari* ad Curiam *Domini Archiepiscopi*, sive etiam *Imperatoris* currebat: post verò illorum omnium dispositionem primò veniens prandium suum faciebat. Orationem verò *Magnus es Domine*, S. Augustini, illam quotidie dicebat, accersito *Scholare*, qui libellum tenens, in quo eadem Oratio continebatur, respiciebat, nè in aliquo verbo ejusdem Orationis cespitaret. O quanto fervore, quantâ devotione illam orationem perficiebat, in qua totus Divino amore absorbebatur. Solius quippe donantis, & accipientis est nôsse, quantum in eadem Oratione præveniret eum Dominus in benedictionibus dulcedinis suæ, quantâ repleverit gratiâ, quomodo ab ubertate Domûs suæ inebriaverit. Et quocunque transibat, & si *Ecclesia* in transitu ejusdem aliqua reperiebatur, nullam præteribat, in qua non oraret. Et omnes orationes ejus magis in *Psalms* fiebant. Et quandoque studium, & assiduum in orationibus inveniebat, præ omnibus alijs virtutibus eandem virtutem in eo diligebat. Cum autem post hoc aliquanto tempore evoluto, iterum *limina S. Petri* visitasset, sed ibidem non longum manendi tempus protraxit. Inde verò veniens post obitum bonæ memoriæ *Domini Conradi Flebani Beatæ Virginis gloriose in Leta Curia*, eximij, & egregij prædicatoris, qui in *Civitate Pragensi* primus errores destruxit, evulsit, & virtutes plantavit. Cœpit ergo de quotidiana prædicatione studiosè cogitare, ut sicut corpus quotidiano alimento nè pereat, nutritur, ita verò & anima ex quotidianis viridissimis *Verbi DEI* pascuis pingvesceret. Adveniente verò tempore, quod dicitur *Adventus Domini*, cœpit in *Ecclesia B. Virginis*

In Margine
M. S. Cod:
hæc adscri-
pta legebā-
tur: de hæc
verò Orati-
one, quomo-
do miracu-
losè ad eam
pervenerit,
D. Nicolaus
de Olau so-
cium nostr:
qui nunc
est ibi, re-
quiratis.

Quotidie
Missam le-
git Militius

Oratio Mi-
litij.

Quotidia-
na prædica-
tio in Tein,
& ad S. Ægi-
dium.

ginis in *Lata Curia* in *Teutonico* quotidie prædicare; alius verò in *Bohemico* ad *S. Ægidium* eadem prædicabat. De sermone verò primo, quem ad populum faciebat, cœpit orationes in *Teutonico*, & alias ejusdem materiæ in *Bohemico* conscribere, & eisdem factò sermone populo pronunciare, quæ quidem in utroque idiomate conscriptæ habentur, & etiam ab aliquibus prædicatoribus post sermonem in hodiernum diem pronunciantur. Talis verò quotidiana prædicatio plus, quàm tribus annis in *Ecclesia B. Virginis*, & ad *S. Ægidium* plusquam duobus vigeat; ex qua quidem prædicatione per *DEI* gratiam spirituales, & sæculares emendabantur, & frequens confessio peccatorum, & sæpissima *Communio S. Eucharistiæ* cœpit invalescere. Quando verò aliqua notabilia, & utilia in *Scripturis* sacris inveniebat, in nocte pro eodem *Presbytero*, qui in *Ecclesia S. Ægidij* prædicabat, sæpissimè mittebat, & eadem notabilia sibi indicabat, & quomodo eadem Populo prædicare deberet, instruebat. Quantum verò in *Scripturis* valebat, palam omnibus est, qui vel loquentem eum audire, vel aliqua, quæ scripsit, legere potuerunt. Similis ei sollicitudo de salute multorum erat, qui à primo die prædicationis suæ usquè ad obitum tam singulariter illius præclarum pectus noscitur possidere, ut erga omnes animas maternum gerere videretur affectum. Erat enim vehemens in præcordijs ejus desiderij, & perfectæ humilitatis conflictus: modò enim seipsum dejiciens fatebatur indignum, per quem fructus aliquis proveniret; modò verò oblitus sui estuabat flagrantissimo amore, ut nullam nisi ex multorum salute consolationem posse admittere videretur. Sanè fiduciam charitas pariebat, sed eandem castigabat humilitas. Infra verò in tempore quotidiano prædicationis cœpit *super Evangelia de tempore*, & *de Sanctis*, dicta *Sanctorum Doctorum* colligere, & sic cœpit ea studentibus ad ingrossandum, & alijs scribentibus pronunciare. Et licet ità magnum onus sibi imposuerat, tamen propter hoc nec prædicationem, nec orationem, nec alia pia opera dimittebat, sed ad hæc quotidie confessiones hominum peccantium studiosè in *Ecclesia B. Virginis* audiebat, & eis saluberrima consilia, quomodo *DEO* servirent, dabat. Cùmque verò tot, & tanta per virtutem gratiæ Divinæ prædicando faciebat, ut etiam in multis quasi de impossibilibus possibilia faciendo, quasi montes transferendo in oculis hominum mirabilis, & venerabilis appareret; maximè verò in tantum in eo enitescere cœpit virtus prædicationis, ut dura etiam cordis auditorum sæpe ad conversionem emolliret, vix aliquando domum vacuus rediret; postmodum verò sæliciter proficiente & usu sermonis, & exemplo bonæ, & perfectæ conversationis, rete *Verbi DEI* in manu piscatoris *DEI* tam copiosas piscium rationabilium multitudines cœpit concludere, ut de singulis ejus capturis navicula ejus impleri videretur. Inde factum est, ut majori miraculo præ omnibus, quæ Divinâ Gratiâ cooperante prædicando gessit miraculis, etiam publicæ meretricis

Zelus animarum.

Fructus Conversionum Mirabilis.

ces de prostibulis per ejus prædicationem ad poenitentiam converterentur; & quæ vacuæ fuerunt, & steriles ab omni bono coeperunt abundare frumento, & de rore cœli, & benedictione DEI in tantum pingvescere omnia deserta earum, & sic multiplicatâ gente magnificare lætitiâ, ut impletum in ea videatur, quod olim dictum est per Prophetam ad Civitatem Jerusalem: *adhuc dicent, inquit, in auribus tuis, filij sterilitatis tuæ; angustus est locus, fac majorem, ubi habitemus, & dices in corde tuo: quis genuit istos mihi? Ego sterilis, & non parturiens, & istos quis enutrivit?* Et sic verè factum est; quia in principio conversionis earum, cum adhuc paucae erant, tunc in angusto loco, videlicet in parva domo cum quadam Virgine de Moravia nomine *Catharina* habitabant in opposito *S. Agidij Ecclesie Domo*, quæ *Pochonis* intitulatur; cum verò numerus earum aliquando viginti tantum, aliquando octoginta, aliquando magis, vel minus, & in hoc causa erat, quia quotidie per *probas Matronas Civitatis Pragensis* ad servitia recipiebantur, aliæ verò in Matrimonium proborum tradebantur; multæ verò à parentibus resumebantur. Et omnium earundem ipse majorem curam gerebat in victu, in amictu, & omnium aliarum necessitatum. Ex licentia verò *D. Archiepiscopi* in altari viatico in domo eadem *Missæ* pro eis legebatur, & prædicatione omni die pro eis in *Teutonico*, & in *vulgari* fiebat: multas verò, ne diutius permanerent in peccato, pecunijs, in quibus obligabantur, hospitium earum exsolvebat. Numerus verò earum omnium *conversarum* erat bene trecentarum, & plurium personarum. Hæc verò conversio earundem mulierum facta est sub Anno D. 1372. Et ita impletum est Evangelicum dictum: *quia publicani, & meretrices præcedens vos in Regnum Cælorum.* Jam enim de locis angustioribus non sine divina dispositione translatae in locum planiorem, & spatiosum, ubi *prostibulum* erat prius **Benatt** hoc nomine nuncupatum, ut ubi prius peccaverant, ibi honestè existentes poeniterent. Quem verò locum dilectus *Militius* à *D. Imperatore* impetravit, & 27. areas pecuniâ exemit, & duas areas prius habebat, quas quædam hospita illarum mulierum nomine *Hofarta* in agone *D. Milicio* legaverat. In eodem verò loco de consensu *D. Archiepiscopi* in medio *Capellam* in honorem *S. Mariæ Magdalene* satis in altum construxit, & *Jerusalem* loco illi nomen imposuit: ita enim in Apocalypsi scribitur: *Cecidit Babylon, & statim sequitur: Vidi Civitatem Sanctam Jerusalem.* qui locus eodem nomine in hodiernum diem ita nuncupatur. Domum etiam pulchram, & amplam pro se, & aliorum Presbyterorum secum habitantium usque ædificavit. Illa verò omnia: scilicet loci munitionem, totius *Capellæ* fundamentum valde profundum, & illam *Domum Presbyterorum* longitudine 40. ulnarum perfecit, & alia ædificia multa in domo poenitentium mulierum, & aliarum domorum; & aliam domum fecit, illam verò satis parvam à *Festo Mathæi Evangeliste usque Festum Purifi-*

Domū Poenitentia erigit Militius.

Venetia prostibulorum locus destruitur à Militio.

Sensus ob-
fcurus, & ali
quid deesse
videtur.

Vita Con-
versarum
mulierum.

in margine
Codicis ad
scriptū erat
centum.

cationis B. Maria. Postmodum in tempore longiori prædictæ mulieres, & alij pœnitentes magnificatæ ibi, & amplificatæ sunt. Et adhuc multitudini habitantium ipse locus angustus erat, ubi per eundem locum cum bestiarum filiarum, homines fiunt, & cum hominibus assuetæ conversari, & ubi prius tantillæ luxuriosè, & venenosè animas mortificantes cantabant, ibi discunt cantare Domino canticum novum à studentibus ferè omni die festivo post Latinum sermonem: *hæc est dies anni.* hominibus pœnitentibus omni die in domo earum *Salve Regina.* O quantæ verò devotæ orationes diurnales, & nocturnales quotidie fiebant! O quantæ lacrymæ sine cessatione fundebantur! O quanta flagella omni nocte! nunc sonant pectora tusionibus crebris, nunc sudant corpora nimij genuflexionibus fessa, nunc verò manibus expansis, & oculis in cœlum erectis. quandocunque illo tempore *Capellam* intrasset hæc audiens, & si saxeum pectus habuisset, in lacrymas resolutus tuisset. O quàm assidua *Confessio* ibidem erat pœnitentium, quia quotidie *tres Presbyteri* in confessionibus audiendis sufficere non poterant. Quidquid verò talium piorum in sua pœnitentia faciebant, *non sub aliqua Regula* alicujus Ordinis, nec sub aliqua obedientia Ordinis novi, sed sponte ad pœnitendum se offerebant, neque habitus erat spiritualis pro eis deputatus, sed quidquid Dominus administrabat illis simpliciter, tanquam verè pœnitentes sine aliqua palliatione utebantur. Et talis corporalis afflictio, & dura pœnitentia earundem pœnitentium vera esse apparet, & non simulata, nec inanis, & hoc per quandam mulierem, nomine *Ankam*, quæ prima conversa fuit, & ab hac conversione abinde veraciter dolens de peccatis frequenter plorabat, & in confessione suorum facinorum propter nimium fletum longo tempore verba exprimere non valebat. In tantum verò virgis corpus suum affligebat, quod jam mortificatâ carne, & induratâ ex afflictatione nimia verberum, dolorem non sentiebat, & tunc primò lacrymosis orationibus misericordiam DEI implorabat, ut priorum vulnere dolore posset sentire, credens à se sensibilitatem plagarum per Divinam operationem amoveri. O quantum dilectus DEO famulus Militius ex hujus pœnitentia mulieris consolabatur, & sæpius dicebat: *Quandocunque majores persecutiones patior; solum cogitans it. à studiosam hujus mulieris pœnitentiam, omnia licet amara, mihi inde sua- via, & dulcia sunt, quia non sunt condigne meæ persecutiones ad pœnitentiam solum hujus mulieris.* Quapropter piscator DEI præcipiente Domino, non cessat laxare retia in capturam. Cooperante siquidem gratiâ Sancti Spiritus, quocunque in prædicatione, sive ibi in *Jerusalem*, sive in alijs Ecclesijs diver- tit, plenus redit, & sua eum plenitudo ubique comitatur. Et mirum in modum is, qui tantam in contemplatione rerum spiritualium, ac Divinarum accepit gratiam circa talem curam familiæ, & laboris, non solum occupari patiebatur, sed & plurimum delectabatur, quia multoties 83. personis utrius- que

que sexus de omni necessitate providebat, & nullius censûs possessor existens, quantum verò pro labore *Capellæ*, & domorum, omni die oportebat eum providere! Et si aliquando objiciebatur sibi ab aliquibus, unde velit tanta conquirere, ipse exhortatus est, commonens eos, de misericordia DEI nunquam debere desperare. Cùmque jam istæ poenitentes prius dispersæ per diversa loca vicorum per DEI gratiam essent congregatæ, cœpit & *Presbyteros*, & *Scholares* DEO servientes congregare, & eis de necessitate etiam providere, cum quibus simul in domo, quam ex novo construxerat, cœpit habitare, non in aliquibus observantijs obedientiæ Regularis, nec spiritualis habitus pro eis deputatus, sed sicut unicuique Dominus administrabat, imò nec duo in æquali habitu inveniebantur, nec etiam aliquod nomen speciale eorum Congregationi fuit impositum. Exultans itaque devotus servus regeneratorum in Christo fidelium, & manum Domini intelligens secum operantem, cœpit ex hoc palàm servitium DEI in eadem *Capella* augmentare, ita quòd ferè prædicatio quotidie ex licentia D. *Archiepiscopi* vigeat, multoties verò diebus festivis quinque vicibus in eodem loco prædicabatur, in teutonico, latino, & vulgari sermone. Duæ verò *Missæ*, una manè de *B. Virgine*, & alia de die in cantu, omni die perficiebantur, aliæ verò lectæ sex, aliquando 8. & aliquando 16. & sic ferè omni die *Divinum Officium* usquè ad horam meridiei fiebat. Istis verò horis, scilicet vespertinis, & matutinis frequenter ipsemet intererat. Satagens etiam *Famulus DEI* bonis operibus abundare, non solum domesticorum suorum curam habebat, sed omnium indigentium indifferenter ad eum venientium inopiam, quantum magis valuit, supplebat. Omni die catervatim ante domum pauperes stabant, exitum ejus præstolantes. Et quodcumque jam stantes pauperes conspiciebat, quidquid habere poterat, inter eos dividebat. Sin autem ipsemet carebat, tunc currebat inter *Presbyteros*, & alios familiares pecuniam accommodando, & quemlibet singulariter interrogando, quis quid haberet, & quidquid congregare poterat, hilariter descendens, prout unicuique magis poterat, tribuebat: quando verò nec solus habuit, nec alij sibi ad accomodandum aliquid habere poterant, tunc tristis ad eos descendit, & exspectare pro tempore, vel aliâ horâ venire jussit: quando verò DEUS aliquam summam pecuniæ sibi administrabat, licet eandem pecuniam pro expensis, pro labore, & alijs debitoribus dare debebat, tamen principaliter de pauperibus cogitabat, in hæc verba gaudenter prorumpens: *ubi modò sunt nunc pauperes?* quibus venientibus, & alijs jam expectantibus misericorditer subveniebat, multoties verò à procuratore coquinæ, quæ jam pro expensis familiæ dederat, iterum resumebat, & cum pauperibus dividebat. Ità verò pius erat, quòd in minutissima, quæ erant sibi pro refocillatione capitis parata, cujus dolorem sæpissime patiebatur, illa cum omnibus dividebat, semper arbitrans, quia alter illis plus

Nova Domus pro Scholaribus à Militio excitata.

Consuetudines piæ domus Clericalis.

Eleemosynæ Militij.

eo indigeret. Cum verò tempus hiemis instare cœpit, oblitus fui de alijs principaleni curam gerebat; & hoc in multis ejus factis, & spiritualiter in isto apparet esse manifestum: cum semel satis grande jam hiemis frigus instaret, & ipse solam tunicam in se haberet, tunc quidam nobilis & devotus Vir, nomine *Thomas*, cujus viri notitia à multis non parva habetur, misericordiâ motus vocavit quendam *Presbyterum*, nomine *Woyslaum* sibi familiarem, dicens ad eum: *Considero D. Milicium nil pro se velle reservare, sed si vellet pro sua persona reservare, bonum vulpinum pellicum sibi darem; quam rem idem Presbyter D. Militio retulit; cui ipse respondit, dicens: hanc rem nullo modo faciam, ut tantummodo pro me servaturum promitterem; & charius frigus sustinuit, antequam tali conditione pellicum susciperet.* Videbat ista omnia peccator, & irascebatur, dentibus suis fremebat, & tabescebat; justus autem confidens in Domino gloriôsè de sæculo triumphavit. Itaque eo publicè prædicante, & opera pia exercente amici amicos à via avertebant, quia voci ejus *Spiritus Sanctus* tantæ dabat vocem virtutis, ut vix aliquis aliquem teneret iniquitatis affectum. Crescente siquidem numero eorum, qui in hanc conversionis unitatem consenserant, sicut de primitivis Ecclesiæ filiis legitur: *Multitudinis eorum erat cor unum, & anima una in Domino, & habitabant unanimiter simul.* Erat enim eis una domus, præterea & communis omnium, ubi cohabitabant. Si verò quis illuc intrabat videns & audiens, quæ ibi gerebantur, ac dicebantur, sicut de Christianis Corinthijs Paulus dicit omnibus quodammodo prophetantibus convincebatur; & adorans Dominum, & confitens, quòd verè DEUS esset in eis, aut ipse unitati adhærebat, aut recedens flebat seipsum, illos autem beatificabat. Sed cum malignus spiritus nimia detrimenta per Virum DEO dilectum sibi imminere cerneret, *Prelatos, Plebanos, Religiosos* ad furorem in eum suscitavit, ita, ut prædicationem sibi sapius prohiberent, & *hæreticum* eum appellarent: Sed planè eum boni omnes, & mirantur, & diligunt, nam qui *hæreticum* eum appellant, insaniunt. Vir verò DEO dilectus, futurorum bonorum præscijs, cum malediceretur, non maledicebat, sed patienter omnia tolerabat. Tot sunt ergo, & tantæ, quas in hunc modum de eo audivimus, & vidimus virtutes, & circa diversas hominum necessitates diversæ opitulationes, ut si omnes velim vel verbo, vel scripto pronunciare, timeam, nè fastidiosus incredulitatem, vel incredulis fastidium inveniar generare: aliquanta siquidem eorum narrare volenti, plura se offerunt; in omnibus autem operibus suis quàm purus ejus sit oculus intentionis, manifestè denunciat corpus lucidæ ejus operationis: patientiam verò ejus maximè quidem flagellis Dominicis excitatam invenimus, & probatam; quæ nimirum ab ipso suæ prædicationis initio usque ad diem beatæ dispositionis tanta sustinuit, ut vita ejus his, qui noverant, nonnisi quædam mortis protelatio videretur. Et quia hoc genus patientiæ

Diabolus
adversus Mi-
litium con-
surgit.

folet di-
corporis
poris la-
mancipi
familia-
sustinet
bertate
num re-
fis, de q
Injurias
bo enat
um Ple
lebant,
verò in
falsis eu
cetera
sed semp
contum
in secul
& Sodo
Sit nom
apparet
præfens
quia in
de ostic
conviv
verò Pr
piter in
pellare
probric
tùm co
verò al
confor
enim ta
runt in
xerunt
mine K
mino Pa
gratus.
talis in

solet dici tripartitum, videlicet ad verborum injurias, ad damna rerum, & ad corporis lesionem, de singulis in processu videamus. Quomodo verò vel corporis lesionem non pateretur, qui duras, & opacas carceris, & vinculorum mancipationes gratè & dulciter sustinuit, & quando sibi dicebatur ab aliquo familiari, tristantium ejus illa dura vincula, quomodo gravia in carceribus sustinebat, ipse verò respondebat: *melius credo ibi tunc erat, quàm nunc in libertate*, quia plura pro veritate sustinere desiderabat. Et quomodo *damnum rerum* cum hilaritate non sustinuisse? qui *Prælaturam Ecclesiæ Pragensis*, de qua suprà dictum est, & omnia, quæ habere poterat, sponte resignavit? *Injurias verò verborum* quantas sustinuit, & quis ista poterit scripto, vel verbo enarrare? sicut bene patet in quodam Concilio contra eum factò omnium Plebanorum, exceptis paucis aliquibus pauperibus, qui eis adhærere nolabant, quibus à Domino Dytlebo dicebatur: *Vos Militiani recedatis!* tum verò in *Curia Archiepiscopi*, paupere *Militio* coram eis comparente in multis falsis eum accusabant, & ei verbis multis, ac probrosis conviciabantur, inter cætera verò dicebant: *à principio prædicationis tuæ nunquam pace fruimur, sed semper disturbia multa patimur*; quibus humiliter respondit, non verbis contumeliosis, sed Divinis; *Sicut erat in principio, & nunc, & semper, & in sæcula sæculorum, Amen.* Quem sæpius & *Beghardum*, & *Hypocritam*, & *Sodomitam* eum appellabant, qui tunc omnia patienter toleravit, dicens: *Sit nomen Domini benedictum.* Et hoc Fratres est gloria DEI. Et hoc bene apparet in quadam correctione cujusdam magni Prælati, de cujus nomine ad præsens volo subticere, quam fecit ad eum litteratoriè de ejus fornicatione, quia in detrimentum animæ suæ, & multorum in scandalum perpetrabat, & de ostiolo quodam, quod in domo sua fecit pro eis nequam ducendis, & de convivij, quæ alijs Prælati faciebat, ejusdem malitiæ sibi similibus. Idem verò Prælatus auditâ litterâ, sed non ex toto, & per eum distractâ, cœpit turpiter increpare, & modò *latronem*, & *Militium* pauperem, *Sodomitam* appellare, & sibi adhærentes. Cùm verò fuissent sibi verba ista multum opprobriosa ab eodem revelata, qui litteram eidem Prælato in faciem legit, multum cœpit de illo gaudere, quòd talia pati pro veritate deberet. Quando verò aliqui sibi commanentes injurijs nimij verborum afficiebantur, ipse confortans eos, dicebat: *ut quid de talibus turbati estis, quæ minima sunt? vos enim talia, quasi prunella sumere deberetis.* Postremo verò in tantum fuerunt in furorem concitati, quòd & 12. articulos falsos, & mendaces construxerunt, & eos *Curiam Romanam* ad quendam Magistrum S. Scripturæ, nomine *Klonkoth* miserunt. Hos verò articulos idem *Magister Domino Papæ* porrexit, & sic nimium fuit in *Curia Romana* super carbones denigratus. Cùm jam verò *D. Papa* litteras suas *D. Archiepiscopo* misisset, quia talis in tantum est delatus, ut si ita esset, ut quid *D. Archiepiscopus* talia in sua

Persecutiones Militij, & in ijs patientia.

Dietlebus adversatur Militio.

hiatus, quæ legere non potui. Rursus Militius Romæ accusatur.

Orationes
Militij ad-
versitatis
tempore.

Appellatio
Militij ad
Sedem Apost.

Romam
profectio.

Dioecesi fieri permetteret? quibus omnibus istis auditis, omnia patienter pro Christi nomine ferens D. Archiepiscopum hilariter aggreditur, dicens: O *Pater venerande!* nolite ex hoc turbari, licet sim in multis in Curia Romana accusatus, tamen tota spes mea in DEO est; quia veritas ultra claritatem Solis nulla eam valente caligine falsitatis obfuscare elucebit. O quam multos persecutores, & quam multos detractores perpeffus est! sicut ex his verbis bene jam apparet, tamen in furorem carnalem ex hoc non est concitatus, nec ex eo magis turbabatur, sed semper hilari vultu, & læto animo apparebat, & quanto plures persecutiones inimicorum patiebatur, tanto plus pro eis orabat, & alias personas, quas devotas esse sciebat, studiosè rogabat, ut pro inimicis suis ferventer orarent. Talem verò modum orandi pro eis dabat, ut ad modum Crucis prostrati, misericordiam DEI provocantes, dicerent: *Deus propitius esto mihi peccatori, quia peccavi super Sodomam, & Gomorram.* Alia verò verba ista erant: *DEUS propitius esto mihi peccatori, quia non sum dignus videre altitudinem Cæli præ multitudinem iniquitatis meæ;* & ista erant: *Miserere mei, fili David!* Cum verò magis, ac magis in eum furerent, & exquisitos modos persequendi eum excogitabant, & citationibus sæpissimis virum Deo dilectum fatigabant, videntes verò, quòd in nullo horum profecissent, quia iustus non habebat, unde convinceretur. Postmodo omne iudicium totius causæ istius *Inquisitioni* delegarunt, & cum jam per *Inquisitorem* fuisset citatus; quod ille videns, tantæ eorum vesaniæ locum dedit, & factâ *appellatione* sub publica manu coram *Generali Vicario D. Archiepiscopi*, & coram *Officali*, & *D. Inquisitore*, & publicè in *Ecclesia S. Aegidij*, & in *Ecclesia S. Galli* majori populo ad sermonem conveniente ad *Sedem Apostolicam* confugit, cui datum est probare Spiritus, & Scripturas. Tanto fervore charitatis, erga salutem, & erga pauperum inopiam proximorum erat accensus, ut etiam in eadem via, ubi locum habere poterat, salubria monita per prædicationem populo exhiberet. Quidquid verò à devotis, & amicis pro expensis huius viæ sibi offerebatur, quamvis quatuor personas secum equestres perducebat, tamen largas eleemosynas pauperibus ubique erogabat. Et non expectabat, ut precum instantiâ ab eo eleemosyna extorqueretur, sed ubicunque circa viam aliquos transeuntes conspiciebat, qui sibi pauperes videbantur, *Scholarem* suum nomine *Jacobum* mittebat, ut si eleemosynam velint accipere, inquireret. In *Curia verò Romana* existens, copiosas eleemosynas faciebat, & quod pro se, & sua familia habebat, præbebat de illo; si plus non poterat habere, mediam saltè partem pauperibus erogabat. Quamdiu pecuniam habere poterat, quibusdam socijs, & pauperibus secum habitantibus de *Moravia*, semper in octo diebus unum florenum dabat, quem pauperes, ubi transibant, catervatim sequebantur. Quendam verò *Lambardum Virum Furis peritum* secum in via habebat; cum verò ad partes suas idem *Lombardus*

duo

das recedere deberet, omnem pecuniam, quam habebat in quinque partes dividens, quia *quinque* personæ erant, unam partem, & equum, cui insederat, misericorditer tribuens, amicabiliter valedixit. Quamvis verò labor viæ ejus in *Quadragesima* erat, in quo tempore horis Canonicis longioribus, quàm in toto anni circulo utimur, tamen servus DEI fidelis *Militius* omnia, & *septem Psalmos*, & XV. gradus, & *Vigilias* in via devotissimè explebat. Divinum verò Sanctissimæ *Missæ* Officium, excepto uno solo die per totam viam ardentissimè perfecit, anhelans ad mensam illam cœlestis Curia citiùs pervenire, de qua in Evangelio Lucæ dicitur: *præcinget se, & faciet illos discumbere, & transiens ministrabit illis.* Talem verò virtutem, & gratiam DEUS contulerat sibi, quòd & inimici videntes ejus personam sibi pacificè loquebantur, in nullo eum accusabant, & istud manifestè apparet in adventu ejus in *Curiam Romanam*, licèt priùs nimium criminose accusatus fuisset, postmodum eo veniente omnes sibi benefavebant, & ejus major adversarius, *Magister* videlicet *Klonkoth* cujus mentio superiùs facta est, cùm fuisset per *D. Cardinalem Albanensem* vocatus, & quid de *Militio* sentiret, interrogatus, dicebat: *Ego nihil mali invenio in homine isto, sed solum id est: cùm fuisset litteratoriè per quendam Plebanum Pragensem monitus, & rogatus de articulis talibus, eosdem D. Apostolico porrexì.* Et hoc fiebat ex gratia illa, quam nimiam ad inimicos suos habebat. Tanta verò prædicationis gratia fuit sibi à Domino collata, ut à prædicatione meretricum iverit ad prædicationem Cardinalium, & à mensa Publicanorum ad mensam Cardinalium, & Episcoporum: & talis reverentia fuit sibi exhibita non desideranti post prædicationem, quam secerat coram *D. Cardinali Albanensi* in die *S. Spiritus*, ut eodem die idem *Cardinalis* in tabula eum tertium à latere suo collocarit. Et nunquam tantum vigilanter, & tantum orabat pro seipso, sicut pro inimicis suis, ita ut rugitus viscerum ipsius à devotis, & fide dignis in hac oratione audiretur; sicut & manifestum est in infirmitate adversarij: cùm enim de infirmitate majoris ejus adversarij sibi dictum fuisset, nimium cœpit turbari, & suos familiares rogare, ut quivis eorum prostratus ad modum crucis pro eo ferventer orarent, ipsemet verò in suo Commodo prostratus, devotè cœpit misericordiam DEI implorare, ut Dominus daret sibi pro eo mori, vel hic, vel in purgatorio pati; & id manifestè continetur in literis, quas post mortem ejus adversarij *D. Archiepiscopo*, & *D. Imperatori* scripserat, & tenor in eisdem literis est talis: *Serenitati vestræ significo, quia unus ex illis, qui scenam omnis virtutis, & pulchritudinis formam Regni Bohemæ infamando in me obtenebrare volebant, ab hac luce migravit, videlicet Magister Johannes Klonkoth, cujus DEUS animam habeat! non autem ad gaudium hoc intimo, quia mortuus est, nam DEUM oravi, ut DEUS faceret me mori pro ipso, vel pati in hoc mundo, vel in purgatorio, & sicut bene convenit cuilibet fidei prædicato-*

Iter Militij
Romam.

Militius Ro-
mæ reveren-
tissimè sus-
ceptus.

Amor in-
gens inimi-
corum in
Militio.

Litteræ Mi-
litij ad Imp.
Carolū IV.

Klonkoth
adversarius
Militij mor-
ritur.

ri, ut aliquando bona opera sua tempore exigente Christi fidelibus manifestet, sicut declarat B. Gregorius super Ezechielem homil. 9. in initio sic dicens: hinc est enim, quod justī, atque sapientes aliquando virtutes suas prædicant, bona, quæ divinitus acceperunt, narrant, non ut ipsi apud homines suâ ostensione proficiant, sed ut eos, quibus prædicant, exemplo suo ad vitam trahant. Unde Paulus Apostolus, quoties fustibus cæsus, quoties lapidatus, quoties naufragium pertulit, quanta pro veritate sustinuit, quod ad tertium cælum raptus, quod in Paradisum ductus sic Corinthiis narrat, ut eorum sensum à falsis prædicationibus avertat, ut dum se innotesceret, qualis esset, illi eis vilescerent, quos ab eis cognoverat iniquè venerari. Quod perfecti cum faciunt, id est, cum virtutes proprias loquuntur, in hoc quodammodo Omnipotentis DEI imitatores sunt, qui laudes suas hominibus loquitur, ut ab hominibus cognoscatur. Nam, cum per Scripturam præcipiat, dicens: laudet te os alienum, & non os tuum, quomodo facit ipse, quod prohibet? Sed si virtutes suas Omnipotens DEUS staceret, eum nullus agnosceret, si eum nullus agnosceret, nullus amaret, si nullus amaret, nullus ad vitam rediret; unde per Psalmistam dicitur: virtutem operum suorum annuntiabit populo suo, ut det illis hereditatem gratiarum. Virtutes ergo suas annuntiat, non ut laudibus suis proficiat, sed ut hi, qui hunc ex sua laude cognoverunt, ad perpetuam hereditatem perveniant. Fusti itaque perfecti non solum tantum cum vituperationis suæ verba reprehendunt, sed etiam cum virtutes suas, quas habent, infimis loquuntur, reprehensibiles non sunt, quia per suam vitam, quæ referunt, aliorum animas ad vitam querunt: de quibus tamen sciendum est: quia nunquam bona sua detegunt, nisi eos, ut dixi, aut proximorum utilitas, vel certè nimia necessitas cogat. Unde Paulus Apostolus, cum virtutes suas Corinthiis narrat, subjunxit: factus sum insipiens, vos me coëgistis. Hæc ille.

Militius ad
mortem se
comparat.

Cum verò post tantos labores, ac sudores Dominus dilecto suo Militio Presbytero diu desideranti pretiosæ mortis somnum dare disponderet, fidem suam introducere in requiem suam, coepit magis, ac magis in ipsum promptus proficere spiritus, caro infirma deficere. Cognoscens enim Vir DEI propè esse jam bravium, solito currebat alacrius, & terrestris habitationis suæ dissolutionem sentiens imminere votis uberius aspirabat ad habitationem non manufactam æternam in cœlis. Corpus in lectulo decubans varijs exercebatur incommodis, animus tamen nihilominus liber, & potens, quæ DEI erant, exercebat invictus, non cessans quoque in medijs doloribus meditari in aliquo, aut dictare; quia solum duobus diebus, aut paulò plus ante mortem duas Epistolas pulcherrimas suo ore Scriptori pronunciavit; unam videlicet Dominis de Rosenberg ferventissimè ex Scripturis sacris, ipsos ad opera pietatis incitando, & quod nihil omne præsens sit, mentibus eorum inculcando. Epistola autem eadem est in hæc verba: *Deest Epistola.*

Aliam

Aliam verò Venerabilissimo Viro D. Cardinali dulcissimo Albanensi, quam idem Cardinalis cum magna reverentia recepit, & devotione, ipsam cum lacrymis perlegendo, & alijs eandem demonstrando, *Beatum* ipsum multis rationibus asseverando, dicens: *Licet frater meus Dominus Urbanus Papa clarescat miraculis, hic tamen Militius ante fratrem meum, ut arbitror, deberet canonizari.* Hoc verò Exemplar Epistolarum, & cætera ejus verba declarant, quæ Pater DEO dilectus jam morte imminente dictavit. Ex cuius nimirum tenore possit diligens Lector beatum illius vel ex parte aliqua perceptus agnoscere, quanta illi in ipsa sui ruina corporis tranquillitas mentis, serenitas animi, suavitas spiritûs in oblatione hostiæ salutaris (quam usque ad excessum ultimum vix aliquando intermisit) artus sibi vigore spiritûs sustentabat semetipsum pariter offerens acceptabilem hostiam DEO in odorem suavitatis. In ipsa verò infirmitate à pijs operibus non cessabat, quia quandoque ab aliquibus devotis sibi aliquid dabatur, pauperibus impertiri jubebat.

Testimoni:
Cardinalis
Albanensis
de Militio.

Hic est viarum tuarum Pater dulcissime finis beatus, & hic labor ultimus in hoc opere vitæ tuæ. Labores tuos gloriosè complevit, qui magnificè semper honestavit te in laboribus tuis, te in suo nomine, & nomen suum in te glorificans Rex gloriæ D. DEUS tuus. Anno igitur Dominicæ Incarnationis 1374. in die S. Petri Apostoli de mundi hujus naufragio migravit ad Dominum, de servitio ad Regnum, de labore ad requiem, de morte ad vitam sempiternam, parante D. N. JESU Christo, qui cum DEO Patre, & Spiritu Sancto vivit, & regnat per omnia sæcula sæculorum, Amen.

Obitus Mi-
litij.

Post mortem verò tanti Patris, quis erat apud nos tumultus cogitationû! quot naufragia animorum, cum thesaurus tam amabilis raperetur à nobis & præsentibus cernentibus, nec spes esset retinendi, nec facultas aliqua commendi. Pater erat, sed qualis Pater! qui videbatur abire nobis quodammodo proprius, tamen toti mundo communis. Erat enim omnium bonorum gloriatio, & malignantium metus, ut de eo non incongruè videretur esse psallendum: *videbunt recti, & latabuntur, & omnis iniquitas oppilabit os suum.* quo præsentis omnium multitudo fidelium jucundabatur, duritia compungebatur, & tunc clamandum: *Pater mi, pater mi! Currus Israël, & auriga ejus!* auriga agitat, & currus portat. Currus erat, qui tot mala tolerando sustinuit; auriga, quia populum bonis monitionibus exercebat. Tu fluctuantium portus, clypeus oppressorum, ut de seipso B. Job loquitur: *Caco fuisti oculus, & pes claudus.* Tu perfectionis Exemplar, virtutis forma. Tu gloria Israël, tu letitia Jerusalem, oliva fructifera, vitis abundans, palma florida, Cedrus multiplicata, platanus exaltata, vas electionis, vas honoris in Domo DEI. Tu Ecclesiæ Sanctæ fortissima, splendidissima columna, tu vehemens tuba DEI, tu dulcissimum Spiritûs Sancti organum, pios oblectans, desides

Dolor de
morte Mi-
litij.

excitans, debiles portans, cujus medicinalis lingua morbos curabat, cujus erat simplex habitus, supplex vultus, dulcis facies, generosus aspectus, cujus denique vita fructuosa, mors pretiosa, quia tibi vivere Christus fuit, & mori lucrum. Quod si nobis alterum fortasse utilius, sed alterum multò melius tibi. Et quod tibi jam commodum, nobis si piè sapiamus, non potest non esse jucundum. Caterùm etsi pium est gaudere te *Pater bone*, quia qui in gaudium Domini feliciter introisti, non tamen impium super nos ipsos flere, quos nimirum abeunte te solito gravius horror geminus circumscripsit, dum nobis est vita tædio, mors timori. Et si pium est, gaudere te, quod beato transitu mortis ad torrentem voluptatis, quam ardentè sitieras accessisti, nostram tamen vicem dolere non impium, quibus & vivendi omnis pariter sublata est svavitas, moriendi nondum oblata facultas. Et si pia tibi impenditur congratulatio, fælix anima, quæ in plenitudine lucis exultas, non tamen impia super nos assumitur lamentatio, qui relictī sumus videntes afflictionem populi, & desolationem Civitatis sanctæ Jerusalem.

Haftenus Codex M. S. Bibliothecæ Trebonensis.

Quædam
scripta Joan-
nis Militij
recensentur

Militius multa scripsit, omnia sermone Latino; legebantur ejus libri quondam velut prophetici, & quia (fortasse nimium audacter) *Cleri*, & maximè *Mendicantium* (quod eâ ætate *Clerus* adversus istorum *Privilegia* confurrexisset) vitia reprehendebat, *Hussia* (ut hæreticorum mos est) eum velut sceleris sui amicum laudabant, & ejus testimonijs prolatis sua confirmare sunt soliti, obeamque causam *Sbignæus Hasemburgius Archiepiscopus* (qui ob id etiam ignorantia accusatur) *Militij opera* cum cæteris hæreticorum scriptis publicè rogo excitato cremavit. Hæc sunt, quæ invenire licuit à *Militio* scripta:

Quadragesimale. Conciones scilicet. inveniuntur in Bibliotheca Societatis JESU ad S. Clementem Pragæ N. 206. & 216.

Prothemata de B. Virgine. Liberegregius. In eadem Biblioth. N. 301.

Postilla ejusdem in Evangelia. ibid. N. 404. Tomus I. sunt quædam Opuscula *Militij* in eadem Bibliotheca O. 216. Tomus II. hujus *Postillæ* habetur in Bibliotheca Trebonensis Cœnobij lit. M. & *Postillæ* I. pars lit. F. 2.

Sermones ejusdem in Bibliotheca Trebonensi lit. O.

TIT. XXXV.

Carolus IV. Imperator, & Bohemiæ Rex, Pater Patriæ.

A. 1378. 29.
Nov.

Carolus Joannis Regis Bohemiæ Luxemburgici, & Elisabethæ Wenceslai II. Bohemiæ Regis filia primogenitus, editus est Pragæ An: C.

1316.

1316. 14. Maij; post sexdecim dies 30. Maij in Pentecoste in Ecclesia Pragenſi (quod ipſemet *Carolus* in pluribus Diplomatis huic ſanctæ Eccleſiæ datis, gratus agnoſcit) ſacris aquis ablutus, *Wenceslai* nomen accepit. Septen- nem puerum *Joannes Rex* parens die S. Ambroſij An. 1323. in Galliam ad Amitinum Regem (qui ſcilicet *Mariam Joannis Regis* Sororem in conjugio habebat) ablegavit, ut educaretur; educatus eſt juffu Regis (qui etiam *Wenceslao* in confirmatione ſolenni *Caroli* nomen juffit imponi) liberaliſſimè, & bonarum artium ſtudijs innutritus ab *Joanne de Cara*, eam pietatem erga *DEI Matrem* inibibit, ut quotidie quantumvis adoleſcentulus, incitante ipſo Rege *Carolo*, Horas B. V. MARIÆ glorioſæ recitaret, conjungens literas, & pietatem cum optimis aulae illius exemplis: Rex enim prædictus (verba ſunt *Caroli IV.*) non erat avarus pecuniæ, & utebatur bono conſilio, & *Curia* ejus reſplendebat bonorum Principum tam ſpiritualium, quàm ſecularium congregatione. In illa celebri Gallia Regis Aula, intimâ amicitia complecti cœpit *Petrum Abbatem Fuſcanenſem* Virum ætate ſua diſertiſſimum, quem cùm etiam adoleſcens audiret, inflammari ſe incredibiliter ad *DEI* amorem ſentiebat; hic *Carolus* pro filio ſuſceptum, ſacrarum Literarum veteris, & Novi Teſtamenti Quæſtionibus totum occupabat, & difficillimis locis explicatis, admiratione, & ſtupore defixum, interioribus illis, & Divinis arcanis tam procul admovit, ut etiam in ætate virili, & ſenectâ *Carolus* totum ſe in ea abderet, in his elaboraret, & commentaretur plurima. extant in *Manuſcriptis Codicibus Bibliothecarum Caroli Commentarij in Evangelia*; ex quibus quosdam Tractatus Evangelicos in vita *Caroli IV.* legimus editos à *Frehero*; at in *MM. SS.* ut dixi, plura, & lectiora habemus. Ad *Petrum* redeamus; de quo illud ſingulare *Carolus* in vita ſua refert, quòd cùm adoleviſſet, & nihil præter *Marchionis Moraviae* titulum haberet, idem *Petrus* jam *Archiepiſcopus*, & *Cardinalis* exiſtens in domo ſua (verba ipſa annumero) dixerit: Tu eris adhuc Rex Romanorum. cui reſpondi: Tu eris antè Papa! quod utrumq; ſecutum eſt: *Petrus* enim Pontifex electus, & *Clemens IV.* eſt dictus, qui *Gentis Bohemæ* (ut alibi narravimus) ſummus fuit amator. Revocatus deinde *Carolus* à Patre domum in *Bohemia*, *Papæ* graviffimum adiit vitæ diſcrimen, ac niſi eo die ob ſuſceptionem *Ven. Eucharistiæ* jejunâſſet, perierat: nam omnes Aulici, quicunque jentârant, veneno ollis in Culina injecto, ſunt ſublati; *Carolus* SS. Eucharistiæ ſuſcipiendæ reverentia ſervavit in vita; quod ipſum latè in *Vita* commemorat. Alio cœleſti miraculo *Carolus* ſuum ex *Venerabili Hoſtia* Divinitas ſervavit: nam cùm in *Carolus*, cui antè fidelitatem promiſerant, bella pro Patre in *Italia* gerentem Gubernatores Civitatum *Parmae*, *Regij*, & *Mutinae* occultè conſpirâſſent, & Sacerdote Miſſam legente ſuper corpore Chriſti juramento præſtito, fidem ſibi mutuam alteri alteris jurare pararent, repente tam foeda coorta tempeſtas eſt, conſecutis

tam

Carolus Im-
per. in vita
ſua.
Pont. l. 7.
Boh. Pia.

Pueritia Ca-
roli.

Educatio
Caroli ad
Scientias &
pietatem.

Prudentes
prædictio-
nes duæ.

In Vita Er-
neſti I.
Elogia S.
Wenc. præf.
ad Clemen-
IX. Papam.

Servatur mi-
raculoſè in
vita ſæpius.

Visio Caro-
li de luxuri-
oso Delphi-
no.

In vita Er-
nesti I.
Sil. in hist.
Boh.

Carolus IV.
in vita sua.

Virtutes Re-
gie Car-
oli IV.

Justitiæ
amor.

Rytje Pan-
ce.

tam densis tenebris, ut nemo oculis uti posset. Ubi tempestas posuit, rediit-
que lux, Sacerdos *Venerabilem Hostiam* amissam sibi videt, quæ diu quæsita,
ante pedes *Marsilij de Rubeis* conjuratorum Principis inventa est. Terruit
ea res conjuratos, simulque unâ omnes exclamârunt: *quod facere decrevi-
mus, DEO non placet*, adeoque unâ omnes sententiâ ad *Carolum* redierunt,
quos ille receptos (etsi quid gestum esset, non ignoraret) dissimulans, consi-
lijs suis adhibuit, fidissimosque omnium, quos unquam habuit, in posterum
fensit. Alia cælestis visio *Carolo* adhuc juveni in *Villa Terentij* oblata est de
Delphino Viennensi Gvidone, quem ob luxuriam ab *Angelo* è cœlis lapso, in
media militum acie, virilitate excisâ, cadentem, & morientem per quietem
videbat; collatis temporibus cognitum est posterius, eodem die *Gvidonem*,
sagittâ è ballista emissâ, ex castro, secundum eas partes, quas dixi, lethaliter
ictum, periisse. Addebat *Carolo Angelus*: *nunc ergo cavete, & Patri ve-
stro potestis dicere, ut sibi caveat de luxuriæ peccatis, vel pejora accident vobis.*
Quibus verbis vehementer se ad emendationem vitæ permotum satis indicat
ipse *Carolus*, cum jam perversi homines, ut frueretur ætatis ludo svaderent,
& secum in libidinis laqueos (ut ipse loquitur) *seducerent, & dulcia, in quibus
felletet, offerrent.* Visionem illam in paucis memorabilem in *Vita Ernesti I.*
descripsimus, legiturque in *Aenea Silvio*. Admotus est posthæc *Carolus*
Gubernationi Provinciæ, & Regnorum, cujus Regias virtutes maximas
in eadem *Arnesti* vita (cujus institutione, & ministerio potissimum tam egre-
gius Princeps evasit) descripsimus, hoc loco paucissima, & parva, ex quibus
tamen argumenta maximarum rerum sumi possint, narrabimus: Totus in-
primis in eo erat *Carolus*, ut subjectis populis amabilem se præstaret: omni-
um subjectorum linguas callebat perfectissimè: *Bohemicam, Teutonicam,
Latinam, Lombardicam, seu Italicam, & Gallicam.* Amabatur ab omni-
bus *Bohemis Carolus*, ut Pater, ob defensionem pauperum præcipuè: *quo-
niam* (verba sunt Caroli) *Barones Regni pro majori parte effecti erant Tyran-
ni, nec timebant Regem, prout decebat &c.* Judicium exercebat *Carolus*,
postquam regnare cœpit, quotiescunque posceretur, excitato temere in Por-
ta Regiæ Arcis, vel ante Curiam Tribunali, & quoniam Jurisconsultos doctis-
simos, nominatim *Lucernam Juris Bartolum* semper lateri suo adherentes
habebat, finiebat lites ex tempore, quæ largitione alterius partis in annos plu-
rimos trahebantur. In latrones publicos extremo ferebatur odio, & ad pur-
gandas latronibus vias, & arces, biennio, & amplius cum Exercitu *Bohemiam*
totam lustravit; captos omnes agebat in furcam, constat, eò usque amore
Justitiæ progressum *Carolum*, ut cum prædonum Ducem, cui nuper adeò ob-
res fortiter in acie gestas, aureum torquem injecerat, & Equitem aureatum
creârat, ante se duci videret, & milites inserto laqueo Equitem sublimem ra-
perent, ipse *Carolus* augustâ manu hominem tolli adjuverit, donec laqueus
arbo-

arbori illigaretur, ut pendêret. Par in hæreticos Caroli odium, quos *Diplomate* edito, sanxit flammis exurendos. Sanctissimæ, & universalis Sedis Romanæ defensor summus Carolus, Tyrannos in Italia excidit (exempla in eadem *Ernesti vita* attulimus, & in *Annalibus Ecclesiasticis* ostendit *Odoricus Raynaldus*) Quàm magnificam, & splendidam Religionem esse optaret, fundaciones Collegiarum Ecclesiarum complures, *Archiepiscopatus Pragensis*, *Episcopatus Litomislensis*, Cænobia facilè vicena ditissimè fundata, Ecclesiæ longè plures altissimo, & Regio opere exstructæ, Arces, Urbes, & oppida de novo condita hodièque loquuntur. nè longum faciam, en Indicem ex *Ernesti Vita*, ubi singuli tituli suis approbantur exemplis: Carolus maximus edificator; ejus ædificationes, ejus fundaciones sacræ. Caroli misericordia in pauperes. Carolus ut bene sit subditis pervigilat, & ob id saepe dormire non potest, cogitans de commodis Provinciarum suarum. Amat subjectos populos, & amatur (hic illustre adfertur exemplum Civis cujusdam *Tragensis*, qui centum millia aureorum Carolo apud se prandenti donavit) Carolus humanissimus. liberalissimus. religiosissimus. totâ Europâ colligit Sanctorum Corporum Reliquias, aurôque, & argento, & gemmis exornat. Fundat Mansionarios in Ecclesia *Pragensi*. offert aureum infantem *B. Virgini Aquisgranensi* pondere filij sui *Wenceslai*. *S. Agnes* de monte *Politano* Carolum, cum venerationis causâ sepulchrum *Virginis* sibi aperiri jussisset, apertis subito oculis blandissimè intuita, Imperatorem quasi salutaret, arrisit. Idem Carolus à *Viris Sanctis* testimonium de se audit: sua opera DEO placere. *S. Catharina* assestabilis, cum eum *Pisis Gambacurtæ* conjurati invaderent, pallio suo Carolum protegit, paucos *Bohemos*, & *Moravos* adjuvit, ut vincerent; Carolus coronam auream *S. Wenceslao* imponit in tumulo; ejusdem sacrum corpus arcâ ex puro auro claudit. Tria Sacella gemmea exstruit Carolus. Universitatem *Carolinam* fundat, amat scientias. Bulla aurea Imperij firmamentum. Aula Procères nobilissimi. colit maximè *S. Wenceslaum*, *S. Nicolaum*, *S. Catharinam*; ante omnes *DEI Matrem*. laboriosissimus Imperator. plurima agebat per seipsum. Orationis sacræ studiosus. Quotannis in solitudinem se recipit per multos dies. mirabile edit specimen demissionis. curatur in morbo divinitus. omnibus Sacramentis munitus, & DEUM in morte invocans *Praga An. 1378. 29. Novembris* ætatis anno 62. & 6. mensibus, & diebus 13. excessit è vita, Imperij *Romani* 31. M. 1. D. 20. ut habet *Ricciolius*. *Bohemici Regni* ab occasu *Joannis Patris* 32. M. 3. D. 26. ut habet *Crugerius*. Corpus ejus initio hujus sæculi incorruptum prorsus, & vividum repertum est, cum corpora Regum in novum Mausolæum, quod *Cæsar Rudolphus* elegantissimo opere excitaverat, conderentur.

Ecclesiæ Romanæ suscepta defesio

Fundationes Caroli.

Amator Reliquiarum SS.

Tituli laudationis.

Videat Lector, quàm pauca multis complexus sim! nimirum vitam Caroli IV. Libris aliquot adornatam expectamus, ad eam Lectores meos re-

mitto. Ac nē tamen se desertos querantur, appono sermonem quem in funere tanti Cæsaris habuit *Joannes Archiepiscopus Pragensis*, Vir scientiā, & opinione Sanctitatis illustris; unde nihil optabilius, vel ex cœlo, laudatissimo Principi esse potuisset, quā virtutum suarum laudatissimum habere Praconem.

1378. 29. No
vembres.

Sermo post Mortem Imperatoris Caroli IV. Regis Bohemiæ factus per Dominum Joannem ejus nominis primum Archi-Episcopum Pragensē, Apostolicæ Sedis Legatum secundū, postea S. Rom. Eccl. Cardinalem.

Planctus ex
citatur ob
Caroli Imp.
obitum.

Iustorum animæ in manu DEI sunt. Scribuntur verba hæc Sapient: 3. Dico: *Iustorum animæ*, ubi ut supra. (*Illustrissimi Principes seculares, Reverendissimi Patres Spirituales, ac universi Domini venerandi*) Non enim extat dubius vobis occasus *Sereniss: Principis Caroli IV.* quondam Romanorum Imperatoris semper Augusti, ac Bohemiæ Regis Illustrissimi ac invictissimi, Domini nostri. Et ideo materiam gemitus nunc duco in publicum. Quapropter *Jeremias* nos invitans ad lacrymas Thren. 2. cap. sic inquit: *Deduc quasi torrentem per diem & noctem, non des tibi requiem, neque taceat pupilla oculi tui.* Et ideo verba mea plena sunt dolore, exitus aquarum deducant oculi mei, & torrentes affluant Lachrymarum, & plorabo! utinam in fletum totus effluam, & pascatur Lachrymarum solatio dolor meus. Deducant oculi mei lachrymas, deficiat in dolore vita mea: quia vox Lamentationis audita est de Sion, decidit corona capitis mei, & in Luctum versus est chorus noster. Quia quod adversus Israël & regnum ejus multis seculorum curriculis Propheta comminando prædixerant, dies una & Lugubris, & infelix, dies caliginosa, & omni nocte tenebrosior complevit. Et quid Threnos Jeremiæ revolve? totus Jeremias non sufficeret faciem miseriæ præsentis depromere. O bone *JESU Christe*, ô benigne, ô amabilis, ô desiderabilis, ô suaviss, ô dulcis, ô amor DEUS, ubi sunt misericordiæ tuæ antiquæ, quomodo oblitus es miserationum tuarum antiquarum, quomodo versus es nobis in crudelem! jam non Sanctificator aut Redemptor, sed mortificator, atque peremptor effectus es! Hæc *Petrus Blesensis* in quadam Epistola planctus de morte Christianorum. Unde meditando mortem *Serenissimi Principis* supra dicti, *Laboravi in gemitu meo per singulas noctes, &c.* Psal. 6. Unde & plangent eum universæ generationes orbis terrarum: de quo quidem planctu plenius Zachariæ 12. cap. sic dicitur: *In die illa magnus erit planctus in Jerusalem, sicut planctus Adremmon, in campo Mageddon. Et plangent eum*

eum familiae, & familiae seorsum, familiae domus Nathan seorsum, & mulieres eorum seorsum, familiae domus Levi seorsum, & mulieres eorum seorsum. Omnes familiae reliquae, familiae & familiae seorsum, & mulieres eorum seorsum. Quod ad omnes nationes applicari potest, quæ eum meritò plangere debent. Ad quas quidem Lachrymas, Eusebius in quadam Epistola invitans Ecclesiam ad Lachrymas, sic inquit: *Inclyti Christianae plebis flete, quoniam longè factus est ab ea auxiliator ejus, jam ad suam non respicit defensionem, jam tribulatio proxima est, & non est, qui adjuvet, jam in sepulchro jacet protector solitus! heu vaticinabuntur pseudoprophetae, & prophetabunt visiones mendaces, & fraudulentæ divinationes & seductiones sui cordis in nobis, & certè non est qui resistat in eis. Siccatus est enim fons vitæ, & vena disparuit aquarum viventium: sicut jam verisimilius apparet in schismate noviter exorto, qualiter mors sua universali Ecclesie fuit valdè nociva. Hæc ille. Et idcirco clama in cilicio & planctu, pia Mater! induere, induere vestimentis viduitatis, tanto viduata filio, & subsequenter. Plora igitur, deducant oculi tui lachrymas per diem & noctem, quoniam defecit anchora tuæ spei. Et dicat subsequenter per ratiocinationem talem colorem, tanquam cum DEO arguendo: Cur bone Jesu tam velociter à tua sponsa, quam in cruce moriens desponsasti, tantum abstulisti filium protectorem, & contra hujus hostes belligerum? fortè voluisti eum tecum; certè Domine non eo egebas, ut ipsa. bene ei quidem subvenisti, sed nos orphanos reliquisti. Non conqueror aliud, quàm quòd justum & æquum feceris, & certè ipse merebatur finem imponere hujus mundi laboribus, & tecum esse; Sed doleo, quod tantum incurrit damnum eo abeunte Ecclesia; utinam eum redderes, ut tuum regeret stabulum, & defenderet Ecclesiam, velut prius. Idem Eusebius: Et tu Natura quid fecisti? quare Principem nostrum abstulisti? utinam spiritum vitalem in corpus redderes! Quapropter Architenius Lib. 8. in oratione ad Naturam sic inquit:*

*Hoc nihil, imò minùs nostros DE A respice fletus,
Fonticulos, stagna Lachrymæ, mæroris abyssos
Extenuas, & plena malis vinaria sices.
Torqueor, & planctus animi tormenta fatetur
Garrulus, & morbi latebras suspiria clamant.
Nec Lachrymâ fraudor, veris à nubibus imber
Solvitur, & nimbos oculi pluit intima nubes.
Ducitur ex animo luctus, certissima flenti
Causa subest, & vera movent adversa querelas.
Nam tot inexhaustis, animâ langvente procellis
Concutior, totusque dolor circumfluus omni
Veste, &c.*

Et ideo cibasti nos pane lacrymarum, & potum dabis nobis in lachrymis in

Joannes
Hantvillen
sis. Vide Bi
bliothecam
Simleri.

Consolatio
nis argumē
ta.

Mors Bono
rum.

Testimo-
nia de Vita
& Virtutib;
Imp. Caro:

Virtutes
Theologi-
cæ.

Octo Beati-
tudines.

mensura. Sed est aliquid, in quo mens amarata, & oculi fatigati, alicujus consolationis foverentur aliquando adjutorio: nam præter duos homines, videlicet *Enoch & Helias*, omnes homines necessario oportet mori. Et ideo mors vitari non potest: unde Sapient. 8. cap. sic scribitur: *Unus ergo introitus est omnibus ad vitam, & similis exitus.* Seneca de remedijs Fortunatorum cap. 2. contra pavorem mortis sic dicit: *mories nec primus, nec ultimus, multi te antecesserunt, omnes te sequentur.* Est & aliud, quo spiritus noster alicujus recreationis antidoto respirat. Non enim *Serenissimus Princeps* noster decessit, sed recessit, abiit, non obiit. Mors enim per quam mirificavit Dominus Sanctum suum, non est dormitio, portus mortis, & porta vitæ, introitus in delicias cœlestes pariter, prout ait Petrus Blesensis in quadam Epistola. Unde Canticorum 6. dicitur Ecclesiæ: *Quò abiit dilectus tuus, ô pulchra mulierum, quò dilectus declinavit, & quærimus eum?* Vox Ecclesiæ: *Dilectus meus candidus, speciosus, electus ex millibus, in quo nulla est macula, passcitur inter lilia, in vinea Domini Zebaoth.* Ecce flos campi, & rosa nimio fragrans odore, de horto nuper Ecclesiæ in viridarium Domini est transplatus, ecce cypressus in cœli altitudine se extulit, ad insulas enim longè divulgetur nomen suum, ut sit in æternum nomen suum in benedictione. Certè non est mortuus, ut æstimant sui hostes, sed certè regnat Victor in terra viventium. Et Sapient. 4. cap. sic de eo dicitur: *Placens DEO factus dilectus, & vivens inter peccatores, translatus est; raptus est, nè malitia mutaret intellectum illius, aut nè fictio deciperet animum ipsius. Consummatus in brevi, explevit tempora multa: placita enim erat DEO anima illius, vocatus est in Cælum, quo mundus non erat dignus, nec ob hoc extincta est Lucerna ejus.* Et cur ista tam audacter loquar, attendite, & videte opera quæ fecit, de quibus longum esset perstringere, pauca tamen dicere convenit. Testis est totus mundus, qualem vitam duxerit ab ævo juvenili usquè decrepitum senectutis suæ & mortis (scripta enim sunt per plurimos codices) adhuc Principum & Baronum est copia testantium, quæ DEO præbuit beneficia, & ideo explanatione verborum non indigent opera ejus. Ideo merito Threnorum 4. c. de eo dicitur: *Propterea mæstum est cor nostrum, ideo conturbati sunt oculi nostri propter montem Sion quia disparuit.* In veritate enim mons Sion dicitur, quia perfectissimè tres *Theologicas species* in se habebat quæ monti Sion applicatur. Unde Psal. 144. sic dicitur: *Qui confidunt in Domino, sicut mons Sion, non commovebitur in æternum.* Ipse fidem firmissimè tenebat, & sciebat; Hæreticos sapissimè confutabat, verus defensor fidei & Ecclesiæ existens. Et quia *Trinitatis fidem* confessus est, ideo ad beatissimam gratiam pervenit: *scivit enim, quia justus ex fide vivit.* Abacuc 2. Capite. Quia *Sancti per fidem vicerunt Regna, operati sunt justitiam, &c.* ad Hebreor. 11. cap. Unde octo *Beatitudines* in se habuit, quæ scribuntur Matthæi 5. cap. ut *fidelis* di-

cere-

ceretur. Primò enim erat *pauper spiritu*, quamvis fuerit Imperator. Nam in vestibus, in Lectisternijs, in cibis & potibus, semper formam pauperum, quantum in eo erat, exprimebat, & ideo omnem arrogantiam per hoc repellebat, & compatiabatur pauperibus. Quia *beatus, qui intelligit super egenum & pauperem*, Psal. 40. Ipse fuit *mitis*, ideò *possidet terram* in tranquillitate: unde multas adversitates passus, & injurias, & damna, miti modo transibat. Unde: *Beati mites, quia ipsi possidebunt terram*. Tertiò, ipse etiam fuit *Lingens*. Nam mortem alicujus sui lugebat, & etiam excidia Christianorum multoties ex devotione; quod utique ipse debet esse consolatus: quia *qui seminant in lachrymis, in exultatione metent*, Psal. 135. Quartò ipse etiam *esurivit, & sitivit justitiam*. Nam tanta justitia erat vitæ suæ tempore in mundo, quòd totus mundus in æquitate & pace vigeat, & ideo jam in cœlis saturatus eâ existit. Quintò etiam ipse erat *misericors*, quia oppressis compatiabatur, & ubi potuit, semper misericordiam faciebat. Unde bene dicere potuit: *Misericordiam & judicium cantabo tibi Domine*, Psalmo 100. Et ideo nunc misericordiam in cœlis consecutus est. Sextò, etiam fuit ipse *mundo corde*. Nam non poterat audire mala, quæ homines faciebant, semper confitebatur, communicabat, justitiam exhibebat, vel sacris Lectionibus insistebat, & ideò in Cœlis DEUM nunc videre meruit. Septimò, ipse etiam *persecutionem* magnam *passus est propter justitiam*. Nam Reges & Principes invidebant sibi, & ideo est ejus *Regnum Cælorum*. Et ideò de eo dicitur, ut suprâ Matthæi 5. cap. *Gaudete & exultate, ecce enim merces vestra copiosa est in Cælis*. Et quia fidem firmiter tenuit, & fidelis creatori suo fuit, ideo sibi dicitur Matth. 5. cap. *Euge serve bone & fidelis, &c.* Octavò, ipse etiam habuit firmam spem, habens illud in mente: *Quis speravit in Domino, & derelictus est?* Eccl. 2. cap. Unde spes sibi tanta erat de DEO, quòd per firmam spem inimicos devincebat, & aliqua desperata negocia, & quasi impossibilia ad finem bonum deducebat. Ideò *speravit in Domino, eripiet eum, salvum faciet eum, quoniam vult eum*. Psal. 21. Et ideo quæcunque petebat DEUM, spem semper habebat, quòd cum DEUS exaudiret, habens illud dictum Evangelij: *Quæcunque petieritis in nomine meo, credite quia accipietis, & fient vobis*. Johan. 16. cap. Unde in spem vitæ æternæ *septem opera misericordiæ* in se habebat. Primò. *nudos operiebat*, tenens illud dictum *Cum videris nudum, operie eum*. Esa. 58. Secundò. potum tribuebat pauperibus. Unde audi vi à quibusdam Baronibus, qui adhuc vivunt, quòd semel in quodam horto cœnabat, & ex casu leprosi ad mensam venerunt, quos fecit collocari in alia mensa prope se, & cibavit eos, & de cuppa sua, de qua bibebat, dedit eis bibere, & iterum residuum ab eis epotat, quamvis ab omnibus prohibitus extitisset, commemorans Evangelium: *qui dederit uni ex minimis meis calicem aquæ frigida, aptus est Regno Cælorum*. Marci 9. cap. Tertiò.

I.

II.

III.

IV.

V.

VI.

VII.

VIII.

Septem Opera Misericordiæ.

I.

II.

Exemplum misericordiæ erga Pauperes.

- IV. pascbat esurientes, tenens illud dictum: *Frangere esurienti panem tuum.* Esaiæ 58. Quartò. *collegit eos hospitio, unde hospitalia multa fecit, ad pauperes hospitandos, tenens illud: Hospes eram, & collegistis me.* Matth: 25.
- V. Quintò. *infirmos libentissimè visitabat, & eis compatiabatur, dicens: Dominus opem ferat illi super lectum doloris ejus.* Sextò. *incarceratos & invinculatos, vel morti deputatos, sæpius liberabat, tenens illud dictum Sapientis: Eripe eum, qui ducitur ad mortem.* Proverb. 12. cap.
- VI. Septimò. *Sepeliebat mortuos, unde non permittebat eos diu jacere ubi sciebat, sed sepelire mandabat, velut fidelis Tobias.* Sic enim faciebat in omnibus operibus, pauperibus dicens sicut Tobias: *Noli avertere faciem tuam ab ullo paupere, sic enim fiet, ut nec avertatur facies Domini à te.* Tobie 4. Etiam ipse in se habuit *charitatem.* Nam omnia quæ faciebat, in vera charitate faciebat, cavens se ab illo dicto Evangelij: *Etiam si montes transferam, charitatem autem non habeam, nihil fecisse videor.* 1. Cor. 13. cap.
- VII. Et quia *septem dona Spiritus Sancti* charitati attribuuntur; id est *Spiritui Sancto*, meritò ergo habuit in se *septem dona Spiritus Sancti.* Primò ipse habuit *spiritum Sapientiæ*: ipse enim fuit sapientior Salomone, quod probari potest indicijs & argumentis multis. Primò illud quod scivit Salomon, hoc perfectissimè scivit *Serenissimus Princeps noster*, videlicet Libros suos. *Salomon autem ignoravit, quæ iste scivit: ergo probatur, quod ille plus scivit quam Salomon.* Ille fuit *Rex*: iste Imperator: Ille præfuit *populo Israëlito*, iste præfuit *Universo hujus mundi*, nec solum Ecclesiæ *Israëlis*, verum etiam gentium & universorum, & confinia mundi distinguebat. Ille *Sapientiâ bellabat*: iste *sapientiâ sine bellis pacem firmabat.* Ille templum ædificabat, iste templum *DEI lauro, fulvo, gemmisque & lapidibus pretiosis pretiosis perornabat.* Ille in fine à Domino recessit; iste semper cum Domino in fine resudavit, meditans quod ille, *qui perseveraverit in finem, hic salvus erit*, Matth: 10. cap. Nec sapiens ideo dicitur fuisse *Salomon*, quia in fine insipiens & damnationi æternæ se tribuit, prout opinio major tenet, sed *insipiens* ideo meritò nominatur, ita quòd in veritate *Serenissimus Princeps noster* *Sapientiam* immediatè præ participibus suis à Domino habuit: nam *magnum eum fecit in Israël, & victoriâ illi dedit Dominus Omnipotens.* *Immortalis est enim memoria illius, quia apud DEUM nota est & apud homines.* Sap. 4. cap.
- II. Secundò. ipse habuit in se *Spiritum intellectus.* Unde ipse intellexit ferè omnia idiomata totius Christianitatis. Optimè istas Lingvas scivit, videlicet *Bohemicam*, quæ est naturalis, *Teutonicam, Latinam, Francigenam, Lombardicam, Tuscanicam*, & quàm plures particulares lingvas, & ab his descendentes perfectè scivit ac intellexit. Unde verus fuit *Christi Apostolus*, quia in omnem terram exivit sonus ejus, & talis debuit universo orbi præesse, qui dispartitis lingvis loqueretur sapientiam, & cuilibet responderet in Lingvâ suâ, in qua natus est. Acto: 2. cap. Tertiò. ipse habuit

Septē dona
Spiritus S.

I.

Carolus IV.
omnes Lib:
Salomonis
perfectissi-
mè scivit.

Compara-
tio Car. IV.
cū Salomn:

II.

Car. IV. lin-
gvarum to-
tius Europe
peritus.
Qui multis
lingvis lo-
quitur, est
quodamō-
do Aposto-
lus.

huit *Spiritum consilij*. Nam quamvis sapientissimus esset, tamen consilio utebatur, habens illud dictum: *Nè innitaris prudentia tua*, quod transsumtivè ponitur 3. cap. *Nè innitaris*; de Constitutionibus. Quartò, ipse habuit *Spiritum fortitudinis*. Nam Spiritus Sanctus in omnibus ipsius adversitatibus confortabat eum, dicens: *Confortare, & esto robustus*, Dev. 31. c. Cui idem *Serenissimus Dominus noster* respondebat, *Fortitudo mea, & laus mea Dominus, & factus est mihi in salutem*. Psal. 117. Quintò, ipse habuit *Spiritum scientia*. Nam ut bene notum est, ita doctus fuit, quòd sciens & *Magister in Theologia* putaretur. Nam Psalterium in aliquibus locis pulcherrimè exposuit, similiter, & *Evangelia* & *Orationes*, & alia Magistralia. Similiter componebat sæpius, cum Magistris, Doctoribus & alijs scientificis conferebat disputando. Quapropter *Studium Pragensè* fecit, & quàm plura Collegia. Unde de eo dictum est: *Qui autem docti fuerint, fulgebunt quasi splendor Firmamenti*, Daniel. 12. cap. Sextò, ipse habuit *Spiritum pietatis*. Nam ipse *compatiebatur pauperibus*, infirmis & mortuis, pupillis & viduis, & omnibus oppressis, humilis, mansuetus, & pius præ omnibus hujus mundi Principibus: scivit enim, quòd *qui se humiliat exaltabitur*. Luc. 18. c. Septimò, & ultimo, repletus etiam erat *Spiritu timoris Domini*. Nam præ oculis DEUM habuit, ut nihil ageret, quàm sibi placitum, reputans illud dictum: *Principium Sapientia, timor Domini*. Sapient. 1. Præterea in facie sua quatuor virtutes cardinales refulgebant. Unde Seneca Lib. 31. in quadam Epistola sic ait: *Si animum nobis boni viri liceret inspicere, o quàm pulchram faciem, quàm Sanctam ex magnifico, placidòque fulgentem videremus, hinc iustitià, illinc fortitudine, hinc temperantià, prudentiaque lucentibus!* Et ideo commendandus ex istis quatuor virtutibus Cardinalibus. Primò, de *Iustitia*, Nam ita iustissimus apparuit, quòd ipse *viduam & advenam suscepit, & vias peccatorum disperdidit*. Psal. 136. Habuit etiam simul *Iustitiam & Misericordiam*: quia, quibus misericordia fieri debebat, semper faciebat. Ubi autem raptores & fures, vel malefactores invēnit, eos à facie terræ dele vit, habens illud Psalmistæ: *Deleantur de libro viventium, & cum iustis non scribantur*. Psal. 86. Et illud dictum Senecæ, in quadam Epistola sua sic interrogantis & respondentis similiter: *Quid ergo occidit hominem? quia occidit: ille meruit, ut hoc pateretur.* Unde Anselmus in Lib. Cur DEUS Homo: *Iustitia est animi libertas, tribuens unicuique secundum propriam dignitatem, reverentiam, pari concordiam, DEO obedientiam, sibi Sanctimoniam, egeno operosam misericordiam, inimico patientiam.* Hæc omnia præfatus Dominus noster faciebat: reddidit enim unicuique secundum propriam dignitatem, majori reverentiam, pari concordiam, DEO obedientiam, sibi Sanctimoniam, egeno operosam misericordiam, inimico patientiam. Hæc omnia præfatus Dominus noster faciebat: reddidit enim unicuique secundum opera

IV.

V.
Theologi-
ca Caro: IV
scientia.al: commu-
nicabat.
Freh. com-
mētatur.

VI.

VII.

Quatuor
Virtutes
Cardinales

I. Iustitia.

Vide exem-
pla in Vita
Caroli.

II.
Fortitudo.

opera sua. Secundò, in eo refulsit *fortitudo*. Inclytus enim fuit & invincibilis, unde *fortitudo* & *decor indumentum* ejus fuit, Proverb 31. Unde Hieronymus super Joannem sic ait: *Fortitudo est immobilis inter adversa gloriosa animi claritudo, res arduas pulchre administrans, qua nec adversis infestando frangitur, nec prosperis blandiendo elevatur.* Sciebat enim quòd fortitudo simplicis, via Domini, & *pavor his qui operantur malum*. Sapient: 10. cap. A

III.
Temperantia.

nullis enim hostibus vinci poterat, sed fortis in animo perseverabat. Tertiò, ipse fulgebat temperantiâ: temperabat enim justitiam misericordiâ, & è contra. Et in omnibus plenum obtinuit moderamen: erat enim statera & Libra justitiæ, in cujus conspectu non erat acceptio personarum. Unde Gregorius super Ezechieleni extrema parte super illud: *Scio abundare & penuriam pati*, sic ait: *Qui enim secundis rebus non extollitur, qui eas ad usum vana gloria non extorquet, qui solus non possidet, quod accipit, sed hoc indigentibus misericorditer elargitur aliisque dividit, scit abundare: qui acceptis alimentis non ad gurgitationem ventris utitur, sed ad reparationem virtutis, nec plus carni tribuit, quàm necessitas petit, sicut satiari: qui alimentorum inopiam sine murmuratione tolerat, scit esuriem.* Quem ergo nec in abundantia superbia elevat, nec in necessitate cupiditas irritat, novit abundare, novit penuriam pati. Hæc ille. *Serenissimus enim Dominus noster* per omnia taliter fuit temperatus.

IV.
Prudentia.

Quartò, in eo refulsit *Prudentia*: ipse enim fuit prudens, quòd circa futura pericula ita providebat cautè, nè mala evenirent, sicut *servus prudens*, quem constituit Dominus super familiam suam, ut det illis in tempore tritici mensuram, Lucæ 12. cap. Unde faciebat secundum dictum Seneca de quatuor virtutibus Cardinalibus: *Si prudens esse cupis, in futura prospectum intendere, & quæ possunt contingere, animo tuo cuncta præpone. Nihil tibi subitum sit, sed totum antè prospicias: nam qui prudens est non dicit: Non putavi hoc fieri; quia non dubitat, sed expectat; non suspicatur, sed cavet.* Idem faciebat *Serenissimus Princeps noster*. Nam à juvenili ætate deliberabat, quid in senectute faceret, sicut ibidem consequenter ait Seneca: *Si prudens est animus tuus, tribus temporibus dissensetur; præsentia ordina: futura prævide: præterita recordare.* Nam qui nil de præteritis cogitat, vitam perdit, qui nil de futuro præmeditatur, in omnia incautus incidit. Unde, sicut pauca perstrinximus, quantas virtutes habuit? quanta magnalia fecit in Israël? Et victoriam dedit illi Dominus DEUS Omnipotens, Luc. 10. Nam propter ejus bona opera, immortalis est memoria illius, quoniam & apud DEUM nota est, & apud homines, Sap. 4. Unde Simonides Philosophus cum interrogaretur, quid apud homines celerimè confenesceret? respondit, *Beneficium*. Nam cuius donum vel munus frequentius aspicitur, hujus memoria strictius retinetur, ut in Clementina una, de reliquijs & veneratione Sanctorum. Tanta enim operatus est in hoc sæculo beneficia, quòd memoria ejus permanet in sæculum

lum seculi. Et ideo in memoriam ejus tale Epitaphium tumulo ejus inscribitur. Anno Mill: Trecent: LXX. VIII. tertiâ Kal. Decembris.

*Quartus ego Carolus magni quondam tremor orbis,
Cesar & invictus, modo victus morte, sub ista
Fossategor, DEU Salme precor, mens astra subintret!
Spiritus ô cuncti, pro me pia solvite vota,
Quos moriens liqui, quos vivens opere fovi.*

Et sic anima ejus requiescat in sancta pace.

Et non miremini Reverendissimi Patres, quod *Beatum & Sanctum* cum nominaverim, cum in veritate *Beatus* vel *Sanctus* reputari debeat, quod probatur septem rationibus. Primò enim unctus fuit *Oleo Sancto* ad modum Regum. Unde Psalm. 102. *Inveni David servum meum, oleo sancto unxi eum.* Oleo enim Sancto, nisi Sancta inungi debent. Secundò. propter ejus sublimitatem dignitatis. Nam Præfectus fuit *Sacro Romano Imperio*, cui nullus præfici debeat, nisi sacris virtutibus & magnitudine pollens, sicut hic. Nam *quis illum Sanctum dubitet, quem apex tantæ dignitatis extollit?* 40. Dist. c. Non vos. Tertiò. ipse fuit in omnibus *Sanctus* negotijs: ubi enim cunque sciebat Sanctuaria & corpora Sanctorum, acquirebat, & auro fulvo, gemmisque pretiosis obducebat, & toto corde diligebat, sicut alter *Constantinus*. Nam etiam sicut alter *Constantinus*, *Papam* per Romam duxit, videlicet *Papam Urbanum V.* Et *Patrimonium Ecclesiæ Romanæ* confirmavit. Quartò. propter multa miracula, quæ mediante *DEO* habuit in somnijs & vigilijs in juvenili ætate & senili, futura prædicendo, visiones plurimas videndo, dæmonia effugando, quæ nullus faceret, nisi *Sanctitate* polleret, prout testimonio plurimorum patet, & in Libro suo de gestis conscripto. *Fecit enim mirabilia in vita sua*, Ecclesiast. 31. Quintò. fortissimè plorabat, cum Corpus Dominicum sumebat, alta ex devotione adducens, quia: *Beati qui lugent, quoniam ipsi consolabuntur.* Sextò. quia tantis virtutibus abundabat, quas nec aliquis valeret enarrare: nam *horas suas Canonicas*, sicut unus Sacerdos, dicebat: Divinum Officium libenter audiebat, & etiam augmentabat. Septimò & ultimò breviter transeundo, ipse habuit in se *septem Sacramenta Ecclesiæ*. Primò *Ordinem*: ipse enim fuit ordinatus *Acoluthus*, & etiam *Rex & Imperator inunctus*. Secundò, *Conjugium* ita purè tenebat, & firmiter, quod nemo eum convincere poterat. Tertiò. *baptizatus* etiam fuit per Episcopum ut quisq; fidelis. Quartò. fuit *confirmatus* in fide Catholica. Quintò *Eucharistiam sacram* multoties in animo sumsit. Sextò. *Extremam Unctionem* bene quater sumserat. Septimò & ultimò, *confitebatur* semper, cum se aliquo peccato credebatur gravatum. Ideò enim *septem Sacramenta* dicuntur, quæ solum fidelibus & Sanctis tribuuntur, ut Regno cœlesti participes efficiantur. Unde *Sancta Mater Ecclesia* quæ Christum Dominum perdidit

Numerus
& versus vi
tio librarij
sibi non cõ-
stat. vide vi
tam Caroli.

Beatū & S.
dici posse
Carolū IV.
probat.

VII. modi,
cur S. sit Ca
rolus.

I. II.

III.
Amor Reli
quiarū SS.
in Car: IV.
admirabilis
Car: IV. al-
ter Constā
tinus.

IV.
Futurorum
præscius.
Dæmones
fugat.
V.

VI.

VII.
Septem Sa-
cramenta.

Probat Ca-
rolo IV. A-
potheofin
deberi.

Wenceslas
Rex filius
& successor

Votum Op-
timi Præfu-
lis Joannis.

de hoc seculo, quid retribuet sibi pro tantis beneficijs, quæ ei in hoc mundo ostendit? Non restat aliud, quàm quod *beatum faciat eum in terra*, id est, utique in hoc mundo eum *canonizare* deberet, quia utique in Cœlo *Sanctus* existit. Nam *Sancta Mater Ecclesia*, & *Rector ejus Sanctæ Matris Ecclesiæ* si portenta cupis seu miracula, hæc fecit. Si vitam & virtutes rimabere, ecce certissimè in eo invenies devotionis magna insignia. Si jure procedas, & capitulum *dilecti, de testibus*, ejusque materiam videris per lucidè, apparebit testimonium prædecessorum nostrorum Cardinalium, Episcoporum, Prælatorum, Regum, Principum, & Magnatum vivens testimonium, quæ signa & portenta, quanta vita & sanctitas, qualésque virtutes in eo illuxerunt: ut *Furis* tramite procedendo, utique & meritò beatum faciat cum in terra, ut mercedem laborum suorum accipiat: quia dignus est mercenarius mercede sua. Pro defensione quoque *Sanctæ Matris Ecclesiæ* alius veniat, qui Ecclesiam DEI similibus donis & virtutibus, DEI adjutorio, foveat. Quod & factum est, quia licet Pater mortuus sit illius, *Serenissimus Princeps noster Carolus*, DEI gratia Romanorum Imperator semper Augustus, & Bohemia Rex illustris, attamen est quasi non esset mortuus: similem enim reliquit post se, quem in vita sua vidit, & lætatus est in illo, in obitu suo non est contristatus, nec confusus coram inimicis. Reliquit enim defensorem domus contra inimicos, & amicis reddentem gratiam. Eccl. 3. hæc habentur. Unde respiciat Dominus in faciem testamenti sui, & non det in confusionem vineam suam, quam plantavit dextera ejus, Ecclesiam, quam acquisivit in sanguine suo. Suscitet Spiritum Moyfi, erigat cornu illius unicornis nostri, *Wenceslai Regis Romanorum & Bohemiæ Serenissimi*, unicè summi, singulariter generalis, quatenus arripiant judicium manus ejus, & cornu suo ventilet Syriam, intonet contra Edom, fulminet contra vitulos Bethel, contra Idola Ægypti, contra pingves Samariæ, contra Sacerdotes Baal, contra pastores pascentes seipso, contra judices, qui condunt iniquas leges, contra canes mutos non valentes latrare, contra amphoram *Zachariæ*, contra vasa pastoris stulti, contra ambitionem *Simonis Magi*, contra tyrannidem sæculi, & abusioem claustrum, contra prævaricantes, contra arrogantes, contra oppressores pauperum, contra turbatores Ecclesiasticæ pacis, & fidei subverfores. Hæc Petrus Blemenensis in quadam Epistola sua. Et tu DEUS judicium tuum regi da, & justitiam filio Regis, id est filio Serenissimo quondam Caroli, Romanorum Regi, auge sibi virtutes. Nam cum Elias Reg. 4. cap. dixit ad Elisæum: *Postula quid vis, ut faciam tibi, antequam tollar à te*, id est, Serenissimus quondam Dominus noster, Imperator, dixit ad filium suum: Dixitque Elisæus, id est Serenissimus Romanorum Rex filius suus: *Obsecro, ut fiat duplex Spiritus in me. Qui respondit, rem difficilem postulasti, attamen si me videris, quando tollar à te*, id est, si feceris opera mea, & bene feceris, subsequenter erit, quod peti-

petisti. Si autem non videris me, id est, non feceris secundum opera mea, non erit. Cumque pergerent, & sermocinarentur incedentes, ecce currus igneus & equi ignei diviserunt utrumque, & ascendit Elias per turbinem in Cælum, id est, Pater ejus, Serenissimus Dominus noster Imperator, sapius nominatus Elisæus, id est, serenissimus Dominus noster Rex Wenceslaus videbat & clamabat: Pater mi, pater mi! currus igneus & auriga ejus, & non vidit eum amplius, id est, quia mortuus fuit: apprehenditque vestimenta sua, & scidit ea in duas partes. Reversusque stetit super ripam Jordanis, & pallio Elia, quod ceciderat ei, percussit aquas, & non sunt divisæ, & dixit, ubi est DEUS Elia, quasi diceret: tamen eundem DEUM credo ut Elias, & tamen aquæ non dividuntur. Nunc percussit aquas, & diviserunt se huc atque illuc, & transit Elisæus: videlicet per bona opera, prout Pater suus antè transierat. Unde omnipotens adjiciat sibi virtutes, & augmentet, ut in locum illius beati aurigæ susceptus, verus Elisæus, duplicato beato spiritu, pallio virtutis & bonæ operationis accepto, universum orbem in Virga ferrea constringat, Librâque justitiæ Reges & Principes, universâque climata orbis feliciter dirigat. Nam sibi dictum est: Ecce constitui te super gentes, & Regna, ut evellas & dissipas, ædifices & plantes. Jeremiæ 1. cap. & transumptivè 3. cap. solita. De major. & obed. Unde de se ipso dicere potest: Juvenis & acutus inveniar in iudicio, & in conspectu potentium amabilis ero, & facies Principum mirabuntur me, tacentem me sustinebunt, & loquentem me respicient, & sermocinante me plura, manus ori suo imponent, disponam populos, & nationes mihi erunt subjectæ. Sapient: 8. cap. Quia Dominus judicabit Orbem terræ, & dabit Imperium Regi suo, & sublimabit cornu Christi sui, ut per vitam & operationes bonas in fine talentum Domino duplicatum reponat. Luc. 12. Ut Paternis vestigijs insecutus, valeat in fine ad Regnum pro-vehi sempiternum, quod solum justis ab initio præparatum est, ut sint in virtute & potentia manus Domini, quia *Iustorum animæ in manu DEI sunt.* Quæ verba fuerunt vestræ pictati proposita, in quibus verbis tria breviter colligi possunt. Primò, exordij electorum narratio, cum dicitur: *Iustorum animæ.* Secundò, divinæ potestatis retentio, cum dicitur *in manu.* Tertiò, in DEO æterna consummatio, cum dicitur *DEI sunt.* Dico primum probantur beatarum animarum in DEO virtuosa opera, cum dicitur: *Iustorum animæ.* Secundò divinæ Majestatis grata earum apprehensio, cum dicitur: *In manu.* Tertiò semper in gaudijs cum DEO sine fine mansio, cum dicitur: *DEI sunt.* Ad Primum cum dicitur: beatarum animarum in DEO virtuosa operatio, videlicet cum dicitur: *Iustorum animæ,* inde sciendum est primò, quia *homo est* compositus ex corpore & anima, *de summa Trinitate & fide Catholica. cap. 1.* nam eadem viâ quâ conjunguntur, eadem & in fine disjunguntur. Cum conjunguntur, tunc anima infundendo creatur & crean-

Hæc ad suc-
cessorē Ca-
roli Wence-
slaus spe-
ctant.

Redit ad
Thema cō-
cionis pro-
positum.

do infunditur, prout dicit *Aristoteles Libro de Anima*. Cum dissolvuntur, tunc unumquodque ad naturam suam primam revertitur, corpus terræ tribuitur, de qua sumptum est. Unde Gen. 3. cap: dicitur: *Donec revertaris in terram, de qua sumptus es*. Anima etiam redit ad suum principale, quia *Spiritus redijt ad Dominum, qui fecit illum*. Eccl. ult. cap. Utrumque in fine resurrectionis simul jungetur. Unde Job 19. cap. *Et in novissimo die de terra surrecturus sum, & rursum circumdabor pelle mea, & in carne mea videbo DEUM Salvatorem meum*. Unde Magister Sentent. lib. 2. cap. 6. Quare homo sit ita institutus, ut anima sit unita corpori, sic dicit: *Sic ergo Deus condidit rationales spiritus variâ sorte, pro arbitrio voluntatis suæ disponere illis, quos in sua puritate reliquerat, sursum in cælo mansionem*. Illis verò, quos corporibus terrenis sociaverat, deorsum in terrâ habitationem constituit; utrisque gloriam proponens obedientiæ, quatenus & illi ab eo, ubi erant, non caderent, & isti ab eo ubi erant, ad id, ubi non erant, ascenderent. Et hoc de animabus justorum. Unde sciendum, quod multis modis animæ justorum appellantur: aliqui *Virginali pudicitia* insigniti, ut Chorus Virginum: Alij *Martyrio* diversimode cruciati, ut Martyrum patet passio: Alij *Confessores* Domino famulando, ut quàm plures Episcopi, Monachi: Alij in *viduitate* & alias continentes: Alij in conjugio castè viventes: Alij in *eremo* pro Christo divagantes, multiplâque vitâ in hoc mundo ferventes, Domino servientes, meruerunt habere præmia sempiterna: quia *justi in perpetuum vivent, & apud DEUM est merces eorum*. Sap. 5. Quod si locus & tempus esset, de quolibet aliquid præfatus Dominus noster habuisset, & quia in vita sua multa passus est, & ideo non sufficiens his, etiam æterna videre voluit, inquiring: *Quoniam videbo cælos tuos, opera digitorum tuorum, Lunam & stellas, quæ tu fundasti*. Dixi secundò, divinæ Majestatis grata earum apprehensio, cum dicitur: *in manu Domini*. Quare sciendum, quod *manus Domini* multipliciter agit. Nam justus & injustus manu Domini tanguntur, & tamen diversimodè tanguntur. Injusti autem manu Domini tanguntur, ut moriantur. Unde Psal: *Manus tua Domine, percussit inimicum*: Et alibi: *Evaginabo gladium meum, & interficiet eos manus mea*. Quare injusti dejiciuntur, interficiuntur, percutiuntur manu Domini. Secundò, Justus etiam multipliciter tangitur. Primò. *ad correctionem & ad probationem*. Secundò. *per gratiæ DEI largitionem*. Tertiò. *ad coronæ æternæ sumtionem, & beatitudinis largitionem*. Primò, tangit ad *correctionem & probationem*. Ad correctionem, ut *Mariam, sororem Moysi*, Num. 12. cap. quam demum sanavit, & *Paulum, vas Electionis*. Ad probationem, ut de Job fidei factum est, de quo dictum est Job 2. cap: *Mitte manum tuam, & tange os ejus & carnem, nisi in faciem benedixerit tibi*. Secundò. *per gratiæ DEI largitionem*, prout Jerem. 1. cap. *Misit Dominus manum suam, & tetigit os meum, &*
dixit

Animæ Justorum diversæ.

Manus Domini diversimodè tangens.

dixit mihi: Ecce dedi verba mea in ore tuo, &c. Quia enim tetigit, ecce gratia, cum quo loqui eum didicit per miraculi ostensionem. Unde tetigit mortuos, ut Lazarum & infirmos, & sanati sunt. Tetigit leprosos & mundati sunt. Unde Leprosus veniens adorabat eum, dicens: Domine, si vis, potes me mundare. Et extendens manum JESUS dixit: Volo, mundare, & confestim mundatus est à Lepra ejus. Tertiò. ad coronæ aeternæ sumtionem, & miraculi ostensionem, cum dicitur: Trahe me post te, curremus in odorem unguentorum tuorum. Cant. 1. Manibus etiam quis trahitur, ut coronæ aeternæ particeps efficiatur. De beatitudinis largitione dicitur: Aperis tu manum tuam, & imple omne animal benedictione. Unde quos manus Domini tetigit, non nisi ad coronationis gratiam, & ad vitæ aeternæ præmium habendum tetigit. Quapropter Serenissimus Dominus noster quondam Imperator, manu Domini tactus est, ut justus ad correctionem & probationem. Secundò. per gratiæ DEI largitionem & miraculi ostensionem. Tertiò, & in fine ad coronæ aeternæ sumtionem & beatitudinis largitionem. Quare de se ipso dicit: Manus tua, Domine, fecerunt me, & plasnaverunt me totum. Job 15. Et jam manus tua, Domine, tetigit me, videlicet ad mortem carnalem, ut eodem capitulo: quia ad te vado. Ideo in manus tuas Domine, commendo spiritum meum, & hoc dicens exspiravit. Lucæ 23. Dixi ad tertium, ubi dicitur, sempiterni gaudij cum DEO sine fine mansio, cum dicitur: DEI sunt. Unde dupliciter hoc fieri potest. Primò, ut sint *justi*. Secundò, ut ubi Deus inhabitat, ibi & inhabitent. Ad primum ut sint *justi*: Unde notandum, quòd multipliciter *justi* nominantur. Unde *justi* aliquando nominantur *servi*. Unde Esa: 41. *Servus meus es tu, quoniam ego elegite*. Aliquando vocat eos *Patrem, matrem, sororem, fratrem*. Unde: *quicumque fecerit voluntatem Patris mei, ille meus Pater, mater, & soror, & frater est*. Matth. 12. Aliquando eos vocat *amicos*. Unde: *jam non dicam vos servos, sed amicos meos*. Joan: 15. Aliquando eos vocat *parvulos*. Unde: *nisi efficiamini sicut parvulus iste*. Matth. 18. Aliquando eos vocat *filios*. Unde ad Hebr. 1. *Ego ero illi in patrem, & ipse erit mihi in filium*. Secundò, ut ubi DEUS inhabitat, & illi inhabitent. Unde *habitaculum* illud multipliciter dicitur, uno modo dicitur *cælum*. Unde: *Cælum sedes mea*. Esaia 46. aliter *tabernaculum*. Unde Apocal. ult. c. *Ecce tabernaculum DEI cum hominibus*. Item dicitur *Ferusalem*. unde ad Gal. 4. *Quæ sursum est Ferusalem libera est, quæ est Mater nostra*. Aliquando dicitur *mons Sion*. unde mons Sion, in quo habitat, in eo aliquando simpliciter *mons* vel *civitas* dicitur. unde Apoc. 21. *Sustulit me in montem magnum & altum, & ostendit mihi Civitatem sanctam Ferusalem*. Alibi dicitur *templum*. unde Apoc. 4. *Qui vicerit, faciam eum columnam in templo DEI*. Aliquando dicitur *domus*. unde Gen. 28. *O quam terribilis est locus iste, verè non est hic aliud, nisi domus DEI, &c.* Aliquando dicitur

Ad Thema
redit.

Justi, servi.

fratres.

Amici.

Parvuli.

Filij.

Habitaculū
DEI.

tur Paradisus. unde Apoc. 2. *Vincenti dabo edere de ligno vitæ, quod est in Paradiso DEI nostri.* Quia illuc ascenderunt tribus, tribus Domini, ad confitendum nomini Domini. Et quidem Serenissimus Princeps & Dominus noster ad prædicta loca translatus est, cui dicitur cum alijs iustis: *Venite benedicti Patris mei, percipite Regnum.* Matth. 25. Quod nobis præstare dignetur, cujus Regnum & Imperium sine fine permanet in sæcula sæculorum, Amen.

Finitus est sermo, factus per Dominum Joannem, Archiepiscopum Pragensem, Apostolicæ sedis Legatum secundum, post mortem Imperatoris Caroli IV. feria IV. post Epiphaniam.

TIT. XXXVI.

Joannes I. tum II. ac præcipuè III. Episc: Pragenses, virtutibus clari.

In Ep. hist.

De Joanne
I. Episc. Pra.

1139.

M. S.
M. S. Jarof:
forte: S. V.
ti.

JAm pridem observatum à me fuit: Antistites Pragenses quicunq; Joannis nomen gessere, doctos eosdem & pios, magnificos, gloriosos, universim Diocesi suæ quàm utilissimos extitisse. Joannem I. ejus nominis ex *Wisebradensi Præposito An. 1135.* Pragensem Antistitem creatum, Virum naturæ & gratiæ dotibus inclytum, *Suavissimum Senem* Veteres appellant Memoria. Hic S. Gothardi Episcopi Sacrarium (ut habet *Jaroslavus* ex Canonico Pragensi Præmonstratensis) perforato pariete Ecclesiæ S. Wenceslai ad Aquilonem construxit. plurima in splendorē Ecclesiæ suæ parantem senectutis morbus abripuit. Illud de senio memoratu dignissimum existimo: Decanum & Præpositum *Wisebradensem* Annis 40. fuisse; Sacerdotem, & Canonicum annis 55. tandem propè nonagenarium senem An. 1139. obiisse, quinto Episcopatus anno ineunte.

De Joanne
II. Ep. Pra:
1236.

Joannes II. Episcopus Pragensis ex Scholastico ejusdem Ecclesiæ electus, multum repugnans more *Sanctorum*, & renitens An. 1227. ordinatus, *Bohemiam* omnem sanctimoniam exemplis illustravit. Eo ad clavum sedente, nihil propè aliud quàm *Sanctitatem* spirabat *Bohemia!* tanti est prudentem, fortem, & virtutibus clarum *Ducem* habere! qui incitet, cursum vitæ regat, virtutes cuique statui accommodatas commendet, & Viros divinæ gloriæ studiosos ad manum habeat, qui operam quandam vicariam Antistiti præstent, in Regno Christi amplissimè dilatando; talem habebat Episcopus *Vitum-Decanum* (de quo paulò antè dixi) qui regnabat in animis hominum, qui hortante & adjuvante Episcopo Joanne, nunquam maxima agendo fatigabatur. Hujus Episcopi tempore S. Agnès Regis filia, centum ex Procerum ferè stirpibus nobilissimas *Bohemias Virgines* in S. Salvatoris Cænobium (quod *Pauperum Domicellarum* appellabatur) Christo Sponso Virginum attraxit. Sub

hoc

hoc Antistite Joanne, nihil novum erat in Bohemia, plurimos ex Proceribus Regni honoribus & Munij valedicere, & claustris ac tenebris tectos, Christi amore oblectare sese; alios in terram Sanctam proficisci pedibus, & omnia Christi vestigia, ac praesertim Sepulchrum Domini mille osculis adorare, & lacrymis perfundere; alios Valetudinarijs & Pauperum Domibus erectis, & dotatis, quotidie agris & pauperibus ministrare, peregrinos pascere, cibum in os ingerere, lavare pedes, osculari, aliisque pietatis opera praestare; quae omnia Sancto huic Antistiti, ejusque ardentissimis cohortationibus, & exemplis imputant Scriptores Antiqui. Obijt Antistes optimus An. C. 1236. XVI. Calend. Septemb.

Joannes III. in Draziciorum Illustrissima familia natus, nuper Ecclesiae Pragensis Scholasticus, An. 1258. 1. Februarij omnium Canonorum votis electus est: explicari satis non potest, quantum Sponsam suam Ecclesiam Pragensem dilexerit! enumerant & accumulunt exempla vetusti Scriptores; inter alia: Basilicam S. Viti totam miro opere tegulis lapideis contexisse foris, intus duas fenestras praegrandes, aperuisse latitudinis & longitudinis ingentis, ut gratissima, laetissimaque lux in Ecclesiam infunderetur; easdem fenestras Vitro perspicuo praetendisse, (quae res id temporis summi erat pretij) neque id modò, sed vitra encaustico artificio, Imaginibus & Exemplis, Sanctorum, antiquae & Veteris Legis Virorum coloravisse; Turrim quoque S. Viti, ventis An. 1264. dejectam, secto lapide ab imo usque ad summum eduxisse. Haec omnia Joannes Episcopus de suo. Interfuit etiam Generali Concilio Lugdunensi An. 1270. magnamque illic sapientiae & virtutis famam collegit; rexit Ecclesiam Pragensem annis viginti & duobus. Optimi Praefulis virtutes brevissimam laudatione complexus est Coaevus Scriptor Canonicus Ecclesiae Pragensis, ex quo illud etiam intelligimus Joanni ut alijs Sanctis Viris, oblocutores non defuisse. Joannes Episcopus ait, An. 1278. 12. Kalend. Novembris. Erat forma spectabilis; incognitis formidabilis; domesticis affabilis; veritatis amator, Justitiae sectator; indefessus in judicio, providus in consilio, in universa morum honestate praclarus, & qualitate incomparabilis; merentium pius consolator; hospitum & Peregrinorum benignus susceptor & visitator; facundissimus in eloquentia utriusque idiomatis bohemici, & latini; lucerna lucens in mundo & ardens, non sub modio, sed super candelabrum posita, illuminabat corda hominum verbo veritatis, factis & exemplis. De cujus & alijs claris actibus, licet plura digna relatu eniteant, tamen ea intacta reliquimus: quia quidam ipsi nihil boni operantes, aliorum benefactis invidere non desistunt. Ussus sibi maximus erat, quærere & amplecti consortia peritorum, per quorum eloquentiam letificabat animam suam, & hauriebat colores sententiarum dulcius nectare liquido. haec ille. Scriptores alij affirmant, Joannem, cum videret Exercitum hostilem in Bohemia dominari, Ecclesias incendi, Cænobia spolia-

De Joanne
III. Ep: Pra:

M. S. Anonymi Canonici in hist. suor. temp.

Nota.

Joannes III.
ex zelo Religionis contabescit.

ri, & everti, Sacerdotes indignis modis tractari post Ottogari Regis cadem (quæ tempora Bohemie calamitosissima in Epitome historica descripsimus) commiseratione Patriæ pereuntis, & conculcatae Religionis & sacrorum, mœrore nimio contabuisse, adeoque non tantum vitam Sancti Præfulis, sed etiam mortem, Martyrio similem, pretiosam in conspectu Domini fuisse.

Porro, ut ad Caput redeam, & quod de Præfulibus Joannis nomine insignitis dixeram, Joannis IV. Episcopi, Tit. XXXII. tum cæterorum Archiepiscoporum Pragensium Joannis nomina ferentium laudationem, in sequentibus, ordine temporum adducemus.

TIT: XXXVII.

Joannes Oczko de Wlassim Ordine II. Archiepisc: Pragensis.

1380. I. Janu:

Genus Joannis.

Ædificationes & Fundationes.

Benef. in Chronico.

Offert. se ei aspectabilis Dei Mater. Vita Arnesti l. 2. C. 14.

Post Ernestum, primum sibi jure successionis, & virtutis vindicat locum natus in Procerum familia Joannes Wlassimius, Canonicus primum Pragensis, deinde primus omnino Præpositus Capellæ Regiæ Omnium Sanctorum, postea Episcopus Olomucensis, demum Archiepiscopus Pragensis An. 1365. tandem Primus Apostolicæ Sedis Legatus, ac denique Cardinalis Basilicæ XII. Apostolorum: ad Archiepiscopalem dignitatem anathemate Urbani Papæ V. adactus. Fuit à prima ætate in Aula Caroli IV. omnium ejus itinerum comes, eidem à secretis, & intimus ejus consilijs. Joannis hujus liberalissimas Fundationes vetera MM. SS. recensent: ad Omnes Sanctos Missam quotidie cantandam de B. Virgine ante Primam fundavit; Ecclesiam eandem de novo suis sumtibus construxit; Hospitale sub Wissehrado in honorem S. Mariæ de humilitate pro utriusque sexus personis ex divite fortuna ad inopiam devolutis condidit, & dotavit; Aliud Hospitale in Hradczano in honorem S. Antonij pro Sacerdotibus Pragensis Dioceseos emeritis, vel senibus ægrotis; cum S. Wenceslao deditissimus esset, in Diocesi Wratislaviensi (ubi erat Canonicus) & in Collegio Budissinensi ejus festum solenniter coli procuravit, emtis certis redditibus. Capellaniam in Ecclesia Pragensi instituit; Sacella duo Regiâ magnificentiam exstruxit Praga in Domo Archiepiscopali ad Pontem, titulo Passionis Christi, alterum in Arce Raudnicensi, Patronis Regni Bohemie sacrum; ditiones mensæ Archiepiscopali multas adjecit, ædificationes plurimæ enumerantur ex Beneficio. Præcipuum illud caput est, & ad viri Sanctimoniam maximè declarandam (quod in Vita Ernesti pridem narraui) apparuisse Joanni Beatissimam DEI Matrem MARIAM in Sacello Arcis Raudnicensis oranti, & amabilissimo, & renidenti vultu dixisse: placere sibi, & filio suo, quæ hætenus egisset, pergeret proinde, parari grande præmium in cœlis. Obijt Sanctissimus Præful An. 1380. die 14. Januarij

nuarij (malè alij i. Januarij ponunt) omnibus Sacramentis comparatus ad mortem, anno ætatis suæ 77. Archiepiscopatus anno sextodecimo. Sepultus in *Ecclesia Pragensi* in Tumulo marmoreo alabastrinâ ejus effigie supernè incumbente in Sacrario *S. Gerhardi, & Ottilie*, quod ipsemet erexerat, & dotarat. Extat nobilis ingenij unicum (quod sciamus) monimentum, *funeris laudatio Caroli IV.* Romanorum Imperatoris, quam habuit in *Ecclesia Pragensi* edita à *Marquardo Frehero*, & à nobis.

Multa de *Joanne* habet *Benefsus* in *Chronico*, *Hagek* in *Annalibus Bohemiarum*. *Pontanus* in *Archiepiscopis Pragensibus*. *Crugerius*, & *Pessina* antè laudati.

TIT. XXXVIII.

Joannes (vulgò Doctor Joannecius) Suffraganeus Archiepiscopi Pragensis, & Vicarius, Wenceslai Cæsaris imperio præcipitatus in flumen.

ANno 1393. 10. Aprilis (Manuscripti quidam Codices Ecclesiæ Pragensis viceſimam diem ponunt) *Wenceslaus Cæsar, & Bohemia Rex Vicarium Archiepiscopi*, nullâ satis probabili causâ, id unum obtendens: quod *Albertum Cladrubienſem Abbatem* legitimè, & sinè controversia à Fratribus electum confirmâſſet, in *Muldavam* abijci, & mergi juſſit; *Fabricius* id facinus sacrilegum, Puchnici instinctu perpetratum à Rege cõmemorat, cùm *Joannes* Rege increpito adjeciſſet: *indignum esse Regis nomine, qui nesciret imperare.* Doctiſſimum hunc Virum *Joannem* fuiſſe, & ævi ſui in *Bohemia* Oraculum, veteres adſtruunt libri, Sanctimoniam verò, & innocentiam, miracula (quibus ejus mortem illustravit Deus) tum *Canonicorum* ad Regem teſtimonium apertè declarat. Tanta certè (quoad inſepultus in flumine delituit.) ſiccitas, & ardor elementorum per *Bohemia* fuit, ut *Muldavam* Pragæ finè ponte, vado tranſirent viatores; *Aqua* deinde ipſa non alium, quàm vi-
rentis herbæ colorem, & quoddam quaſi virus præferret. De ſanctitatis teſtimonio, mirabile eſt, quod narrat *Hagecius*: cùm enim Archiepiſcopus Pragensis *Joannes de Genſtein* duos è *Canonicis Pragensibus* ad Regem de læſis Eccleſiæ juribus expoſtulatu-
ros miſiſſet, atque illi admiſſi ad Regem quære-
rent: quid ità Regi placuiſſet Præſulem *Sanctum* morte afficere? Reſpon-
diſſe *Regem*: cùm vos mortuum *Sanctum* appelletis, non invidēbo vobis ego quoque hanc gloriam, *Sancti* poſt mortem appellabimini; ſimul utrumque conje-
cit in carcerem, atque ægre, multis Procerum precibus, ſecti potuit, ut dimitteret. Sequenti die, ad terrorem, ante carcerem *Carnificem* collocavit cum omni tormentorum, & mortis apparatu, nihilque magis, quàm mor-
tem vicinam cogitantes, & propè ſentientes, è conſpectu ſuo faceſſere juſſit,

Rr

&

Mors & Tu-
mulus.

1393.

Epit. l. 4. C. 1.
Fabr. in M.
ſuic. l. 2.
Weſel. 19.
Apr.

Libera vox
Joannis.

Dubr. l. 23.
hiſt. Boh.

Quædam
miracula.

& incolumes abire: Ibi *Faroslaus* Canonorum alter, ex Illustrissima, & Bercis agnata stirpe *Clinsteinia*, Vir à Sanctimonia vitæ multum laudatus, præmissâ honoris significatione, sic Regem alloquitur: *Augustissime Imperator! nos tui Sacerdotes, & Capellani, à te, innocentes, in carcerem coniecti, gratias de hoc beneficio agimus! quia verò duo nos violati sumus. Tu te bis captivum fore memineris! & quia nos quadragenis horis in carcere tenuisti, Tu quoque in carceribus hebdomadis quadraginta misere delitesces. Rex cachinno sublato, Vade, inquit, Faroslæ, & DEO gratias age, quòd flumen non gustâris! Faroslai vaticinium dies ostendit. Igitur & miracula, & sensum ejus ætatis hominum pro innocentia Joannicij habemus.*

TIT. XXXIX.

Joannes III. Archiepiscopus Pragensis.

1400. 26.
Apr.


Genns.

Pietas.

Fundatio-
nes.Fabric. l. 2.
Misne An.Visio Cœ-
lestis.

Joannes de *Genstein*, seu *Genczenstein*, Pauli de *Genstein* filius, *Joannis II.* Ocelli Baronis de *Wlassim*, & *Genstein* Archi-Episcopi *Pragensis* ex Fratre nepos, Vir fuit vitæ Sanctimoniæ & eruditione conspicuus, & verè dicam, sui sæculi decus; ex *Misnensi* Episcopo (mortuo Ocello) An. 1380. in Archiepiscopum electus; rexit Ecclesiam summa cum laude sanctitatis; Religiosissimum, ac precationibus intentissimum Virum appellat *Stransky*; *Fabricius* virum munificum, & magna gravitatis; *Crugeri* ait sacris meditationibus, & familiaritate cum DEO inmergi quodammodo solitum, tenerrimâ in DEUM, Beatissimam Virginem, ac Cœlites pietate. Fundavit in *Misnensi* Ecclesia Sacerdotium *S. Wenceslai* honori; alterum *Sedlecij* ad Sepulchrum Domini, ut quothebdomadis ter Missa perageretur, in honorem Resurrectionis Christi, SS. *Eucharistia*, & *Passionis* ejusdem. Idem Præsul An. 1379. *Chemnicen-* sibus subsidia maxima misit, cum ea Urbs 7. Augusti conflagrasset. A. 1396. ipso die Paschæ cessit Archiepiscopatu, eumq; cum Capituli consensu *Wolf-* ramo Sororio suo dedit in manus; Viso quodam terrifico in Domo sua ad pontem *Pragensem* oranti oblato, ad abjectionem ejus honoris impulsus Scriptores significant; videbatur sibi videre: illinc vulgus profanum, hinc Clerum, & DEO sacratos homines; deinde subito factò impetu videbat cruento spectaculo dissipari clerum, fugari, occidi, rapi è manibus Prælatorum claves Ecclesiarum, ardere Tempia, Cœnobia, denique Religionis universæ Sanctitatem, & Ecclesiæ fundamenta convelli, idque brevi futurum. Ergo, ut dixi, *Pragensi* Archiepiscopatu relicto, *Romam* profectus est, A. 1396. privatam vitam acturus, sed *Bonifacius IX.* Papa, rursus Virum sanctum admovit honoribus, & An. 1397. Patriarcham *Alexandrinum* creavit. Obijt pius Pater Pauperum, ait M. S. Codex: Clericorum, Orphanorum, Viduarum, *Romæ* An. 1400. 17. Junij in Monasterio *S. Prædix*, quò sese receperat.

rat. Quidam eum cucullum *S. Benedicti* induisse scripserunt, sed eos Patriarchatus ipse, ejusque titulus, quem usque ad obitum tulit, ut mox dicam, fati refellit; deinde vel ex eo fabula se prodit, quod constat: *Wolframum Romanum* illi suppeditare sumtus, & mensæ necessaria submittere debuisse, quod sibi dum Archiepiscopatu cederet, reliquerat unum (ut affirmant Scriptores) quod sine dubio *Moracho* in Cœnobio vitam professus, opus non fuisset. Scripsit non pauca *Joannes III.* ut Tractatum de *Laude Nominis JESU*, dulcissimâ pietate, eumque *Româ* misit successori, inscriptio est: *Joannes DEI Gratiâ Patriarcha Alexandrinus, olim Archiepiscopus Pragensis, Apostolicæ Sedis Legatus, Reverendissimo in Christo Patri Domino Wolfframo eadem gratiâ Archiepiscopo Pragensi.* Extant passim in Bibliothecis Manuscriptæ Constitutiones *Joannis III.* Archiepiscopi, prudentissimæ, tum in *Libris Erectionum Decreta Sanctissima*, de non abalienandis Ecclesiasticis ditionibus, pœnæ in violatores Cleri &c. quibus malis futuris prophetico Spiritu plenus Antistes obviam ire conabatur: quæ sola si servata fuissent, nullum in *Bohemiâ* aditum hæresis habuisset. Huic *Joanni* dedicatus est Tractatus incerti, sed Theologiæ, & Juris peritissimi Authoris: *An Samuel potuerit Saulem, quem ipse elegerat, aspernari, &c.* videtur hæc res spectare ad controversiam *Urbani* Papæ VI. cum Cardinales, qui eundem elegerant, à Pontifice recessissent, quos hic Author, & meritò lugillat. Scripsit etiam *Joannes*, ut alius codex Manuscriptus loquitur, *Historiam devotam de festo Visitationis B. MARIE*, & hoc festum celebrari primus instituit in *Bohemia* (qua in re ei sese opposuere quidam in *Capitulo Ecclesiæ Pragensis*, ac nominatim *Adalbertus Raconis de Ericino Scholasticus, & Canonicus Prabendatus Ecclesiæ Pragensis, Sacræ Theologiæ, & Liberalium Artium Professor studij Parisiensis, cujus ea de re extat Liber*) at *Joannes* (pergit Codex) procuravit per totum mundum hoc Festum celebrari, & omnia beneficia sua dicebat sibi dari intercessione *Beatissimæ Mariæ Virginis Visitantis*; iste mortuus est in *Curia Romana*, & dicitur esse *Beatus*. Hactenus Manuscriptus Codex. Quâ etiam de causâ *Wolfframo*, Visitationis *DEI* Matris sacram diem in tractatu illo laudato commendat, atque *DEI* Matris ope *Wolfframum* ad eam dignitatem evectum. De *Joannis* beneficentia in Urbem *Misnam*, quæ incendio conciderat, dixi in *Epitome Historica*. Laudes hujus Beati Præfulis habes apud *Pessinam, Pontanum, Crugerium.*



M. S. Bibl.
ad S. Clem.
N. 357.

Lucubrationes Joann.
Archiep.

M. S. Bibl.
Clemen. N.
45. & 352.

M. S. Bibl.
Clemen. N.
164.

Tricæ de fe
sto Visitat:
B. V.

M. S. Bibl.
Clemen. N.
222.

M. S. Bibl.
Clemen. N.
352.

Mors Joann:
Pess. in Phos
ph. Rad. V.
Pont. in Epi
sc. & Arch.
Prag.
Cruger. in
Julio.



TIT. XL.

Joannes Papaussek Litomericensis Ecclesiæ Collegialis Præpositus.

1455. 2. Febr.

In hist. Boh.
C. 52.In viris do-
ctis Bohem.Gesta Joan-
nis hujus.

Vaticinia.

UT inter Viros, *Sanctimoniâ* apud nos illustres, *Joannes Papaussek* numeretur, vita ejus, & prophetiæ donum, ac denique *Æneæ Silvij*, seu *Pij II.* laudatio facit, qui eum *virum bonum, & Sanctum* vidisse se *No-vædomi*, & exilium pro Christo tolerasse testatur. In *Carolina Universitate*, dum ea floreret, post Academicos honores aditos, *Mathesin*, *Philosophiam*, & *Theologiam* publicè docendo percurrit (de ejusdem lucubrationibus diximus alio in loco) animum deinde ad *Sacerdotium* adjecit, totumque scad *Catholicæ Religionis* defensionem transtulit, quo merito, cum *Rokyczanus Antesignanus* hæreticorum *Pragâ Philiberto Administratore Pragensis Archiepiscopatûs* agente pelleretur, Cæsaris autoritate ad *Teinensem Ecclesiam B. V. Veteris Pragæ* regendam *Papaussek* admotus est, eamque provinciam annis omnino undecim, egregiâ cum laude obivit, donec eum *Podebradius An. C. 1448.* rerum potitus, in exilium misit; tandem *Ladislavus Rex* adolescens, *Pragam* adveniens, Catholicorum Procerum, qui virtutem Viri noverant, commendatione, *Joannem Præpositi* titulo, & honoribus opimis *Litomericij* ad *S. Stephanum* honoravit. Vixit in eo munere ad *An. 1455. 2. Februarij* extinctus, pietate, morum gravitate, prædicationibus, rerumque futurarum prænotionibus conspicuus, quibus eventus varij, ut prædixerat, responderunt; una ejus vaticinatio, à *Cutheno* literis tradita, circumfertur: *Cum ossa S. Agnetis Virginis, quæ in Ecclesia Salvatoris, seu S. Francisci olim condita, & nunc ex oculis amissa sunt, feliciter reperirentur, finem bellorum fore & optatissimam Bohemiæ pacem redditum iri.* Humatus est in Ecclesia sua *Sancti Stephani*, cujus, si quod erat, monumentum memoriæ, ignes aboleverunt. Agit de eo *Cochlæus*, & quicumque *Historiam Hussitarum* attigerunt, fortitudinem animi in eo commendant; *pissimum* appellat *Cochlæus*.

TIT. XLI.

Ladislavus Rex Bohemiæ & Ungariæ, Alberti II. Cæsaris & Bohemiæ Regis filius, Caroli IV. Pronepos.

1457.

Luctuosa
Mors Ladi-
slai Regis.

EXplicari non potest, quanto luctu, & lamentis sanior Evropæ pars Mortem inopinatam luxerit *Ladislai*; consulantur eorum temporum Scriptores; auxit dolorem mortis indignitas, quod (ut plurimorum opinio fuit) veneno sit sublatu, juvenis innocentissimus, in ipso ætatis flore, in

In apparatu nuptiarum, tot regnorum coronis caput cingentibus. Hæc atrox suspicio Georgium Podiebradium, & Joannam de Rozmital ejus conjugem præcipuè asperfit; quæ pomum aureum divisisse cultello ferebatur, quem secū domo attulerat, cujus cultelli acies, seu latus alterum, intoxicatum & veneno illitum, alterum innoxium esset, hoc sibi retinuisse, alterum Regi juveni porrexisse; omnia hæc incerta, & fortè odijs composita, quidam Scriptores existimant, nam illud de Amasia (quod habet Schikfusius) innocentissima Regis vita satis refellit. Natus est Ladislaus post mortem Patris Alberti II. Cæsaris, Bohemia, Ungariæq; Regis Comorini in Ungaria An. 1440. 22. Februarij, coronatus quadrimestris infans in tutelam Friderico Cæsari datur; piè ac Christianè educatum fuisse Ladislaum Scriptores ejus ævi testantur; liberalitatis futuræ maximam significationem dedisse adhuc sexennem puerulum Ladislaum narrat Æneas Silvius. Illustris valde locus est, quem facere non possum, quin exscribam: Venère, inquit Pius II. plurimi ex Bohemis ad Fridericum visendi Regis gratiâ, inter quos Georgius nomine Giskra, armorum gloriâ clarus, qui partes Ladislai unus ferme defenderat in Ungaria cum Rex Polonia Regnum invasisset, pradones sape acie fuderat, Joannem Hunniadem bis castris exerat, rebellantes Ungaros magnis cladibus affecerat. Is ubi ad conspectum Regis intromissus est apud Novam Civitatem, quo in loco tum aderamus, astantibus plurimis illacrymans, Ladislai manum exosculatus, in hunc modum verba fecit: Video te tandem, teneoque mi Rex, si scires, quæ pericula propter te adi-vi, quibus me laboribus implicui, quot adverso corpore vulnera accepi! Enci-catrices testimonio sunt! Patri ego Tuo, Tibique vitam devovi. Nulla vis est, nulla fortuna, quæ alienare animum à Te meum possit; officia mea sola tibi auferet mors. Sed tu hæc per ætatem non intelligis, & subridens: quod, inquit, premium fidei ac laboris erit? & quod das militi tuo stipendium? sextum tum agebat annum Ladislaus, qui postquam Giskra finem dicendi fecit, oculos huc atque illuc circumvolvens, loculos Joannis Magistri Camera suspiciens ex phylacteria pendentes, quâ ille nummos more Teutonico pauperibus erogandos as-servabat, hanc tacitus arripit, ærâque sex tantum, neque plura invenit illinc de-prompta, Giskræ dono dedit. Admirari omnes Pueri factum, & providum, & liberalem futurum judicavère. Giskra innexos postmodum auro nummos è collo suspendit, Regiæ gratitudinis monimentum. hætenus Silvius, qui se cum res gereretur, interfuisse scribit. Mansit Ladislaus apud consanguineum Im-peratorem Fridericum propè ad annos pubertatis, Bohemiam in Ladislai fide eloquentissima Silvij (quam ipsemet recitat) oratio retinuit; duxit deinde Romam Ladislaum ad coronationem suam Fridericus Imperator, ubi adole-scentulus ad Pontificem cum singulari ingenij & memoriæ commendatione peroravit, redditus tandem à Cæsare Austriacis, Ungaris, & Bohemis. Quæ inter hæc contigerint, cum ab alieno arbitrio Rex juvenis penderet, ex historijs

Schikfus.
in An. Silef.

Prima Re-
gts ætas.

Silvi: hist.
Boh. C. 58.

Giskra Bo-
hemæ Ducis
fides in La-
dislaur pue-
rum.

Æneas Sil-
ad fuit, cum
hæc fierent.

Ladislaus
Romæ per-
orat.

Flag. in An.
Boh.

Theobal. in
Hussit.

Dubrav. in
hist. Boh.

Bonfin. in
hist. Ung.

Schikf. in
hist. Siles.

Welesl. in
Gal. hist.

Ladislaus
otor haret
corum ma-
ximus.

Extrema La-
dislai Ora-
tio.

Narratio
de morte
Ladislai.

eorum temporum intelligere licet. An. 1453. 24. Octobris Pragæ Ladislaus accessit 28. ejusdem Mensis ab Olomucensi Præsule coronatus: Præ-
tum Ladislaus mirum in tenera ætate Christianæ fortitudinis edidit docu-
mentum: nunquam ullum ex Rokyczanigrege Popam, ullo honore digna-
tus est, etsi prope universum Regnum Rokyczanum respiceret, & sequiores
politici Ultraquistis, ut dicebantur, concedendum aliquid esse, vel regnandi
gratiâ svaderent; penetraverat in ædem S. Viti Sacerdos Rokyczana gregalis
Missam audituro Rege, jamque ascendebat ad arā, cum Rex conspicatus fatel-
litum suorum Præfectum ire jubet, & nunciare: *ne vestigio ab altari tacefferet,*
ni deturbari ex arce in præceps velit. Quod sequitur, prudentiæ plenum est:
Rege ex fenestris prospectante, solennis, die SS. Corporis Christi, supplicatio
ducebatur Rokyczanâ ipso Eucharistiæ ferculum circumferente; Rex prospi-
ciens subter euntes, Eucharistiā nullo honore, aut capitis annutu, nè pileo
quidem moto salutavit; admonuere Proceres Venerabile Sacramentum por-
tari, quod adorare decens esset; respondit Adolescens Regius supra ætatem:
scire se DEUM omni veneratione mortali dignum nunquam à nobis pro eo ac-
meretur coli posse; at si id nunc faceret, rudem populum (qui centum oculis acti-
ones Principum servat) fortassis existimaturum Sacrilegi illius sectam abs se pro-
bari. Idem annis abhinc quatuor (1457.) Ladislaus ostendit, cum Pra-
gam adveniens Rokyczanam obviam venientem cum suis torvum intuitus,
paulò post Prælati Ecclesiæ Pragensis occurrentibus Equo propere descendens,
salutatis amico vultu omnibus, Lignum S. Crucis quod ab ijs ferebatur, ex-
osculatus est. Sed mors præproperea, quantus ille Rex fuerit, ac futurus ef-
fet ostendit: Novissima verba *Aeneæ Silvij*, qui hæc omnia optimè callebat,
fide, referemus: omisâ igitur ægritudine & oratione quam ad Podiebradi-
um habuit: *tum Rex, ait, apprehensâ Podiebradij manu; age inquit, promit-*
te quod cupio (postulârat, ut pupillis, viduis, & egenis in regnando faventissi-
mus esset) *nam me mori certum est. Si feceris quæ jubeo, DEUM propitium*
tibi reddam! neque enim ita vixi, ut cælum mihi negari putem, pro cælestibus
terram relinquo, tu cave postulatis adversari. non potuit tenere lacrymas Po-
diebradius, deditque fidem facturum, quod Rex imperasset. Finito sermone,
intromissis Sacerdotibus de curatione animæ actum Christiano more Sacramenta
exhibita, Rex ornamenta sua (vestes, Aulæa &c.) Pragensi Ecclesiæ legavit, jus-
sitque Crines in auri modum fulgentes, nequa superesset vanitas amputari, id
ministri causas moræ ne tentes neglexere; ubi anima ægra amplius demorari non
potuit, sacram candelam petijt, eamque manu prehendit, & intuens Salvatoris
imaginem Crucifixi orationem Dominicam dicere orsus ad finem usquè perduxit,
pronunciatisque ultimis verbis: *sed libera nos à malo, nihil amplius locutus,*
non extrema pati, sed quietem arripere visus, mortalis vitæ lumen reliquit. Se-
quitur humanæ vitæ apud *Silvium* deploratio, quod commune Scriptoribus
om-

omnibus argumentum lubens prætereo. Manuscripta quædam ejus ævi asserunt *Ladislaum* Cæsariem suam ante signum *Crucifixi Domini* jussisse suspendi; *Theobaldus* longam ex Scriptoribus disputationem adducit, & in utramque partem disputat, utrumne *Georgio Podiebradio*, & *Rokyczana*, an verò *Pestilentia*, quæ tum *Praga* regnabat, mors *Ladislai Regis* verisimiliter imputeretur; depingit idem *Ladislai* effigiem & affirmat 17. ætatis (non decimo octavo ut scripserunt alij) obiisse An. 1457. die S. Clementis, 23. Novembris. Quàm pretiosa in conspectu Domini Innocentis Juvenis Mors fuerit, incorruptione corporis Regij Cælum ostendit: certè *Bertholdus Pontanus Ecclesie Metropolitanae Pragensis Decanus*, postea *Præpositus*, cùm *Regum* corpora in Novum Mausolæum *Rudolfus II. Imperator* transferri jussisset, eique translationi, *Pontanum* exacto prius jure jurando de non commiscendis, & reverenter collocandis corporibus præfecisset, testatur: *Ladislaum* hunc nostrum, & *Carolus IV.* incorruptos, & nihil à situ tot annorum passos seprehendisse, idque etiam *Weleslavinus* Scriptor egregius à se visum in Calendario suo affirmat.

Theob. in Hussiticis.

Pont. in Bohem. Pia.

Ladisl. Rex incorruptus.

TIT. XLII.

Benedictus de Waldstein, Episcopus Caminensis in Pomerania.

DOcta, & erudita *Benedicti Waldsteinij* virtus, nè silentio nomen Viri tanti transeam, cogit: Ex Illustrissima Procerum *Waldsteiniorum* stirpe (quam equestrem aliquando fuisse, tanta est generis antiquitas! ex nulla *Bohemiae* historia probare possis, utpote à *Dominis de Ralsko* descendentem, ut alibi probamus) ex ea, inquam, vetustissima stirpe editus *Benedictus*, totum se literis, ut sic dicam, involvit: *Philosophiam* in Universitate *Carolina* percepit, unde in Actis lego: An. 1458. *Benedictus de Waldstein Baro*, *Magister* creatur, & *Cathedram Magistralem* conscendit, sub *M. Nicolao Barone de Ledecz*; aderant Regis *Georgij Filij*, & *Bavariae Duces*. *Theologiam Cracoviae* in Universitate Catholica cum Insignibus *Baccalaurei* defendit, cum testimonio, neminem *Benedicto* parem ex Condiscipulis extitisse. Honores doctissimum, & (quod in rem meam facit) innocentissimum Juvenem secuti sunt, ac *Litomericensis Præpositus*, *Olomucensis Canonicus*, ac post triennium etiam *Præpositus* evasit; destinabatur ad *Pragenses Infulas*, si ditiones Archiepiscopales restitui ab iniquis possessoribus potuissent; interea *Pontificum Romanorum* favore *Caminensis* creatus *Episcopus*, bonâ eorundem gratiâ, cùm in *Bohemia* nullus esset Antistes, Antistitis vices obibat; constat altaria plurima, campanas, *Ecclesias* consecrâsse; præcipuâ in miseros pietate, ut nemo facile pauperum indonatus discederet; undecim annos minimum

A. 1505. 18. Martij.

Genus Benedicti.

Acta Philo- Facult. in Carolina- niver. MS.

Doctrina.

Honores.

Obitus.

mum *Ecclesie Caminensi* præfuit, sollicitè cavens, nè qua ex ovibus suæ curæ commissis periret. Amavit *Canonicos Regulares S. Augustini Trebonæ*, cujus rei plurima in eo Cœnobio ante videnos pluresque annos supererant documenta. Vidi *Sacerdotale Officium* Divinum elegantissimâ manu descriptum, aureis literis initio *Psalmorum & Capitum* fulgentibus, quod se donare illi *Canonicorum Collegio Trebonensi Illustrissimus Præsul* manu suâ testatur. Obijt in *Moravia* in paterna ditione *Šabřehy*, cum eò ex *Pomerania* excurrisset An. C. 1505. 18. Martij, annis, & ætate confectus; hæretici ditionis illius Domini, Sepulchrum marmoreum in *Arcis Ecclesia* altè eductum ejece- runt, cujus marmor hodièque superesse dicunt.

TIT. XLIII.

Jodocus & Felicianus Laici, tum Barnabas Sacerdos Ordinis Minorum S. Francisci Strict. Observant: in Conventu Conceptionis B. Virginis Olomucij.

1506.

Jodocus cœlesti luce circumfusus.

LEgi nuper Excerpta quædam ex Manuscriptis Commentarijs, *Olomucensis Cœnobij ad S. Bernardinum*, in quibus manu Superioris loci, quæ *Guardianum* appellant, annotabantur sequentia: An. C. 1506. *Fr: Jodocum Laicum* eximiâ vitæ Sanctitate conspicuum in eo Conventu vixisse, cujus cælestes virtutes, cælesti etiam testimonio divinitas comprobârit: quippe quod *Sanctis* in cælo, hoc *F. Jodoco* sanctè viventi divinitus in terris collatum, ut cœlesti luce circumfusus, amictus lumine sicut vestimento, die, noctæque appareret; unde ab Olomucensibus nominabatur *Das Engische Licht / welches erleicht unsere Wohnung mit der Gnaden Gottes*. Id est: *Angelica lux, quæ gratiâ DEI domos nostras illustrat*. aliud de hoc Sancto Viro nihil additur, quàm in Ecclesia Cœnobij fuisse sepultum.

1505. Vita Sancti Feliciani

Alium *F. Laicum Felicianum* nomine, patriâ Olomucensem idem Cœnobium suppeditat, *Sanctissima vitæ Felicianum* appellans, qui post mortem clauerit miraculis; sepultum esse sub Altari *Xl. millium Virginum*, ejusque sacrum Tumulum hodièque honorari.

1550.

Sanctimonia Cœnobij Olomucensis FF. Minor:

Adjicitur ibidem ad An. 1550. obiisse in eodem Cœnobio *Barnabam* ejusdem Ordinis Sacerdotem, qui & in vita & post mortem laudabile virtutis testimonium ab omnibus sit consecutus; sepultum esse extra Chorum sub lampade prope gradum; doleo profectò plura non esse addita sanctitatis argumenta! hæc tamen, nè meritò negligentiae alicujus argui possem, omittenda non esse existinavi. Floruerunt in hoc Cœnobio Olomucensi (subjicit idem Scriptor) plurimi Beati Fratres tam vitæ Sanctitate, quàm miraculis; quorum

rum aliqui in Ecclesia sepulturam nacti sunt, de quibus Annales Ordinis mentionem faciunt, & Martyrologium Franciscanum: hæc ibi.

TIT: XLIV.

Benefis seu Benedictus de Bliziva, Natalibus illustris, solitudinis amator, vitæ innocentiam conspicuus.

Non possum, præter paucula quædam, de illustri hoc viro commemorare. Natus est in Equestri familia de Bliziva, ex qua ætate nostrâ prodijt, & quam, quod sciamus, tumultu intulit, stirpis suæ ultimus Eques de Bliziva Wenceslaus Heraclius de Kumburg in DEO ditissimus, qui propè omnium suarum facultatum Ecclesiam scripsit hæredem. Foundatione adauctâ Iſnæ ante DEI Matris effigiem. Puerorum innocentium cantandis Litanis, & sacris; Collegio Clatoviensi ferè ex tertiâ parte fundato; Nobilibus in Contubernio S. Wenceslai Pragæ alendis in studiis literarum perpetuo censu constituto; in morte denique tam liberalis, ut nulla Pragæ Ecclesia nominari potuerit, quam aliquo legato moriens non asperferit, huic denis, alijs vicenis, tricenis, & pluribus florenis apud Testamenti Executores assignatis. Sed hæc alibi. Benedictus noster, cum statuisset rebus humanis nuncium remittere, nullâ hæreditatis parte aditâ, procul in Bastinenses altissimas silvas uno Brzeznicio milliari sub arce vetusta, & pridem deserta Trzemssin stationem fixit, tugurióque excitato ponè etiam hortulum paravit, instruxitque, ex quò æstate, & hieme alebatur, & in cuius cultura necessariâ haberet avocationem, cum alioqui perdius, & pernox in precibus ad DEUM fundendis, & rebus Divinis meditandis duraret, præsertim postquam etiam eodem in loco Sacellum extruxit. Quadraginta sex annis in illa beata solitudine vixit Benedictus, DEO uni, & soli honorando, & amando intentus; ad extremum vitam sanctissimo fine conclusit, sepultusque est in Hvvozdi in Ecclesia S. Procopij, ubi illi propter summi Sanctimonie famam Epitaphium cum effigie, qualis erat vivens, & inscriptione, quæ talem, tantumque virum deceret, & Sanctitudinem declararet, Incolæ posuerunt, quam Sancti Viri memoriam supervacaneo munditiæ studio, cum templum An. 1637. inalbatur, calce inductâ blenni, & bruti opifices deleverunt. Quæ facta novorum hominum sæpe alibi, ac præsertim in Boleslaviensium Templorum historia damnavi; quasi verò calx melius, quàm aut S. Wenceslai cruor, aut Sancti alicujus Viri effigies, & vitæ Elogium parietem exornaret! hinc etiam factum, ut nec vitæ, & mortis annum destituti memorijs omnibus habeamus. Conjecturatum tamen est, Beneficium ad initium prioris sæculi vixisse: nam, cum Vener: Pater Albertus Chanovvsky, ex cuius chartulis hæc describo, dicat superesse

Circa 1540

Liberalitas
in Sacra Do-
mini de Kū-
burg.Benefis in
Eremo.In eos, qui
veteres Me-
morias ab-
oleut.In Vest. Boh
Pia C. 5.

circa An. C. 1640. qui ista de *Beneficio* à Majoribus suis audierint, satisque innuat, illâ ætate cum *Beneficio* Majores illos vixisse, non potest *Beneficii* ætas annis centum (quod immemorabile tempus esse dicitur) antiquior censeri. Sed hæc omnia infirma, neque satis certa; sceleratior ille *Brzeznicensium bonorum Praefectus*, homo hæreticus, qui circa An. 1620. *Sacellum*, & *tugurium Beneficii*, nè qua vetustæ Pietatis superesset memoria, ut prætato Domino extenderet, solo æquavit.

Innocentia
Beneficii.

Hoc poenè præterieram, quod de *Beneficio* P. *Albertus* adjecit, fuisse virum tantæ innocentiae, ut ad eum animalia, præsertim lepusculi vocati concurrerent; ij, si quando fame superante victi in senis hortulo caules, aliæque hujusmodi oluscula, quibus libenter vescuntur, depasti essent; vocabat reos *Beneficius*, & sinu exceptos virgis accipiebat pro merito, tum dimittebat plorantes cum monitis, nè quid in posterum tale aliquid attentarent.

TIT: XLV.

Adalbertus S. Ecclesiæ Metropolitanæ Pragensis
Scholasticus, & Prælatus.

1550.

Antiquita-
tis negligencia.

Non facile ego *Antiquitatem* negligentiae accusare soleo, quisciam, quam diligenter pleraque omnia *Majores* annotarint, sic ut nostra omnis diligentia collata cum illis, negligentia dici possit: sanè ita censeo, justam de temporibus nostris querelam apud posteros aliquando futuram; nam *Majores* nostros calamitates bellorum, & incendia excusant; at nos, ut excusemur, obsecro, quid adferemus? unum hoc Antiquitati nostræ vitio dare possumus, quod in nominibus explicandis negligentissimè vertetur: multi ubique (etiam in historijs Collegiorum nostrorum) sunt *Petri*, multi *Henrici*, multi *Georgij*: P. *Michaël* An. 1586. *primarium* è *Proceribus Bohemis* *Dominum Kolovrat* cum tota familia *Bustiebradi* ad Catholicam fidem convertit: hinc nomen, ibi cognomen deest. Vix tandem innumeris chartis sursum deorsum pervolutatis cognitum est, P. *Michaëlem Tolmeyer Slavum* natione, hunc verò D. *Joachimum Bustiehradsky* de *Kolovrat* fuisse. Eadem, eoque etiam major in *Adalberto* negligentia admissa est, cum nec in Epitaphio quidem, quod adferemus postea, cognomen legatur, nec aliud omni diligentia investigare potuerim, quam *Canonicum Prælatum*, & *Scholasticum Adalbertum* appellatum. Ven: P. *Albertus Chanovsky* in *Vestigio Bohemæ Pie*: Est, inquit, tenuis quadam adhuc memoria cujuspiam *Sanctæ Vitæ Canonici Ecclesiæ Pragensis Metropolitanæ*: qui *Monialium Beneficinarum* ad S. *Georgium* in *Arce Pragensi* in rebus spiritualibus *Director*, magnâ eis dicitur *Sanctitate* præluxisse, apud quas etiam sepeliri voluit, cum prius ante mortem *Epistolam spiritu plenam* ad eas conscripsisset, quæ epistola nuper ad-

In Auct. ad
Vestig. Boh.
Pie C. 5.

modum

modum adhuc extabat. Ad sepulchrum ejus dicuntur etiam quædam cælitus accidisse. hætenus Ven. P. Albertus. Omnia hæc apertius Sacra ipsæ Virgines in Memorijs Parthenonis sui, quas mecum benignissimè tertia abhinè Abbatissa & Princeps communicavit, leguntur; narrationem ex Bohemico, in Latinum idioma transferam: In Ambitu Cœnobij nostri prope januam ad Ecclesiam ducentem, conditum est Corpus Sancti Adalberti Canonici Metropolitanæ Pragensis Ecclesiæ, qui vivens bene longam, & pulcram ad Virgines nostras dedit Epistolam, quæ singulari solatio, & profectu spirituali sæpius in Conventu prælegitur. Petiit Adalbertus apud nos tumulari; ad cujus tumulum, antequam cratibus ferreis muniretur, accidit, ut subditi nostri vasa in cellarium demitterent, alterque alterum admoneret, nè sepulchrum pede calcaret, conditum ibi esse Sanctum Virum; ibi cum risu monitum excepit alter, & si, inquit, Sanctus est, talis maneat, ego per ejus tumulum nihilo-feciùs ambulabo. Non multum abierat temporis, cùm Divino judicio, infami admissio scelere carnifici traditur, & cùm duceretur ad mortem, socium illum monitorem videt, & ad se vocat: en, ait, quò deveni miser! tum alter: atqui ego monueram, nè Sancti Viri Tumulum calcas. Pergit narratio Antistitis Principissæ: Cùm quodam alio tempore Familia Cœnobij nocte in Cellario necessarium haberet laborem, lumen illud extinctum est; illi trepidi, cùm nescirent, unde lumen peterent, emerferunt, & ecce super eum tumulum lumina vident ardentia; accensis luminibus protinus redeunt ad laborem, & respicientes vident omnia, quæ super tumulum antè lucebant lumina evanuisse. Hucusque Virginum M. S. Memoria. Placet ad extremum ipsam sepulchri Inscriptionem recitare: *Hic jacet Reverendissimus D. D. Adalbertus ad S. Viti Prælati infulatus, & Scholasticus, quondam Confessarius in hoc Monasterio Sacrarum Virginum. Qui circa An. 1550. vixit, & piè in Domino obiit, ac ad petitionem suam Zelo pietatis hic sepultus, & ob præclara Sanctitatis visa hic signa ab omnibus hætenus in magna veneratione cultus fuit. cujus sepulchrum renovatum est A. 1675.*

Miri eventus
ad Tumulum
Adalberti
Canonici.

Locus Sepulchri.

TIT: XLVI.

Venerabilis Pater Adalbertus Bausek Pragensis, è
Societate JESU Sacerdòs.

INter Viros illustres Societatis sive doctrinam, sive Sanctimoniam spectes Adalbertus Bausek meritò censetur, cujus mira encomia in Historia Ordinis nostri leguntur. Vocatus est ad Societatem Pragæ miraculo apparentis in Hostia Sacra Cælestis Pueri, extremo Anni 1556. in Ecclesia Sancti Clementis, & obstupefactus viso, quid à se Puer JESUS postularet, quæsi-

1575. alij 1571
3. Maij.

In Eucharistia Christum infantem videt.

Hist. Prov.
Boh. ad A.
1556.

Interest Syn-
odo in Mo-
ravia:

Hist. S. J.
P. 3. Lib. 7.
N. 58. & 59.

Testimo-
nia de Vir-
tutibus Adal-
berti.

vit? volo, respondit Puer, ut ibi sis, ubi es. vide quæ latius narravi pridem in *Historia Provinciæ Bohemæ Societatis JESU*. His vitæ Sanctæ initijs reliqua *Adalberti* in Religione vita respondit. Sed literæ quoque interiores celebrem *Adalbertum* reddiderunt: *Philosophiam* & *Theologiam* audiebat Discipulus, tamen *Magister à Condiscipulis* audiebat, admotusque est paulò post divinis illis Scientijs docendis; qua ex re (in *Theologia* præcipuè) tantum Nomen obtinuit, ut authoritate doctrinæ inter omnes Socios emineret. Anno 1568. cum *Episcopus Olomucensis* Synodum Diocesanam haberet 49. annis intermissam, *Adalbertus Bausek* ad eam vocatus nominatim cum *Laurentio Magio Provinciali*, & *Henrico Blyssenio*, ducentis Sacerdotibus, qui Synodo interfuere, Concionibus, Cœlesti Spiritu plenis, & colloquijs in Conventu habitis, egregiam operam navavit. *Viennam* deinde revocatus primus post tot annorum intervallum in illa celebri *Academia Theologiae* studium revocavit, & *Facultatis Decanus* creatus est, quem esse omis- sum in *Universitatis Viennensis Gloria*, qui editus liber legitur, mirari satis non possum.

Ibidem *Viennæ* obiit An. C. 1571. 3. Maij. Maximum virtutis ejus testimonium est, quod habent *Annales Ordinis* nostri: *Adalbertus Bausekius* Vir mitis, innocens, candidissimâ animâ, humilitatis amabiliissimæ, paratissimæ ad omnia obedientiæ, &c. cujus in ore ac vultu innocentiam animi, charitatēque erga DEUM, & quoscunque hominum legeres. Quibus virtutibus, ita domesticorum amores Civiumque rapuerat, ut ægro nullum omis- sum sit, certatim omnibus omnia conferentibus, divinum, humanumque remediū, & fuerint, qui vota facerent, atque enixè DEUM Dominum precarentur, vicarios se offerentes, ut detractos sibi, illi annos adjiceret, nè munimentum id Religioni alienissimo tempore demeretur. Quæ spes ubi scellit, quod reliquum erat frequentia, dolore, lacrymis, ac lamentatione insigni iusta funebria persolverunt. De eo *Laurentius Magius*, (tum *Provincialis*, qui postea & *Assistens*, & *Visitor*) hæc *Romam* ita nunciavit: *Migravit ad Dominum Sanctulus ille, ac Benedictus Pater Adalbertus, dimidium animæ meæ, propter multas ejus virtutes: cujus mors, ut communi bono perincommoda accidit, & Academiae, & Collegio nostro, & Theologorum nostro Seminario; cum esset ille vas omnium bonorum, & ad labores infractus, ita vulnus cordi meo tale inflixit, ut etiamnum perdoeam.* Hæc postre-

ma ex *Historia Societatis* nostræ descripta recitavi.





TIT: XLVII.

R. D. Martinus Strakoniczky Strassiniensis in Prachenſi Diſtriſtu Parochus, Vir Apoſtolicus.

EXplicari non poteſt ſatis, quantam de hoc Viro Sanctimonix opinio-
nem habuerit Vir ipſe Sanctimonix famâ inclytus *Albertus Chanovsky*
Soc. JESU, qui *Martinum* familiariter nôrat à puero. Arabum eſſe
proverbium dicunt, quod à Clariffimo Medico *Marco Marci* didici: indo-
ctus non novit doctum, quia nunquam fuit doctus; doctus novit indoctum, quia
fuit olim indoctus; hîc valere poteſt parcemia, cùm Viri Sancti, & expertæ,
ac perfectæ virtutis ab æqualibus virtute laudantur. Sed ad *Martinum* ve-
niamus, cujus omnis vita in obscuro jaceret, niſi noſter *Chanovskius* prodi-
diſſet. Fuit Martinus in eo Prachenſi Bohemix regione notiſſimus, neq; alio
magis, quàm *Propheta* & *Sancti* nomine clarus apud omnes; *Strassini* ad Ec-
cleſiam celebrem Divine Matris in quadam cellula habitabat ſolus, Parochia-
les eſdes elocabat Inquilino unâ illâ conditione, ut ſemel in die cibum adferret
oranti; ſemel in die panem, & viliffimum aliquod obſonium deguſtabat;
cubabat dura in humo, & ſi malè eſſet corpori, aut fatigatio poſceret, in nuda
tabula molliter ſe quieſcere exiſtimabat, ſaxum tamen ſemper cervicalis vi-
cẽm implebat, quod hodiẽque *Strassini* ad venerationem monſtratur. Vita
denique *Martini* alia non fuit, quàm orare diu, noctũque, omnes vitæ com-
moditates averſari, jejunare, cœleſtibus colloquijs ad timorem, & amorem
DEI omnes incitare, ac denique ex corporibus obſeſſorum Dæmones malos
Tyrannos expellere. Ad extremum eò proceſſit, ut *Paræciâ Strassini* Apoſtolicæ
Sacerdoti Catholico commendatâ, ipſe DEI amore, omnium rerum incertus,
villas, & pagos obiret, & cùm *Huſſi* hæreſis occuparet omnia, *Catholicos*,
qui ſupererant, pauculos confirmaret, novôsque quâ poſſet ope, acquireret.
Pedes, & ſinẽ commeatu omni procedebat, & ſi poſtularet neceſſitas, albo
Equello vehebatur, Divina per iter meditans, aut *Psalmos* recitans, nemine,
cùm Sacroſanctis omnibus eſſet, interpellante, ipſo etiam Equo per interval-
la ſeſe Sancti Viri deſiderijs, ac precibus accomodante. Quamcunque do-
mum ex itinere acceſſerat, quidquid erat Catholicum, confitebantur peccata,
tanto in domibus ſilentio (verba recito Vener: P. Alberti) acſi DEUS ipſe ac-
ceſſiſſet. *Speſtavi non ſemel* (pergit Albertus) *ubi in Convivia publica Nobi-*
lium intervenerat, neminem eo præſente loqui præſumiſſe, niſi eodem jubente,
& hortante. Neque aliud nomen tota vicinia imponebat, aut ſciebat, quàm
Prophetam venire, Prophetam adeſſe. Tumultus Bohemicos, & maximam
inde Pauperis vulgi vexationem ſecuturam audientibus multis diu antè prædi-
xit, & de ijs malis quædam vaticinando ſcripſit; Joanni Chanovsky (Patris

Circa 1600.

Perelegaus
Arabum

Proverbiũ.

Aspera Mar-
tini Vita.Apoſtolicæ
Vitæ in-
choat.Vaticinatio
nes ejusdẽ.

Vivendira-
tio.

Alberti Patri) identidem repetens hæc verba: O quàm enormia imminent bella! ô quanta erit hominum afflictio! filij nostri quarent latebras in silvis, & montibus, & antris. Cùm Dominus quæreretur: utrùmne superstitēs ea mala essent visuri? respondebat: nos neutiquam, sed hi filij nostri hæc experientur. Pergit P. Albertus: me presente, & pluribus alijs, quorum quidam adhuc vivunt, Dozicij pro Concione famem post triennium futuram, & mortem suam prædixit, quæ omnia evenerunt. Plura cùm semel cœperim ex Vener: P. Alberti vita describam: Moris ei erat, ut casas rusticorum ingressus, mox sese in quopiam angulo abijceret in genua DEO collocuturus, dum Rustici sua interim agerent, cœnarent, domum componerent, atque è vicinis etiam domibus plures convenirent, quæ omnia venerabundi illi, & sacro pleni horrore summo peragebant in silentio, finem precum illius expectantes, nonnullis à cœna sua reliquijs ei in obsonium reservatis, quas ille, cùm ab oratione surrexisset, verbique de DEO, ac rebus æternis Spiritu Sancto plenissima aliquamdiu fecisset, parçè & sanctè sumebat.

Mors.

Cùm aliquando visitasset oppidum Katovvitz, ibique Matres familias felicem ei more suo gratularentur adventum, & ova, ac placentas offerrent in munus, simulque cum lacrymis quærentur, adauctos se à Toparcha suo Petro Baubynsky ad sectam Hussiticam, desertâ Catholicâ fide amplectendam; benignè eas prius corripuit, ac reprehendit; tum dolenter adjecit multa his familia per summum nefas eo tempore perpetrari; sed tempus brevè affore, quo Catholici, jam verè in Bohemia pusillus grex, victoriam de inimicis omnibus essent reportaturi. Ex cujus vaticinij fama ortum est, ut nonnulli circa Katovicium patres familias, præsertim in pago Chlupin, ab eo tempore neutri Religioni adherere, nec unquam Sacræ Confessionis Sacramentum apud Catholicos, neque alia sacra apud hæreticos obire voluerint, Prophetiæ illius eventum expectantes, illi videlicet Fidei, tanquam veræ, & sinceræ adheraturi, quæ alteram debellasset. Cùmque deinde victoriæ in Albo monte à Catholicis obtentæ, ac Praga capte famâ accepissent, Catholicis accesserunt sinè mora, & sua crimina ritu Catholico per sacre Exomologeseos lavacrum primò omnium apud P. Albertum Chanovvsky abluerunt. Multa DEUS per hunc Virum fecit miracula, quorum (verba sunt P. Chanovvsky) quia non rectè memini, lubens ea prætereo. Fuit autem pius habitu, & cultu corporis, uti quidam Religiosus Societ: JESU. Sepultus est pius, DEOq; plenus Sacerdos in Parochiali Ecclesia Blizivvensi; cujus etiam Tumulum vidisse me quondam in parte aliqua felicitatis repono. Obijt ad initium hujus sæculi, aut circa finem superioris.



TIT: XLVIII.

Venerabilis Pater Laurentius à Brundusio, Sancti Francisci Seraphici Ordinis Capucinorum Generalis.

Multa, & mira de hoc Sancto Viro audisse memini, sed famam authorem facere nolui. Ijs ergo tantum contentus sum oportet paucis, quæ mihi quærenti ante annos amplius triginta, Amici ex illo Sacro Ordine, & Religiosi Viri retulere, quæque ego in *Divæ Turzanensi* Cap. 23. narravi. *R. P. Laurentius à Brundusio Generalis Commissarius ex Provincia Veneta*, primis statim annis, quibus sacra Familia *RR. PP. Capucinorum Prægam* advēnit, ad initia hujus sæculi appulsus est. Virum hunc Sanctimonie famam inclytum fuisse, senes *Patres nostros* sæpius audiebam narrantes; eundem Societati Nostræ peramicum, & perbenevolum, *Rectorum diaria* ostendunt, in quibus sæpissime lego: *R. P. Laurentius Capucinus apud nos fuit. R. P. Laurentius prandit nobiscum. R. P. Laurentius interfuit Consultationi nostræ de literis Majestatis, quas hæretici Ordines petunt à Casare, aliæque hujusmodi. R. P. Laurentius nos monuit de offensa Domini N.* Non possum hoc loco præterire observationem mirabilem, quam in Spirituali, & cælesti quodam Opusculo suo de *præstantia Instituti Societatis*, item in altero, cui titulus: *Gloria S. Ignatii*, utroque Antverpiæ Typis edito adducit *Vener. Pater Nicolaus Lancicius S. J.* videlicet: omnes omnium Ordinum Viros Sanctimoniam illustres, qui conditam jam Societate vixerunt, potissimum eos, qui in *Album Divorum*, Ecclesiæ autoritate publicâ relati sunt, eosdem *Ordini Societatis JESU* perbenevolos semper, & commodos, nostrique honoris augendi studiosissimos se præbuisse, idque *S. Neri, S. Tereſiæ, S. Magdalene de Pazzi, S. Petri de Alcantara, S. Thomæ de Villanova*, præcipue *S. Caroli Borromæi*, aliisque innumeris ostendit exemplis, sed hæc ne odiosa sint, mitamus: igitur *Vener. P. Laurentius* ad Divæ Virginis effigiem non tantum illam *Lauretanam*, sed quæ in ipsa *RR. PP. Capucinorum Ecclesia* venerationi proſtat, quæque *Rotenburgi ad Neccarum* ab hæreticis in flammis injecta per spatium 12. horarum in flammis illæsa perſtitit, ut olim narravi, & quam ijs Patribus *D. Joannes Barvitijs* donavit; ad hanc, inquam, effigiem totus liqueſcebat in lacrymas, præſertim cum *Missam* ante ejus aram diceret, extra se rapi videbatur; & revera *Patrem Laurentium* in Ecſtaſi, ut dicimus, raptum coram eadem imagine, reperit, viditque *R. D. Ernestus Ordinis Præmonſtratenſis*, cum aliquando *Capucinorum Cænobium* inviſeret; ex eadem imagine *Puer JESUS* blandè *Laurentium* allocutus eſſe traditur; cumque alias *Sanctus ille Pater* pro Hebræorum conversione ardentè oraret, *Hebraice*

Laurentij
munia.

RR. PP. Ca
pucini Pra
gam intra
runt 1600.
22. Maij.

Vir Societa
ti peramicus

Imago mi
raculoſa a
pud RR. Ca
puc: Pragæ.

Laurentius
raptus in
Ecſtaſi.

ca lingua peritiam momentò accepisse, parato, & prompto ad pertinacissimæ gentis conversionem auxilio. P. Mathæus Raderus in sua Bavaria Pia testatur Vener. Patrē Laurentium Pragæ magnâ Catholicorum procerum, qui Italicam linguam callebant, utilitate concionantem auditum; adeoque Vir iste Sanctus, Bohemiam nostram non indignam ope suâ cœlesti putavit. Tantum est, quod de hoc Viro Sancto rescire licuit.

Vita Ven. P.
Laurentij
tandē com-
municata.

Ecce autem geminata, è cœlo, ut gratus agnosco, fœlicitas me respexit: nam dum superiora Typographus excuderet, advolat repenti ad Collegium R. P. primus ex ordine illo sanctissimo Capucinorum, cum quo ego pridem multis precibus egeram, ut Vitam mihi Vener. Patris Laurentij ad aliquot dies pauculos legendam communicaret; sed bonum Patrem, Capitulum Provinciale, tum occupationes domesticæ, nè quod petebatur, effectum daret, impedivēre; at hoc ipso die Iglaviam ad Conciones habendas proficiscens, mihiq̃ue amicè valedicens, Vitam V. P. Laurentij à se compendio descriptam dedit in manus. Hanc primam fœlicitatem, mox secuta est altera: hærebam anceps, utrumne sine damno expectantis Typographi Vita Sancti istius Viri in his temporum angustiis breviter scribi & Typographo citò porrigi posset, spe bonâ plenus ad R. P. Guardianum Capucinorum mitto, qui statim quod ab alio impetrare nunquam poteram, Annalium sui Ordinis mihi copiam fecit, in quibus P. 3. ad An. 1619. latissimè, ac diffusissimè res gestæ Vener. P. Laurentij narratæ leguntur.

Propositū
Authori
non fuit Vi-
tas Sancto-
rū hominū
ad verbum
describere.

Vita Lau-
rentij ante
Religionis
ingressum.

Propositum mihi non est in hoc quodammodo subventaneo opere, omnes per longum, ut vocant, Vitas Sanctimoniarū præstantium Virorum adducere (ut sæpius Lectores monui) id alicui, qui majore otio & tempore affluat faciendum relinquo; poterit ex hoc unico libro meo, facilè iusta duo volumina vestigijs meis, & solo firmo inhærendo, me faciem præferente, implere, sed præcipua tantum summam recensere; quod consilium in hac Vener. P. Laurentij vita sequar, & capita quædam referam, quæ in prædicta historia clari, & indubitatæ exemplis probantur, & ex processu Canonizatio- nis instructo leguntur. Natus est P. Laurentius Brundusij in Italia pijs honestisque parentibus, qui ablatum Infantem habitum S. Francisci Conventualium induerunt. Sexennis adhuc puer in Cathedrali Ecclesia Patriæ suæ conscendit suggestum, & prævio campanæ sonitu totâ ad miraculum confluente civitate, in peccata gravissimis invehitis detonabat. Adolescentiam ingressus vino & carnibus in perpetuum sibi interdixit, cilicio asperrimo præcinctus, omnibus festis diebus Eucharistiâ refici solitus, in oratione assiduus, in qua & sudore, & lacrymis dulcissimis perpluebat, nihil nisi DEUM, & divina Condiscipulis ingerens, idemque humilis, & sui contentor, apud omnes Sancti Adolescentis nomen est consecutus: Capucinorum deinde institutum amplexus, omnes virtutes priores suas ad perfectionem adduxit, studiis-

que

que Philosophicis, ac Theologicis cælesti potiùs auxilio, quàm humanâ diligentiâ perceptis, *concionandi munus* exorsus est; linguarum donum divinitus acceperat, & cùm latinam, hispanicam, germanicam linguam usu didicisset, postea sinè omni Magistro *Græcam, Hebraeam, & Chaldeam* peritè admodum loquebatur, adeò ut à *Clemente VIII. Romam* evocatus triennio *Judaïs Evangelium* prædicarit, plurimòsque lucrificerit Christo: Expetitus ab urbibus *Italia, Venetijs, Neapoli, Genue, Mantua, Papia,* & apud nos in *Bohemia Rudolfo II.* imperante, tum *Viennæ & in Ungaria, Bavaria,* cæterâque *Germania* concionando ex cœno peccatorum extraxit plurimos, & hæreticos ad Ecclesiæ gremium revocavit. Tantâ autoritate florentem *Laurentium* suæ Religionis *Præfecturæ* exceperunt: *Provincialis Minister,* tum *Coloniæ & Bohemiæ Visitator Generalis,* tandem in Comitij Generalibus *Generalis Minister* quantumcunque reniteretur, creatus est. Toto illo triennio omnes suæ curæ Provincias pedibus emensus, quanta itinerum incommoda, & quàm invicto animo superârit, Annalibus traditur; magno tamen hæc illi via stetit: nam & *podagra,* & frigus artubus, & nervis inimicum omnem postea corporis compagem labefecit. In regendo summus ejus amor in subjectos, invicta fortitudo, disciplinæ religiosæ observantia, sed prudentiæ conjuncta apparuit; augebatur *Vir sanctus* honoribus, & Procerum in se studia lacrymis diluebat. Quàm prudenter, & fortiter DEI spiritu agente negotia sibi commissâ tractârit, legationes *Laurentio* impositæ, à *Clemente VIII.* à *Paulo V.* ab Imperatore *Rudolfo,* à *Philippo III. Hispaniarum Rege,* aliæque momenti maximi, satis ostendunt. *Pragæ* in Conventu *Electorum Polycarpum Leiserium Prædicantem,* quem velut sectæ suæ Antistitem maximum, *Serenissimus Elector Saxo Pragæ* secum adduxerat, ad disputationis singulare certamen provocavit; præstitutâ die *Polycarpus* non comparuit, brevique post ingloriâ fugâ evasit ad suos; eo facto irritati hæretici, præsertim *Saxonica Legionis Præfectus,* necem *P. Laurentio* machinatus est, & conficisset negotium, nisi ipsemet sese obtulisset, & mirâ humanitate verborum sceleratam Præfecti mentem composuisset. A *Rudolfo Imperatore* ad auxilia à Principibus adversus *Turcam* impetranda missus, re ex sententia gestâ cum *Mathia Rudolphi* fratre Exercitus Christiani Duce in *Ungariam* descendit, & ante prælium ardenti cohortatione ad Milites præmissâ; Equo insidens, & Crucem præferens ante Acies conspicuus stetit, & victoriam precando adjuvit, certè & *Mathias,* & alij Duces, Victoriâ hanc insignem *Laurentio* non dubitarunt adscribere. *Charitatis* divinæ æstus, ejusque exempla tanta, & tam rara *Laurentij* vita suppeditat, ut si ea vel describere vellem, dies deficeret, *summa sequar vestigia rerum:* teneritudine divini amoris cruciatum calculi, & *podagræ* superante, non nunquam *duodecim horas sacrificans,* & Christo dulcissimè perfruens transigebat; elevatum in aëra *Laurentium* sæpius

Conciones
Laurentij
quàm utiles

Ubi locorū
concionat⁹
fit.

Munia ejus
in Religione

Morbi ejus

Regendi su
os dotes,

Legationes
Laurentio
impositæ.

Pragæ pro-
vocat hære-
ticū & pellit

Periculum
se offeren-
do vitat.

In Ungariâ
profectus
Victoriam
adjuvat.

Mirus DEI
amor in
Laurentio.
Pietas sacri-
ficantis.
Elevatur in
aëra.

Veneratio
Dei Matris

Donū pro-
phetandi.

Conventū
superbiū &
dificatū im-
precando
protinus in
terrā dejicit

Mors San-
cta Ven. P.
Laurentij.

Miracula
post mortē

ante *Canonem Missæ*, in eoque situ plures horas pendere vidit *Bavari Ducis Præfectus*; tum & lacrymæ profluebant ubertim, & sudor toto erumpebat corpore, & sacrum caput in *modum Camini* cujuspian fumabat. Ecstases, ut Spirituales Magistri appellant, erant frequentes; *DEI Matricolendæ* deditissimus, obtentâ a summo Pontifice facultate, *quotidie de B. Virgine Missam*, præcipuis per Annum festis diebus exceptis, legebat; *Christi de Cruce* pendentis cœlestis signum appensum collo gestabat assidue, *Castimonia, Paupertatis, obedientia, austeritatis, & patientia* innumera ab eo edita documenta referuntur; *Pragâ* ab hæreticis velut perduellis ejectus, compertâ innocentia, summo bonorum omnium gaudio revocatus est. *Spiritu Prophetico* claruisse virum multa demonstrant: *Victoriam* adversus *Turcas Mathie Archiduci*, *Philippo III.* Hispaniæ Regi mortem, *Annæ Imperatrici Mathie Conjugi* prolem, quam editura erat, mortuam fore; *Vincentio Mantuæ Duci* pœnam cœlestem (quæ non abfuit) locum suæ mortis *Ulyssipone* tanto antè prædixit. *Sanationes* ritè testimonijs firmatæ & nominibus locorum, & hominum consignatæ magno numero recitantur. Memoratu dignissimum est quod sequitur: dum *Generalis Magister Provincias* suæ Religionis visitaret, accessit ad *Conventum* quendam, cujus Cœnobium amplissimum, & contra morem Religionis illius sanctæ, sublimi structurâ elevabatur, *Laurentius* disciplinæ studio accensus, quærit: quis ædificij hujus architectus fuisset? & cognito fratrem illum jam suo fato defunctum, *Conventui* illi (ut *Scriptor* loquitur) *dirâ maledictione imprecatus est.* res mira! *Conventus* ille quamvis ad annos æternos exstructus videretur, firmissimâ compage, hæc maledictione velut ariete cœlesti percussus, ac penitus concussus protinus corruit, ipso *DEO* latam à *Laurentio* sententiam in *Lapides* exequente: sed jam tandem aliquando ad *Viri DEI mortem*, quam procul â nobis in *Lusitania* oppetijt, veniamus: *Neapolitani Regni Proceres* à Prorege suo miseris affecti modis, *Cardinalis Capucinorum Protectoris* imperio accedente, Legationem illi ad *Regem Philippum III.* imposuerant; coactus *Laurentius*, vitæ mirabiliter in itinere Proregis insidijs, ad *Regem*, qui tum *Ulyssipone* morabatur, pervenit; confecto sæliciter negotio, venerabilis Pater senio confectus, dyfenteria periculosè laborans, cum se ad exitum vitæ properare sciret, *Missâ* *quotidie* quinque primis morbi diebus devotissimè lætâ, Fratribus suis qui unâ venerant, mandata sua ad diversos exponens, cœlesti viatico communitus, & infirmorum oleo inunctus, in *Crucifixi DEI* amore, quem satis nutibus declarabat, placidissimè vitam absolvit Anno 1619. die *S. Mariæ Magdalene* circa Solis occasum. corpus in oppidum *Villæ Franchæ* ad *S. Clariæ* parthenonem devectum; Miracula plurima consecuta sunt mortem, præsertim in *Italia*, quibus adductus summus Pontifex *Urbanus VIII.* in hujus Sancti Viri virtutes, & res gestas, cum potestate jussit inquiri; quæ omnia sum-

ma-

matim annotata in *Historiam Ordinis* inserta, & ex ea adhuc contractiore stylo à me descripta fuere in laudem & gloriam DEI & servorum ejus, qui in *Vienna Domini Sabaoth in Regno Bohemiae* faeliciter laborarunt.

TIT: XLIX.

Wenceslaus Ssvihowsky è Societate JESU.

Natus est Illustrissimo Procerum Bohemorum sanguine, quos à *Regibus Przemyslais* descendere, omnes omnino Scriptores nostri veteres, novique consentiunt. Pater ei fuit *Ferdinandus Brzetislaus*

1610. 8.

Januarij.

Natales.

Ssvihovsky Dominus in Dobrziß; mater Anna Novohradska de Kolovrat.

Anno ætatis suæ vicesimo secundo *Societatem* ingressus, totum se virtuti, totum studijs literarum tantâ contentione addixit, ut in utroque par maximis Provinciæ viris haberetur; ejus rei argumento & *Vienna, & Praga* altiores scientias tradidit, & legitimo tempore quatuor solennia vota professus studijs Nostrorum primùm *Pragæ* præfuit, deinde etiam munus *Universitatis Ferdinandæ Cancellarij*, magnâ cum dignitate sustinuit. Sed virtuti, & San-

Munia &
Officia.

ctimonix plus datum à *Wenceslao*, quantò nimirum veriora sunt bona, quæ nos DEO gratos efficiunt, quàm ea, quæ vel suis hostibus sæpe DEUS concedit. *Mitissimi Patris* nomen apud Socios *Wenceslaus* obtinuit, idem cupiditatum omnium victor, nihil desiderabat magis, quàm contemni, id, si contingeret, gaudebat, id triumphabat; nunquam auditus est de Natalibus suis gloriari, aut *Illustrissimos Parentes* nominare, nec eam laudationem ab alijs profectam, nisi impatienter, audiebat; morbos, qui cum pluribus extremis annis exercebant, patientiâ, & silentio superabat, patientiam verò frequenti oratione ad DEUM roborabat; quoties procedebat in publicum, id magnâ cum modestia, & gravitate faciebat; sed præcipua viro autoritas in ardenti ad populum dictione fuit, quâ plurimas hominum centurias Christo, & ejus Ecclesiæ conciliavit; nec minùs colloquijs profectum, quibus illustres fæminas plurimas (qui sexus cùm ob mobilitatem animi vim argumentorum percipere non possit, obstinator in erroribus tuendis esse solet) ad Ecclesiæ partes traduxit; immortalia odia plurimorum, maximè cognatorum extinxit. Ob eam maximè causam, cùm *Horazdiovicium* Majorum suorum ditionem *Pragâ* excurrisset, in morbum gravem incidit, quo superatus, anno ætatis suæ 42. Societatis 20. Domini anno 1610. 8. Januarij evolavit in Cælum *Viri Apostolici* nomine ab ejus ævi senibus honoratus, præcipuè à *Ven: Patre Alberto Chanovsky*, illius *Bohemiae* partis *Apostolo*, qui si optio sepulchri daretur, sæpe dicebat, optare se ad pedes *Patris Wenceslai* ossa deponere. Sepultus est *Horazdovicij* in Ecclesia Civitatis ante Aram summam, marmore altè à solo elato, ut absentibus nostris, Amici jusserunt.

Virtutes.

Fælicitas in
Conversio-
ne hæretici:Mors & Tu-
mulus.

In hist. Pro
vin. Boh.

In Institut.
Orat.

Porro ab hoc initio egregiæ Nobilitatis Juvenes Societati nomen consequen-
tibus annis dederunt in *Bohemia, Moravia, Silesia*, sed in *Bohemia* præcipue,
ut mihi, qui eorum nomina alibi percensui, duas paginas impleverint;
præcipui fuere: *Kolovratæi Libsteinskij duo; Wratislavij, Wrtbæi, &
Wrbnæi duo; Spinolæ, Dietrichsteinij, Breüneri, Berce, Waldsteinij, Ssva-
benskij, Grodecij, Preckvicij*, pluresque alij superstites, qui (ut in re simili di-
xit *Quintilianus*) olim nominabuntur, nunc intelliguntur. Quæ de *P. Wen-
ceslao* attulimus, ex *Theophili Cristecci Collegij Pragensis Rectoris* memorijs
ad An. 1610. sunt excerpta.

TIT. L.

Sabina Wratislaviana tredecim annorum Puella.
Wenceslaus Sternberg sexennis, miræ in tenera
hac ætatula pietatis puer. Ursula de Lobko-
wicz Matrona Christo Crucifixo devo-
tissima.

1597.
De Sabina.

A Periam simul hoc loco scenam, quod ajunt, manu alterâ, simulque
alterâ claudam: Sabina, quam primo loco nominavi, incorrupta hodi-
que, ac viventi similior in *Gerziez in Provincia Reginohradensis*
spectatur; innocentiam, pietatem, ipsius misericordiæ præcordia, cæterasque
virtutes jam libro tertio C. 18. §. 1. habes à nobis commemoratas; hinc satis
est innuisse, nè eadem otiosè repetendo fastidium pariamus legentibus.

1615:
De Wenc. à
Sternberg.

Ex eadem caussa prætermitto *Wenceslaum de Sternberg Adami Bur-
gravij Pragensis* filiolum, de quo mira traduntur; manus boni pueri (ita ap-
pellant) hodiæque incorrupta perseverat. Vide, quæ jam de eo scripsimus
Lib. *Miscellaneorum* III. C. 18. §. 2. quæ repetere supervacaneum est.

In Aust. Ve
stigiij Boh.
Pia ad C. 8.

Ursule Lob
kovicianæ
pietas in
Crucifixo
Dominum.

Jam quæ sequuntur fide, & verbis *Joannis Tanneri* nostri ex *Vestigio
Bohemie Pie*, ejusque *Auctario* describo: Ursula ex *Illustriissimo Lobkovici-
orum stemmate*, Parentum nostrorum memoriâ, magnæ virtutis, & Sanctitatis
femina, nupta cuidam *Domino Plesky Baroni* in *Moravia* solita se quotidie in-
certum quodpiam Christi Domini vulnus commendare, multa à *Demone* passa
fuit adversa. Quadam nocte cum ei mortem minaretur, illa verò minas ejus
flocci faceret, negaretque eum ejus rei habere facultatem adversus eam, quæ se
DEO eâ die in vulnus manus dextræ Christi Domini commendasset, arrepto
Demon cervicali, eam suffocare conabatur. Cumque illa nihilominus spem su-
am totam in DEUM collocaret, victus *Demon* aufugit, ita tamen, ut prius pe-
stilenti aliquo halitu faciem ejus afflaret, ex quo vultus ejus postea graviter in-
tumuit. Eo autem ipso, quo eam *Demon* deseruit, momento, cum illa levasset
oculos

oculos, magnâ vidit luce splendidam super se dexteram protegentis instar extensam. Aliàs cum in prædio suo deambulare, contigit, ut locum accederet, in quo effusum quidpiam humoris fuisse advertebatur, quam effusionem quotquot gallinæ transibant, aut anseres, mox in vestigio exstinguebantur; monita igitur illa ab ancillis, ut locum caveret, cum nihilominus facto signo sanctæ Crucis transivisset, mox, non quidem exanimis, corruit tamen, atque in lectum est relata, membris, nervisque omnibus contractis, atque hoc in morbo tribus annis, ac mensibus sex ad obitum usque mirâ patientiâ decubuit, mamillâ dextrâ sanie, ac tabo itâ corrosa, ut interiora pectoris apparerent. Cùmque ei per magica quadam valetudinem promitterent, adduci non potuit, ut nefaria ejusmodi medicamenta admitteret. Extrahebantur autem ex illo vulnere varij capilli, & pili, ac carbones, cortices, aliæque ejusmodi quisquiliæ, ut facillè appareret, morbum illum magicis incantationibus ei fuisse procuratum. Sed quod in hac re fuit admirabile: lignea, quam Domina illa habebat, Crucifixi effigies, quasi doloribus ejus condoleret, quoties ipsa acerbius cruciaretur, agebat & ipsa in vulnere lateris pus, & saniem ostendebat, atque ex sacratissimo illo vulnere, etiam similia capillamenta, aliàsque quisquilias emittebat. Sacrum Missæ Sacrificium coram ea moribunda celebravit P. Andreas Neubaur Societatis JESU Praga ad S. Clementem Germanicus Concionator, Vir ab opinione Sanctitatis celebris, ubi illa, postquam Sacratissimam Hostiam elevari aspexisset, mox exclamavit: Jam D. DEUM meum vidi, nec amplius quidquam video. Et sic cæca eadem die obiit. Crucifixum illum eidem Patri donavit, qui nunc asservatur apud Illustrissimam Comitissam Mariam Eleonoram de Nostitz, natam de Lobkovicz, cui eum ad vitam commodavit Virginum Monasterium Regium Vienna Austriae, in quod Monasterium illatus est à dictâ Domine privigna Domini Plesky ex priore Conjuge Filia, dum Monasterium illud, & Religionem est ingressa.

Magicè procurata ægritudo.

Obitus ejus.

TIT. LI.

Venerabilis Pater Petrus Torrentinus Societatis JESU.

Vixit in Provincia Bohemiæ Societatis JESU annis plurimis, anno ætatis suæ septuagesimo, sæculi 1613. 5. Januarij cunctus Petrus Torrentinus natione Brabantus, de quo mira, & à senibus nostris audiivi, & in Annalibus & scriptis memorijs annotata invenio. Vir erat, nunquam in suo sensu abundans, & quamvis & Collegia Rector, & Juvenum contubernia, & Tirones rexisset, & alia quæ prima nobis sunt, munia gessisset, magnam esse partem prudentiæ existimabat, imperia sua subditorum ingenijs accommodare, ut semper & omnia volentibus, & promptè jussa recipientibus imperaret. Hanc prudentissimam animi, morumque, & imperiorum mo-

1613. 3. Januarij.

Mira ejus in regendo suavitas.

Perpetua
DEI præse-
tia.

Incorrup-
tio corporis

Vaticinia.

destiam comitabatur jugis DEI, ac cœlestium rerum memoria; *Divæ Vir-
ginis Rosarium*, ut vocamus, manu tenens, velut Marianæ pietatis insigne,
aut illud, aut tale aliquid cœleste revolvebat animo, tantâ plerumque dulce-
dine pietatis, ut *JESUM*, & *MARIAM*, velut præsentés ante se allo-
quens, & responsa eorum quodammodo audiens, cum neminem adesse cre-
deret, in svavissimum, & cœlestem quendam risum solveretur. Sæviebat
in se miseris modis, (quod sanctis, & innocentissimis hominibus usitatum
fuisse gesta eorum ostendunt) virtutem hominis ad nostra usquē tempora in-
corruptione corporis divinitas approbavit. Vidi hisce oculis in *Tumulo
Brunæ*, ubi decesserat, præter quod nigredinem situ contraheret, cætera in-
corruptum; quotannis abstergere lurorem illum madidis linteolis, & cum
circa eum omnia computrescerent, illæ sâ semper carne & cute, novis vesti-
bus *Torrentinum* induere *Socij Brunenses* solebant, cujus ego laboris A. 1637.
adjutorem me fuisse gaudeo: venter boni *Patris* tum adhuc integer, tume-
bat, in dextro pede vulnusculum, quâ viventi pedum stillabat humor, ut *Se-
nibus* contingit, hiabat adhuc; sui corporis cruciatus *P. Petrus* Animabus è
Purgatorio ad se turmatim, idque, ut constat, læpnumero venientibus, &
poscentibus opem, donabat. Divinitus *P. Petrum* multa prædixisse constat,
celebris est prædictio de *P. Wenceslao Pillar*, quam in hujus encomio attuli.
Narravit mihi annis abhinc tribus, & quadraginta Vir Apostolicus è Societa-
te nostra *P. Joannes Drachovius*, Patri *Petro* cœvus, quàm plurima miracu-
lo proxima, inter quæ illud, cum in pistrino *Brunensis* nostræ *Domus* exortus
ignis magnum malum daturus esset, accurrentibus alijs post alios properè *Ti-
ronibus* ad *Magistrum*, & *Rectorem*, qui tum alio labore districtus, orabat,
aut nescio quid legebat in cubiculo, & ardere clamantibus, *Torrentinum* se ni-
hil movisse, sed ridenti vultu respondisse: *Si ardet, extingvite!* tandem fi-
nito labore, quasi per otium surrexisse, & gradu nihil concitato in rem præ-
sentem ad incendium venisse, & sublati in cœlum oculis, manu *Crucis* signo
formato, imperasse flammis, & momentò flammam omnem extinxisse. Plura
ejusmodi Senes narrabant. Vide *Annales Brunenses* ad An. 1613.

TIT. LII.

Joannes Lohelius Archiepiscopus Pragensis ex Ordine Præmonstratensi.

1622.

LohelijPa-
tria & edu-
catio Teple

Joannem Lohelium Archiepiscopum Pragensem nondum quidem Ecclesiæ
authoritate, bonorum tamen & doctorum Virorum pietate, & cōmuni
omnium sensu, Beatum, & Sanctum nominari sapius audimus & legi-
mus. Natus erat superiore sæculo in *Regia Urbe Egreſsi* honestis parenti-
bus, primis studiorum puerilium Elementis avidè perceptis, altiorum disci-
plina-

plinarum excitata in Juvene sitis est, adeoque *Teplam*, ubi latinitas docebatur, nobile illic viciniae *Premonstratensium Cœnobium* se contulit; cereus erat ad omnem pietatem animus *Lohelio*, flammæus, & acer in literis, itaque legitimam assecutus ætatem admitti inter Religiosos petijt, impetravitque. Abbas loci *Murregius* vocabatur, qui ingenij acrimoniâ & fœlicitate in Juvene satis exploratâ *Pragam* ad Academicos & *Contubernium Convictorum* ad reliquas scientias percipiendas *Joannem* ablegavit; frequentabant *Scholas Societatis* tam altiores, quàm etiam Humaniores, ex diversis Ordinibus Religioforum quàm plurimi Juvenes egregij (qui mos usquè ad nostra tempora nondum excitato ad altiores Scientias Archiepiscopali Seminario, pervenit) tamen nullus erat in quo *Magistri* acquiescerent magis (quorum est nosse, & tractare ingenia) quàm in *Lohelio*. *Edmundum Campianum* in Rhetoricis, deinde in Philosophicis quoque *Magistrum* audivit, tum alios Viros doctissimos; Theologiâ perceptâ domum revocatus, paulò post *Prioris* apud suos munus delatum invitatus & renitens accepit. prudentia, doctrina, morum sylvitas, ac præcipuè vitæ Sanctimonia breve ad honores iter *Lohelio* fecere: à *Strahoviensibus* primùm *Pragam* ad *Insulas Abbatiales* postulatus ascendit, statimque disciplinæ Religiosæ ad leges ordinis conformandæ totus incubuit, cùm id fœlicissimè processisset, supremi totius Ordinis Generalis autoritate, ad visitanda *Bohemiae*, *Moraviae*, *Silesiae*, *Poloniae*, *Ungariae* Cœnobia cum potestate missus est, eoque munere defunctus in *Bohemiâ* redijt fœlicissimo ubique ad votum omnium negotiorum successu. Mirabatur jam tum Viri Sanctimoniâ captus indefessos *Lohelij* labores Augustissimus Imperator *Rudolfus*, honoribusque Virum augere constituerat: itaque cùm *Sbignaus* laudatissimus Præsul Clero *Bohemiae* reformando intentus Synodi celebratione distineretur, *Lohelium* ei pro *Suffraganeo Episcopo* commendavit: gratum id *Sbignæo*, nec mora *Sebastensis Episcopus* nominatus est, præcipuamque *Sbignæo* egregio Præsuli in omnibus Ecclesiarum curis operam navavit. A. 1605. *Sbignæo* Præsule è vivis sublato, & *Carolo Lambergio* successore nominato, & à *Paulo V.* confirmato, prioris Archiepiscopi *Joannes* pressit vestigia, & quia *Lambergius* morbo domi detinebatur assidue, unus omnia Archiepiscopalia munia sustinebat, quæ, ut cum majori dignitate obiret, Divis ac hominibus volentibus, *Rudolfo Cæsare* potissimùm, *Coadjutoris* oblatum titulum coactus admisit, brevique (Anno videlicet 1612. *Lambergio* in *Offecensi Cœnobio* extincto) rursus Pontifici commendatus, confirmatus, denique *Archiepiscopus Pragensis* consecratur. Omnes tum illorum temporum calamitates sub *Matthia*, & *Ferdinando II.* postea *Friderico Palatino* Regnum turbante, in se contortas fortissimè tulit; exilium trienniò pertulit, postmodum à *Ferdinando II.* Hæreticis in Albomonte prostratis, summo honore *Pragam* ad gregem suum Pastor optimus revolavit. ætas decrepita segnem Archiepiscopum

Scholas Societ: frequenter, Philosophiâ & Theologiam.

Fit Prior Teplæ.

Abbas Strahov: deinde Visitator Ordinis cõstituitur.

Nominatur Suffraganeus Episcopus.

Virtutes Lohelij maximæ.

Quædam
Miraculis si-
millima.

pum fecerat, nisi divinæ gloriæ inflammatus ardor, & curæ Ecclesiarum, & tempus agendi stimulos addidissent. ante omnia toto *Bohemiæ Regno Mystas hæreticos* pelli procuravit, tum ad Regni Comitia advocari Ecclesiasticum statum, & primam in sententijs, & sessionibus dignitatem, ducentis propè annis post, quàm hæretici eos depulerant loco, obtinuit; aliquam partem ditionum Ecclesiæ suæ recuperavit, neque dubium erat, si longius vivere contigisset, effecturum fuisse, ut (cùm in manu Cæsaris Victoris essent omnia) & Archiepiscopales, & Ecclesiarum, & Cœnobiorum pleræque ditiones (quod erat facillimum) sine imminutione ad veteres Dominos reditura fuissent. Obijt Sanctissimus Præsul in his studijs, & in Juribus Ecclesiarum repetendis An. C. 1622. 2. Novembris. Fuit Vir Orationis, & abstinentiæ maximæ, divini honoris, & religionis proferendæ studiosissimus, legum Ecclesiasticarum, Jurium, & Imunitatum defensor acerrimus, moribus inter hæc suavissimis, lenis semper ac placidus, Sanctorum Præsulum sumus imitator, adeoque *Pater Pauperum* vulgò dictus, denique ad sanctimoniam leges totus factus & factus. Nec miracula, ac miraculis simillima eventa (quibus Servi sui merita comprobabat DEUS) defuisse narrant testes omni exceptione Majores: cœlestem Musicam audivisse orantem; pecuniam quam egenis daret, divinitus suppeditatam; aviculam, quam ægrotus optaverat, alieno tempore in conclave involasse; cùm *Pragâ* ab hæreticis proscriptus *Vien-næ* in exilio degeret, ac *Pragæ* interim in Metropolitana Ecclesia nocte apparerent lumina, & cantus Sanctorum audirentur (ut post alios in *Phosphoro* suo commemorat *Pessina*) & curiosi quidam è Catholicis per Januarum rimas observarent, visos esse SS. Patronos *Bohemiæ* ab Altari summo procedere, interq; eos agnitum *Joannem Lohelium*, qui *Te DEUM laudamus* intonaret. plura ejusmodi miracula, aut miraculo vicina in M. S. Elogio, quod *Abbati* suo *Præmonstratenses* scripserunt invenio; quædam in Oratione funebri leguntur; citatur etiam *Calendarium Germanicum B. V. in Bavaria* impressum, & Bibliotheca *Præmonstratensium*, quæ postrema non vidi. Sed *Lohelij Epitaphium*, quod ad ejus *sacrum Tumulum* legitur, dignissimum est excerptu, idque sic habet:

D. O. M.

M E M O R I Æ

ILLUSTRIS: & REVERENDISS: SACRORUM PRINCIPIS
D. JOANNIS LOHELII.

Epitaphiū
Lohelij Ar-
chiep: Prag:

Quem Egra Civem, Ordo Præmonstratensis Teplæ Professum, hoc Cœnobium Præsulem & Restauratorem, Disciplina Assertorem, Monasteria hujus Regni & Pannonici & Sarmatici titulo Vicarij Generalis Inspecem, Sebaſte Armeniorum Episcopum, Praga deniq; è Suffraganeo & Coadjutore habuit Archiepiscopum, quem ob mores & pietatem etiam per duelles Hæretici admirari debuerant & colere

lere, Virum antiquæ fidei, meri Candoris, ardentis Zeli, effusa Charitatis, Sanctæ modestiæ, curæ pervigilis, laboris in vinea Domini inexhausti. Qui grassante impiâ factione triennium ob Christum exul, sedi cum gloria redditus, ab invictissimo Casare Ferdinando II. Luporum ab ovili suo expulsionem, Ecclesiarum omnium in manum Archiepiscopi restitutionem impetravit, & effecit ut bona quæ dudum hæretico tenebantur invasore, Archiepiscopum Dominum suum resalutarent. Tandem dierum, operumque plenus, sensuum adhuc ut animi integer, JESUM ingeminans, JESU meritis ipso animarum die Anno Christi MD. C. XXII. suo LXXIII. Cathedræ X. in paratam sibi requiem translatus est, magno sui desiderio, & eximia sanctitatis opinione apud omnes relictâ.

Hic sepultus.

Successor in Abbatia Casparus à Questemberg, & Religiosi Conventus Strahoviensis Filij Domino Archiepiscopo Patri suo, nunc Intercessori dignissimo.

P. P.

An. M. DC. XXVI.

TIT: LIII.

Wenceslaus Pillar è Præposito Cathedralis Ecclesiæ Olomucensis Societatis JESU Tiro, deinde magni nominis Concionator Pragæ ad Salvatorem.

E Questris apud Moravos ortus loco Wenceslaus Societati JESU juvenis nomen dedit, in qua studijs omnibus egregiè excultus, & Sacerdotio initiatus, accedente naturâ, ad summam dicendi gloriam brevè pervenit; sed ea res in perniciem vertit: nam cum Proceres Moravos haberet in potestate, & ad summos honores æterni sibi, & muniri viam videret, cupiditati succubuit, & ex Societate, quamvis ab ea benignissimè haberetur, varijs inventis coloribus, missionem bonam extorsit. Nec eum sua post discessum spes fefellit: certatim in eum omnes congerebantur honores: *Canonicus* primùm Ecclesiæ Olomucensis, tum *ditionum Capitularium Præfectus*, quo in munere integritatem suam omnibus probavit, Oeconomie singulari peritiâ, duabus *Canonicorum Residentijs* exstructis; neque ita terrenis se rebus immergit Wenceslaus, ut doctrinæ, & virtutis curam omitteret: certè *Franciscus à Dietrichstein* Cardinalis, & *Episcopus Olomucensis*, maximus ingeniorum, & vitæ explorator, *Vicarium* pro se in *Spiritualibus Generali*, ac totius *Episcopatus* *Officiale* constituit, cum paulò antè *Præpositi Cathedralis* dignitatem omnium votis, & plaussibus adiisset. Nihil huic Viro aliud propositum esse videbatur, quàm Religionis splendor, & dignitas, Justitiæ defensio, &

1629. 5.
Januarij.

Genus.

Ingressus in
Societatem
& exitus.

Zelus & Ju
stitiæ rigor.

Foundation:

S. Greg. l. 3.
Dial. G. 31.Reditus ad
Societatem

bene de omnibus merendi voluntas; certatim ultimis voluntatibus, ut subscriptor, & defensor adhibebatur, quo nomine *fundationem pro Sacerdotibus Moravis in Convictu Olomucensi Martini à Greifenthal* periclitantem sustinuit, erexitque. *Societati JESU* deditissimus in Collegij inopia complures sumas mutui nomine dedit per partes, postea donavit omnino, quæ sumæ aliquot florenorum millia confecerunt. In *Ecclesia Collegij Olomucensis* pretiosum *Altare S. Ignatio* statuit cum imagine venustissimæ artis. Eidem *Ecclesiæ* sex majora ex argento *Candelabra*, tum *Imaginem DEI Matris* ex ære, pretiosis exuvijs *Indulij Virginiei* impositis venerandam donavit. In *Cathedrali Ecclesia S. Ignatij Lojole* festum diem solenniter quotannis celebrandum instituit, grandiorum campanarum sonitu, Sacro cantato, portionibus Canonici præsentibus liberaliter distribuendis. Frequentissimè, etiam *Præpositus* dicebat ad populum, tantâ contentione, & vi argumentorum, ut in nullo sophismate hæretici possent consistere; quæ res odium maximum Viro concivit, fuitque inter primos, quem hæretici An. 1619. *Olomucij* adorti, in custodiam darent, & verbis compositis, in partes *Friderici Zephyrij Regis* trahere conarentur; quæ *Præpositi* constantia (brevi secutâ in *Albo monte* clarissimâ victoriâ) plurimum contulisse dicitur, ut gratissimus *Cæsar* glorioso, & perennaturo titulo *Capitulum Olomucense Fidele* jufferit appellari. At *Wenceslaus* noster veterum suorum votorum in Religione non immemor, monitore interno nunquam quiescente, quacunque ope posset, ad *Societatem JESU* reverti constituit, tantoque (ut de *S. Hermenegildo Martyre magnus Gregorius* loquitur) *sublimius gloriam transeuntis mundi cæpit despicere, quanto & religatus* (excubijs nuper, & custodijs vallatus) *agnoverat nihil fuisse, quod potuerit auferri.* Diu, multisque annis continuatis precibus, tandem interventu maximorum *Ecclesiæ* capituli receptus, *Brunam*, ac deinde *Leobium* (quo *Brunâ* Tironum deducta primùm Colonia fuit) ire jussus, tantum ibi certamen cum teneris illis, & vel ob ætatem innocentibus animulis Vir tantus suscepit, ut in animi modestia, ac submissione, in studio amoris proprii edomandi, in obediendi, & parendi facilitate, in vilissimis, & mediastinorum proprijs in culina laboribus, præsertim ollis nigerrimis æreis gravissimis ferè quotidie fricandis, lavandis, tergendis, omnes omnino superaret, & peritissimus, & ejus operis princeps, judicio *Cocorum* haberetur. Biennio *Tyrocini* expleto, votis solennibus *DEO*, & Religioni adstrictus, *Pragam* ad *Conciones Bohemicas in Ecclesia Salvatoris* habendas mittitur. Nutabat tum *Praga*, & paulò antè *Prædicantibus*, ut vocant, Urbe ejectis, multi Civium aut sequi suos parabant, aut hæresin fovere in pectore nunquam deponendam apud se statuerant; utrisque salutis fuit disertissimi hominis oratio, & qui fortunarum omnium exulando, & animæ insuper naufragium fecissent, utrumque servârunt navigantes in portu; quorum ingens numerus fuisse dicitur.

Me-

Memini narrantes Senes, cum jejunia Ecclesiastica Populo svaderet, protenso aqualiculo rogasse ventrem: quibus olim *Canonicus*, ac *Præpositus* cupedijs pasci, & nutrir solitus esset? cumque quotidianas delicias eloquentissime descripsisset, tum quaesisse, quid jam secum fieret? coepisse deinde ventrem suum solari, explicare, quæ præmia eum manerent, quam angusta ad cælum via foret, aliæque ex interioribus, ac Divinis literis petita; tum auditores ad imitationem sui invitare. omnium sensus fuit, plus illâ dictione ad jejunium & abstinentiam à carnibus profectum, quam omnibus *Consulum* minis, & pœnis profici potuisset. In eo concionandi munere cum occupatur *P. Wenceslaus*, ad componendas nescio quas lites, quæ ejus præsentiam poscebant, *Olomucium* (cui *Collegio* tum egentissimo summam aliquot millium Societatem reperens assignarat) ad aliquot tempus *Pragâ* missus, contracto ibi gravissimo morbo, Sacramentis omnibus summâ suâ voluptate communitus, vitâ excessit An. 1629. 5. Januarij, ætatis 60. postquam ultimos octo annos, ut priores non memorem, Sanctissimis exemplis traduxisset. Hæc ex *Annus Olomucensis Collegij* descripsi. Narravit mihi Senex è nostris, quidquid à labore parandi Conciones vacuum haberet *P. Wenceslaus*, orationi, & colendo diligenter horto Collegij impendisse; eoque *Olomucij* mortuo, *Pragæ* unam, quam maximè diligebat arborem, intempestivè effloruisse. Vidi A. 1635. in Collegij *Olomucensis* funerali crypta Senis optimi corpus, capillis, & barbâ ex rufo jam canescentibus, plenâ, & rotundâ facie, quod integrum esse existimabam, cum nescio quo, (qui mecum aderat) satis leniter spirante, propè totum corpus in albos cineres mutatum, & momentò difflatum avolavit in auras, ossibus solis remanentibus.

Jejunium
quomodo
Auditorib.
svaferit.

Obitus.

TIT: LIV.

Ven. Pater Dominicus Ruzola, Ordinis Carmelitānorum, quos Discalceatos appellant.

Bilbilis Urbs Hispaniæ Patria Dominico fuit, Viro, hac ætate sanctimoniâ & rebus gestis clarissimo; quem quisquis ignorat, ignorat *Victoriam Pragensem* in *Albo Monte* de hæreticis partam, quæ una *Bohemiā*, *Moraviā*, *Silesiā*, *Austriā*, *Ungariā*, cæterāsque omnes Provincias, DEO, Religioni, ac legitimo Regi *Ferdinando II.* restituit. Utar compendio, atque ut hæcenus feci *summa sequar fastigia rerum*: nam mihi in hoc opere propositum non fuit vitas & gesta omnia *Divorum* Nostrorum pertexere ac percensere; erunt qui majore otio, & tempore abundantes hæc sibi facienda sument, mihi restat adhuc *magnum maris æquor arandum*; multa sciens omitto: ut si quis eadem forte conari velit,
Habere possit aliquid operis residui

1630. 16.
Febr.

Phœdrus
Angu. Caf.
libertus. in
fabulis.

Natales Do
minici.

Visiones
gravidae
Matris.

Cum Ange
lo familiari
tas.
Ingressus in
Religionē.

Fit Genera
lis sui Ord:

Mittitur Le
gatus in
Germaniā.

Imago B.
Mariæ de
Victoria.

ut canit Poëta; jam ad rem: Natus igitur *Dominicus* est, ut modo dicebam, in Hispania, *Bilbili* apud *Celtiberos*; duo Matri cum uterum ferret, *Dominico* gravida, visa cœlestia sunt oblata; prius: videbat habere se *Puerum* ardentem faculam ore ferentem, mox toto orbe retia expandentem; alterum, non dormienti sed vigilanti sæpius contigit, cœlestem Musicam audire personantem, & suavissimos ultra humanum modum odores persentiscere. Nullā interpretatione res eget, si vitam *Dominici* inspicias; nec illud miraculo vacat: sine ullo Matris dolore editum in lucem esse; hæc materna sunt. At *Dominicus infans* Sabbathinis diebus semel tantum in die Lac maternum sugibat; *Puer Angelum Magistrum* habuit, qui orare *Dominicum* docuit, à quo etiam postea toto vitæ cursu excitabatur è somno. Decimo quarto ætatis anno *adolescens Carmelitanum* ingressus est *Ordinem*, in quo duodeviginti annos exegit sanctissimè, tum primùm arctioris vitæ desiderio ad *Discalceatos Carmelitas* transivit; his initijs & vitæ arduæ progressionibus reliquæ omnes Viri hujus sancti actiones usquè ad senectam ultimam responderunt. Posthæc (ut virtus seipsam semper auget & perficit) cupidò incescit *Dominicum* subeundæ pro Christo mortis: impetrarat à Majoribus ad *Barbaras Gentes* profectionem, ac prius *Romam* adire, & à *Summo Pontifice* facultates ad hoc Apostolicum munus necessarias obtinere statuerat; res tota *Roma* cōmutata est: nam cum per id tempus Comititia de *Summo Ordinis Magistratu* seu *Generali* haberentur, omnium concordibus Votis electus est *Dominicus*, quod onus, & si conaretur excutere, victus omnium precibus tandem accepit, & laudatissimè gessit. Inter hæc acerrimum hæreticorum adversus *Religionem Catholicam* in *Bohemia* bellum exarsit; *Dominicus* protinus in *Germaniam* à *Gregorio XV. Pontifice* missus, ad *Maximilianum Bavariæ Duce* accurrit, cui Sanctimonia vitæ & cœlesti Sapientiā conciliatus, divinā providentiā suaviter omnia disponente, in *Bohemia* adversus hæreticos Exercitum ducenti, *Comitem* se addidit. *Strakonicj Bohemiæ Civitate*, Christi & Matris *DEI* imaginem nactus (in qua Christo & Matri oculos hæretici Milites eruerant) eo spectaculo intimè cōmotus, jam tum spiritu divino intus agente ad cladem, & mortem hæreticos damnabat; hanc *Imaginem* in omnibus bellorum periculis sociam adsciscibat sibi, hanc sublimem velut cœleste *Palladium* Catholicis ostentabat, simul efflagitans, ut *DEI Mater*, cujus Majestatem in imagine læsissent hostes, debitas pœnas repeteret, & injuriam vindicaret; hæc illa est sacra Effigies, *Maria de Victoria Albomontana*, in qua *DEI Matrē Dux Bavariæ* primùm, deinde etiam *Roma* honoravit, festoque ac celebri quotannis in *Ecclesiis RR. PP. Carmelitanum* cultu quotannis consecrat, recolitque. In decretorio illo ad *Pragam* prælio, quo omnes hæreticorum vires fractæ conciderunt, *Dominicus Catholicorum aciem* obequitans, alterâ *Cruci affixi Domini signum*, alterâ hanc *Divæ Matris effigiem*, quæ scintillare

tillare & cœlestes quosdam radios effundere videbatur manu præferens, alternis modò *filium*, modò *Matrem* pro Catholicis precabatur, modò ipsos Milites alloquens, ut res poscebat, ut fortiter pro *DEO*, & *Religione* pugnarent, verbis flammis, & ut ita loquar, amentatis hortabatur; quæ res Catholicis incredibiles animos addebat, hæreticos mirum in modum percellebat, sic, ut optimi Scriptores, ac nominatim *Brachelius* existiment: hanc piam Beati Viri *Dominici* audaciam maximum ad *Victoriam* attulisse momentum; suntque ob rem prospere gestam ab *Electore*, cæterisque *Ducibus* actæ *Dominico* gratiæ. At *Cæsar Ferdinandus II. Viennam* venientem summo excepit honore, & in intimam amicitiam admissum, coluit ut Patrem; sed jam tum *Dominicus* sanctam suam quietem respectabat, rediitque ad suos in *Hispaniam Turriasensem* totius Urbis occursum salutatus; neque tamen diu cœlesti illo otio frui licuit. quippe *Ferdinandus Imperator* accuratis precibus ab *Urbano VIII.* impetravit *Dominicum*, cujus imperio *Viennam* reversus ex *Hispania* A. 1629. Aulam universam sanctimoniam suam prius famam, postea etiam veris virtutibus implevit, sed ætas ingravescens paulatim humana illi omnia subtrahere cœpit; præsertim cum *Dominicum* post tot labores ad capienda præmia ad se divinitas evocaret; paulò post adfuit Morbus, in quo sese ad mortem solitis Sacramentis, aliisque Sanctorum modis *Dominicus* comparavit: dum *Sacrum Viaticum* sumeret *Imperator* flexis genibus linteum, ut mos est, suppositum tenuit, præsentibus Aulæ Proceribus (nam in ipsa Viennensi Aula Senex moriebatur) post ecstases, & cœlestes raptus duos (quorum alter biduum, alter octiduum tenuit, in quo à *DEI* Matre aspectabili visitatus & recreatus est) post prænunciatum Mortis diem, postquam *Imperatorem* præsentem ut pacem Italiæ daret, exorasset, An. 1630. 16. Februarij Mensis, evolavit in cœlum, vultu post obitum miram venustate, & gratiam renidente. Plura de Gestis & Virtutibus Viri Sancti adferri potuissent, si integrum volumen, quod de *Dominici vita* *Caramuel de Lobkovicz* scripsit, habuissem ad manum, quæ verò attuli, magnam partem ex *Paradiso Carmelitici Decoris* Authore *M. Antonio Alegre* descripsi.

In acie gestatur à *Dominico*.

Brach. in hist. eor. temp.

Ferdinando II. gratissimus fit Dominicus.

Morbus & mors *Dominici*.

TIT: LV.

R. P. Jacobus Geranus Societ: JESU.

Dici non potest, quam Sanctimoniam opinionem ex veris, & non adumbratis virtutibus, hujus sæculi initio apud *Pragenses*, præsertim Proceres, & Nobilitatem Bohemam collegit *P. Jacobus Geranus* Soc. JESU. Natus erat in Silesia (quidam in *Bohemia* natum affirmant) A. 1558. in Julio, Societatem An. 1575. 2. Julij ingressus, in qua pleraque honorata munia *Pragæ* in publica Regni luce gessit, Regens Convictus Nobilium

1630.

Patria.

propè quinquennio, *Vicerektor*, Concionator, Præfectus Spiritûs Collegiorum, ac denique septemdecim ampliùs annos Rector, eodem semper vitæ sanctæ tenore, nisi quòd aliæ quædam sunt, quibus diversæ hominum ætates

vita juvenis commendari solent virtutes; in *Juvenili* vitâ *Jacobus* modestiâ, puritate prorsus Angelicâ, parendi studio, & dulci pietate inter condiscipulos eminebat; *virilem ætatem* fortia quæque agendo, & patiendo, & omnia ad DEI gloriam consilia, & conatus referendo traduxit; *senex*, contra ejus ætatis morem, minimè rigidus censor, semper cum summa comitate hilaris, nihil sibi unquam indulgens, & singularia omnia, quæ Magistri vitæ cælestis cavenda præcipiunt, procul à senectâ sua removens, quamvis bene dictum sit à Poëta: *Multa senem circumveniunt incommoda*. Mirè ejus sîvavitas, & in gubernando charitas commendabatur, quibus virtutibus fretus à subiectis nihil non impetrabat. Idem in negotiis gerendis fortis, & imperterritus, si quando præsentiam res posceret, arrepto pileo, baculo, Breviario, Rosario B. V. (quod continenter domi & foris sinistrâ gestabat orando) iter etiam longum pedes suscipiebat, DEOque negotij exitum commendabat; quod si ut optarat, non procederet, de animi tranquillitate amittebat nihil, perinde, ac si nunquam quidquam ea de re cogitâisset. *Lobkovicz* Proceribus universim (quorum autoritate, & potentiâ, imò etiam opibus, velut columnis *Ecclesiæ Catholicae in Bohemia* eo tempore sustinebatur) deditissimus fuit *P. Geranus*, ideòque parum abfuit, quin iisdem turbis, quibus *Georgius de Lobkovicz* oppressus est, involveretur, *Rudolfo Casare* à malevolis concitato. Itaque judicialiter ab *Archiepiscopo Lambergio* examinatus, & miris quæstionibus fatigatus (quas meminime legisse) penè eversus est, nec *Casaris* decreto licuit ei *Pragâ* pedem efferre, etsi tum ex *Officio Rectoris* Congregationi Provinciali, quæ in *Moravia* habebatur, interesse oporteret. Totam hanc procellam, & atrocissimam de se *Casaris* suspicionem patientissimo animo tulit *P. Jacobus*; nec unquam auditus est queri, donec tandem dies ipsa innocentiam Patris aperuit, præsertim jam vitâ functo *Casare*, cum *Eva Georgij Lobkovicz* filia, Matrona literis omnibus, etiam latinis excultissima, publicè professâ esset, *Apologiam pro Parentis sui Georgij defensione* abs se esse scriptam, adjuvante nemine, ob quam tamen complures alij, quasi ejus authores, morte puniti sunt, & *P. Geranus* falsò in suspicionem venerat; quâ re satis compertâ, cum maxima Societatis, & sui etiam nominis, & patientiæ commendatione calumniam profligavit. Vixit post hæc tempora *P. Jacobus* annis propè viginti in extremo senio orando, & laborando, aliud præterea nihil; munuscula, quæ *catechetica* vocamus, *Rosariola*, *Agnos cereos*, *imagunculas* exornans, & concinnans, semperque tale aliquid quotidie facitans. 29. Julij An. 1630. cum *Missam* in domestico Collegij Sacello devotissimè, & singulari pietate faceret, jamque penè pertendisset ad finem, calicem sacrum tergendò, sideratione

Virtutes.

Persecutio.

Nunquam
otiosus.

tionem (quam *Apoplexiam* Græcâ voce dicimus) tactus, auferri debuit, & ritè absolutus, atque etiam Sacramento Unctionis munitus, intra horas quindecim mortalem vitam cum æterna fælicitate mutavit, ætatis anno 72. initæ Societatis 55.

Mors.

TIT: LVI.

Catharina Comes de Montfort, Adami de Novadomo Conjux, Vidua annis triginta & octo.

Montfortiorum Illustrissimæ Stirpis decora tot sunt, ut fatigare scribentium manus possint; mihi unica *Montfortina* heroina utramque paginam faceret, nisi proposita brevitâs vetaret. In Conjugio vixit *Adami de Novadomo supremi in Regno Bohemæ Burgravij*, semper cum opinione maximæ Sanctimonix, & virtutis, genuitque ei *Filium Joachimum & Luciam*, per quam *Wilhelmus Slavata* gentem suam Illustrissimam in *Rosensem Arborem* jam fatiscentem, ut itâ dicam, inöculavit. At ubi Conjux elatus est, tum sibi Catharina ad summam vitæ perfectionem nihil reliqui fecit; cõmemorabo, quæ mihi *Catharina Schveriana*, Civis postea *Novodomensis*, quæ multo tempore in obsequio *Montfortiæ Camerariæ Virgo* fuit, jam anus narravit, quorum aliqua à me perscripta R. P. *Crugerius S. J.* in *Calendarium* suum pridem inseruit: Misericordia in pauperes, & Pietas erga DEUM, præcipuæ *Catharinæ* virtutes fuere; etsi moderatissima esset in omnibus, neque unquam quidquam nimium vellet, aut nollet, tamen si *pauperes* adesse sentiret, rapiebatur extra se, & in quandam cœlestem rabiem, ut ita loquar, agebatur *Catharina*, sic ut nimia in hoc genere pluribus videretur. Accidebat aliquando, ut prandente, vel cœnante *Catharinâ* sub fenestris canerent *pauperes*, & stipem orarent; exiliebat continuò *Montfortia*, & quidquid in manus veniebat, capones, aves, carnesque cæteras ex mensa per fenestram jactabat, sæpe ipsas etiam lances, dum properat, ejecisse compertum est. Mirabile est quod sequitur (ex quo hujus sanctæ, charitatis originem profundissimam humilitatem fuisse satis apparet) nam cum aliquando eo pacto (velut bona fortuna apud *Senecam* describitur) impatientiâ charitatis in subjectam pauperum turbam missilia ciborum jactaret, & una quædam ex Virginibus pedisequis Dominam moneret, quid ageret? *Catharina*, ut sensum animi sui panderet, altissimâ & contentissimâ voce: *Me*, inquit, *peccatricem*, *me*, oporteret esse inferiùs, hos autem *pauperes* loco meo sedere superiùs! Si curru eunti *pauperes* obviam venissent, expallescere continuò ipsa, inquietissimè huc atque illuc jactari, quasi vel ipsa suas laceratura, nec posse conquiescere, donec *pauperes* stipe acceptâ gratias agentes audiret. Ex hac misericordia ortum habuit *Contubernij Novodomensis* fundatio, quâ triginta

1631. 31. Martij.

Conjugiũ.

ad ult. Mar.

Virtutes, præcipuè in egenos misericordia.

Orationis
studium.

ginta pauperioribus juvenibus alendis liberaliter æterno beneficio providit. Oratione autem sic tenebatur, ut, quod monstri est simile, septem & pluribus horis aliquando immota, & nullo innixa fulcro genibus flexis duraret, aut extento in formam Crucis corpore, toto vultu terræ affixo jaceret, neque ullo strepitu turbari se pateretur; aulicis Virginibus omnibus post Dominam flectentibus ad desperationem adductis, & curiositate muliebri imitari quantumcunque vellent, non valentibus; illa interim tota imadescens lacrymis, quasi de pluvia veniret, surgebat. Hanc orandi domesticam commoditatem ei præbebat Ecclesia S. Catharina RR. PP. Minorum Strict. Observantia, Domui suæ viduali vicina, ad quam, cum prius Ecclesiam illam ob cognominem suam Divam Catharinam magnificè ornasset, & auxisset, viam sibi suspensam fornicibus lateritijs extruxit, ut ad orandum diu, nocturne nemine conscio adiret, & nè in Templo quidem, conspici ab ullo posset, qui secretum ejus arbitraretur, semperque laudibus Divinis, diurnis, & nocturnis, quoties liberet, interesset; Eucharistiam bis, aut sæpius in hebdomade sumebat. Ex illo orandi studio nascebatur in Catharina sumus ardor vincendi sui, & corporis castigandi studium, sic ut frenis, non calcaribus egeret, cilicia, & flagella idcirco frequentissimo erant in usu, & hæc omnia Conscientiæ arbiter vel sinebat, vel vetabat R. P. Joannes Rotarius Collegij Novædomi Rector, aliique de Societate nostra, qui ei a confessionibus sacris tuere. Collegium S. J. Novodomense, quod cum marito Adamo fundarat, eò mortuò, ipsa de suo ultimis vitæ annis ædificando absolvit. Tandem triginta octo annis in viduitate exactis, relictis pulcerrimis omnium virtutum exemplis, An. 1631. ultimâ Martij ætatis septuagesimo sexto, Sanctam animam DEO reddidit, in Ecclesia B. Virginis adsita illi Collegio, penes Conjugem, & Joachimum Filium sepulta. Mirabile & illud omnibus semper visum, quod, cum Catharina, & decrepitâ esset ætate, & corpori jucunda omnia pro arbitrio negaret, subtraheret etiam jejunando, castigando, tamen cœlesti gratiâ in corpus redeunte, formâ usque ad mortem integrâ, comparata filiæ, & socrui puellis, omnibus illis junior, & pulchrior videretur, DEO scilicet corpori tam obsequenti gratiam conciliante.

Obitus.

TIT: LVII.

Ferdinandus II. Imperator Augustus, & Bohemiæ Rex.

1637. 25.
Febr.

Nemo à me in hac brevitate, & Sanctorum, ac piorum Virorum Induculis, devictas gentes, captivam hæresim, fractos rebelles, prælia, victorias, trophæa, triumphos expectet; hæc omnia alteri servantur loco, jam pridem tam pedestri, quàm equestri, ut ita dicam; oratione à pul-

cerri-

cerimis ingenijs, & disertissimis Oratoribus, augustè, & magnificè sunt decantata; ego virtutum argumenta, idque ipsum brevissimè, in *Ferdinando* tractabo, cætera omniū Regum imitatione dignissima ad *Lamormainium* nostrum remittam. Ab infantia Timorem Domini à Matre Sanctissima fæmina didicit cum Divinæ gloriæ, & Religionis Catholicæ proferendæ ardentissimo studio conjunctum: *Sæpe dicere auditus est (si id è re divina foret) paratum se Regnis omnibus, & Coronis exutum cum Coniuge Augusta, & Cæsareis liberis per cibali onustum, baculo armatum ostiatim panem precibus emere.* Tantum aberat à cupiditate regnandi! regnabat ergo *Ferdinandus*, ut Religio, fides, justitiæque regnarent; adeoque velut *Vicarium* Regni sui vel miraculis tuebatur Divinitas, cum jam auxilia humana, & spes decollarent; potuitque de *Ferdinando* vetus illud occini: *Christus imperat, Christus pugnat, Christus triumphat!* Tantâ in hostes juratos utebatur clementiâ, ut non modò vitam, & opes redderet, sed multos ex ijs Titulis, & honoribus augeret, illudque *Joabi ad Davidem* (quamvis inmeritò) usurparent veteres Aulici: *diligentes te odisti, & diligis odientes.* In quos ille, quæso (si *Bohemos hæreticos* excipias, quibus tamen pepercerat, nisi omnium in consilio sententijs victus fuisset) in quos, inquam, supplicium decerni, & stringi secures jussit? è *Moravia Directoribus* unus de *Bitovva* caput amisit; ex alijs nè quidem *Andreas Tonradl*, qui in Oratione, quam pro hæreticis suis habebat, ad *Ferdinandum* (ut fide dignissimi, & in *Aula Cæsaris* cum fide versati Scriptores tradunt) in Cæsaris pectore manibus ludebat, nodosque in thorace *Ferdinandi* intorquebat, nè ipse quidem *Andreas* hanc Majestatis, & Principis apud se nati irreverentiam pœnâ luit. Vide, quæ recitat in *Actis publicis Landorpius*; Nul-
lus ex tot conjuratis Provincijs (quas nominare nihil attinet) punitus est, nisi qui se ipsum exilio, aut ultroneo ad hostes accessu, miseratione fecit indignum. Pietas adversus *DEUM, DEI Matrem*, ac cæteros Cœlites innata, cum *Ferdinando* videbatur crevisse, non poterat dulcedine illâ pietatis expleri; ab hac vires sumebat in hostes, plenusque cœlesti fiduciâ, in summis Regnorum periculis, quietus, & imperturbatus durabat, meruitque à Christo Crucifixo loquente è signo suo solatium percipere, & victoriam pollicentem audire. Adjuvit & Mater *DEI Ferdinandum*, cum pro eo sollicita *Sviscardum Moguntinum Antistitem* suffragium ad dignitatem Imperij *Ferdinando* dare jussit, læta omnia Imperio, & tuta promittens. Quot ei hostes hæresis, quot invidia, & livor, quot suspicio, & infidelitas, quot odium *Stirpis Austriacæ*, & æmulatio excivit? omnes aut victi, aut conciliati sunt. Lege *Acta publica*, & quæ in vita ejus antè latidatus Author prosequitur. Ego (quod sine prejudicio ullius dictum velim) ità sentio: plurimo tempore pietate, & Christianis virtutibus *Ferdinando* parem *Cæsarem* alterum agre nominari

Religionis
zelus.

Clementia.

Slavata Cæ
cell. in Apol.
adv. C. Tur
nium.
Khevenhil.
in Annal:
Ferdinand:Pietas Fer-
dinandi.

minari posse, eumque Phœnicum, ut ita dicam, de genere ortum, quam Regiam volucrem semel ætate unâ nasci, aut si malumus, sæculis raram esse credebat Antiquitas.

TIT: LVIII.

Venerabilis Pater Albertus Chanowsky è Societate JESU.

1643. 16.
Maij.

Natales.

Humilitas.

Mira quædam de eo.

Natus est *Albertus* in vetere, & semper Catholica *Kotancziorum* apud *Bohemos* familia, cujus Majores jam tum clari Equites ad *Mediolanum* à *Friderico Abenobarbo* Cæsare circa An: 1160. Equites aurati in historijs nostris creati leguntur. Adolescens *Societati JESU* nomen dedit, ei que *quatuor solennibus votis* illigatus honoratissima munia gessit, sed DEUS illi animas (quarum multa millia in *Plsnensi*, & *Prachensi* Provincia ab hæresi ad veram fidem, & aliquos ad vitæ Sanctimoniam adduxit) dare constituit. Egit in hac Regni luce *Vitam* verè *Apostolicam*, & qualem in media *India* exigere potuisset, pagatim, villatim pedes perreptans, opportunè, importunè (quamvis istud ob viri cœlestem prudentiam, & svavissimos mores vix unquam accideret) Regnum DEI prædicabat; panis, & caseus cibum, aqua potum præbebat, lacernâ, & pileo in vultum pendente tegebatur. Non possum in hac proposita brevitate Virtutum Apostolicarum exempla per censere; extant res ejus gestæ, editæ ab *Joanne Tannero* nostro, estque liber in manibus. Vidi amabilissimâ canitie senem paulò ante mortem An. 1641. cum ad nos *Pragam* venisset. Mirum illud & humilitatis suæ, & amoris in *Societatem* sui edidit per eos annos *P. Albertus documentum*: nam auditâ *Collegij Pragensis* fame, (quam bellum & in *Bohemia* sedes belli constituta fecerat) coëmitis, partim etiam dono piorum comparatis aliquot anserum (quorum in *Prachensi*, & *Plsnensi* regione proventus est maximus) centurijs, non dubitavit id ætatis, conditionis, invaletudinis senex, omnes eos anseres in unum gregem coactos, *Pragam* pro nutriendis *Collegij Socijs* appellere; sequebatur gregem virgâ per iter, & voce monendo, plerumque ipse aut *Divini Officij Psalmos*, aut *Rosarium*, ut vocant, *Virginium* precando decurrens, & in loco pascens, donec *Pragam* per *mediam Urbem*, quò destinârat, cum anseribus perveniret; qua in re *Carolomanni*, & veterum illorum *Cænobitarum* renovavit Exemplum, gregem Monasterij pascentium; nulla erat *Alberto* honoris humani cura, se & majores, & cognatos prorsus oblitus, unam DEI gloriam per animarum salutem quarebat, maximè pauperibus, & rusticis DEO lucrandis intentus. DEO placuisse *Apostolicos* hosce labores Cœlum sæpe miris eventis ostendit: fuere, qui cum cœlesti lumine circumfusus, & qui igneos quosdam globos super ejus cubiculum effulgere non semel

mel spectârint; fuere, qui collatis temporibus, in duobus simul locis, maxime cum morientibus adesset, eosque ad mortem compararet, clarè perspexerint; ipsius *P. Alberti* confessione constat, non semel nocte intempestâ ad se venisse *adulescentulos* cum facibus, & ad ignotos ægros, & jamjam morituros deduxisse, ut Sacramenta perciperent; qui peracto pietatis officio, & *Patre* reducto, subito videri desinerent, quos ob id, & ob illam formæ gratiam humanâ majorem, & modestiam prorsus cœlestem *P. Albertus*, & cum eo *Nos* quoq; Cœlestes genios fuisse suspicamur. Celeritas quædam mirabilis, cum opus esset viro addebatur Divinitus: *Auriga*, qui eum ad ægrotum herum vehabant, paulò antecedentem *Patrem*, omni conatu ut currum conscenderet, properabant consequi toto itinere ægerrimum pedibus, & tardum senem, non poterant, cumque ad terminum viæ pervenissent, jam multò antè *P. Albertum* eò advenisse comperiebant, videbantque apud ægrotum stare, & ad mortem disponere, neque unquam peritissimi viarum, quâ id ratione contingere potuerit, scire se stupentes fatebantur; plura admiranda, & in virtutibus, & in gestis, habet *Liber laudatus*, ut supervacaneum sit, notissima omnibus commemorare. Obijt Anno 1643. 16. Maij Apostolicus Senex *Clatovvia*, velut quondam *SS. Patriarchæ Noster Ignatius* nullo honore mortis, in Cellula sua DEO soli vacans, nec nisi jam expirantem Socij invenêre; sepultus in extemporali Sacello Collegij Clatoviensis, éstque ejus memoria apud Senes omnes in benedictione, corpus diu incorruptum in tumulto perstitit, ut ab illis, qui viderant, accepi.

Obitus.

TIT. LIX.

Venerabilis Pater Fridericus Hunecken è Societate JESU.

Ortus est *P. Fridericus* in *Marchia Brandenburgica* nobilibus parentibus, constatque *Königsmarchium* magnum apud *Suecos Ducem* sanguinè propè contigisse, quo nomine *Sveci* aliquam aliquando rationem *P. Friderici*, dum in vicinia *Commotoviensi* cætera diriperent, habuere. *Societati JESU* in *Provincia Bohemia* nomen dedit, statimque sese animabus adjuvandis addixit; in illo hæreticorum Regno An. 1618. cum Socijs ejectus, non ut alij in *Austriam*, sed cum *P. Daniele Stigelio* *Commotoviensis* Collegij Rectore, in *Saxoniam*, & *Patriam* suam exulatum abivit, magno Divinæ gloriæ pretio, ut in *Provincia Annalibus* ejus temporis latè, & latè commemoratur; Religiosorum, ac præcipuè Religiosarum Virginum Cœnobia (in Diœcesi Halberstadiensi, & Magdeburgensi, tum Hamburgi & Lubecæ) obibant hi duo, ad animas regendas nati viri, omnesque qui adhuc supererant, *Catholicos* in vetere Religione firmabant. Extat apud me de his

1640. 28.
Maij.

Genus.

Apostolicis laboribus, & nominatim de expulsiōe Dæmonis Magdeburgi manu R. P. Danielis Stigelij scripta narratio.

Vita Apo-
stolica.

Obitus.

In M. S.

Postquam victoribus *Ferdinandi II.* armis reditus *Nostri Patribus in Bohemiam* impetratus est, *P. Fridericus Commotovij* confedit, totamque illam viciniam ab hæresi purgavit tantâ rationum vi, tot virtutum exemplis, ut nunquam postea ullis *Saxonum, ac Svecorum* armis, aut è vicina *Saxonia, & Misnia* subrepentium *Ministellorum* calliditatibus à cognita semel veritate abduci potuerint. *Catherberga* oppidum est velut nidus montibus ijs, qui *Bohemiam à Misnia* dispescunt affixus, hunc sibi potissimum locum excolendum sumsit, & viginti amplius annis excoluit; adibat illos montes sacris, & festis diebus pedes, etiam in extrema senectute, ac primis quidem annis cum vitæ periculo: vivebant adhuc non ante multos annos, qui se olim consilium interficiendi *Patris* demandatum à cæteris in se suscepisse ultro fatebantur, ut ex ipsismet audivi. at nihil postea illis hominibus mitius, postquam videlicet *Patris* operâ fidem nostram amplexi fuissent, hodièque in ea constantissimè perseverant. At *P. Fridericus* (quo ego *Magistro Spiritus* ulum me indignum glorior) *Commotovij* An. 1648. plenus dierum, 28. Maij decessit in Domino, aliquot hominum millibus Ecclesiæ adjunctis, *Apostolum* tota vocabat vicinia; mitissimi Vir ingenij fuit in alios, rigidissimus in sese exactor; vino plerumque abstinebat, cibi parcissimus, in vigilijs, & oratione multus, mortificationis, (ut appellamus) studiosissimus, vestibus cilicinis, & flagellis in se animadvertibat summo rigore; vidi eum non semel (piâ fraude, quasi unicæ essent illæ *Saxonum, & Marchiacorum* deliciæ) *halece crudâ*, pro carne vescentem: *exhortationes*, quas ab eo in cœtu Sociorum dictas audivi, tanto spiritu, tantâque doctrinâ plenæ erant, ut paucos meminerim solidius, & fortius, quod proposuerint, probantes; multas ei prærogativas divinitus concessas aliqui narrant, éstque ejus vita compendio, *vita Ven. P. Alberti Charnovsky* subnexa à *P. Joanne Tannero* nostro, qui aliquot ejus *Epistolas Spiritu Divino* plenas Typis vulgavit. Fuisse *P. Friderico fratrem Germanum Nicolaum* nomine *Stigelius* affirmat, virtute simillimum, qui illis *Exilij* annis (An. 1618.) *Collegium Hildesense Rectoris* nomine gubernavit.

TIT: LX.

Venerabilis P. Martinus Stredonius è Societate JESU.

1649. 26.
Augusti.

Prima ætas
P. Martini.

Hunc Virum famâ Sanctitatis, & cœlestibus gratijs præstantem *Glivicium* Silesiæ Civitas genuit Anno prioris sæculi 1589. non ut quidam scripsere 1587. nam quæ nos de ætate Nostrorum Patrum adferimus, ipsis singulorum autographis Brunensibus & Libris *Examinum*, ut vocamus, nitun-

nituntur. Juvenis vixit annis aliquot in *Contubernio S. Wenceslai Praga*, & Humaniora, quæ vocamus studia decurrit, dein *Pragâ* ad Societatem accessit Anno 1608. 25. Septembris: jam tum lingvas callens, præter *Latinam*, *Bohemiam*, *Polonicam*, *Germanicam*; Scholas propè omnes docuit in Societate, *Grammaticam* à Rudimentis inchoando, *Poësim*, *Rhetoricam* Annis duobus, *Philosophiam*, & *Theologiam* explicuit; Hinc regendis nostris admotus *Brunense* bis, bis *Pragenſe Sancti Clementis Collegium* rexit, semel *Præpositi* nomine *Domum Professam Pragenſem*, bis *Provinciam Bohemiæ* universam gubernavit; Denique vitâ summâ virtutis laude peractâ *Brunæ* obiit 26. Augusti, 1649. Erat *P. Martinus* Vir maximæ Orationis, ex ipso ejus vultu res divinas cum cogitare semper, apparebat, neque ullus eum contrâ intueri poterat, quin continuò animadverteret cœlestibus ejus mentem negotijs occupari. Annis compluribus in varijs Provinciæ munijs *P. Martinum* videbam, vultum nunquam mutasse, multoque minùs animi prudentissimam quandam constantiam & gravitatem amisisse. Preces ad DEUM genibus lexis peragebat omnes, nisi per morbos (nam plurimis conflictabatur) non posset, tum enim in Oratorij sui gradu compositis manibus sedebat, aut legebat; in quo situ sæpius illum deprehendi, cum mihi in Tirocinio meo *Janiſſoris* officium & Provincia demandata fuisset, atque is ad januam Collegij vocaretur. Abſtinentiâ ciborum fuit prorsus mirabili, & artificiosâ: ita enim brandebat, & cœnabat nobiscum, ut omnium oculos falleret, semper occupatus in cibo, cultris, fuscinulis, cochleari, cum ad extremum nihil tamen gustasset, nisi fortè intritum in cerevisiam, quam in scutellam infundebat, panem; quo cibi genere libentissimè vescabatur. Miris, & multis eventis viri Sanctimoniam illustravit DEUS: constat eum, cum *Missam* legeret, & ardore divino raperetur, sublimem evectum, & elatum à terra sic stetisse; sæpiùs flammæ cœlestis lux circa Patrem visa; in obsidione *Brunensi Svecorum*, visus est aliquibus sublimis super ipsius Ecclesiæ nostræ tectum flexis genibus divinam misericordiam implorare pro populo; mirumque illud fuit excussum è machinâ murali *globum ferreum* cum innoxie ante *P. Martini* pedes cecidisset, hunc ultimum fuisse, quem *Sveci* in Urbem emiserint; exinde inclinari res Svecorum cœpère, & denique soluta obsidio est, quasi vires imilissent machinæ, & periculo tanti viri offensi SS. Angeli, Urbis Præstitites, & Tutelares, hostiles conatus, & consilia subnervassent. Neque modò homines, sed etiam animæ ex flammis piacularibus auxilia Patris petière & lætissimè impetravere. Erat *P. Martino* charissimus & in Tyrocinio *Societatis* quondam contubernalis *P. Georgius Sigismundi Litomysslensis Bohemus*, Vir in magnis rebus, & munijs versatus; is cum obiisset, sollicitumque ejus obitus *P. Martinum* haberet, utrùmne adhuc teneretur in poenis, an jam Cœlo receptus DEO frueretur? apparuit veteri Amico *Georgius* in Cœlum profi-

Munia & res gestæ.

Exempla Virtutum.

Visio ei oblata.

R. P. Ludo
vicus Cras

Testimoni
um de ejus
Virtutibus.

ciscens, atque illum Psalmi versiculum dixit: *Dextera Domini exaltavit me* & cum dicto ex oculis amissus est. Plura ejusmodi lectu dignissima continet *vita venerabilis hujus Patris*, quæ hîc otiosè repetere supervacaneum reor. Facere tamen non possum, quin de præcipuis quibusdam in Gubernatione virtutibus testimoniû adferam viri cujusdam è Societate Eximij, qui P. Martinino familiarissimè usus, hæc suâ manu consignata in Provinciæ nostræ Archivoreliquit:

Fuit R. P. Martinus Vir verè Spiritualis, alienissimus ab omni humano & mundano affectu, Spiritu Christi principali à DEO confirmatus, & virtutum ac vitæ ejus magnus admirator simul, & imitator; Hinc quidquid mundus insipiens imprudenter amat, & sollicitè querit, id ille semper contempsit, & modestè declinavit; nec rarò dixit Socio suo, se omnem humanum honorem, & pompam, ac plausum inanem ferre non posse, & quidquid aliquam affectatam elegantiam redoleret, odisse; idque non minùs factis ostendit, quàm verbis expressit. Non facilè etiam externos visitabat, nisi graviora momenta, aut precavata cujusque Collegij commoda, bonumve aliquod Spirituale eum ad id faciendum compellerent. In Confessionibus ordinariè locum postremum, licèt Superior esset, affectabat. Pallium, cùm non haberet proprium, illud à Janitore, vicoquo non rarò mutuum accepit, eoque, licèt breviorè, indutus in publicum prodijt, sui contemptûs gratiâ. Cum defunctus Rectoratu Brunensi Pragæ vacaretur, non erubuit per aliquot milliaria vehi curru rusticano, quem trahebant duo bosculi, eo usurus usque Pragam, nisi ejusmodi postea boaria, ut ipse loquebatur, nimis lenta fuisset. Nota etiam est ejus in victu parcitas, in vestitu simplicitas, in usu rerum ordinariorum moderatio. Potus ejus potissimùm ceresifia fuit; & vini modicum; tempore mensæ ita se occupabat, & in scindendis & vertendis dapibus, ac si plurimum comederet, cùm interim parcissimè vesceretur, & pane magis, quàm carnibus, eoque solo diebus Veneris ut plurimum nemine ferè advertente. Vestes ejus interiores fuere simplices, & longo usu attritæ; Libri precatorii tales erant, quibus nemo alius uti voluisset. In ceteris omnibus semper deteriora, & viliora quarebat. Nihil elegans habuit ad suum usum, nihil pretiosum, nihil superfluum; & non semel quibusdam rebus ad usum oblati, vel ad confortandam valetudinem præscriptis uti noluit, quia nimis pretiosas existimabat pro paupere Religioso.

Denique sibi parcus, in alios erat Religiosè liberalis. Quam profundi humilis esset, vel ex eo cognosci potest, quòd cùm eximijs tum à natura, tum à gratia divina dotibus esset ornatus, nunquam tamen auditus sit de se, aut rebus suis magnificè loqui, aut per jactantiam dicere, seu facere, ad sui commendationem. Vixit inter nos semper quasi minimus ex nobis, nihil eximium præferens; in ministerijs culinæ non infrequens. Cùm vitam privatam ageret, nullo illo continentior, nemo humilior erat; Regularum, si quis, observantissimus,

cubiculi, & solitudinis cultor penè assiduus, nulli molestus. Extraordinarias verò gratias, quibus à DEO præditum fuisse suspicamur, ità studiosè semper occultavit, ut non nisi quasi per rimulas earum radiolos permitteret, non volens foras erumpere; quæ nobis suspicionem moverent, latere amplius aliquid in arcano pectoris ejus, quàm foris appareret. Inter alias ejus virtutes maximi semper fecimus admirandam ejus in tolerandis, & excusandis aliorum defectibus prudentiam, & longanimitatem, & in corrigendis subditorum erratis solertiam; Quidquid coram illo minùs discretè, aut non satis moderatè fieret, aut diceretur, id ille, suaviter erubescens, tacitus dissimulabat. Si quis absentem incusaret, argueretve de dictis, aut factis imprudentibus, ipse mirà dexteritate cum excusabat, & quandoque operosè etiam defendebat; neminem certè passus est unquam opprimi, aut gravius aliquid pati per calumniam. Subditorum errata per tres, quatuorve dies saepe dissimulabat, nec facilè negligebat, si momenti alicujus essent, sed tempora magis opportuna observabat, quibus non tam pœnam ut Judex delinquentibus infligebat, quàm ut Medicus medelam adhibebat. Neminem turbatum, nec unquam turbatus ipse corripuit; Sed cùm pacato essent animo, & correctionis capaces, delinquentes monebat suaviter, & salubriter corrigebat.

Prudentia
P. Martini
mirabilis.

Fuit in eo etiam à nobis notata tam singularis in agendo moderatio, ut nunquam sit visus aliquid agere precipitanter, nihil non quasi præmeditatè loqui, nihil alicujus momenti decernere, nisi consulto priùs per preces divino oraculo; præveniebat etiam plerumque, quæ mirà sagacitate prævidebat, negotia, sibi proponenda; hinc, qui illa proponebant, semper parata responsa, & prudentissima Consilia accipiebant. Ità etiam ordinatè processit in omnibus, ut suas singulis actionibus præscriptas haberet horas, quas ità ad amussim observabat, ut non nisi ob gravia momenta præscriptum ordinem interrumperet, aut transponeret. In familiaribus colloquijs cum domesticis ità noverat miscere utile dulci, ut omnes caperet humanissimà quadam gravitate, & non minus prodesset, quàm declararet. Erat illi etiam familiare, de proposito quopiam, ex re nata, argumento, aliorum sensa exquirere, & Religiosam recreationem jucundâ simul, & eruditâ colloquutione temperare. In negotijs fuit serius, & indefessus; nullum aggrediebatur, quod non haberet funditus perspectum; Rationes verò, quas dictabat ad negotij alicujus expeditionem, certæ erant, & solidæ, ac benè ponderatæ; quibus etiam per preces à DEO impetrabat robur, & firmamentum. Hinc magnâ pollebat in rebus agendis energiâ, & nihil penè inchoabat, quod non ad optatum finem perduceret.

Moderatio
& cunctatio.

Charitatem ejus erga Subditos commendabant plurima; maxime verò erga infirmos tam corpore, quàm Spiritu paterna quadam cura, & sollicitudo; Hos frequenter visebat, & solabatur; & ut erat medicamentorum non ignarus, saepe suâ ipse manu remedia parabat, & porrigebat. Scio illum longanimitatis suâ

suâ patientiâ, & suavis modis aliquot contravocationem tentatos sanasse, & in Societate conservasse, quos alius præcipitando, aut minùs discretè agendo perdidisset. Et memini ab eo mihi dictum de quodam, cujus dimissionem urgebant nonnulli: quam, inquit, accepturus essem à DEO remunerationem in die judicij, si illum præcipitanter dimitterem? nunquid mihi exprobraret meam præcipitantiam? nunquid damnationem suam mihi adscriberet? absit ut perdam, quem sanare, quem servare, & salvare possim!

Orationis
studium.

Devotio ejus erga DEUM quotidianis experimentis probata satis ostendit, illum plus cum DEO, ut plurimum, quàm cum hominibus egisse, & orationi plus temporis impendisse, quàm negotijs. In omnibus Divinis Officijs ipse semper primus, & præsens aderat, in Litanij, Vesperis, sacris cantatis, precibus publicis. In periculis verò, suisque difficultatibus, & morbis uni, & soli DEO fidebat magis, quàm omnibus humanis præsidij; Hinc cum esset Superior frequenter suos adorandum excitabat, & statas precum horas in privato Sacello eis præscribebat. Pragæ cum esset, in Festo Sanctissimi Corporis Christi, magnam curam & sollicitudinem habuit, ut Processio in Collegio Sancti Clementis intra octavam haberi solita, cum aliquò splendore, & pompa eo anno perageretur, propter alienos à fide milites Svecicos, qui tum adhuc Pragæ morabantur, dicebátque eam futuram ultimam occasionem, quam habiturus esset, Sanctissimo huic Mysterio, & Christo suo obsequium, aliquale exhibendi. Et verò ipsemet modum Processionis, & ordinem suamet manu conscripsit, habuitque illa non minorem plausum, quàm splendorem.

Turbatissimo Patriæ statu cum iter faceret per loca ab hostibus, & pradonibus infestissima, solus ipse plerumque cum Socio, & Auriga, absque militari præsidio, solius DEI fretus assistentiâ, proficiscebatur, & via ducem sæpe non admittebat. Constat autem non semel in evidentia pericula incurrisse, eaq; mirabiliter evasisse.

In ultimis annis Exercitijs, quæ fecit Glacij, enixè petijt à Socio, ut defensus à se commissos, sive ab illo, sive ab alijs observatos, sibi indicaret, & id ut faceret, multis argumentis tandem persuasit, nec minus promptè exinde correxit quidpiam, quod audiverat alijs quibûsdam displicere, et si adiaphorum esset, & ab eo fieret optimo fine. Ad hæc in dandis consilijs satis prodebat, quantam haberet nostri Instituti notitiam, & experientiam in rebus agendis. In judicij, & decretis suis erat consideratus, & fortis, non pertinax; In secretis taciturnus, ponderabátque omnia juxta rationes æternas. Non erat personarum acceptor, sed omnes æqualiter amabat. Quos autem advertebat plus habere solidæ virtutis, & majoribus ad res tractandas pollere præsidij, eos præ ceteris aestimabat, & sapiùs adhibebat ad negotia expedienda. Aliorum etiam consilia audiebat, libentérque sequebatur, si judicabat esse accommodata. Et hæc de ipso breviter, ac paucis dicta, coronet fama communis tam Nostrorum privata, quàm

quàm publica Externorum, qui illum tanquam virum Sanctum semper suspexerunt, & prædicarunt, serium in omnibus, in spiritu solidum, prudentem in Consilijs, in negotijs expertum, moderatum in agendo, in regendo sedulum, & longanimum, in amore, & honore proprio mortificatum. Qui noverunt illum à viginti, triginta, & quadraginta annis, affirmativè laudant omnes ejus in studio virtutum inconcussam constantiam, dicuntque illum sibi semper similem, & unum, eundemque fuisse, & ab initia via perfectionis nec latum unguem deflexisse, ac semper fuisse gravem, & serium, ab humanis abstractum, cum DEO conjunctum, mortificatum. Denique quocunque nos vertimus, sive consideramus dies, & annos, quibus in Societate vixit, sive functiones, & munia, quæ in ea obivit, sive exempla, & documenta virtutum, quæ nobis dedit, sive ea omnia, quæ & fortiter egit, & patienter toleravit, ubique quasi importunè occurrit pulcherrimum illud Sanctæ Matris Ecclesiæ de SS. Confessoribus Elogium: Ecce homo finè querela, verus DEI cultor, abstinens se ab omni opere malo, & permanens in Innocentia sua!

Haftenus testimonium de virtute VEN: hujus Patris, quod qui virtutem norunt, & in quo vita Spiritualis, & Religiosa consistat, sciunt, finè dubio pluris æstimabunt, quàm si de eo miracula nescio quæ prædicari audirent.

Adjiciam novissimè novem solatia, quæ paulò ante obitum suum Amico dictarat P. Stredonius, quorum meditatione lætus moreretur:

- I. Quòd centuplam Superiorum erga se infirmum charitatem experiretur.
- II. Quòd si unquam, tum voluntatem haberet cum Deo conjunctam.
- III. Quòd suorum Superiorum voluntatem fecisset omni tempore.
- IV. Quòd nullum mortalium ex proposito offendisset.
- V. Quòd fideliter administrasset, quæ spectant ad cultum Divinum.
- VI. Quòd ipsum DEUS morbis exercuisset.
- VII. Quòd ab ipsa Infantia à Beatissima Virgine mirabiliter fuisset educatus.
- VIII. Quòd florem virginitatis speraret se illaturum sepulchro illibatum.
- IX. Quòd moreretur Filius Sanctæ Rom: Ecclesiæ, & S. Matris Societatis.

Solatia morientis.

TIT. LXI.

R. P. Andreas Metsch Societatis JESU, Vir Apostolicus.

Fuit hic Vir maximis ad dicendum pro Concione sacra præfidijs à DEO instructus: 1651. audivi sæpe dicentem ad populum, cùm velut Pericles permisceret omnia; ridebat cum eo, & flebat populus, & quidquid is inceptaret; Brunæ An. 1636. festo Nativitatis, dum JESUM recens natum, & ex eo nato Cœli & terræ, Angelorum, Cœlitum, Patrum, & totius generis humani lætitiā describit, insanire videbatur affectu, sed dulce est, ait ille, de-

Eloquentia ejus.

Yy

sipe-

Nativitas.

Vita Apostolica.

Felicis ejus labores.

ſipere in loco. Cantillabat & ipſe verſiculos Chriſto nato, & populus, quod antè non audierat, ſequēbatur cantando, quiſque modulabatur, ut poterat, poſtque paululum dante illo ſignum, conticeſcebant univerſi, tum iterum ciebat ille lacrymas, & gemitus eliciebat ex cordibus; nihil ſimile in vita vidi, aut audivi: riſus, fletus, cantus, gemitus, genua ponere, ſurgere, ruriſus flectere, abjicere ſeſe, repetere clarà voce, quod repetendum Pater monebat, idem erat populo; imperabat in animis, ſed imperium moderatè, & prudenter exercebat, nihilque imperabat, niſi quod ab Auditoribus impetrare ſe poſſe ſciebat; ſed ad hiftoriam vitæ veniamus, quam brevi indiculo pro tantis rebus geſtis complectemur; Natus eſt P. *Andreas Metsch Ridlingæ in Svevia* An. C. 1586. 12. Menſis Julij. in *Sileſiam* venit admodum puer, vocatus cum parentibus ab *Avunculo Ferino*, qui poſtea ſæculi hujus initio *Wratſlavienſem Episcopatum* adeptus eſt. Ut primùm *Andreas* ex Ephebis exceſſit, ſtatim ad *Societatem* animum adjecit, ob id ſæpiſſime à Parentibus (qui in eo ſpem collocarant ſuam) tum ab Avunculo verbis, colaphis, & verberibus vapulans, denique conſtantiâ evicit, ut An. 1603. *Bruna* bonâ omnium gratiâ in *Societatem* reciperetur. Tranſilio ſtudiorum annos omnes; mox ut adhiberi ad Conciones cœpit, placuit, eamque provinciam concionandi per annos continuos 40. in varijs *Auſtriæ, Moraviæ, Sileſiæq;* Collegijs ſemper cum dignitate & præſenti fructu ſuſtinuit; diligentiffimè præparabat ſeſe, neque unquam ſatis aut ingenio, aut memoriæ ſuæ, imò neque judicio fidebat, quin ex alijs quæreret, quid aptum eſſet, quid minus; ſæpe etiam jam ſenior non dedignabatur Juvenes noſtros conſulere, ſumâ demiffione animi, & comitate verborum ſciſcitans, quid in hanc, vel illam Evangelij ſententiam legiſſent. Sed jam ad *Apoſtolica*, quæ DEUS per eum operatus eſt, merita veniamus; reliquit enim P. *Andreas* poſt obitum *Indiculos*, tum ad exemplum, & imitationem ſociorum, tum ad gratias DE O agendas, & ſeſe erigendum, ſi quando fortè, ut Sanctis Viris evenit, contraheretur animo, tum alijs pijs de cauſſis; reliquit, inquam, *Indiculos*, in quibus perpetuatâ in omnes vitæ annos diligentia de nomine annotarat, quos ad Religionem Catholicam Divinæ Gratia beneficio (id enim ſemper addebat) adduxiſſet, quos in peccatis malè hærentes ad pœnitentiam, quos ad vitam ſandam excitâſſet, quos DE O fervâſſet; ex illo igitur Indiculo quæ ſequuntur deſcribo: *Hæreticos* ſanctis, & doctis colloquijs *decem millia, & duodeviginti*, præter calculationes quasdam notis arcanis conſcriptas, quas intelligere non licuit. *Ministros ſeminiverbios*, ut ita dicam, *Prædicantes* paſſim vocant, *novem* de nomine recitabat, qui Fidei noſtræ lumen agnoverint, publicè révocatîs erroribus; *Apoſtatas* reduxit ad religionem *novem ſupra centenos*: addit duas inſuper de grege altero inventas oves, quæ perierunt *Domus Iſraël* (Judæos intelligi puto) Qui poſt Conciones de gravitate peccati, de

Confef-

Confessionis integritate habitas, intus monente DEO Tribunal sacrum ac-
 cesserint, vitam omnem cum dolore intimo retexentes, numerat *trecentos*
octoginta quinque; fuere ex Auditoribus quodam in loco *viginti unus*, qui
 mox à Concione peccata omnia aperuerint. *Cænobia quinque* tam Viro-
 rum, quàm Virginum in quibus collapsa penitus erat Religiosa disciplina,
 primævo flori restituit. Virgines, & Viduas, quæ sese voto Castimonie
 edito, licet velatæ non essent, DEO consecrârant, diversis in locis, ac tem-
 poribus in via spirituali direxit, numero *triginta novem*. Sodalitates Maria-
 nas Româ impetratis literis instituit, ac Romanæ Sodalitati, ut mos est, con-
 junxit, primusque promulgatis legibus, statutis, consuetudinibus easdem re-
 xit, *octonas* numero. Peregrinationibus Populorum ad *Beatissimæ Virginis* Cura Pau-
Templa præfuit, duxitque agmina propè sinè numero, gloriarique in Domi- perum.
 no solebat, primam se ad recens exstructum Divæ Virginis Sacellum ad *Bru-*
nam in Lesch supplicationem adduxisse, & primum sub dio ad populum de
Laudibus Virginis sermonem habuisse. Habebat etiam in numero Confœ-
 deratorum sibi nomina amplius *quadraginta*, pro quibus quotidie nomina-
 tim supplicabat DEO, sperans vicissim eorum sanctis Orationibus adjuvari.
 Jam verò pretia, quæ in pias causas, & pauperes ab opulentioribus totâ vitæ
 religiosæ ætate emendicaverat sumam conficiunt *novem millium*, & *171. flo-*
renorum. Pauperes, quos ex statu meliore dejectos, pudor mendicare non
 patitur, ipse licet mendicus, *quatuordecim* adjuvit ex integro, & alia *quatuor-*
decim paria Conjugum ad incitas fortunæ iniquitate redactorum; viduas de-
 solatas stipe procuratâ solatus *sex* supra *quingenta*, præter pupillos, aliôs-
 que egentes, quorum numerus iniri non potuit. Hæc ex illo, quem laudavi
 libello. in quo etiam Festa sua, quæ per annum celebrabat in cubiculo, &
 Ephemerides quædam cælestium beneficiorum, in quibus mensem, & diem
 annotarat, quid quaque mensis die gratus recoleret, ut *Natalem suum*, *pri-*
mam SS. Eucharistiæ sumtionem, *vocationis beneficium*, *ingressum in Religio-*
nem, *Votorum diem*, *Primitias Sacerdotales*, aliâque plurima. Nemo P. An-
 dream unquam vidit cubiculo exeuntem, quin manu *Rosarium* teneret, &
 Virginem salutaret; multas ejusmodi coronas Divinæ Matri quotidie per-
 solvebat; nihil inchoabat, quod non prius sacris *JESU, & MARIAE* no-
 minibus initiaret. Ob has Apostolici Viri virtutes maxima in veneratione
 omnibus, præsertim Ecclesiæ Antistitibus fuit: *Franciscus Cardinalis à Die-*
trichstein Patri Andreae per familiaris dictitabat: *hunc esse fidum sibi in propa-*
ganda fide Catholica adiutorem, verum Israëlitam, in quo dolus non esset. Idem
 Cardinalis non semel cum P. *Andreas* teneram ætatem Christianæ Fidei ele-
 mentis institueret, inferebat sese puerorum turmis, & velut collega adjuva-
 bat, & præmia se digna inter diligentiores, quos Pater commendasset, manu
 suâ dividebat. *Serenissimus Carolus Archidux Austriae, Wratislaviensis*

De eo Testi-
 monium
 Card. Die-
 trichsteini.

Obitus.

Episcopus P. *Andream* (in conversione suorum Niffensium) *manum suam dextram* appellabat. P. *Guilielmus Lamormeini* Ferdinando II. Cæsari à sacris Confessionibus Virum verè *Apostolicum* nominabat. R. P. Gregorius Rumer *Concionatorem exercitatissimum*; Ecclesiastes ex Ordine Capuccinorum S. Francisci *Bruna*, Virum esse dicebat *incomparabilis charitatis*. Tandem, cum vitæ annum 65. compleisset, & An: 1651. 21. Februarij ad populum in 40. horarum precibus, vegetus adhuc manè dixisset, feriâ sequente, apoplexiâ nemine conscio, contactus, cum in prandio non compareret quaesitus, semianimis in cubiculo repertus est; sed mox recreatus, & deinde omnibus Sacramentis piè munitus, alterâ die ad beatitudinem æternam excessit.

TIT: LXII.

R. P. Bernardus Oppel Societatis JESU.

1651.

Genus.

Zelus animarum.

Pater Bernardus Oppel Olomucij Moravorum illustri loco natus, cum ob egregias animi, ac corporis dotes, in *Canonicorum Collegium* ibidem fuisset adscitus, avunculi sui *Wenceslai Pillar* Viri nobilissimi, qui Præposituræ dignitate depositâ, *Societatem* amplexus erat, exemplo provocatus, & ipse *Societatem* nostram adamavit, in quam receptus viginti novem annos universim, à quatuor verò votorum Professione tredecim, & suo, & aliorum emolumento laudatissimè transegit. Erat in eo præter eximium humilitatis, pietatis, obedientiæ, & charitatis religiosæ studium, animarum zelus plusquam singularis. Adhuc studijs *Philosophicis* intentus, illud à Superiore obnixè petijt, & impetravit, ut (quod antehac *Pragæ* erat insolitum) liceret sibi sacro linteo (quod superpelliceum vulgò dicimus) induto, per vias, & compita pueros, ac rudes ad doctrinæ Christianæ rudimenta capiendâ, in unum cogere, atque ad Templum aliquod deductos, de rebus ad salutem necessarijs edocere. Quod tanto fervore, ac fructu executus fuit, ut *Archiepiscopus Ernestus Cardinalis* dignum censuerit, in cujus gratiam aliquot millia libellorum, Catholicam doctrinam brevi compendio complectentium, suis impensis, publicis Typis curaret evulgari, & inter rudem plebeculam ipsius operâ distribui. Ad Sacerdotium effectus, reliquam omnem vitam animarum saluti procurandæ addixit, atque in primis novemdecim propè continuos annos in præcipuis Exedris pro Concione ad populum dixit, eâ contentione, & animarum Christo lucrandarum ardore, ut morbum, quo immaturè, ut videbatur, extinctus est, nimio concionantis ardori *Medici* judicaverint adscribendum. Quod à concionibus temporis liberum nanciscabatur, id totum visitandis ægris, solandis afflictis, & incarceratis, procurandis in pauperes (sed præcipuè eos, quos Nobilitatis ratio mendicare prohibebat) eleemosynis, reis ad extrema supplicia æquo animo ferenda animandis

dis, hæreticis convertendis impendebat. Quo in labore ita fortunatus extitit, ut multas nobiles personas, præcipuè verò sæminei sexûs, exilium, & fortunarum omnium jacturam, tuendæ hæresi posthabentes, magno Illustrissimi Familiarum solatio, ad orthodoxam Fidem reduxerit; in eorum salute procuranda ita pertinax, ut nec intentato scoparum plagiario sese ab inculcanda cuidam *Nobili Matronæ* Orthodoxæ Fidei doctrina permiserit absterreri. Nec minora illi in domesticos, quàm externos viscera charitatis: Cùm *Rectorem Collegij Neo-Pragensis* in magna rerum domesticarum penuria ageret, non semel vestimenta corpori suo detrahens, indigentibus accommodabat; cùmque eadem tempestate contagioso morbo domus infecta laboraret, nec ipsis *Templi calicibus* parcendum censuit, cùm aliter infirmorum, aut periclitantium Fratrum necessitatibus subvenire non posset. Eam in omnes charitatem videtur etiam quandoque DEUS eventibus prodigio non absimilibus voluisse remunerari. ut enim insperatas prorsus eleemosynas, & opportuna paupertatis remedia supra expectationem obvenientia taceam, cùm aliquando decem nummos argenteos, quos unos reliquos domestica paupertas habebat, externo cuidam valde egenti, heroicâ charitate subministrasset, ad scriniolum reversus, totidem nummos aureos ejusdem formæ, & figuræ, eodem loco, unde argenteos exemerat, reperit, authore præter DEUM frustra quæsito, nec invento. Quæ porro ad cultum Divinum pertinere visa sunt, eo studio procurabat, ut multorum Templorum (præcipuè *S. Salvatoris Pragæ*) ornatus, ejus industriæ, labori, ac sollicitudini meritò debeat majori ex parte imputari; denique ad mortem usquè sibi similis, necdum plenè octimestri in *Rectoratu Collegij Brzeznicensis* exacto, hydrope pectorali obrutus, migravit è vita, 29. Decembris, Anno 1651. in *Collegio Pragensi ad S. Clementem*, in quo dum valetudini curandæ intentus *Medicorum* consulendorum gratiâ hospitatur, mortis inhospitalis ictu occubuit, multasque secum surgentis Collegij spes incidit. Hæc ex *vita* ejus *Elogio*, & *Annalibus Provinciæ Societatis JESU in Bohemia* descripsi.

Charitas
ejus.

Obitus.

TIT: LXIII.

Maria Maximiliana ab Hohenzollern.

Nihil de Illustrissima, & *Electoribus Brandenburgicis* agnata Comitum *Hohenzollerianorû* familia (ex qua *Maria Maximiliana* prodijt) à me commemorati potest hoc loco; sed neque virtutem & sanctimoniam ejus prædicare, & amplificare dicendo, in subventaneo hoc, & compendioso opere necessarium esse duxi, cùm & *Vitam Mariæ* locupletissimam ab eo, qui à sacris fuit, conscriptam, & dubio procul aliquando Typis edendam, & Orationem funebrem cum summa totius Coronæ approbatione dictam

post 1650.

Genus.

Conjugiū.

Præparatio
ad S. Com-
munionemFundatio-
nes.

habeamus in manibus; compendio igitur, ut fecimus hætenus, utemur. *Maria Maximiliana Hohenzollariana*, cum ad maturitatem ætatis pervenisset, à pluribus Dynastis præpotentibus ob formæ elegantiam (ob quam ferebatur in primis) sed magis ob vitæ innocentiam, morésque suavissimos experita, tandem *Joachimo de Nova Domo, Adami de Novadomo supremi Regni Burggravij* filio vênit in manum; sterile id conjugium fuit: *Joachimo* elato, *Mariam* sibi in Conjugem optavit *Adamus de Sternberg*, Vir inter Catholicos Boëmiae Proceres primæ authoritatis, qui ex ea complures liberos, interque eos *Mathiam Franciscum* trium illorum, quos nostra ætas florentes videt (*Wenceslai, Norberti, Ignatij*) patrem suscepit. Post secundi hujus Mariti, qui summum Regni Magistratum diu gessit, obitum, annis continuis 25. in viduitate permansit: neque tum primò studia pietatis & virtutum assumpsit, sed cum jam inde à pueritia omnem vitam ad rationes æternas retulisset, nacta vidualem solitudinem, omnia proposita perduxit ad summum; quidquid suppetebat temporis, in DEO, & in Divinis consumebat; *soliloquia & Meditationes D. Augustini* assidue versabat manibus, & propè jam tenebat memoriâ; *SS. Eucharistiam* festis diebus omnibus sumebat pietate ardentissimâ, ad idque se toto priori die, & multâ noctis parte mille aspirationibus comparabat & votis, gratijs verò agendis flexis semper genibus ultra meridiem occupabatur in Templo.

Ostiduum illud, quo *Festum SS. Corporis Christi* supplicationibus celebrat Ecclesia, totum in lacrymis doloris & amoris traducebat; nihil erat domi aureum, nihil argenteum, aut gemmeum, nihil pretio, elegantia, vel arte præstans, quod non libens ad ornatum dierum illorum conferret. Imaginibus pijs, sed maximè *S. Veronicæ* tabulis mirè afficiebatur, iis que plurimum, ut dolori suo pabulum daret, tenebatur; cubiculi partes omnes, imò & ipse, quo vebatur, currus sacris imaginibus collucebat; sed major in *Divorum lipsanis* honorandis pietas, quæ sæpe singulari & invidendâ felicitate comparatas, cultui publico proponebat. Templo nonnisi Sacris omnibus peractis recedebat; qui currum redeuntis videbant, omnia jam finita esse habebant pro certissimo. *Sodalitati* pro defunctis in *Domo Professæ Societatis* (quæ postea *Illustrissimæ Matronæ Kolovratianæ Luceæ* legato divite maxima sumsit incrementa) primum *Maximiliana* nostra dedit initium, omnem illius pietatis OEconomiam, quæ cum approbatione summa omnium Ordinum peragitur, ordinavit, confirmationem ejus Sodalitij cum diplomate, & Inmunitatibus multis à *Romano Pontifice* impetravit, fundamenta prima sacelli illius sanè augusti posuit, plastico opere fornicem incrustari, picturis & tabulis artificum parietes exornari jussit, eaque omnia, nè à quoquam opus impediri posset, mirabili celeritate perfecit, plerisque quid ageretur, ignorantibus, & denique nè pro authore haberetur, in rationum libris nomen suum vetuit

appo-

apponi, quasi ex occulto subministrarentur pecuniæ. Eâdem arte, & bono dolo fiebat, ut nemo ferè pauperum ab ea indonatus abiret, à quo tamen stips illa veniret, in vulgus ignoraretur. Abſtinentiâ in edendo admirabili cum eſcæq; pauciſſimæ, neque altilibus unquam, aliisve gulæ cupedijs veſceretur, jubebat tamen opiparè menſas exſtrui, ut alijs edenda ſuppeterent quàm plurima, erâtque multum moleſta convivis, ſi ante cibos otioſi ſederent; at ſi bene prânſos videret, gaudebat, & plena ſolatio honoratam ſe vero & læto vultu teſtabatur. Familiariùs etiam cum grege pauperum anicularum agebat, ſuis ipſa manibus in ollas pauperum, cibos etiam pretioſiſſimos indens, vel infundens, per jocum diſſitans: *ollas & ſcutellas diligenter delingerent, ut ſplenderent, itâ fieri, ut nebula diſſiparentur, & ſerenius aër fieret*; quod in proverbium apud pauperes vertit, cum dicerent: ſe ad *Illuſtriſſimam HohenZollerianam* pergere, ad cœlum ſerenandum; at illa joco illo ſignificabat, cœlo placere, ſi pauperes paſcerentur. Demiſſione animi, nulli præferebat ſeſe, animoque inſculptum habebat, ſe mortalium omnium deterrimam. Ut olim in conjugio, imperio *Catharinæ de Montfort* (Conjugis ſui Matris) regebatur in cultu, & formam monilibus, gemis, aliisq; muliebribus divitijs augere & accendere ſolita fuit, ſic poſtea in viduitate, *Catharinâ* mortuâ, abjecit omnia, palliolo lacero, capite linteato procedens in publicum, factumque eſt ridiculè, ut humi ſedenti in Templo ex tribu Sellulariorum quiſpiam, qui eam mendicabulum eſſe putaverat, teruncium daret in manum; accepit *Maria* cum gratijs, at filia *Illuſtriſſima* ex ſubſellijs factum conſpicata, clamorem ſuſtulit: *Domina Mater*, inquit, *mea hæc eſt*, proinde *abi ſurcifer! injuriam generi noſtro facis!* Continuo Mater pro imperio ſilire filiam juſſit, cum addito: *utinam digna forem inter Chriſti pauperes numerari!*

Miſericordia in egenos.

Abjeſtio ſui.

A nemine, præter pauperes, Natalem ſuum celebrari patiebatur *Maria*: offerebant pro die Natali pauperes aſſa poma, cruſtula butiro perlita, ſiccata pruna, vel pyra, placentulas carioſas & corruptas, & quæ moroſi divites non dignarentur aſpicere; at *Illuſtriſſima heroina*, quæ ſe infra omnes ponebat, hæc menſæ ſuæ jubebat inferri, deguſtabat per delicias, & quodammodo liguricbat; at pauperes læti; & majoribus pretijs redonati *pulchrè ſcenerato beneficio*, ut ait Comicus, diſcedebant. Sed quid opus minutias hæſce perſequi, cum *Illuſtriſſima* hæc *Matrona*, quidquid habuit, in pauperes Chriſti diviſerit? Contubernium Adoleſcentum pauperum, qui literis darent operam, atque unâ in *Eccleſia* ſymphoniacè canerent, cum glorie ſua *Lucia*, & *Catharina Montfortia* Conjugis ſui Matre Novædomi An. 1608. fundavit liberaliſſimè; at Collegium in Nova Civitate Fragenſi ſola, & ex dote ſua itidem cum Seminario piorum adoleſcentum. Tantâ verò & tam magnanimâ liberalitate Cœnobîa & ſacros Parthenones hîc, & in alijs procul terris pro-

prosecuta est, ut ab ijs pro altera Fundatrice haberetur, quibus per intervalla 100. 200. 400. atque etiam 600. pluresque aureos, ut earum poscebat paupertas, trans mittebat.

Educatio
liberorum.

In educatione liberorum difficile dictu est, quàm se heroicam, & quàm diligentem ostenderet; primas voces liberorum *JESUM*; & *MARIAM* esse cogebat, duplices ad sidera palmulas attollere, crucem in fronte formare, antè quàm loqui possent, docebat. Cùm minimus natus filiolus animam ageret, imperio Matris *Crucem* effingere connisus, in eo conatu expiravit; placuisse istud *DEO* eventus miraculo similis ostendit: quippe post tot lustrum, toto reliquo corpore (præter ossa) in cineres abeunte, manus illa, quæ *boni Pueri* dicitur, in hodiernum usquè diem incorrupta, & carne obducta monstratur. Filij, ut Præceptoribus dicto audientes essent, severè jubebat. fuit, cùm ex ijs aliquis fat inclementer virgis, ut merebatur, à Præceptore acceptus, vibicibus coloratis, & adhuc ferventibus coopertus, ad *Matrem* cum querelis, & lacrymis accurreret, statim *Mater* è conspectu filium jussit facefere, atque iteratò à Præceptore castigari.

At nè narratio hæc mea nimium excrescat, finem imponam; ex minimis rerum maximarum à prudentibus argumenta petuntur: in morbo supremo quanta pietatis, quanta patientiæ, demissionis, & obedientiæ edidit documenta? quàm dolores omnes contempsit, quantum dissolvi, & esse cum *Christo* desideravit? omnia peracta ex legibus perfectæ, consummataque virtutis. Confessione peccatorum expiata, Viatico cœlesti refecta, oleo ægrotantium delibuta, vale omnibus, præsertim familiæ, dicto, cùm nihil postea, nisi divinum & cœleste audire sustineret, inter summas animi voluptates, *Christi Cruci affixi* signum complexa, beatam animam reddidit Creatori ætatis anno 69. exeunte.

Obitus.

TIT. LXIV.

Wilhelmus Comes Slavata Cancellarius Supremus Regni Bohemiæ Annis vicens & quinis.

1652. 19.
Jan:

Natales.

NOlo hoc loco, nè quis erret, honores, dignitates, & prærogativas, quas in se, suamque Excellentissimam stirpem (quam servet Divinitas!) *Wilhelmus* pro merito transtulit, & cum dignitate gessit, percensere; qui legere ista cupit, consulat apud nostrum *Crugerium* 19. Mensis Januarij diem. nos hæc latius postea, cùm de *Nobilitate Bohemæ* agemus, pertractabimus; Virtutes tantum Viri præclarissimas, & gesta pulcherrima, quatenus imitationi Procerum subesse, & proponi etiam possunt, summatim adducemus. *Wilhelmus Slavata* *Adami Slavata* ex *Kurtzpachiana* nobilissimæ stirpis matrona genitus, primùm *Piccarditicam* hæresin fuxit cum lacte, neque

neque vulgari forte contentus, ipsam medullam hæreseos combibit *Pecynovskyorum* sectæ, qui alio nomine *Fratres flentes* (ut in hæresibus dicemus) appellabantur: ipse hæc de se in *Apologia* adversus *Mathiam Comitem de Turn* commemorat, recitatque etiam duas, trèsve Conciones oppidò ridiculas in exemplum. Juvenis, & penè adolefcens præcipuas *Europæ Provincias* peragravit, ob ingenij præstantiam, & svavissimam, & paratam omnibus humanitatem charus æquè Proceribus Catholicis, ac hæreticis, magnasque tum adhuc juvenis de se spes in Patria concitavit, adeò, ut juvenem *Wilhelmum* toti *Nobilitati Bohemicæ* ad imitationem proponere ausus sit *Christophorus Harant* Ulysses Bohemicus præfatione ad *Itinerarium* suum. Hærebat *Novadomi* præcipuè, quod *Avus Dionysius Slavata Elisabetham de Novadomo Joachimi de Novadomo Aurei Velleris Equitis, & Supremi Cancellarij Sorem* in conjugio habuerit, & Parens *Adamus Slavata* (ut tum erant tempora) *Adamo de Novadomo Supremo Cancellario*, & postea *Burgravio Pragensi* in omnibus ditionibus *Auræ Rosæ Procerum* regendis operam navaret suam; ibi in familiaritatem *Societatis nostræ Patrum* ingressus, ab *Joanne Rotario, Collegij Soc. JESU Rectore*, aliisque Patribus, *Piccarditicos* dedoctus errores, *Catholicam* amplexus est fidem, paulòque post, agente potissimum eodem *Rotario*, qui conscientiam *Luciæ Novodomensis Adami filiæ* regebat, dejectis corrivalibus maximis *Petro Rosensi, Joachimo Ssvvambergio &c.* nuptias cum eadem *Lucia* celebravit. Admoveri statim maximis honoribus cœptus est, quos referre non vacat; in summa: exceptâ *Appellationum Præsidis, & Burgraviij* dignitate, omnes Regni honores transcendit; Religionem Catholicam, & fidem in regnantes, præcipuo semper studio promoveri, & tueri, cura ingens *Wilhelmo*, atque inde paratum odium; quod, cum hæretici, ac rebelles ordines, nisi cæde *Wilhelmi*, explere non possent, An. 1618. cum *Jaroslao de Martinicz*, ex altissimi senaculi fenestris in mortem certissimam (nisi DEUS, & ejus Mater invocata, miraculo avertisset periculum) jecerunt, rati, columnis hisce duabus subtractis, Religionem Catholicam ruituram. Biennio deinde privatus, & in exilio *Passavij*, pro fide in Regem suum, & pro Religione constantissimè, & patientissimè omnia toleravit. Partâ de hæreticis cælesti victoriâ, ad *Aulam* vocatus, totum se Patriæ cadenti, & brevè ad incitas redigendæ, quâ posset ope adjuvandæ libenter impendit; non ille vindictam, Christiano homine, & Viro forti, & heroico indignam cogitare, non insultare victis, non impellere in casum, quos odisse poterat, non alienis bonis crescere quæsivit, adeò (quod ante annos propè vices nos in *Melissis* scripseram) nec terræ pugillus nominari in ditionibus Slavatinis potest, quem aliena calamitas, & proscriptio signaverit. Quot ille familias nobilissimas in Regno servavit! quot comendatione ad *Regem, & Cæsarem Ferdinandum* suâ, in exilium deportandos detinuit, qui postea de

Religionē
Cath: am-
plectitur.

Ejicitur ex
Senaculo
ab hæreticis

*Meliss. Exa-
men. præf.
ad C. Ferd.
Slavatam.
Multos in
Patria deti-
net.*

Amor Pa-
triae.

Obit quot-
annis Exer-
citia Spirit.

In sacris li-
beralitas,

Munera re-
culat ex Vo-
to.

Religione melius informati, accessere Catholicis, & ditionibus aut ex toto, aut ex parte receptis, propagavere familiam, hodieque eorum *Illustrissimi Poster*i censentur in Regno. Innumeros ejusmodi nobilissimos Viros, si odium non timerem, enumerare possem. Patriam commendare Regi suo nunquam desistebat *Wilhelmus*, & cum aliquando ab *Oratore in Collegio Novodomenfi* Pater Patriae appellatus esset, grateranter accepit, responditque: unum hunc titulum se ambitiosè expetere, licet ab ipsis Patriotis, ut aiebat, impediretur, qui ob sua privata comoda, & commendationem ad Principem, nescirent, aut scire nollent: *Patriam longè Patribus, & Matribus cariorem esse nobis oportere.* *Wilhelmi* opus est (quanquam in hoc opere *Sternbergicos, Waldsteinios, Talenbergicos, Kolovratas, Lobkovvicios* praecipue, & *Berkas, Rziczanos, Wratislavios, Czerninios*, aliosque plures socios, & adjutores habuerit) ipsius, inquam, opus fuit impetrata, & à *Ferdinando II.* data publico diplomate toti *Regno Bohemiae, & Ordinibus* omnibus venia, oblivio rerum praeteritarum, priorum *Privilegiorum* nova instauratio, & confirmatio, quae postea etiam in *Novellas* est inserta. Habui in manu grandem literarum *Wilhelmi* codicem, quos ad diversos Proceres dictavit (*Maculatori* titulus fuit) in quibus de felicitate Regni recuperanda, de minuendis oneribus, de Nobilitate locupletanda, aliaque hujusmodi inculcat, estque hoc velut unicum earum literarum argumentum. *Societatis nostrae* operâ praesertim utebatur in sacris, habebatque in *Aula duos*, quorum consilia in conscientiae arcanis sequeretur: quothebdomadis *SS. Eucharistiam* sumebat, tenerimâ usque ad lacrymas pietate; *Exercitia spiritualia S. P. N. Ignatii* quotannis octiduo, procul amandatis curis omnibus, solo, qui ei erat à sacris, teste, peragebat, fructusque omnes meditationum suâ manu in Libris ad id paratis, annotabat, quos Libros vidisse me, & legisse gaudeo. In Ecclesijs sumam semper adhibebat magnificentiam; vel augustum *S. Mariae Magdalene* Sacrum id loquitur, in quod fabricandum duodecim millia expendisse traditur: *O Etinge Veteris ante Divam*, quatuor *Missas* in hebdomade peragendas fundavit non parvis sumtibus (ut alia taceam) Religiosis pluribus ad perpetuitatem de aëna providit; animabus fidelium, quas piaculares flammæ detinent, eleemosynis, & sacris fere quotidianis opitulari solebat. Unum omnium maximæ, & confirmatae, atq; heroicae prorsus virtutis opus pro coronide appono: cum *Cancellarij Supremi* dignitatem adisset (me ipsum, & verba, quae ante vicenos annos scripseram, hîc describo) *Voto se jurato obligavit: nunquam se ullum munus à partibus litigantibus, vel eorum amicis, & cognatis, nullo unquam seu donationis, seu gratitudinis, seu quovis alio prætectu accepturum, nullâ, quae excogitari possit, arte, idque sanctè DEO promittere. voluit ei voto solennitatem addere Wilhelmus: nam P. Wrotæus Sacrum faciens rogatu Wilhelmi cum Vener: Hostia sese ad Wilhelmum con-*

ver-

vertit, tum iste votum ex formula legit, eoque lecto SS. *Eucharistiam* in confirmationem percepit. Iplum hoc votum *Wilhelmi* manu scriptum olim vidi, quod me tum non descripsisse non parum nunc doleo. Denique, ut finem semel faciam, *Wilhelmus* jam ad octogesimum ætatis annum descendens, aulæ vale dicto, omnibus Sacramentis munitus, An. 1652. 19. Januarij vitâ excessit, quodque supremâ voluntate statuerat, totiesque repetierat moriens, *veste Societatis nostræ indutus*, in eo ipso, quod à fundamentis excitârat *S. Magdalene Sacratio Novædomi* humatus est, magnum, & rarum in Viro Principe pietatis, & virtutis exemplum.

Obitus.

Adjiciam hoc loco *fructus quosdam Spiritualium Exercitiorum Anno 1644. collectos*, quos manu sua *Wilhelmus* in Libro suo Arcano, quem in manibus habui, annotârat; ex hisce pauculis (velut olim nescio quis Sapiens ex vestigio magnitudinem *Herculis* probavit) *Lectores*, Viri virtutem, & quantâ cautelâ homo id ætatis in Aulis Principum vixerit, intelligent.

Proposita quædam Spiritualia Excellentissimi Domini Comitis Senioris Slavatæ Guilelmi A. 1644. In Exercitijs Spiritualibus S. P. N. Ignatij, ex Archivo Collegij Novodomenfi Societatis JESU.

Propono I. *Singulis diebus Dominicis, & Festivis à meridie adire illa Templâ, in quibus per aliquot horas exponitur Sanctissimum SACRAMENTUM, & ad minimum unam horam ibi orare.*

Proposita
Guilelmi
Slavatæ in
Exercitijs
Spiritualib.

II. *Si aliquando instituentur Orationes quadraginta horarum, me velle, in illo templo, ubi celebrabuntur, quolibet die unam horam orationi vacare.*

III. *Singulis hebdomadis die Lunæ apud Sanctum AUGUSTINUM in Sacello mortuorum, & die Veneris in domo Professa in Sacello Congregationis horis consuetis devotioni adesse.*

IV. *Singulis diebus à meridie velle (præter consuetas meas Orationes pomeridianas) meditationibus pijs mediam horam, & diebus festivis integram horam consumere, & ad meditandum velle sumere illas sententias, quas hoc itinere ex libello Thomæ de Kempis annotavi, & describere curavi.*

V. *Cum singulis hebdomadibus, tribus diebus, die Mercurij, die Veneris, & die Sabbathi (præter Vigiliis quando aliqua occurrunt) soleam solùm collationem sumere; velle tunc temporis curare alicui ex meis famulis aliquem Spiritualem librum mihi legere.*

VI. *Convivia solennia velle vitare, & invitatus me excusare, nec etiam me velle domi meæ convivia solennia instituire.*

VII. *Avanis, & otiosis colloquijs, & præcipuè verò ab obloquijs, & detractionibus, tam in Aula, quàm extra Aulam, & eum utroque Sexu velle abstinere.*

VIII. *Soliloquia cum sexu fæmineo velle vitare.*

IX. *Alusu chartarum velle abstinere.*

X. *Nunquam me velle otiosum esse, & me velle in scribendo Historiam, jam ab aliquibus Annis à me inceptam (in qua materia jam septem Libri Lingvâ Bohemica, & Germanicâ satis prolixi, scripti, & perfecti sunt) continuare.*

Et in reliquo cum auxilio DEI, & Beatissimæ Virginis meæ singularissimæ Protectricis, & Advocatæ, conabor vitam instituere, ut cum mors venerit paratum me inveniat.

TIT: LXV.

Venerabilis Pater Nicolaus Lancicius è Societate JESU.

1652. 16.
Martij.

Munia ejus

Res gestæ.

Reverendum Patrem Nicolaum Lancicium Bohemia quidem non genuit, sed longâ habitatione, & miro in hanc Provinciam amore, suum fecit, & numerat inter suos. natione fuit *Ruthenus, Vir Sapientia, & virtute clarus* (verba sunt Philippi Alegambe in Bibliotheca Scriptorum Soc: JESU) docuit *sacram Linguam, Controversias, Theologiam Moralem, & Scholasticam, & Divinas literas interpretatus est.* Rector fuit Collegij Cracoviensis, & Præpositus Provincialis in Litvania, inde ad Provinciam Bohemicam translatus, formandis in tertia Probatione Patribus *utilem operam exhibet.* Hæc Alegambe viventi adhuc Elogium scribens. Fuit Nicolaus Lancicius Instituti Societatis amantissimus, & peritissimus, peritiam acquisivit longâ *Romæ* comoratione, ubi & Tyrocinium vitæ Religiosæ posuit, & facile vicenis quinis annis moratus est, nullam curiositatem supervacaneam esse existimans, quæ pernoscendo penitus Ordini Societatis impenderetur; *Archiva* omnia nostra Romana sursum deorsum pervolutavit, cum Nicolao Orlandino, & Francisco Sachino pro scribenda historia Societatis materiam ex Archivis colligeret, ac suppeditaret; *triginta quatuor Familiares S. P. N. Ignatii* socios, familiarissimè novisse se gloriabatur, & ex ijs duos è primis Patribus *Salmeronem, & Bobadillam* de facie nôrat, & hos & illos multis fatigans (præcipuè *Ribadeneiram*) quæstionibus, ut initia Societatis omnia haberet perspecta; legantur ejus *Opuscula* duobus *Thomis* comprehensa (quæ *Provincia Bohemiæ* dedicavit) tam enim reconditæ, & abstrusæ in ijs *antiquitates Societatis* reperiuntur, ut neminem unum in eo genere parem sit invenire. Sanctissimos quosque in Italia Viros amicitia coluit, & ab omnibus doceri paratus,

ratus, mira didicit, quæ postea senex nobis certatim accurrentibus jucundè commemorare solebat: *S. Philippum Nerium* nôrat, & paulò ante mortem invisit, à *S. Magdalena de Pazzis* sæpe per Epistolam & amicos salutatus, & donis ejus honoratus; *Cænobio Turris speculorum Romæ* à sacris confessionibus diu fuit, atque ibi *Mariam Bonaventuram Romanam Virginem*, Exercitiorum ope *S. P. N. Ignatij* ad vitæ eximiam Sanctitatem perduxit, cujus etiam vitam scripsit; *Julius Mancinellus* Vir magnæ Sanctitatis sua illi spiritualia lumina, & illustrationes à se scriptas donavit, *P. Bernardus Colnagus* Vir Sanctimoniâ inclytus, vitam eidem suam omnem petenti narravit, *Generalis Franciscani Ordinis S. Johanna granum* donavit, quod ille alijs granis allinens (ut Pontifices permiserant) per eadem grana & ipse & alij mira (quæ in *Annalibus Provinciæ* leguntur) patravêre. Tricenis plura *Divorum Martyrum corpora* è *Cæmeterio Callisti* à Pontifice cum authenticis suis impetrata, in *Bohemiæ Provinciâ* invexit, & multis Urbium supplicationibus prius honorata per Collegia divisit, multis miraculis eorum invocationem secutis; tota hæc pietas optimi senis diligentia, & in Sanctis honorandis ardentissimo studio debetur. Sed & ipsimet domi aderant, quæ domestici mirarentur exempla, imò & miracula, aut quocunque alio nomine appelles: nôvi, qui eum altè è terra sublatum vidisse se testatur, cum *S. P. N. Ignatij* (cujus ultra omnes alios Societatis *Divos* maximus erat amator, & heroicæ Sanctitatis æstimator) orationem ardentissimam *uni ex Socijs Pragæ* laudaret; canebat præ dulcedine affectûs in *Missa*, & verbis Italicis modulabatur, neque tamen plenâ *Ecclesiâ* cantus ille audiebatur, nisi à paucissimis; nôvi, qui sacrificante illo *Rosas ad Eucharistiam* venientes, foliâque sua ultro expandentes, quasi viverent, viderat, quas *Rosas senex* manu mulcebat, & reponebat in locum. Mihi quoque præter alia admiranda, (quæ alio scripto complexus sum, utpote ejus unius operâ ad poenitentiam, & *Brunam* eo comitante ad *Religionem S. J.* adductus, & plurimis ejus colloquijs, & comêrcio literarum frequentissimo dignatus) mihi quoque mira cum eo contigêre; unum pro multis dabo: amiserat omnia sua *Adversaria* rapta à prædonibus An. 1640. & tantum non occisus (tribus Socijs ante se perentis) evaserat (quam rem longum percensere foret) & tamen libellos spirituales plurimos elucubrabat, & evulgabat; accessi aliquando senem, & quæsi: *quomodo tot sententijs SS. Patrum in libris uteretur, ut ei utramque paginam SS. PP. facerent, cum adversarijs suis careret?* respondit senex: *id esse obedientiæ præmium: cum, inquit, è Collegio Cattenbergensi fugeremus, prædixi Rectori, tres è Socijs occidendos in via, me autem evasurum, sed scripta, quæ mihi vitâ ipsâ chariora essent, perditurum, proinde ut aliud iter imperaret; noluit Rector; ego sciens & volens, intellectu captivato in obsequium obedientiæ, discessi; sed mitissimus DEUS mihi abundè restituit, quæ amisi: nam quemcunque ex SS. Patribus librum aperio,*

Adfert Româ plura SS Martyrum Corpora.

Quædam mira de eo narrantur.

sententiam in rem meam semper invenio, & aptiorem, quàm ego omni humanâ industriâ, & multâ lectione possem invenire. Fac, inquit, Balbine periculum; habebat ante se Lancicius Græcos Patres (quorum studio maximè tenebatur) ac nominatim Damascenus, nisi fallor, & Basilus stabant in conspectu; petit senex, de quo argumento vellem sententiam habere ex Damasceno? dixi (quod est rarissimum) me de S. Angelo Custode aliquid legere velle; nihil ille argumenti raritatem caussatus, sublatis in Cœlum oculis, librum aperit, & mox digitum in lineam intendens: En, ait, de S. Angelo Custode sententia! erat, memini, locus pulcherrimus. Cùm admiratio cresceret, arripit Basilium, rursusque temerè aperto libro, aliam de SS. Angelis Custodibus Basilij sententiam digito cōmonstrat; tum ego, facilè, inquam, Rev. Vestra libros conscribit: Balbine, crede mihi, subjicit senex, Bibliotheca est huic vicinæ; ex ea unum refero Codicem, alterum adfero, rursusque tertium, quartum &c. atque ita mihi omnia sponte incurrunt, ut quidquid cupio, id Sanctorum dictis statim possim approbare. Hoc certè, quod modò narravi, magnum ego semper miraculum, & fortè alijs miris nihilo inferius esse putavi. Legi aliquot mihi ab eo familiaritè concessos libellos, quos ad pusillanimitatem suam pellendam procul omni fūco conscripserat, plenos gratijs, & beneficij cœlestibus, miraculis, visionibus, atque inter alia unam, alteramque rationem Conscientiæ Superioribus more nostro datam, in quibus ejusmodi plurima continebantur. Voto sese obligarat, S. Terefiæ imitatione perfectiora semper eligendi, venialia peccata deliberato animo nunquam cōmittendi &c. Exercitia spiritualia S. P. N. Ignatij tradebat dexterimè, multosque eâ ratione ad miram Sanctitatem adduxit. Charitatis ipsius habebat præcordia, mirus erat consolationum artifex; si quid triste cuiquam accidisset, & pateretur, tam tenerè solabatur, ut in cor suum dolores alienos transferre videretur. Prophetiæ dono illustris multa multis prædixit. Patri Laurentio Teicher S. J. conquerenti se non pingvescere: atqui, ait, olim ita pingvesces, ut vix per hanc januam transire possis; res aliorum accepta tum est; at annis vertentibus P. Teicher in hydropem incidit, & vaticinio fidem fecit; scio hominem, & vivit adhuc, à quo id jam Societatis Provinciale audiui, sibi eam dignitatem triginta facilè, quàm delata ei esset, annis, à R. P. Lancicio esse prædictam; mihi quoque in juventute tenero, & imbecilli longiorem vitam, & senectutem promisit. Illustrissimo Baroni Ottoni ab Oppersdorff hærede masculo carenti, certas in speciem herbas (ad miraculum obtegendum) præscripsit, & duas viriles proles (quod factum est) habiturum prædixit. Imitatione S. Philippi Nerij, quantum per Societatis leges licebat, virtutem factis aliquibus, quæ improvidi damnarent, obtegere solitus, tum maximè, si quid miraculosum accidisset, ut opinionem Sanctimonix apud alios vitaret, & quodammodo corrumperet; quod, hujus consilij sui ignari, ac prompti alienorum

Libelli arcæ
norum.

Vaticinia.

norum
illis gau
mihi ce
hernu
eam co
molesti
quin or
Eadem
Lancici
Divinit
nali, si
obitus a
die (q
Brune
caderet
cium or
mis ani
lunt, q
cum co
possent
cula del
fieri, in
dum D
rare sep
raturu
dulam c
cuidam
& ejus c
injuriar
ne in Li
cis plen

Ve

Fu
pr
m
mucium

norum Censores, in argumentum alicujus vitij trahebant; at Senex deceptis illis gaudebat, semper ambulans in Divino conspectu, & neque manum, ut mihi confessus est, sine DEI memoria attollens. Novî alium, qui cum sibi herniâ crescere confidenter seni aperuisset, subitò invisibili manu senserit sibi eam corporis partem arctè premi, & ex eo tempore nunquam illius rupturæ molestias pertulisse, ac procidentiam illam viscerum non ultra progressam, quin omnia vitæ officia comodè, & sinè ullo impedimento peragere potuisse. Eadem horâ Bruna, & Olomucij, locis procul distantibus visum esse R. P. Lancicium, collatis temporibus, plures affirmant; arcana cordium sæpe illi Divinitus patuisse exemplis plurimis probari potest; in Confessionum Tribunali, si quis quid per oblivionem omitteret, monebat hoc vel illud omissum; obitus amicorum in Provinciis remotissimis si pius amicis indicavit; eodem die (quod testari ipse jurejurando possum) R. P. Danielis Kirchneri mortem Bruna obitam, & ejus ante mortem terrores, cum ante morbum è curru caderet, mihi ab eo narratam Pragæ memini, cum nè quidem cursor id nuncium omni celeritate, vel si volaret, adferre potuisset. Ex purgantibus flammis animas mortuorum sæpe ad se venire, & opem precum poscere vidit; sunt, qui audivère poscentes, & omnia lamentis implentes, alios, & alias cum eo spatiantes, & colloquentes. Plura hujusmodi mira commemorari possent; at exorietur aliquis forsitan, qui gesta tanti Viri, Virtutes, & miracula describenda sibi sumet, quod omnes, qui Virum novimus, adhuc non fieri, impatienter, & dolenter ferimus. Dicebat se admissum in conspectum Divinitatis post mortem, petiturum, ut nullos haberet honores, & sperare se plures sibi adversaturos mortuo, quàm nunc viventi, idque sat diu duraturum; Adversarios suos amabat tenerrimè, mihi que ipsi aliquando schedulam donavit, quam antè ad pedes Crucifixi Salvatoris suspenderat, in qua cuicumque graviter sibi adversanti bona omnia à DEO precabatur, mori pro eo, & ejus commodis eligens, aliâque sinceri amoris vota, & veniam omnium injuriarum faciens, ut nihil tenerius esse posset. Obijt plenus dierum Can. na in Litvania 16. Martij An. 1652. quò priùs ex Bohemia tum hostibus Svecis plena, multis Urbibus captis, redierat.

Miraculis
simillima.

Amor ini-
micorum.

P. A.

Obitus.

TIT: LXVI.

Venerabilis Pater Joannes Nerovius Societatis JESU.

Fuit hic Pater amabilis prorsus, & innocuæ simplicitatis, & Sanctitatis probatissimæ; natus est in Silesia Trechovij An: 1589. 21. Septembris, missus ad studia latinitatis Olomucium, & Pragam; Hinc rursus Olomucium iter intendit, & inter Condiscipulos ingenij & diligentiae palmâ ob-

1656. 25.
Augusti.

Genus &
& prima
ætas.

ten-

Studia,

Vita Apo-
stolica.Mirum
quiddam.Pietas in S.
Dorothea.

Obitus.

centâ, Anno 1607. 25. Octobris inter *Societatis* nostræ *Tyrones* cooptatus est: jam tum cum divina Majestas sibi delegerat, quem dulcissimâ semper, & affluente cum lacrymis pietate, sibi nexu amoris perpetuo implicaret; sed is cum pietate scientiam quoque conjunxit, & Græcis literis maximè imminens, primùm *Grammaticam*, deinde *Poësin* (in qua felix est habitus) *Ethicam*, *Philosophiam* perdocuit, & *Pragæ* in *Carolina Universitate* cum Ven. P. Martino *Stredonio Theologiae Doctor* est creatus; diu tale par, sive Doctrinam, sive Sanctimoniam spectes, *Universitas* ista non habuit. Sed *Nerovium* nostrum à Scholis publica *Bohemiae* necessitas ad *Apostolicas Missiones* transtulit, in quibus diu versatus plurimis in *Districtibus Bohemiae*, sed præcipuè ad *Gitzinium* non parvum Oppidanorum, & agricolarum numerum *Christo*, & ejus *Sponsæ Ecclesiæ* adjunxit. Ibi illud accidit memorabile: Matrona moriens P. *Joannem* ad *Confessionem* advocârat; properavit Pater, sed illa petitioni suæ immortua est. Qua de re loci *Dominus* venientem Patrem admonuit; Pater nihilominus duci se ad mortuam jubet, remotisque omnibus preces fundit; *Loci Dominus* curiosè quid agatur per januam observat, vidit *Cadaver* erigi, & aures confitenti præbere *Nerovium*; rebus omnibus expletis, aperitur Janua, cadaver suo loco jacet; ita tum discessum est, Domino stupente, & quoad vixit miraculum prædicante. Missionibus felicissimè terminatis Pater *Nerovius* in plurimis *Bohemiae Collegijs Præfecturam Spiritûs*, ut vocamus, gessit. Frequens ejus aspiratio, quam semper habebat in ore (*Beatissime DEUS!*) divini amoris dulcedinem, quâ difflebat, satis ostendit; *Missionem* ferè semper legebat cum lacrymis; quotidie cilicio accinctus acriter flagris sæviebat in corpus, idque per annos quadraginta nunquam omisit; omni feriâ sextâ in Dominicæ Passionis honorem in cubiculo non nisi humi ferebat, velut sub *Cruce Domini cum Magdalena* mœreret; sæpe eum sub *Cruce* in hoc situ, cum ad eum ventitarem, deprehendi. Post *DEI Matrem* nullam è cœlitibus præ *Santa Dorothea* Virgine colebat magis: divinitus intellexit ejus auxilium ad *Castimoniam* plurimum valere; hæc ipsa virgo Sanctissima ultro *Nerovium* in amorem impulit, & se se obtulit spectandam miranti; Unde cum lacrymis dicere auditus est *Nerovius* non semel: *à me non quæsita ecce ultro apparuit!* Magni scilicet æstimans amorem, in quo esset ab illa præventus. *Rector Collegij Neo-Fragæ* cum esset, & ære alieno gravaretur, eadem *SS. Virgo* tantam pecuniæ summam aspectabilis obtulit, quantâ debitum posset expungi. *Animas mortuorum* ad se venientes sæpissime vidit precum auxilia postulantes; & colloquebantur familiariter; audiebant domestici, sed loquentes velut peregrino sermone, intelligere non poterant. Denique meritis, & virtutibus plenus, cum *Collegij Clementini Pragæ Rector* esset, migravit ad Dominum pijsimè comparatus Anno 1656.

25. Augusti. ætatis 67.

TIT: LXVII.



TIT: LXVII.

Venerabilis Pater Adamus Krawarsky Societatis
JESU, Vir Apostolicus & maximæ robustæque
virtutis; Qui in reducendis ad Ecclesiam hæ-
reticis felicissimè in Bohemia laboravit.

Vitam Viri hujus Apostolici à me ante complures annos conscriptam
Archivum Provincia Bohemia Societatis nostræ servat, ex qua non-
nulla, quæ ad Viri Virtutes, & veram in animabus ad Ecclesiæ sinum
adducendis fælicitatem pernoscendam faciunt, exscribam. Natus est P.
Adamus Bavorovij in Silesia Oppido Dicecesis Wratislaviensis ad *Ratiboriam*
Anno superioris sæculi 85. Societati nostræ nomen dedit An. 1607. Cum
adhuc domi apud Parentes Catholicos versaretur, *Bavorovij* Sacerdos qui-
dam ab innocentia vitæ multum commendatus, nocte quæ *Nativitatem Do-*
mini præcedit, vidit per quietem *Adamum* adolescentem sibi sacrificanti mini-
strare, ejusque capiti *Coronam* cœlestibus illuminatam gemmis imminere;
ex eo tempore non cessavit bonus ille *Sacerdos Matrem Adami* perurgere, fi-
lium ad *Societatis* scholas mitteret, palam affirmans ad magna quædam desti-
nari filium, quem jam expectarent *Coronæ*. Hæc *Matri* causâ fuit, ut reli-
ctis domi tribus alijs *Adami* fratribus, hunc unum currui impositum ipsa, ma-
terno studio, *Olomucium* ad scholas nostras deveheret. Nihil de ejus stu-
dijs *Olomucensibus* quod commemorare ultra possim, invenio. *Commoto-*
vij Rhetoricâ absolutâ cœperat *Adamo* mundus placere, occurrit in tempore
titubanti *Divina Bonitas* & ad se se convertit: temere aperto *Evangeliorum*
libro, incidi (inquit) in *parabolam de quadruplici semine*. Inhaesit cordi meo
vehementer explicatio illius seminis, quod cecidit inter spinas, inde nulla quies ni-
sî mundo & parentibus renunciarem. Admitti igitur in *Societatem Nostram*
postulat, admittitur *Commotovij*, & vix interjecto Mense unâ cum *Matthia*
Burnatio, qui deindè pro fide ab hæreticis (ut *P. Alegambe* refert) occisus est,
ad *Tyrocinium Societatis JESU Brunense* proficiscitur.

Tyrocinio expleto, & confecto studiorum curriculo Sacerdotio initia-
tus. *P. Adamus*, totum se ad Lucra animarum convertit. Hæreticis magnâ
pugnâ victis, & ex *Albo monte*, totoque Regno depulsis, statim *P. Adamus*
Majorum Imperio Prachaticium, Wodnianum & Pisekam, Urbes hæreticas,
quæ penè ad internecionem Civium suorum in *Catholicorum Exercitum* antè
pugnârant, mittebatur; sed revocatus est brevî: immatura enim res visâ,
Hæreticos à sanguine recentes & vulneribus fluentes concionibus irritare.
Primus in *Bohemia* labor, prima oblata *P. Adamo* messis est *Kosumberg*, ditio
Slavatarum; ibi strenuè laboratum, paucis que mensibus quingenti hæresim

1660. 30.

Aug:

Natales.

De eo præ-
dictio.MS. P. A-
dami manu
propria.Admissio
ad Societatem.
Aleg. in Vi-
ris Illustrib:
Societatis Bur-
natio.Missiones
P. Adami &
vita Apost:

A. 1620.

Krzivokla-
dum.

Loca & di-
tiones quas
peragravit.

Trebona.
Carlsteina.

Tetinum.

ejurârunt, volentesque ac lubentes peccata confessi *Eucharistiam* Catholicè sumserunt. Inde Cæsaris imperio *Rakonicensis districtus* in eadem *Bohemia* hæresi corruptus, ut nihil suprâ, totus erudiendus Patri traditur: *Litteris à Casare*, Archiepiscopo & Regni Ordinibus acceptis, eò se *P. Adamus* propere contulit: continebat se ut plurimum munitissimis locis *Pater*, & præcipuè *Krzivokladensis* arce (nam arma Rustici corripuerant) tamen divinâ gratiâ aspirante, cum armati ad *Patrem* identidem convenirent, ejus capti svavitate & colloquijs ad fidem veram optimè instructi, alijs quoque exemplo fuerunt, *Catholicæ Religionis amplectendæ*; factò semel ab honoratioribus initio prospere omnia satis ibant sub manum, totòque illo *districtu* per annum peragrato ea una in *Bohemia* parte *decem animarum millia Christo* conciliata, singulari cum Cæsaris, ad quem ea quoque fama pervenerat, voluptate, numerata. Absolutus ibi erat labor cum animadversa Patris felicitate *R. P. Gregorius Rumer Provincialis Trebonam* ablegat: Numerantur in ditione illa tres Civitates egregiæ, oppida tria, pagi supra quadraginta duos; omnes diversis hæresibus, ac præcipuè *Boleslaviensi* seu *Pickarditicâ* sectâ (cui Scholam illustrem *Sobieslaviae Petrus Wokde Rosis* non ita pridem crexerat) infames. Instructus decretis, magnâ autoritate se ferebat *P. Adamus*, tantumque in ea gente perfecit, ut anno vertente *quinque hominum millia Trebonæ, Sobieslaviæ, Lomnicij, Weselij*, vicinisque pagis ad Ecclesiam reducerit. Ea res *Civitatum, Parochorum, & Communitatum* sigillis publicè firmata, & *Viennam ad Ferdinandum III.* (cui *Ferdinandus II. Augustus Pater, Trebonam* donaverat) perlata, ita Regem exhilaravit, ut per *R. P. Henricum Philippi* gratias *P. Adamo* agere ipse *Rex* non omiserit. *Trebonensem Missionem* sælici exitu terminatam, exceptit alia non minus sælix *Carlsteinensis*. Illuc petente *Illustrissimo Barone Joanne Kravka de Ržiczan* *P. Adamus* mittitur; multum ibi laboris, multum periculi fuit: fera & sylvestria ingenia, si quod de Religione verbum faceret, lædi se primùm putabant; audiebant Concionantē *Patrem* bombardis ferè omnes instructi, & si quid ardentius suspectiusque diceret, media è Concione domum refugiebant fæminæ, Viri extrema omnia atrociter minitantes, temploque egressi relicto *Patre* in familiares sylvas condebantur. Ab extremo periculo haud multum videbatur abesse, tum maximè die quodam, cum in *Tetin* (locus est *S. Ludmille* sepulchro nobilis) Catechismum rudibus explicaret, irruunt in templum securibus armati, duo valentissimi homines, designasse facinus vultus, ut ità loqui liceat, *Damone plenus*, arguebat; mox clamore sublato cum *Patre* expostulant: quid venisset, rogabant, quid novi doceret? apparebat eos rixam quærere; diffugientibus quâ datâ portâ audientibus, *Pater* satis habuit in præsentia mollibus verbis respondere, & iratos placare; cessit consilium ex sententia, ut ipsi postea *Latrones* se mutatos mirarentur, & abirent innoxij. Post plurimos exhaustos labores,

bores, & continuatam pluribus mensibus quotidie *Catechesim* felicissimum initium datum, numeravitque ibi *P. Adamus* quingenta ab hæresi conversorū capita, plures sinè dubio numeraturus, nisi eum ad *novam Civitatem Pragensem* imperia Majorum vocassent. Obfirmator omnibus alijs per *Bohemiā* Urbibus, *Nova Urbs Pragensis* habebatur, & tumultibus, ut historiarum fide constat excitandis, ab hæresi semel occupata, eadem tum aptissima; sed tantam *P. Adamo* addiderat gratiam *DEUS*, ut brevī universa ab unius ore penderet; Conciliatā Concionibus autoritate, adibat præcipuorum Civium domos, eximebat inutiles curas, & prioris superstitionis omnem memoriam ostensā Religionis nostræ antiquitate & gloriā, delebat ex animis, laude etiam provocabat cessantes; sic primarijs familijs ad fidem paulatim adductis, plebs universa ditiorum exemplis victa se dedit, ut eo ipso anno (quod *P. Adamus* in acta retulit) supra quatuor hominum millia, ea in *Urbe*, divinæ fidei lucem aspexerint. Talia exempla id temporis *Pragæ Pater Adamus* edebat, cū Superiorum voluntate ad constituendum *Reginohradecij Collegium* ablegatur. Ea res *Reginohradecij* cū in longum traheretur, viciniam totam *Pater* ab hæresi perpurgavit: *Ziampachium*, *Czastolovicium*, *Tinistium*, *Rokytnicum*, *Kisspergam*, *Nachodium* cum Oppidis & pagis omnibus, ac *Richnovium*; *Ziambergenses* montes præcipuè, quò penetrarat *Pater*, admirationem rerum peritis moverunt: quippe ibi *Fratrum* seu *Pikarditarum* plena omnia, & flos quidam improbiſſimæ illius sectæ, qui se *Kunvaldenses* (à pago *Kunvald* latè per eos montes diffuso) nominabant; eam lutulentam hæresim totā ditione illā profligavit; nihil jam hominibus illis quietius, nihil Catholicum magis; sumā & pietate & constantiā Religionis nostræ arcana mirantur & amant, multò illis meliores, qui degunt in Urbibus, cujus rei, ipse qui scribo testis sum, cū post multos à *P. Adamo* annos, in ea loca venissem. Post tot animarum lucra & nobiles palmas de hæresi reportatas in *Collegijs* ferè & *Domo Professorum Pragæ* vixit *P. Adamus*, nisi quòd octo antè obitum annis omnes superiores de hæresi victorias pulcherrimo & immortalis labore concluderet. Placet verba ipsa *P. Adami* ex chartula recitare: *Missus fui*, inquit, ad *Dominium Opocznenſe Illustrissimi Comitis Rudolphi Coloredo*, & missus cum quinque Patribus Noſtris, eo nomine, quòd Comitibus illo anno habita concluderint, ut singuli Domini collaborent, ut intrā certum temporis spatium subditi vel convertantur ad fidem, vel è Regno discedant. Hoc est *Dominium* illud rebelle, quòd post *Conversa* totius Regni *Dominia*, viginti septem annis in densis errorum tenebris ad annum usque 1652. deliteſcebat. Dum enim An. 1624. Et ſequentibus, totius Regni districtus & *Dominia* per certos Commissarios, & Patres nostros in fide Catholica suscipienda erudirentur, & hoc animarum negotium in omnibus regni districtibus & *Dominijs* pacificè perageretur, solum *Opocznenſe Dominium Trczka* subjectum arma ſuſcit, & vestigijs

Nova Civitas Prag:

Reginohradecium.

Kunvald.

1652.

Opoczna.

Ziſſea inſiſtens dum pro Calice bella gerit, ad prædas converſum, primò ærarium proprij Domini Centum millium Neſtadij diripuit. Deinde ad vicina Dominia ſpolianda progreſſum rapinas exercere cepit. Sed milite Pragâ ad compescenda impiorum conſilia ſubmiſſo, multi ex illis capti, ſuſpenſi, in rotas acti, & varijs affecti ſupplicijs. Anno tandem 1652. recurrente: Miſſus ad illud convertendum cum quinque Patribus diviſis inter nos per totum Dominium laboribus, præmiſſis Concionibus, Catechiſmis, in Templis, Curijs & Domibus, eam animorum mutationem, quinto poſt hoſce labores menſe advertimus, ut turmatim centeni & centeni Opocznam concurrentes, ſuavi jugo Chriſti ſe ſubmitterent. Excrevit numerus illorum, qui confeſſi, & Sacro-ſanctâ Euchariſtiâ reſecti, ad ſex millia & quadraginta hominum capita. Hæc ex P. Adam manu propriâ ſcripto, quod ipſe Majorum Imperio conficere coactus eſt, quodque apud me reperitur. Quis hoc loco non invidet, aut non miretur? pro miraculo multis viſum, quod armati efficere non poterant, inermes præſtitiffe. Pragam triumphanti ſimilis ab Illuſtriſſimo Comite Colorado ad ſtationem ſuam in profeſſa Domo P. Adamus revectus eſt. Sed mox veterem curam recepit: Virgines Religioſas Benediſtini Ordinis ad S. Georgium; tredecim ipſos annos, in permoleſto illo labore cum ingenti Sacrarum Virginum ac prorſus Cœleſti utilitate conſumſit, Exhortationibus faciendis, Confeſſionibus audiendis, conſolandis omnibus, & ad DEO præſtandum obſequium excitandis, cum ferè quotidie, id ætatis ſenex, altiffimum Pragenſis Arcis montem conſcendere illarum cauſſâ cogeretur. Referam ad hujus capitis finem Indiculum à P. Adamo ab hæreſi ad fidem noſtram Converſorum, quem ſuâ ipſe ſenili & tremulâ manu Superiorum jufſu ante mortem confecit, qui ſumâ fide deſcriptus ſic habet:

Numerus Converſorum in varijs locis diverſorum Diſtrictuum ab Anno
1622.

IndexCon- verſorū ad fidem à P. Adamo.	In Dominio Koſſumberg converſi	-	-	500.
	In Dominio Czastoſloviſenſi	-	-	400.
	In Zampach	-	-	400.
	In Dominio Krzivoklad, ſeu Pirglicz	-	-	4000.
	In varijs locis diſtrictus Rakoniſenſis	-	-	6000.
	In Dominio Trebonenſi	-	-	5000.
	In Karſtein Dominio	-	-	500.
	In Civitate Neo-Pragenſi	-	-	4000.
	In Dominio Rokitnicz	-	-	600.
	In Dominio Kiſſperg	-	-	700.
	In Dominio Zambergienſi	-	-	2000.
	In Dominio Biſtry	-	-	2000.
	In Dominio Opocznenſi	-	-	6040.
	Suma-			

Summa est: triginta tria millia centum & quadraginta, quos *Christo*, P. Adami
 & *Ecclesiae*, invidenda felicitate restituit P. *Adamus* & ab hæresi ad Catholi-
 cam fidem reduxit. Nunc quibus id factum præsidij sit, à multis sentio ex-
 pectari. Sanè ita *animam* & *corpus* P. *Adami* in salutem proximorum apta-
 verat DEUS, ut ad animas, rudium præsertim hominum, nihil esset accom-
 modatius. Magnanimitas quædam & *Leonina* species inerat Viro; ad hæc
 corporis vastitas egregia, & lati humeri, os magna sonaturum, vultus omnis
 ad quandam granditatem compositus; regia oculorum libertas addebat ver-
 bis auctoritatem & gratiam; consiliorum maxima erat promptitudo, lon-
 go item usu collecta tractandorum animorum peritia; venerationem in ac-
 cessu faciebat torvitas, at in recessu nihil illo amabilius habebatur. Cum ad
 hæreticos accederet, antè omnia auctoritatem sibi parare studebat; in eam
 rem *Cæsaris* circumferebat decreta, *Archiepiscopi* item, & *Procerum* ad se lite-
 ras; hæc examinari in *Senatu* primùm jubebat, mox ijs probatis comitante
Senatu, ad *Populum* in *Templo* aliquo collectum referebat summa gravitate, ex-
 pandebat Literas, legebat, interpretabatur; plerumque *Archiepiscopus* in ijs
 literis *Parochis* mandabat, ut *Patri* adescent, hos evocatos cum suo quemque
 populo publicè admonebat officij. Incumbebat populis tanta Viri autho-
 ritas, ut non loqui, sed imperare videretur; hinc tanta P. *Adami* æstimatio,
 ut *Jesuitarum Doctissimus*, *Maximúsque* diceretur, passimque credebant
 homines, quidquid ad ejus gloriam error alicujus finxisset. Cum locum su-
 periolem ascendisset Pater, flexo genu DEUM & cœlites omnes contestaba-
 tur, ea se dicturum, quæ saluti audientium necessaria forent, sanguinem ani-
 marum istarum in se recipere velle, & omnem culpam præstare, *si sciens fal-*
leret; insuper responsurum se pro ijs ad divinum Tribunal, & inferorum
 pœnas subiturum, aliâque vibrantia & ardentia dicta addebat; sequebatur
 flammea ad populum oratio, & quod probandum erat, ex *Bibliorum* aperto
 codice legebatur, tum si quid græcè, aut latinè ex sacris Literis & SS. Patribus
 interpretandum, faciebat promptissimè, ut eum SS. *Scriptura Doctorem* pleri-
 que & cõmuniter appellarent. Ex hujusmodi Concionibus, vanis in speci-
 em, & quas ex populari jactatione natas dicerent rigidi nostrorum temporum
 Censores, maxima redibat utilitas animarum, ut non aliâ ferè ratione, quàm
 Concionibus, populorum animos P. *Adamus* occupârit, & ad auctoritatem
Ecclesiae agnoscendam adduxerit.

P. Adami
 aptitudo
 admissiones

Modus in
 Conversio-
 ne adhibitus

Authoritas
 ejus & æsti-
 matio apud
 vulgum.

Virtutes quædam R. P. Adami Krawarsky, & fæ- licissima mors.

TAntam fælicitatem & gratiam in animabus hominum, DEO, ac Re-
 ligioni nostræ conciliandis, non solam & nudam esse voluit Divini-

tas, multis magnisque virtutibus munivit, ac sepsit. Utinam inspicere intimas ejus actiones licuisset, sed omnia Sancto quodam Silentio, & dissimulatione tegebat, ut nihil nisi commune omnibus appareret; quædam tamen subji-
cio, quæ latere non potuerunt.

Orationis
donum.

Oratio inprimis ad DEUM familiarissima illi fuit; quocunque incedentem vidisses, audisses etiam gementem, aut *rosarij* globulos (quotidianum Beatissimæ Virgini tributum) orando percurrentem; Omnia quæ videbat, referebat ad DEUM. Stata orandi, & examinandæ conscientiæ tempora, etiam si in valetudine tentaretur, flexis genibus peragebat humi, nullo alio corporis situ; nunquam eo tempore cubiculo abesse sustinebat. *Officium Sacerdotium precum* in cubiculi medio, nudo in pavimento, persolvebat de genu, & terè, nisi aliorum vicinitatem timeret, altâ voce, ad attentionem conciliandam, legebat. Observatus est sæpenumero noctes totas insomnes traducere per cubiculum inambulando, paucissimis (quod altissimæ orationis genus est) vocibus repetendis contentus: *Ah JESU mi! ah Sanctissime! dulcissime JESU mi!* & iterum: *ô JESU! ô Maria! ô Maria! ô JESU!* quæ verba continenter repetendo plures horas, & noctem aliquando totam, cum summa corporis animique voluptate transigebat. Narrat itineris cujusdam Comes, deceptum Patrem, cum se audiri putaret à nemine, ad orandum DEUM conversum, tam familiariter locutum, ut facer quidam ac insolens horror audientem invaderet: *JESU Mac Cæli Reginam* alloquebatur, quasi aspectabili formâ præsentem & respondentes haberet: in favissimum identidem risum solutus, delicias sibi ex illis facere videbatur, tum quasi audisset rogantes, respondebat, atque iterum ipse rogabat. Sæpe in itineribus, cum ante *Comites* surrexisset, egressus hospitio, nè somnum aliorum perturbaret, sub dio horas multas orâsse inventus est, sua de more suspiria Sanctissimis Nominibus JESU Mariæ consecrans & consignans. In itinere quodam Ungarico observatus est, super altas nives per horam solidam, rigidè sinè ullo motu, flexis genibus orando perseverasse. *Venerabile Sacramentum Præ in Professorum Domo* per diem sæpius adibat, etiam si extremâ ætatē Scipione uti cogeretur, accidebat persæpe, ut in via defectus ætate senex, corrueret, tamen adibat. Per *Octavam* verò *Corporis Christi in Templo* propemodum habitabat, ibi noctes insomnes ducere solitus, cum neminem conscium esse putaret; altâ voce, velut si ad Regem admissus esset, ad *Venerabilem Eucharistiam* perorabat. Deinde, cum se unum esse crederet (ut observarunt Socij) in Templo flagris inhumaniter in corpus sæviebat. *Sacrum* legebat quotidie, vel in senectute extrema, tantâ modestiâ, tantâ, tamque inflammata pietate, ut mirarentur adstantes, ac dicerent: *ô quàm Sanctè Missam legit Sanctus hic Sacerdos!* Præmittebat suo Sacro P. Adamus in præparationis vicem, duo, & in gratiarum actionem alia duo Sacra audienda, post

SS. Eucharistiae cultus.

ponebat aperto semper senili capite, nullo aut hyemis aut æstatis discrimine. Non igitur mirum est virum ab Authoritate magnum, quid de P. Adamo sentiret, interrogatum, id unum pro omni testimonio dixisse: *P. Adamus Vir fuit indefessæ Orationis*. Arx quædam tertio ab Urbe Praga milliario abest (*Karlstein* dicta) quam olim *Carolus IV. Maximus* Imperator suæ pietatis arcem esse voluit; ibi ille abditus ab Aulæ strepitu & curis Imperij latebat, & uno *Ernesto Archiepiscopo Pragensi*, qui à Confessionibus erat, conscio, è Cœlo contrà Imperij hostes petebat auxilia; hanc pietatem sibi aliquando imitandam esse *P. Adamus* putavit, claususque in multos dies, nunc in hoc, nunc in alio conclavi in rerum divinarum meditatione persistebat. Orationis studium ingens, quædam *demissio animi*, tum in omnes casus parata *Magnanimitas*, ac denique par in affectus & sensus omnes imperium sequebantur. Quinquaginta tres in *Societate* nostra vixit annos, nec in cubiculo tamen, nec in mensa, alibi ve admittebat quidquam, quod non omnibus, etiam Novitij expositum & obvium foret. Verberationes usitatas in Refectorio omittebat nunquam, in ætate senecta cubilis sui pavementum verrere, lectulum componere, frigidam usui apportare; extremo etiã morbo ferre ægrius, si quid obsequij à Socijs impendi videret. Idem vivendi tenor in Procerum Aulis, si quando ad eas accedere contingeret, nullus qui exueret famulus, nullus qui surgentem adjuvaret, aliãque præstaret obsequia tolerabatur. Deliciarum nihil admittebatur in mensa, rudi & parabili cibo contentus, si quæ porrigebantur lectiora, ea magna cum comitate accepta, morã aliquã interjectã, dum qui porrexerant, observare desinerent, famulis integra furtim reddebat. Cum pauperibus agebat libentissimè, & blandiùs alloquebatur, suo illos more *dilectos filios* appellans. Simulationis nihil, nec vultus præferrebat, nec gestus; quin eã erat vultûs & animi concordia, ut ad fingendum aliquid ineptus esse videretur. erat aurea quædam simplicitas, & animi claritas ex primo illo sæculo; exprimebatur quod ille dixit: *quippe anima benedicta omnis simplex*.

Humilitas
& magnanimitas.

Simplicitas
& animus
sine dolo.

Neymilega
sy Synu!

Sacch. in
hstor Soc.

Quanto & quàm flagranti studio salutem animarum desideraret, fati antè dictum est, & ex tot, tantoque tempore perpetuatis laboribus, datur intelligi. In itinere (etiam in Procerum comitatu) si quem præterveheretur pagum, Oppidumque, quod *Sacerdote* careret, subsistebat tantisper, & ex oppidanorum aliquo quærebat, rectene essent omnia? num ægrotaret aliquis? tum strenuè casas subibat, & omne Viri Apostolici munus exequebatur. Domi verò *Confessionale* ut vocant, Cubiculum ejus diurnum esse videbatur: ibi estate ac hyeme affixus sedebat: affluebant homines quàm plurimi, eoque affluxu *senex* lætabatur. Ultimis vitæ annis, cum multi Nostrorum censerent abstinendum ei *Confessionibus* audiendis esse (Senio enim surdiores habebat aures) eamque sententiam Majores sequi vellent, conster-

Zelus.

natus

natus hoc nuncio Senex, familiari Patri conquerens, gemitu magno sublato: quid hoc inquit, *DEUS bone! vitam mihi tollit, qui mihi collit animas!*

Testimo-
nia Virorū
magnorum
de eo.

M. C.

Quoties in messem animarum mittebatur P. Adamus, redibat cum exultatione portans manipulos suos, etiam confirmatā & robustiori valetudine, ut sanitas corpori videretur accessisse. Opportunè accidit, ut An. 1652. ad ditiones hæreticas *Excellentissimi Comitis Rudolphi Colorado Casarea Militie per Bohemiam Ducis* ablegaretur, missio enim *Viennam*, ad *Casarem & Romam ad Frapostum Societatis Generalem*, atque ad *S. Congregationem de propaganda fide* converforum ad fidem numero (sex millia erant & quadraginta) hoc foelici P. *Adami* labore magnā calumniā absolutā *Societas* est, cum id temporis *Romæ* ex certa Religiosorum hominum familiā unus aliquis didis & scriptis *Provinciam Bohemiam Societatis* accusasset ignaviæ, nullūque operæ pretium à nostris hominibus in *Bohemia* factum asseruisset; quod impudens (non audeo reliquum dicere) *districtus per Bohemiam* omnes, Urbes, Oppida, Pagi, amantissimi Nominis nostri facile possunt refellere.

Miraculo
sæpius ser-
vatus in vi-
ta.
M. S. P. A.
dami.

Zampachij

Certè (si id nunc ageretur) *tricenis* plures nostros nominare *Patres* possem, quorum singuli plurima hominum millia à se ad Religionem Catholicam traductorum numerarunt, unus inter eos, qui ad sexdecim millia pervenerit. Ad P. Adamum revertor, quem totā ferè Bohemiā notum fuisse sciunt omnes; frequenter (scribit sociorum quispiam, Vir notæ Majoribus nostris autoritatis) *transivi Civitates, oppida & pagos, inter Pragam & Clatoviam & Breznicium, item Pragam inter & Reginohradecium & Kosteleticum, iterūque versus Crumlovium, & ferè semper interrogatus fui de valetudine & commoratione Patris Kravarsky, ex grata recordatione, quam habebant de Viro, quod ab illo essent ad Catholicam fidem conversi.* Excellentissimus Comes *Jaroslavus à Martinitz Regni Burgravius*, si quando P. Adamum nominaret, etiam in Procerum corona, addere solitus est *verum Bohemie Apostolum.* Reverendus Pater *Lamormayni Casari Ferdinando II. à sacris Confessionibus, Virum pro Bohemia convertenda singulariter electum à DEO* P. Adamum esse dicebat. DEO ipsi vita ejus pretiosa fuisse videtur, quam toties in manifestis periculis penè cum miraculo servavit. Dum *Olomucij* litteris operam daret mergebatur in flumine; *pereuntem projecta temerè peritica* nescio quis liberavit, quod ipse DEI in se beneficium gratus annotavit. Ex ijs chartulis, cum semel coeperim, plura recitabo: *Hoste in Bohemiam appropinquante inter tumultus bellicos Zampachij vivendum erat; multa pericula casus adversos & spoliationes sustinimus.* Accidit aliquando, dum miles igne & ferro pradium nostrum vastaret, seris omnibus effractis pro libitu omnia raperet, ut ego portam quandam claudere vellem, globo plumbeo laxatā bombardæ rotā tactus sensi ignitum globum, viscera penetrantem, sedensque ut sanguinem (ut mihi videbatur) profluentem è sinu effunderem, tangens locum cor-

poris

poris tectum, nullum tamen foramen in corpore reperi, sed signum globi multis diebus etiam alijs ostendi. Alio in loco hæc scribit: Rosarium, & ejus orandi consuetudo, liberavit me à præsentissimo mortis periculo. Latrone bombardam in me collimante substiti uno passu, Rosarium ex sacco prensans, & ecce globus ante me, in quem certò incurrissem si Rosarium non prensassem; respiciens vidi Latronem cadentem in dumetum, sensique me quasi monitum, ut properem ad pagum. Quod sequitur, mirabile: Rediens ex templo in tenebris incidi in foramen, in quo foramine amplo pes meus tantisper in aëre sustentatus est, quoad altero pede me à casu liberarem. Anno 1647. Equis ex terrore concitatis cecidi ex curru, rotâ dorsum meum transeunte; Eâ nocte vix me movere potui, manè tamen baculo nixus in Domum Lauretanam veniens, & per Sacrum Missæ officium, DEI & gloriosæ Virginis Mariæ auxilium implorans, convalui, nec ex hoc casu decubui. En quantis me DEUS insidijs Budissinâ redeuntem eripuit! præcesserant aliquot ex Civitate insidiantes mihi; priusquam in illos inciderem, occurrit tabellarius cum Casareis Litteris ad Capitaneum Lusatia; his acceptis redij in Civitatem, sic effugi manus illorum. In Civitate jam de me conclamatum fuit; redeunti Reverendissimus D. Decanus obviam processit, nec me dimisit, quoad ipse cum suis famulis ad fines usque Bohemiæ deduceret. Hactenus optimi senis narratio, cujus patientiam multis gravibusque periculis objectis exercuit DEUS, sed paternè semper, ut solet, in gloriam & felicitatem ejus omnia vertit. An: 1611. cum prælio in ipso Minoris Urbis Pragensis foro commissio Passaviensis exercitus caderet, & caderetur, odio Religionis incitante ultima populi fæx in Nova Civitate in Religiosos consurrexit, occisis S. Francisci Religiosis ad Nives, in nos quoque rabiem transtulerat; in æde Convictus nostri effrangebant portas. Occurrere plebi (ut erat magnanimus) P. Adamus volebat; sinè dubio perpetratum scelus in omnes nostros fuisset, nisi Georgius Baro Wratislavi, & Wehinskij duo fratres Wenceslaus, & Wilhelmus Barones Nobilissimi, inmissis Equitibus turbam dissipassent. Anno 1631. (verba sunt P. Adami) eram filius mortis. brevibus, multa complexus est, res ita se habet: Captâ eo anno à Saxonibus hæreticis Pragâ, in diversa Religiosis plerisque fugientibus, cum pauculis P. Adamus Pragæ relictus est: obibat ille quotidie deserta Religiosorum Cænobia, & nè quid detrimenti per absentiam paterentur (præcipuè in Monasterio Strahoviensi) providebat, tantâ id quidem fiducia, ut neque vestem nostram mutârit; unde mille convitiatorum plaustra, & maledictorum atque etiam verberum pro Christo ferendorum, maximus proventus: Fortè ita accidit, ut domum ex PP. Cappucinorum Cænobio Hradczanensi ad Collegium redeunti cum famulo, Turma Equitum Aulicorum ad Ducem Saxonie pergentium, in Ponte occurreret; jam ad Crucem Christi quæ ibi fixa est ingens, pervenerant, maledictis in primis, tum per sumam licentiam Turmæ illius Nobilis Ductor, tam grandi ictu ba-

In silva.

Budissinâ
in Lusatia.

Pericula
mortis evi-
tata.

Pragæ.

Patientia.

Adamus
Zeman S. I.

1631.

Mutato ha-
bitu confo-
latur Catho-
licos.

culo militari, *Patris* caput verberare coepit, ut animo propè defectus in mar-
gine *Pontis* ad ipsum lapidem (quem tum cæcus quidam infidebat **Procházka**
nomine, qui deinde visu, ope *Beatissima Virginis* recepto, *S. Monti* cele-
britatem dedit) ad eum, inquam, lapidem deponere læsum caput cogeretur;
nihil ille aliud sibi redditus, ad *Equitem*, sed gemitu omni compresso, ad *Cru-*
cfixi Jesu statuam conversus: *habemus*, inquit, *bonum testem!* hoc ut ge-
stum est, ab eo accepi, qui tum *Exterinus Patrem* comitabatur, deinde in *Socie-*
tatem admissus est, qui ipse *Virgâ Equestri* in facie percussus, cruentam line-
am diu circumtulit. Cum tumido capite domum redeunti Patri *R. P. Mar-*
tinus Stredonius Collegij Rector suâ manu *medicinam* facere aggressus est, &
cultri chalybe tumorem deprimere tentavit, cùmque alij ex *P. Adamo* quæ-
rerent, quid factum esset, respondit Pater: *Quidam Eques in ponte*, inquit,
fecit mihi negotium, ut cras pro ejus salute cogar Sacrum celebrare. Ita tum læ-
to & pacato animo erat, ut etiam inter dolorem joculari posset. Non multi
abierant dies, cùm *Nostri* omnes per sententiam, ante Solis occasum, *Pragâ*
exire jubentur; eo die cum custodia militari ad *Forum minoris Prage* curru
devecti, maledictis omnibus expositi, quidquid Militaris dicacitas fingere po-
tuit, audierunt: nihil *P. Adamus* sibi molestius fuisse deinde fatebatur, quàm
adolefcentulorum quorundam, qui in Scholis nostris nuper educabantur, pe-
tulantiam; ij in *P. Adamum* multos & amaros sales, *Judaorum* in morem
Christo spinis coronato illudentium, jaciebant; Abeuntibus cæteris *Patri-*
bz, redibant identidem ad consolandos Catholicos *P. Adamus* & *P. Szwabensky*
præcipuè (Vir & nobilitate generis, & autoritate, & Sacrà eloquentiâ
magnus) ad *Urbem*, & *Carbonarij* habitu assumpto, currum carbone plenum ad
eas domos in quibus Catholicos esse sciebant, devehebant, *Cives* consola-
bantur, & brevì mutationem rerum in melius prædicebant. *Raphaël Mnif-*
sovsky Regni postea *Subcamerarius* carbones plurimos emebat à Patribus, ad
eum boves præse agentes veniebant, mox puero ad currum relicto ascende-
bant in conclave Sacelli instar ornatum, & loto vultu, ac manibus, convo-
catis Domesticiis *Missam* legebant; mox iterum deformatâ facie redibant in
publicum, risu simul & dolore Catholicorum (ut mala sæpe jucundis permi-
sta sunt) prosequente. Paulò post cùm Exercitu *Dux Waldsteinus* adfuit,
obsessisque *Saxonibus* cùm oppugnaret Urbem, *P. Adamus* naviculâ, nescio
ubi inventâ, summo mane, eo ipso die, quo *Civitas* capta est, necdum ingres-
sis per ruinas murorum *Cæsareis* flumen *Muldavam* solus transmisit, primus-
que ad *Collegium nostrum* pervenit; mox eos qui *Collegij* supellestem, vina,
aliâque à *Saxonibus* emerant, *Judaos*, jam fugam spectantes, per amicos *Ci-*
ves, in *Urbe* retinuit, à quibus *Collegium* deinde res quasdam ablatas recupe-
ravit. Sed annus 1648. longè *P. Adamo*, quippe jam seniori, & fracto æta-
te difficilior fuit & tristior: Urbe *Pragâ minore* à *Svecis Duce Königsmarckio*
per

per prodicionem captâ, nullum aliud *Templum* (ut hostes facile possis agnoscere) prædæ patuit; *Nostrum*, Miles aggreditur & spoliât; ibi occurrit *Pater*, sed ut in Urbe armis capta, furentibus similes *Sveci* ruebant: Ergo obvium Senem, & se pro omnibus *Nostris* offerentem aggressi verberavêre, plagis contudêre, ita ut miserum esset, insuper cum *R. P. Martino Santino Domûs Præposito* in forum eductos & captivos pronunciatos, si tum abissent, secum in *Sveciam* cogitabant abducere. Multis diebus optimus *Senex* dolore, tumore, unâque præsentem vulnerum memoriâ debilitatus incessit. Ubique spes in DEO fixa, & paratus ad omne periculum aderat animus *Viro*, quem DEUS ad multorum salutem vividum semper ac valentem usquè ad ultimam penè senectam conservavit. Annis tamen pauculis ante obitum sentiebat ætatem, ac multò magis, ut existimo, labores gravabant, quos olim in animarum salute procuranda pertulerat multos, sed eorum fastidium nondum illum cœpisse videbatur. Ergo nullo ferè alio, quàm senectutis morbo, cum se ipso quotidie imbecillior redderetur dejectus in Lectulum, nihil nisi DEUM

Captivus à
Svecis di-
mittitur.

Mors & fu-
nus frequen-
tiâ maximâ
celebratum

TIT: LXVIII.
Esther Bossani, Vidua, Illustrissimis orta Natali-
bus, quæ cum singulari Sanctimonix fama vixit,
& pie in Domino Brumovij in Moravia An.
1660. 8. Octobris decessit.

IMaginem quandam expressam Vidualium virtutum (quas in *Diva Elisabetha* miramur) in hac illustri Matrona legentibus offeremus, idque cofaciamus libentiùs, quod & ista ex *Ungaria Regno* oriunda, proximè ad illam velut gentilis accessisse videatur. Recitabuntur omnia Viri Religiosi, & senis autoritate, qui intimus ejus pietati multis ante mortem annis fuit, quæ manu suâ conscripta, & Sacerdotali fide munita mihi ante proximos quindecim annos submisit.

1660.

R. P. Adal:
Martinides

Illustrissima Domina Domina Comitissa Esthera Forgacziana, ex celeberrima Bossaniorum familia, post Illustrissimum Dominum gloriolæ memoriae

Status Est-
heræ.

riæ Nicolaum Forgacz quondam Generalem Cassoviensem relicta Vidua, nonnum supra sexagesimum ætatis, viduitatis verò vigesimum quintum agens annum, cum anno plus quàm integro, gravi, molesto, atque periculoso morbo conficeretur, & quodammodo consumeretur, quàm piè per id tempus erga DEUM sese habuerit, & quàm sedulò ad feliciter obeundam mortem sese præpararit, abundè vel hinc colligi potest, quòd in hoc extremo vitæ suæ morbo sexies supra decies, per sacram Exomologesin suam conscientiam rite expiaverit, & simul Pane Angelico animam refecerit. Igitur An. 1660. ad occasum declinante, cum indies magis, ac magis senio premeretur, atque viribus ità jam deficeret, ut nè quidem tripes incedere valeret, tandem ipso festo S. Michaelis (qui constitutus est Princeps super omnes animas suscipiendas) horis matutinis singulari cum devotione Confessione peractâ, & sacrâ Comuniõne peractâ sub tempus Vesperarum, quasi dato jam ad emigrandum signo, tantis penè opprimi cœpit doloribus, ut illa ipsa sponte *Unctionem extremam* petierit, urserit, atque impetraverit. Hæc piè receptâ cum ab illa quæsitum fuisset, quidnam cogitationum animo volveret, reposuit illa: *quid aliud voverem, nisi meum JESUM, meum unicum solatium?* incoepit post hæc mellicos quosdam melliflui Doctoris versiculos, quos olim memoriæ tradiderat, & crebrò repetierat de SS. Nomine *JESU* cum tenerrimo devotionis affectu ubertim lacrymans, ore singultiente recitare. Quamvis alijs quoque temporibus crucifixum suum, quem semper ante oculos appensum parieti habebat, ultro ipsa sæpius postulabat, suavissimè basiabat, cordi apprimebat, votaque varia, atque pia sua desideria illi exponebat. Summo mane postquâ sanctas quasdam protestationes absolvisset, tanto fervore, atque desiderio Sanctissimam Eucharistiam percepit, ut & caput, & manus, & totum corpus cum quadam pia violentia sursum levaret, quasi ereptura è manibus Sacerdotis Sponsum suum Christum, cui semper, & singulariter in hoc Sanctissimo Sacramento afficiebatur; ideòque etiam tunc temporis valde querebatur, & dolebat, quòd ultimis jam vicibus surgere nequiverit, ut illum flexis genibus pro suo usitato more sumere posset. Sumto demum illo eâ reverentiâ, quâ aliàs semper solibat, post absolutam debitam gratiarum actionem, seipsam quasi gratulabunda alloquebatur: *Tandem etiam, inquit, hunc habeo!* quasi dicere vellet, consummata esse omnia. Jam, quod quæsi, habeo, quod concupivi, teneo! Sicnamque etiam unam ex suis filiabus, quæ ipsi cõmunicanti non aderat, quodammodo exultabunda affari cœpit: *Ecce, inquit, quia tardius venisti, tu procul dubio ignoras, quòd ego meum sponsum charissimum hospitio cordis exceperim! quapropter hinc jam volo migrare, ut videam, & conveniam charissimum conjugem meum, & unicum, dilectissimumque filium Franciscum!*

Mors sanctæ obita.

Reliquam ergo diei partem, quasi convivio peracto, hilari mente, atque
amœ-

amœno, & amabili vultu, nîl mortem metuens, sed toto corde desiderans, singulari DEI beneficio usquè ad ultimam horam semper sibi præsens, pijs colloquijs vacando, & affectibus ferventioribus indulgendo, & animam suam DEO comendando consumebat. Et quia finem suum præscivisse videbatur, ideò conversis ad circumstantes oculis, in primis quidem suis filiabus, deinde Sacerdoti sibi assistenti, benigno, hilarique vultu manum porrigebat, quasi ultimum vale singulis dictura. Dúmque loqui nihil posset amplius, atque nomina SS. JESU, & MARIÆ in aures ipsi inspirarentur, illa solis manibus, manus aliorum fortiter comprimibat, quasi significans, quòd non aliud corde, atque mente voveret, & retineret, nisi ut antea dixerat solum suum JESUM, in cujus manus, uti piè sperare licet, animam suam toties ipsi antea comendatam; & eo quidem die, quo & ipse suam æterno suo Patri comendabat, tradidit, ad Regnum illud transferendam, quod nobis omnibus ab ipso mundi exordio paratum esse ipse Christus olim asseruit. Sed jam aliquid de Virtutibus viventis dicamus.

Ab amore DEI initium sumatur. Cùm Illustrissima Matrona animadvertisset, & ab ipso usu, atq; longâ experienciâ didicisset, nihil prorsus in mundo esse, quod hominis animum implere, ejusque desideria sistere, ac famem satiare possit, præter solum, & unicum DEUM, connubij vinculis absoluta, eò suas cogitationes, eò curas, & studia convertit, ut sibi Divinam Maiestatem, quibuscunque modis, & medijs posset, devinciret; hinc fiebat, ut colloquijs de DEO mirificè delectaretur, & dum alij arces, prædia, atque palatia meditentur, illa monasteria, aut sacras ædes cultui Divino promovendo struere desiderabat. Quia verò id sibi per inopiam non licebat, saltèm ab alijs fieri animitus exoptabat. Unde si quando alicubi locorum pro incremento gloriæ DEI factum quidpiam fuisse intellexit, tunc singularem vultu lætitiâ præse ferebat, & mirum in modum in animo suo delectari videbatur. Quia verò etiam semper Socium comitem DEI timorem præ oculis habebat, ideo talem ipsa vitam inter homines agebat, ut nemo de illa quidquam mali profari auderet, sed omnes conversationem vitæ ejus integerrimè suspicerent, laudarent, ac venerarentur: quocunque enim se vertebat, non nisi bonum Christianæ virtutis odorem spargebat.

Et imprimis, quia noverat optimè, quòd quælibet Vidua nemini securiùs loquatur, quàm DEO, qui Pater & Protector est Viduarum, ideo tempus reliquum, quod filis ducendis, alijsque domesticis occupationibus supererat, partim affectuosis quibusdam oratiunculis, quas olim memoriæ mandaverat, implebat, partim globulos precatoriosvolvendo, quos velut arma sua semper ad manum in promptu habebat, consumebat, & ità certum quasi censum precatorium Divino Numini propitiando, certis horis, & diebus singulis persolvebat. Si verò nonnunquam alicui itineri sese comittebat, non

*Feria VI. in
ter 3. & 4.
pomeridia:
1660. 8. Octo
br:*

*Virtutes
quædam Il
lustrissimæ
hujus Ma
tronæ.*

Amor DEI

*Studium O
rationis.*

alijs quoque armis, quàm globulis precatorijs manus obarmabat, & insuper icunculâ Virginis Sanctissimæ ante se præfixâ, quasi clypeo utebatur. Sed lecto jam constanter affixa hæc verba iterabat, *Credo, spero, amo, doleo.*

Conforma
tio volunta
tis cum Di
vina.

Nutui Divino maximè sub finem vitæ ita se subjecerat, ut obvijs quasi ulnis eum amplecteretur. Quam ob rem, si mœstus quispiam casus accidisset, aut si vehementioribus doloribus oppressa fuisset, & si tunc quispiam Divinæ voluntatis mentionem fecisset, mox illa acquiescere, ac repetere: *Fiat ergo, sicuti DEO placet! si vis Domine, potes! Tua sum, ô Domine! Tibi vivo, tibi moriar!* Et nè singula ejusmodi exempla commemorare necesse sit, ex hoc uno, quod sequitur, plura facillè colligere licebit: Non multos ante annos effundebant sese ex Transylvaniæ finibus prædarum avidissimi hostiles exercitus, qui dum Ungariam, Moraviâque Panico implerent metu, atque obvia omnia sinè ullo discrimine diriperent, & vel maximè bonis Orthodoxorum inhiarent, illa & bonis proprijs cedere, & Patriam charissimam deferere, & in ipsa Croatia exulare cogebatur. Dum autem amicorum nonnulli miseræ, & afflictæ exuli non tantùm compati, sed etiam solatio esse studerent, illa Divinæ non immemor Providentiæ hoc solum sese consolantibus, magno animo reponebat: si ita arrideret Divinæ Majestati, etiam in sua senectute, dum fodere non valeret, ostiatim mendicare.

Fiducia in
DEUM.

Hæc etiam procul dubio de causâ tantam erga *Divinam Bonitatem* præferebat fiduciam, ut cum subinde terrificos aliquos rumores, sive jam de hostili potentia, atque ferocia, sive de alijs quibuspiam imminentibus periculis referri audiret, ipsa hoc uno dicto aliorum omnia facillè refutabat: *Et ubi, inquit, est DEUS?* quasi dicere voluisset: si DEUS pro nobis, quis contra nos? cum autem etiam subinde aliquid de horrore extremi Judicii, aut de tormentis inferni recenseri audiret, quasi horum timor non ad se spectaret, aliud quidpiam, quod vel ad amorem DEI in se accendendum, vel ad augmentum servire posset virtutum, sibi narrari postulabat. Unde & mortem, quam alioquin naturaliter omnes timere consueverunt, illa non tantùm non abhorrebat, verùm etiam adproperare exoptabat, inquiens: *Eccui bono amplius hæc vita mea? ut quid in hoc mundo locum occupo diutius? siquidem onerisum alijs duntaxat, neque amplius quidquam boni facere possum; mori, mori votum est meum, mei namque in Cælo præstolantur me cum desiderio, abibo hinc potiùs, migrabo quantocytus, ut illos videam, illisque congaudeam: nihil namque timeo, quia bonum Dominum habemus, qui plus amore mei fecit, & tulit quàm necesse fuit.*

Contemptus
mundi.

Rebus porrò terrenis, & sæculi vanitatibus, quòd jam mortua fuerit, dum adhuc viveret, ex multis indicijs deprehendi potest. Ob hanc causam per omnes annos suæ viduitatis semper modestissimo vestitu utebatur, unicâ dun-

duntaxat, eaque sat attrita tunicâ per annos plurimos contenta, eo solo splendore delectari videbatur, qui solos Divinos oculos recreare posset.

Hinc si aliquando illam contigisset in tempus nundinarum incidere, dum alij ad ornatum corporis exquisita serica, pretiosa monilia, & clendia, aliâque mundi crepundia, atque oblectamenta mercarentur, illa (utî dicere in more habebat) *Sponsosuo Christo* pro sacro Altari ornando, aut ab arte singulari gratiosè confictos flores, aut calicibus operiendis artificiosas ac depictas syndones, aut ad ornatum Sacerdotalem materias pervenuistas conquerere, & coemere non omittebat. Sileo icones argenteas, aliâque permagni pretij supellectilem, sacris usibus ab ipsa D E O honorando non semel, sed sepius oblatam.

Zelus erga cultum Divinum.

Et valde quidem illa gaudebat, & in corde suo delectabatur, dum ad ornatum Ecclesiæ quidpiam conferre poterat, sed tunc multò magis dum ipsam verbo Divino, quod animæ, salutique suæ plurimùm prodesse noverat, aures præbere contingebat: plurimi namque hoc in ipsa notârunt, quòd sacris Concionibus cum tanto gustu, atque intentione interesse solita fuerit, ut eas audiendò quasi in extasin subinde rapi videretur. Ideòque quæ tunc ipsi sapiebant, datâ occasione, presentibus alijs illa repetere non erubescibat, imò selectiora quælibet documenta in corde suo conservabat, in usum deducendo, dum tempus, & occasio postulabat; cùm autem extremis vitæ diebus ob exhaustas corporis vires, concionibus interesse non valuit, præ nimio dolore inconsolabiliter flere, atque lacrymari incœpit; quam ob rem in posterum Sacerdos ad ipsam vocari, & Concionem lecto jam affixæ repetere debuit; sed neque solis concionibus illa contentari sustinuit: Ecclesiasticos enim subinde humanissimis verbis invitabat, & quodammodo rogabat, ut singulis diebus saltè aliquid vel per horulam ex pio aliquo codice tibi prælegerent. quia verò *aureum Thomæ Kempensis libellum* in magna æstimatione habebat, sub finem ordinariæ lectionis, illa ipsa proprijs manibus illum aperire gaudebat, & in quod caput fortuitò incidebat, illud sibi pro complemento, atq; solatio prælegi rogabat, cujus voti quotiescunque fiebat compos, singularem in animo lætitiâ præseferbat cum magna grati animi significatione.

Amor verbi Divini.

Quamvis autem piè defuncta innatam quandam cum hominibus agendi affabilitatem, & gratiam haberet, conversationi tamen Personarum Ecclesiasticarum mirum quantum afficiebatur. Et quemadmodum omnes Sacerdotes singulariter reverebatur, ita ægerrimè ferebat, si quando ab aliquo vel læderentur, vel despicerentur, siquidem ipsum *Numen Divinum* in personis ejusmodi venerandum esse censebat, quos etiam ea de causâ honoris gratiâ, *Dominos Patres* appellare consueverat. Unde si quispiam horum visitandi gratiâ illam convenisset, tunc singulari quâdam consolatione, atque lætitiâ perfundi, & in animo recreari videbatur. Ut autem fructum aliquem

Reverentia Sacerdotum.

ex ipsorum præsentia decerperet, ultrò modestâ cum gravitate, atque reverentiâ de rebus Divinis tractandi, materiam subministrabat, varias subinde quæstiones animæ salutem concernentes proponendo, & discutiendo. Dum verò etiam aliquem illorum suæ mensæ assidere contingebat, illa ipsa cibos præscindere, illa propriâ manu porrigere, illa parata pro sua persona fercula cum illis dividere, illis dividere, illis suum haustum communicare, & omni quolibet modo gratulari adnitebatur. Cùmque ante annos aliquot intellexisset plurimos ex Transilvania expullos fuisse Sacerdotes, optabat, ut omnes ad se diverterent, ajebátque, se paratissimam fuisse omnes hospitio excipere, ideóque tunc suis dicebat: *liberi mei estote parati ad transmigrandum ad angustius cubile, in hoc enim angustiore, vicarios Christi inquilinos meos facere constitui*; hinc dum quidam illorum gravissimo morbo oppressus ad locum certum, in quo extremam vitæ clausulam confecturus erat, devcheretur, nacta occasionem suo desiderio satisfaciendi, multis precibus institit, ut apud se relinqueretur. Quod, cùm ipsi constanter urgenti concessum fuisset, illa infirmum non solum varijs, atque exquisitis medicamentis confortavit, sed etiam DEO auxiliante pristinae sanitati restituit.

Affectus erga sacrum Missæ Officium.

Quemadmodum autem omni honore Sacerdotium prosequabatur, ita etiam *Sacrosanctum Missæ Sacrificium* tantopere estimabat, ut per annos complures ideo potissimum binos Sacerdotes aluerit, ut singulis diebus ubicunque locorum eam morari contingeret, sacro Missæ officio interesse, & consuetæ suæ devotioni vacare posset. Cui piæ consuetudini ita sese assueverat, ut quasi perinde apud ipsam fuerit, sacrum quotidie non audivisse, atque diem perdidisse.

Devotio erga SS Sacramentum.

Quia verò *sacro Missæ officio* tam frequenter interesse consueverat, ideo vix explicari potest, quanto fervore, atque devotione erga *Sanctissimum Eucharistia Sacramentum* ferretur; ita enim vel ipso ejus aspectu delectabatur, ut extremis diebus, dum per ægritudinem sacris Mysterijs interesse non posset, non solum suspiria frequentare, sed etiam querelas, & lamenta iterare non cessaret. Et licet in tam provecta ætate exsuccos pedes vix movere potuerit, pati tamen nullo modo voluit, ut ad se indignam (ut ipsa agebat) DEUS, & Creator suus veniret: quapropter ipsa ab Oratorio surgere, ipsa ad sacrum Altare procedere, & si non potuit, perducì se rogare, ipsa in genua procumbere, cum magna circumstantium ædificatione in more habebat. Tum verò vel maximè, cùm *S. Hostia* à Sacerdote elevabatur, fervere illa singulariter videbatur, neque solum in genua reverenter procunibebat, & piâ manu pectus suum concutiebat, verum etiam *Christum* ipsum quasi *Sponsum*, verbis amore plenjs, varia intermiscendo pietatis suspiria interpellabat.

Fervor Penitentia.

Sed neque illud est omittendum, quod non solum admiratione, verum etiam imitatione dignum esse videtur, quod nimirum dum sese sacro Tribunali

nali rationes cum DEO compositura sistere debebat, non illa perfunctoriè, aut per modum consuetudinis ad hoc sacrum negotium peragendum sese preparabat, sed pridie ejus diei *consideravit sedulò semitas domûs suæ*, & cum illa muliere Evangelica latebras conscientiae everrebat, & in memoriam diligenter sibi revocabat, quidquid per naturæ fragilitatem contra leges Divinas à se factum fuisset, uti insequente die suæ conscientiae arbitro omnia fideliter recensere posset. Inter ipsam delictorum enumerationem tam ferventes doloris actus elicere adnitebatur, ut sæpe diceret, quòd si id licitum esset, quòd seipsam scindere parata esset, ut magis dolere de commissis valeret. imò neque id se verbis exprimere posse asserebat, quantâ tunc poenitentia cor suum commoveretur, dum delicta recensuisset. & his ejus dictis adstruit fidem consequens eventus: cum enim à natura ita constituta fuerit, ut difficillimè ad lacrymandum sese resolvere potuerit, visa tamen fuit subinde à sacro Tribunali abscedens in tantum singultire, atque lacrymari, ut se frustra consolantes penè ad impatientiam commoveret, cum à plorando cessare renueret.

Quia verò etiam, quodnam sit *Refugium peccatorum*, non nesciebat, Amor Beati-
tiss: Virginis ideo ex frequenti Angelicæ Salutationis repetitione tam singularem amorem, atque affectum erga *Virginem Matrem* conceperat, ut quemadmodum absq; icone ipsius nunquam foras prodiret, ita etiam titulo honorificentissimo *Matris admirabilis* sæpius honoraret, neque ullam eidem honorandæ sacram diem decretam celebraret, quin per *sacram Exomologesin*, conscientiam expiasset, & sacrâ synaxi sese refecisset. Illud porrò etiam, quia singulare, nequaquam omittendum esse videtur, quòd nimirum cum vice quâdam voti persolvendi gratiâ ad locum illum, quem olim prope *Tergestum sacra ædes Lauretana* fecerat celeberrimum, pervenisset, tanto erga *Magnæ Matris* honorem, amorémque zelo accensa fuerat, ut omnibus obstupefcentibus ad instar plebejorum, non in pedes erecta, pro sui statûs reputatione, sed utroque curvato poplite circum totam ædis illius venerandam fabricam, non sinè singulari pietatis affectu genibus suis, veluti trahis quibusdam sese circumverterit. Quantum autem hic honor, atque devotio DEIpæræ Sanctissimæ arriserit, vel exinde colligere licet, quòd illam in magna quadam animi afflictione quasi immerfam, atque aliò commigrantem, effigies quædam cuprea, in tabella gratiofo penicillo expressa ejusdem *Virginis Sanctissimæ*, retortis post illam abeuntem oculis suo aspectu amabili dignata fuisse putetur. Unde cor suum alioquin ingenti mœrore tunc temporis afflictum, insolito quodam solatio, atque inopinato gaudio repleti sensit, & animadvertit; uti illa ipsa coram suæ conscientiae arbitro non semel, sed sæpius pro suo in *Divam Virginem* affectu recensuit.

Sed quam pro suo modulo venerari didicerat, hanc etiam, utpote ancilla Christi in humilitate potissimum imitari studebat. Humilitas.

Ccc

magnum

magnum humanâ opinione honoris fastigium per divinam gratiam evecta fuerit, necnon amplissimis possessionibus aucta, nihilominus tamen plus æquo nunquam de se vel minimùm præsumebat, nec super alios inaniter sese extollebat. Imo cum ab *Illustrissimis Personis* (utpote *Generalis Coniux*) honoris gratiâ sæpius visitaretur, & singulari venerationis, amorisque studio passim exciperetur, illa humiliter de se sentire, humilibus verbis alios prævenire, ad humilia sese obsequiâ demittere non erubescibat, sed tunc vel maxime, cum aliquem malæ affectæ valetudinis esse resciebat, huic namque illa ancillari, huic pro suo modulo inservire, manibus proprijs medicinas parare, & subministrare satagebat. Et sic illa quidem quoad externum agendi modum sese gerebat, quantum autem in corde ipsius submissionis latuerit, id facile colligi potest ex verbis illis Davidicis, quæ sæpius repetere in more habebat, dum insolens aliquid, aut adversum sibi obveniebat, dicendo, *Bonum est mihi Domine, quia humiliasti me.*

Humanitas

Ab hac eadem peramabili submissione animi nascebatur in illa quædam pergrata humanitas, atq; mansuetudini juncta affabilitas cum omnibus uti loquendi, ita & agendi, nullo personarum habito delectu. Non enim illa homines pauperes, aut abjectos vilipendebat, aut cum despectu à se repellebat, sed quemvis licet simplicem, ad colloquium admittebat, quemlibet suas necessitates exponere sinebat. Et si etiam quandoq; offendebar, mox facillimè uno, vel altero verbo placabatur, semper veniam postulantis remittere prompta. Et quia blando semper, & amabili vultu cum quadam singulari sermonis gratiâ omnes affabatur, ideo per hoc gratissimum benevolentiae studium ita sibi omnium affectus devinciebat, ut illam omnes non solum in vita, sed etiam post mortem, non solum amore prosequi, verum etiam laudibus extollere quodammodo cogerentur, & nunc etiam defunctæ, illam qui olim noverant, omnes bene precentur.

Prudentia.

Præter hoc, illud etiam in ipsa probè notatum fuit, quòd inter alias doctes, quibus DEI beneficio exornata fuit, & eam omnibus gratam, atq; amabilem reddebant, erat singularis quædam prudentia, cum virili quasi gravitate, atq; peramabili suavitate conjuncta, quam in illa ipsi etiam *inclyti Ungariae Regni Proceres Illustrissimi*, non solum admirabundi suspiciebant, verum etiam ipsam subinde consilij capiendi gratiâ Personæ nobilissimæ ita libenter conveniebant, ut semper magis, ac magis in sua opinione æstimarent, atq; singularem quandam ex conversatione ipsius per jucunda oblectationem animi perciperent. Quantum autem ipsa suo consilio polleret, vel ex inde advertere licet, quòd cum suo (uti ipsa agebat) *pretioso Coniuge* spoliata fuisset, & ipse *Palatinus* eam visitandi, atq; consolandi gratiâ convenisset, exordium suæ orationis inde sumserit: *Eccur, inquit, ô Domina consilio tibi nunc ipsi succurrere nescis, siquidem omnibus antehac te convenientibus, optimis, & salu-*

luberrimis consilijs subvenire sciebas, atque solebas? quod testimonium à tam magno Magnate prolatum, nemo, credo exigui esse momenti asserere audebit.

Et quia prudens meritò nemo esse diceretur, qui alicui injustus esse probaretur, quanto illa zelo erga *leges justitiæ* ferebatur, experti sunt ij, qui eam sæpius loquentem audierunt, quòd pati potius ab alijs, quàm alicui inferre injuriam, optaverit. Hinc si quando intellexisset, aut stipendio promerito familiam defraudari, aut solutionem illi ultra tempus debitam prorogari, id nullo modo tolerare poterat, sed continuò quà precibus, quà minis perurgebat, ut quod *Justitia* postulabat, id quàm primum executioni daretur. Cùmque vice quadam non nemo ex famulis ipsius morte subitanè, infausto casu, delapsus ex equo extinctus fuisset, illa metuens, nè vel in minimo *Justitiam* læderet, mox protestari cœpit, quòd ex rebus ipsius nè teruntium quidem pro suo usu retinere velit. Ideoque mandavit, ut omnia, quæcunque ad ipsum jure spectarent, pro salute animæ ejusdem in pias causas expenderentur.

Zelus Justitiæ.

Sed non solis *Justitiæ* legibus, verùm etiam *temperantiæ* tam studiosè sese adstringebat, ut nihil unquam contra illam neque victu, neque potu peccasse notata fuerit. Et quod plus est, etiam extra tempus ordinarium aliquid sumere, quasi indecorum, & inutile apud illam videbatur, nisi fortè infirmitas nonnunquam aliud svideret. Nullas illa cupedias, nullos exquisitos cibos ambiebat, aut exoptabat maximè ultimis vitæ temporibus; quibus solis ferme vulgaribus, & agrestibus ferculis, atque leguminibus victitabat. Aliorum autem nimiam potandi licentiam sæpenumero verbis gravioribus insecrabatur. Et quamvis ipsa per amplam ab *Ecclesia* potestatem, atque licentiam habuerit, cibis vetitis pro libitu utendi, atque vescendi, illa tamen non nisi certis *quadragesimæ diebus* hoc privilegio utebatur. Nullo autem pacto illi persvaderi potuit, ut vel *feriâ sextâ*, vel aliquo festo *sanctissimæ Virginis*, seu *Sancti* alicujus præcedente *pervigilio* eâ licentiâ gauderet.

Temperantia.

Et hæc quidem omnes, uti nemo dubitat, ex Divinæ fecunditate charitatis, quasi ex quodam largissimo fonte profluxere virtutes, nihilominus tamen inter omnes emicare videtur, singularis ille, & magni meriti, & animi valde generosi actus, quo sibi vel maximè DEUM ter Opt: Max: demeruisse videtur, quòd semel viduata suo primo, & ultimo Conjuge charissimo, tam firmum propositum nullum alium *Sponsum* posthac quærendi, & amandi fecerit, præter *solum Christum*, ut quantumvis non nemo Magnatum potens, ac dives opum ex celeberrima *Principum familia* oriundus, in *Matrimonium* illam denuo expetierit, illa tamen in amore viduitatis *S. Pauli* consilium secuta, ità constans permanfit, ut nunquam posthac in secundas nuptias consentire voluerit, sed potius per reliquum vitæ tempus, *mulierem* illam *fortem* in

Amor Viduitatis.

se exprimere conata fuit, cujus *precium procul & de ultimis finibus* sapientissimus *Salomon* esse asseruit.

Amor puri-
tatis.

In hoc porrò tam laudabili statu, quantum erga omnem honestatem, atque mentis puritatem affectum animo præferret, id sæpè sæpius non tantum inter agendum, sed etiam inter loquendum prodidit: si enim quispiam (ut inter minus pia hilaria fieri solet) aliquid in medium protulisset, quod aut bonis moribus aliquomodo adversum esse videbatur, aut aures honestas decebat, mox illa vultu ad gravitatem composito, verbis indignationem redolentibus, temeritatem ejusmodi, & impertinentem loquendi libertatem increpare, reprehendere, atque castigare non desisteat, donec authores ruborem induissent.

Gratia fecunditatis.

Ut autem mereretur videri *in lateribus domus sue sicut vitis abundans*, quaternis super decem liberis, quasi olivarum novellis illam beaverat misericors DEUS: ita tamen, ut qui omnes dedit, iterum plus quam dimidiam partem ex ipso ferme innocentia statu ad suam in Cælo augendam gloriam abstulerit: tribus enim filijs, & insuper quinque filiabus orbata, tot quasi gladijs doloris sauciata, non semel ingemiscere didicit, atque in valle lacrymarum, materno impellente affectu sæpius illacrymari. Præmissis igitur, & per conformationem suæ voluntatis cum Divina, oblatis quodammodo cælo octonis prolibus, quasi victimis, & primitijs (primas enim quinque mors imatura abstulerat) reliquas superstites non tantum orthodoxè vivere edocuit, sed etiam in pietate ita firmavit, atque ad omnem virtutem instrui curavit, ut *præcipui Dynastæ, Inclyti potissimum Ungariæ, atque Polonia Regni*, quodammodo inter sese concertare viderentur, ut aliquam ex filiabus ipsius sibi matrimonio conjungere possent. Hoc tamen ad notam accipiendum esse videtur, quod una ex numero illarum meritò sit excipienda, quæ planè *Virgo singularis* esse voluit, dum pio quodam fastu abrepta, despectis sæcularibus nuptijs, nec non omnibus mundi vanitatibus, ut solius Sponsi Divini oculis placeret, sese Sacrarum Virginum cœtui associavit, & *septis Monasterij* inclusit.

Charitas erga liberos.

Hanc ergo, utpote sæculo mortuam, cum piè defuncta nostra, cum gaudio atque singulari suo solatio, DEO obtulisset, quam solido deinceps, sincero, atque benigno affectu erga reliquam Illustrissimam prolem suam ferretur, id quidem non semel patuit, maximè tamen in hac tam longa bellorum tempestate; siue enim arma *Svecorum* metuenda appropinquarent, siue *pestifera lues* aliquando suis horrorem incuterent, illa non tam sibi, quam proli charissimæ metuens, prolem ad tutiora ablegare, prolem ab imminenti-
bus quibuscunque periculis conservare in more habebat, & omni studio fovere, ac tutari adnitebatur. Et cum vice quâdam *Ungaricum* iter agens, in summo versaretur periculo, nè in *Turcarum*, viciniam depopulantium manus incideret, conspecto jam non procul abinde capitali hoste, inclamat protinus

famula-

famulitium, & quasi oblita sui, disjungi equos, atque dissolvi imperat, & suam prolem ocyus superimponi, ad tutiora quàm citissimè deportari, atque fugâ velocissimâ tam manifesto periculo eripi, subjungendo: personam, vitamque suam, utpote senio jam confectam, se non multum æstimare, atque curare, si hostis illam sibi eriperet, dummodo sua charissima proles salva, & incolumis servari possit. Cum autem super hæc, & auream suam suppellectilem, & quidquid tandem pretio æstimabile habebat, id totum multis ante obitum annis inter suas charissimas proles diviserit, & distribuerit, & seipsam quasi exinaniverit; nescio, quid amplius *gallina pullis* suis præstare valeat, cui tamen *Christus* ipse ad explicandam suam eximiam erga nos charitatem assimulare seipsum non dubitavit.

Siquidem ergo tantotenero affectu erga progeniem suam *Illustrissimam* Patientia. ferebatur, sanè nemo mirari debet, quòd cum tanta doloris vehementiâ, & dilectissimum *Consortem suum*, sibi à morte inexpectata ereptum, & *unicum Franciscum suum* crudelibus armis per insidias sublatum per menses plures, nè dicam per annos, sæpesæpius, iterum, atque iterum deploraverit. Durum erat procul dubio in dolore liberos parere, sed multò durius erat, spectare, atque tolerare; dum primos *quinque* vix in lucem editos mors imatura abripiebat, & Matris cordi, quasi quinque vulnera infligebat, hoc solo levamine, atque solatio relicto, quòd hæc tentatio fuerit non sinè magno proventu: siquidem his *quinque* plagis inducta fuit, ut fidem Orthodoxam amplecteretur, quam *S. Augustinus* omnibus mundi divitijs, honoribus, & quibuscunq; bonis præferendam esse arbitratur.

Hæc ergo in fide dum pientissimè vixit, tandem morti habenas imposuit, quæ posthac fortasse ideo, editas in lucem à se proles attingere quodammodo verebatur. Sed ecce, dum jam mors quasi trepida liberis parcit, majus tormentum *Matri* intulit, dum *ipsum Patrem* invasit, sibi que charissimū *Conjugem* ex vivorum numero sat imaturè sustulit. Sed quid amplius non tentavit? non sat erat optimo, sibi que charissimo *Coniuge* privari, debuit namque etiam unico suo ad exoptatam jam Maturitatem provecto, quasi suæ senectutis baculo, prò dolor! spoliari, & quidem modo tam crudeli, atque nefando, à quo fortasse vel ipsi barbari abhorreere debuissent. Dicendum hîc esset, quot difficultates exhaurire debuerit in coërcendis per complures annos rebellibus subditis, quot incommoditates pertulerit huc & illuc fugiendo, & hostiles metus evitando, quibus denique afflictionibus, etiam à suis subinde dissidentibus exacerbata fuerit, quos ad pacem, & concordiam servandam omnibus modis inducere adnitebatur. Sed ista insinuasse sat est.

Calamitates à DEO imissæ magni boni causæ.

Per hos igitur tam tristes, & varios exercitata casus, Divinâ sic disponente Providentiâ, tam egregios in *Patientia* virtute progressus fecerat, ut læto tandem affixa, morborum ingruentium, dolorumque impetus pacatissi-

mo animo, vultu semper blando, atque amabili, semper ad modestiam composito, perferre didicerit. Quam ob rem nullus ab illa morbis oppressa inconditus clamor, nulla molestiam creans querela audiebatur. Et si quandoque vocem altius attollebat, tunc solum DEUM adiutorium, & suum JESUM pro suo more inclamabat. Id verò jucundissimum circumstantibus esse videbatur, quando sapius illa Regij Prophetæ verba sibi ipsi occinebat: *Bonum est mihi Domine, quia humiliasti me! Virga tua, & baculus tuus, ipsa me consolata sunt.* Doleat hic, inquit, doleat hoc miserabile corpus, modò mea anima postea sit eò melius. Præter has DEO, & Angelis gratas cantilenas, etiam in ea id rarum fuit, quod in paucis infirmis videre solemus, quia nimirum omnis generis medicamenta, sive illa amara fuerint, sive dulcia, ad cuiuslibet instantiam, prompto, & alacri animo, maximè verò ultimis vitæ diebus sumere non detrectabat, imò quasi suum providendo finem subinde dicebat: *fundite, infundite, quidquid tandem velitis, erunt tamen omnia gratis.*

Labor inde
fessus.

Et licet per annos plurimos plurima perferre didicerit, otium tamen, quod omnibus mortalibus noverat esse perniciosissimum, tolerare non potuit. Et hanc ob causam non solum Familiam suam semper aliquo labore occupatam esse voluit, sed ipsamet etiam, quasi continuo manuum suarum consilio, *linum operabatur*, & sub colo sedens, atque *fusum apprehendens*, aut fila ducebat, aut in globum convolvebat, si illam orationis tempus ab ejusmodi opere non avocabat. Huic autem labori, & occupationi usque adeò dedita fuit, atque intenta, ut nè quidem lecto jam affixa ab eodem desistere voluerit. Ideoque *colum lino resectam* in summitate lecti, dum jam sibi pedes servitium negarent, alligari curavit, ut ita tempus, quod ægrotans orationi non impendit, filis trahendis concederet. Et mirum id quidem multis videbatur, quòd talis, ac tanta Domina huic quasi servili labori sese impendere non dedignaretur. Magis tamen id mirandum est, quòd non solum domi, verum etiam ipsis in Urbibus, & arcibus, quocunque illam venire contingeret, hoc ipsum *pensum* sponte sibi injunctum persolvere, adstantibus, & admirantibus clarissimis personis non erubescere. Unde *Vienna Austriae*, cum vice quâdam in hoc suo consveto opere deprehensa fuisset ab ignota quadam persona, hæc admirabunda talem in modum loqui coepit: *Estne credibile, quòd senicula ista sit ex Comitissarum ordine? hæcine est illa Comitissa Forgacziana, cujus gloriosa fama in tot Provincijs predicatur?* siquidem autem tam inimica fuit otio, videamus nunc, quæ præterea fuerit in hac vita ipsius negotiatio, ut impleteret verbum illius, qui dicebat: *Negotiamini, dum venio.* Luca 19.

Liberalitas
in pauperes

Ultima igitur causa tam felicitis, atque beatæ mortis creditur esse ea virtus, quam totâ vitâ prætulit, & quæ cum ipsa uti cum Jobo ab ipsa infantia crevisse videtur, jucunda videlicet miseratio, atque ultimo die à DEO Judice præ

præ cæteris virtutibus prædicanda, erga egenos misericordia. De hoc namque potissimum ultimis ante mortem diebus conquerebatur, quod ad eam paupertatem devenisset, ut non habuerit, quod in pauperes distribuere posset. Et cum intellexisset aliquot adhuc florenos in loco quodam depositos superesse, per DEI amorem, & per vulnera Christi enixè rogavit, ut vel hi inter egenos pro salute animæ suæ expenderentur. Et quamvis imposthæc sensim sine sensu vires corporis deperderentur, & decrescerent, necdum tamen decrescebat miseria: inquirebat enim ulterius, an vel aliquid de tela superesset, quæ *pauperibus studiosis* submitti posset; sed cum ad manus in promptu nihil esset, & non nisi per vetustæ *duæ cortinæ* conspectui sese obtulissent, submittit ipsa: *saltem ergo*, inquit, *has illis submittite*. Sed non solum dum infirma, & lecto affixa esset, verum etiam dum adhuc percommodam valetudine uteretur, semper misereri miseris ab ipsa sua natura quodammodo monebatur. Nam quotiescunque alicui itineri sese accingebat, semper id præ cæteris negotijs urgebat, ut capsulæ suæ nummorum aliquid subministraretur, quos ipsa proprijs manibus in obvios pauperes expendere, & dispergere posset. Nec hoc ipsi satis erat, nam etiam singulis ferme annis in die Parasceves si aliud aliquid præsto non adfuit, telam per partes inter pauperes mendicos distribuere consueverat, eam fortassis intentione, ut denudatum quondam eo die sponsum suum Christum pro suo modulo contegeret, quem etiam post *Communionem sacram* ordinariè aliquam singularem eleemosynam pauperibus submissam honorabat, licet alioquin singulis diebus Dominicis eisdem ex Hospitali vocatos prandio excipere solita fuerit. Et hæc quidem ordinaria ipsius liberalitas multis optimè nota magnæ ædificationi fuit, præcipuè tamen tunc enituit, dum exulantes à Litvania *Sacri Ordinis Carmelitani* plures ferme, quam *20. moniales* unam cum binis *Sacerdotibus*, atque familia earundem hospitio excepit, & per triennium integrum, certo illis assignato proventu, majori ex parte ipsamet aluit, idque cum tanto benevolentia studio, atque affectu, ut vehementer doluerit, quod iterum in *Poloniam* revocatae fuerint, quas si licuisset, etiam usque ad mortem (ut ipsa agebat) alere, & sustentare non detrectasset. Sed neque illud prætereundum est, quod cum aliquando sat magnam tritici copiam pessumdata fuisse percepisset, quod *Officiales* quali qualis pretio distrahendum esse quantocyus suadebant; illa instinctu misericordie mox imperavit, ut inter egenos subditos divideretur, sperans futurum, quod forte usui ipsorum inservire posset. Dictum factum; concurrunt turmatim famelici subditi, atque in domos suas donatum triticum asportant. Sed ecce, cum admiratione omnium, *tritici corruptum* pristinam suam bonitatem in *manibus Pauperum* recuperasse visum fuit, & beneficiatis mox persuasit, ut pro tam larga, atque in illo tempore gratissimam eleemosynam debitas gratias referre contenderent. Et fecit illa quidem suis pauperibus subditis sæpius

Frumentum
corruptum
pauperibus
datum, optimum
evadit.

Quædam
visa de ejus
morte felici

sæpius gratiam ejusmodi, maximè tamen, & singulari cum affectu paulò antè suam mortem, dum quasi potestatem non habens, & humiliter quodammodo, & instantèr à suis petijt, ut certus frumenti modiorum numerus denuo inter egentes subditos erogaretur. Et sic quidem obiit, & abiit hæc pia *Tabirha* nostra. Quemadmodum autem nocturnis visis semper credere videtur esse superstitiosum, ità & omnibus semper discredere, cum non omnia omnino soleant esse vana, nemo procul dubio negabit esse temerarium, siquidem ab ipso rerum eventu plurimi didicerunt subinde non vana somniâsse. Erat igitur in oppido *Arci Brumovienfi* subiecto, ex devoto sæmineo sexu non omnino postrema, quæ ipsa nocte immediatè obitum nostræ piæ defunctæ præcedente, mox quàm primùm ex primo somno fuerat expergefacta, suo conjugii admirabunda narravit, se quasi cuidam magnificæ *Processioni*, uti in festo *Corporis Christi* assolet, interfuisse, quam etiam suâ præsentia condecorâsse videbatur unâ cum prole sua Illustrissima nostra magnifica piè defuncta. Quæ cum ab alijs non procul separata submissis genibus, ante quandam *Sanctissimæ Virginis Iconem* flectens sacrosancta mysteria veneraretur, in momento visebantur scalæ lucidissimæ propè illam de cœlo demissæ, per quas cœlites gratiosissimi, atque aspectu jucundissimi, quales fortè olim *S. Patriarcha Jacob* lætabundus aspiciebat, desuper descendere videbantur. Id cum somnians stuperet, & quidnam portentum hoc sibi vellet, rescindi avida, virum quendâ proximè adstantem, quasi suspenso pede accessisse videt, ab eo admirabunda sciscitabatur, quidnam in terris Divini illi aligeri negotiorum tractare decrevissent, id ad suam quæstionem solum responsi accepit, spiritus istos administratorios ideo ad terras descendere, ut *Magnificam Dominam Brumoviensem* secum abducant. Hæc cum somniantis maritus adhuc in strato decumbens vix enarrata, mente attentissimâ percepisset, mox subintulit, inquires: *Signum id esse manifestum, quòd Magnifica Domina nostra ultimum diem sit clausura.* Et certè ità factum est; die enim hanc ipsam noctem ab hoc somnio illustrem subsequente, post tertiam pomeridianam vivere desiit in terris, ut *vitam beatam* (ut omnino sperare licet) auspicaretur in cœlis. Et quidem pro bono spei incremento huic qualiquali argumento non exiguam adstruit fidem, eximia pietatis, atque ex *Illustrissimis* oriunda natalibus *Virgo* quædam, quæ non post multos ab obitu defunctæ dies gaudio quodam singulari perfusa quasi exultabunda narravit, se etiam in somnijs piè defunctam conspexisse, quæ sublati cœlum versùs oculis, svavissimam quandam, atque pientissimam de *Virgine Sanctissima Cantilenam*, tam jucundâ, atque admirabili voce decantabat, ut ab ore Angelico vix dulcius, atque jucundius jubilum expectari posse videretur. Sileo etiam huic piæ Virgini personam genere minimè inferiorem, quæ dum nocturnis in tenebris per avia, & devia hyberno tempore in summa tempestate hinc inde aberraret, & quasi despera-

bun-

bunda opem *Magnificæ* piæ defunctæ si fortè in statu felici viveret, ex quodam magno confidentiæ, & bonæ spei affectu imploraret, mox non sinè stupore, atque solatio singulari ad terminum, quem sibi præfixerat, pervenit. Atq; hæc erant, quæ de *Illustrissima D. Esthera Bossani* rogatus (utpote rerum conscius) adduxi. DEUS faciat, ut quicumque hæc legerint, ad capeffendas in cælo coronas, ac posteri præcipuè ac hæredes sangvinis, ad sanctam hanc virtutum hæreditatem adeundam animitus excitentur!

Ego quod adjiciam de meo nihil invenio, nisi quòd *Illustrissima Esther*, ex Societatis nostræ institutione talis evaserit; usa enim est viris illuminatissimis, & rerum spiritualium apprimè peritis; primi erant, qui eam ab hæresi ad Catholicam fidem adduxerunt Venerabiles Patres (quorum in præfenti volumine quædam gesta leguntur) *Adamus Kravvarsky*, & *Albertus Chanovsky*. His succelsere propius ad nostra tempora RR. PP. *Valentinus Joannides*, *Wenceslaus Cannabius*, *Joannes Faranovsky*, *Petrus Bankovsky*, *Wenceslaus Przibramsky*, & quidam alij, omnes mihi noti, sed jam pridem fato suo functi; postremus, qui morienti adfuit P. *Adalbertus Martinides* omnes alios priores diuturnitate temporis, qui conscientiam *Illustrissimæ Matronæ* rexerant, superavit, anno superiore 1681. vitâ defunctus.

Patres ejus
Directores
in spiritu.

TIT: LXIX.

Francisca Slavatina, nata Comitissa de Meggau.

Francisca ex illustrissima stirpe de Meggau (quæ in utraque Republica præstantes Viros, Episcopos, Cardinales, tum egregios bello Duces protulit) genita, Patrem habuit *Leonardum Helfridum de Meggau Matthiæ Caesaris Supremum Camerarium*, postea *Ferdinandi II. Caesaris Supremum Aulae Præfectum*, Virum militarem. Matrem verò æquè illustrem *Annam*, stirpe *Khuenianam de Belasy*, quæ filias sanctissimè educatas, atque in primis *Franciscam* prius sanctimoniam, & pietatis, quàm Conjugij legibus illigavit. Duodevigesimo ætatis anno *Francisca* in Conjugem accepit *Joachimum Udalricum Comitem Slavatam* inclytæ Familiæ *Procerum Bohemorum*, cui septem proles attulit, Filios quatuor, & lectissimas filias tres summorum Virorum conjugijs implexas; Filij ad omnia summa nati, satis ostendunt DEUM Matri optimæ benedixisse de Cælo. *Ferdinandus*, & *Joachimus Comites*, Regni gubernaculis admoti, primas Regni dignitates obierunt; & obeunt, miro temperamento æquè regnantibus ac Populo chari. Duo reliqui Fratres *Carolus* in Sanctissimo *Carmelitanorum* ordine honoratissimus, suum nuper *Magistratum* inter suos (*Generalatum* vocant) adivit. *Leopoldus* Canonice Ecclesiæ *Passaviensis* accensus est. Conjugem *Joachimum* incom-

1676. 22.
Sept.

Genus &
Nobilitas.

Ddd

mo-

Chrysf.

Munia.

Reditus ab
Aula.Virtutes
Franciscæ.

modissimo suis rebus tempore amisit *Francisca* Muriponti in Styria, cum hostis Svecus in *Bohemiâ* penetrans omnia velut in hostico, fœdè vastaret, unde coacta cum septem parvis Prolibus *Passaviâ* concedere, velut in exilio conductâ in domo angustissimè vixit. Optimè dictum est ab aurei oris Doctore: *Sanctorum vitam ex adversis ac profferis mirâ varietate contexi. Matronæ hujus Illustrissimæ virtutum, præsertim in educandis liberis prudentissimæ Moderationis, & felicitatis famâ vulgatâ, Augustissimus Caesar Ferdinandus III. permotus, cum filio Leopoldo (quem nobis servet DEUS!) educatricem quæreret, Franciscam evocavit, & Supremam Aulæ Præfectam esse jussit: præstitit id sumâ totius Aulæ, & ante omnes, Caesaris Patris commendatione, cujus educationis locupletissimus testis est ipse Caesar Leopoldus, qui cum de Franciscæ morte nuncium accepisset, ingemuit, & ad Astantes: en inquit, obiit Educatrix nostra, quæ nos Materno prorsus amore dilexit. Eo tempore dum in Aula versaretur, & ab Gynæceo haberetur pro Matre, conscientiæ Arbitrum nacta est clarissimum Societatis JESU fidus, Everhardum Nithardum, quem postea purpuratis Ecclesiæ Patribus accensum vidimus. Cujus, & prius Reverendi Patris Joannis Weier institutione, omnes vitæ suæ rationes ad altissimas Sanctimoniae leges cœpit conformare. Exeunte ex Ephebis Augustissimo Casare, reverentia ad liberos suos *Francisca*, curis jam omnibus humanis vacua, DEO unisse, ejusque servitio mancipavit, præcipuè *Telczensi Societatis JESU Domicilio* imminens. Quadriennium tenuit tertiæ hujus Probationis ædificatio, & liberalissima dotatio, quibus curis perfundam repente Caesar Leopoldus rursus ad Aulæ tumultus *Viennam* revocavit. Supremæ Præfectæ munus apud Imperatricem *Claudiam Felicitatem* laudatissimè gessit; nec nisi Reginæ morte manumissionem potuit impetrare. quâ obtentâ *Telczium suum, & Novamulum* Anno 1676. 19. Junij. cupidissimè revolavit. Non licuit tamen diu sancto illo, & dulci pietatis otio frui; sed DEO ad Aulam Cœlestem vocante, brevè post, Dominam, & Imperatricem suam secuta, contracto tenui morbo, quem senectus exasperabat Anno 1676. ætatis 64. expleto, Sacramentis omnibus, quæ tempus illud poscit cōmunita, illud Simeonis senis canticum repetens: *Nunc dimittis servum tuum Domine.* placidissimè & felicissimè 22. Septembris mediâ sextâ matutinâ exspiravit. Corpus *Telczium* devedum, vilissimâ *Laicorum Societatis* velle (quod vivens statuerat, & scripto jussérat) indutum, juxta Conjugis sui corpus, cum luctu pauperum, in quos maximam eleemosynarum vim effuderat, est conditum. Haftenus vitam Illustrissimæ hujus Matronæ & vitæ negotia brevi compendio sumus complexi; nunc de virtutibus & Sanctimonia *Franciscæ* paucissima quædam adferemus.*

Francisca igitur cum se totam Deo consecrare in *Exercitijs Spiritualibus Sancti Patris Nostri Ignatii* statuisset (ut erat sagacissima) non id solâ oratione,

tionem, & longis precationibus (quanquam etiam in his plurimum praesidij re-
ponebat) sed in assidua virtutum exercitatione, & maxime earum, quae heroi-
cae appellantur, collocavit. In adversis & prosperis idem vultus; altissima
humilitas; summa in DEI voluntate pax animi, & quies; omnium rerum
humanarum contemptio; perpetuus & constans per annos plurimos vitae te-
nor; praeparatio animi continua in omnes casus; inimicorum amor; in-
explebilis perfectionis, & rerum Caelestium sitis, desiderium ardens mortis,
& beatitudinis aeternae; contestata apud omnes, Ecclesiastici, & Religiosi
statu, etiam adversus Principes viros defensio; pauperum patrocini-
um; liberalitas in suppeditandis ad pauperes sumptibus; nullus ad ea, quae mundus
miratur, & suspicit respectus; odium sui; omnium veneratio; nulla nisi
precaria dominatio, aliaeque virtutes (quas ob varietatem suis indigitare no-
minibus difficile est) spectabilem caelo Franciscam faciebant. Cardinalis
Nithardus (quantus vir?) qui Franciscam intus optimè nôrat, utpote à sacris
Confessionibus, cum huius sanctae matronae mortem audisset; non dubita-
vit scribere, si in Urbe, aut Hispania obisset, Processum de vita illius futurum
fuisse. Sanctitatem Francisca non habebat improvidam, nec subventane-
am; sed providentem, & stabilem. Non enim casui sese subiciebat, sed
praevidebat omnia, & quid in anima sua ageretur, quotidie annotabat; Li-
belli propositorum, & ut ita dicam praevisionum sunt in manibus, quibus illa se
longè ante obarmabat, & animo praecipiebat, quae ad DEI Gloriam à se ge-
renda in meditatione matutina statuisset: ordo quotidianus vitae hic erat,
quem verbis ipsismet Franciscæ ex Ephemeridibus, ad imitationem illustri-
s fortunae Matronarum, exscribo. Dum me strato proripio (surgebat hora 4.
matutinâ) Sanctâ Cruce frontem munio, rogans DEUM Patrem, ut dirigat
omnes meas cogitationes, DEUM Filium, ut regat verba mea, Spiritum San-
ctum, ut gubernet opera. Tum genuflexione SS. Eucharistiae factâ, obtestor
misericordiae Matrem, ut me hac die à peccato custodiat, novem osculis terrae im-
pressis; de genibus precationem S. Francisci Xaverij magni Indiarum Apostoli
persolvo, cordi nomina sanctissima JESUS, MARIA, JOSEPH, di-
gito inscribens, recito Psalmos Miserere. Laudate Dominum, & hymnum Te
DEUM laudamus. veste assumptâ persolvo coronam B. Virginis cum meis pedi-
sequis, Psalmum 96. precationes ad Angelum meum Custodem, divosque Patronos,
specialiter huius diei, certisque aspirationibus omnes cogitationes, verba & ope-
ra DEO offero, meque totam cum potentijs animæ, sensibusque meis Christi vul-
neribus includo, & illa sacra vulnera, quibus Pater & Ave de genu persolutis
exosculor. Tum Meditationem aggredior, quam aut domi, aut in templo per-
ficio. Hâc finitâ quidpiam ex libello Thomae à Kempis lectito, demum B. Vir-
ginis horas recito. Unum Sacrum audio in honorem quinque vulnerum Christi
Crucifixi, in illis vulneribus, durante Missâ peregrinantis instar circumeo;

Quotidia-
na ejus vita

commendans in singulas plagas varios, continentiam meam vidualem, finem vitæ meæ, Religiosorum Ordinem, quem amo, cuius spiritum peto, cupioque ut in me voluntas DEI perficiatur, atque ita Missæ Sacrificium in varias intentiones dividido. Si plura Sacra audiendi sit copia, oro sub iisdem Nocturnum unum ex defunctorum officio, horas de sancto Spiritu, de Sancta Cruce, Psalmos pœnitentiales, Litanias de Sancto Ignatio, Sancto Josepho, officium de Sancto Xaverio cum oratiunculis aliquot; rursus coram B. Virginis ordinariam coronam Christi, & coronam de amore DEI. Observandum est hoc loco piam hanc Matronam, totum Matutinum tempus in oratione transigere solitam. Dein frugali mensa refectâ, de rebus cœlestibus, & virtutibus sermones miscbat. Tum manuali aliquo labore, aut sacris munusculis pro puerorum Catechismo concinnandis, sphærule precatorijs in fila inducendis, icunculis aptandis, aut lineis aliquibus telis in pauperum usus præparandis, & consuendis distinebatur. Ab hora 6. pomeridiana cum pedisequis Virginibus, coronam Domine nostræ recitabat. Post cœnam (si cœna vocari mereatur, cum ferè jejuna- ret, & non nisi in prandio carnibus vesceretur, in cœna ipsa defraudans geni- um, & assidentes fallens) post cœnam inquam, pius aliquis liber coram ea le- gebatur; lectionem hanc Conscientiæ Examen sequebatur, tum Meditationis in diem crastinum argumenta, & puncta ipsa sibi Francisca relegbat, ac tan- dem iisdem precibus, quas mane adhibebat peractis, cubitum concedebat. Hæc erat vitæ quotidianæ ratio, nisi peculiaria Ecclesiæ festa, ut quadragesi- ma, octiduum Corporis Christi, aliâque huiusmodi requirerent, tum enim fla- gella, cilicia, aliâque corporis vexationes frequentabantur, Orationum tem- pora augebantur, & in majus crescebant omnia, quæ infinitum foret enume- rare. Ter in hebdomada Sanctissimâ Eucharistiâ animum pascebat. Ad quam Cœlestem mensam cœlestibus affectibus animam comparabat, præcipuè Li- bello Patris Caesaris Francisci, tum alijs, qui cor divino amore inflamment, ut soliloquijs, & meditationibus S. Augustini, quorum lectione, ut etiam Thomæ à Kempis mirificè tenebatur. Vigilans quasi continenter Divinis actibus æ- stuabat: O! DEUS amor meus! tibi me dono! tibi gratias ago, amo & lau- do Creatorem, & omnem Creaturam ad te amandum, & laudandum provoco, amore tui DEUS meus! Lumina quæ ex meditatione, & contempla- tione rerum Divinarum hauserat, tum etiam quæ facienda proposuerat, dili- genter per annos plurimos annotarat. quæ relegens, & regustans animo in- sculpebat profundius. Sacrorum Patronorum nomina quot mensibus piâ fortitione inter domesticos dividebat. Domine exempla ut fieri solet, quan- tum licuit omnis familia sequebatur. Spiritualibus Sancti Patris Nostri Ig- natij commentationibus quotannis exercebatur usque ad ultimam ætatem præsentem semper utilitate, animæque solatio. In expectatione Virginei MA- RIÆ partus (quæ Novena dicitur) quid proposuerit, egeritque, libellus ar-

Quædam
certæ devo-
tiones.

cano-

canorum manu *Franciscæ* conscriptus ostendit his verbis: *Per ferias Natalis Domini revolvam quanto desiderio MARIA & Joseph Sacratissimum Partum expectârint: Colloquia de mysterio Incarnationis instituam; curabo novem Missas legi pro illis animabus, quæ in vita mysterium DE Inati affectu speciali coluerunt. Diebus singulis novem grossos pauperibus elargiar; novem diebus mihi carnibus interdiciam: novem oscula terræ infigam; flagris novies, & cilicijs per novem dies corpus affligam; novem victorias de lingua reporta- bo; novem Indusis & totidem præcinctorijs egenas mulieres amiciam; in Xenodochio, adscitis mendicabulis, novies recitabo Coronam. hæc in eo libello.*

Humilitas.

Jam tam multa de *Franciscæ* virtutibus dicta sunt, tamen adhuc ob multitudi- nem rerum in narrationis principijs stare me puto. Abjectissimè sentiebat de se, neque cogitatione solâ & speculatione mentis, sed re ipsâ, & factis om- nium se vilissimam reputabat: reperta est aliquando in oratione singultiens, totâque lacrymis innatans à *Sacerdote* quo utebatur in sacris. tum illa: O! *Pater* inquit: *impetra mihi sanguineas lacrymas, ut plangam peccata! indigna sum quam terra sustineat! conspui & calcari pedibus hominum unicum animi mei est votum.* Ex hac demissione, & vili de se, rebûsque suis sensu ortum habuit, quam in moribus, & actibus omnibus adhibebat cautela, ut jam extra omne periculum posita, & tam robustæ virtutis, tamen cùm continen- tiam *DEI* donum esse audisset, quotidie viduitatis votum renovaret, demis- sissimè & ardentè gratiam ejus implendi efflagitans. Eligebat anni prin- cipio *Sanctos* in dies colendos, & quot diebus eorum nomina domi suæ per- legi jubebat in vitæ spiritualis auxilium. *Pauperes* tantum abest averfabatur, ut etiam sæpe ante *DEUM* optaret, sive per injuriam hominum, sive fortunæ casum, rebus omnibus, quas haberet spoliari, ut stipem mendicare cogeretur. quod cùm non fieret, victu, & amictu, totâque vivendi ratione vitam pauperum exprimebat. Hoc paupertatis desiderium utcunque pro- didit *Francisca* in Testamento abs se scripto, ubi hæc verba leguntur: *Ideo Testamentum hoc factum volo, & vi illius fortunas meas omnes post mortem alijs possidendas relinquo, ut ab hoc momento temporis sim è numero pauperum spiri- tu, quibus promissum est Regnum Cælorum. Mendicorum amatrix summa fuit; neque ego in Nobilitate nostra vidisse memini, quæ plura pauperibus daret, aut quæ magis pauperum, & miserorum obsequijs inmineret. Vienna in No- socomio leproforum, & incurabilium, visa est cum Illustrissimis filiabus mini- strare, cibosque porrigere. Novæ domi Puerulum Parentibus orbatum, sca- bie ad crustam usquè capitis obsitum, ipsamet curandum suscepit, tam diu- que linteolis madidis suspensâ manu perfricuit, donec purulentum corticem detraheret; tum alteri oblato pretio percurandum comisit. Telezj clam omnes pauperum Casas obibat, ubique beneficentiæ suæ vestigia relinquens. Medicamenta quàm plurima adversus morbos manu suâ confecta semper*

Paupertatis
& Pauperū
amor.

Ejus in Sa-
cris Funda-
tiones, & li-
beralitate.

habebat in promptu, quæ in ægrotos pauperes liberalissimè dispensabat. Preter eleemosynas quotidianas, & ut ità dicam extemporales, statas quasdam habebat, quas in dies, hebdomadas, menses, & annos diviserat. *Singulis mensibus quinque Rhenenses* Sacerdoti nostro, qui domos pauperum obit, numerari jubebat, ut ijs succurreret, qui mendicare ob priorem fortunam erubescunt. Mendicos vestiebat plurimos, & in pauperum usus subuculas manu propriâ consuebat; acciditque non semel, ut cum subucula ad manum non esset, exueret protinus suam, & donaret argentibus. Filius familias ob crimina atrocia damnatus, scelus capite luit: eo ipso die *Francisca* ad *Matrem* domi mœrore tabescentem properavit; solatijs opportunis recreavit miseram; & oblatâ sumâ pecuniæ mitigavit dolorem, insigni Christianæ charitatis exemplo. In his virtutum curis tota consumebatur dies; nullus qui Dominae delicias faceret apparebat *catellus*, nulla *avium* audiebatur Musica, nullæ evagationes ad *hortos* suscipiebantur, aut *domi* suæ, aut in *casis pauperum*, aut in *templis* inveniebatur. Non potest satis explicari magnificentia ejus in *Sacris*, & donarijs, quibus *Ecclesias*, & sacra loca exornare solebat. *Sancti Jacobi Ecclesiam Parochialem Telczensem*, quâ *Domicilium Societatis* utitur, tum alteram Societatis, quam à fundamentis excitârat, tum tertiam *Oporzani Sancti Xaverij* nomine insignem, quantis muneribus, quantis rerum sacrarum pretijs exornârit, tum alias quoque *Ecclesias Novodomenses* quantum auxerit, profectò vix ullus credat, qui in rem præsentem non venerit. Ego sanè qui hæc scribo, quique sacram plurimarum Ecclesiarum suppellectilem curiosè in his vicinis regionibus lustrasse gloriari soleo, nihil vidi magis; præsertim si quis cogitet intra tricenos annos, & à *Matronæ* unius liberalitate omnia hæc esse profecta. Quod illa *Templum B. Virginis*, quod miraculis, vel Cælestibus gratijs celebrari videbat, indonatum reliquit? *Mons Sanctus*, tum alia per *Bohemiâ*, *Bavariâ*, *Moraviâ*, loca sacra loquantur. *Christi Domini* cruciatibus mirificè tenebatur, præcipuè sangvinem in horto, mortis expectatione & horrore profusum, meditando, liquefcere videbatur: huic rei in aliquot Ecclesijs *devotionem Agoniæ*, ut vocant, cui Symphoniaci pueri accinerent Feriâ V. & VI. per annum, perpetuis censibus stabilivit. *Telczj* dimidio milliari à civitate, exstructo eleganti Sacello, ad id viam columnatam deduxit, Columnis singulos Christi dolores referentibus, edito etiam libello, piisque precibus, & cantibus, qui à columna ad columnam recitarentur, ac terminarentur, & varietate populo *Telczensi* placerent. Id Christi doloribus recolendis svavissimè quiescebat, cum quodam, ut sic loquar cruciatu voluptatis, *DEI Matris Mariæ*, ac *Sancti Francisci Xaverij Indiarum Apostoli* amore, & veneratione quodammodo æstuabat. hujus effigiem quocunque iret, aut vheretur, devehebat, ejusq; ope invocatâ plurimis est erepta periculis; de *Matre DEI* quàm tenera sunt illa,

illa, quæ in testamento leguntur: *Prolibus meis dilectissimis lego amorem, & timorem DEI, veram pietatem, & fiduciam in Reginam Cæli, ut omnes illas in tremendo judicio DEO meo Creatori ipsarum repræsentare possim, quod unicuique materni mei cordis desiderium semper fuit.* Jam si *Fundationum Sacrarum* titulos percensere velim, quem tandem narratio mea finem inveniet? *Telczensis Domus* fundatio, & à fundamentis exstructio, tantâ hilaritate, ut ita dicam, virtutis confecta est, ut se hujus facti memoriâ usque ad ipsam mortem sq̄laretur. In traditione hujus Domûs coram *Em̃nentissimo Archiepiscopo Pragensi*, Excellentissimis, Illustrissimis, & Reverendissimis stans in limine generosâ facundiâ protestata est: à nemine persuasam, aut inductam se esse, *DEI* unius instinctu, motûque proprio libere hoc foundationis opus cœpisse, & absolvisse. Summo id sibi solatio, ac pro certo prædestinationis *Divinæ* signo ducere, nihilque se aliud in hoc opere, quàm puram *DEI* Gloriam, & animarum salutem quasisse. Tum altiori voce, protestor inquit, coram Cælo & terra, nihil à me in fundationem hanc impensum ex injustè partis! Nihil ex obligatione restitutionis cujuspiam, sed ex meo legitimo patrimonio, tum alijs proventibus, quæ omnia absque ullius injuria servis Christi donavi, ut me communis Dominus in partem hereditatis suæ cœlestis admittat. Conjiciant Lectores ex his pauculis sententijs Matronæ hujus cautissimam prudentiam, cum heroica magnanimitate conjunctam. Silentio præteriri non potest *Contubernium Juvenum* ab ea fundatum, quibus ædes proprias attribuit, & summam quindecim millium florenorum liberaliter assignavit, ut in templi choro laudes Divinas suis temporibus decantarent. ut *Sanctissima Eucharistia* decenter ad ægrotantes deferretur statuit, ut Sacerdos baldachino, ut vocant, seu tholo mobili integatur, ephebis quatuor linteatis faces ferentibus, & hymnum: *Pange lingua.* per intervalla canentibus, ministris quibusdam Ecclesiæ comitantibus, & campanâ sonante; & hæc omnia centibus perpetuis stabilita *Novædomi* & *Telczij* sumâ populi pietate peraguntur. De *Agoniæ Christi* fundatione jam antè dixi. Pro *Puellis pauperibus* dotandis memorabilis est fundatio: singulis annis quinque eliguntur puellæ, quæ cum annos Connubiales attigerint, centum florenos in dotem accipiunt, interea dum adolescant, singulis census, ex centum florenis quotannis numeratur. *Eleemosynæ* perpetuæ fundatio sumam habet duorum millium, ex quibus census annuus pauperibus erogatur. Moriens *Francisca Sodalitates* quas semper ornaverant, *quaternas Novædomi*, *binas Telczij*, singulas 100. Imperialibus pio legato honoravit, quæ omnes defunctæ Dominæ jussu funebria gratanter persolverunt. In quo etiam funere illud statuerat ultimâ voluntate, ut pauperibus, quotquot aessent funebribus (quorum fuit vis ingens) quarta floreni pars daretur in manum. Atque hîc ego narrationi finem impono, plura quæ scribi possent admiranda, sapientius silebuntur. Fuit *Francisca*

statu-

Constitu-
tio Corpo-
ris.

staturâ, ut in foeminis, mediocri, oculis ob continuam DEI memoriam ferè
semper demissis; summâ gravitate, sinè affectatione tamen procedens, vi-
duali habitu, capitis cultum maximè negligens; vultu, in tristi aliàs ætate re-
nidente, & quandâ affabilitatem spirante, ut paratam ad benefaciendum esse
facilè appareret; manus, aut coronâ B. Virginis, aut libello sustinendo occu-
pabantur; denique ipse exterior habitus corporis, & maxima lingvæ parci-
tas, Majestatem quandam interioris gratiæ præferebat.

TIT: LXX.

R. D. Joannes Hoffman Vicarius ad Ecclesiam Metropolitanam Pragensem.

1678.

A. 1682.

1798.

JAm præsens Liber, ut cum Poëta loquar, ad *umbilicum* à Typotheta per-
ductus erat, cum interiore quodam instinctu, *Illustrissimus & Reveren-*
dissimus DD. Joannes Dlauhovvesky Episcopus Milevitanus, Ecclesie
Metropolitane Pragensis Præpositus, datis ad me literis ex S. Monte (ad quem
Peregrinos Pragenses, ipse Peregrinus deduxerat) admonet, nè dum claros
& spectatos sanctimoniâ Viros in opere præsentem numero, *Joannem Hoff-*
man præteream, *Vicarium in Metropolitana Ecclesia* toti Urbi notissimum,
qui Annis octo & triginta, & quatuor Mensibus insuper, perdiu & pernox
in *Ecclesie illius Sanctæ* obsequijs steterit, nullo unquam, ut ita dicam, absen-
tiæ admissio hiatus; fuisse in hoc Venerabili Sene multas antiquorum & Pio-
rum hominum virtutes; reliquisse exempla, quæ Posteris non modò imitari
possint, sed etiam admirari. Itaque ut morem gererem justa & pia monen-
ti, statim arreptâ pennâ scriptoriâ, quasi uno ejus volatu, rem omnem con-
feci. Videbam R. D. *Joannem Hoffman* ab annis permultis, quoties illi o-
pus esset, *Urbem Pragam* obire, eâ modestiâ & verecundiâ oculorum, sed
grallatorio, & nonnihil concitato gradu properantem, ut cum DEO & co-
ram illo ambulare, & invitum in publico versari facilè intelligerem. Mani-
catâ & talari simplici & rectâ tunicâ cum Cingulo, pallio superinjecto, quod
tenuem Clericum deceret, procedebat; nihil erat in vestibus variatum, pul-
la omnia; pileus pendebat in faciem; pallio brachia cohibebantur; Caput
Viri ætate extremâ (observavi) recalvum, sed vultus nunquam in diversa mu-
tatus, nonnihil tamen erat horridior, & ad quandam duritiem asperatus;
idem intrepidus, sed quem facilè placari posse sperares; denique DEO suo
propitio inhærens, vultu satis monstrabat, meliora esse, quæ latèrent in pe-
ctore. Natus erat *Joannes Hoffman* in *Bohemia Neudorffj Lobkovicio-*
rum ditioe, Anno superioris sæculi 98. Catholici Parentes & timentes DE-
UM, ad omnem Virtutem, & Pietatem monitis & exemplis *Filium* instruxê-
re, ut in eâ jam ætatula *Joannes* in orando DEO suâ voluptatem repone-

ret,

ret, atque bene, & ex virtutis Legibus agere, primum, pulcherrimum, & dignissimum esse putaret. Tam lætas & certas pietatis significationes cum *Illustriissima Lobkoviciana*, cujus glebæ, ut dixeram, adscripti erant *Foannis Parentes*, in puero sagaciter notasset, author Parentibus magnopere fuit, ut ad literarum studia *Pragam* mitteretur; eadem Matrona non parçè subsidia subministrabat, quibus ille continuos aliquot annos in scholis exegit; commendatione dein *Magistrorum*, in *Contubernium S. Bartholomæi Pragæ* receptus, diu & *Philosophos*, & *Theologos* audivit eâ fælicitate, ut *Philosophiæ Magister* primum, postmodum etiam *Theologiæ Baccalaureus* (rarum adhuc eâ tempestate doctrinæ honestamentum) publico Universitatis præconio crearetur. negant istud postremum de honoribus *Theologicis* nonnulli; ut ut sit, *Foannes* primum *Ecclesiasticæ vitæ Tirocinium* in *Sacellani* munere posuit, mox *Parochiam* in loco dicto *Henrichsgrün in Cubitenſi Provincia* laudatissimè administravit; ibi eum versantem, & jam antè in studijs notum, nunc etiam famâ innocentis vitæ commendatum, *Pragam* evocant *Simon Brosius* (postea *Suffraganeus Episcopus*, & *Archiepiscopus Trapezuntinus*) & *Gaspar Arsenius Metropolitana Ecclesiæ Decanus* (duo *Pragensis Diocesis lumina*) & *Vicarium* sibi constituunt; quo in Munere constantiâ Christianæ humilitatis, & quotidianæ circa *Sepulchra Sanctorum Bohemiæ Patronorum*, & *Indigetum* pietatis consuetudine, tantopere inescari se passus est *Foannes*, ut nunquam, nè *Attaliciſ quidem* ut ajunt, *conditionibus propositis*, *Officium*, aut locum mutare, aut altiore gradum, quem obsequio tam diuturno merebatur, expetere dignaretur. ipse velut *Romæ Sanctus Servulus*, per annos amplius 38. in *Officio Vicarij* exequendis, quæ sui muneris essent, penè ad pertinaciam quandam Virtutis intentus, sumâ religione obibat omnia, eratque unus instar multorum. Accidit, ut *Foanni nostro* quidam *Canonicatus* licèt non pingvissimus, talis tamen, qualem alij cupidè ambirent, offerretur: hîc ille quantum honores & titulos averſaretur, ostendit: nam repentè convasatis rebus omnibus suis, & in peram conſectis, arreptoque scipione profugit, neque rediturus erat ad *Vicarij munus*, nisi accepisset promissum, nunquam quenkam ampliùs sibi in ea dignitate obtrudenda molestum fore; ita jam securus ad obsequium Ecclesiæ revertit. Scilicet inhonorari se honore credebatur *Vir optimus*, & quem adversa non poterant, *Tituli honorum* è statione depulissent. Adversorum mentio revocat in memoriam temporum calamitates, injurias, oblocutiones, aliâque hujusmodi fortissimè tolerata; copiosam patiendi materiam præbuere bella, quæ tot annis *Bohemiâ* lacerbabant; ab æqualibus quoque suis (præsertim ante senectam, nondum acquisitâ autoritate Virtutis) exagitatus & irrisus frequenter, Spartano silentio concoquebat durissima, & contrâ reponebat nihil. Inerat *Viro*, ut innueram antea, & in vultu, & in verbis, & in moribus agrestis quædam (DEO, Eee quàm

quàm hominibus gratior) simplicitas, ut nihil, vel parum doctrinæ, parum etiam humanæ prudentiæ, parum Civilitatis primo aspectu & affatu (licet in recessu, & congressu longiore, sùavis, & jucundus) præferret; ex eo fiebat, ut opportunior injuriæ foret, & ex ejus tristi supercilio irrisores alienarum actionum (quorum hodie facilis est annona) vexando meliorem se, risum capterent. Congruet huic simplicitati, *vestis plerumque detrita*, neque semper bene aptata corpori, ut persæpe ignoti, præsertim puerilis ætas in Plateis, *Judaum* esse suspicarentur, & vociferarentur: ergo petulantes pueri non semel poma putrida, pyra, olera, lutum in transeuntem certatim jactare, ignominiosè vocibus semifractis, balbis, & blæsis appellare, per pallium more *Caniculorum* trahere. non aliud tum erat *Foanni perfugium*, quàm ad locum, ubi poma, & fructus vendebantur, confugere; ibi pueris illis insolentibus, crustula, & fructus emebat, dividebátque sùaviter renidens, & se non *Judaum*, sed *Sacerdotem* pacatè & leniter affirmans, petulantiam in venerationem, & manuum oscula cōmutabat. Narrabo in hanc rem aliud nobile *Exemplum*, quod ab *Illustrissimo, & sacro Viro* accepi, in quo quid magis, an patientiam, an humilitatem, ac facilitatem in dimittendis injurijs admirer? non possum statuere: Invitatus erat ad prandium à Viro Amico Cive Prageni *Foannes*; descendit ab Arce senex præfinito tempore, sed *Domini* detentus negotijs nondum domum redierat; *Foannes* domum ingreditur hospitem opperiens; mulier ancilla *Judaum* ingressum esse rata clamorem tollit, *Judaum ad furandum venisse*, adfunt famuli, *Foannem* aggrediuntur, multis verborum, & concussionum injurijs vexatum domo exturbant. Sedit ante domum *Foannes* quasi nihil passus summo silentio, dum *Civis* qui invitârat, adveniret, qui hospitem suum cum significatione honoris inductum, mensâ instructâ primo in loco adhibuit. Ibi tum Familiæ primùm error patuit: re signis quibusdam proditâ *Foanne* silentè, timentibus iracundiam Domini famulis, *Foannes* factum excusavit, & veniam exoravit. Hanc simplicitatem *Ioannis* (de qua modò) comitabatur, vera & iusta verborum libertas: quod gestabat cor, lingua, cùm loquendum esset, efferebat in publicum: sine discrimine, si quid ante se fieret, reprehendebat, ipsos etiam Magnates in Ecclesia admonebat officij. Hujus seriæ & sanctæ synceritatis laudatores etiam hæreticos fuisse meminimus: *Arce Prageni* A. 1649. captâ hostes *Sveci* (præsertim Militares Præfecti) colloquijs ejus & simplici agendi ratione capti complectebantur hominem, & ad mensam, illo non recusante, vocabant. Fortè contigit, ut apud *Militiæ Svecicæ supremum Ducem Konigsmarkium* *Ioannes* pranderet; accumbebat unà, quem vocant, *Superintendens* hæreticorum; is Cœlibatum Catholicorum Sacerdotum multis irridens, tam doctè & aptè ab *Ioanne* nostro retusus est, tot exemplis & tam clavis *Sacrarum literarum* sententijs obrutus, ut obmutescere

coge-

cogeretur, plaudente ipso *Duce Königsmarckio*, cæterisque Convivis (ut sunt hominum ingenia victos plerumque irridentium) in cachinnos maximos in re tam inexpectata resolutis. Ad conciliandos DEO & Ecclesiæ hæreticos, & peccatores ad pœnitentiam revocandos, mirâ pollebat vi, bonûmque eorum numerum fuisse testantur plurimi. Res quam nunc memorabo, antiqui moris est, quæ si vel primis Christianorum sæculis facta foret, laudationem mereretur: Fur in *Cubiculum Ioannis* clam ingressus, rebus circumlustratis, tandem in aliquem pecuniæ numerum incidit, quam in saccum suum injicere cœperat; supervenit *Foannes*, & hominem in calido flagitio deprehendit: negare non poterat furtum, qui alienam pecuniam manu teneret; sed summa rerum inopiâ eò se consilij adductum esse causabatur, & veniam poscebat. Tum *Foannes* (nè quid alienum moribus suis faceret) graviter prius verbis castigato, alterum tantum pecuniæ quantum jam furto sublegerat, donavit, & abire iussit. Liberalissimus erat in egentes, sed clam omnes hoc misericordiæ genus peragebatur: dividebat æquâ portione cum *Pauperibus* quæ sacris in Ecclesia laboribus emerebatur stipendia; ex prandio & demenso suo studiosos literarum pauperes alebat, & complures his auxilijs ad Sacros Ordines ascenderunt. Diei magnam partem ut munus ferebat, in Ecclesia transigebat: horâ tertiâ matutinâ surgebat ante alios, & cœlestibus ac æternis meditandis, profundâ animi & corporis reverentiâ, & contentione affectuum vacabat; singulas actiones suas quotidie in separatis chartulis annotabat, ut vel minùs rectè facta die craftini corrigeret, vel non satis ad ungvem virtutis expolita ad perfectum adduceret. Chartæ ejusmodi *Ratio-num Cœlestium*, sæpius ab *Foanne* amissæ & ab alijs inventę multum ad exemplum aliorum valuerunt, licet quidam vitâ dissimiles ridere magis, quàm imitari voluerint. Cùm in *Vicarij Munere* antiquissimus esset omnium, & ex merito in ædibus *Vicariorum* jus eligendæ habitationis, quam vellet, haberet, incommodissimum semper, & altissimum eligebat cubiculum, in quo sub ipso tecto hieme semper algeret, æstate propemodum torreretur. Causam rogatus, respondit: *corpus nostrum nunquam molliter in hac misera vita, sed more Sanctorum duriter esse tractandum.* Ultimis vitæ Annis Prophetiæ donum contulisse *Viro* videbatur DELIS: mira, & quæ tum fieri non posse judicabantur, pluribus prædixit, quæ tamen evenerunt: uni diem ipsam quâ moriturus esset, nominavit; Alteri tribus annis prius, cùm nihil ejusmodi nè per somnium quidem appareret, disertè asseruit: *Ecclesiæ quandam dignitatem consecuturum.* Inter hæc paulatim vitæ vigor, & calor destituebat, simulque ætatis annus octogesimus appetebat; igitur in senectutis morbo, cùm ob asperrimam hiemem ad Amicum hominem sub Arcis Regiæ scalis jam ægrotus recepisset sese, paucis diebus confectus, optimè ad mortem comparatus Anno 1678. in festo *Conceptionis B.V. Mariæ* vitâ excessit.

INDEX.

Observatum est à plurimis ipso illo temporis momento, quo mori contigit; *Cameram* ejus sub tecto, in qua tum neminem habitare constabat, tanto lumine circumfusam apparuisse, ut miraculo spectantibus esset. Vox una omnium, Procerum, Cleri, Nobilitatis ac Populi fuit: *Sacerdotem Sanctum*, qualent vix sæculis Ecclesia Metropolitana inter Ministros habuerit, obiisse. Utinam Viro huic optimo aut natura apertior, aut humilitas audacior contigisset, aut Amici curiosius vitam ejus introspexisissent, non parum multa profectò mira, & rara in præconium scribi potuissent. Hæc tamen, quæ etiam sic allata sunt, maximâ authoritate nituntur: quippe, ut jam prædixi, datis ad me literis An. 1682. 29. Aprilis ex Sancto Monte *Illustrissimus & Reverendissimus DD. Episcopus Milevitanus, Suffraganeus Pragensis, & Metropolitana Ecclesia Præpositus* narrationem suam hisce verbis, & manu suâ firmavit: *hæc quæ habui de hoc Viro (Joanne Hoffman) in fide Sacerdotali communico.*



INDEX

ALPHABETICUS.

Virorum opinione sanctitatis apud nos illustrium; quorum hac II. Parte vita & gesta sumariè referuntur.

A.

Abrahamus Abbas Gradicensis Ord. Præmonst. Tit. XXII.

Adalbertus Baufek S. J. Tit. XLVI.

Adalbertus Scholasticus Eccl. Prag. Tit. XLV.

Adamus Kravarsky S. J. Tit. LXVII.

Adleta Ord. Cisterc. Tit. XXIII.

Agnes filia Regis. Tit. XXIII.

Albertus Chanovsky S. J. Tit. LVIII.

Andreas Metfch S. J. Tit. LXI.

Asticus seu *Anastafius* Abbas Ord. S. Benedicti. ejusque Fratres. Tit. XI.

Aularegienses Ord. Cisterc. Tit. XXVIII.

B.

Barnabas Ord. Min. strict. Obser. Tit. XLIII.

Benedictus de Waldstein Epif. Camiënensis. Tit. XLII.

Benef de Bliziva Eremita, Tit. XLIV.

Bernardus Oppel S. J. Tit. LXII.

Bohumilus Abbas Ord. S. Benedicti cum 27. Sacerdotibus sui Ordinis, Tit. VII.

Boleslaw II. Bohemiæ Dux Tit. VIII.

C.

Carolus IV. Imp. & Boh. Rex. Tit. XXXV.

Catharina Comitissa de Montfort. Tit. LVI.

D.

Dambrovka Ducissa Boh. & Polon. Tit. IX.

Ditmarus Epif. Prag. Ord. S. Benedicti Tit. II.

Dominicus Ruzola Carmelita disc. Tit. LIV.

E.

Elisabeth Abbatissa Ord. S. Benedicti Tit. X.

Elisabeth Regina Mater Caroli IV. Tit. XXX.

Esther Boffani Vidua, Tit. LXVIII.

F.

Felicianus Laicus Ord. Min. strict. Obser. Tit. XLIII. Fer-

INDEX.

Ferdinandus II. Imp. Boh. Rex. Tit. LVII.
Francisca Slavatina de Meggau Vid: Tit. LXIX.
Fridericus Huſſecken S. J. T. LIX.

G.

Gezo I. Abbas Strahoviensis Ord. Præmonſtrat.
 Tit. XIX.

H.

Hedvigis Ssvihovia Regiæ ſtirpis. Tit. XX.
Hedvigis Ord. Ciſterc. Tit. XXII.
Helicardus Epif. Prag. Ord. S. Bened: Tit. IV.
Hemma vel *Hemildis* Ducifſa Boh: Tit. XII.
Henricus Abbas Ord. Ciſterc. Tit. XXIX.
Hirzo Epif. Prag. Ord: S. Bened. Tit. V.

I.

Jacobus Geranus S. J. Tit. LV.
Jaromirius ſeu *Gebhardus* Epif. Prag. Tit. XIV.
Joannes I. II. III. Epif. Prag. Tit. XXXVI.
Joannes IV. Epifc. Prag. Tit. XXXII.
Joannes II. Archiep. Prag. Tit. XXXVII.
Joannes III. Archiep. Prag. Tit. XXXIX.
Joannes IV. Archiep. Prag. Tit. LII.
Joannes Hoffman Vicar. Eccl. Prag. Tit. LXX.
Joannes Militius Archidi: Prag. Tit. XXXIV.
Joannes Nerovius S. J. Tit. LXVI.
Joannes Papauflek Litom. Præpoſit. Tit. XL.
Joannetius Suffr. Archiep. Prag. Tit. XXXVIII.
Jodocus Laic: Ord. Min. ſtri&. Obi. Tit. XLIII.
Judith Filia Regis. Tit. XIV.

L.

Ladislaus Boh. & Ungar. Rex. Tit. XLI.
Laurentius à Brundufio Capuc. Tit. XLVIII.
Ludmilla filia Regis Boh. Tit. XVI.

M.

Marcus Præpoſit. Prag. Tit. XV.
Margarita Monialis S. Claræ Tit. XXXIII.
Maria Maximil: ab Hohenzollern. Tit. LXIII.
Martinus Strakoniczky Paroch: Tit. XLVII.
Martinus Stredonius S. J. Tit. LX.
Meinhardus Epifc. Prag. Tit. XVII.

N.

Nankerus Wratislav. Epif. Tit. XXXI.
Nicolaus Lancicius S. J. Tit. LXV.

O.

Ovida Regina Ord. S. Claræ Tit. XXVII.

P.

Paulus Keicha primus in Boh. Sacerd. Tit. I.
Petrus Torrentinus S. J. Tit. LI.

R.

Robertus Ep. Olomuc. ex Ord. Ciſter. T. XXI.

S.

Sabina Virgo ex illuſtriſſima ſtirpe Wratislavia-
 na. Tit. L.
Slavnik & Strzeziſlava S. Adalberti Parentes
 Tit. VI.
Sobieslaus I. Bohemiæ Dux. Tit. XVIII.
Sophia Abbatifſa Ord. Ciſterc. Tit. XX.
Spitihneus Bohemiæ Dux. Tit. XIII.

T.

Theadatus Epif. Prag. Ord. S. Bened. Tit. III.

V.

Vitus Decanus Prag. Tit. XXV.
Urſula de Lobkovicz. Tit. L.

W.

Wenceslaus VI. Bohemiæ Rex Tit. XXVI.
Wenceslaus Pillar S. J. Tit. LIII.
Wenceslaus Ssvihovsky S. J. Tit. XLIX.
Wenceslaus Sternberg. Tit. L.
Wilhelmus Slavata Comes, Tit. LXIV.
Wladislaus Marchio Moraviæ. Tit. XXXI.
Wladislaus Archiep. Salisburg. Tit. XXIV.



ERRATA.

Fol. 30. lin. 20. Regem. corrige: Rex.
 Fol. 75. lin. 36. in animo. cor: in anno.
 F. 76. lin. 33. Blemenſis. cor. Bleſenſis.
 F. 80. lin. 29. Bohemiæ. cor. Bohemia.
 F. 87. lin. 18. exerat. cor. exuerat.
 F. 93. lin. 12. in eo. cor. in ea.
 F. 98. lin. 9. premus. cor. Primus.
 F. 107. lin. 21. Equeſtris. cor. Equeſtri:
 F. 134. lin. 2. & eum. cor. & cum.
 F. 169. lin. 36. juſſu. cor: juſta.

Cætera errata ſi magna fuerint, ſuâ ſe magni-
 tudine prædent; ſi parva, facilè condonabuntur;
 ſed nulla erunt (neque magna, neque parva) ſi
 benignus Lector agnoverit & ignoverit.






Duorum Nomina de quibus controversitur.

B. Georgius Moraviæ Comes, & Famianus Marzan Eremita.

Sunt nonnulli, atque eos inter historiæ patriæ scientissimus ætate nostrâ, qui *B. Georgium Moraviæ Comitem, Marchionem* appellant, eumque in *Moravia Bohemiæ Provincia* natum, in ejus gentis honorem affirmant; quid ego sentiam, brevissimè indicabo, cum prius historiâ brevissimè adduxero. *Stengelius Abbas Anhusanus* in *Augustana* sua historia, narrat: *B. Georgium Moraviæ Comitem* vale omnibus honoribus dicto, fugisse, & tectum habitu Monastico in ordine *S. Benedicti* latentem, sanctissimè vixisse; *Margaritam Ducem Bavariæ* ejus *Georgij* operâ ad sacras Confelsiones usam, cui ille uni conditionem natalium suorum (secreto nulli proferendo) prodiderit; post *Georgij* mortem An. C. 1303. *Margaretam* ejus genus aperuisse. *Scriptor* antè citatus eadem omnia habet, sed Annum mortis ponit 1457. & sinè omni controversia *Moraviæ* nostræ *Marchionem* fuisse contendit. *Theophilus Raynaudus* laudatissimus *Scriptor*, *Georgio* quidem *Beati* titulum apponit, at non *Marchionem*, sed *Comitem Moraviæ* dicit, qui spreto Principatu in *Montem Cassinum* convolârit; ibi cum se ignotum putaret, famâ vulgante deprehensum, literis filiorum ad Principatum administrandum revocatum, non acquievisse, sed literas, ut erant clausæ, abjecisse in *Caminum*, & constantissimè se, qui erat, negasse; demum quòd videret se in pretio haberi *Cassini*, clam fugientem *Augustam Vindelicorum* petijisse. Ex his narrationibus collatis credibile est: *B. Georgium ad Moraviam nostrâ* nihil omnino pertinere; quomodo enim rem tantâ Historiæ siluissent? & amissum saltèm *Marchionem* indicâssent, à filijs quæsitum? deinde vitas, & nomina, & mortes *Marchionum* omnium tam in historia, quàm in *Genealogijs* narratas habemus, *Georgium* neminem usquam reperimus. Annus ipse confirmat, quod dicimus. Suspectus mihi etiam semper fuit, quem *Raynaudus* ulurpat vox *Comitis*; ex quibus probatissimum existimo: hunc *B. Georgium* ex *Moravia Scotiæ Comitatu*, non ex *Moraviæ Marchionatu* prodijisse; nihilo tamen minus totam hanc disputationem meam *Lectoris* sagaci judicio arbitrandam relinquo. His scriptis in quasdam chartulas *Crugery* incidi, ubi quod antè asseruerat, retractat, aitque *Georgium non Moraviæ* universæ *Marchionem* fuisse, sed *Oppaviensis Ducis* filium, quod, quàm facilè asseritur, tam promptè negatur, cum *Genealogiæ Oppaviæ Ducum* versentur in manibus, ac nusquam *Georgium* legamus, aut alium ex Ducibus, cui superiora convenient.

Th Raynaudus T. VIII. in S. Georg:

De



De Faviano, vel Famiano Marzan.

Vir in paucis historiae peritus ætate nostrâ in Syllabo quodam Divo-
rum à se scripto, *Favianum Marzan* collocavit, qui *Novodomi Bo-*
hemie Urbe in Ecclesia *S. Joannis* tumultus sit è regione Cathedræ
Concionalis, ideo tumulo insculptum Virum, *Eremitæ habitu* hodièque ap-
parere in saxo; habitasse in silvis ad *S. Margaritam*, duobus ab ea Urbe mil-
liaribus, cujus vestigia impressa saxi supersint; mortuum in illa silva *Favia-*
num, omnium Templorum campanas sponte motas deploravisse. Ego
Traditionem vetustam oppugnare nolum, sed Lectori sanctè affirmo: nulli
me pepercisse diligentiam, ut fundum veritatis, certumque aliquid attingerem,
& exploratum haberem: præter illas paucorum hominum narratiunculas, in-
veni nihil. illud autem de saxo, & tumulo prorsus fabulosum esse comperio:
purgato omni diligentia tumulo apparuit quidem *Eremitæ* persona saxo in-
cisa, cum galea, & tænijs, ut in Clypeis militaribus pingi solet, sed literæ in
saxo statim, quis ille fuerit, prodiderunt: *Anno Domini 144* (deest unus nu-
merus reliquus, qui extritus antiquitate legi non potest) *Feria - post festum*
S. Ambrosij obiit famosus Vir Uroch de Zosieczan hic sepultus, orate pro eo. No-
tandum I. illud de *Zosieczan*, hætenus ob characterum ignorantiam alios an-
te me legisse: de *Marzan*; sed certissimum est, ut dixi, *Zosieczan* scriptum
esse. II. pro indubitato habere oportet, *Equitum de Oseczan, seu Zosieczan*
Familiam, tulisse in clypeo *Militari Eremitæ* baculo suo armatum, cum
cæteris insignibus Eremitarum, adeoque ex *Eremita* illo nihil confici posse;
expressit hunc *Eremitæ* Clypeum *Paprocus* agens de familia *Hoddiegovioru*,
& nè quis dubitare possit, extant in *Archivo Collegij Novodomensis Soc. IESU*
literæ *D. Henrici de Novadomo* supremi Camerarij Regni Bohemiæ A. 1486.
die Lunæ in festo *S. Augustini* datæ, quibus velut testis subscribit *Joannes de*
Oseczan, in cujus sigillo idem ille *Eremita* clarissimè expressus est; adeoque
ex sepulchro adducta cadit autoritas. Alioquin de *Famiano* (an hoc, an
alio? non disputo) *Iani Nicij* hæc narratio est: *apud Galesinos privatim, &*
publicè mira est Religio Divi Famiani Eremitæ, quem ajunt ex Polonia usque
profectum venisse Galesium, ibique diem obiisse supremum; sed multa statim
prodigia ejusdem in cælo recepti felicitatem declarasse. hæc *Nicius*. Vide
nomen, & quædam alia gemina. Ego rem totam in medio
relinquo.

P. Cr.

Paproc. in
Stemmato-
gr. Bohem.

Janus Nici
us in Exem.
Virtut. Ex:
139.





LECTORI MEO

S A L V E R E.



Non sum tam cæcus rerum mearum æstimator, ut existimem, Lucubrationes meas numeris omnibus absolutas esse; **BONUS DORMITAT HOMERUS.**

Homo sum, & quod apud Terentium sequitur. *Duo* igitur *Lectores* meos rogo: *Primum*, ut si qua in re minùs ijs ad quos attinet, feci satis, aut lapsus sum, fidenter admoneant: corrigetur, omittetur, addetur.

Alterum, mirabitur quispiam, paucos Viros pios & Sanctimoniâ claros, ex tam varijs Religiosorû Ordinibus in hac *secunda Libri IV. Parte* adduci. Sciant igitur me propè omnes Religiosos Ordines adiisse, orâsse, supplicâsse, ut si quem habuissent ejusmodi Virum, apud eos vitæ & morum Sanctimoniâ illustrem indicarent; præter quos hîc posui, nullum impetrare potuisse; suo igitur silentio omissionem meam imputent. Quod superest humillimè rogo (idque iteratò) suggerant in posterum, quos habent; neglectum nihilest: erit ijs quos omisimus, in alia *Tractatione de Cœnobijs* suis (octavo abhinc libro, si **DEUS** vitam prorogârit) isq; opportunissimus locus.

A. M. D. G. B. V. M A R I Æ
E T
SS. OO. HONOREM.



CORONIS,

Continens Indiculū eorum è Societate JESU Patrum, & Fratrum, qui in Bohemia, Moravia, Silesia sese victimas charitatis DEO, & Patriæ præbuerunt; atque ut proximos peste contactos Sacramentis Coelestibus procurarent, vitam suam exposuerunt, huic charitati imòrientes.

CAPUT I.

Septem primæ charitatis victimæ in Provincia Bohemiæ Societ: JESU.

Nolim hoc loco disputare, an qui contagionis tempore ex charitate proximi, vitam morti objiciunt suam, eoque in periculo *animam ponunt pro fratribus*, premium *Martyrii* mereantur; consulantur ij, qui de *Martyrio* per pestem scripserunt; apud me magnam auctoritatem *Martyrologium Romanum* continet, quod etsi unius potissimum *Cæsaris Cardinalis Baronij* operâ correctum, & auctum prodierit, ac proinde ex privati hominis sensu conscriptū videatur, tamen postea à Pontificibus approbatum, *Romæ* excusum, toto orbe vulgatum, & receptum, in Ecclesijs penè omnibus inter *Sacra Officia* legi solitum, meritò jam tantam auctoritatem ex consensu omnium acquisivit, ut tutò satis ex eo conficiatur, aut similem *Martyrio* hanc charitatem proximi censendam esse, aut proximè ad *Martyriū* accedere. In eo igitur *Romano Martyrologio* ad ultimam Februarij hæc leguntur: *Alexandriæ commemoratio Sanctorum Presbyterorum, Diaconorum, & aliorum plurimorum, qui tempore Valeriani Imperatoris, cū Pestis sevißima grassaretur, morbo laborantibus ministrantes, libentissimè mortem oppetiēre, quos VELUT MARTYRES religiosa Piorum fides venerari consuevit.*

Servire Pe-
stiferis & ex
eo obsequi:
mori propè
ad Martyri-
um accedit.

In Notis ad hunc locum *Baronius* adducit *S. Dionysii Episcopi Alexandrini* Epistolæ fragmentum ad *Hieracem*, sed apud *Eusebium* histor: lib. 7. C. 16. & 17. plura leguntur: *quàm plurimi* (verba *S. Dionysij* recito) *è fratribus nostris adeò immenso quodam charitatis, & fraternæ benevolentiae ardore erant inflammati, ut minimè suæ parcentes vitæ, sed ipsi inter se sibi firmè adherentes, eos qui morbo opprimebantur, nullâ sui curâ, aut cautione adhibitâ, sed ulò inviserent,*

Fff

serent,

serent, illis inservirent assidue, pro viribus ob amorem Christi curarent, unà cum illis decederent è vita lubentissimè contagione aliorum infecti. Verbum illud, quod vulgò semper dicitur, nimirum ut singuli pro amicis abeant de vita, seque eorum causâ (ut ità dicam) rejectamentum efficiant, re ipsâ expleverunt. Ex Fratribus igitur qui erant virtute præstantissimi in hunc modum mortem oppetiverunt, quorum nonnulli erant Presbyteri, alij Diaconi, quidam è Populò virtutis ergò multum laudati, adeò ut istud mortis genus, quod propter incredibilem pietatem, & robustam fidem suscipiebatur, nihil à Martyrij splendore abesse videretur. Hactenus verba S. Dionysij: quam sententiam plurimis Sanctorum Ecclesie Patrum testimonijs illustrat Reynaudus noster, & propè invictis argumentis propugnat. Utut sit, tantum tamen tam heroica virtus mereatur, ut viris famæ Sanctimoniâ illustribus tractatione jungi possit à nobis, quod quidem brevissimè, & per *Indicem* faciemus, nè nostra, nimium odiosè fortasse, legentibus obtrudamus.

Nota.

1. Primi in hac Societatis Provincia Bruna in obsequio pestiferorum Ari.
P. Leonar: Corcelius. 1584. Sanctitatis apud Collegas suos celebratus, flagrantissimâ in D E U M, & proximum charitate (qui jam ante duos menses de hac morte nuncium cœlitus datum acceperat) confessione noxarum omnium peractâ, intentis in cœlum oculis orando extinctus. Hunc secutus est P. Ambrosius (cognomen nūquam invenio) gente Bohemus, utrâque lingvâ Bohemicâ, & Germanicâ, ut res poscebat, concionem habere Bruna solitus, geminæ cum Leonardo virtutis. Tertius Ernestus Prockvitz Silesius nobilissimi generis, cujus scilicet Pater Legationem ad Imperatorem Turcarum olim obierat: ipsemet Ernestus inter Rudolphi Cesaris honorarios pueros nuper census, majori Imperatori, & Regum Regi DEO in Societate servire præoptavit; hic adhuc recens admoveri Concionibus cœptus, lucra vel in hac ætate animarum querebat, ubi mortem optatissimam invenit. Alios undecim nominare possumus Bruna hâc eadem contagione interemtus, sed nimirum tres isti soli, dum operam, & obsequia peste afflatis, & morientibus impendunt, morti, & quæ mortem vincit, charitati in victimas cesserunt.
2. P. Ambrosius
3. Ernestus Prockvitz.
4. Stanislaus Wocescovius. 1599. Anno 1599. P. Stanislaus Wocescovius gente Polonus ad diem VIII. Septembris Praga dum ministerio peste laborantium charitate cœlesti occupatus indefessâ constantiâ insudat, & ipse concidit; ejus virtutes, uti & focij ejus Luca Roll Laici, patriâ Almantani, Collegij nostri Praga Fanitoris 6. Octobr: eadem contagione à Patre Stanislao, cui servierat, contractâ, extincti, annue ejus Collegij literæ deprædicant.
5. Duo ex Provincia Bohemice Viennæ in obsequio mortui.

Duos hoc loco subijciam, qui non pro salute gentilium suorum, sed apud alienos (quamquam Christi charitas, quæ complectitur omnes, nullum alienum existimat) dum Pestilentiam correptis Viennæ deserviunt, in obsequio pesti-

Victimæ Charitatis in Prov. Boh. S. J. C. II.

pestiferorum perierunt, uterque tamen noster est: *Novem*, inquit (verba an-
numero *Philippi Alegambe*) *fuere socij, quos exitialis suâ contagione teterrima*
Vienna pestis funestavit. Sed duo gloriosâ morte, dum se proximis laboranti-
bus impendunt, defuncti sunt. prior ad diem quartumdecimum Septembris. vi
delicet *P. Paulus Christinus, patriâ Olomucensis*, annos natus duodequingua-
ginta, emeritis in varijs laboribus, muniisque Societatis uno, & tricenis sti-
pendijs, abinde viginti annis in Spiritualium Adjutorum ordinem descriptus.
Vir ob innatum animi candorem, & simplicitatem ingenij nulli non accep-
tus. Submissione, suique contentu insignis, & de quo verè posset illud A-
postoli prædicari, *mundum*, atque *ipsum* Sibi fuisse *invicem crucifixos*. Di-
vinæ proferendæ gloriæ studiosissimus, & in ea causâ quorumcunque labo-
rum patientiâ admirabili. In proximos flagrantia charitatis eximia; quo-
rum etiam studio vitam profudit. Nam recrudescente sub finem Julij pe-
ste, à Sociorum cõmunionem se junctus, eorum, quos pestis afflârât (id quod
anno quoque superiore jam fecerat) curam suscepit; quàm dum sollicitè ur-
get agitare, eadem & ipse illigatus, è vita discessit. Morti jam proximus, in
Christi JESU de Cruce pendentis Imagine contemplanda totus hærebat. Ex-
terni, qui adfuere morienti, ajebant attoniti, nunquam se quenquam morta-
lium adeò piè, religiosèque de vitæ statione demigrantem vidisse. Succes-
sit illi primùm in opere, tum Calendis Octobribus etiam in mercede

Aleg: in Vi-
ctimis Cha-
rit. ad 1606.

6.
1606.
P. Paulus
Christinus.

P. Stephanus Kelbelius, gente Bohemus, oriundus Budvicio, annos na-
tus tres & triginta, exactis in Societate quindenis, quem pernicialis morbus
ab ægris collectus triduo transcripsit immortalitati. Cùm ad extrema venis-
set, usuram vitæ sibi tam brevem dari, neque ullâ præclarè dum gestâ jam
rude donari dolere visus est. Naturæ jamjam concessurus: *Hem*, inquit
bat, juveni tibi, vix dum labores aliquos in hac militia experto abundum est!
Sic ille nimirum de se submisit, deque suis laboribus sentiebat, qui tamen ne-
que adeò exigui, neque tralatitij fuere. Nam præter alia, quæ gessit munia,
Mathematicam eo in Collegio Scholam aliquot annos explicuit, *duasque B.*
Virginis Sodalitates summa cum laude virtutis instituit, & jam confessionum
excipiendarum munus impositum tanto animi ardore susceperat, ut se totum
illi probè, officiosèq; obeundo, & Divino propagando honori impenderet.

7.
P. Stephan:
Kelbelius.

CAPUT II.

Novæ Victimæ Charitatis in Provincia Bohemiæ
Societ: JESU.

Pater *Marcus Antonius Soldanus Italus Pragæ in Bohemia*, animandis,
curandis omni ope, ac ultro, citroque visendis ægrotis pestiferis ino-
pibus eò usquè defudavit, dum & ipse pestilenti ictu stelo, denique

8.
P. M. Ant.
Soldanus.
1613.

meritorum plenus occumberet. Labores continui, senilis ætas, vigiliæ nocturnæ maturum jam percipiendis cælestibus præmijs operarium Societatis strenuum præmisere, ut speramus ad immortalia gaudia. Ætatis annum egit 60. in *Societate* vixit 39. multæ vir eximixque charitatis, cibi adeo immemor, ut non rarò excitandus ad esum ab assidente fuerit. Verè *Pater pauperum* citra invidiam dictus, in quos sublimi quâdam excelluit misericordiâ, nî legibus Religionis fuisset coercitus, sua etiam dedisset egenis indumenta omnia, & denique quidquid apud se reperisset, quod ad ipsorum juvandam faceret inopiam. Omnis denique generis pauperes ad illum, tanquam ad parentem eorum, & supremum habuere refugium. Auctor fuit *Nosocomij*, quod *Italicum* appellatur, augendi & dilatandi coemtis ædibus, & spatio ampliore. Summâ adhibitâ curâ, & studio in conquirendis eam in rem elemosynis, ut quàm plures comòdè ibi infirmi, & inopes alerentur, quod etiam jam magno & ædificationis, & charitatis, ac misericordiæ fructu fieri cum tota *Pragâ* videmus, & gratulamur. Multis annis concionando præfuit *Italarum Sodalitati*, *Sacellum*, quod *Italicum* dicunt, eleganter olim instructum, ut indies elegantius, ornatiusque fieret, enitebatur. magnum certè toti *Congregationi*, cæterisque omnibus reliquit sui desiderium. Et quoniam quatuor callebat lingvas, *Italicam*, *Bohemicam*, *Germanicam*, *Latinam*, plures jam ante annos destinatus fuerat à Moderatoribus adjuvandis agrotis peste laborantibus. Tres jam ex intervallo omnino superaverat contagiones intactus, hancce propius quartam evasisset, nî occultiore ipsum vi fefellisset lues incautum, dum eam remittere multum arbitraretur. Curaverat Poenitentia Sacramento jam penè innumeros, & sacrâ simul Synaxi refecerat, plures etiam oleo sacro inunxerat, sed secutus tandem & ipse eos, quos tantâ charitate sibi quasi prodromos præmiserat, obiit felicem mortem omnibus communis Sacramentis, 9. Calend. Decemb. qui dies Collegij Patrono fuit sacer *Divo Clementi*. *Clementem* eâ luce haud dubiè sibi habuit *Dominum*, qui sese in pauperes, dum viveret, ostendit clementem. Perjucundâ, augustâque servum suum DEUS paulò ante obitum visione recreavit; vidit delapsus ille cœlitus ad se *B. P. Ignatium*, & *B. P. Franciscum Xaverium*, plurimosque è nostris alios Divinâ luce præfulgentes. Tum pectus mirâ saliens lætitiâ, primò inclamat: deinde assistentem *Fratrem*; ut intendat oculos, mōnet: postremò ait: *Non vides conclave hoc refertum Sanctis Nostris Patribus? Divas circumstantes? mihique propitios cœlites non animadvertis?* Hæc ille jam eorum contubernium prælibans quorum eternâ mox erat Societate fruiturus.

9.
1615.
P. Dominicus
Valesius.

P. Dominicus Valesius Italus Foroiulienfis, annos natus 34. è quibus 16. Societati dederat, postquam *Nissa Silesiorum* excellenti charitate, admirabili fortitudine, & Xaveriano prorsus zelo, tam spiritualibus, quàm corporalibus
neces-

necessitatibus lue pestiferâ infectorum subvenisset, & ferme totum illum miserabilium hominum numerum è luto hæreticæ facis simul extraxisset, exactâ demum ea missione, morbo correptus, & viribus sensim deficientibus egregiè ad mortem comparatus, Sacramentis que omnibus Ecclesiæ munitus, præsentibus & pium ejus exitum non modico virtutum ejus sensu spectantibus Socijs, virtutum meritis, & animarum lucris divitem animam suam Deo Conditori suo in manus reddidit *Crumlovij in Bohemia* Anno partæ salutis 1615. Feriâ tertiâ Pentecostes sub horam octavam vespertinam. Quàm primùm de morte illius rumor in Collegia delatus est, religioni sibi duxerunt *Nostri*, qui eum noverant, mortuale Sacrificium pro ejus anima peragere, aut precibus piatorijs ipsi suffragari, quem Viri Societatis nostræ gravissimi, ac Religiosissimi constanter *Hominem Sanctum* appellârunt. Extant Virtutum ejus exempla candidè conscripta per 37. omnino Capita, quæ, ubi DEO Sanctum suum glorificare placuerit, publicam lucem visura speramus. Hæc ex *Annuis Provincia Bohemiæ* descripsi; at olim ipsa, quæ hîc laudatur, de virtutibus ejus narratio bene longa, mihi venit in manum, offerente ipso ejus Authore *R. P. Daniele Kirchner*, ex quo *P. Philippus Alegambe in Victimis Charitatis* profecit, eamque pauculis additis, vel mutatis, descripsit; admiranda omnino sunt, quæ de *P. Dominico* adferuntur, dignaque essent hoc loco recitari, nisi semel statuta brevitatis prohiberet: mihi illud mirum semper est visum: quòd, cùm plerumque ijs, quos *DEUS* ad summam in Religioso statu virtutum absolutionem elevaturus est, jam inde ab initio ætatis Religiosæ amorem Sanctimonix injiciat, *Dominicus* noster ipso octennio nihil ultra communem sortem eximium præferens, tepidèque nonnihil, ac remissè vivens, tum primùm tanto pòst intervallo inardescere cœperit, cùm lectione super mensam de Sanctorum exemplis incitatus, duplici deinde viso Divino, *B. Aloysij cum D. Catharina Senensi*, tum *DEI Matris cum Puerio JESU* omnes moras, & remoras Sanctitatis abruperit, totùmque se Divinis rebus, & heroicis prorsus virtutibus sectandis toto pectore consecrârit; res est lectu dignissima apud *Alegambe* nostrum, quem obvium Scriptorem Lector inspicat.

Ad Annum 1619. Viennæ 16. Novembris *P. Andreas Wunder Silesius Freivvaldensis* sublatus est lue pestiferâ, quam ab ijs, quorum saluti serviebat, contraxit; Virum impigræ, & alacris charitatis fuisse, Manuscripta Archivi nostri testantur; quem etsi extra Provincias nostras defunctum, quia tamen ortu noster fuit, hîc nominavi.

10.
P. Andreas
Wunder Si-
les: Viennæ
Annu. Coll.
Vien. S. J.

Annus 1623. complura vidit in *Bohemia* funera charitatis: *Olomutij* duo, Sacerdos, & Laicus, qui se proximorum saluti devoverant, succubuere:

1623.

P. Joannes Kaplerus Novoforensis ex Silesia Anno 1572. 1. Novembris natus, auditâ extra Societatem Philosophiâ (cujus *Magisterium* adeptus est)

11.
P. Joannes
Kaplerus.

& Theologiâ, jam *Parochus Tirocinium Brunense* Anno 1607. 18. Aprilis ingressus est, plurima Societatis ministeria semper laudatissimè percurrentes, peste *Olomucij* saeviente (quæ inito numero septem hominum millia absumsit) primus obsequium hoc difficile, & arduum à Majoribus petijt, impetravitq; eo maximè argumento adversus *Competitores* usus, quòd jam olim *Parochus Urbicis* Sacerdos sese huic objicere discrimini vellet: Vir erat *Kaplerus* ingenij facillimi, ad omnia Superiorum imperia mobilis, idem comis, & benignus, multùmque ob has virtutes à Socijs amatus ad 16. Augusti generali institutâ Confessione, alijsq; Sacramentis comparatus decessit ætatis An. 50. sextodecimo Societatis.

12.
Adamus
Grotzman.

Patrem *Joannem* ad diem 3. Augusti præcesserat, qui Patri Comes ad ægrotos peste correptos ibat, *Adamus Grotzman Bohemus Pragensis* natus 1569. Societatem inijt 1590. 12. Junij, pisttor. opificio, omnia officia *Adjutorum* tractare doctus, cum laude obivit; quatuor in eo Laicorum nostrorum Virtutes in Annalibus cõmendantur: *obedientia promtissima, benignitas in omnes cum serviendi studio, silentij Religiosi observantia, denique otij fuga*: semper ille, cum imposita peregrisset munia, orabat; domum fortè præteriens, suum esse putabat, mundare *Collegium*, sarmenta colligere, ligna secare, aliâque mediastinorum officia perficere; munitus à P. *Kaplero* Sacramentis extremis omnibus, pestilentiaâ ictus occubuit.

13.
Joannes
Höltzelius.

Eodem Anno, & in eodem charitatis ministerio *Bruna* vitam posuit *Joannes Höltzelius Austriacus Medlingensis*, Vir eximiae in ægrotos, & carcere detentos charitatis, decem diebus cum peste prima, tandem & alterâ, & tertia luctatus, ab ultima superatus, in cœlum, ut bene speramus, migrationem fecit.

14.
P. Nicolaus
Muzik.

Idem Annus P. *Nicolaum Muzik Silesium Czochoviensem* in missione *Crumloviensi* apud *Moravos* versantem, seque in pestiterorum obsequio morti offerentem abstulit; callebat non modo *Bohemicam maternam*, sed etiam *Germanicam Linguam* utcunque, adeò ut duorum Sacerdotum labores unus ipse sustinere posset. Vir fuit magno spiritu, animarumque zelo præditus; non rarò animæ unius lucrandæ causâ ad vesperam usquè jejunos, iter bene longum pedes conficiebat. *Fratribus Novitijs* in missione ad mensam serviebat, lecto, alijsque cõmoditatibus, ut illis cõmodè esset, seipsum privans; humi libro, loco cervicalis supposito, somnum capiebat. Pauperum egregius Patronus semper fuit, nullâ eorum necessitates sublevandi occasione prætermisâ: puritatis verò illius Angelicæ, quam S. P. N. exigit, singularis amator, vel hoc solo argumento, quòd in manifesta etiam necessitate, & ægritudine, nec minimam corporis partem nudam vel videri, vel tangi permittere voluerit, & si casu factum, erubuit valde, rogato socio, nè

id

id ampliùs accideret. Patientiæ quàm præclara documenta, æger præsertim dederit, quis explicet? vim morbi, & dolores nunc cantillando piè, nunc orando, nunc Martyrium *B. Martyris* nostri *Foannis Ogilbæi*, patientiæ discendæ gratiâ sibi legi curando, levare solitus. Ad *Martyrium* ipse pro Christo tolerandum, ingenti desiderio anhelans, de nulla re magis dolebat, quàm quòd ægritudine impeditus, hominum salutem promovere non posset. Hæc porrò, & his similia Religiosæ disciplinæ exempla optimus quoque vitæ finis excepit. Nam ad ultimam luctam jam properans identidem repetebat: *O bone JESU! sic sic fiat, quod tu vis!* & quamvis triduò ante obitû in peregrinatione *Weinislicienfi* ad *D. Virginem* sacrâ *Exomologesi* animum expiâset, cujus rei causâ potissimùm peregrinationem eam suscepit, ejus tamen copiam sibi inextremo illo puncto assistenti, fieri magnopere cupiebat, quam cum habere non posset, nec intra Collegij septa in nostrorum corona emori, à *Novitijs Bruna* habitantibus salutationem Angelicam semel pro se recitari, & à DEO, nè in lecto se mori permetteret, obnixè petijt, simulque quanto potuit impetu lecto exiliens flexis humi genibus, oculisque in *B. V. Matris Imaginem* fortissimè defixis, in manibus nostri Novitij, animam DEO reddidit, Anno ætatis 41. Societatis 15. corpus verò à vicinis Parochis in *Templo Parochiali Crumlovij Moravorum* ante sumam Aram honorificè terræ mandatum est.

Lues pestilens, quæ *Moraviam* anno superiore gravissimè afflixit, ad annum sequentem 1624. usque producta, impigrum Societatis operarium *P. Joannem Scutellatum* in *Moravia Ostraviæ* ortum, exturbavit è vita. *Hra-nicium* ad hæreticorum nidum ab *Episcopo Olomucensi Cardinale Francisco à Dietrichstein* loci Domino missus erat, ubi postquam biennio toto strenuè defudâset, plurimòsque ad Ecclesiam exjunxisset, illatâ in eam urbem populari lue, Parochi munia moribundis adhibenda ultro suscepit, neque sui recordans periculi, dum nulli operæ parcat, ægros in lectulis ut comòdè jacerent, elevat, cibos porrigit, miscet pocula, nimirum virus hausit, triduòque confectus est, priusquam è proximo aut *Sacerdos*, aut *Medicus* posset acciri, sed sua illi charitas pro omni mortis apparatu fuit. Humatus est in eo Templo, unde nuper *Ministellum* exegerat, ibique ante aram maximam solenni novorum Catholicorum supplicatione depositus. Receptus erat in Societatem An. 1601. *Latine, Polonicè, Bohemicè, Germanicè* cum res posceret, dicebat ad populum, *Gracè* etiam loquebatur; multa ab eo, si vixisset, omnes qui nôrant hominem, sperabant.

1624.

15.

P. Joannes
Scutellanus



CAPUT III.

Anni 1625. mortes obsequio charitatis impensæ usque ad Annum 1634.

1625.
16.
P. Joannes
Faber.
Ex An. Coll.
Prag.

Pater Joannes Faber Eisfeldiacus, annorum 43. in Societate 19. Formatus Coadjutor Spiritualis ab annis tribus; in Scholis Grammatices diu versatus, & Ministri officio aliàs perfunctus, subregentem agebat Praga in Alumnorum convictu, cum lues Domum occupavit: è quo periculo cum se eximere voluntate Superiorum potuisset, maluit solatio, auxilióq; esse Patri Regenti in illa consternatione, quem etiam prævertit moriendo 21. Julij An: 1625. vitam Religiosam insigni charitatis officio obsignans.

17.
Ex An. ijsd.
Coll. Prag:
Christoph:
Neumer.

Mente evoluto 29. Augusti itidem Praga, pestiferâ æstate, Christophorus Neumer Bavarus adjutor temporalis, dum se proximis agris impendit, lue correptus, & aliquantisper luctatus, tandem prosternitur ætatis anno 59. Religionis 34. Assiduus erat Comes Patribus, qui carceres, qui nosocomia bono animarum lucro invisunt, Crucem in reorum supplicijs præferre solitus. Quo tempore scditiosa hæresis Societatem è Bohemia proscripserat, Christophorus Romam delatus integritate morum, & sanctâ simplicitate omnibus admirationi fuit.

18.
P. Joannes
Janus.

Tertium hujus anni funus in eodem Pestiferorum obsequio elatum est Crumlovij in Bohemia P. Joannis Jani Lusati Copusienensis, qui cum præter Latinam, Vendicam, Germanicam, & Bohemicam linguam calleret, facile à Majoribus impetravit, ut ejus ante alios ratio haberetur, eique ardua hæc demandaretur provincia. Primis statim noctibus posteaquam à Sociorum consuetudine in illud obsequium segregatus est, visus est multâ nocte in area Collegij inambulare brachijs modò protensis, modò in Crucem expansis, vel pectori admotis, ductis ex imo corde suspirijs, vultu in Cœlum erecto, DEO sese viventem hostiam devovere, factumque est, quod Vir fortis optarat. Mortuum jussu Rectoris noctis silentio sepeliri; Senatus Urbis rem subodoratus accurrit universus, & vespillonibus amotis, supposituere humeros, alij funeralibus præluxere, Clero comitante, symphoniâ adhibitâ, quasi parenti publico, parentârunt. Magnum hunc Virum fuisse, munia quæ cum laude gessit, ostendunt, Minister Collegij, Missionarius, Monitor Rectoris annis pluribus, Confessarius nostrorum, Magistri Novitiorum Socius annis quinque, Ecclesiastes diu fuisse scribitur, ut vel ob hæc merita ad tam beatam sortem à DEO lectus videatur.

A. 1630.
19.
Bernardus
Rott.

Annus 1630. fonticus, & lethalis ipsi Brunensi Societatis Domui fuit: nescio quo sidere afflati Tirones nostri linguebant dulces animas ardentissimis febribus, quas peretziales appellant, correpti; plurimi extincti, quorum nomi-

Victima Charitatis in Prov. Boh. S. J. Cap. III.

nomina referre nihil ad titulum facit; at eum, qui ingenti in omnes charitate ægrotos procurabat Laicus *Bernardus Rott Bavarus Monacensis*, & in eo obsequio pestilentia afflatus, obiit, crediderim commune cum prioribus, quorum adhuc recito nomina, præmium meruisse, licet extra domum in Civibus ejus sese charitas non extenderit, sed in *Fratres*: Jam semel è morbo surrexerat, sed iterum valens iisdem *Fratrum* obsequiis ut addiceretur, precibus infimis impetravit, ac denuo malo ictus, succubuit.

Annum 1633. in *Bohemia Provincia* plurima funera nobilitarunt eorum, qui sese in obsequio peste morientium consecraverant: *Glacium, Nissa, Glogovia* areæ quædam certaminis, & spectaculi fuere: *Glacii* quinque in obsequio illo, de quo loquimur, extincti, Sacerdotes tres, socij Patrum duo:

P. Martinus Döring Prutenus Gutstadiensis, in Societatem ab annis undeviginti receptus acerrimus adversus hæreticos disputator; priusquam in arenam descenderet, Exercitijs *S. P. N. Ignatii*, ac deinde peregrinatione ad *Diam Wartensem* præmissâ, confirmavit animum. succubuit malo 25. Augusti; antecessit Patrem morte, quem habuerat socium *Martinus Vogt Silesius Grotkoviensis* altero anno, & vicesimo ætatis, tertio Societatis Anno.

16. Augusti.

His demortuis statim suffecti duo *P. Melchior Preiner Olomucensis Moravus* ætatis anno quinquagesimo quarto, Societatis tricesimo quarto, in eâque anno 1620. quatuor vota professus. Socius *Erhardus Zirk Alsata* annorum undetriginta; ille quartâ Septembris, iste septimâ ejusdem Mensis sublati.

Successit *P. Andreas Eberle Budovicensis Bohemus*, annos natus 25. duodeviginti in Societate versatus, 14. Septembris consumtus. ac sinè dubio novæ victimæ ex *Collogio Glacensi* succedaneæ prodijissent, nisi Divino beneficio pestilentia abijisset.

Hoc eodem Anno in Urbe *Glogovia Majore P. Davidem Seiffert Leawallensem Silesium*, cùm peste afflatis operam impendit, immortuum charitati invenio. triginta novem vitæ annos, Religionis decimum nonum expleverat.

Sed *Nissæ Episcopali Urbe* frequentissimâ Peste regnante, clariora quædam edita sunt virtutum exempla, trium illustrium virorum mortibus consignata:

Primus *P. Stephanus Fodor Pragensis Bohemus*; reliqua ex Annis illius Collegij exscribam: Fuit is pro infectorum Confessionibus excipiendis (ipse met officium hoc sibi deferri à Superioribus enixissimè expetijt) expositus; quod sanè munus tantâ diligentia, sedulitate, & charitate exegit, ut non immeritò maximum sui à morte desiderium continuis laudum encomijs honoratum apud *Nissenses* reliquerit. Non satis fuit Viro optimo ad ægros

1633.

20.

P. Martinus
Döring.

21.

Martinus
Vogt.

22.

P. Melchior
Preiner.

23.

Erhardus
Zirk.

24.

P. Andreas
Eberle.

25.

1633.
P. David
Seiffert.

26.

P. Stephanus
Fodor.

vocatum venire, nisi & amore salutis eorundem, ab alijs desertos suâ sponte foris in campis decumbentes inquireret, & officia charitatis non spiritualia tantum, sed etiam corporalia, eos, qui ipsorum curam haberent, conquiendo, & cibum, potumque subministrando impenderet. Neque correptus jam peste, & decumbens, ab his officijs charitatis liber esse voluit, sed in ipsa ægritudine ægros alios ad se, confessionis causâ venientes, admisit, absolutosque spirituali consolatione resectos à se dimisit. Et hæc quidem ipsi amorem magnum apud *Nissenses* conciliârunt, sed alia cum majore laude etiam majorem: Intellexerat in quibusdam domibus infectos tam graviter decumbere, ut superesset nemo, qui domûs sibi januam aperire posset; vetus ergo *P. Dominici Valesij* (cujus memoria hîc in benedictione est, & qui ante 19. circiter annos *Nissæ*, antequam adhuc *Societas* sedem fixam haberet, peste laborantibus inservijt) exemplum imitatus, scalis ad fenestram admotis, domos est ingressus, & decumbentes in viam æternitatis Sacramentali expiatione, ut procederent securi, ritè direxit, illo solo discrimine, quòd *P. Dominicus hereticum* decumbentem, & obstinatè domum, nè *Jesuita* intraret, obferantem, per fenestram ad sanitatem mentis inducere voluerit; *Stephanus* verò volentibus, & non volentibus *Medicum Spiritualem* admittete per fenestram pluribus cœli portam aperuerit. Illud porrò *P. Stephani* est singulare: excipiebat sapius ex una parte fluminis, infecti cujuspiam *Confessionem*, dum ipsi nunciaretur, alios ex alia parte absque expiatione agere animam, expedito ergo priore, ut adhuc adestet tempori, & nè interea moribundi, dum per pontem circumiret, expirarent, vestem longam modestè succinctus, fluvium sapius transvadavit, hominésque medicamento salutis, ut æternum sani essent, adjuvit. Plura haud dubiè ejusmodi zeli adhibuit exempla, sed quòd socij omnes ipsius ministerij, mortui, hæc ipsa cum iisdem sepulta, in vitæ libro conscripta patebunt sempiternum, sicut & illa, quæ in *Ungaricis Missionibus*, in quibus annis aliquot laudabiliter laboravit; siquidem dum semel isthic graviter ægrotaret, publica pro ipso supplicatio fuit indicta. Mortuus est 28. Septemb: anni 1633: cum ante visitationem ægrotorum generali Exomologesi pro expectato beatitudinis itinere se ipsum optimè disposuisset.

27.
P. Daniel
Menichius.

Alter itidem *Nissæ* rebus humanis exemptus *P. Daniel Menichius Nissensis Silesius*, annorum duodequadraginta, ex quibus tredecim in *Societate* laudatissimè peregerat. Hic cum se è Collegio conferret ad *Domum*, in qua ad obsequium pestilentium erat comoraturus, tetra conspectu jacentium in compitis ægrorum, quos pestilentia deformarat, averfante naturâ sic cohortuit, ut quamvis sese quantâcunque ipse virtute comprimeret, statim virus combiberit, quo paucis diebus est extinctus (30. Octobris) haud expers ejus gloriæ, quam ultro contemtis omnibus periculis, quæsit.

Ter-

Tertius obiit *P. Gedeon Judex Saxo Burgensis* diligentissimus in curandis ejusmodi ægrotis; devotissimus *Immaculatæ Conceptioni* asserendæ, ut in eam rem quàm plurimā se moliturum *DEI Parenti* promiserit, quod ejus *votum* in eo libello legitur, in quo suarum meditationum pia desideria annotabat.

28.

P. Gedeon

Judex.

CAPUT IV.

Annus 1634. tum sequentes aliquot anni Victimis Charitatis insignes.

GRavi, & frequenti pestilentia per hos continuos annos laborabat Germania, nec Bohemia sua funera defuerunt. *Pragæ An. 1634. P. Joannes Antaly Ungarus Gajariensis*, ætatis suæ anno quinquagesimo primo ineunte 25. Novembris in obsequio peste infectorum decessit. Singularem animi demissionem & verbis semper declaravit, & factis; salutis animarum cupidissimus fuit, eaque in re fælix habebatur; quâ de causa majorem vitæ in *Societate* actæ partem (in qua septem, & viginti explevit annos) in *Missionibus Apostolicis* traduxit. Quo tempore *Pragæ Pestilentia* invasit, precibus primùm sæpius iteratis, deinde etiam provolutus in genua à Superiore impetravit, sibi ut eam Provinciam ægros sacris procurandi imponeret, impositam strenuè gessit, dum denique dejiceretur; Sacramentis communitus, quod sibi non defore *patrocinio DEI Matris, & S. Barbaræ*, quarum amore tenebatur maximè, pridem obventurum prædixerat, neque suâ spe frustratus est.

1634.

29.

*P. Joannes
Antaly.*

Hoc itidem anno, sed *Commotovij* elatus est *Thomas Heimß Bavarus Straubingensis*, annos natus 26. ex quibus quinque in *Societate* domestica munia procurando exegit. Hic ille est *Thomas*, qui tertio abhinc anno 1631. cum socio fratre ad tutelam *Collegij Commotoviensis* relictus, captâ urbe *Pragensi* ab hæreticis comprehensus, ter per ludibrium totâ Urbe circumductus, tridui inediâ cruciatus, contumelijs, & convitijs, insuper & verberibus concisus, stetit lætus, & alacer; tandem abire quò vellet, jussus, in exilium alienissimo tempore pedes summo cum periculo per hostes medios discessit. Post paulò redux, subducere sese hostibus coactus est. Anno superiore rursus nostris *Collegio* digressis *Thomas* ultimus *Collegio* excessit, primus revertit, omnesque hostium in *Collegium* insultus quantum licuit moratus, quæsitus sæpius, mutatis latebris, nunc infernè, nunc supernè oberrans, quæsitores fefellit; DEO tutante servatus indemnus. Hoc demum anno, dum *P. Jacobo Hack* peste morienti sedulò inservit, contracto eodem malo, decimo quarto ab obitu *Patris* die, sacris munitus, piè placidèque vitâ excessit.

30.

*Thomas
Heimß.*

Annus Col:

Commotov:

Ad Annum 1638. veniamus, quinque victimis charitatis, idque Praga in Regni luce cadentibus, consignatum; placet ordinem temporum sequi:

1638.
31.
Melchior
Hoffman.

Primus *Melchior Hoffman Silesius* Coadjutor, trigesimo ætatis, decimo Societatis anno in *Professorum Domo Praga* extinctus. Patri *Georgio Aquitano* (qui se obsequio pestiferorum addixerat) jam ægrotanti serviebat *Melchior*, sed brevi venenum hausit, & intra horas non plures, quàm quadraginta malo victus occubuit Sacramentis rite comparatus ad mortem, 14. Septembris. Fuit Vir ad omnem probitatem, & morum Religiosorum elegantiam formatus; somni parcissimus, otij maximus osor, orationis, & laboris studiosissimus, veras alias viri virtutes *Annales* nostri commemorant.

32.
Mathæus
Schmid.

Hunc secutus est *Mathæus Schmid* in *Marchia Brandenburgica* natus, *Melchiori* ætate, & in *Societate* annorum numero suppar; comitabatur *P. Aquitanum* ad ægros, post verò cum & *Pater*, & *Melchior* jam pestilentia iæi jacerent, utrique obsequium diligenter impendit, sed eadem lue correptus, Sacramentis Ecclesiæ expiatus, 22. Octobris ad charitatis præmia evolavit, vir, & animo, & naturæ facilitate paratus ad omnia.

33.
P. Jacobus
Drabetius.

Duos deinde Sacerdotes abstulit una dies, & funere merfit acerbo; *P. Jacobus Drabetius* Patriâ *Novodomensis in Bohemia* in eadem *Professorum Domo Praga* 2. Novembris vivere desijt; ætatis quadragenos, septenos denos in *Societate* versatus, ex quibus plerosque dicendo ad populum transegit. Erat præstanti eloquentiâ, meminique eum, & à Nostis, & ab Externis *Bohemiae Tullium* consensu appellatum. Ob eam causam cum à Nostis tumulto clam corpus illatum esset, Auditores ejus in æde *Parochiali S. Wenceslai*, contempto mortis metu, irruere, eumque publicis Exequijs, & mœstâ comploratione luxerunt. Magno vir animo jam ante annos tredecim pestiferis servierat, sed tum periculum evaserat. Nuper, cum hostes hæretici *Gitzinium*, ubi *P. Drabetius* pro *Curione* sacra curabat, occupassent, aliique fugâ salutem altâ nocte quæfissent, *Pater* cum socio latebris tectus, remansit; at sequenti die, cum hostium furor, & prima rabies nonnihil remisisset, inventus, eductusque est, & *Equum* jussus conscendere, quo duram ad servitutem veheretur. Tum *Pater* præsentiani mo: *Equidem reor, à vobis me minimè abductum iri, quando baptizandis infantibus ego Parochi partes hîc ago.* Ea causa hæreticis justa, & legitima visa est. sic ille tum quidem relictus est. Cæterum ab illustri Viro, cui dabat operam, malum contraxit, quod ubi sensit, generali se exomologesi, aliisque Ecclesiæ præsidij instruxit, & inter pios cantus, ac coelitem hymnos, extremum spiritum triumphabundus edidit.

34.
P. Wolfgangus
Silvanus.

Eodem die, eademque in domo abiit à vita *P. Wolfgangus Silvanus Bohemus Tinhorssoviensis*: ex quinquaginta quatuor annis vitæ, dedicarat *Societati* annos 36. omnibus panè ministerijs exercitatus: nam præter septem annos

annos *Missionibus* fructuosè impensos, in quibus plurima animarum millia Ecclesiæ restituit, *Rectorem* egerat, & *Ministram*, & *Concionatorem*, & jam universis *Provinciae* negotijs procurandis præerat impigrè, & strenuè, erat enim tractandarum rerum admodum peritus, cujus solertiæ fama fecit, ut ei nuper *Ferdinandus III. Cæsar*, controversam causam cõmitteret inter *suam Majestatem*, & *Religionis cujusdam Prælatum* componendam. Neque verò segnem morbus, neque timidum mors deprehendit. Obibat tum munus *Ministri Domûs*, quæ ei occasio fuit tum domesticis omnibus, tum maximè ægris, charitatis officia exhibendi, quod dum gnaviter sanè facit, ægrimoniam ipse quoque ab ægris hausit, pronunciatâque in se mortis sententiâ, arrepto *Crucifixo*, hoc, inquit, *munitus clypeo, cum animæ meæ hostibus dimicabo*; atque inde uno, alterove die superstes, non minùs fortiter quàm dixerat, vivere desijt.

Tertium funus eadem Professorum Domus extulit ad 2. Decembris P. *Georgium Aquitanum Silesium Cozensem*, vixit annos quadraginta octo, in *Societate* undetriginta, Vir Xaverianæ virtutis, atque ardoris æmulator; omnia Societatis munia secundâ approbatione obivit: dederat ille jam pridem *Glogoviae pestiferis* operâ, sed in hæc tempora servatus, ut ab ægris lue contractâ, simul calculi, colicisq; doloribus magis probaretur coronis plurib⁹ dignus. *hæreticos*, & *Judeos* maximè sibi propositos habebat, illos ut protraheret in lucem, & *Ecclesiæ* redderet; *Judeos*, ut ab eorum fraudibus, & artibus Christianos vindicaret, usus utrobique *Magistratum* auctoritate, apud quos, uti & apud *Regni Proceres* valebat plurimum, qui ei certatim in pauperes distribuendam pecuniam offerebant. Per *Silesiam*, & *Moraviam* multas Evangelicas expeditiones olim susceperat sæliciter, etsi ab hæreticis, qui tunc prævalebant, ejus capiti multiplices struerentur insidiæ. Et quanquam erat ille nonnihil durioris ingenij, charitas tamen ità naturæ impetus cohibebat, ut ab his etiam robur acciperet. Sed paucis hisce ante mortem annis ità naturam horridiorem correxerat, ut nihil illo blandius esset, nihil benignius. In morte rogatus à *Præposito Domûs*, utrûmne lubens vitam suam DEO donaret? Quid, inquit, *vitam unam? si milliones millionum suppeterent, universas, velut hanc unam pro DEO, & proximo profunderem*. Obijt Sacramentis rite expiatus, confirmatûsque; funus Viri bene de se meriti, veris lacrymis decorarunt *Carceres, Nosocomia, & pauperum turma*, quos sustentare alimentis, aut ære oblato, consueverat.

35.

P. Georgius
Aquitanus.



CAPUT V.

Funera Charitatis An: 1639. 1640. primo, secundo, tertio, & quinto.

36.
P. Philiber-
tus Prez.

Novamdomum An. 1639. non perfundtorie pestis aggressa, P. Philiber-
tum Prez, gente Bavarum, domo Herbachensem Collegio rapuit; ob-
ortâ pestilentia, dum se fidentiùs, familiariùsque seu charitatis, seu
corporis viribus fretus, agris permiscet (quod ad se, velut ad *Concionatorem*
hoc charitatis opus pertinere fortassis existimaret) ictus est lethaliter, ac pri-
mùm dissimulare malum conatus est, cùm aperuit, jam serum erat mederi,
atque ità 6. Octobris nocte piè decessit in Domino.

1639.
37.
P. Henricus
Müllerus.

Pragam redeamus, ubi duo nos funera *Patrum*, qui se obsequijs pesti-
ferorum addixerunt, expectant: Prior ad ultimam Septembris occubuit P.
Henricus Müller *Wratislaviensis Silesius* in Professorum Domo An. 1639. vi-
xit annis 49. in Societate 30. cui solennibus quatuor votis illigabatur. Do-
cuerat cum laude *Scholas humaniores omnes*, postea Cathedris Templorum
admotus, in primarijs Provinciae Urbibus cum insigni fructu dixerat ad po-
pulum, *Sodalitates Civicas* rexerat diu, sed prima P. Henrico cura Domus
DEI decor, quem miris inventis augere solebat. Sed mortis causa charitas
fuit: erant ante Urbem Pragam *Stativa Caesareorum militum*, quos dira illu-
vies, famésque, omnisque generis morbi, ac denique nata inde apud aliquos
pestilentia ulcera misere divexabant. Eorum ipse tabernacula dum opitu-
landi, & ad mortem preparandi studio perreptat, quosdam invenit ità suis
natantes in sordibus, ità suâ ipsorum proluvie obsitos, ut jam à cadaveribus
nihil distare viderentur: ex hoc igitur tetro aspectu, pestilentique afflatu hor-
ror primùm, deinde febris pestilens, tandem mors secuta, sed in coelo trium-
phus, præmium charitatis.

Annua Do-
mus Profes-
se Prag.

38.
P. Joannes
Seelbach.

In iisdem *stativis Militum ad Pragam*, non ut hospes, sed velut dome-
sticus & *Missionarius Castrensis* versabatur P. Joannes Seelbach itidem *Wra-
tislaviensis*, annos 32. natus, non ampliùs; sed cùm Pragam ex suburbano
Pestis intrâsset, intravit & Pater, multisque precibus à Majoribus obsequium
exhibendum pestiferis impetravit, separatùsque à cæteris in *Nosocomio Itali-
co* diu noctùque aderat ægrotis; sed hoc non diu. Duodecimo quàm in-
gressus erat die, peste corripitur, quam cùm medicamentis opportunis pro-
fligâsset, neque tamen consistere pedibus posset, inemor sui, omnes ad se
ægrotos promiscuè admittens, & ex lectulo confitentes audiens, instruens, le-
thali rursus anhelitu afflatus, ad celerem suæ charitatis mercedem vocatus est
10. Octobris, postquam se ad æternitatis iter Divinis Ecclesiæ Sacramentis
optimè munivisset.

An-

Victima Charitatis in Prov. Boh. S. I. Cap. V.

Annum 1640. qui *Societati FESLI* sæcularis fuit, una tantum charitatis
victima, sed triumphalis, & ut ita dicam, coronata, nobilitavit. *P. Fran-*
ciscus Oellerus Bohemus domo Budovicensis exacto Societatis 49. ætatis 67. an-
no, pari semper inter varia officia famam probitatis, memorando planè exitu,
supràque ætatis illius morem, & vires, insigni facinore vitæ finem imposuit.
Nam cum ferè senes nulla lucis hujus capiat satietas, quantumque vita, tan-
tum in eis vitæ cupiditas semper crescat, & mortis omnes vias, causasque pro-
cul habeant, ipse tamen adeò illas non declinavit, ut potius sit aucupatus.
Gravè fortè tempus & pestilens annus *Crumlovij* contagia vulgabat, perque
obscura, & ignota capita latè vagata non modicam lues edebat stragem. Hic
Pater Oellerus, capto à virtute sua, non à viribus, aut ætate, consilio, accura-
tè prius per causam *Fubilai* expiatis totius vitæ noxis, animo pulcherrimè
comparatus ex voluntate moderatorum 4. Octobris, quæ dies *Seraphico Fran-*
cisco clara est (ut nè deesset omen hæc à nostro *Francisco* letis auspicijs geri) sese
infirmorum addicit obsequijs. Tum ergo juvenili studio, & infracto robo-
re per se moliri omnia, adesse singulis, miseros solari, aures dare moribundis.
Sed mox lue afflatus intra 22. diem extingvitur, magno sui Civibus relicto de-
siderio, non minori virtutum, zeli præsertim animarum, obedientiæque
odore. Ea mors accidit ad 16. Octobr. Narrabo rem miram, quam ego
quidem à nullo hætenus literis traditam inveni, sed fando à fide dignissimo,
& Religiosissimo Viro è Societate Nostra accepi, pauculis post *Patris Oelleri*
obitum annis, vivente adhuc *P. Casparo Tausß*, cui illud visum oblatum est:
Obierat, ut dixi, *Crumlovij P. Oellerus*, cum ecce subito pulsato leniter ostio
cubiculum ad *P. Casparum* notæ Sanctimonix Virum ingreditur, brevi pallio
succinctus, cum pileo, & baculo, quasi ex itinere veniret, aut iter pararet. *P.*
Casparus viventem amicum ratus: *P. Francisce*, inquit, unde & quò pedes?
hæc horâ, respondit *P. Oellerus*; ex hac vita decessi, & quia me totum DEO, &
obsequio pestiferorum donavi, magnâque id muneris obivi charitate, pœnas mi-
hi omnes Purgatorij condonavit DEUS, adeoque in Cælum propero; hoc gau-
dium tecum communicare volui, ut cum vetere amico. Vale, & DEUM lau-
da in præmijs fidelem; simulque sese oculis momentò subduxit, *Casparo* in-
genti lætitiâ perfuso.

Annus primus post sæcularem duas victimas charitatis in cœlum misit
Glogoviâ urbe Inferioris Silesiæ. *P. Georgius Braverus Erfurdensis Thuring-*
us, cum vixisset annos 38. in Societate decem, & novem, ægrisque ac mori-
bundis pestilenti febre frequens adstaret, hausto eodem veneno 26. Martij,
ad meliorem cœli auram transmissus est. Vir animi magni, qui nihil sibi ad
DEI gloriam cœlesti passu vadenti obstare crederet, ideoque *Castris Casareis*,
& militibus ad procuranda sacra quondam admotus, Tirocinium quoddam
posuit

39.

1540.

Ann. Colle:
Crumlov.
P. Franciscus
Oellerus.

P. G. S.

1641.

40.

P. Georgius
Braverus.

posuit magnanimitatis, quæ, cum alij contagionis periculum *Glogovia* defugerent, *Braverum* ad mortem subeundam magis exacuit.

41.
Joannes
Hancke.

Ibidem *Glogovia* 6. Decemb. extinctus est *Joannes Hancke Lignicensis Silesius Laicus*. Hic Patriam hæreticam, Parentes & Principes hæreticos fugiens, orthodoxis primùm, deinde & *Societati* sese adjunxit. In hoc statu singulari animi demissione, obtemperandi, & orandi, & laborandi studio, & adverforum forti tolerantia, præluxit cæteris omnibus; *Glogovia* Patrum in adeundis ægrotorum tugurijs indefessus comes, dum pro conditione suarum æternarum morientes admoneret, ex ea frequenti itione, & colloquijs pestem recepit.

42.
1642.
26. Decēb:
P. Christopho:
Frisch.

Iglavia ad *Moravos* anno vertente *P. Christophorus Frisch Silesius* è *suprema Glogovia* in eodem obsequio nobis periit, sibi immortalem gloriam comparavit quartodecimo *Societatis* anno. Votorum ejus summa fuit, catechesi teneram informare ætatem, & rudem plebem, & servitia, quæ publicè pro concione, quæ privatim domesticos inter parietes, pijs erudire documentis. Contigit *Austriacum Militem* dysenterico malo in vicinia laborare, alijs, & proprio *Parocho* recusantibus, impiger accessit *Noster*, & Confessione expiavit, & Eucharistiâ refecit; ab hoc initio cœpit omnibus promiscuè ægrotis operam ferre, donec & ipse attracto toxico concideret, ubi mente adhuc integrâ, Sacramentis munitus periit à moderatore è lectuli sponda in humum abjici, & pedibus omnium conculcari. Posthæc mente excruciatâ doloribus, nihil aliud, quàm *Catechismi doctrinam* semimortuis vocibus explicabat, interim voce *Rectoris* in omnibus regebatur. A morte tantò majus desiderium sui reliquit apud omnes, quantò ardentius univerforum comodis serviebat in vita.

43.
1643.
P. Jacobus
Weis.

Anno 1643. ternum ex charitate obeuntium funus in *Bohemia Provincia* celebravimus: *P. Jacobus Weis Novodomensis Bohemus* 24. Februarij die, tricesimo quarto ætatis, Societatis decimo, cum se ingenti fortitudine, impetratâ à Majoribus gratiâ conjecisset in pestem *Cremisij* (nondum *Hradistium* translato Collegio) halitu ægrotorum mortifero afflatus, Sacramentis ultimis instructus, inter ardentissima ad Cœlum suspiria, Religiosam animam egit.

44.
P. Petrus
Major.

Brunæ in Moravia *P. Petrus Major domo Pragensis* ætatis anno 34. in Societatem cœlestem, ut piè speramus, ex charitatis obsequio evolavit; non erat hoc primū (quod ultimum memoravimus) opus charitatis, cui se totum septemdecim annis in Societate consecrarat: ipse (et si *Conciones ad Illustres Personas* iam septennio haberet) rudes, & pauperes instruere, Parthenios cœtus excolere, adesse, maximè pauperum morbis, & mortibus, levare egenorum inopiam, ut *Pater Pauperum* vulgò diceretur. Tot inter charitatis negotia à milite pestifero, quem morientem expiaverat, contagio transijt in Patrem

trem, & celerem mortem attulit, cilicia, verberationes, & varia poenarum genera ad expianda peccata poscenti, *DEUMque ac DEIparentem* usque ad ultimum ingeminanti; multum ejus funeri 25. Julij à *Civibus Brunensibus* impensum esse lacrymarum *Annales Brunenses* testantur.

Idem annus alium quoque *Weis* (*P. Valentinum* nomine) *Glatij* ex humanis fustulit *Zvitavia in Moravia* natum: nihil hic vir spirabat aliud, quàm altissimam in humilitate charitatem, totus erat in tenella ætate formanda, ad idque sese voto obligarat, *pueros in scholis Rudimentorum Latinitatem, & in Templis, alibi que catechesim Christianam omni vitâ docendi.* Exercuit illum labor in Opere grandiore vulgari lingvâ conscribendo de *Christiana Juventutis institutione*, aliisq; consimilis argumenti libellis. E Nosocomio, quod frequens adibat, morbum sibi accersivit, & mortem, cui incensis in *DEUM* affectibus, singulari adstantium solatio satisfecit.

A. 1643.

45.

P. Valentinus Weis.

Transilio annum unum sterilem, quem alterius anni 1645. fecunditas funerum in obsequio pestiferorum egregiè compensavit. Primas in hoc obsequio, de quo loquimur, & tempore, & (quod audeat dici, & scribi potest) opinione Sanctimonix tenere videbatur *P. Melchior Kaukal, Bohemus natione, patriâ Policensis*, vitæ annos habuit 40. & ex his 21. in Societate transegit, quatuor votorum Professus, Aristotelis Philosophiam triennio explicavit, & quinque annis Philosophiam cœlestem *Novitijs* tradidit, ac tandem per tres annos *Patris spiritualis in Collegio Olomucensi* munus obivit. Vir fuit magnis talentorum, & virtutum ornamentis conspicuus, & qui post eximia præclarorum exemplorum specimina, majorum excitabat expectationem. *DEO* ita familiaris erat, ut dum solus esse videretur, semper cum *DEO* conversaretur, adeò intento animo, ut frequentissimè, quid circa se ageretur, non animadverteret. Secundùm *DEUM*, Matrem ejus singulari cultu observabat, ejusque coronam precatoriam, Rosarium, cum extra cubiculum ageret, nunquam non terebat: ejusdem honori *Sabbata* incoenatus transigebat, festa verò ejusdem inediâ vespertinâ præveniebat. Cum perfectionis esset sitientissimus, omnem etiam conatû adhibebat, ut *Societatis* membra eadē siti arderent. Quare quidquid vel ad *Regularū observationem*, vel ad *Societatis* intaminatam gloriâ conservandam prodesse judicaret, nihil omnino laboris, & industriæ passus est in se desiderari: ita tamen, ut nihil ab alijs requireret, cujus ipse experimentum prius non fecisset. Nihil illi non amplum, & pretiosum fuit, cui *Superiorum* voluntas, aut nutus pretium dedisset, unde non tantum multa, & diversa ipse unus, sed etiam vilia, & aspera tam hilari vultu accipiebat, ut etiam in *Superiorem* non parum jucunditatis transfundere videretur; maximè cum primus omnium ad humillima quæque se offerret, atque ad ea singulare desiderium declarando, in alijs idem excitaret. Hâc ratione cum *Spiritualis Patris* munere fungeretur, non semel in officium *Socij Procuratoris* est devolutus, in quo tam diligenter, tantoque cum gaudio

1645.

46.

P. Melchior Kaukal.

Hhh

versa-

verfabatur, ut quodammodo sui oblitum, *aurigam, pecorumque custodem* dicere posses. Cæterum, quânto magis *Superiorum* nutus observabat, tanto etiam majori honore ipsos prosequabatur, autoritatémque, ubi res ferebat, tuebatur, & si quæ perperam facta esse viderentur, magnâ cum gratia excusabat. Cognito animi signum in ipso notatum nunquam fuit, nisi cum *vocationem ad Societatem* minoris, quàm par erat, estimari cognosceret. Talentis suis in omni occasione præclare, & cum fructu utebatur, nec tamen unquam sibi visus est placere, quasi aliquid fecisset, cum ipse aliorum facta magni soleret æstimare. In rebus ad usum datis nihil elegantiae requirebat, nec lacernam, quam sub veste talari ad corpus operiendum adhibebat, meliori veste mutari cupiebat. Socios omnes equali honore, ac charitate prosequabatur, rarâque arte pijs colloquijs recreabat. Erga proximos talem se exhibuit, ut nihil intermitteret eorum, quæ viderentur saluti ipsorum profutura: præterquam enim, quòd sine mora se proriperet ad auxilium præstandum vocatus, etiam frequentissimè alteri *Sacerdoti* ad infirmos vocato *Socium* se offerebat. Atque hanc charitatem ijs maximè præstare nitebatur, quos aut rerum, aut doctrinæ Christianæ inopia fecerat egentiores, ajebátque, nunquam plus solatij se habere, quàm cum rusticos pietate Christianâ imbueret, aut eorum Confessionibus excipiendis operam daret. Cui etiam hominum generi totam vitam suam impendere cupiebat. Nec defuit Divina Bonitas huic tam pio desiderio; nam cum *Procuratori Collegij Socius* adjunctus, in obsequia animarum ruri degentium sese effunderet, lucque pestiferâ infectos à peste animarum liberaret, hausto ab ijs veneno intra octo dies consumptus, eos quos ad extremam luctam Sacramentis instruxerat, secutus est 22. Octobris. Solatium in acutissimis morbi doloribus aliud non erat, quàm omnium rerum indigentia, & quædam adumbratio *paupertatis Christi*, quam nascens in hunc mundum inferiorem intulit, & exemplo præmonstravit. Nam ubi decumberet, non habebat, nisi modicum fœni, & vestes, quibus pro ratione illius temporis utebatur: nec qui necessaria præberet servus, nec quæ præberentur, erant; non medicina, non cibus, non habitatio, nisi quam *Svecus miles* malè sædam, & ventis perviam post se reliquit. In his tamen rerum angustijs, quoties cum *nostris* inviseret, & in ipsa morte gaudia sua verbis suavissimis, & hilaritate risui modico admixta testabatur. Obijt 22. Octobris. Permirum illud (quod ego idoneis testibus probare possum) *Vener. Patrem Nicolaum Lancicium P. Melchiori* vaticinatum tanto antè tempore: compararet se ad mortem post aliquot annos, sinè omni à *Nostrorum hominum* præsentia solatio, *in horreo, non in Collegio* obeundam &c. cujus vaticinij sum ipse testis.

Alias duas victimas *Reginohradecium* (nota in Bohemia Civitas) cœlo transcripsit; primus ad 16. Septembris concidit, qui se ad serviendum pestiferis

feris obtulerat *P. Fabianus Daudlebsky Budvicensis Bohemus*, annis decem, ac septem in *Societate* fæliciter transactis; alter in eodem obsequio mox secutus *P. Joannes Widra Hulczinensis Silesius* ætatis anno 64. *Societatis* 34. uterque ad proximorum salutem factus, fectusque, nisi quod ille humilitate scholas literarias Abecedariorum confectando, hic pauperum, & miserorum tuguria quærendo, animas Christi sanguine redemptas studiosè venarentur.

47.
P. Fab: Daudlebsky.

48.
P. Joannes Widra.

Eodem anno *Brunense Collegium* inhumavit duos peste in obsequio (de quo loquimur) vitâ functos. *P. Tobias Jan Novodomensis Bohemus*, 38. ætatis suæ, *Societatis* vicesimo primo, 23. Octobris prior excessit, de cujus virtute luculentum testimonium, verbis simplicibus, & apertis *Brunenses annuæ* dicunt: *P. Tobias Jan*, quatuor votorum Professor, Concionator, Catechista Scholarum, & Seminarij Præfectus, Operarius indefessus, simplicitate, & sinceritate, quam è Tyrocinio extulit, per totum vitæ tempus comendabilis, aliàs in suis occupationibus sedulus, & laboriosus, multaque sinè strepitu, & externis apparentijs perficiebat. Ob Conciones, quibus auditorum conscientias vellicabat, & pro eorum captu ad emendationem referebat, præ alijs apud Confessarios gratiam inivit. Omnium inclinationi mirè se accommodabat, tum morum svavitate, & affabilitate, tum etiam benevolentie testificatione singulari, nec ea in re ullum respectum habebat, aut nationis, aut morum inæqualitatis. Superiores suos, tanquam Christi Vicarios & reverebatur multum, & existimationi eorum operosè consulebat, tum eos laudando, tum defectus prudenti dexteritate excusando: quod quidem, ut erat charitatis conservandæ studiosissimus, etiam erga alios præstitit: nec ferebat alium, se causam, aut occasionem dante animo turbari, quin prius, quam in necessarium declinaret lumina somnum, favorem pristinum redintegraret. Ità pauperes amabat, ut eorum Pater vocari mereretur, maximè Scholarium, quos raris industrijs, & ordine miro per corrogatas eleemosynas sustentabat: inter quæ raritatem habet, quod post priorem *Brunæ* obsidionem, in deserta *Svecorum* castra egressus, calamos singulari curâ collegit, pauperibus distribuendos. Verum non sola hæc de rebus temporalibus circa pauperes cura detinuit, etiam eorundem, ac surdorum, aliorumque, quos diebus Dominicis, Festisque à reliquo populo horror separabat, Confessionibus se impendebat ijs diebus, quibus paucitas confitentium cuivis facilem præbet accessum. Odeum nostri *Templi Brunensis* ità adornare nitebatur, ut in eo nihil ad animandam populi pietatem deesset, idque magnâ ex parte perfecit, cum insigni Divinæ gloriæ incremento, & gustu devotorum. Aliquot diebus ante eam, quæ ipsi fatalis fuit, ægritudinem, petijt sibi ad culparum suarum vindictam à *Confessario* foricarum *Collegij* emundationem demandari, addiditque, se hac ratione plus solatij, fructusque spiritualis inde percepturum. Morbilethalis initia sensit, postquam ultro à Superioribus petita, &

49.
P. Tobias Jan.

obtentâ licentiâ, laboranti personæ cuiuspiam peste, spiritali solatio fuisset, & confitenti generosâ charitate aures præbuisset. Domum reversus, dixit se haustæ contagioni superandæ parem non fore, qua de causa petijt ad eum locum, qui infirmis deputatus erat, quamprimùm deferri, ubi nullius obsequia admittere voluit, nè mali vis à se derivata in aliorum valetudinem noxiam exerceret tyrannidem. Cùmque aliàs à natura ob sanguinis exuberantiam, esset sensitivus, constanter tamen, & sinè querelis morbi violentiam tulit usque ad diem octavum, quoad præmium laborum ab optimo Patrefamilias, omnibus Sacramentis instructus, est evocatus. Hæc Annales Brunenses.

50.
Rupertus
Leuchner.

Ad diem Sextum Novembris *Brunæ* itidem, An. 1645. Laicus adjutor *Rupertus Lauchner Domo Salisburgensis* in eodem obsequio concidit: ætatem (nam non ampliùs 29. annos, sed in Societate quinos tantùm expleverat) longè superabat virtute; multum ille versari cum DEO, semper cum vacaret, orare, aut sancta legere solitus, Majores DE locum habere; in *Fanitoris* officio omnia diligentissimè, quæ sui muneris erant, exequi, Patribus ultro socios per domum quærere, *Pauperum* ad januam rationem maximam habere, iis que hoc anno difficili turmatim accurrentibus, quæcunque in culina, aut penu velut derelicta inveniret, conscijs Superioribus colligere, tum condire, coquere, tum suis manibus inter Pauperes dividere. Sed vitæ finis heroicè impositus majorem his omnibus laudem sinè dubio meretur: grassabatur per urbem gravissima Pestilentia, neque jam profanis contenta funeribus sacros etiam homines invasit, *Domumque Nostram Brunensem* ingressa, paucis diebus aliquot Sociorum capita corripuit. Ibi tum *Rupertus* genibus ante *Rectorem* flexis impetravit, ut illorum servitijs addiceretur; addictus fuit, præstitoque servitio aliò missus ut lustraretur, rursus ad *Collegium* lustrationis exacto tempore, inter sanos receptus est. Brevi post novi ex Socijs peste corripiuntur; *Rupertus* iteratò demandari sibi servitium postulat, diu, notuque in omnes ægrorum nutus intentus, obsequitur, omnibus, quibus ministrabat vitâ functis, ipse omnium ultimus, contracto ab ijs veneno dejicitur. Expiatus generali confessione, in Triclinio per interpretem, erratorum suorum veniam postulavit, deniq; inter dulces lacrymas plenus gaudij, quòd tam bonam causam mortis haberet, in obsequio videlicet pestiferorum, quibus, si plures vitas haberet, omnes se donaturum promittebat, expiravit.

CAPUT VI.

Postremæ ad vicina nobis tempora victimæ Charitatis in Provincia Bohemiæ Societ: JESU
ab An. 1648.

Quatuor funera nostrorum, eorum scilicet, qui se, vitamque suam DEO, & proximo devoverunt, Annus 1648. extulit, *Brunæ* duos,
Praga

Victimæ Charitatis in Prov. Boh. S. J. Cap. V.

Pragæ, & Egræ singulos. Stephanus Menzelius gente Silesius Laicus Brunæ
ad 28. Augusti cum Pharmacopæi munus in Domo gereret, obsequio se-
cujusdam è Nostris peste correpti ultro dedit, ei que ad mortem usque con-
stantissimè, & sedulò ministravit, eandem brevè contagionem in se transili-
entem sentiens, præparatâ ritè conscientia, migravit ad Dominum; *Anna-*
les Brunenses virtutem viri multis deprædicant.

§ 1.
Stephanus
Menzelius.

Ad 22. Octobris *P. Samuel Richter Moravus* ibidem extinctus est, de
quo omnia summa, qui egregium illum Virum novimus, sperabamus. Post-
quam nostros in *Domo Brunensi* peste morientes sacris procurâisset, veniâ à
Majoribus impetratâ, transtulit in Urbem totam sollicitudinem charitatis,
omnesque *Pestiferos* promiscuè invalit, & ad æternitatem comparavit; con-
tactus & ipse 26. Augusti innumeris suspirijs ad *JESUM Crucifixum, &*
MARIAM (in quibus amandis, eorumque gestis recolendis totus erat)
verbâque illa plusquam centies ante mortem iterando: *Domine fiat voluntas*
tua! expiravit. Vide, quæ de eo in *Annalibus nostris* leguntur.

§ 2.
P. Samuel
Richter.

Egrense Collegium primus obsequio hujus in *pestiferos charitatis* conse-
cravit eodem anno *P. Joannes Conradus Dornspurger natione Suevus*, octo-
decim annis in Societate transactis; habebat (rem mihi compertam scri-
bo) valetudinem pridem oblæsam, ac *Medici* spem vitæ longam non dabant;
sed *P. Joannes* prævenire maluit, quàm præveniri, & vitam suam, quam
breve erat alioqui habiturus, huic caritatis obsequio devovens in inensum
charitate extendit, & compendificavit. Fuit vir, paucis eloquar, religiosis-
simus.

§ 3.
P. Joannes
Dornsp-
ger.

Pragæ eodem quoque anno 1648. in *Professorum Domo* sublatus est
ætatis 49. Societatis 28. *P. Augustinus Kerberus Lusatius*, doctus sermonis, utri-
usque lingvæ, adeoque populo vel ob hoc (si abfuisent cætera) gratus.
Unius hujus Patris operâ (ut tum Societatis res *Pragæ* erant) inter Cives per-
agebantur omnia, nemo ægrotabat in *Minore Pragâ*, quin accerferetur
Augustinus, nemo carceribus includebatur, nemo mittebatur, nemo in *No-*
socomium admittebatur sinè illo; hæretici occultiores, aut qui advenissent,
indicabantur protinus: eadem tum erat in *Urbe antiqua* *P. Bernardo Oppel,*
& Mathæo Sculteto in vulgus, & in *Nova urbe Wenceslao Halecio* Patribus
nostris autoritas; sed hæc alio tempore, ac loco. *Augustinus Kerberus*, quem
dixi, jam quartum sese pestiferorum obsequio devoverat, quintum hoc anno
exponens sese periculo succubuit, longamque sui non tam in terris, quæ mu-
tantur, quàm in historia, quæ perennat, memoriam reliquit, at in Cælo bre-
vi morte immortalitatem comparavit.

§ 4.
P. Augusti-
nus Kerbe-
rus.

Hæc mors una præludium quoddam fuit: nam Annus sequens 1649.
ibidem *Pragæ* plures nostros in hoc obsequio charitatis exercuit; octo infer-
vière ægrotis, non tamen eâ peste, nisi quatuor (quos jam nominabo) sunt extin-

§ 5.

P. Martinus
Benedicti.

extincti: Memorabilis mors fuit P. Martini Benedicti ad 25. Julij: erat Brumoviae in Moravia editus in lucem, 53. vitae annos, Societatis 30. impleverat, magnis in rebus versatus, præter quod Philosophiam bis gloriosè docuit, Nostros in Collegio Novæ Civitatis Pragæ cum charitate prudentissima rexit; cæteras viri virtutes maximas & Annua Societatis, & Patris Nadasi Liber (Victima Charitatis inscriptus) latè deprædicant. A. 1646. 16. Decembris votum conceperat pestiferis serviendi, A. 1648. 20. Novembris inservire cæpit, qua de re sunt ad R. P. Domus Professæ Præpositum 22. Novembris 1648. geminæ literæ tenerrimo affectu scriptæ, quas recitat Nadasi. Cùm verò A. 1649. in Junio malum recruidisset, rursus ardore pristino charitatis periculo se accinxit, & uno propè mense totus obsequijs pestiferorum immerfus, perstitit innoxius, dum deniq; cuidam pestifero in mortis solatium Extremam Unctionem ritu Ecclesiæ multis precibus flagitanti conferret, in eo ministerio lue ipse correptus, septimo morbi die (25. Julij) omnibus Sacramentis munitus decessit.

56.
P. Christianus
Blumschein.

Augusti dies vicefima A. 1649. P. Christianum Blumschein extinxit, amabilissimis moribus virum, quem & ante Societatem, & post in ipsa jam Societate (quam unà inivimus) Condiscipulum habui Pragæ Patriæ suæ consecravit vitam florentem adhuc (non enim trigessimum ætatis annum excefferat) continuis capitis doloribus cruciabatur, hilari semper patientiâ; quæ causa fuit, ut à Theologia Scholastica peteret amoveri. Gradus unius virtutis alterius esse solet initium: remotum (cùm hoc maximè si gloriæ paululum esset studiosior, cavere oporteret) in ea ipsa Urbe ubi Theologiam reliquit, notus omnibus, contemptu quæsito, Rudimenta Latinitatis Pueris Abecedariolis tradere cœpit. Anni Scholastici fine Lues Pestilens Pragam invadit, offert se Pater servitijs infectorum, non impetrat; rursus machinas precum admovet, reijcitur, tertio insultu, cùm omnes obtestationes per JESUM, per ejus Matrem, aliâsq; similes iterâisset, neq; abire cum repulsa ex Rectoris cubiculo vellet, & differret Rector, tandem quod petebat, obtinuit. Memini me, antequam hæc agerentur, P. Christiano, pro amicitia, quæ inter nos coaluerat, dixisse: eos, qui se pestiferorum obsequio mancipient, Martyrum gloriâ non indignos putari. Ubi impetravit obsequium P. Christianus, sui me gaudij properè participem fecit, & peto, inquit, probari hanc mihi, quam nuper attulisti sententiam; adduxi omnia, quæ scire potui, atq; in rem erant, ut id sibi probatum esse fateretur, exclamavitq; continuò: Martyr ero! Martyr ero! & dato ultimo amplexu, me deducente in eam Domum, quæ post S. Clementis Ecclesiam sita, usibus Patrum ei obsequio addictorum destinabatur, concessit. Duas propè hebdomadas die & nocte pestiferos totâ urbe mirâ industriâ quærentem, & sacris procurantem, cum socio Melchiore (de quo brevî) pestis corripuit, & paucos intra dies Sacramentis, quæ tempus illud poscit, munitum confecit.

Mel-

Melchior Reich gente *Silesius Inferioris Glogoviae*, Laicus adjutor diutius in hoc obsequio perstitit, & sex propè hebdomadas complevit, 22. Augusti duobus post *P. Christianum* diebus sublatus. Jam olim *Brunæ Nostri* peste infectis suam serviendo operam impenderat, ut in ejus charitate ægroti acquiescerent, ob eamque causam huic obsequio, quod efflictim petebat, aptior credebatur. Veneni, quo correptus est, tanta, & tam fecunda vis fuit, ut propè mediam hominis partem occupârit, fibris veneni per totum corpus filatim euntibus; mirum illud est, quod paulò ante mortem *Melchior Sacerdoti nostro* narravit, idque eo ipso tempore, nobis omnibus in Collegio notissimum omnium celebrabatur sermonibus: cum somnus *Melchiori* obrepisset, vidisse per quietem se mori, & in *Purgatorias flammâs* abjici. Sed ecce protinus adstitisse sibi somniabat *Vener. Patrem Martinum Stredonium inclytæ Sanctimonie Virum* (cui *Melchior* erat addictissimus) ac dixisse: quid in *Purgatorio* hoc loco otiosus ageret? iret porro secum, se enim jam in Cælum ascendere; in illa bonæ spei voluntate exiisse se, ac simul evigilasse. hæc ille moriens; at nos somnium cœlestē fuisse brevè didicimus: siquidem post hebdomadē literæ *Brunenses* attulerunt; *Vener. Patrem Stredonium Provinciale Nostrium* 26. Augusti è vivis excessisse *Brunæ*, cum antè de ejus invale tudine nihil audissemus. Porro cæteræ Virtutes *Melchioris*, tum omnium eo anno peste extinctorum ex *Nostri*, in *Annuis Collegij Pragensis*, (quas ego, dum res gererentur, præsens id temporis, jussu Majorum concinnavi) latius explicantur.

57.
Melchior Reich.

His duobus peste sublatis magna cum comendatione Nominis nostri è vestigio *P. Jacobus Lippar Vitgenaviensis Lusatus* ætatis 32. Societatis 13. processit in medium certus mori. Nulla in *Majore Praga*, nulla in *Minore Domus* de malo suspecta, quam non adierit, sollicitè curans, nè quis *Sacramento Penitentiae* non expiatus decederet; eâ curâ, & cursandi labore ita premebatur Pater, ut neque die, vix etiam nocte conquiesceret; addebat difficultatem, quod subclaudicaret, & alterum ex casu ab aliquot annis, breviorē pedem haberet, adeò aliquorum ex nostris sensus tum fuit: etsi *P. Jacobus* pestilentia non tangeretur, tamen laboribus frangendum, & non duraturum; hæc cum illi sæpius objicerentur à diversis, familiari verbo refellebat omnia, iterando: fidelis est DEUS! fidelis est DEUS! Illud quoque ad Socium inter prodeundum è tugurio suo dictans: Eamus & nos, frater, & moriamur cum proximo, nullum periculum pro animarum periculo recusantes. Inde illum euntem quaquà se ferret, Cives latissimis vocibus prosequabantur, imò & *Sveci*, qui *Minorem Urbem* occupatam abs se, præsidio tenebant, honorabant advenientem, cum dicerent suos Popas uxorijs amoribus impeditos, nihil de ægrotis cogitare.

58.
P. Jacobus Lippar.

Contigit non semel, ut *P. Jacobus* pestilentia iotos, & domo ejectos de-

In An. Coll.

59.
P. Mathias
Kalaus.

1655.

60.
Melchior
Robelius.

deprehenderet, supponebat statim humeros, & ad destinata loca defererebat, attonitâ spectaculo Civitate; lectulos etiam ægrorum stravisse, & malè jacentes, ut comodiùs jacerent composuisse conspectus est; tandem haulto ab ægris veneno 19. Septembris, heroicam animam exhalavit. *Patres reliqui quatuor* in eodem obsequio divisere urbem sibi, & quæ DEI in suos benignitas fuit, omnes servati, præter quos dixi quatuor (etsi non semel tentari tamen & illos malo contigerit) demum eventilati, Anni sequentis 1650. initio ad nos redierunt; desiderati sunt plures è Socijs eâ tempestate, sed extra infectorum obsequium; quæ omnia alio in loco à me latè fuere descripta.

Pragâ in alias quoque *Bohemiae* urbes peregrinata Pests est, *Nostri* ubique domicilio fixit *Societas*, nullâ periculi ratione habitâ sese obsequio pestiferorum addicentibus; sed ultra periculum res non processit; uno tantum ex omnibus *Litomericij* *P. Mathiâ Kalaus* in obsequio extincto. Fuit is *Cuttembergæ* in *Bohemia* natus, qui vitam omnem *Grammaticæ* tradendæ devoverat, & jam quinquennio docuerat, cum peste, quæ *Litomericij* grassabatur, ad mortis ludum evocavit, in quo tot discipulos videlicet, quot egrotos, & Urbem ipsam haberet pro *Schola*. Et re vera *P. Mathias* non modò animas, sed etiam corpora medicinis curabat, donec correptus ad 24. Octobris concidit, vir rebus cælestibus deditissimus, annis 34. ætatis, in Societate quindenis exactis. Ejus funus, nec quicquam contrà nitentibus *Nostri*, in Templo Civitatis primario injectâ in Tumulum vivâ calce *Senatus* illius urbis honorificè tumulavit.

Annis posthæc quinque nullam Provinciarum nostrarum pestis afflixit, Anno 1655. *Olomucium* invalit tantâ sævitiâ, ut majorem Civium partem, *Nostros* quoque in Collegio duodecim extinxerit; ex ijs quatuor tantum in Cæsuum meum veniunt, tres nimirum, qui socijs peste correptis, & quartus, qui Civitati lue illâ prostratæ obsequium præstiterunt. Primus septimâ Septembris ad Charitatis præmia evolavit *Melchior Robelius Grosuicensis Lusatius*, Laicus, pharmacopeo præfectus, unica calamitosa illo tempore Collegij spes, & ægrorum solatium, ex quibus duos, jam peste ad extrema deductos, diligentia, & medicinæ arte servavit in vita. Vix explicari satis potest hujus Laici in ægrotos à pluribus annis (nam videnos annos in Societate expleverat) imensa quodammodo charitas, ut à socijs comuni titulo *Aureus frater* diceretur. Anno 1645. cum lues contagiosa Collegium *Brunense* (ut nuper innueram) gravissimè vexaret, *Melchior Cuttenbergâ*, ubi tum degebat, literas ad Provincialem dedit in hæc verba: Reverende Pater, rebus omnibus consideratis ante multos annos statui vitam meam, imò multas si haberem vitas, pro DEI gloria ponere. Proinde pro mea tenuitate, vires, labores, & me ipsum totum offero ad serviendum infirmis, quacunque lue contactis. Impetrato illo obsequio *Brunam* protinus advolavit *Melchior*, ac ingenti charitate

tate

tate ægrotis sese totum impendit; sed Divinæ Bonitati placuit eum id temporis incolumem, ad annos decem, *Olomucensibus* omni humano auxilio destitutis reservare: quaternis Nostris *Pestilentia* laborantibus *Olomucij* diu, noctuque constanter adstitit, & suis ipse manibus, quidquid erat agendum, ministravit. Ab ultimo, quem instar pueruli venenato calore æstuantem tractabat, afflatus, emergente lethali carbunculo; septimo morbi die consumtus est.

Inter hæc ipsum *Collegij Olomucensis Rectorem* Pestis extinxit, Virum, etsi vel heroica mors abesset, memorandum in paucis. Is erat *P. Eustachius Remigij Leodiensis*, qui cum quotidie (quod erat illi, dum *Rectoris* munus ageret, perpetuum) *Nostros lue pestilenti* correptos inviseret, solaretur, & alatis, quæcunque placere poterant, recrearet, à *Melchiore* potissimum sic ut virus persentisceret, malum hausit: altero die ad *Ecclesiam Collegij nostri* accessit *pestifer agrotus*, & totius vitæ suæ rationes in Sacro Tribunali explicuit coram *Patre*, die *Virgini Matri Nascenti* sacro; unde iterum virus sibi iterato afflatum sentiens, cum nullâ vi medicinæ posset excutere, quinto post die optimè ad mortem Sacramentis comparatus, inter Sacra *JESU, & MARIAE* nomina, familiaria sibi pridem verba: *Fiat DEI voluntas!* iterando, expiravit. Vixerat 35. annis in *Societate*; rexerat *Collegia* quatuor summa humilitate, & charitate, hostis erat perpetuus vitæ, quam Religiosi Scriptores *singularitatem* appellant, laudator contra sumus virtutis, quâ rebus in vita comuni usitatis contenti, alia rejicimus omnia. Elogium ejus vitæ insignè ad memoriam habent *Olomucenses Annuae*, quod exscribere hoc loco supervacaneum foret. Jam abhinc Mense uno comparasse illum ad hoc mortis genus videbatur DEUS; nam in arcano libello ad 15. Augusti hæc inventa sunt: *Si DEUS videt aliquem lue corripiendum, qui plus me ejus gloriam, & cultum promoturus est, aut bonum commune Ordinis mei aucturus, offero me sincere, & verè pro eodem ad mortem.* Exaudiat DEUS, qui cor scrutatur, desiderium meum! Satis de *P. Eustachio*.

61.
P. Eustachius
us Remigij.

Tertius in hoc obsequio *Andreas Albrecht* expiravit *Braunseiffensis Moravus* Adjutor Laicus; is quam primum lues contagiosa sese in *Collegium* insinuavit, ardentissimis precibus apud *Rectorem*, penè dixerim, extorsit, ut socijs laborantibus serviret; nihil amplius in mancipio quocunque desiderasset: indicia contagionis explorabat, arteriæ pulsus tentabat, medicamenta miscebat, & infundebat ægrotis; dum fuculæ, & tubera lethalia nascerentur, applicabat emplastra, & mutabat; solabatur, animabat, mortuos quin etiam inferebat sepulchris, dum denique corriperetur; quod ubi persensit, ad *Patrem*, cujus ad Confessionem operâ utebatur accessit, humique se prosternens cum lacrymis vitæ suæ prioris labes omnes aperuit. Vixerat in *Societate* annis sex, plerumque curâ Penûs distentus; manè cum So-

62.
Andreas Albrecht.

cios excitaret è somno, secundâ, aut tertiâ post mediam noctem horâ priûs surgebat ipse, & cœlestia meditando ad usquè tempus solitum perdurabat; decessit ætatis anno 44. 18. Octobris, sacro Viatico cõmunitus.

63. Jam *Quartum*, eumque multarum in hoc opere charitatis palmarum adducemus; cujus Viri heroicas virtutes miror tam leviter perstrictas in *Victimis Charitatis*, ut vix duas lineolas impleverint, quò magis mihi enitendû reor, nè tantus Vir debito præconio defrauderetur; omnia verò, quæ subji- am religiosâ fide, & oculatorum testium autoritate comprobata ex *Annali- bus Olomucensis Collegij* describam:

64.
P. Caspar
Hillebrand

P. Casparus Hillebrandt Silesius Camencensis Societatem Nostram An- no 1625. 22. Augusti 19. ætatis ingressus, post navatam infectis per tres men- ses & amplius tam constantem, quàm perutilem operam, tandem succubuit factus *Victima Charitatis*, & visus est secum pestem omnem ex Urbe tota in *Sepulchrum* intulisse: quæ ulterius exinde progressa non est, & revaluerunt nonnulli, qui eo vivente ex ea decumbebant. Amisimus porrò in *P. Caspa- ro Virum* quoad labores, & indefessos proximi salutem procurandi conatus, planè *Apostolicum*, qui per annos 29. quibus in *Societate* vixit, egit ferè sem- per *Concionatorem*, zelo DEI plenum, nec minùs affectuosum, quàm elo- quentem. In rudibus Cathechesi Christianâ erudiendis, & alliciendis au- ditoribus fuit admodum solers, ad visitandos infirmos diu noctûque semper promptus, & paratus, in adeundis carceribus, & Nosocomijs impiger, in au- diendis Confessionibus assiduus, in pauperibus, & plebeijs hominibus, qui- buscunque poterat auxilijs, & consilij adjuvandis, ac præcipuè in procuran- dis eleemosynis ad egenorum penuriam, & in ediam sublevandam valde in- dustrius. Fuit denique Vir omnibus boni, & ferventis *operarij* dotibus, & ornamentis egregiè instructus, & ubique ac semper publico bono promo- vendo, privatisque miserorum necessitatibus sublevandis intentus; multa sanè ille in pluribus Provinciæ nostræ Collegijs præclara egit cum laude, ac potissimùm in arduis, & periculosis *Missionibus*, in convertendis magno pla- nè numero hæreticis, in firmandis de fide dubitantibus, in peccatoribus ad meliorem frugem per seriam poenitudinem revocandis. Quæ tametsi om- nia suis dignissima sint amplioribus elogijs, prolixius tamen his enarrandis supersedere nos cogit ubertas, & copia eorum, quæ tribus vitæ suæ postremis temporibus *Olomucij* egit; ex quibus licebit de cæteris facilem facere conje- cturam. Cùm porrò declinante ad finem *Augusto* sensim per Urbem serpe- ret contagio, & iussi essent *Sacerdotes Nostri* scripto declarare, velléntne *abi- re Olomucio*, an manere in Collegio? & quinam velint exponi publicè ad servi- endum infectis? scripto testati sunt eorum aliquot, se perdurare paratos, & ad obedientiæ nutum etiam infectis adfuturos; inter hos cùm *P. Casparus* ge- nerosè, & absque limitatione ad suscipiendum tam laudatum charitatis mini- steri-

sterium se obtulisset, ardentibus ejus votis annuens *Superior*, providit, ut in *Urbe Domus* una aptè ad ejus habitationem accommodaretur, ad quam omnibus necessarijs instructam migravit è Collegio die 27. Augusti, Socius illi datus erat ex Alumnatu Ferdinando *Societatis Candidatus*, quem placuit DEO P. A. Z. inter manifesta, & quotidiana pericula incolumem hucusque servare, à quo pleraque, quæ hîc adscribam, tanquam ab oculato teste accepimus. Habitarunt hi duo in domo quadam Templo *S. Blasij* vicinâ, cujus inferiore parte plebeo homini relictâ, superiorem tenuerunt, appensâ ad fenestram campanulâ, per quam die nocteque possent ad infirmos evocari. Toto illo tempore, quo fuit expositus *Pater*, in Templo *S. Blasij* quotidie *Missam* fecit, Festis, & Dominicis ad populum frequentem dixit, excepit *Confessiones*, sacramque *Synaxin* distribuit; quin & quotidie finito Sacro dixit ad populum brevissimè, & subjunxit *Litanias* pro mitiganda peste, ac semel in mense defunctorum memoriam instituit. Non defuere oblocutores, qui hanc devotionem, seu potius populi ad eum affluxum, improbarent; solebat tamen *Socio* dicere: *Diabolum* non ferre eam pietatem, illo tamen vel invito continuandam. Multos enim numerare erat, qui quotidie in illo templo illi confiterentur, & ab eo sacrâ *Synaxi* reficerentur. Quam infectorum curam susceptam ita disposuit, ut primò quidem *Chirurgum* à *Senatu* pretio conductum ad serviendum pestiferis moneret, nè unquam, quoties eum ad infirmum vocari contingeret, idem sibi quoque indicare negligeret, nè bajuli, & vespillones ullum, à quocunque vocarentur, nisi se præmonito adirent. Constituit etiam per famosiores urbis plateas pios, & fideles *Vigiles*, ut diligenter attenderent, an quispiam, & ubi ægrotaret? quo nimirum certior factus ab ijs mox advolaret: unde factum, ut levissimo undecunque de cujuscumque infirmitate accepto indicio, statim ad illum se conferret. Quin imò ipse *speculatorem* agebat hac in re sancta curiosissimum, qui totis penè diebus per Urbem circumiens, & infirmos visitans, appensâ de collo *Crucifixi Imagine*, ut facilè dignosceretur, neque promiscuè in illum homines incurrerent, passim de *valetudinarijs* accuratè inquirebat. Quos verò malè affectos compererat, absque mora adibat sollicitè, & si non dabatur *per portam* ascensus, *per fenestras* identidem, non sinè incommodo, & interdum periculo intro scandebat, admonebat, confessionis, nec prius recedebat, quàm confessione exceptâ, & sacrâ *Synaxi* (quam semper in sinu secum gestabat) porrectâ, ad securè moriendum eos disposuisset. Incidit quandoque in quosdam rudiores, & magis obstinatos, qui sua confiteri aut nollent, aut mallent differre, quos ille nunc blandis, nunc durioribus verbis tam diu urgebat, donec acquiescerent. Et profuit nonnullis, ut ipse persuasum habuit, ad beatam æternitatem, pia hæc ejus importunitas, quando & molliores postea ad pias lacrymas, quàm prius ad sacram *Pœnitentiam* obstinatores, & lætiores ad mortem, quàm in

morbo tristiores eos experiebatur. Nec contentus uni soli profuisse, sed illo mortuo, monebat domesticos omnes, ut piaculari peccatorum confessione se contra ejusmodi malum munirent, aut ad similem mortem de manu DEI acceptandam præpararent. Quamcunque domum infectam ingrediebatur, Socio ante fores relicto, infirmum accedens eum eminus alloquens, confessionem ejus excipiebat, moxq; socio ad fenestram, vel ad portam dicente Confiteor, sacram hostiam porrigebat, vultu nonnihil ab infirmo averso, nè halitum ejus exciperet. Non rarò etiam moribundorum de tota vita confelsiones sæpius iteratas, constanter, & patienter admodum audiebat; & quamvis ut plurimum non diu apud infirmos haberet, si tamen eorum necessitas postulabat, etiam ad horam quandoque ipsis assisteat. Per diem obibat urbem totam, nec ullius infirmi domum præteribat, quin interrogaret de ejus statu, eumque accederet, & solaretur. Inclusos quoque in suis domibus frequenter adibat, multum sollicitus, nè ad victum necessaria illis deessent, habebatq; singularem pauperum, & afflictorum curam, quibus præter corrogatas frequenter Elemosynas, etiam ea, quæ ipsi vel à pijs, & honestis personis, vel certè à Collegio ad victum submittebantur, dispensabat, & præsertim quibus utpote melioribus, genium suum defraudabat, comuni ipse interea frugalitate contentus, eò quòd in tyrocinio, ut suo referebat Socio, aliquando didicisset *boles palato arridentes FESILLO relinquendos esse.* Inter hæc tamen pericula, & continuos labores maximè curabat, nè quidpiam à se fieret, vel ab alijs verè obijci posset, quod bono nomini Societatis Nostræ derogaret. Hinc Socio sæpius dixit, se contra calumnias Societati objectas debere virum ostendere, & nalle vitam perdere, quàm permittere, ut vel in minimo bonum nomen ejus labefactaretur; quod verò privatam suam personam concerneret, facilè dissimulabat contradictiones æmulatorum, & obtrektorum calumnias. Nihil agebat alicujus momenti, nisi consulto priùs per preces DEO, cui etiam minima quæque commendabat. Domi nunquam otiosus, modò ligna sursum comportabat, modò labore manuali tenebatur, modò accendebat focum, & cibos calefaciebat, magisque erat sollicitus, nè superflua sibi mitterentur, quàm nè deessent necessaria. Attentè semper invigilabat, nè socio aliquid sinistri accideret; hinc nunquam permisit illum propiùs ad infirmos accedere, vetuitque, nè ullum infectum, aut moribundum aspiceret, nè ex horrore veneni per faciem eorum perfusi, contagionem contraheret. Acer erat in vitijs redarguendis, nec verebatur ullius offensam, cum non personas, sed peccata invehivis zelo plenis damnaret; Nec rarò dictabat, se non posse ulli vitioso homini adulari, licèt aurum potabile sibi propinaret. *Arguam (inquiebat) malos omnes, & fortiter eos premam, donec convertantur.* Hoc me docuit Christus, qui noluit esse amicus Phariseorum: hoc me docuerunt SS. Patres, qui veriti non sunt, etiam Principibus malè agentibus in faciem resistere.

Et

*Et verò si hominibus tantum placerem, quomodo servus Christi verus dici merer? aut quid illi in Judicio responderem! Demum toto illo trium mensium, & ultra tempore, quo publicè infectis servivit, tam circumspèctè se gessit, tam laboriosè ministerium suum implevit, tantà cum charitate infirmis quibusque sese impendit, ut nemo justè de illo queri, aut verbum malum dicere potuerit, sed omnes indefatigabilem ejus charitatem sumis laudibus comendârint. A die 27. Augusti usquè ad undecimam Decembris, accuratissimè annotaverat, quidquid egisset toto illo tempore per singulos dies, quot, & quorum Confessiones excepisset, & comunicasset, à quibus elemosynas accepisset, & quibus distribuisset, & quot in alteram vitam comigrassent. Demum, cum supra quadringentas pestiferorum Confessiones excepisset, & morientibus ducentis, & ampliùs, opem attulisset extremam, jamque per urbem contagio mitesceret, tandem & ipse ab infecto afflatus, incurabile malum contraxit, id quod ipse futurum prædixerat Socio suo sub initia contagionis, asleverando: *satis multos hac occasione sepeliam, sed tandem & ego illos sequar, & alij me sepelient.* Die igitur 6. Decembris vocatus ad quendam peste afflatum, diu cum eo laboraverat, ut se disponderet ad confitendum, qui dilationem petens, & fortè rarò confiteri assuetus (audiebat enim passim *frigidus Catholicus*) cum Pater nollet cedere, & identidem urgeret jam manie proximum, ut ad mortem se more, ritùque catholico disponderet, ille sua, sub quibus æstuabat, excussit pulvinaria, & venenati sudoris nidore, halitùque pestilenti locum totum, in quo jacebat, implevit, Patrémque adstantem incurabiliter affecit. Domum itaque redux subito sensit venenum, idque adeò, ut foras per ardens, cordique ipsi imminens ulcus, à quo acriter urebatur, eruperit. Constituerat antea in omnem eventum medicinam, sed quæ imparata præsto non erat, cumque in vicem illius interim alteram *Chirurgus* porrigeret, ea ipsa fatali casu quodam, è manibus in terram decidit, reddita inutilis: cui etiamnum cum aliæ, & aliæ substituerentur, nullum tamen fortitæ sunt effectum, & nec sudoris guttulam exprimere potuerunt; inde factum ut ipse sibi vates extiterit, diemque sibi extremum, qui *S. Lucie* sacer erat, designârit. Interim verò, ut se ad mortem rite compararet, *Collegium* subintrans, uni ex nostris confessus est, & omnium precibus se comendavit, hoc unum insuper à *Concionatore* exposcens, ut proximè de suggestu omnibus suo nomine offensas omnes, & defectus à se commissos deprecaretur, eorumque pro se preces expeteret. Visitabat tum adhuc sic malè affectus decumbentes ex peste, nec se lecto affixit, nisi moriturus, multis etiam hoc ultimo tempore elemosynas distribuens, virulento ulcere scatentibus emplastra submittens, & more solito sua peragens, donec die 12. Mensis Decembris, naturâ succumbente domo ampliùs exire non potuit. Sub noctem cœpit sentire ultimos morbi aculeos, & graves pati mortis nuncias punctiones, in-*

ter quas *Breviarij pensum* (quod haftenus nunquam omiserat) magnâ cum difficultate persolvit. *Socium* ad se sæpius accedentem semper repulit, nè fortè inficeretur. *Serva te*, inquit, *& te conservet DEUS, cursum ego meum consummavi, consenui, jam mea peregi, libenter moriar.* Demum die 13. Decembris in festo S. *Lucie* surrexit è loco, fenestras, & portam cubiculi aperuit, seque rursus super strato componens, & *Socium* ad se rursus accedentem abire jubens, nè morientis halitum exciperet, suavissimè tam preciosam animam, quam pro aliorum salute, ut charitatem suam erga DEUM testaretur, posuerat, Creatori reddidit. Sparso mox rumore de morte ejus, ingens populi multitudo confluit ad domum, nulli tamen ad eum videndû datus est accessus. Dolebant omnes tam charum *Patrem*, totique urbi tam pretiosum *operarium* ereptum esse, præcipuè verò *pauperes*, & infimæ sortis plebeij, tantum Benefactorem, & Patronum se amisisse lamentabantur. Flebant plurimi, nemo non illi bene precabatur, omnes de illo, tanquam de Martyre, qui *posuisset animam pro amicis suis*, optimè loquebantur. Sepultus fuit à meridie in templo S. *Blasij*, præsentè frequentissimo populo, qui à loco non poterat avelli. Reverendissimus Dominus *Adamus Mauritius à Sternfels*, Cathedralis Ecclesiæ Canonicus, & Parochus ad S. *Mauritium* publicas fecit illi exequias, ad quas tota penè Civitas confluit, & quia interesse ob impedimenta publica non licuerat Civico Magistratui; is alteras illi *Exequias* in diem octavam indixit, quæ habitæ sunt in eodem templo solenniter.

1655.

*Lamach: a-
pud Plutar.
in Apoph:
ad Trajan.*

Hæc ad verbum ex *Collegij Annalibus* pro coronide tractationis hujus descripti; quam etsi prolixam, nihil dubitem profuturam ijs, qui sese sanctæ hujus *charitatis obsequio* devoverint, ut Ideam quandam, & œconomiam totius negotij animo comprehendant; ubique enim necessarius est rerum ordo, & quamvis vitam inter, & mortem luctentur ægroti, & perturbentur omnia, quodq; magnus ille *Dux Græciæ* dixit: *In bello bis peccare non liceat*, id longè veriùs in mortem transferri possit, quam non nisi *semel* obire possumus; est tamen aliquis arti locus, ut ordine, & ratione eam provinciam administremus, nè temere irruamus in periculum, nè simul omnia perturbatè agamus, nè quis malè latendo sinè pœnitentia moriatur &c. Scio præcepta plurima ab ijs tradita, qui ter, quaterve pestilentia expositi, periculum vitarunt; sed his recensendis alius aptior apud me servatur locus. Quod *Pestilentiam communem* attinet, postrema hæc fuit ad Annum usquè 1679. quo hæc scripsimus; utinam (cùm in vicinis *Provincijs* latè grassatur, totaque *Vienna* ardeat) *Catalogum* hunc *novorum Nominum* accessione augere non debeamus!

CAPUT VII.

Pestilentia Anni 1680. quot & quantos Viros in obsequio Pestiferorū ex Societ: nostra extinxerit.

AC profectò, ut timebatur, evēnit: nam An: mox sequenti 1680. in *Bohemiam*, cæterasque Regni Provincias sese infudit contagio, atque ut

plurimorum sensus fuit, in *Bohemia* sola plura quàm octoginta, *Pragæ* amplius quàm 25. millia mortalium absumsit; quo calamitosissimo tempore, *Patrum Nostrorum Charitas* toti Regno, ac *Pragæ* præcipuè (quod *Senatus testimonio* liquidissimè probari à nobis potest) eluxit; perinde ut in acie, *Legionem* aliquam fortiter pugnaſſe, vel inde conjicimus: si ex ea legione plurimos in loco prælij cecidiſſe, & adverso pectore exceptis vulneribus, eum quem ceperant locum, corporibus tegere videamus; reliqua, nè odium incurram, prætereo. Illud *unum Lectorem* moneo: nullum me nominaturum hoc loco, qui in Collegij umbra, haustâ fortuito aliquo eventu, vel occursu pestilentia sit extinctus; eos solos nominabo, qui exorata multis precibus à Majoribus suis, vitam prodigendi licentiâ, à cæteris separati, *Senatu Civitatis* salutato, domicilium aliquod, & victum ex publico (quanquam multis in locis, nè id Civitati grave foret, de Collegij demenso *Patres* vixerunt) habuerunt, & in luce totius Civitatis (ut omnibus constaret vocatos die noctuque adfore) huic sese ægrorum obsequio devoverunt, ac laboribus hisce, in speciem mæstissimis, sed in cælo gloriosis sponte iniori voluerunt. *Pragam* prius expediam: *Lazaretum* novâ voce, & novo apud Bohemos exemplo vocabant *Domum* in quam peste contactos evehebant ex Urbe tanto numero, ut per sæpe 700. 800. 900. censerentur, neque locus esset, quo ponerentur, cum velut manipuli, aut fascies segetum in agris, misere jacerent. Hanc *Domum* ab initio usquè ad finem, id est ab *Octobri* anni superioris usquè ad Anni 1680. *Novembrem* sine intermissione cum Medicis & Chirurgis delectis, *Patres nostri* procuravère sacris, atque uno aliquo ex Nostris extincto, alius semper & alius Sacerdos noster advolavit succedaneus in obsequium Charitatis. Idem præstitum in *Antiqua Urbe Pragensi* in *Domo Collegij Clementini* è regione Ecclesiæ S. *Ægidij*, non procul à *Bethlehem*, unde in totam Urbem evocabantur. *Tertia statio*, & quidam Coelestium Vigiliarum locus, in *Vineis* ad *Pragam* constitutus erat, & servabatur à Nostris, ubi omnibus humanis perinde, ac divinis solatijs destituti Mortales, pauperes pleriq; & egentissimi, nisi auxilia tã è penu, quàm è *Pharmacopeo Collegij* sepe subministrata fuissent, jam perierant. *Quartam stationem* fixerant Nostri apud *Milites*, qui extra Urbem in *majori Insula*, quam *Muldava fluvius* efficit, tuguriolis exstructis degebant. *Quinta statio* in *Minore Urbe Pragensi* in *Scholarum* (quæ clausæ jam erant) *Domo*; ubi duo in victimam Charitatis gloriosè cecidère, novis semper in eorum locum suffectis; tertius (XI. Augusti) eodem malo afflatus, & tertium erumpentibus bubonibus prostratus, vix tandem in *Februario* anni 1681. convaluit. quid omnibus his præstitum sit à Nostis, qui revaluère superstites loquantur; at ægri vicissim, quantumcunque nollept, pestem suis Patribus inhalabant. *Primus*, qui in hac arena Lazaretana cecidit (licet primus non descenderit) fuit *P. Christophorus Heisler* Vir ardentissi-

- mæ in animarum obsequium charitatis 3. Martij Mensis A. 1680. extinctus; mira quædam in ejus morte evenisse scio, sed vulgare tam arcana non expedit. Hunc ex *Bethleemitica Domo* (sic in posterum appellabo *Domum*, quam in secunda statione posueram) secutus est 14. Aprilis P. *Joannes Jordan* strenuus in agris ad mortem comparandis Sacerdos. At in *Lazareto* rursus ad 10. Aprilis, mortem apud ægrotos invenit P. *Michael Pohl* Vir egregie cordatus, qui (perinde ut P. *Jordan*) ob animi omnia vitæ pericula contemnentis excellentiam compluribus annis in Exercitu Cæsareo Militibus operam in sacris comodarat suam. Brevi post 21. Aprilis P. *Adamus Richtig* in *Lazareti* obsequio vitam posuit; sed vix bene aggesto ejus Tumulo in eadem *Lazaretana Domo* peste contracta elatus est 29. Aprilis *Adamus Scultetus* Laicus frater, quod pharmaca peritè miscere nosset, nuper ad eam operam præstandam à *Lazaretanis Præfectis* peculiariter à Collegij Clementini Rectore impetratus. Jam pestis quæ ut ignis alimentum poscit, P. *Mathaum Bohdalovsky* naviter in *Domo ad Bethleem* laborantem crudelem in modum aggressa ad 22. Maij confecit, & deturbavit de vita. Non multo interjecto tempore P. *Siméon Spanberger* ad 9. Junij succedanea hostia in *Lazareto* procubuit, qui ex Universitatis Carolo-Ferdinandæ Professore, & Theologiæ Doctore, hanc sibi coelo gratiorem Spartam à Majoribus nostris impetraverat; prætereo Viri magni Encomia, quæ paginas implerent. Mortem P. *Simonis* excepit tertio post die mors æquè gloriosa P. *Joannis Weleba* 9. Junij, qui labores suos itidem in *Lazaretana Domo* finivit. Jam in *Nova Civitate Pragensi* etsi publicè *Nostris* expositi ad pestiferorum obsequium non erant (propterea quod alius Ordo Religiosissimus eam sibi demandari Provinciam à Senatu petijisset) Sociorum tamen charitas unius Collegij angustijs contineri non poterat in comuni Civitatis periculo, quin foras ad ægrotos erumperent, præsertim cum diebus, & noctibus evocarentur, adeò ut totum *Novæ Civitatis Collegium*, ad obsequia pestiferorum apertum staret, ac perpetim pro morientibus vigilaret. Ex hoc numero P. *Martinus Chitrecius* jam pridem circumcursans, & domatim, non modò ostiatim quærens ægrotantes, tandem & ipse veneno afflatus 19. Junij vivere desijt. Scholas quoq; in *Minore Urbe Pragensi* (quas quintam stationem *Nostrorum* fuisse dixeram) funestavit Libitina, 22. Junij sublato peste P. *Christiano Ottone*, qui strenuam operam ægrotis navaverat. En novum iterum in *Bethleemitica Domo* tanus, P. *Joannes Spanberger* (notum totâ Urbe Pragensi nomen) multis jam annis nocturnus & diurnus per tuguria Pauperum circumcursator, qui ab initio hujus calamitatis jam octo mensibus indefesso studio sacris procurabat morientes; concidit 26. Junij pestilentia iactus, maximo sui desiderio apud omnes relicto. Parem Victimam ex *Lazaretana Domo* 8. Julij mors exiit vitâ, P. *Antonium Hoffman*, qui primus *Lazaretum* subierat, eamque domum ab Octobri anni superioris ad hoc tem-

tempus diligentissime procurarat, ut in hoc uno Patre & promumcondum, & Praefectum, & Oeconomum, & Sacerdotem, *Domus illa* agrorum plenissima amiserit. Regnabant in *Patris Antonij* misero corpore jam pridem varij morbi, quibus inter se, & adversus *pestem* pugnantibus, factum videtur, nè tam citò, ac decimo primùm obsequij sui mense sterneretur. *Quinta in statione P. Joannem Rungen* ad XI. Julij extinctum minor *Praga* luxit, cui nè Socius, qui comes ante periculum fuerat, deesset, idem comes mortis fuit *Fridericus Peil* Coadjutor Laicus contractâ apud morientes peste eodem die vitâ defunctus. *Quartam* quoque *Stationem in Insula Muldava* pestis invasit, multosque ibi egregios bello Milites, ac novissimè Nostrum quoque *P. Joannem Victorinum* veteranum illius Legionis in sacris rebus *Curatorem* peremit, quem inter scloporum plausus cum lacrymis Milites humaverunt. 13. Augusti dies funesto obitu *P. Rudolphi Kosstial* consignatur; is non exiguo tempore ad *Tuchomericium, & Okorç*, atque in ipso *Pragæ* aspectu peste morientibus serviens, ingenti ex animis proximorum reportato cœlesti fructu, tandem Urbicis accedens laboribus, *Pragæ* idem *premium* diu exoptatæ mortis invenit. *Vineas* (quæ *tertia statio* Nostrorum hominum fuit) post exanthlatos labores plurimos, postquam pondus diei, noctes, & æstus ægrotantium superasset, morte charitatis consecravit ad 15. Augusti diem *P. Adamus Gayer*, qui Patriæ suæ (utpote domo *Pragensis*) quam acceperat, vitam rependit. Per id tempus quoque (25. Augusti) abiit, quò sua illum merita vocabant in cœlum *P. Mathias Vierius*, qui in *Nova Civitate Pragensi* peste prostratis pridem sese devoverat. Nimis prolixum foret Viri sanctimoniâ, quæ alio describitur loco, hîc intempestivè oggerere. Ante annos aliquot edito ad *S. Franciscum Xaverium Indiarum Apostolum Voto*, cùm sanitatem recepisset, alio statim sese illigavit voto, *pestiferis serviendi*, quod *Pragæ* moriens explevit; longum *Oppaviâ* usquè *Pragam* iter pedibus emensus. *Pragensibus* accenferi potest, qui in *Pragensis Collegij ditione Libiefficij* ad pagum *Koblitz* in tuguriolo quodam (quod ipse sibi construxerat) totam illam *viciniam* percurrens ad sacra ægrotis ministranda, 27. Julij decessit *Pater Martinus Langer*, omni præter id quod è cœlo venit, solatio destitutus.

Jam ad eos aliquando veniamus, qui errante per omnes Regni Provincias pestilentia, extra *Pragam* in Urbibus ubi domicilium Societas fixit, *publicè & spontè* (ut Urbi toti & ægrotis omnibus constaret) in ministerium pestiferorum obrulère se morti: *Glacium* populo frequentissimam Urbem horrida pestis invasit, primus *P. Godefridus Neinachbar*, postquam ægrotorum plurium animas misisset ad cœlum, 22. Maij 1680. succubuit peste correptus; ejus successor ibidem ad 20. Junij *P. Joannes Krebs*, & rursus pauculis interjectis diebus (27. Junij) *P. Ignatius Kunech*, & post eum Coadjutor noster Laicus, qui se Patribus ex Majorum voluntate Socium addebat, *Henricus*

24. *Erb* (24. Julij) sunt extincti. Diem 7. Augusti fatalem habuit Vir maximæ
Charitatis P. *Martinus Greüßing*, cujus memoria hodièque (ut olim Brunæ)
25. in benedictione est. Recrudescente iterum malo *Glacij*, uno eodémque
26. die 20. Augusti duo Viri magnanimi P. *Andreas Khuen*, & P. *Andreas Fisch-*
bach in eodem obsequio conciderunt; his succedere alij Patres, at peste pau-
latim mitesciente in vita sunt servati.

Residentia Beatissimæ DEI Matris in Monte Sancto, tres industrios, &
amplissimæ charitatis Sacerdotes, qui sese pestiferorum obsequijs per totam
27. illam *Regionem* latè devoverant amisit: primus P. *Christophorus Lupius* peri-
28. culorum omnium jam pridem contemtor 9. Julij, alter P. *Martinus Tonner*
29. 13. Mensis ejusdem, tertius ipse loci Superior, ut vocamus, P. *Melchior Mau-*
ritz conciderunt.

Hradistium Moraviæ Civitas inter munitiores
semper habita pesti hoc anno patuit 13. Augusti, qui se obtulerat Morti succu-
buit P. *Fridericus Baltzar*, P. *Friderico* peste, quod constabat inter omnes
30. ægrotanti, summa charitate deserviens *Nicolaus Nigrinus Soc: nostræ Coadjutor*
31. eandem pestem in se quoque transtulit; hostardè secutus P. *Michaël Kame-*
32. *niczky* multorum salute procuratâ 18. Septembris diem clausit extremum.

Kuttenberga in Bohemia Urbs notissima aliquot nostros Patres hoc ipso anno
confecit, quos scilicet comune periculum comoverat, ut caput suum pro sa-
lute proximi devoverent: agmen laborantium, & postea morientium duxit
33. P. *Wenceslaus Tatyrek* 10. Septembris in mortuus Charitati; succedaneus P. *Ge-*
34. *orgius Czapek* 18. Mensis ejusdem laborum suorum cursum consumavit; ter-
35. tius nihil priorum morte exterritus in arenam descendit P. *Foannes Perger*,
multisq; periculis superatis ad extremum impar luctæ, quam tot Mortes offe-
rebant, superatus die 2. Mensis Octobr. discessit è vita. Quartus Apostolicis
36. Missionibus totâ illâ Bohemiæ parte notissimus senex P. *Fridericus Bridelius*
præclarâ morientibus operâ navatâ & ipse malo contactus succubuit ad 15.
Mensis Octobris.

Znoyma duos ex Patribus nostris ad cælum, ut piè
speramus, misit, egrotorum saluti prospicientes, venenum in audiendis Con-
fessionibus hausit P. *Foannes Fridel*, dièque sexto extinctus est; at P. *Adamus*
37. *Klos* ibidem *Znoymæ* cum se obsequio peste infectorum devovisset, vel eo
38. nomine commemorandus videtur, quod ex universa Provincia Bohemiæ pri-
mus vitam pro animabus DEO in morte lucrandis posuerit, cum nullum an-
te se, nisi superioribus annis, haberet exemplum, mortuus die incerto Men-
sis, cum maxima in ea Urbe Societatis nostræ commendatione. Peculiarem
39. sibi vendicat locum P. *Carolus Goliass*, qui *Gimramovij* apud Moravos in Mis-
sione diversans, ut hæreticos (quorum ibi nidus est) Ecclesiæ, quâ posset ope
restitueret, subito peste ingruente, quanquam remanendi nullam necessita-
tem haberet, constitit in gradu, ac nè ex Pastore temporaneo, *Mercenarium*
se faceret, qui viso lupo fugit, omnibus peste contactis copiam sui fecit, egro-

ros ultro adivit, plurimos in morte DEO & Ecclesiæ adjunxit, ac tandem & ipse haustâ peste oviculas suas morientes, moriens est secutus. *P. Joannem Worzissek* Discipulum quondam in Rhetoricis meum præterire silentio non possum: *Gitzini* cum se illius loci Decano *D. Wenceslao Czervenka* Viro patriæ & omnis evi historiæ scientissimo (qui ab initio pestilentie ad finem usque Civitati ægrotæ impendit sese) adiutorem de Superiorum licentia se addidisset, paucissimis diebus absumentus est.

40.

Haftenus Nomina eorum, qui publice ad obsequium pestiferorum expositi, velut ultroneæ *Victimæ Charitatis* ceciderunt hoc Anno. Augeri potest hic numerus, si eos addamus, qui non quidem ad id electi, neque ab alijs separati, egros sacris procurabant, sed vel in audiendis Confessionibus (quod munus eo tempore hominem reposcebat intrepidum, & pro animarum salute mori paratum) contraxere Pestilentiam, vel cum Nostri in Collegio ex peste ægrotantibus, ministrarent, malum sibi & mortem arcessiverunt, quos præconio charitatis fraudare, eisque præmia in cælo denegare, prorsus foret indignum. Ex primo genere habemus *P. Wenceslaum Czeličsky* qui postquam toto contagionis tempore in *Ecclesia Collegij Clementini Pragæ* promiscuè omnis ætatis, & conditionis hominibus, sanis æquè & ægrotis, & peste affectis, confitentibus aures dedisset, 30. Junij simili quoque morbo conflictatus occubuit; talis etiam in *minore Praga Professorum in Domo P. Tobias Kolczava*, qui impetratâ à Majoribus, serviendi pestiferis facultate, mortem aliorum operiens, ut succedere posset, atque interim in *Ecclesia domus Professæ* nullo discrimine Confessiones excipiens afflatus, 18. Julij elatus est; simili in causa Confessionum, occumbentes habemus *Znoymæ P. Henricum Pentz*, (xi. Septemb:) *Chomotovij P. Christophorum Tschappe* ad 13. Septembris; qui postremus deliberante Collegij Rectore, quem ad *Domum infectam* pestilentiam mitteret, obtulit sese, ac mox ab alijs ex Collegio separatus, tertiâ post die ex pestilenti ulcere decelsit; talem *Hradistienſe Collegium* habet *P. Zachariam Strniſſtie* 25. Septembris defunctum. Ex illo secundo genere, qui se Nostrorum peste ægrotantium servitijs addixerunt, habet *Collegium Clementinum Balthasarem Clement Laicum*, Valetudinarij Domestici *Præfectum* (*Infirmarium* vocamus) qui pro suo munere, Patribus peste contactis diligentissimè & religiosissimè servivit, ac 16. Julij obsequium suum morte conclusit, alio rursus Laico succedente, cui *Joanni Planka* nomen, qui 1. Augusti peste contactus expiravit. Quid si jam eos adducere velim, qui postquam sese publice, ut nemini non constaret, aut in *LaZaretana Domo*, aut alibi in *stationibus* publicis obsequio pestiferorum devoverunt, tamen singulari DEI beneficio in vita servari, hodièque persistunt? aut Carbunculis & Bufonibus, vel quocunq; alio nomine appelles, excisis, gloriosas cicatrices ostentare possunt, aut etiam nullo hujusmodi vulnere consignati hodièq; perdurant? tales olim

41.

42.

43.

44.

45.

46.

47.

ante hanc proximam pestem fuere *P. Mathæus Scultetus, P. Hubatius, P. Halcicus, P. Tercotius, P. Breitenberger, P. Krnovsky*, aliique plurimi: ex quibus nonnulli semel, alij iterum ac tertio pestilentia contactis fervientes malo correpti non sunt; at in proxima Pestilitate, qui servati sint, eorum non parvus est inter Patres numerus; *Pragæ octoni*, alijs in Collegijs propè totidem numerantur; sed nominari se, & in lucem nomina sua protrahi pro modestia sua nunquam patientur. Concidat igitur aliquando vanissima illa hominum malevolorum, qui rebus non adfuere, calumnia, quæ *Peste Pragæ* regnante, Nostrisq; Patribus tum maxime comorientibus proximo, sparsa fuit: *nostros Patres Collegium vacuum reliquisse, atq; ad tutiora profugisse?* quid enim magis faciendum erat, quàm non necessarios, præsertim Juventutem religiosam periculo eximere, qui *præsentes* nihil publicè proderent, *absentes* fervarentur? at interim in Collegio retinere, qui in procinctu starent in horas parati, ut vel uno, ex socijs in *Lazareto* alibiq; cadente, protinus succederent, onusq; in se reciperent, quod semper factum meminimus nullo unquã admissio hiatu; adeò neq; ob multitudinẽ adhiberi potuerunt obsequijs, qui sese devoverant; sed nimirum, ut ait Syrus, *pejorem in partem strenua semper suspicio est*; porro quid *Calumnia* magno illo suo & scabioso ore loquatur, minimè curandum; maledicta benefactis optimè superantur: quid atrocius spargi in populũ potuit, quàm quod de Collegio nostro *Pragensi*, ante annos non amplius viginti & quatuor, publicis libellis, & Novorum Chartis, Typis expressis vulgatum legēbamus: *magnam Collegij Pragensis partem* (præcipui Patres nomine quisq; suo appellabantur) *Dresdam* ad hæreticos profugisse, *plateas ibi otiosè inambulare, Consistoriales illic loci valde sollicitos esse, an credi hominibus istiusmodi possit, & ubi tanta turba fugitivorum Jesuitarum accommodari?* præsertim cum plures adhuc *Pragæ* fugientes expectentur; hoc tamen injuriosum mendaciũ vel tacentibus Nobis, sponte, & Tempore ipso (cujus apud Græcos *filia Veritas* est) expiravit; quamvis calumniam hanc postea, testimonio *Pragensis Civitatis, ac Senatûs Crusius* noster in Apologi suis adversus *F. Romanum* iugularit. Sed illuc, unde discessi revertor, Summa eorum omnium qui in obsequio Charitatis ceciderunt mortui, omnibus pestilentia in *Bohemia, Moravia, & Silesia* annis, conficit numerum centesimum duodecimum. Quærent alij, cur *tantis Heroibus*, qui se in Victimæ Charitatis obtulerunt, *Elogia vitæ* non addiderim, & laudationes meritas omiserim? respondeo: suis temporibus ac locis hæc non defutura; divinius Elogium nullum esse potest, quàm quod divino Christi D. ore prolutum in Evangelio habemus: *Majorem hæc*


Joan. 14. v.
13.

Charitatem nemo habet, ut animam suam ponat quis pro Amicis suis.

A M E N.



Id-
ous
or-
us
u-
tia
ni-
n-
ro-
m
o-
n-
i,
q;
u;
t;
ò
n;
o-
&
e-
q;
u-
f-
m
ú
i-
i-
a-
o
r
i,
n
as
d



364 lat

4 km / 24 —



Biblioteka Jagiellońska



stdr0026790

